


Amber

ভারতবর্ষাধিকার
হিন্দুস্তান প্রেস
কলিকতা

১৯৩৩] কার্তিক মাস ১২৭২ সাল [১০, ১১]



বিবরণ	পত্র	বিষয়
ভারতবর্ষাধিকার	৩৮৫	৬। ভারতচন্দ্র রায়ের রচনা
হিন্দুস্তান প্রেস	৩৯৬	৭। পিঞ্জরের বিহঙ্গ...
কলিকতা	৪০৯	৮। সমালোচনা ...
	৪১০	৯। বিবিধ ...

বিগত বর্ষে, রাজনীতি
এবং পাকিস্তানে
ছিল।
বিগত বর্ষে, রাজনীতি
রূপ প্রস্তাব নিধিত হয় নাই।
রাজকীয় কার্য ও শাসন প্রণালীর
লোচনা ও আন্দোলন করা যাইবে
বিশুদ্ধ সাহিত্য প্রচার করাই আমা-
দের এই পত্রিকার প্রধান উদ্দেশ্য।

হালিসহর পত্রিকা।

(পাঞ্জিক পত্রিকা।)

২য় খণ্ড] বৈশাখ মন ১২৭৯ মাল, [১ম সংখ্যা

নূতন বৎসর।

হালিসহর পত্রিকা জগদীশ্বরের অনু-
গ্রহে একবর্ষ কাল অতিক্রম করিল।
এই পত্রিকার প্রতিবন্ধকতা ও দুর্ঘটনা
বশতঃ সময়ে শৃঙ্খলা ও নিয়ম
লঙ্ঘিত হইয়া পাঠকদিগের বিরক্তি
উৎপাদন করিয়াছে, বর্তমান বৈশাখ
মাস ৭৯ শকের সঙ্গে সঙ্গে আমাদের
এই পত্রিকারও দ্বিতীয়বর্ষ আরম্ভ হইল,
বিগত বর্ষে মাসিকরূপে প্রচারিত হইত,
এবর্ষে পাঞ্জিকরূপে প্রচারিত হইতে
চলিল।

বিগত বর্ষে, রাজনীতি বিষয়ে কোন
রূপ প্রস্তাব লিখিত হয় নাই। এবর্ষে
রাজকীয় কার্য ও শাসন প্রণালীর সমা-
লোচনা ও আন্দোলন করা যাইবেক।
বিশুদ্ধ সাহিত্য প্রচার করাই আমা-
দের এই পত্রিকার প্রধান উদ্দেশ্য।

নূতন ক্রমোন্নতি প্রাপ্ত-দেশে বিদ্যার
চর্চা হইতে আরম্ভ হইলে প্রথমে, সা-
হিত্য, তৎপরে, ইতিহাস, ভূগোল,
ধর্মনীতি, দর্শন, গণিত, বিজ্ঞান, কলা-
শাস্ত্র, শিল্প, রাজনীতি ধনতন্ত্র, যুদ্ধ
বিজ্ঞান প্রভৃতি, ক্রমশঃ আহুপূর্বক
প্রকাশিত হইতে থাকে।

ভারতবর্ষ যদিও কোন কালে বিদ্যা-
ন্নতির উচ্চতম সোপান পর্য্যন্ত উখিত
হইয়াছিল, কিন্তু বঙ্গদেশে কোন সময়েই
সেই ভারতীয় বিদ্যার পূর্ব জ্যোতির
প্রতিবিস্ম পতিত হয় নাই, বঙ্গদে-
শের এই নবোন্নতি বলিতে হইবেক।
বিদ্যার বিধে এপর্য্যন্ত বঙ্গদেশ সাহি-
ত্যের সীমা অতিক্রম করিতে পারে নাই
এতকাল বাঙ্গালাতে অতি লঘুভাবে সাহি-
ত্য সকল প্রচলিত হইয়া আসিয়াছে,
প্রগাঢ় উৎকৃষ্ট সাহিত্যের হ্রস্বপাত-
মাত্র দৃষ্ট হইতেছে।

আজ সকলতার তুঙ্গ ভূমিতে আরোহণ করিয়াছে
মাধ্যমতোর শাস্ত্র স্বরূপকে দর্শন করিয়াছেন,
ব্যস্তির মধ্যে সমষ্টি, বহুর মধ্যে একিক্যর সহ
আদর্শকে ভাগীরথী-ধারার জায় মর্ত্যে আবার
শত শত নামস্কার।

হে বাণীর বরপুত্র, হে বিশ্ববরণ্য
স্বরভি-শাস, কবি-কেবিদের ধীর অভ্যন্তরে
আনন্দের প্রাঙ্গন আভাস, সেই শঙ্কর বিশ্বস্তুর
করুন; যদি ভদ্রং তদ ব আ সুবতু; আর, স বে
॥ ৩ ॥

কলিকাতা

বঙ্গাব্দ ১৩৩৮, ১১ই পৌষ।

বাঙ্গালী সাহিত্যের বিশেষ ভ্রুটি এই, এপর্যন্ত তাহাতে বিশেষ ওজো-গুণ-বিশিষ্ট বাক্যাবলি অধিক লক্ষিত হয় না। এতদভাব পরিহার বিষয়ে আমাদের বিশেষ যত্ন ও আশা কতদূর ফলবতী হয়, বলিতে পারি না।

সংস্কৃত ভাষার চর্চা, বাঙ্গালার আর একটি উন্নতির প্রধানোপায় স্বীকার করিতে হইবেক। প্রয়োজনানুসারে উৎকৃষ্ট উৎকৃষ্ট সংস্কৃত কাব্য, পুরাণ, দর্শনাদির অনুবাদ ও সমালোচনা করা যাইবেক। পাঠক বর্গের উৎসাহ ও হিতৈষিতার উপর আমাদের সমুদয় আশা ভরসা নির্ভর করিতেছে।

এস্থলে ইহাও স্বী-কর্তব্য যে শ্রীযুক্ত বাবু হরিশচন্দ্র দে মহাশয়ের আনুকূল্যে ও উৎসাহে আমাদের এই পত্রিকা এত দিন নিরাপদে প্রচারিত হইয়া আসিতেছে।

দেশীয় বিচারকগণ ও নূতন দণ্ড-বিধি বিচার আইন।

আমাদের গভর্নমেন্ট নেটিভদের নিকট স্বজাতীয় গৌরব রক্ষার নিমিত্ত নূতন এক আইন বিধিবদ্ধ করিয়াছেন। এই আইনের মর্মানুসারে সক্ষমতায় দেশীয় বিচারকগণ ইউরোপীয় লোকদিগের দণ্ডবিধির বিচার করিতে পারিবেন।

এই আইনের দ্বারা ইংরাজদিগের দ্বিধি স্বার্থের পথ পরিষ্কৃত দেখা যাইতেছে।

প্রথম—কোন হুরাচার ইংরাজ পশু-বৎ কি রাক্ষস শিশাচ সদৃশ, কোনদিক্ত

কার্য করিলে, স্বজাতীয় লোকের বিচারে অপেক্ষাকৃত আশঙ্কা “অতি অল্প” এরূপ আশা করিতে পারে। মনুষ্য যতই কেন পক্ষপাতহীন হউকনা, দেশীয় কি স্বজাতীয় লোকের দুঃখ সম্ভাবনা স্থলে সংপূর্ণ কঠোর হৃদয় হইতে পারেনা। বিশেষতঃ ইংরাজেরা কিঞ্চিৎ লাভের উদ্দেশ্যে এত সমুদয় অতিক্রম করিয়া প্রায় অর্দ্ধ পৃথিবী দূরে আসিয়া কাল যাপন করিতেছেন, এরূপ অবস্থায় যে স্বদেশীয় ও স্বজাতীয় লোকের প্রতি তাঁহাদের অধিক স্নেহ মমতা পাত জন্মিবে বলা বাহুল্য।

সম্প্রতি রাজপুরুষেরা প্রতি নানা বিষয়ে সন্দেহান এবং প্রাণ পণে সতর্কতার দৃষ্টি, যত্ন করিতেছেন, শতাব্দিক বৎসরে পরম্পরে যে যৎকিঞ্চিৎ সমবেদনা জন্মিয়াছিল তাহা বিশেষ বিশেষ দৈবী বিলুপ্ত হইয়া যাইতেছে।

দ্বিতীয়—ইংরাজেরা জেতা এদেশীয়েরা জিত। জিতলোকেরা জেতু বর্গের দণ্ডবিধির বিচার করিবেন, ইহা জেতাদিগের নিতান্ত অসহ্য। ক্ষমতা ও অপ্রতিহত বাহুবল সত্ত্বে ইহারা কেন এত দূর মান হানিকর লাঘব স্বীকার করিবেন? ব্রিটিশ গভর্নমেন্টের পূর্বকৃত আইন দ্বারা স্বকীয় স্বার্থ সাধনের সহিত অনেক রাজনীতি সঞ্চয়ী স্নেহাংশল দৃষ্টি হইত, এখন আর তাঁহাদের সে দিন নাই, বিশেষতঃ দেশীয়দের ও সেই রূপ জড় অবস্থা নাই। এখন একটা আইন প্রচারিত হইলেই দেশী

য়েরা তাহার তাৎপর্যের অভ্যন্তর দেশ পর্যন্ত প্রবেশ করিয়া সমালোচনা করিতে থাকে।

এই আইনটী দ্বারা দেশীয়দের প্রতি সন্দেহ ও আশঙ্কা ভিন্ন আর কিছুই প্রকাশ পায়না। রাজপুরুষেরা প্রজাবর্গের প্রতি সামান্য সামান্য কারণে অথবা নিষ্কারণে সর্বদা এরূপ সন্দেহান হইতে থাকিলে প্রজাদিগের যাহা যৎকিঞ্চিৎ রাজ ভক্তি আছে তাহাও বিলুপ্ত হইবে এবং সকলবিষয়ে সন্দেহ

রাজ পুরুষ ও প্রজাবর্গের মধ্য পর এরূপ সন্দেহ ও বিদ্বেষ প্রচার বিশেষ অশান্তি ও সম্ভাবনা অনুমিত হইতেছে। রাজপুরুষেরা যে সকলেই

একবারে স্বার্থান্বিতা বশতঃ জ্ঞানশূন্য হইয়া পড়িয়াছেন, এরূপ নহে। তুই

ন্যায়পরতার অনুরোধে তপক্ষে পোষকতা করিয়া, আমাদের ধর্মাবাদ ভাজন হইয়াছেন। ইলিস সাহেব বলেন “এদেশীয় কভেনেন্টেড সিভিল সার্ভেন্ট দিগকে এই ক্ষমতা না দেওয়া অত্যন্ত অন্যায়, কারণ তাঁহারা, বিদ্যা বুদ্ধি ও বিলাত-বাস জন্ম অভিজ্ঞতা দ্বারা সম্পূর্ণ রূপে সেই ভার বহন করিতে সক্ষম হইয়াছেন এদেশে এই ক্ষণচারিজন মাত্র নেটিভ সিভিলিয়ান আছেন, তাঁহাদিগকে এই ক্ষমতাদিলে বিশেষ ক্ষতির সম্ভাবনা নাই। বিশেষতঃ তাহার সংখ্যা অতি অল্প, ভবিষ্যতে হাইকোর্টে আসিয়া যে ক্ষমতা পরিচালন করিতে হইবে, এই ক্ষণ মাজি

স্ট্রেট ও সেমসন জজের পদস্থ হইয়া সেই সকল ক্ষমতার মূল স্বত্র হইতে বঞ্চিত থাকি নিতান্ত পক্ষপাতের বিষয়।

ধর্মাবাদ-ভাজন ইলিস সাহেব সংখ্যার অল্পতাতে ভীত হন না, অধিক সংখ্যক দেশীয় সিভিলিয়ান দেখিলে ইলিস সাহেবের এরূপ মত হইত কিনা বলা যায় না, যাহা হউক তিনি যে স্বজাতীয় চক্ষুর্লজ্জা ত্যাগ করিয়া এরূপ বলিয়াছেন, তাহা তেই তাঁহার নিকট চিরকালের নিমিত্ত ধনী থাকা উচিত।

কমান্ডার ইন্ চিফ সাহেব, লর্ড সাহেব, ও মর রিচার্ড টেম্পল সাহেব, এ বিষয়ে অনুমোদন করেন।

কমান্ডার ইন্ চিফ বলেন, যে সকল ব্যক্তি ইউরোপ যাইয়া পরীক্ষাতীর্ণ হইয়াছে, তাহাদের হস্তে এই ক্ষমতা অর্পন করা উচিত। কারণ তাহারা অনেক কষ্টে অর্থব্যয় ও পরিশ্রম স্বীকার পূর্বক ইংলণ্ড যাইয়া বিলক্ষণরূপে ইংরাজ দিগের সহিত সহবাসে তাহাদের রীতিনীতি ও আচার ব্যবহার অবগত হইয়াছে।” বাঙ্গালীরা শিশুকাল হইতে ইংরাজি ভাষার সঙ্গে সঙ্গে ইংরাজ-জাতির ধর্ম আচার ব্যবহার সমুদয় শিক্ষা করিয়া থাকে, দেশীয় বেশ পরিচ্ছদের পরিবর্তে ইংরাজি বেশ পরিচ্ছদের প্রতি আদর প্রকাশ করে, নিজ দেশের বিষয় কিছুই অবগত হইতে পারেনা, বিলাতের বিষয় ইতিহাস নভেল প্রভৃতির দ্বারা অধিক শিক্ষিত হইয়া থাকে, বিলাত যাওয়ার আর অপেক্ষা করেনা, বাঙ্গালীদের মধ্যে

যাহারাসাহেবী আচার ব্যবহার ও ভাষা অবগত নহে, তাহারা আপনাকে আপনি হুর্ভাগা মনে করে।

সাহেবেরা যদি বাঙ্গলা ভাষা না শিখিয়া এবং বাঙ্গালীদের কোন বৃত্তান্ত অবগত না হইয়া তাহাদের বিচারকতার উপযুক্ত হইতে পারে, তবে বাঙ্গালীরা কি প্রাণ পণে এত সাহেবী অনুকরণ করিয়া ও এত সাহেবী বিষয় অবগত হইয়া তাহাদের বিচারে সক্ষম হইবেনা? বড় আশ্চর্যের বিষয়!।

আজ কাল এদেশে কৃতবিদ্যাদিগের মধ্যে বিলাতি আচার ব্যবহারের স্রোত এত প্রবাহিত হইতেছে যে, শুদ্ধ রীতি নীতি শিক্ষার নিমিত্ত আর ইংলণ্ড যাওয়ার প্রয়োজন করে না। গভর্নর সাহেব বলেন “বাঙ্গালীরা যখন রাজধানীতে চমৎকার ও পটুরূপে ইংরাজ দিগের উপর বিচার করিয়া আসিতেছে, তখন সুশিক্ষিত দেশীয় সিভিলিয়ানদিগের হস্তে সেই সেই ক্ষমতা মফঃস্বলে না দেওয়ার কোন বিশেষ কারণ লক্ষিত হইতেছে না”।

মফঃস্বলের অবস্থা আর পূর্বের মত নাই, স্ততরাং এবিধে তাহাদের সম্পূর্ণ মত আছে। আক্ষেপের বিষয় এই ও রূপ ব্যক্তির মত কেবল বাক্যে মাত্র পরিণত হইল।

টেম্পল সাহেব বলেন, “যখন বাঙ্গালীরা উচ্চপদাভিষিক্ত হইয়াছে তাহাদের সমান পদস্থ ইউরোপীয় দিগের সহিত ক্ষমতা বিষয়ে প্রভেদ রাখা অনায়াস” এই কয়েক ব্যক্তি আমাদের সম্পূর্ণ পোষ-

কতা করিয়াছেন, ফল, যেরূপই হউক, তাঁহাদের সদভিপ্রায়ের জন্য আমরা চিরকৃতজ্ঞতা স্বীকার করিতেছি।

মোগলদিগের সময়ে দুই চারি জন হিন্দু উচ্চপদস্থ না হইয়াছিলেন এমন নয়, তাঁহারা সর্বদা সমভাবে ভারতবর্ষীয় ও মোগলদিগের বিচার কার্য নিরূহ করিয়াছেন। ইংরাজেরা অনেক বিষয়ে পক্ষপাত সম্বন্ধে মোহ পরাজয় করিতেছেন।

এদেশীয়দের উচ্চ শিক্ষারে যে কোর্শল বিস্তার করা হইতে ফলের প্রভাবে এদেশীয়েরা ও ইংরাজি ভাষার বিশেষ ক্রমে বঞ্চিত হইলে তাহাদিগ প্রভৃতি নানাকার্যে অনুপযুক্ত মান করা অতি সহজ হইবে। অবস্থায় ওরূপ ভাবে ক্ষমতা করিলে স্পষ্টতঃ অবিচার পূর্ণতা দেখা যায়, কোর্শল সাধন করা কর্তৃপক্ষের উচিত, সরল ভাবে অন্যায় করিতে গেলে অত্যন্ত দৃষ্টি কটু লক্ষিত হয়।

আমরা বিলক্ষণ জানি, সহস্র সহস্র চিৎকার ও ক্রন্দনে কিছুই হইবে না। সমবেত আবেদন পত্র মহারানীর নিকট পর্যন্ত উপস্থিত হইবেনা, সাহেবেরা শত প্রকার অত্যাচার করিয়া সাধুর ন্যায় নিঃশব্দভাবে বিচরণ করিবে, তথাপি অরণ্যে রোদনের ন্যায় কিছু না বলিয়া ক্ষান্ত থাকিতে পারিতেছি না।

হিন্দু-
দীক্ষিত

বাঙ্গলার এরূপ স্থল অতি অল্প যেখানে, ইউরোপীয় বণিক, নীলকর কি জমিদার না আছে।

বাঙ্গালী বিচারপতির শাসনাধীন স্থলের সাহেব নীলকর প্রভৃতির। এই আইনের মর্ম জানিতে পারিয়া একবারে সহস্রগুণে হুর্নিবার হইয়া উঠবে। তাহাদের কুক্রিয়া ও অত্যাচারের স্রোত অধিক পরিমাণে প্রবাহিত নানা লয়া শেষ করা যায় না, এত বিকাদ সঙ্কেও যখন নীলকরদিগের নিবারিত হয় নাই, তখন পুত্র ও সুবিধা পাইয়া তাহারা সংসন্ন করিবে বলা বাহুল্য।

দেশের ধর্ম পরিবর্তন।

যে ইদানীং মত প্রকার ধর্ম প্রচ-
য়ায় সমুদয়ই বেদান্ত বা সাংখ্য
সংসারাত্মম-ত্যাগী দণ্ডী ও
সান্তানুযায়ী মত অবলম্বন
করিয়া থাকে, গৃহস্থ সকল সাংখ্য সম্মত
মতানুসারে সংসার যাত্রা নিরূহ করে।

কয়েক শতাব্দী পূর্বে কতিপয় বর্ষ বৌদ্ধ ধর্ম বিস্তারিত হইয়াছিল, তাহা কোন্ স্থল প্রাচীন দর্শন অবলম্বন করিয়া উদ্ভূত হয় নিশ্চয় নাই। অনেকে বৌদ্ধ ধর্মকে স্বতন্ত্র দর্শন বলিয়া নির্দেশ করেন। এইক্ষণ বৌদ্ধ ধর্ম বিলুপ্ত প্রায় হইয়াছে, বেদান্ত দর্শন দণ্ডী ব্রহ্মচারী দিগের নিকট অক্ষত শরীরে অদ্যাপি বিচরণ করিতেছে। বঙ্গদেশ ব্যতীত ভারত বর্ষের প্রায় সমুদয় বিভাগেই বেদান্ত

দর্শনের প্রচলন আছে, বঙ্গদেশে যাহারা ভগবদ্গীতা, পঞ্চদশী ও অন্যান্য বেদান্তানুযায়ী গ্রন্থ ভক্তি পূর্বক পাঠ করিয়া ছেন, তাঁহারা মনে মনে বেদান্তের প্রতি শ্রদ্ধা প্রকাশ করিয়া থাকেন, কিন্তু সমাজের অনুরোধে অভিলষিত মত প্রকাশ করিতে সাহসী হননা। মহাত্মা রামমোহন রায় বঙ্গদেশে বেদান্ত প্রচলন করিবার সংকল্প করিয়া অনেক প্রয়াস পাইয়াছিলেন, তাহা ব্রাহ্ম-সমাজের সীমা অতিক্রম করা দূরে থাকুক, ব্রাহ্মেরা ও অধিকাংশ শ্রদ্ধা পূর্বক গ্রহণ করিলা না। এবিষয় পরে বর্ণিত হইতেছে।

সাংখ্য-দর্শন ভারতবর্ষে ব্যপ্ত হইয়া রহিয়াছে, বিশেষতঃ বঙ্গদেশে এরূপ সম্প্রদায় নাই যাহাতে সাংখ্য দর্শনের প্রবেশাধিকার না আছে। সাংখ্য হইতে সাংখ্য পদের উৎপত্তি হইয়াছে; জগত কতক গুলি আদি প্রথম উপকরণের প্রক্রিয়া ভিন্ন কিছুই নয়, তৎসংখ্যানুসারে সাংখ্য শব্দের সৃষ্টি হইয়াছে।

এই মতে—সৃষ্টি, স্থিতি, প্রলয়, প্রকৃতি পুরুষের ক্রীড়া মাত্র, প্রকৃতি ও পুরুষই জীবের উপাস্য, এই প্রকৃতি-পুরুষের স্রোত যে বঙ্গদেশে কত প্রকারে প্রবাহিত হইতেছে তাহা বর্ণনা তীত। প্রকৃত সাংখ্য মত পবিত্র, কিন্তু তাহার শাখা প্রশাখা বঙ্গদেশে নানা প্রকার বিস্তারিত তিত্ত ফল ভরে অবনত হইয়া রহিয়াছে।

তন্ত্র-শাস্ত্রই বঙ্গদেশের ধর্ম সম্বন্ধীয় জীবন স্বরূপ। সমুদয় তন্ত্রই সাংখ্য দর্শনের প্রতিবিম্ব মাত্র। সাংখ্যের প্রকৃতি

পুরুষই তন্ত্র সমূহের দুর্গা শিব, কালী মহাকাল, বা ভৈরবী ভৈরব।

কোন কোন তন্ত্রে প্রকৃতি পুরুষ উভয়ই উপাস্য, কোন কোন তন্ত্রে বা, প্রকৃতি মোক্ষরূপে আরাধ্য, পুরুষ গৌণ ভাবে পূজ্য। কোন তন্ত্রে প্রকৃতিই উপাস্য, পুরুষ উপদেষ্টা স্বরূপ।

দেশীয় লোক সমূহের অভিক্রমি অনুসারে ধর্ম প্রবর্তিত হইয়া থাকে। যে দেশের লোকের স্বভাব নিষ্ঠুর, উদ্ধত, ধনলাভ-পরতন্ত্র, যুদ্ধ-প্রিয়, সেই সকল দেশে হবিষ্যন্ন ভোজন, তপোবনে বাস সম্যাস ধর্ম আশ্রয় প্রভৃতি, ধর্ম প্রতিপালিত হওয়া সহজ নহে। বাইবেলের কতকগুলি উপদেশ ইউরোপ সদৃশ চণ্ড প্রকৃতি দেশে কোনকালেই প্রচলিত হইবারনহে।

যে সকল দেশে লোক সমূহের স্বভাব, মৃদু, ভীরু, ও কাম মুগ্ধ, সে সকল দেশে বন-গমন, স্ত্রী-সেবা প্রভৃতি কার্যগুলি অল্পায়াসেই প্রতিপালিত হইয়া থাকে।

বঙ্গদেশে যত প্রকার মত প্রচলিত হইতে দেখা যায়, সমুদয়ই শক্তিসেবা নির্বিকার মূলক।

ভারতবর্ষের পশ্চিম প্রদেশে বীর রসাত্মক মতই সমধিক আদৃত হইয়া থাকে। ক্ষত্রীয়েরা অনেকেই রামোপাসক, বীর রসাত্মক রামলীলা দ্বারাই তাহাদের হৃদয় রঞ্জন হইয়া থাকে। বাঙ্গালীরা রামায়ণকে ধর্মপুস্তক বলিয়া স্বীকার করিলেও, তদনুযায়ী ধর্ম গ্রহণ করেন। বঙ্গদেশ অতি নূতন; এই দেশে প্রাচীন দর্শনাদি প্রচলন থাকার কোন নিদর্শন প্রাপ্তি

হওয়া যায়না, তন্ত্র ও পুরাণই এযাবৎ গৃহাত হইয়া আসিতেছে।

তন্ত্র ও পুরাণে, সূর্য্য, গণপতি প্রভৃতি কতকগুলি দেবতার উপাসনার বিষয় যে উল্লেখ আছে, তাহা বাঙ্গালীদিগের কর্তৃক প্রতিপালিত হয় নাই। বঙ্গদেশে বিশেষ রূপ অনুসন্ধান করিয়া দেখিলে এক দিগে শিবদুর্গা, আর দিগে রাধা কৃষ্ণ মাত্র-দৃষ্ট হইয়া থাকে।

আকবরসাহেব সময় হইতেই, হিন্দু-দিগকে মুসলমানেরা কোরাণে শিক্ষিত করিবার নিমিত্ত বহুবিধ চেষ্টা পাতি ছিল, কিন্তু কিছুতেই কৃতকার্য্য পাবে নাই। আওরঙ্গজেব অতঃপর শাসনের দ্বারাও মুসলমান ধর্ম করিতে সক্ষম হন নাই। দুই এক ডালা লোক বিশেষকে কোন গুচ কারণ বশতঃ কোন সময়ে কোরাণের মত গ্রহণ করিতে দেখা গিয়াছে। বিশেষতঃ বাঙ্গালী কোন কালেই ধর্ম বিষয়ে প্রভাবিত হইবার মর্মে। মহম্মদীয় ধর্মের প্রকৃতি, তাহাতে কোন মতেই বাঙ্গালীদিগের ভক্তি আকর্ষণ করিতে পারেনা।

শাক্তমত অতি প্রাচীন কালে পবিত্র ও নিষ্পাপ ছিল, কালে তাহা অসুর প্রকৃতি নরাধমলোক দিগের দ্বারা গৃহীত হওয়াতে অনেক প্রকার কুৎসিত ও জঘন্য আচরণ ধর্মের সহিত যোজিত হইয়াছে, তন্ত্র মতে মদ্যপান ও মাংসভোজনের বাহ্য প্রচার দেখা যায়।

মদ্যপান ও মাংস ভক্ষণ বাঙ্গালীদিগের প্রকৃতি সিদ্ধ নহে, বোধ হয় কোন ঔপনিবেশিক সম্প্রদায় দ্বারা প্রথম

প্রবর্তিত হইয়া থাকিবেক। শাক্ত ধর্ম বঙ্গদেশ পরিব্যাপ্ত হইয়া কিঞ্চিৎ পুরাতন হইলে, বৈষ্ণব ধর্ম প্রচারিত হইতে আরম্ভ হয়।

ব্রহ্ম বৈবর্ত পুরাণই বৈষ্ণব ধর্মের আদি মূল গ্রন্থ। সেই পুস্তকের মতে শাক্ত ও বৈষ্ণব এই উভয় সম্প্রদায়েরই মত বিষয়ক সামঞ্জস্য ও ঐক্য আছে। পরে বৈষ্ণব মতের নানা গ্রন্থ প্রচারিত হইয়া মতভেদ ও বিবাদ বিসম্বাদ উৎপাদিত হয়। গৌরান্দ্র বৈষ্ণব ধর্ম সমুজ্জ্বলরূপে প্রচলিত করেন। চৈতন্যের পূর্বকালে সেই ধর্ম কেবল পুণ্ড্র হইয়া ছিল, বিশেষ বিবেচনা দখিলে শাক্ত ও বৈষ্ণব ধর্মের প্রকৃতি কিছুই বিভিন্ন নহে, সাংখ্য দর্শনের ছায়া মাত্র। চৈতন্য শাক্ত-মতজাত অনেক গুলি দোষ সংশোধনে যত্নবান হইয়া কৃতকার্য্য হইয়াছিলেন, পরে দেশীয় প্রকৃতি অনুসারে বৈষ্ণব ধর্ম আরও বিকৃত হইয়া বিভৎস ভাবাপন্ন হইয়া উঠিল। চৈতন্য যে প্রেম, প্রাণ পণে প্রচার করিয়া উদ্ধারের কারণ মনে করেন, কালে সেই প্রেমই সর্বনাশের নিদান হইল।

বৈষ্ণব সম্প্রদায়ের যত প্রকার ব্যাভিচার, সমুদয়ই বিকৃত প্রেম হইতে উৎপন্ন। কর্তৃত্বজাদিগের স্বাধীনভাবে নির্লজ্জ কুক্রিয়াই তাহার প্রধান দৃষ্টান্ত স্থল। এমন কি মদ্য ও মাংস ব্যতীত, শাক্ত দিগের সমুদয় কুক্রিয়াই বৈষ্ণব মতে প্রবিষ্ট হইল। শাক্ত সম্প্রদায়ের “ভৈরবী চক্র,” চৈতন্য সম্প্রদায়ের “কিশোরী, ভোজনের” সহিত নাম মাত্র বিভিন্ন, উভয় ম-

তেই গুরুদেব কর্তৃক ব্যাভিচার প্রসিদ্ধ আছে। শাক্তেরা যেরূপ চক্রভোজনে জাতি ভেদ স্বীকার করেনা বৈষ্ণবেরাও সেরূপ পংক্তি-ভোজনে জাতি-বিভিন্নতা দোষ মনে করেনা। শাক্ত মতে যেমন সমুদয় পুরুষই শিব ও সমুদয় স্ত্রীই শক্তি, বৈষ্ণব মতে সেরূপ সমুদয় পুরুষই কৃষ্ণ সমুদয় স্ত্রীই রাধা। শিব শক্তি ও রাধাকৃষ্ণ মিলন, অত্যন্ত আনন্দ-দায়ক। এই মত অত্যন্ত পাপ স্রোত-প্রবাহক।

৫০ বৎসরের অধিক হয় নাই, বঙ্গদেশ ধর্ম সম্বন্ধীয় অতি শোচনীয় অবস্থায় পতিত হইল। এক দিকে শাক্ত ও বৈষ্ণবেরা আনন্দ সহকারে পাপ-স্রোতে ভাসমান হইতেছে, আরদিকে কতকগুলি দার্শনিক পণ্ডিত নাস্তিকতা প্রচার করিতেছে, অন্যদিকে খ্রীষ্টান-ধর্ম প্রচারকেরা এতদেশীয় যুবক দিগকে প্ররোচন বাক্যে আকৃষ্ট করিয়া তাহাদিগের জনক-জন্মের ক্রোড় শূন্য করিবার চেষ্টা করিতেছে, এরূপ অন্ধ কারের সময়ে মহাত্মা রামমোহন রায় বেদান্ত রূপ প্রদীপ প্রজ্জ্বলিত করিতে মানস করিলেন। তিনি দেখিলেন, সাংখ্য দর্শনের মূলোচ্ছেদ পূর্বক বেদান্ত প্রচলিত না হইলে বঙ্গদেশের আর মঙ্গল নাই।

রামমোহন রায়ের হস্তে বেদান্ত রূপ তীক্ষ্ণ অস্ত্র অবলোকন করিয়া শৃগাল রূপ শাক্ত সকল, কুক্কুর রূপ মিশানরি গণ ও ছাগ মেঘ রূপ বৈষ্ণব সকল কিঞ্চিৎ ভীত হইল। দেশ, কাল, পাত্রের প্রতি-কুলতা নিবন্ধন মহাত্মা আশাহুরূপ কৃত

কার্য হইয়া যাইতে পারেননাই। তাঁহার লোকান্তর প্রাপ্তির পর, নবানীত মত সমগ্র হিন্দু সমাজে অনাদৃত হইয়া কেবল জনৈক ধনীলোকের আশ্রয়ে জীবিত থাকিল। তাহাই ব্রাহ্মধর্ম নাম ধারণ করিয়া এইক্ষণ বঙ্গদেশের অনেকেই বিদিত ও শিক্ষিত যুবসমাজে গৃহীত হইতে চলিয়াছে। আধুনিক কতিপয় সুবিজ্ঞ লোকের যত্নে বিদেশীয় অনেক প্রকার ভাব ও মতে পরিপুষ্ট হইয়া রামমোহন রায়ের মতের সহিত অনেক বিভিন্ন হইয়া পড়িয়াছে। রামমোহন রায়ের মত শুদ্ধ বেদান্ত মূলক,—পরমাত্মাই উপাস্য, জীবাত্মা পুনঃপুনঃ জন্ম গ্রহণ করিয়া পাপ পুণের ফলস্বরূপ দুঃখ সুখ ভোগ করিয়া থাকে; তাঁহার রচিত সম্প্রদায় স্বকীয় মত প্রতিপোষকতার আভাস প্রাপ্ত হওয়া যায়। “সৃজননের কারণে ভজনা! রবেনা জন্ম মরণ ভাবনা” তিনি জাতিভেদ স্বীকার, লোকতঃ উপবীত ধারণ, শ্রাদ্ধাদির অনুষ্ঠান প্রভৃতি বৈদান্তিক মত বিশ্বাস করতেন। মিস্ কার্পেন্টার ব্যক্ত করিয়াছেন রামমোহন রায়ের মৃতদেহ প্রোথিত হইবার প্রাক্কাল পর্যন্ত ক্ষুদ্র যজ্ঞসূত্র লক্ষ্যমান ছিল।

আধুনিক ব্রাহ্মধর্ম আর একরূপ ধারণ করিয়াছে। সুস্মানুসন্ধান করিয়া দেখিলে লক্ষিত হইবে, ব্যাস ও পার্কারের* মতই একত্রিত হইয়া অধুনা ব্রাহ্মধর্ম প্রচারিত হইতে চলিয়াছে, “ঈশ্বর এক অনাদি,

অনন্ত, সর্বব্যাপী, অনশ্বর, পরিপূর্ণ, সকলের উপাস্য, শ্রবণ, মনন, নিদিধ্যাসন দ্বারা, তাঁহার উপাসনা হইয়া থাকে,” এই বৈদান্তিক মতামতের সহিত বাইবেলের কিয়দংশ যোজিত হইয়াছে, যথা—অনন্ত নরক কিঞ্চিৎ পরিবর্তিত হইয়া অনন্ত অনুতাপ, নাম ধারণ করিয়াছে।

খ্রীষ্টধর্মের ঈশ্বর, পবিত্রাত্মা, ত্রাণকর্তা এই ত্রিনীতি* ব্রাহ্মধর্মে জ্ঞান, বিশ্বাস ও শ্রীতিরূপে নিবেশিত হইয়াছে, অর্থাৎ ঈশ্বর জ্ঞান স্বরূপ,—বিশ্বাসই শুচি ও পবিত্র, শ্রীতিভিন্ন ত্রাণের আর অন্য উপায় নাই। খ্রীষ্টধর্মে খ্রীষ্ট যেমন ঈশ্বর ও মনুষ্যের মধ্যবর্তী প্রতিভূ স্বরূপ, ব্রাহ্মধর্ম মতে প্রার্থনাই তাহার স্থানীয় কোন ব্যক্তির মধ্যবর্তী স্বাকৃত হয়না। সম্প্রতি কতকগুলি ভ্রমাত্ম ব্রাহ্ম একত্রিত হইয়া, প্রসিদ্ধ বক্তা ও সংস্কর্তা শ্রীকেশব চন্দ্র সেনকে খ্রীষ্টের স্থলাধিকার করিতে প্রয়াস পাইয়াছিল। তাহাদের সেই অন্যায়াসম্ভব বৃথা যত্ন ও আশা লোকের ঘৃণা উপাদান করিয়া স্রোতের বিষ্ঠার ন্যায় এক দিগে ভাসিয়াগেল। তাঁহাদের অনুষ্ঠান পদ্ধতি প্রায় সমুদয়ই বাইবেল অনুযায়িনী। জাত, বিবাহ, অশ্ব্যেটী প্রভৃতি ক্রিয়া প্রার্থনা দ্বারাই পর্যাপ্ত হইয়া থাকে। মৃতদেহ সম্বরণ ক্রিয়ার এপর্যন্ত কোন মীমাংসা হয় নাই, দক্ষ কি প্রোথিত হয় বলা যায় না।

আদি ব্রাহ্ম সমাজের লোকেরা বেদান্তেরদিগেই থাকিতে চান, ভারতবর্ষীয়

সমাজের মহাত্মারা বাইবেলের দিগে অধিকাংশ খাবিত হন। কারণসুসন্ধান দ্বারা এই মাত্র অনুমিত হয় যে, আদি সমাজের অধিকাংশ লোকেই সংস্কৃতের পক্ষপাতী, তদিতর সমাজের লোকের ইংরাজির গোঁড়া। যঁহার শিশুকাল হইতে ইংরাজি অধ্যয়ন করিয়া আসিতেছেন, নানা পুস্তকে ইংরাজদিগের আচার ব্যবহার রীতি নীতির ভূয়সী প্রশংসা শ্রবণ করিয়া পরি তৃপ্ত হইতেছেন, তাঁহার যে বাইবেলের ভক্ত হইবেন বলা বাহুল্য। উচ্চ শিক্ষার কলে প্রস্তুত যুবকগণ প্রায়ই এই শ্রেণীভুক্ত। যঁহার কিঞ্চিৎ পরিণত বয়স্ক সংস্কৃতের মর্মজ্ঞ অথবা সংস্কৃতের ব্যাখ্যা পরম্পরা লোকের নিকট শুনিয়া আসিতেছেন, তাঁহার ব্রাহ্ম হইলে বৈদান্তিক ব্রাহ্ম হইয়া থাকেন। কতকগুলি বৈষ্ণব সম্প্রদায়ের লোক ব্রাহ্মধর্মে মিলিত হইয়া কতিপয় বৈষ্ণবীয় রত্ন আহরণ করিয়াছেন যথা—ব্রাহ্ম সঙ্কীর্তন, ব্রাহ্ম-পংতি-ভোজন, নিরামিষ আহার প্রভৃতি বৈষ্ণবদিগের সম্পত্তি ব্যতীত নহে।

অবস্থা, সংসর্গ, ও শিক্ষাসূত্রেই লোকের অভিরুচি জন্মিয়া থাকে। ব্রাহ্মদিগের মধ্যে কয়েক প্রকার বিভিন্ন রূপ অভিরুচি দেখা যাইতেছে। যঁহার সংস্কৃত পক্ষপাতী পুরাতন ব্রাহ্ম, প্রত্যহ বেদাপভুক্ত স্তোত্রপাঠ, শ্রাদ্ধ তর্পণ ও পরিবার বর্গের অবগুষ্ঠন বজায় রাখাই তাঁহাদের অভিরুচি। যঁহার ইংরাজি ভাষাজ্ঞ, নিত্য নিবন, তাঁহার উদাসী

নতার সহিত বাইবেলের মত গ্রহণ করেন, কখনই আহার বিহার ক্রীড়া কৌতুকের উৎকর্ষেরদিকে দৃষ্টিপাত করেন না। যে সকল ইংরাজি ভাষাজ্ঞেরা পদ ও বিপুল অর্থ লাভের প্রশস্ত উপায় লাভ করিয়াছেন, এবং ইংরাজিদিগের নিয়ত সংসর্গে বা সংসর্গ-ব্যাখ্যা শ্রবণে মোহিত হইয়াছেন, ইংলণ্ড যাত্রা তাঁহাদের নিকট মক্কা, কাশী বা বৃন্দাবন গমন সূচ্য, সেই সমস্ত ব্রাহ্মদিগের অভিরুচি আর এক রূপ।

আরাধনা, কৃতজ্ঞতা, যোগ, মনন, অনুষ্ঠান, প্রভৃতি শব্দগুলি যেন তাঁহাদের কর্ণে বিষ বর্ষণ করে।

তাঁহার, পরিচ্ছদ ও স্ত্রীপুরুষ একত্র হইয়া টেবিলে আহার, স্ত্রীলোকের অশ্বা রোহণ প্রভৃতি অনুষ্ঠানে অত্যন্ত উৎসাহী ও তাহাতে অর্থ ব্যয় করিতে কুণ্ঠিত হন না। অর্থ-হীন ব্রাহ্মদিগের ক্ষুদ্র মনে আবার এ সকল ভাবের ধারণা হয়না। ভিন্ন ভিন্ন লোকের ভিন্ন ভিন্ন অভিরুচি ও ভিন্ন ভিন্ন মত। একটী ধর্মেতে যে নানা প্রকার মতভেদ ও অভিরুচি ভিন্নতা জন্মিবে বলা বাহুল্য।

এপর্যন্ত ব্রাহ্মধর্মে সাংখ্য-দর্শন প্রবেশ করিতে অবকাশ পায় নাই, কিন্তু সম্প্রতি বঙ্গদেশের জল বায়ুর দোষে, তাহার পথ পরিষ্কৃত হইতে চলিয়াছে।

আদি সমাজের ব্রাহ্মদিগের অপেক্ষা ভারতবর্ষীয় সমাজের ব্রাহ্মেরা কিঞ্চিৎ নাসী, অগ্রসর ও ত্যাগ-স্বীকারে অপরাধী। এই কারণ বশতঃ ইঁহার আদি সমাজের ব্রাহ্মদিগের নিকট গৌরব

প্রকাশ করেন আর যজ্ঞোপবীত ধারণ প্রভৃতি বাহ্যিক পৌত্তলিকতার দোষ-রোপ করিয়া থাকেন।

সম্প্রতি আর এক নূতন ব্রাহ্ম সম্প্রদায়, অগ্রসরতা গুণে ভারতবর্ষীয় সমাজের মহাত্মা দিগকে পরাস্ত করিবার উপক্রম করিয়াছেন। নূতন সম্প্রদায়ীদের জাজ্জল্যমান স্ত্রীস্বাধীনতার প্রতি বঙ্গদেশের সমুদয় লোকেই সবিষ্ময় দৃষ্টিপাত করিতেছেন।

ভারতবর্ষীয় সমাজের ব্রাহ্মেরা মুখে মাত্র স্ত্রীস্বাধীনতার অনন্ত উন্নতি স্বীকার করিয়া আসিতেছেন, এবং বক্তৃতা দ্বারা তদ্বিষয়ে অতিশয় আক্ষালন করেন, কিন্তু অনুষ্ঠান সম্বন্ধে যথেষ্ট ক্রটি বশতঃ অতিনব সম্প্রদায়ীদের সঙ্গে মিলিত হইতে গেলে আর সম্ভব রক্ষা পাইবেনা। যাহারা যে বিষয়ে প্রাধান্য লাভ করিয়া লোকের নিকট সর্বাগ্রগণ্য যশঃ প্রাপ্ত হইয়াছেন, তাহাদের সেই বিষয়ে অপ্রধান রূপে পশ্চাদ্বর্তী হইয়া গমন করা নিতান্ত অসহ, ও দুঃখের বিষয়। এই রূপ ঘটনাতে অনেকে নিজের মতগুলি সাধ্যানুযায়ী পরিবর্তিত করিয়া লন, বস্তুতঃ অধিকাংশ দার্শনিকগণ মতগুলি নিজ স্মৃতিস্থায়ী ও প্রচলনানুকূল করিতে ক্রটি করেন না।

যাহা হউক এইক্ষণ ব্রাহ্ম সমাজ তিন শ্রেণীতে বিভক্ত হইল, বেদ প্রধান, বক্তৃতা মূলক, স্ত্রীসর্কস্ব।

বেদপ্রধান সম্প্রদায় বক্তৃতা মূলক দিগের নিকট নানা বিষয়ে পরাজিত।

বক্তৃতা মূলকগণ আবার স্ত্রীসর্কস্ব-দিগের নিকট দুয়েক বিষয়ে পরাস্ত।

বিশেষ বিবেচনা করিয়া দেখিলে শেষোক্ত সমাজ যে সমুদয় অসুবিধা অতিক্রম করিয়া ব্রাহ্ম সামাজিক উন্নতির অতি উচ্চমত সোপান পর্য্যন্ত আরোহণ করিবেন বলা বাহুল্য। অনুমান হয়, অল্পকাল মধ্যেই সমুদয় ব্রাহ্ম সমাজ স্ত্রী সর্কস্ব মতের সম্পূর্ণ অনুমোদন করিয়া তাহা প্রতিপালন করিতে থাকিবেন।

সাংখ্য মতে যেরূপ প্রকৃতি অর্থাৎ স্ত্রী প্রধান, ব্রাহ্মমতেও সেইরূপ স্ত্রীর বিশেষ প্রাধান্য হইতে চলিল। সাংখ্যমত পৌত্তলিক নহে, কেবল ভক্তদিগের বিশেষ পরিতৃপ্তির জন্য প্রকৃতি পুরুষের নানা প্রকার রূপযুগল কল্পনা করিয়াছে, ব্রাহ্মেরাও প্রভুর "শ্রীচরণ" "দরশন দেও," প্রভৃতি বাক্যের দ্বারাপৌত্তলিকতার অবতরণ এবং প্রবোধ চন্দ্রোদয় নাটকের ন্যায় সমুদয় মনো-বৃত্তি গুলিকে বিবিধ আকারে সজ্জীভূত করিতেছেন। আমরা প্রথমে সাংখ্য মতে গুণিতে পাইলাম, পুরুষ পক্ষ নিশ্চল, প্রকৃতি যোগে সজ্জনশীল, তাহার অনেক কাল পরে, ভারতবর্ষের প্রধান ধর্মপ্রচারক শঙ্করাচার্য, তৎমতের পোষকতা করিয়া লোকের মনে সেই সংস্কার দৃঢ়রূপে নিবদ্ধ করিলেন। তদূরচিত আনন্দ-লহরীর প্রথম শ্লোকই স্পষ্টপ্রমাণ প্রদান করিতেছে (শিবঃ শক্ত্যায়ুক্তো ইত্যাদি) তাহার পর চৈতন্য রাধাকে সৃষ্টিস্থিতি প্রলয়ের কারণ, মুক্তির সোপান, পাপের কৃপাণ, মনে করিয়া মত প্রচার করিয়াছেন।

সম্প্রতি নব ব্রাহ্মেরা জ্ঞান অপেক্ষা

শ্রীতিকে অধিক মনে করিয়া তৎপ্রতি শ্রদ্ধা প্রকাশ করিতেছেন। জ্ঞানের পুরুষাকৃতি, শ্রীতির বামাকৃতি অনেক কাল হইতে কল্পিত হইয়াছে।

স্ব স্ব ভাষ্যাকে সেই শ্রীতির অংশ স্বরূপ বলিলে সাংখ্যের সহিত আর অধিক বিভিন্নতা থাকে না। প্রসিদ্ধ দার্শনিক পণ্ডিত কম্টি যে ভাবাত্মক মত প্রচার করেন, স্ত্রী-পূজাই তাহার প্রধান অঙ্গ।

কম্টির মত ভারতবর্ষে, বঙ্গদেশ ব্যতীত কোথাও লব্ধি প্রবেশ হইতে পারে নাই। সুশিক্ষিত বাঙ্গালীদের মধ্যে অনেকে তা-বাক্য মতের ভাষ্যোপসনাকে, আজকাল তন্ত্রের শক্তি পূজা, বৈষ্ণবীয় পুরাণের রাধা, সেবার ন্যায় ভক্তি পূর্বক গ্রহণ করিয়াছেন। বঙ্গদেশের এমনই কপাল যে দেশীয় ধর্মেরত কথায়ই নাই, বিদেশাগত মত গুলিও সাংখ্য সদৃশ হইয়া পড়ে! প্রথমে যিনি সাংখ্য মত প্রচার করেন তিনি পরমাণু ও ইচ্ছাবতী প্রকৃতির ক্রীড়া দর্শন করিয়াই সূত্রপাত করেন। পরমাণুকে শিব, ও ইচ্ছাবতী প্রকৃতিকে শক্তি রূপে কল্পনা করেন। পরে অবলম্বীদিগের অতিক্রমিত ভারত-মানুসারে তাহা হইতে নানাপ্রকার শাখা প্রশাখা বহির্গত হইয়াছে। পশ্চিম দেশীয় এক জন দর্শনবিদ পণ্ডিতও এরূপ "মেটার পাওয়ার এবং মাইণ্ড" মত প্রচার করিয়া গিয়াছেন।

কল্পনা প্রধান বঙ্গদেশীয় ধর্মের ন্যায় তাহা তত বিকৃত হয় নাই।

প্রধান গোপী ও সামান্য গোপী-

দিগের মহিমা বর্ণন ছলে অনেক গৌরীশিষ্য গোস্বামী, স্ত্রী লোকেরও গুণ মহিমা কীর্তন করিয়াছেন। ব্রাহ্মদিগের মধ্যেও অল্পকাল হইল "নারী জাতি বিষয়ক প্রস্তাব" নামে একখানি বিস্তৃত পুস্তক প্রচারিত হইয়াছে, তদ্বারা উল্লিখিত বিষয়ে তাত্ত্বিক, বৈষ্ণব, সমুদয়কেই পরাস্ত করা হইয়াছে।

শ্রুত হওয়া গিয়াছে পূর্ব বাঙ্গলাস্থ ব্রাহ্মগণইনাকি, সাংখ্য মতানুযায়ী ব্রাহ্মধর্মের অত্যন্ত গড়ে।

বঙ্গদেশ নিতান্ত ক্ষুদ্র নহে, ইহাতে স্থানীয় ভাষা এক প্রকার হইলেও স্থানে স্থানে উচ্চারণ গত এত বিভিন্ন যে সময়ে সময়ে এক ভাষা বলিয়া বোধ হয় না। বঙ্গদেশের সমুদয় বিভাগে উল্লিখিত ধর্মগুলি সমানরূপে প্রচারিত হয় নাই।

আগমওতন্ত্রানুযায়ী মত—ঢাকা, ফরিদপুর, যশোর, রঙ্গপুর, দিনাজপুর, ত্রিপুরা নওরাখালী, বরিশাল, শ্রীহট্ট, ময়মনসিংহ, চট্টগ্রাম, মালদহ ওবগুড়ার অধিকাংশস্থলে, প্রচলিত চক্ৰিশপরগণা ও ছপলিতে কিরুপরিমাণে গৃহীত হইয়াছে।

চৈত্যান্যের মত নদিয়া বর্দ্ধমান বাঁকুড়া মেদিনীপুর, মানভূম ও বীরভূম, এই কয় প্রদেশে বহুল পরিমাণে আদৃত; তাত্ত্বিকমতে র নাম গন্ধ ও নাই। কমিল্লার নিকটবর্তী স্থলে প্রধান তাত্ত্বিক, কালীর প্রিয় পুত্র বলিয়া বিখ্যাত ব্রহ্মানন্দ ও পূর্ণানন্দের জন্ম হয়। সিদ্ধি বিদ্যা ও সর্কবিদ্যার বংশ অদ্যাপি তদঞ্চলে বর্তমান আছে, এই সকল কারণ বশতঃ বোধ হয় সেই সকল

প্রদেশে তান্ত্রিক মত অধিক পরিমাণে সমাদৃত হইয়াছিল, অদ্যাপি বিশেষ পরিবর্তনের কোন সুযোগ হয় নাই, বলিয়া প্রায় একাবছর রহিয়াছে। ত্রিপুরার মানিক্যলাঙ্গুসধারী রাজবংশ যে কি নিমিত্ত বৈষ্ণব মতালম্বী বলা যায় না, এদিগে নদিয়ার চৈতন্যের অবতরণ হয়, এবং কয়েক জন তংশিষা গোস্বামী জন্মগ্রহণ করেন।

নদিয়ার অন্তবর্তী কেঁচুলী গ্রামে প্রসিদ্ধ কবির জয়দেব অবতীর্ণ হন।

এই সকল কারণ বশতঃ বোধ হয় সেই সেই স্থানের নিকটবর্তী প্রদেশে বৈষ্ণব মত অধিক গৃহীত হইয়া থাকিবেক।

ব্রাহ্ম ধর্ম কলিকাতাতে উদ্ভূত হইয়া এপর্যন্ত কলিকাতাতেই পরিশোধিত হইয়া আসিতেছে, কিন্তু তথাপি বাঙ্গলার পূর্বাঞ্চলে, পূর্ণ লক্ষণাক্রান্তরূপে পরিগৃহীত হইতে চলিয়াছে। পূর্ব বাঙ্গলার ব্রাহ্মদিগের দোষালোচনা করা আমাদের এই প্রস্তাবের উদ্দেশ্য নহে। তাঁহারা যে, দেশ কাল ও পাত্রের অবস্থার প্রতি দৃষ্টি না করিয়া লক্ষ্য বিস্মৃত হইতেছেন, তাঁহাদিগকে তদ্বিষয়ে সাবধান করিয়া দেওয়াই আমাদের এক মাত্র উদ্দেশ্য।

ব্রাহ্ম ধর্মের দ্বারা যে বাঙ্গলার সমাজ শোধন প্রভৃতি অশেষ হিত সাধিত হইতেছে, তাহা সকলেরই মুক্ত কণ্ঠে স্বীকার্য্য কিন্তু মত অবস্থা ও সামাজিক প্রকৃতির সহিত পরস্পর সামঞ্জস্য রাখিয়া চলিতে না পারিলে আশাশূন্য ফলের প্রত্যাশা করা যাইতে পারেনা।

কতকগুলি ব্রাহ্ম সর্বদা প্রাণপণে অধ্যয়ন করিতেছেন, দেশের দোষ লক্ষ্য করিয়া স্থানে স্থানে বাগজাল বিস্তার করিতেছেন। গৃহে পরিবার অবগুষ্ঠন ও অলঙ্কার শৃঙ্খলে আবদ্ধ, বর্ণ পরিচয় বর্জিত, হিংসা ও দ্বেষের আকর ইহা গুপ্ত শৌচাগার বলিয়া বর্ণিত হইলে বোধ হয় অত্যাক্তি হয় না।

আর কতকগুলি ব্রাহ্ম আবার অজ্ঞ কাণ্ডাকাণ্ড বিবেচনা শূন্য, লেখা পড়ার সহিত বড় একটা সম্বন্ধ নাই।

স্ত্রীকে গাউন পরার সহিত বেশ জ্যোতামি শিক্ষা দেওয়া হইয়াছে, দুটা চারটা ইংরাজি শব্দ মুখস্থ করান হইয়াছে, অন্য পুরুষ দেখিয়া নম্র, সঙ্কুচিত, লজ্জিত না হওয়ার অভ্যাস করান হইয়াছে। স্ত্রীদ্বারাই যশস্বী ও বিখ্যাত হওয়ার আশা অত্যন্ত বলবতী, তাঁহাদের স্ত্রী ভিন্ন আর যশোলিপ্সা কল্পনের উপায়ান্তর নাই।

আমাদের মতে উল্লিখিত উভয় প্রকারের ব্রাহ্মই উচিত সীমার অতীত স্থানবর্তী।

আত্মপক্ষপাতী-ব্রাহ্মদিগের প্রতি এই নিবেদন তাঁহারা যেন হত ভাগিনী ভগ্নিদিগের দিগে কিঞ্চিৎ দৃষ্টি রাখেন।

স্ট্রেন মহাত্মাদিগের প্রতি এই বলীয়ান অনুরোধ—তাঁহারা যনি দেশের হিত কামনা করেন তবে বেবল স্ত্রীর দ্বারা চলিবেক না। নিজের শিক্ষা ও ভদ্রতার প্রতিও যেন অল্প অল্প মনোযোগ থাকে।

উপসংহার কালে আমাদের এই সবি-
নয় নিবেদন।—

ব্রাহ্ম সমাজ সকলের নিকটই ফলাফল-
মেয় ভারতবর্ষের উন্নতির কেন্দ্র স্বরূপ,
ইহাতে লোক বিশেষের সুবিধা অসুবি-
ধার জন্য অসত্য প্রচার বড় শোচনীয়
ও অসহ।

বহুপরিবর্তনের পর এই ধর্ম যে
অবস্থার দণ্ডায়মান হইয়াছে, তাহাতে
পরিমিত স্ত্রীস্বাধীনতার আবশ্যিকতা
স্বীকার করিতে হইবেক।

কালে সময়ের স্রোত প্রভাবেই অল্প-
কাল মধ্যেই স্ত্রীদিগকে কিঞ্চিৎ পরিমাণে
স্বাধীনতা প্রদান করিবেক।

সাবধান! যেন আশঙ্কিত সাংখ্য
মত প্রবেশ করিয়া বিকার প্রাপ্তি পূর্বক
বৈষ্ণব ও শাক্ত ধর্মের পরিণামের ন্যায়
পরিণতি না ঘটায়।

অষ্টাদশ পুরাণের সংক্ষেপ বিবরণ ব্রহ্মপুরাণ।

ব্রহ্মপুরাণ সর্ববাদি-সম্মত অষ্টাদশ
পুরাণের মধ্যে সর্ব প্রথমে রচিত হয়।
শুদ্ধ পদ্ম-পুরাণ প্রণেতাই এই প্রাধান্য
স্বীকার করেননা। পাতাল খণ্ড বর্ণন
কালে গর্ভিতভাবে একরূপ বলেন যে, পদ্ম
পুরাণ সর্বশ্রেষ্ঠ ব্রহ্ম-পুরাণ দ্বিতীয় পদবীর
যোগ্য। পৌরাণিকদিগের মতে ব্রহ্ম-
পুরাণই সর্ব প্রধান। বলরাম ভট্টাচার্য্য
কৃত মিতাক্ষরার টীকায় এই পুরাণের
“আদি” নাম প্রদত্ত হইয়াছে। কয়েক
অধ্যায় সূর্য্য পূজার বিষয়ে পরিপূর্ণ
থাকায় ইহার “সৌর পুরাণ” অপর
একটা নাম। অনেকেই ইহার শ্লোক
সংখ্যা দশ সহস্র নির্দিষ্ট করিয়াছেন।

অগ্নি-পুরাণের মতে ইহার শ্লোক সংখ্যা
পঞ্চবিংশ সহস্র কিন্তু প্রকৃত প্রস্তাবে ইহা
৭,৫০০ শ্লোকে পরিসমাপ্ত। উত্তরাখণ্ড
নামে এই পুরাণের অপর একটা অংশ
আছে। তাহার শ্লোক সংখ্যা তিন সহস্র
কিন্তু মূলের সহিত এই ভাগের বিশেষ
সম্পর্ক না থাকায় ইহা ব্রহ্ম-পুরাণের
অংশ কি না, এবিষয়ে অনেক সন্দেহ
উপস্থিত হইতে পারে।

প্রথম শ্লোকে গ্রন্থকার বিষ্ণুর অবতার
হরি ও পুরুষোত্তমের স্তব করিয়া প্রস্তাব-
নার অবতারণা করিয়াছেন। এতদ্বারা
স্পষ্ট বোধ হইতেছে যে, এই পুরাণ
বৈষ্ণব সাম্প্রদায়িক গ্রন্থ। কিন্তু পদ্ম-
পুরাণে এই পুরাণ শাক্তদিগের গ্রন্থ
বলিয় কথিত আছে।

শাক্তেরা শক্তি—স্ত্রীরূপী সৃজন কর্তার
উপাসক। রজঃগুণই শক্তি-দেবীর প্রধান
শক্তি।

ব্যাস শিষ্য লোমহর্ষণ (সূত) নৈমি-
ষারণো ঋষিগণের নিকট এই পুরাণ
পাঠ করেন। সুন বর্ণ জগতের সৃষ্টি,
অবস্থান, ও জগৎ-বাসীদিগের প্রাক্ত-
নের বিষয় জিজ্ঞাসু হইলে সূত তাঁহাদের
নিকট এই পুরাণের ব্যাখ্যা করেন।
দক্ষ ও অপরাপর প্রজাপতিদিগের অন্ত
র্থনায় ব্রহ্মা এই পুরাণ কীর্তন করেন,
এই জন্য ইহার ব্রহ্ম-পুরাণ নাম।

মৎস্য-পুরাণ মতে ব্রহ্মা মরীচি নামা
অপর এক প্রজাপতিকে এই পুরাণ পরি-
জ্ঞাত করেন কিন্তু তাহার সহিত ইহার
অনেক বিভিন্নতা দৃষ্ট হয়।

ব্রহ্মা ও ঈশ্বরের ঐতিরূপ বিষ্ণু বা

নারায়ণের কর্তৃক জগৎ-সৃষ্টির বিষয় কথিত হইয়াছে। সাত্ত্ব্য-দর্শনের মতানুসারে নারায়ণ এক অবিনশ্বর কারণ, পরমাণু ও জীবাত্মা হইতে জগৎ সৃষ্টি করেন। সমস্ত পদার্থের মূল, “প্রধান” হইতে মহতের “উৎপত্তি হয়”। মহৎ হইতে “অহঙ্কার” (আত্মজ্ঞান) এবং অহঙ্কার হইতে সমস্ত ভূতের অণুমাাত্র উৎপাদিত হয়। তৎপরে দৃশ্যমান ভূত সকলের সৃষ্টি হয়। অপই তৎ সমুদয়ের ও সৃষ্টির প্রধান অংশ।

ব্রহ্মার প্রলয়-পরোধী জলে বট পত্রের ভাসমান হওয়া ও জগৎ সৃষ্টি বিষয়ক প্রকৃত আবির্ভাব—সমুদয়ই মনুসংহিতার ন্যায়। এমন কি মনুসংহিতার বাক্য গুলি পর্য্যন্ত অবলম্বিত হইয়াছে। বস্তুতঃ, এ পুরাণের ভাষার সহিত অপরাপর পুরাণের ভাষার অনেক সাদৃশ্য থাকায় ইহা স্পষ্ট বোধ হইতেছে যে, এসমস্ত পুরাণে অপরাপর কোন প্রাচীন গ্রন্থ দৃষ্টি লিখিত হইয়াছে। সায়ম্ভুব মনু ও তাঁহার স্ত্রীর বিষয়, তাঁহাদের বংশাব-তংশ মরীস ও প্রচেতা হইতে দক্ষ প্রজাপতির জন্ম বৃত্তান্ত। দক্ষ প্রজাপতির কন্যাগণ হইতে সমস্ত জীবের জন্ম হয়।

দ্বিতীয় অধ্যায়ে কশ্যপের সহিত দক্ষ প্রজাপতির কন্যাগণের বিবাহ, ও সেই বিবাহ হইতে সকল দেবতা, উপদেবতা, দৈত্য, মনুষ্য, পশু, গুল্ম লতা, ও অপরাপর সমস্ত স্রষ্ট বস্তুর উৎপত্তি বিষয় বর্ণিত।

তৃতীয় অধ্যায়ে পৃথুর উপাখ্যান।

চতুর্থ অধ্যায়ে মনুদিগের রাজত্ব অর্থাৎ চতুর্দশ মন্বন্তরের বিষয় কথিত হইয়াছে। তৎপরে বৈবস্বত মনু ও তাঁহার বংশাবলীর বিবরণ। কোন কোন হস্তলিপিতে সূর্য্য বংশীয় রাজা বজ্রনাভ, ও অপর স্থানে বৃহদ্রথ রাজার ইতিহাস বর্ণন করিয়া মনুবংশাবলী কীর্ত্তন শেষ করা হইয়াছে।

কুরুক্ষেত্রের যুদ্ধ, শ্রীকৃষ্ণের বিবরণ ও তৎকর্তৃক এক অমূল্যরত্ন অপহরণ অবধি চন্দ্রবংশীয় নরপতি বর্গের ইতিহাস বর্ণিত আছে। এই সমস্ত বিবরণ পঞ্চদশ অধ্যায়ে পর্য্যাবসিত হইয়াছে। কিন্তু এসমুদয় অন্যান্য পুরাণের অনুরূপমাত্র, শুদ্ধ সংক্ষেপে লিখিত হইয়াছে।

পর অধ্যায়ে পৃথিবীর সমস্ত বিভাগ, সপ্তদ্বীপ, পাতাল ভিন্ন ভিন্ন নরক, সপ্ত স্বর্গ, নক্ষত্র, ও তারাগণের আকৃতি, আয়তন পরস্পরের দূরতা এবং চন্দ্র ও সূর্যের রশ্মীপাতে বৃষ্টি ও উষ্ণতার বিবরণ লিখিত আছে।

বিংশতি অধ্যায়ে ভারতবর্ষের ভূগোল বিবরণ। এই পুরাণ প্রকৃত প্রস্তাবে এক বিংশতি অধ্যায় হইতেই আরম্ভ হইয়াছে কারণ উৎকলের অধিষ্ঠাতা দেব পুরুষোত্তমের বিষয় বর্ণন করাই ইহার মুখ্য উদ্দেশ্য।

২২-২৮ অধ্যায়ে উৎকলে মূর্ত্তি ভেদে সূর্য্য দেবের পূজা, কশ্যপ ভাষ্যা আদিতির পুত্র দ্বাদশ আদিভ্যের বিষয় ও সূর্য্যের ঔরসে ও সজ্জার গর্ত্তে বৈবস্বতের জন্ম বৃত্তান্ত লিখিত হইয়াছে।

কতকগুলি অশংকিত, অসম্ভব ও তদ্দেশ প্রচলিত ঘটনা দ্বারা উৎকল প্রদেশের পবিত্রতা সংস্থাপন করা হইয়াছে। তৎপরে “একাত্ম-কাননের” বিবরণ।

দেবাদিদেব মাহাদেব চরণ স্পর্শ দ্বারা পবিত্র হওয়াতে একাননটী মহান তীর্থ বলিয়া পরিগণিত হয়। এই সূত্রে দক্ষ রাজার যজ্ঞ, দক্ষ রাজার শিবনিন্দা, পতি নিন্দাশ্রবণে সতির প্রাণত্যাগ, দক্ষ প্রজাপতির প্রাণনাশ, তাঁহার বংশ ধ্বংস, হিমালয় তনয়া উমার জন্ম, উমার কঠোর তপস্যা, মদন কর্তৃক শিবের যোগ ভঙ্গ, হর কোপানলে মদনভস্ম, পার্বতীর সহিত শিবের বিবাহ, প্রভৃতি ঘটনা গুলি অতি বিস্তীর্ণ রূপে বর্ণিত হইয়াছে। শিব এই সমস্ত কার্য্য করিয়া বিশ্রাম জন্য একাত্মকাননে প্রয়ান করেন। এই জন্য এস্থানের এত মাহাত্ম্য। একটা চির-জীবী আত্মবৃক্ষ হইতে “একাত্ম” নাম হইয়াছে। এই “একাত্মকাননের” চতুর্দিকে-সুরম্য উদ্যান, বিস্তীর্ণ তড়াগ অসংখ্য শিব মন্দির, বিরজা, কোপিল ও অপরাপর পবিত্র তীর্থ সকল বিরাজমান ছিল। এই কাননের অনতি দূরে বিষ্ণু প্রিয়-পুরুষোত্তম ক্ষেত্র।

তৎপরে অবন্তি দেশাধিপ ইন্দ্রহ্যম্ন রাজার বিবরণ। ইনিই এস্থানে প্রথমে বিষ্ণুর প্রতিমূর্ত্তি স্থাপন করেন। গ্রন্থকার হঠাৎ জগৎ-ধ্বংস কালে বিষ্ণুর সহিত মার্কণ্ডেয় মুনির কথোপকথনের অবতারণা করিয়াছেন, বিষ্ণু বলিলেন যে, তিনি সর্বভূতে বর্ত্তমান আছেন এবং শিব তাঁহা হইতে অভিন্ন। বিষ্ণুর আদেশে

মার্কণ্ডেয় মুনি কর্তৃক পুরুষোত্তম ক্ষেত্র বা মার্কণ্ডেয় ত্রুদ ও তৎসম্বন্ধিত শিবলিঙ্গ স্থাপন ও সেই সকলের পবিত্রতা প্রতিপন্ন করা পুরোক্ত কথোপকথনের প্রধান সংকল্প। এই ত্রুদে স্নান কর পুণ্যের কার্য্য। তৎপরে অন্যান্য সরো-বর বৃক্ষ, দেব দেবীর মন্দির ও তাহাদের উৎপত্তি বিষয়ক প্রবাদ, ও বিবিধ তীর্থে স্নান, প্রার্থনা ও দেবদেবীর পূজা সম্বন্ধীয় অনুষ্ঠান। জগন্নাথ, বলরাম, এবং সুভদ্রার পূজা বিষয়ে অনেক উপদেশ পুদত্ত হইয়াছে।

জগন্নাথের মূর্ত্তি বিষয়ক আর একটা পুবাদ আছে। দেবপতি ইন্দ্রের জন্য এই মূর্ত্তি সংগঠিত হয়। লক্ষাধিপ রাবণ ইন্দ্রের অমরাবতী হইতে ইহা অপহরণ করে। দাশরথী রাম কর্তৃক লক্ষা জয়ের পর, রাবণ বিভীষণের নিকট এই মূর্ত্তি পরিত্যাগ করিয়া যায়। বিভীষণ সমুদ্রে এই মূর্ত্তি সমর্পণ করেন। সমুদ্র পরিশেষে উড়িষ্যার উপকূলে সেই মূর্ত্তি সংস্থান করে।

তৎপরে পুরুষোত্তম ক্ষেত্রে বাস ও মরণে কি কি ফললাভ করা যায়, তদ্বিষয় অধিক বাহুলা রূপে বর্ণিত হইয়াছে। ব্রহ্মার অনুরোধে অনেকানেক ঋষি ও সাধু ব্যক্তি তথায় বাস করেন, কণ্ড তন্মধ্যে সর্ব পুধান ছিলেন। কণ্ড এক জন জিতক্রোধ, অমিততেজা-কঠোরতপস্বী ছিলেন।

ইন্দ্র তাঁহার যোগ ভঙ্গ মানসে “পেম-লোচা” নামী স্বর্গ বিদ্যাধরীকে তাঁহার নিকট প্রেরণ করেন। ঋষিবর প্রেম-

লোচার প্রণয়ে বন্ধ হইয়া বহুকাল উৎকল প্রদেশে বাস করেন।*

বাসুদেব ও কৃষ্ণের গুণানুবাদ ছলে, বিষ্ণুর কয়েক অবতার, তাঁহা হইতে ব্রহ্মার উৎপত্তি, মধু, কৈটভ, দৈতাদি-গের জন্ম বৃত্তান্ত ও তাহাদের অধঃপত-নের বিষয় কথিত হইয়াছে। এই সমস্ত কৃষ্ণের জন্ম ও লীলার বিষয়, বলরাম, প্রহ্লাদ ও অনিরুদ্ধের ইতিহাস, কৃষ্ণের মৃত্যু ও দ্বারকা ধ্বংসের বিবরণ পূর্ক পীঠিকা মাত্র। বিষ্ণু পুরাণের পঞ্চ অধ্যায়ের ঘটনা ও ভাষার সহিত ব্রহ্ম পুরাণের এভাগের অনুমাত্র প্রভেদ নাই।

ষোড়শ অধ্যায়ে শ্রীকৃষ্ণ, নিত্য নৈমি-তিক ক্রিয়া কলাপ, সমস্ত জাতির কর্তব্য স্থাপন, একাদশী দিবসে বিষ্ণু পূজা বিষ-য়ক কতকগুলি নীরস প্রবাদ আছে। তৎপরে কাল নির্ণয়, যুগ চতুষ্টির স্থায়িত্ব ও মাহাত্ম্য, কলিযুগে মানবগণের ধর্ম ভ্রংশতা ও প্রলয়ের বিবরণ।

লোমহর্ষণ ব্যাসের প্রমুখ্যৎ যাহা প্রবণ করিয়াছিলেন তাহা অবিকল বর্ণন করিয়া পরিশেষে ব্যাসের বাক্য গুলি বলিতে লাগিলেন। ব্যাস নশ্বর জীবন নাশ, মুক্তি, যোগ, যোগ সাধন দ্বারা মুক্তি লাভের বিষয় কীর্তন করিলেন। মুনি

*ফরাসিস দেশের সুবিখ্যাত Mr. Langles সাহেব এই উপাখ্যানটি ফরাসিস ভাষায় অনুবাদ করতঃ পারিস নগরীয় এমিয়াটিক সোসাইটির (Asiatic Society) "Journal Asiatique" নামক পত্রিকায় সন্নিবেশিত করেন।

বর্ণ ভিন্ন ভিন্ন যোগের বিসয় জিজ্ঞাসু হইলে মুনিবর ব্যাস সাংখ্য দর্শনের বিব-রণ ব্যাখ্যা করেন। পরিশেষে বাশষ্ঠ মুনি জনকরাজাকে সাংখ্য দর্শনের মতের বিষয় যাহা বলিয়াছিলেন, তাহা প্রকাশ করেন। ন্যাস, কুম্ভক প্রভৃতি কঠোর তপস্যা দ্বারা যোগ সাধন, নিষ্ঠার দ্বারা সাত্বিক অর্থাৎ পবিত্রাত্মা মানবের উচ্চ পদবী লাভ করিয়া বাসুদেব শ্রীকৃষ্ণ লীন হওয়া, ব্রহ্ম পুরাণের গুণ কীর্তনও এই পুরাণ পাঠ ও শ্রবণের ফলাফলের বিষয় বিস্তারিত বর্ণন করিয়া এই পুরাণ সমাপ্ত হইয়াছে। কিন্তু অপর এক হস্ত লিপি পাঠে অবগত হওয়া যায় যে, ব্যাস মুনিদিগকে বৈবস্বত হইতে রাম পর্য্যন্ত সূর্য্য-বংশীয় নরপতিগণের ইতি হাস ও চন্দ্রের জন্ম বৃত্তান্ত কীর্তন করতঃ তন্মধ্যে যোগ সাধনের বিষয় বর্ণন করেন। বাস্তবিক এই ভাগটি ব্রহ্ম পুরাণের অংশ কিনা তাহা সন্দেহ স্থল।

ব্রহ্ম পুরাণের এই সংক্ষেপ বিবরণ দ্বারা স্পষ্ট অনুমিত হইবে যে, ইহা প্রাচীন গ্রন্থ নহে, স্মৃতির প্রকৃত পুরাণ পদ বাচ্য কিনা উদ্ভিষয়ে অনেক সন্দেহ উপস্থিত হয়। প্রথম কয়েক অধ্যায় কোন প্রাচীন লেখক দ্বারা রচিত হওয়া সম্ভব। পরবর্তী কয়েক অধ্যায় বর্ণিত বিষয় গুলির সহিত সাধারণ পুরাণো-ল্লিখিত ঘটনার নহিত অনেক সামঞ্জস্য আছে। ব্রহ্ম পুরাণের সমস্ত অংশই প্রায় স্থান বিশেষের ব্যক্তি বিশেষের ও দেব মন্দির বিশেষের বর্ণনা ও সেই স্থান ব্যক্তি ও মন্দির সম্বন্ধীয় স্থানীয় প্রবাদে

পরিপূর্ণ। ব্রহ্ম পুরাণ বস্তুতঃ উৎকল প্রদেশের মাহাত্ম্য প্রচারক গ্রন্থ মাত্র।

বৈতরণী ও রসকইলা নদী মধ্য স্থিত শৈল শ্রেণী পরিবেষ্টিত পুরী নগরী জগন্নাথ দেবের মন্দির জন্যই উৎকল প্রদেশ বিখ্যাত ও পরিভ্রম স্থল বলিয়া পরিগণিত হয়। ভারতবর্ষের সকল প্রদেশ হইতেই সহস্র সহস্র নরনারী এই পবিত্র ধাম দর্শনে গমন করে। ব্রহ্ম পুরাণে এই দেশে সূর্য্য ও মহাদেবের মূর্তির পূজার বিষয়ে অনেক বিবরণ আছে।

এই পুরাণোল্লিখিত শিব পূজার স্থল "একাত্মকানন" অধুনা "ভুবনেশ্বর" নাম ধারণ করিয়াছে। সেই কাননের পূর্ক শোভা-নাই। কতকগুলি ভগ্ন মন্দির, জনশূন্য দুর্গ ও প্রাসাদ এবং মহাদেবের ভগ্নাবশেষ মন্দির একাত্মকাননের পূর্ক গরিমা প্রকাশ করিতেছে। ৬৭৮ খৃঃ অর্কে-উড়িয়াবিপ "ললিত ইন্দ্রকেশরী" মহাদেবের মন্দির নির্মাণ করেন। কিন্তু কি কারণে ও কোন সময়ে উড়িয়া বানীরা শিব পূজা হইতে বিরত হইয়া এই মন্দির পরিত্যাগ করে, ও লোকের অযত্নে তাহা ভগ্নাবশেষ হয় তাহা নির্ণয় করা অতি দুঃসাধ্য। কিন্তু এই মাত্র বলা যাইতে পারে যে, ১১১২ খৃঃ অর্কের প্রারম্ভে জগন্নাথদেবের প্রাচুর্য্য হওয়াতে, শিব-পূজা ও শিব মন্দির সকল আর উড়িয়া বানীদিগের মন আকৃষ্ট করিতে পারে নাই।

সূর্য্যদেব প্রায় ১২ খৃঃ অর্কের মধ্য-ভাগ পর্য্যন্ত অপ্রতিহত রূপে উৎকলে সমাদৃত ছিলেন। কারণ ১২৪১ খৃ অর্কে

রাজা "লাঙ্গোরা নরসিংহ দেব" "কনার্কা" গ্রামে সূর্য্যদেবের এক মন্দির সংস্থাপন করেন।

১১৯৮ খৃঃ অর্কে জগন্নাথের মন্দির প্রস্তুত হয়।

"কনার্কার" সূর্য্য মন্দির বহুদিবস জগন্নাথের মন্দিরের উপরে আপন প্রাধান্য স্থাপনে যত্নবান ছিল। পরিশেষে জগন্নাথ স্বীয় ক্ষমতার তাঁহার প্রতি দ্বন্দী শিব ও সূর্য্যকে পরাস্ত করিয়া উৎকল বাসীদিগের মনোমুগ্ধো নিজে আধিপত্য স্থাপন করেন। কিন্তু যৎ-কালে ব্রহ্মপুরাণ লিখিত হয়, সে সময় সূর্য্য, শিব ও জগন্নাথ এই ত্রিদিব পর-স্পরের সমকক্ষ ছিলেন। মানব হৃদয়ও এই তিন দিগে প্রধাবিত হইত। সুতরাং ইহা দ্বারা স্পষ্ট প্রতীয়মান হইতেছে যে, এই পুরাণ ১৩১৪ খৃঃ অর্কে অর্থাৎ উৎকলে সূর্য্য ও শিব পূজা হতাধৃত হইলে এবং জগন্নাথের পূজা সৃষ্টি হও-নের পর রচিত হয়।

পূর্কই কথিত হইয়াছে যে, "উত্তরা-খণ্ড" অর্থাৎ ব্রহ্ম পুরাণের অন্তর্ভাগ এক খানি স্বতন্ত্র গ্রন্থ। এবং পুরাণবর্ণিত ঘটনার সহিত ইহার ঘটনার কিঞ্চিৎমাত্র সাদৃশ্য নাই। এতদ্বারা বিলক্ষণ বোধ হইতেছে যে, এতদুভয় পৃথক গ্রন্থ। যদি ব্রহ্ম পুরাণের কোন পূর্কখণ্ড বিদ্যমান থাকে ও এই উত্তরাখণ্ড তাহার ক্রমা-

* নাবিকদিগের নিকট এই মন্দির (Black Pagoda) কৃষ্ণ মন্দির বলিয়া বিখ্যাত আছে।

বুঝি অক্ষ হয়, তাহা হইলে ইহাকে কখনই ব্রহ্ম পুরাণের অংশ বলিয়া স্বীকার করা যায় না।

উত্তরাখণ্ড সপ্তাধিক ত্রিংশত অধ্যায় ও তিন সহস্র শ্লোকে সমাপ্ত। আদিতে অগস্ত্য মুনি সুপ্রতিম মুনির নিকট ইহার যে রূপ ব্যাখ্যা করেন, সনক ঋষি সতানি কের নিকট ইহার অনুরূপ ব্যাখ্যা করেন ব্রহ্ম ইহার নায়ক বলিয়া ইহার ব্রহ্ম পুরাণ নাম দেওয়া যাইতে পারে।

ব্রহ্মা সরস্বতীর উপরে কামাঙ্ক হইয়া তাঁহার কৌমার্যা সতীভ্রত নষ্ট করেন। সেই বিদূষিত সহযোগে সরস্বতী অন্তর্বত্তী হইয়া পরিশেষে সামুদ্রিক নায়ে এক পুত্র প্রসব করেন। আপনাকে অনভিজাত জ্ঞানে সামুদ্রিক পিতা মাতাকে সবিশেষ শাস্তি দানে কৃত সৎকল্প হইয়া কঠোর তপস্যা দ্বারা অসুরকুল সৃজন করেন। প্রথমে দেবগণ পরিশেষে ব্রহ্মা তৎকর্তৃক পরাজিত হইয়া স্বর্গ ত্যাগ করিতে বাধ্য হন। পরিশেষে স্তবস্তোত্র দ্বারা শিবকে পরিতুষ্ট করিয়া পুনর্বার স্বীয় সম্পত্তি লাভ করেন। কিন্তু স্বর্গে বাস না করিয়া বিশ্বকর্মাাকে “বলজা” নদী তীরে “দৃশ্যপুর” নামক এক মুনি মনোহর নগর নির্মাণ করিতে আদেশ করেন। বিশ্বকর্মা অল্পকাল মধ্যে সেই নগর নির্মাণ করিলেন “বলজা” নদীর যশস্বী ও তাহার পবিত্রতা প্রতিপন্ন করাই এই খণ্ডের প্রকৃত উদ্দেশ্য। সূতরাং ব্রহ্ম পুরাণের উত্তরাখণ্ড যে “বলজা” নদী মাহাত্ম্য বিজ্ঞাপক গ্রন্থমাত্র তাহা বলা বাহুল্য।

বলজা নদীও দৃশ্যপুর কোথায়? তাহা বলা দুস্বাধ্য, ব্রহ্মা ইহাতে স্নান করেন বলিয়া ইহার “ব্রহ্ম ব্রহ্ম” নাম। দেবতার। অসুরদিগের সরজালে ক্ষত বিক্ষত হইয়া এই নদীতে স্নান করিবামাত্র সুস্থ শরীর প্রাপ্ত হইয়াছিলেন বলিয়া ইহার “বাননাশা” অপর একটি নাম। অন্যথা ইহাকে নন্দিনী ও সাকুম্বরী দেবী বলিয়া বর্ণনা করা হইয়াছে। সাকুম্বরী রাজপুত্র দেশমধ্যস্থিত সন্তার ও অপরা পর প্রদেশস্থলোকদিগের উপাস্য দেবী*। “পুষ্করতীর্থ”—“ব্রহ্মারব্রহ্ম” সমস্ত ভার তবর্ষমধ্যে পুষ্করতীর্থেই শুদ্ধব্রহ্মার একমাত্র মন্দির স্থাপিত আছে। কিন্তু “বলজা” সর্বথা নদী বা মহানদীরূপে কথিত হইয়াছে। “পুষ্কর ব্রহ্ম” যে পুরাণোল্লিখিত “বলজা” নদী তাহা যুক্ত সিদ্ধ নহে। “বাননাশা” “বনাশ” নদীর প্রতি রূপ। এই নদী মাড়ওয়ার প্রদেশে উত্থিত হইয়া চম্বল নদীর প্রবাহে মিশ্রিত হইয়াছে। যাহা হউক ব্রহ্মপুরাণের এই খণ্ড, মধ্য ভারতবর্ষের কোন তীর্থেই ইতি বৃত্ত মাত্র তাহা স্পষ্টাক্ষরে লিখিতে পারা যায়। কালক্রমে সেই তীর্থ ও তৎসম্বন্ধীয় উপাখ্যান লয় প্রাপ্ত হইয়াছে। সূতরাং সন্তরদেশে তাহার কিঞ্চিৎমাত্র সূত্র পাওয়া যায় না।

উত্তরাখণ্ড শুদ্ধ দেবাসুরের যুদ্ধ বিবরণ ও বলজা নদীর মহিমা কীর্তনে পরিপূর্ণ, সূতরাং ইহাকে পুরাণের অংশ বলিয়া স্বীকার করা যায় না।

* মহাত্মা টড সাহেব কৃত রাজস্থানের ইতিহাসের দ্বিতীয় খণ্ডের ৪৪৫ পৃষ্ঠা দেখ।

ক্ষন্দ পুরাণের “ব্রহ্মোত্তরখণ্ড” নামে এক খণ্ড আছে তাহার সহিত ইহার কোন সম্পর্ক নাই।

অনেকে অনুমান করেন জগন্নাথ বৌদ্ধদিগের উপাস্যদেব। জগন্নাথ, বলরাম, সুভদ্রা, “ত্রিবুদ্ধ” মূর্তিমাাত্র। অশোক রাজার সময়ে বৌদ্ধ ধর্মের অত্যন্ত প্রাচুর্য্য হয়। তাহার পর বিক্রমাদিত্য আবার পৌত্তলিকধর্ম প্রচলন পূর্বক বৌদ্ধদিগের উপাস্য দেবমন্দির সকল বল পূর্বক অধিকার করেন। কামাখ্যা পৌত্তলিকদিগের উপাস্য দেবী নহে। ইহার নাম “প্রয়োনা দেবী” ছিল। বৌদ্ধেরা নিজ লক্ষ্মীর সহিত পৌত্তলিকদিগের হস্তে সমর্পণ করিলে তদবধি পৌত্তলিক হিন্দুরা ইহাকে যোনী পীঠ বলিয়া ভক্তি সহকারে অর্চনা করিয়া আসিতেছে।

ইহাদ্বারা স্পষ্ট অনুমিত হইতেছে যে, বৌদ্ধ মত নির্যাতক হিন্দুরা জগন্নাথের উপর বিশেষ রূপ স্বকীয় স্বল্প স্থাপনার্থ এই পুরাণ প্রণয়ন করে।

প্রণয় জলধি।

দেখিতেছি সম্মুখেতে ইকি ভয়ঙ্কর।
এ ও নাকি কাক কাছে মনোহর অতি?
ভব, ভিন্ন ভাব ময়,
কখন সমান নয়,
সকলের মানসের গতি,
ভিন্ন কচি লোক বলি ব্যক্ত চরাচর।
আমি ভাবি নিদাঘের রবি খরতর।
মৃহলানলিনী তারে ভাবে মনোরম,

পূর্ণফল নিশা পতি,
হেরি কুমুদতী সতী

মনে অনুভব উপশম,
কমলিনী কেন তারে করে না আদর?
স্নেহজলে ভরা কিন্তু তীব্র মোর
কাছে,

সন্দেহ তরঙ্গ উঠিতেছে বার বার,
বলিয়া কলহ শ্রোত
ডুবায় মিলন পোত,
অনুক্ষণ, গর্জন অপার।

অসীম অতল স্পর্শ, ব্যাপি রহিয়াছে,
হিংসা ঘেঘ আদি কত বিকট কুস্তীর,
ডুবি রহিয়াছে গর্ভে, কত উঠে ভাসি,
সদা মনে মন বাঁধা,

যেন মগ্ন গিরি আধা,
বাড়বাগ্নি বিরহাগ্নি রাশি,
হতে পড়ি কার প্রাণ না হয় অধীর?
কেন লোকে সাধ করি দেয় গো
সাঁতার?

কোন রত্ন পেরেছি কি কেহ কোন
কালে?

ডুব দিয়া সুধা লাগি,
হলেম বিবের ভাগী,
ঘটিয়াছে যাছিল কপালে,
প্রণয় জলধি পদে, কোটি নমস্কার,

কুমার-সম্ভব।

উত্তর ভাগ।

(ভূমিকা)

কবিকুল-রত্ন সরস্বতীতনয়-কালিদাস
ও তৎপ্রণীত কুমার-সম্ভব কাব্যের
বিষয় বোধ করি ভারত বর্ষীয় শিক্ষিত

ব্যক্তি মাত্রই অবগত আছেন। সম্প্রতি ইউরোপে ও অনেকে এতদ্বিবয়ক পরিচয় লাভ করিয়াছেন। কালিদাস স্বকৃত কুমার-সম্ভব সম্পূর্ণ করিয়াছিলেন, ইহা এক প্রকার অনুমান করিয়া লওয়া যাইতে পারে, কিন্তু বর্ণিত কাব্যের সাত সর্গ মাত্র সর্বত্র প্রচলিত দেখা যায়।

কেহ কেহ অনুমান করেন, কুমারের অপরাধ কৌন অপরিজ্ঞাত কারণ বশতঃ বিলুপ্ত হইয়াছে, কেহ কেহ বা এরূপ বলেন যে হর ও পার্বতী ভারতবর্ষীয় জনগণের পিতা ও মাতা স্বরূপ, মাতা পিতা ও ইচ্ছ দেবতাকে অবলম্বন করিয়া হাস্য ও আদিরসবর্ণন শাস্ত্র নিষিদ্ধ।

কুমার সম্ভবের প্রস্তাব কল্পনা দ্বারা তদৃষ্টমাদিসর্গ অশ্লীল দোষ প্রধান বলিয়াই অস্বীকৃত হয়, দীর্ঘকাল আদর ও চর্চা অভাবে ক্রমশঃ অপ্রচলিত হইয়া বিলুপ্ত হইয়াছে। কৌন ব্যক্তি বা তদ্বন্ধু কুন্তকারের — অদ্ভুত-কিষ্কদন্তী বর্ণন দ্বারা কালিদাসের বিদ্যমান-বস্থাতেই কুমারের অপরাধের লোপ নির্ণয় করেন।

বস্তুতঃ কুমারের উত্তরভাগ কুত্রাপি বর্তমান নাই ইহাই অস্বীকৃত হইতেছে। এপর্যন্ত দুই প্রকার উত্তর ভাগ প্রাপ্ত হওয়া গিয়াছে, অস্পৃশ্য হইল সংস্কৃত কলেজের অধ্যাপক শ্রীযুক্ত তারা নাথ তর্কবাচস্পতি কর্তৃক একবিধ উত্তর ভাগ মুদ্রিত ও প্রচারিত হইয়াছে। তাহা কৌন ক্রমেই কালিদাসের নয়

এ বিষয়ে, এই পত্রিকার ১খণ্ডের ১২শ সংখ্যাতে বিস্তারিত রূপে ভূরি ভূরি প্রমাণ প্রয়োগ দ্বারা বাচস্পতি মহাশয়ের ভ্রম অথবা পক্ষ পাণ্ডিত্য সম্পূর্ণ নিরাস্ত করা হইয়াছে। প্রচারিত উত্তর-ভাগ খানি যদি কিঞ্চিদংশেও উপা-দেয় হইত, তাহা হইলে আমরা আগ্রহ পূর্বক গ্রহণ করিতাম, সন্দেহ নাই।

সম্প্রতি সংস্কৃত কাব্যের বহুল চর্চা হওয়াতে অনেকেই কুমার সম্ভবের অঙ্গ-হীনতা অনুভব করিয়া থাকেন।

আমরা সঙ্কল্প করিয়াছি—অষ্টম সর্গ হইতে আরম্ভ করিয়া অপরাংশ পূরণ পূর্বক, এই পত্রিকাতে ক্রমশঃ প্রকাশ করিব। আমাদিগের সংস্কৃত রচনা যে কালিদাসের অলৌকিক রচনা অপেক্ষা সহস্র গুণে নিকৃষ্ট হইবে বলা বাহুল্য।

যাহাতে অশ্লীল দোষ বর্জিত, এবং বর্তমান উত্তর ভাগ গুলি অপেক্ষা কিঞ্চিদংশেও উৎকৃষ্ট হয় তদ্বিবয়ে যত্নবান হওয়া যাইবে। এস্থলে ইহাও বক্তব্য যে বর্ণিত কাব্যের সাতসর্গের অনুবাদ বিগত বৎসরের মধ্যে এই পত্রিকাতে ক্রমশঃ প্রকাশিত হইয়াছে।

উত্তর ভাগেরও অনুবাদ মূলের সহিত প্রচারিত হইবে কতদূর কৃতকার্য হইয়া যায় বলিতে পারা যায় না।

কুমার-সম্ভবম্।

অষ্টমঃ সর্গঃ।

তপোনিহন্ত মর্দনস্য হস্তা
কালে পুনর্জীবিত কামমুগ্ধঃ

বিস্মৃত্য যোগং পরমার্থ মূলং
দাম্পত্যযোগী বিষয়ার্থ মৈচ্ছৎ
দিনানি নীত্বা কতি চিদ্ধিমাঙ্গে
গৃহে গৃহস্থাত্মম ভাক্ তপস্বী
তপঃ পদং তাপস বাঞ্ছনীয়ং
শান্তং গভীরং নিভৃতং মনোজ্ঞম্।
স্নিগ্ধং পয়োদৈঃ শিখরং স্পৃশন্তিঃ
শ্যামায়মানং মুহু সঞ্চরন্তিঃ
মোমোমুখা নর্তিত পুংসম্বরং
মিতস্ততো ধাবিত কৃষ্ণ সারবা।
বিহঙ্গ মালোৎ পতনৈশ্চ বাটে
নৃতং স্ননং পাদপ পর্ণ পুঞ্জং
তুষারপাত ধ্বনিম্। প্রবুদ্ধো
তাপস্বপং শাবকবৎ কুরঙ্গম্।
বিলাস সংভোগ পরিক্রমেন
নিজাশ্রমং ক্লাস্ত জনশ্রময়ন্
সন্মার কৈলাস গিরে হৃদিস্থং
চলাহিলোকোত্তর চিত্তবৃত্তিঃ
আগত্য নন্দী স্মৃতি মাত্র মেব
কৃতাজ্জলিঃ স্কন্ধ নিবলশূলঃ
তস্থৌ স্থিরো দক্ষিণপাশ্চ বর্তী
প্রভোর্নিদেশ প্রতিপালনেচ্ছুঃ।
তপোয়-কন্দর্প-হস্তা শিব, সময়ে
পুনর্জীবন প্রাপ্ত কামকর্তৃক বিমুগ্ধ হইয়া,
পরমার্থ মূল যোগ বিস্মৃতি পূর্বক
দাম্পত্য মিলন সহকারে বিষয় সুখাভি
লাষী হইলেন।

সেই তপস্বী, হিমাদ্রিভবনে গৃহস্থা
শ্রম স্থখে কতিপয় দিবস যাপন করিলে,
ভোগ বিলাসে পরিক্রান্ত হইয়া শান্ত,
গভীর, মনোজ্ঞ, নিভৃত, তাপসকুলের
বাঞ্ছনীয়, তপস্যারপ্রশস্ত স্থল,
সেই কৈলাসপর্বতের হৃদয়-স্থিত

স্বকীয় আশ্রম স্মরণ করিলেন, যে স্থান
মুহুসঞ্চরমান শিখর-স্পর্শা-জলদ দলের
স্নিগ্ধ ছায়ায় শ্যামায়মান হইয়া
রহিয়াছে, যেস্থলে মেষ গর্জনে উন্মুখ
হইয়া পুংসম্বর সকল নৃত্য করিতেছে,
কৃষ্ণসারগণ ইতস্ততঃ দ্রুত বিচরণ করি-
তেছে, বিহঙ্গকুলের উৎপতনে এবং
বায়ু প্রবহনে পাদপোপরি পর্ণ সকল
সশব্দে নৃত্য করিতেছে, তুষার-পাত
শব্দে, আতপে সশাবক-সুপ্ত মৃগকুল
জাগরিত হইতেছে, সেই ক্লাস্তি-হর
স্থলের দিগে বিভূর অন্তঃকরণ অগ্রসর
হইল। মহাপুরুষ দিগের চিত্ত সর্বদাই
নির্লিপ্ত ভাবে অবস্থিতি করে।

স্মরণ মাত্র নন্দী আগমন করিয়া স্কন্ধে
মহা শূল স্থাপন পূর্বক কৃতাজ্জলি পুটে
দক্ষিণ পাশ্বে স্থিরভাবেদণ্ডায়মান
হইল, এবং প্রভুর আদেশ প্রতিপাল-
নেচ্ছু হইয়া সময় প্রতীক্ষা করিতে
লাগিল।

যাহাদিগের শরীরের বর্ণ গাঢ় নীল,
তানী বর্ণের আভা সদৃশ এবং চক্ষু হরি-
তানক সন্নিভ; সেই বেতাল ও তাল,
সহস্রে প্রদত্ত তালসহকারে নৃত্য করিতে
করিতে মহাদেবের সন্মুখভাবে আকাশ
মণ্ডল হইতে ক্রমশঃ অবতরণ করিল।

স্বনীল তালীবর্ণ সন্নিভার্ণো
স্বহস্ত তালানুগ নৃত্য বন্তো
বেতাল তালৌ হরিতাল কাক্ষৌ
ব্যোম্নঃ ক্রমাৎ পেততুরগ্রতোস্যা।
পৃষ্ঠে মঞ্চদোলিত কেশপাশঃ,
শোণাক্কক সোম লতা রসেন
বীর স্ত্রিশূলীকিলবীরভদ্র

উপস্থিতঃ কীর্তিত এব নাম্নি ।

যৌবৈস্তিরঙ্কৃত্য গজেন্দ্র যৌবৎ,

কৃতিং গজেন্দ্রস্য সমাদধানঃ

ভয়ঙ্করোভৈরবনাম ধ্যেয়ো ।

ভিক্তা বলেরাবির ভূৎপয়োদম্ ।

বোম্মোবকহ ক্রমশোমহাক্ষঃ

স্থূলোন্নতঃ সুবৃহৎককুদান্

মুহুঃ শ্বসন্বর্নিতলোহিতাক্ষ

স্তির্ঘ্যাক্ষিণাং পুত্রতো ননাদ ।

উপেত্য কশ্চিৎ প্রমথো গৃহীত্বা

ভস্মাদিকং ভূষণ মেব কশ্চিৎ

ধ্বজা প্রপূর্ণং চষকং নিয়ন্তু

দ্বিগায় মানো মদিরারসেন ।

শিবাভিলাষং মানসা বিদিত্বা

নিক্শিপ্য রত্নাভরণানি দূরে

জগ্রাহ ভূষাং প্রমথ প্রদত্তাং

বস্ত্রং মনো হৈমবতী প্রিয়স্য ।

পৃষ্ঠ দেশে কেশ পাশ পবনে বিদোলিত হইতেছে, সোম-লতা রমপানে লোচনদ্বয় রক্ত বর্ণ হইয়াছে, ত্রিশূল ধারণ পূর্বক মহাবীর বীর ভদ্র, নামা মাত্র উপস্থিত হইল ।

মিনাদে মহাগজ নাদ তিরঙ্কর্তা গজেন্দ্র কৃতি পরিধারী, ভয়ঙ্কর মূর্তি ভৈরব নামধেয় বীরবর, বলে মেঘ রাজি ভেদ করিয়া আবিভূত হইল ।

স্থূলোন্নতদেহ ককুদান-বৃষভবর ঘূর্ণিত লোহিত-লোচনে ঘনঘন দীর্ঘনিঃশ্বাস পরিত্যাগ করিতে করিতে আকাশ হইতে অবতরণ পূর্বক বিবাণ আনত করিয়া সম্মুখ ভাগে মিনাদ করিতে লাগিল

আগত অনুচর দিগের কেহ কেহ, ভস্মাদি ভূষণ, কেহবা, মদিরাপূর্ণ চষক ধারণ পূর্বক, নিয়ন্তা পুত্র সমীপে দণ্ডায়মান হইল ।

আকার ইঞ্জিতে শিবের মনোগত অভিলাষ অবতগত হইয়া হৈমবতী স্বীয় গাত্রের রত্নাভরণ উন্মোচন পূর্বক দূরে নিঃক্ষেপ করিলেন, এবং অনুচর পুত্র দিগের পুদত্ত ভূষণ গ্রহণ করিয়া প্রিয় বল্লভ-শিবের মানস রমণ করিতে লাগিলেন ।

সুকেশ পাশ দ্বারা জটা বিধান পূর্বক বিভূতি পুঞ্জদ্বারা গৌরাদ্ধ আবৃত করিয়া স্বকীয় রূপলাবণ্যে অত্যন্ত অভিমানিনী হইলেন । যাহা প্রিয় ব্যক্তির প্রিয় তাহাই প্রকৃত রূপ লাবণ্য ।

গৌরী পিতৃ সমীপে আগমন করিয়া, অবনত বদনে বাম-পদাঙ্গুষ্ঠ-নখে ভূমি বিলিখন করিতে করিতে বলিতে লাগিলেন, পিতঃ আমি এই স্থান হইতে শী-ব্রহ্মই পতি গৃহে গমন করিতে ইচ্ছাকরি ।

সুকেশ পাশেন জটা বিধায়, বিভূতি পুঞ্জাবৃত গৌর দেহা অভূৎ স্বরূপাদিভি মন্য মানা প্রিয় প্রিয়ং যন্ধি তদেব রূপম্ ।

অবাঙ্কুখী পিতৃ সমীপমেত্য মুহুঃ পদাঙ্গুষ্ঠ নখেন ভূমৌ বামেন বামা গিরিজা লিখণ্ডী স্বীয়ং যযাচে গমনং সনাথম্ ।

গৌরী গুরুস্ত দ্বচনং নিশম্যা স্থিত্বা ক্ষণং কিঞ্চনীয় মূঢ়ঃ কদম্ মুহুঃ প্রসবণাঙ্ক কণ্ঠঃ প্রিয়াতুজাং প্রত্য বদন্ববোঢ়াম্ ।

ত্বয়া যদুক্তং পতি ভক্তি মত্যা

জানে নকিং তৎপ্রতিবাক্যমস্তি

তিষ্ঠেতানুজ্ঞাভিমতা কুতন্তে

গচ্ছেতি বক্তুং কথমেব শতঃ ।

অহংসহিষ্কুজগতি প্রসিদ্ধ,

স্তিষ্ঠামি বজ্রাদিভাবিবক্ষাঃ

আত্মাতি ধৈর্যোরপনীয় মুচ্ছাং

প্রবো ধয়িষ্যামি মনঃ কঠোরম্ ।

কৃতে বচো মদ্বিধ পর্বতস্য

হ্রস্বম্ভে দক্চকোমলাস্তাঃ

কুলাঙ্গনাস্তু ক্লান্ত জীবনাশাঃ

কথং সহিষ্যন্তি স্মৃতিঙ্ক বজ্রম্ ।

গৌরী গুরু হিমবান্ সেই বাক্য শ্রবণ মাত্র কিম্বতব্য বিমূঢ় হইয়া ক্ষণ কাল অবস্থানান্তর অঙ্ক পূর্ণ লোচনে রোদন করিতে করিতে নবোঢ়াপ্রিয় নন্দিনীকে বলিতে লাগিলেন ।

বৎসে ! পতিভক্তি সহকারে যাহা বলিলে, জানিমা তাহার কি প্রতি উত্তর দিতে হইবে । গৃহে অবস্থিতি কর এরূপ তোমার অনভিমত আদেশ কখনই প্রতিপালিত হইবার নহে, যাও ! এরূপ বাক্য কি প্রকার প্রয়োগ করিতে সক্ষম হইব । আমার সহিষ্কৃত্য জগতে প্রসিদ্ধ, তোমার এরূপ বাক্য শ্রবণে বজ্রাঘাতে বিদীর্ণ বক্ষাঃ হইয়াই যেন অবস্থিতি করিতেছি, এবং অতি ধৈর্য সহ করে মুচ্ছা অপনয়ন করিয়া কঠোর হৃদয়কে প্রবোধ দিতেছি ।

গৌরী ! মাদৃশ পর্বত হৃদয় ভেদী তোমার বাক্যইবা কোথায় ? সেই সকল কোমল হৃদয়াহুদ্যাত প্রাণা কুলা-

ঙ্গনাই বা কোথায় ? উহারা কিপ্রকারে তোমার বিদায় প্রার্থনা রূপ বজ্র সহ করিবেক ?

যিনি তোমার তিলাঙ্ক বিরহের নাম শ্রবণে অবসন্ন হন, তোমা ভিন্ন আর যাহার দ্বিতীয় অপত্য নাই, সেই বিমূঢ়া তোমার জননীকে তোমার অভাবে কোন বাক্যের দ্বারা কি প্রকারে প্রবোধ দান করিব ?

গিরীশ্বর বিপন্নের ন্যায় এই প্রকার কাতরোক্তি করিলে বয়সে বালিকা, জ্ঞানে বৃদ্ধা গৌরী উপদেশ মূলক বাক্য বলিতে লাগিলেন ।

তদেক পুত্রীং জননীং বিমূঢ়াং তিলাঙ্ক বিশেষ ভয়াবসন্নাম্ ত্বয়াবিনা কেবল মেব বাক্যৈঃ প্রবোধয়িষ্যামি কথং বিপন্নাম্ ।

সদ্বৎসামিতুক্তবতি প্রপন্নৈ দশাং বিপন্নস্য গিরীশ্বরে সা জ্ঞান প্রবৃদ্ধা বয়স্যাতি বাল্য প্রোবাচ বাণীমুপদেশা মূল্যাম্ ।

ত্বয়া তপো নে বিদং তপোজ্ঞ পুনঃপুন উগ্ন মনোরথায়াঃ ফল প্রদং সাম্প্রতমেব কালে ধৈর্যেন সম্পৎ স্বয়মাগতাহি ।

তপঃ ফলে নৈব ভুজঙ্গ মানাং চিতাসমুজ্জাত বিভূতি লেপং কথং জটা ভার মিতেশ কৃতিং ভবামি সৌভাগ্য গুনৈর্দধানা ।

তপঃ ফলং মে মধুরং কিমেব, বিদগ্ধি সামান্য জনাঃ কষায়ং জটাধরঃ পুংগববাহনোয়ং যোগীন সাধারণ ভাবনভাঃ ।

প্রেমার্থিনী প্রেমবতোহরস্যা,
লক্ষুং তদাষঙ্গ সুখং চিরায়
জগৎ প্রভুত্বং স্বজননাঞ্চ প্রাণান্
শক্লোমি হাতুং কি মতঃ পরংস্যাৎ ।

হে তপোজ্ঞ! পুনঃ পুনঃ অসিদ্ধ
কাম হইয়াও যে তপস্যা সাধন করি-
য়াছি, তাহা তোমার অবিদিত নাই।
সময়ে সম্প্রতি সেই তপস্যা শুভ ফল
প্রসব করিয়াছে।

ধৈর্য্য গুণে সম্পৎ স্বয়ংই হস্তে উপ-
স্থিত হয়। তপস্যার ফলে, ভূজঙ্গ
মালা, চিতা ভব বিভূতিলেপ, ৩খ জটা
ভার, গজেন্দ্র কীর্ত্তি ধারণ করিয়া
নিজের সৌভাগ্য জ্ঞান করিতেছি।

আহা! তপস্যার ফল কি মধুর,
সামান্য লোকেরা কটুকষায় বলিয়া
অনুভব করে, সেই পুংগব বাহন জটাধর
মহা যোগী শিব, সাধারণ জন গণের
হৃদয় গ্রাহী প্রীতি ভাজন নহেন।

প্রেম বান সেই হরের প্রেমার্থিনী হইয়া
চিরকালের নিমিত্ত তাহার আষঙ্গ সুখ
লাভার্থ, জগতের রাজহ, আত্মীয় স্বজন
বর্গ, এমন কি প্রাণ পর্যন্ত পরিত্যাগ
করিতে পারি, ইহা অপেক্ষা আর
অধিক কি?

ক্রমশঃ ।

স্বর্গ ভ্রংশ কাব্য ।

ভূমিকা ।

মহাকবি মিল্টন পৃথিবীতে অপরি-
চিত নন, বাল্মীকি, হোমার, বার্জিল,

দান্তে, কালিদাস, সেক্সপিয়র, ভারবি,
ভব ভূতি সাদি বায়রন, প্রভৃতি কবি-
দিগের মধ্যে বর্ণিত মহাত্মা একজন
প্রধান স্থলে গণনীয়, এমন কি কোন
বিষয়ে সর্বপ্রধান বলিলে ও অতুলিত
হয় না।

ইনি অনেক স্থলে হোমার বার্জিল
সমুদিত ভাব সকল স্বপ্রণীত কার্যে
গ্রহণ করিয়াছেন বটে, কিন্তু নিজ অসা-
মান্য কল্পনা ও বর্ণনা শক্তি প্রভাবে
সমুদয় কবিগণকে পরাস্ত করিয়াছেন,
সন্দেহ নাই।

ইহার লেখনী হইতে যে অজস্র কীদৃশ
তেজস্বী, গাম্ভীর্য্য ব্যঞ্জক, পদাবলি
নিঃসৃত হইয়াছে, তাহা বর্ণনাভীত।

বস্তুতঃ তৎ প্রণীত কার্যের যে অংশ
পাঠকরা যায় সেই অংশেই বোধ হয়,
যেন, অভঃকরণ বীর রোদ্ৰ ও ভয়ানক
রসে আপ্ত হইয়া নৃত্য করিতে থাকে।
নরক বর্ণনা পাঠে, কেনা ভীত ও চাকত
হয়। পাপের ব্যাখ্যা শ্রবণে কেনা ঘৃণা
ও বিরক্তি প্রকাশ করে?

দম্ভজপতির বক্তৃত্যে কার না সমস্তে
সাহ প্রদীপ্ত হয়?

কতকগুলি অক্ষর যোজনা দ্বারা যে
এই প্রকার পোত বিঘাতক স্রাগর তরঙ্গ
সদৃশ, পর্বত বিদারক বজ্র সদৃশ, মহা-
তক সমুৎপাতক ঝঞ্জা সদৃশ, বল, ও বেগ
প্রকাশ করিয়াছেন, ইহা কি অল্প
বিস্ময়ের বিষয়?

পৃথিবীতে মিশর দেশীয় পীরামিত,
চীন দেশীয় প্রাচীর প্রভৃতি মণ্ড আশ্চর্য্য
পদার্থ বিদিত আছে, কিন্তু বিশেষ

বিবেচনা করিয়া দেখিলে, স্বর্গ ভ্রংশ
কাব্য সেই সকল পদার্থ অপেক্ষা অধিক
আশ্চর্য্য জনক, সন্দেহ নাই।

এরূপ মহাত্মার অবতরণ ইংরাজি
ভাষা ও ইংরাজ জাতির সৌভাগ্য ও
গৌরব বলিতে হইবেক

ইংরাজি ভাষা হইতে মিল্টন ও
সেক্সপিয়রের কৃতি বিমুক্ত করিলে
তাহাতে আর কিছুই সারবর্তা থাকে
না।

ইংরাজি ভাষা এককালে বিলুপ্ত হইলে-
ও মিল্টন কৃত কাব্য কখনই বিলয়
প্রাপ্ত হইবেক না।

ইউরোপের সমুদয় প্রদেশেই তৎকৃতি
নানা ভাষাতে অনুবাদিত হইয়া সজীব
ভাবে বিচরণ করিতেছে।

কোন মহাত্মা ব্যাখ্যা করিয়াছেন,
টনীয় এক একটা ভাব আবিষ্কার
এক এক জন নিউটনের প্রযো-

মিল্টন প্রণীত গ্রন্থ যে কেবল নির-
বন্ধিত কাব্য তাহা নহে, ইহাকে, ধর্ম-
পুস্তক নীতি সার গ্রন্থ তর মনো
বিজ্ঞান বলিলে ও বলা যাইতে পারে।

আক্ষিপের বিষয় এই ইংরাজি ভাষা-
নভিজ্ঞ বাঙ্গালীরা এই অদ্ভুত অমৃত
রসের সাদগ্রহণে বঞ্চিত কতিপয় বর্ষ
পূর্বে ইহার এক স্বর্গ কোন মিশনারি
কর্তৃক বঙ্গভাষাতে “ভৌম স্বর্গাপহরণ”
নামে অনুবাদিত হয়। উহা দ্বারা ভা-
ষার উপকার সাধন করা দূরে থাকুক।
মিল্টনের জগদ্বিখ্যাত নামে কলঙ্ক আ-
রোপ করা হইয়াছে। এবং সেই মহা

কাব্যের প্রতি ইংরাজি ভাষানভিজ্ঞ
বাঙ্গালীদের মনে অশ্রদ্ধা উৎপাদন
করিয়া দেওয়া হইয়াছে।

আমরা বর্ণিত মহাত্মার মস্তিষ্ক সাগ-
রোখিত মহারত্ন আমাদের মাতৃভাষার
গলদেশে ভূষণ স্বরূপ অর্পণ করিতে বাঞ্ছা
করিয়াছি (“Paradise Lost”) স্বর্গ
ভ্রংশ নামে অনুবাদিত করিয়া এই
পত্রিকাতে ক্রমশঃ প্রকাশিত করিব।

এফে অবঘাত ও জন্মিতা ই মিল্টন
কৃত রচনার প্রধান সৌন্দর্য্য, (run
on) তাহাতে বাঙ্গালা ভাষা এক-
বারে অবঘাত বর্জিত ও জোড়গ ও তাদৃশ
ব্যক্ত হয় না।

অন্ত্য অনুপ্রাস বাঙ্গালা কবিতার
ভূষণ, প্রধান অন্ত্য অনুপ্রাস সম্যকরূপে
তাগ না করিলে পদ্যের গাম্ভীর্য্য ও
ওজস্বিতা রক্ষা পায় না।

বাঙ্গালা ভাষার যেরূপ আবৃত্তি
প্রাণী তাহাতে অবঘাত মূতন সমা-
বেশিত করা সম্ভাবিত নহে, কেবল
সংযুক্তবর্ণস্থলে গৌণ ভাবে অবঘাত
প্রদান ভিন্ন উপায়ান্তর নাই।

কবির মাইকেল মধুসূদন দত্ত যে
মিত্রাকর প্রাণী প্রচলিত করিয়া-
ছেন তাহাই এতদ্ভিন্ন অনুবাদ পক্ষে
উপযোগী বোধ করিয়া সঙ্কল্পিত বিষয়ে
প্রবৃত্ত হওয়া যেন।

যদি মূল গ্রন্থের শাভাংশের একাংশ
ও ওজো ব্যঞ্জক ও ভাববিকাশক হয়।
তম সকল বোধ করতে কুণ্ঠিত হইব
না।

স্বর্গভ্রংশ কাব্য ।

প্রথম সর্গ ।

মানব, যে রূপে লজ্জি বিভুর আদেশ
অলঙ্ঘ্য ; ভক্ষণ করি, জ্ঞান তরু ভব
পাপফল, নিষদ্ধ এহণে যাহা জীবে
যাহার গরল রস ক্ষরি অবিরত
এজগতে, উপজীল ভীষণ গর্ভর
যেন, রোমহর্ষকর মৃত্যু তার নাম ।
যার স্বাদ গ্রহে সদা মনু জন্ম তনু
অগণন হুংখে জর জর ! আহা ! যাহ,
সঙ্গীক সয়ন্তু জন্মে বহিষ্কৃত করে,
মানস-নন্দন সেই নন্দন হইতে ।
পরে বা কি রূপে নরে কোন মহোদয়,
করি পুনর্বার দান স্বর্গে অধিকার,
দিলেন সে রাজ্যভার করিলেন ভ্রাণ,
বিষম কল্যাণ হতে । দেবি সরস্বতি,
সে সব বর্ণন করমাতঃ পদ্মাসনে,
বাল্মীকি প্রভৃতি পূর্ব কবিকুল হৃদ-
আকাণে উদিত হয়ে, প্রভাময় জ্ঞানা
লোকে, আলোকিত কর, তোমার
প্রভাবে তাঁরা অব্যাহত আঁখি । বর্ণে
যেই রূপ স্বর্গ, মর্ত্য, নাগ লোক,
সৃষ্টি স্থিতি নয়,
সে রূপে জন্মনি আমি মম সহস্রারে,
শেত বিকশিত মহা পদ্মাসনে যেন,
শোভাময়-বসি তাহে বাজওগো বাণি,
আমার রসনা বীনা,-যেমতি কচ্ছপী-
সুমধুর রবা । তুমি বৈকুণ্ঠ বাসিনী,
আমি নীচ লোক বাসী সেই উচ্চ ধাম
হতে, কৃপা নেত্রপাত করি অতিলাষ

উচ্চমম, পুরাও পূরণ করি গীতি ।
আমি ক্ষুদ্র জীব, অতি প্রচণ্ড গভীর !
তানে, আরম্ভিত মহাগীত গীতেশ্বর
ছন্দে কিবা গদ্য বন্ধে কেহ না রচিল
যাহা, কোন কালে বর্ণন করিতে তাহা
প্রবৃত্ত হইতু, হায় ! হুরাশা প্রভাবে ।
হে বিভোজগৎপতে নিরুপম জ্যোতিঃ
তব বসতির কিবা পবিত্র মন্দির
মানস মোহন নর-পবিত্র মানস ।
সৃষ্টির আদিতে নাথ কিছু নাহি ছিল
তোমা বিনা, হায় ! এই অসীম
আকাশে ।
প্রভাময় পক্ষযুগ, শ্যাম পক্ষী প্রায়
বিস্তারিয়া, ঘোর তমোরাশিময়
গভীর জলধি পরে-যাহা জীবলেষ
শুনা জীব উৎপাদিলে, জীবের জীবন
রূপ । কৃপাকরি মম তিমির আকৃত
মানসে, উদিত হয়ে স্বীর স্বর্গ হুর্
জাল, প্রশান্ত কর, আভয় মা
যার, চন্দ্র, সূর্য, চণ্ড, অনল-বিভ্রাত,
কর পরিবেশ শোভাময় । হীন বল
ক্ষীণ প্রভ অম্পবুদ্ধি জনে, উদ্ধার হে !
হুস্তর তামসার্গবে । প্রভো কৃপাময় !
তব কৃপা, গুণে যেন বিকশিতে পারি
লোকে, বিদ্যমান ভাব তব, আর, গুণ
অপ্রায় বুদ্ধির অতীত যাহা ভবে ।
মুনিজন বিমোহনী চিত্ত প্রহ্লাদিনী
স্বর্গের সুখ সম্পৎ, যাহা অবিরত
হুল্লভ অশেষ ভোগ শান্তি সুধাময়
দান করে সদা, প্রাবিষণ্য মেঘ যথা
অজস্র অর্গল হীন রূপে অবিরত
বরষয়ে বারি ধারা । অথবা ভীষণ
বিশাল নরকাগার, নিকট কঠোর

করিছে চিৎকার যথা, পিশাচ পিশাচী
ভ্রজকুটি কুটিল কটু উৎকট বদনে ।
লক্ষ লক্ষ জীব যথা যন্ত্রনা পীড়িত
তুষাতুর মক সম স্থলে, অবিরত
আঘাত করিছে পাপিবৃন্দে দূত বৃন্দ,
শেল শূল, গদা, খড়্গ, ভীষণ মুঘল,
ভিন্দি পালে । ধক্ ধক্ প্রোজ্জ্বলিত
যথা
দাবাগ্নি সমান নীল-প্রভ হুতাসন
চিরোজ্জ্বল উথলিছে তরঙ্গ সতত ।
দেবী ! তব নয়নের সম্মুখে ভাসিছে
সেচ্ছা রৌরব গত সমুদয় । কিছু
অবিতি নাই জগদীশ রূপাবলে
বাস্বাদিনি ! বাক্যে প্রকাশিয়ে বল,
ঈশ্বরের অভিপ্রায়, মনুজ দম্পতী
আদিম, নিষ্পাপ, শুদ্ধ, পবিত্র হৃদয়,
কেন সেই সুখময় সুরপুর হতে
পতিত হইল কোন পাপে ? কিবা
দোষের ?
অধোদেশে মর্ত্য লোক যার নাম । কহ
আমাদের সেই আদি জনক জননী,
কার কুমন্ত্রণা দোষে ? বিভু নিবারণিত,
মহাপাপে রত হয়ে, রাজ্য হারাইল
কোন কালে ? মহাপাপ সেই জীবাধম
গর্ভিত হইয়া, নিরক্ষাসিত হল নিজ
দলবল সহ । পুন কাহার উৎসাহে,
মানি নিজে গরীয়ান অরেশ সদৃগ
হইবারে চাহে ? দেব-রাজ সিংহাসন
অধিকার করিবারে, মহা জ্বালিল
সমর অনল ঘোরকার মন্ত্রনায় ?
মহাবল দেবপতি, দমুজ পতির
পদদ্বয়ধরি, প্রোজ্জ্বলিত ঘোরতর
হুতাশনে মীনবৎ দেহ দগ্ধ করি

প্রভাময় সমুজ্জ্বল আকাশ হইতে
ক্রক্ষেপে নিঃক্ষেপ করিলেন, মহা
বলে,
প্রোজ্জ্বলিত অনল শিখার
সহ, জ্বলিতে জ্বলিতে পতিত হইল,
অগাধ ভীষণ মহানরক গহ্বরে ;
সহস্রচপলা যেন একত্রে পড়িয়া
ডুবিল সাগর গর্ভে-বিষাল গভীর ।
সেই ভয়ঙ্কর স্থলে, বজ্রের নিগড়ে
কদ্ধ থাকি, কত ঘোর যাতনা সহিল,
বিভুবিদ্রোহির দশা ঘটে এই রূপ ।
নবদিবা রাত্র সেই হৃষ্ট হুরাচার
পরাজিত হয়ে নিজ দল বল সহ ।
তাপে জর্জরিত হয়ে পড়িল চেতনা-
বিহীন, স্তিমিত দেহ, কিন্তু মরণ
নহিল,
অমর জীবন অগ্নিময় মহাত্বে,
ভাসিতে লাগিল, হুর দৃষ্টির লিখনে ।
হৃদয় মাঝারে আসিয়া উদিত হইল
চিত্তা পূর্ব সুসম্পদ নাশিনী, অনন্ত
যাতনা দায়িনী, আহা করিতে লাগিল
ছিন্ন ভিন্ন সে হৃদয়-সিংহী যথা জ্বলে
কদ্ধহয়ে করে জাল ছিন্ন ভিন্ন ক্রোধে,
অথবা পাবক শিখা শমী তরু-
কোটরে, নিবদ্ধ হয়ে করে ছার খার
বৃক্ষরাজে । নিঃক্ষেপিল দৃষ্টিভয়ঙ্করী
চারি দিক, চপলা যেমতি চমকিত ।
দেখিল-হুজ্জয়া, ঘোর যাতনা অচলা
ঘৃণা, প্রলোপিত হিংসা চরি-
দিগ্ভাগে ।
দিব দূত বিলোকন পাত সম দূর
পরিধি ব্যাপিয়া স্বীয় শোচনীয় দশা
ক্লেশ করী ঘৃণাবতী, আর মক্‌ভূমি-

ভয়ঙ্করী জন শূন্য, ভাসিতে লাগিল
নয়নের পুরোধাগে বিভীষিকাময়ী।
চারিদিক, কারাগার, মণ্ডল আকার,
বিশাল শ্মশান প্রজ্জ্বলিত যেন, ঘোর
রূপে; কিন্তু নাহি আলো লেশ,
উজ্জ্বলিছে

ধূমপুঞ্জরূপে অন্ধকার রাশি রাশি,
নাহি চলে দৃষ্টি, মাত্র ঘোর তমো-
জাল, প্রতিভাসমান, নয়নের পথে।
ইকি ভয়ানক দেশ, দুর্দশা গ্রাসিত,
নাহিক বিশ্রাম শান্তি, যথা কোন
কালে,

বিচরেনা আশা যথা কভু আশ্বাসিনী-
সুখাময়ী, পীড়ন করিছে, পাড়াসদা,
অকুণ্ডলা। গন্ধকে দীপিত অগ্নি
শ্রোতঃ

প্রবাহিছে, বিস্তারিয়া অগ্নি গন্ধ নামা
যাতী
তীব্রতর, নিরপেক্ষ, বিচারিক বিধি
বিভু দ্রোহী লাগি, এই কারা নিরো-
পিয়া

রেখেছেন, পুরাকালে ভাবীকাল
বিদু।

অসংখ্য যোজন দূরে রক্ষিত সে স্থল,
ঘোর তমঃ পুঞ্জাবৃত, স্নিগ্ধ মনোহর
আভাময় স্বর্গধাম হতে, কোথা বা সে
স্বর্গপুর, সুরাবাস ভূমি, কোথা বা এ
স্থল, যুগা, শঙ্কাভয়াবহ খোকাবর্ত
বেমতি অস মচারি হুঃখের সাগরে,
ভ্রমিতেছে অনিবার। অসুর কুলেশ
সহস্রা দেখিল, স্বপতন সঞ্জি-গণে,
ভাসমান, পাবকীয় উন্মদল শ্রোতে
যথায় অনলাবর্ত মলিল আকারে,

ভ্রাম্য মান, মুহুমুঃ। পার্শ্বদেশে এক
সঙ্গী সেনা পতি সুর দ্বেষী-মহাবীর
আগ্নেয় তরঙ্গোপরি ভাসিছে কাতরে,
দেখিতে পাইল; পাপে ক্ষমতা
সাহসে বীর্যে,

শৌর্য তাহার দ্বিতীয়, সুবিদিত
নামটী বলজাসুর। তারে দহুজেশ
প্রলয়ের মেঘ সম গভীর গর্জনে,
সাহস প্রদীপ্ত বাক্য কহিতে লাগিল

(ক্রমশঃ)

হক-কথা।

চতুর্থ কোপ।

সুসভ্য কবিরদল।

হক কথা বলে পৃথিবীর লোকের
সহিত বিবাদ বাঁধিয়েছি, “হক কথা
বাপকেও বলতে হয়” এরূপ সংস্কপ
করে বড় ঠকেছি, যাকে হক বলি সে
চঠে উঠে, ভাবলেম, যখন প্রতি
করেছি তখন পালন কতেই হ
এরূপ মনে করে, “নমো গণেশায়”
বলে এক দিগে চল্লম আর একটি স্থির
করলেম,—মারিতো হাতী লুটীতো
ভাণ্ডার এবার বড়লোককেই কিছু বলবো
কলিকাতার বড় লোককেই

না, সর্বনাশ! শেষে বড় বিপদ হবে,
আবার ভাবলেম, কয়েক বৎসর পূর্বে
সিয়ালদহ রেলওয়েতে যে অত্যাচার হয়ে
ছিল তাই বলি, অমনি দৈববাণী বলে
এবিষয়ে পেট্রয়ট ও এডুকেশন গেজে
টের সহিত পরামর্শ করে কয়ো, অমনি
চূপকরলেম, আবার ভাবলেম নীলকর
সাহেবদিগকে কিছু বলি, অমনি একটি

পাদরি সাহেব এসে আমায় যেন ঘুমের
ঘোরে বলে আর দ্বিতীয় “নীল দর্প
ণের” কাণ্ড নাই।

বিদ্যাবিলোপক, নিচুর, স্বার্থপর,
নীচাশয় প্রজা পীড়ক দুষ্কপালক, বানরা
কৃতি দীর্ঘ শত্রুধারী কোন কর্তাকে কিছু
হক বলব মনে করে, শেষে আবার ভাব-
লেম বিপদ ঘটবে, সেধে মরণ গলায়
বাঁধবার কাণ্ড কি?

যাকে হক বলব, সেই চটবে, তবে
হক কথা বন্ধ কর্তে হবে না কি? আচ্ছা
তবে গঙ্গা দেবীকেই বলি, বো। হয়,
তিনি আর কিছু বলবেননা, তাঁর
পক্ষীয় হয়ে কেউ ঝকড়াও করবেনা,—
গঙ্গা লোকে তোমায় পূজা করে কেন?
তোমার নাগ অপবিত্রস্থল আর নাই।
তোমার মধ্যে, যে কত বিষ্ঠা কত শব

উদিগ তা স্ছে তা আর কিবলুব,
হক, তোমার সঙ্গদোষে লোকের
ড মন্দ হয়।

তোমার তীরের হুধারে যে সকল
লোক বসতি করে তাহাদের কিছু হক
বলা যাক এরূপ ভাব প্রকাশ মাত্র, টের
পেয়ে, গঙ্গাতীরস্থ লোক সব একবারে
তেলে বেগুনে ক্ষেপে উঠলো, অমনি
চূপ। মনে মনে ভাবতে লাগলেম, দেব
তার অহুগ্রহ নাহলে হক কথা বলা যেতে
পারেনা, বলেও কেউ গ্রাহ করেনা,
গ্রাহ কলেও বিপদ ঘটবার সম্ভাবনা
আছে, বিক্রমাদিত্যের সভাতে কালি-
দাস বৈ আর কার যাড়ে দুটো মাথা
ছিল যে হক কথা বলে?

রাজা কৃষ্ণচন্দ্রের সভাতে গোপাল

ভাঁড়, হক বলতেন, অন্যে বলে যে সকল
কথায় কাঁদতে হয়, গোপালের সে
সকল কথায় রাণী শুদ্ধ হেসে বকুল ফুল
ফুটাতেন, একি সরস্বতীর অহুগ্রহ
ভিন্ন হতে পারে?

হঠাৎ সরস্বতী মাকে কোথা পাই?
কোথাই বা সরস্বতী মার কুণ্ড আছে?
এক গণ্ডুষ মাত্র জল খেয়ে কালিদাসের
মত কবি হয়ে হক কথা বলতে পারি।

এসব ভেবে ভেবে এক রাত্রি আমার
নিদ্রা হলোনা। প্রাতঃকালে বেরিয়ে পথ
দিয়ে চল্লম আর সরস্বতী কুণ্ডস্থলে
লাগলেম। কলিকাতার অনেক স্থানে
ঘুরে ঘুরে শেষে চূণো গলিতে দেখি—
একটি দোতলা ঘরের উপর দুটী কাক
বসে আছে, এক জন ফিরিঙ্গী ভায়া
হঠাৎ গুলি করে দুটর একটীকে মেরে
ফেলে, অন্যটি উড়েগেল। আর আমার
মুখ থেকে তৎক্ষণাৎ এক কবিতা
বেকলো,

দুটীরে মারিলে গুলি একটীপাড়িল,
ইহাতে তোমার কিছু প্রশংসানহিল।
মুখ হতে শ্লোক বাহির হওয়া
মাত্র অমনি দৈববাণী হলো—“ঋষে
প্রবুদ্ধো, কথাতাৎ বাক্যং যথার্থং” হক
কথা বলবার আদেশ হওয়া মাত্র আমি
আহ্লাদেনেচে উঠীলেম।

দেব লীল কে বুঝতে পারে।

শাস্ত্রে লিখিত আছে, “বিপদ বিপা-
দের, সম্পদ সম্পদের অহুসরণ করে”
তা ঠিক! ফিরে চেয়ে দেখি গলির
মোড়ে এক সরস্বতীকুণ্ড, তাহাতে অমনি
একপ্রাণ পান করে সিদ্ধ কাম হলেম

জলের কি গুণ, পান করবা মাত্র চোক রক্তবর্ণ হয়ে উঠলো, মাথা ঘানিগাছের ঘাঁড়ের মত ঘুরতে লাগলো।

পাঠক! অদৃষ্ট গুণে এখন হুকুখা বলবার বেশ যোগাড় হয়ে উঠেছে। নাম না ধরে বর্ণন করছি, যে পাঠকের বুদ্ধি আছে সেই বুঝতে পারবে, বুদ্ধি না থাকলে কেবল কতক গুলি প্রলাপ শুনে পাবে।

প্রথম—কবিওয়ালার কথার বেলনী, তাদের আজ কাল বড় প্রাহুর্ভাব।

আমরা জানতেম, পূর্বে কেবল হুকুখার ভোলাময়রা প্রতিতির একটি হুকুখার কবির দল ছিল, আজ কাল আবার নূতন রকমের কবির দল হয়েছে, এদের চীৎকারে অন্য লোকের কথা দূরে থাকুক গবর্ণর সাহেব পর্যন্ত শীমলে পাহাড়েও ঘুমুতে পারেননা।

প্রথমে কাঁশারীপাড়ার দলের বিষয় বর্ণন করা যাচ্ছে, পাঠক মহাশয়! মনোযোগী হয়ে তাদের একটি কবির গান শুনুন “ভারতবর্ষে জমিদারি কি পরম পদার্থ! জমিদারদিগের প্রতি ৩৩কোটি দেবতার অহুগ্রহ, তাঁহাদের কণ্ঠে সাক্ষাৎ সরস্বতী বিরাজ করেন, তাঁহারা নিজ দেশের হিতের জন্যে, প্রাণত সামান্য কথা—স্ত্রী পর্যন্তপণ করে থাকেন। কোন পল্লীগ্রামের এক মহাত্মা, পর স্ত্রীর প্রতি দৃষ্টিপাত হয়ে ছিল বলে দুটি চোখ খসিয়ে পাপের ভার হতে মুক্ত হয়ে, ব্রহ্মচারী হয়ে পড়েছেন, চোখ খেয়েছেন, তবু তাঁকে পদ্মলোচন না বলে নিস্তার নাই, আমার মত নরা-

ধম কবিওয়ালার, জমিদারের অহুগ্রহ ব্যতীত উপায়ান্তর নাই। আমি প্রত্যহ অতি প্রত্যাষে গাত্রোখান করে জমিদারদের নাম স্মরণ ও জমিদারদের চরণামৃত পান করি (লুণ খাই যার, গুণগাই তার)।”

দ্বিতীয়তঃ পটল ডাঙ্গার একটি দলের বিষয় বর্ণন করা যাচ্ছে, কাঁশারী পাড়ার দলের যেরূপ জমিদার-ভক্তি উহাদের সেরূপ রাজ-ভক্তি। কএকমাস মাত্র হইল, শক্তিশেলে লক্ষণের মৃত্যু উপলক্ষে তাহারা যে ককণস্বরে গান করে কত কেঁদেছিল, তা কিবল্ব। তাদের চোখের জলে গঙ্গার বাগ ডেকে তার তরঙ্গ ঝাঁমাপুকুরের চূড়াতে পর্যন্ত ঠেকেছিল। তাহাদের একটি বিজয়া গান শুনুন।

“সপ্তমী দিবসেই সোণার প্রতিমাগারে নিমগ্ন হলো, হায়! হায়! দুরাচার মুসলমান, কোন পাষণ্ড সেই সোণার শরীরে নোয়ার ছুরি বসিয়ে দিলে গো! দশরথ রাজা যেমন কেকয়ীকে দুর্ভাবদিবেন বলে প্রতিজ্ঞা করেছিলেন, তিনি ও আমার নিকট দুর্ভাব বিষয়ে প্রতিজ্ঞা করেছিলেন, হায়! হায়! হায়! এমন সোণার শরীরে নোয়ার ছুরি কেন বসিয়ে দিলে? হায়! হায়! হায়!” বাঙ্গালীরাই যে কবির দলে মিলে গান করে এরূপ নয়, সাহেবেরা কবিওয়ালার হয়ে থাকে। পাঠকবর্গশুনেনথাকবেন আর্টনি সাহেব নামক এক ব্যক্তি কবি গান কর্তা, তার বেশ ভক্তিভাব ছিল যথাঃ—“এবার দয়া কর মা মাতঙ্গী,

সাধন ভজন জানিনা মা জেতে অধম ফিরিঙ্গি।”

শ্রীরামপুরে সেরূপ একটি সাহেবী কবিওয়ালার দল আছে, তাহারা রাম-বনবাস বৈ গান করে না। সেই রাম-বন বাসের একটি গান শুনুন।—“হে গবর্ণর টরুপ দশরথ রাজন! বাঙ্গালী রূপ রামচন্দ্রকেবনে পাঠাও, আর অযোধ্যায় রাখা উচিত নয়, তোমার রাজ্য যাবে। দুখ দিয়ে কালসাপ ঘরে পুষেছ, রাম, ধনুর্বেদ বিষয়ে উচ্চ শিক্ষা পেয়েছে মিথিলা গিয়ে ধনুক ভেঙ্গে বিয়ে করে এসেছে, তোমার রাজ্য কেড়ে নেবে পোড়ার মুখ রামকে বনে দেও। তুমি বুড়ো হয়েছ। একে শরীরে সেরূপ বল বিক্রম নাই, তাতে আবার পরিবার নিয়েই ব্যাকুল, ব্যতিব্যস্ত, কি করে ক শাসন করবে বল? এই বেলার বনে দেও রাম আগে মুখটি কথার বনুতোনা এখন মুখে মুখে জবাব করতে শিখেছে মহারাজ! রাম দেশে থাকলে ইংরাজ বংগ রূপ ভারতের উপায় নাই, রামকে বনে দেও। আমি ভারতবর্ষের বন্ধু, ভারতের হিতৈষী, পায়ে ধরে বলি, রামকে বনে পাঠাও হে কেকয়ী নাথ!”

বউ বাজারে একটি নেড়ীর দল আছে, তাদের আজকাল বড় গুমোর বেড়েছে, অল্প দিন হলো প্যাঁড়াগায় থেকে এসে ঘোমটা খুলে নাচতে শিখেছে, হাত নাড়ানো পর্যন্ত ভাল রূপ গানবড় অদ্ভুত, মনে পড়ে উঠে গানেদাঁ-

ড়িয়ে চুল এলো করে,—হয়ে, এক হাতে ছাইফেলা ভাঙ্গা কুলো, এক হাতে মুড়ো ঝেঁটা নিয়ে একবার শীমলা পাহাড়ের দিকে, একবার চৌরঙ্গির দিকে, তাকিয়ে চিৎকার করে গান কর্তে থাকে, কখন বা কুলোতে সিন্দুর চন্দন, দিয়ে পুতল চিত্র করে পথের লোক ডেকে দেখাতে থাকে। এদের গান বড় চমৎকার, প্রায় লক্ষাকাণ্ডই গেয়ে থাকে, এদের গালা-গালির চোটে কৈলাসে পার্বতীর সিংহাসন পর্যন্ত কেঁপে ওঠে। রাজার মনে যে ভয় হবে আশ্চর্য কি? তাদের একটি গান শোনাচ্ছি।

মহড়া।

“এলো লোমশতনু, কেশলহনু,
বাঙ্গলা-লক্ষাতে।

ক্রোধে চক্ষু চকমক, জ্বলছে আগুণ
ধকধক, লেজেতে।

চিতেন।)

সোণার লক্ষা কৈল ছার খার, হায় গো!
দিবে অসহ দুখ, হরে নিল সব সুখ,
পোড়ার মুখ যম্মের অবতার।

একবার ধর্তে পেলো দিতাম ফেলে
গলায় বেঁধে মাগরে।

ভাই আগুণ লেগেছে বাঙ্গলা-লক্ষানগরে,
(ধুয়া)।

হুয়ান নাচে আর দিচ্ছে কর তালি।
পোড়ার মুখের এক গালে চূণ এক
গালেতে কালি ॥

আগে খেলে অমৃতফল মুড়ো ঝেঁটা
তার পরে।

(ভাই আগুণ লেগেছে বাঙ্গলা লক্ষা
নগরে)

ভাই হুখের কথা বলব আর কত ।
পুড়ে মৈল হাতী ঘোড়া মানুষ গরু কত ।
কথা শুনে লোকে হাসে, লক্ষ যোজন
লক্ষা নাশে।

(খাদ,)

একা একটা বানরে ।—

(ভাই আগুণ লেগেছে বাঙ্গলা লক্ষা
নগরে ।

হনুর কি রূপের মাধুরি আহা মরি মরি,
চক্ষু হুটী মিট মিট শব্দ করে খিট খিট,
গুণের অন্ত, বিকট দন্ত,
চাঁদ মুখেতে চাঁপদা ড়,
মুখের ভঙ্গি দেখে, বনে থেকে,
বাঘ ভালুক মরে ডরি ।—

(অন্তরা ।)

ভাই আগুণ লেগেছে বাঙ্গলা-লক্ষানগরে”
এদের গীত যেন ঠিক অমৃত, কিন্তু
রাজপুরুষদের নিকট বিষ । হুঙ্কার কলসে
গোচনা বিন্দুর নায় ওদের একটু দোষ
না বলেও ক্ষান্ত থাকতে পারেনেমনা,
ওদের মুখে “চন্দ্র বিন্দু” ও “ডু” উচ্চা-
রিত হয় না ।

অতি অল্প দিন হল, আর একটা
অদ্ভুত কবিওয়ালার দল হয়েছে, তাদের
জাঁক জমক, গুমর আড়ম্বর, লক্ষ লক্ষ
আক্ষালন মুখ ত্রুটি হাতনাড়া মুখঝাড়া
দেখে, মাথা ঘুরে যায় ।

পাতাল হতে মহীরাবণ, কিঙ্কিন্দা
হতে বালিরাজা, গন্ধমাদন পর্বত
মাথায় নিয়ে হনুমান, লক্ষাহতে কুম্ভকর্ণ,
পঞ্চবটী হতে সূৰ্পনাথ, এসে একত্রে
জুটে একটী কবির দল করেছে, এদের
গানশোনবার জন্যে মক্কা বুন্দাবন, কাণী

হরিদ্বার, জেৰ্জিলম, প্রভৃতি স্থান হতে
প্রত্যহ লক্ষ লক্ষ লোক আসছে ।

এদের সম্প্রদায়ে রাখানামী একটা
নর্তকী আছে, ছয়মাস পূর্বেই তার
নাচবার নিমিত্ত ১৩ মন তেল, গড়ের
মাঠে প্রস্তুত হয়ে রয়েছে । রাখা এদেশী
নয় বিলাতী মেম বাঙ্গালী লোকদলের
অভিকৃতি অনুসারে, গাউন ছেড়ে
বাণারশী সাড়ী পরেছে, শোনা গেল
রাখা নাকি মৃত সারওয়ালটর স্কটের
উপপত্নী, ইহার প্রকৃত নাম বাকা
ত্রিভঙ্গ সুন্দরী ।

ক্রমশঃ ।

সমালোচনা ।

আমরা “মধ্যস্থ” নামধারী একখানি
সাপ্তাহিক পত্রের কয়েক সংখ্যা প্রাপ্ত
হইয়াছি । কুম্ভকার কুরীতি তমাস্থ-
হৃদয় বিশিষ্ট অথচ স্বধর্ম প্রিয় প্রাণী
কুল, (অর্থাৎ যাহাদের ভাষা
“সে কেলে লোক” বলে, ও উন্নত
সভা, সমাজ সংস্করণে, দৃঢ়ব্রত শি-
ষুবক বৃন্দের মধ্যে প্রণয় স্থাপনই “মধ্য-
স্থের” প্রধান উদ্দেশ্য । উদ্দেশ্যটি মন্দ
নয় সজ্জনোচিত বটে । ভরসা করি
“মধ্যস্থ” মধ্যস্থ হইয়া নিজ নামের
সাধকতা করুন ;

অদ্য শুভদিনে নূতন বৎসরের মুখ
দেখিয়া আমরা যেরূপ আশ্লাদিত হই-
লাম আমাদের সদ্য প্রসূত কনিষ্ঠ
ভ্রাতা “বঙ্গ দর্শনের” নবীন মুখ সন্দ-
র্শনে তদপেক্ষা শত গুণে জানমিত
হইলাম । এক্ষণে জগদীশ্বরের নামে
প্রার্থনা আমাদের কনিষ্ঠ ভ্রাতা
দর্শন “বঙ্গ দর্শন” হইয়াছে।
পাঠক বর্গের মনো

ক্রমশঃ ।

হালিসহর

Registered No.

হালিসহর পত্রিকা

[রেজিস্টারি করা নং ৫৩ ।

মেডিকেল কলেজের ইন্সপেক্টর শ্রেণীর ছাত্র বাবু প্রমথ নাথ
মুখোপাধ্যায়ের আবিষ্কৃত ।

আশ্চর্য্য ঔষধ ।

প্রমেহ ১ সপ্তাহে আরোগ্য, ১ বোতল ঔষধ

৩ দিন ব্যবহার্য্য ১

ধবল চারি মাস ১৬

দ্রুত (দাদ) তিন দিবস ১০

ঐ সর্ব্বাঙ্গে হইল ১

এই সমস্ত ঔষধ কলিকাতা সাঁকারিটোলার রসময় চন্দ্রের ১৭ নং
বাগানে আমার নিকট তত্ত্ব করিলে পাইবেন । পত্র লিখিলে
পাঠাইলে ঔষধ পাঠান যাইবে । রসময় পত্র গৃহীত হইবে না ।

কাঁকাতা

৯ মে ১৮৭২ খ্রীঃ

শ্রী যোগেন্দ্র নাথ চট্টোপাধ্যায়ঃ

হালিসহর পত্রিকা।

(পাক্ষিক পত্রিকা।)

২য় খণ্ড। বৈশাখ সন ১২৭৯ সাল, [২য় সংখ্যা।

হালিসহরের।

পূর্বাপর অবস্থা।

একে দ্রুতই স্বদেশ প্রিয়।
তির বশবর্তী হইয়া এই
হরের অবস্থার বিষয়
লেখক লিপিবদ্ধ করিলাম। বিদেশীয়
গ্রাহক পাঠক মহাশয়েরা আমাদের
এ সাংখ্যপত্রতা মার্জনা করিবেন।

হালিসহর যে একটি পুরাতন গ্রাম ও
এ গ্রামে যে বহুল ভদ্রলোক বাস করেন
তাহা বোধ হয় সকলেরই বিদিত আছে।
ধর্ম সম্বন্ধে এ গ্রামের অবস্থা অতীব
চমৎকার, সামান্য ব্যক্তি পর্যন্ত স্বধর্ম
প্রিয়। বঙ্গদেশে যত প্রকার ধর্ম আছে
হালিসহরে তৎসমুদয়েরই প্রচলন দেখা
যায়। বৈদ্য পাড়া ও বলিদা ঘাটা পল্লি-
দ্বয়ের মধ্যস্থিত গঙ্গাতীরে এক ভূমি
খণ্ডে ক্রমান্বয়ে কর্তা ভজাদের স্থান,

শিবের মন্দির, মুসলমানদিগের মসজিদ,
ব্রাহ্ম সমাজ গৃহ, কালীর গৃহ স্থাপিত
আছে। বৈষ্ণব, শাক্ত, তান্ত্রিক, কর্তা
ভজা, ব্রাহ্ম হিন্দু মুসলমান প্রভৃতি
সকল সম্প্রদায়ের লোকই এখানে
আছেন।

হালিসহরে অনেক তান্ত্রিক আছেন
এরূপ জন শ্রুতি আছে ইদানীন্তনের
কোন কোন পরিবারের আদি পুরুষ
“সিদ্ধ” ব্যক্তি ছিলেন অর্থাৎ তাঁহারা
তান্ত্রিক মতের উচ্চতম সোপান পর্যন্ত
উত্তীর্ণ হইয়া অনেক আশ্চর্য্য কার্য্য
করিয়া যান, সেই সকল মহাত্মাদের
—শিষ্যেরা তাঁহাদের প্রতি অনেক
অলৌকিক কার্য্য ও মহিমা আরোপ
করেন। কবিরঞ্জন রাম প্রসাদ সেন
এই গ্রাম বাসী ছিলেন। তিনি একজন
প্রসিদ্ধ কালিভক্ত তান্ত্রিক ছিলেন। তাঁহার
গুণ ব্যাখ্যা করা নিম্পয়োজন, কারণ

বঙ্গদেশের প্রায় সকল স্থানেই তাঁহার নাম ও তদরচিত গীতাবলী সাদরে কীর্তিত হইয়া থাকে। অদ্যাপিও এ গ্রামের 'শিবের গলি' পল্লিতে একটি স্থান" রাম প্রসাদের পড়া বলিয়া প্রসিদ্ধ আছে।

রাম হুলাল পাল যখন কর্তৃত্বভার মত প্রচার করেন হালিসহরেই প্রথমে সেই মতের প্রাচুর্য্য হয়। অনেক কৃত বিদ্যাও সুযোগ্য লোক দ্বারা সেই মত গৃহীত হয়। তাঁহাদের মধ্যে অনেকে সাধুব্যক্তি ছিলেন। তাঁহারা অমায়িকতা নম্রতা ও সাদুতাগুণে সকলের প্রিয়পাত্র ছিলেন।

ব্রাহ্মধর্ম প্রচারের অপেক্ষাকাল পরেই হালিসহরে তাহার প্রথম সূত্রপাত হয়। কতিপয় শিক্ষিত যুবক (যাঁহারা এক্ষণে গ্রামের ভূষণ স্বরূপ হইয়াছেন) একটি সামান্য গৃহে প্রতি রবি বাসরে গোপনে ঈশ্বরারাধনা করিতেন। ক্রমে এই সূত্র হইতে ব্রাহ্মধর্মের জ্যোতি হালিসহরের সমস্ত পল্লিতেই বিকীর্ণ হয়। অপ্রস্থতা ধর্মরাজ্যের নিয়ম নহে, যুবক বৃন্দসুতরাং দীর্ঘকাল গোপনে সমাজের অধিবেশন করিয়া সন্তুষ্ট থাকিতে পারিলেন না, তুরায় দল-বদ্ধ হইয়া একটি প্রসস্থ সমাজ গৃহ নির্মাণ করেন। শান্ত কর্তৃত্বভা ও তন্ত্র মত প্রধান গ্রামে তৎকালে ব্রাহ্মসমাজ স্থাপন করা সামান্য অধ্যবসায় ও সাহসের কার্য্য নহে। ব্রাহ্মেরা নানা বিভীষিকা দর্শনে ও প্রতিবন্ধকতা সমূহে মিত্তিক চিত্তে ঈশ্বরের নাম প্রচার করিতে

পরামুখ হন নাই। ব্রাহ্ম সমাজে তদানীন্তরের অবস্থা দর্শনে সকলে মনে এই প্রতীতি হইয়াছিল যে কালে হালিসহরের অনেকেই ব্রাহ্ম ধর্ম গ্রহণ করিবেন কিন্তু ঈশ্বরের কি আশ্চর্য্য ইচ্ছা ব্রাহ্মেরা কেবল পৌত্তলিকতা ত্যাগ করিয়া সন্তুষ্ট থাকিতে পারেনে কতক গুলি অসমরোচিত আরম্ভ করিলেন দেশ, কাল ও প্রতি লক্ষ্য না রাখিয়া একেব দেশাচারের মস্তকে পাদাঘাত করিলে এমন কি জাতি ভেদ পর্য্যন্ত ত্যাগ করিলেন। তাঁহারা সুতরাং সকলের বিরাভাজন হইলেন।

ক্রমে ক্রমে সকলেই সমাজে যোগ করিলেন। যাঁহারা ত্যাগ স্বীকার করিলেন না পারিয়া দেশাচারের ভয়ে ধর্মত্যাগ করিলেন তাঁহারা সকলের ঘণন্য হইলেন। শুদ্ধ তিন প্রকাশ্য রূপে ব্রাহ্ম সমাজে যোগ করিলেন। তাঁহাদের মধ্যে দুই ব্যক্তি একেবারে ভারতবর্ষীয় সমাজের প্রধান প্রচারক হইয়া ব্রাহ্ম ধর্মের উন্নতি সাধনে যত্নবান আছেন।

প্রায় পঞ্চদশ বর্ষ গত হইল এগ্রামের ইংরাজি বঙ্গদ্যালয়টি স্থাপিত হইয়াছে। বিদ্যালয়টি এক কালে গ্রামের মুখোজ্জ্বল করিয়াছিল কিন্তু কালে সেই বিদ্যালয়ের এক্ষণে অতীব শোচনীয় অবস্থা হইয়াছে এমন কি গ্রামবাসীরা বিশেষ মনোযোগ না করিলে শীঘ্র উঠিয়া যাইবে। গ্রামের অপরাপর বিদ্যালয় গুলির ও একপ্রকার অবস্থা হইয়াছে। বাহা

ক গ্রামস্থ ভদ্র মহোদয় গণের প্রতি মদাদির এই নিবেদন যে তাঁহারা ন আর উদাসীন না থাকিয়া যাহাতে দ্যালয়টি চিরস্থায়ী হয় এরূপ যত্ন করুন। এটি দেশের গৌরব, আমাদের হংকারের বস্তু এটি উঠিয়াগেলে আমাকে রাখিবার স্থান থাকিবেনা করি স্বদেশ প্রিয় ব্যক্তি সকল হইয়া কার্য্য ভূমে পদার্পণ করুন নিমিত্ত থাকিলে চলিবে না। বিগত মারীভয় উপলক্ষে এই গ্রামে একটি দাতব্য চিকিৎসালয় স্থাপিত হয় হারি দ্বারা গ্রামের অনেক উপকার হইয়াছে প্রায় সহস্র সহস্র উপায় হীন মীন দরিদ্র ব্যক্তি যত্নমুখ হইতে রক্ষা পাইয়াছে। ডিসপেন্সারীর ডাক্তার যুক্ত বাবু মহিম চন্দ্র ক্রবর্তী গ্রামের ক উপকার করিয়াছেন। চিকিৎসা হয়, এই আমাদের ঐ মউনিসিপ্যাল কর হইতে মন্য হইয়াছে তদ্বারা ডিসপেন্সারির সমস্ত ব্যয় নিব্বাহ হইতে পারে। আমাদের ব্রিটিশ গবর্নমেণ্ট অত্যন্ত হিয়াডম্বর প্রিয়, রাস্তা ষাট লইয়াই চলে। যদি ঈষধাভাবে সকলে প্রাণ ত্যাগ করিল তখন পথের প্রয়োজন কি? গণনা করিয়া দেখিলে বোধ হয় দুই শতাধিক পরিবার বিগত কয়েক বৎসরের মারীভয়ে সবংশে কালগ্রামে পতিত হইয়াছে। এরূপ ইচারি বৎসর উপযুক্ত পরি মারী ভয় পস্থিত হইলে গ্রাম জনশূন্য হইয়া পড়িবে আশ্চর্য্য কি? আমরা কার

ক্লেশে কর প্রদান করিতেছি, সেই কর হইতে পথ প্রস্তুত হইতেছে, গ্রামস্থ সকলে গত প্রাণ হইলে শুদ্ধ পশ্বাদির গমনাগমনের জন্য পথ প্রস্তুত হইবে। আমরা এইজন্য চিকিৎসালয়টি চিরস্থায়ী করিতে বলি—কাহাকে বলি? গবর্নমেণ্ট কি আমাদের বাক্যে কর্ণপাত করেন। দেশহিতৈষিনী সভা এবিষয়ে ৪ বৎসরপর্য্যন্ত ক্রমাগত আবেদন করিতেছেন তাহাতে কি হইল? আমাদের রাজপুরুষেরা এরূপ কার্য্যকর বলিয়াইত আমাদের দেশের এরূপ দুর্দশা; এই জন্যইত দেশীয় লোকেরা ব্রিটিশ গবর্নমেণ্টের কর্মচারীদের প্রতি এত অসন্তুষ্ট হইতেছে।

ইহা কি অল্প আক্ষেপের বিষয় যে আমাদের রক্ত শোষিত করিয়া যে অর্থ সংগৃহীত হইতেছে তাহা আমাদের অনভিমতে ও কতিপয় স্বৈচ্ছাচারী রাজ পুরুষদিগের মতে ব্যয়িত হয়। তাহার উপর কি আমাদের কিঞ্চিৎমাত্র অধিকার নাই? এর অপেক্ষা পক্ষপাতের কার্য্য আর কি হইতে পারে? দৌরাহ্ম; উৎপীড়ন, অত্যাচার, আর কাহাকে বলে? কিন্তু দুঃখের বিষয় এই যে আমরা এসমস্ত দেখিয়াও ত নিমিত্ত আছি কিছুতেই কি আমাদের উত্তেজিত করিতে পারিবেনা। অনৈক্যতাই আমাদের সর্বনাশের কারণ হইয়াছে। আমরা যদি সকলে একমত হইয়া কার্য্য করি তাহা হইলে কখনই এরূপ হইতে পারেনা। পরস্পরে ঐক্যতা নিবন্ধন না করিলে আমাদের আর শ্রেয়ঃ নাই।

কমিসনার সাহেব আমাদের আবেদন অগ্রাহ্য করিতে পারেন লেফটেনেন্ট-গভর্নর সাহেব ও কি আমাদের আদর্শে বধির হইবেন? তাহাতে কিছু না হইলে গভর্নর জেনেরল বাহাদুরকে, পরিশেষে মহারাজার নিকট পর্যন্ত আবেদন পত্র প্রেরণ করা উচিত। দেশ হিতবিশিী সভার সভ্যদিগের উপরেই আমাদের সমস্ত আশা ভরসা নিহিত রহিয়াছে তাঁহাদিগের কখনই নিশ্চিত থাকি উচিত নয়।

পরিশেষে দেশহিতবিশিী সভার (Good will Fraternity) বিষয় উল্লেখ না করিয়া ক্ষান্ত থাকিতে পারা গেল না! কয়েক বৎসর হইল এ সভা টী স্থাপিত হইয়াছে। দেশস্থ প্রায় সমস্ত পরিণত বয়স্ক, ব্যক্তিমাতেই ইহার সভ্য। কিন্তু অত্যন্ত আক্ষেপের বিষয় শিক্ষিত যুবক দল মধ্যেকেরই এসভার সভ্য নন। এক্ষণকার সভ্য মহোদয়েরা কেহই অমর নহেন তাঁহাদের লোকান্তর প্রাপ্ত হইলে কেহই কি তাঁহাদের স্থানীভূত হইবে না। সভার কোন বাহ্যডম্বর নাই ইহার অধিবেশনে সুনীর্ঘ-বক্তৃতা পাঠ হয় না বটে, কিন্তু এই সভার দ্বারা দেশের বিশেষ হিতসাধিত হইতেছে, দেশের হিতকর কার্য এমন কিছুই নাই যাহাতে হিতবিশিী সভা, হস্তক্ষেপ না করেন। এ সভাটি আমাদের গর্বের স্থল। এটি একপ্রকার ক্ষুদ্র পার্লামেন্ট (Parliament) বলিলে বোধ হয় অতুক্তি হয় না। ভরসা করি কালে এই সভা সমস্ত সদস্যগণের মূল চন্দ্র

স্বরূপ হইবে। সভার নিকটে আমাদের সকলেরই কৃতজ্ঞতা স্বীকার করি উচিত। যদি কোন কালে কোন প্রকৃষ্ট ইচ্ছাসাধনের সম্ভাবনা থাকে তাহা এ সভার দ্বারা সম্পাদিত হইবে নিশ্চয় বলিতে পারা যায়।

কসামতিত হাশিহরম

—000—

লর্ড নর্থ ক্রক।

উপ নিবেশিক রাজা অপেক্ষা প্রতিনিধির উপর বিদেশীয় প্রজাবণে মঙ্গলামঙ্গল অধিক নির্ভর করে। ভারত বর্ষ একটা বিস্তৃত সাম্রাজ্য, ইহাতে কত প্রকার জাতি, কত প্রকার ভাষা, কত প্রকার ধর্ম, কত প্রকার সামাজিক রীতি, পদ্ধতি প্রচলিত আছে, তাহা অনেকের অভিজ্ঞতা সীমার অতীত। কোন কোন বিজ্ঞানবিদ পৃথিবীর অমুকৃতিস্বরূপ হুর্ভাগ্যবশতঃ বহুশত দেশ, বিজাতীয় ও বিদেশীয় রাজশাসনাধীন হইয়া রহিয়াছে। আকবর হইলে আরঙ্গজেব পর্যন্ত মোগল সাম্রাজ্যের কয়েক পুরুষ বিদেশীয় হইলে স্বদেশীয় হইয়া ভারতবর্ষ শাসন করিয়া ছিলেন তাহাতে প্রজা ও রাজার পরস্পর স্নেহ ও সমবেদনা কিঞ্চিৎ পরিমাণে জন্মবার উপক্রম হইয়াছিল পরে ইংরাজদিগের হস্তগত হইলে রাজা প্রজার সম্বন্ধ এত গোঁণ ও দূরগত হইয়া পড়িল যে, ভারতবর্ষীয়ের একদল বণিককেই হস্তা কর্তা বিধাত মনে করিতে লাগিল, বস্তুতঃ বহুক

এতবড় বিস্তৃত রাজ্যের ভার একদল বণিকের হস্তে সমর্পণ করিয়া ইংলণ্ডের রাজপক্ষ উদাসীন ছিলেন, তাহার পর, কালে অভাব অনুভূত হইলে শাসন ভার, স্বয়ং রাজাকর্তৃক গৃহীত হইল, কিন্তু কোম্পানির সময়ে যেরূপ প্রতিনিধিগণের মঙ্গলামঙ্গল সমুদয় নির্ভর স্বয়ং রাজার শাসনকালে ও সেই প্রতিনিধির সর্বাধিকার সম্পূর্ণ অপ্রতিহত রহিল।

ইদানীং “পার্লিমেণ্ট” প্রতিনিধির হস্তে শাসন ক্ষমতা, যত কেন, স্বয়ং গ্রহণ না করা, কিছুতেই প্রজা ও রাজপ্রতিনিধির সম্বন্ধ বর্দ্ধন পরিষ্কর বা শিথিলীকৃত করিতে পারিবেন না, মহাশয়। ইউরোপীয় রাজনীতি ও সামাজিক উৎপাত লইয়াই বাস্তব, হুঁশি-বৃত্তভূমির ক্রন্দন-সহসা কর্ণকুহরে পৌঁছে, সুতরাং গবর্নরজের একমাত্র আশা ভরসা-অবলম্বন, বস্তুতঃ এদেশে শাহা কিছু উন্নতি সাধিত হইয়াছে, সমুদয়ই গবর্নরদিগের চেষ্টা ও যত্নের ফল মাত্র, ক্লাইব হইতে এপর্যন্ত প্রধান শাসন কর্তাদিগের কোন ব্যক্তিরদ্বারা যে কি কি মঙ্গলসাধন সংসাধিত হইয়াছে তাহা প্রায় সকলেরই বিদিত আছে।

লর্ড নর্থ ক্রক ভারতবর্ষের প্রধান শাসন কর্তৃকর্তার গ্রহণ করিয়া সম্প্রতি ভারতদেশীয় রাজধানী কলিকাতাতে উপস্থিত হইয়াছেন, পুরোভাগে কর্তব্য সাধনার অক্ষুণ্ণ ও অক্ষুণ্ণ রহিয়াছে, চম্বিত অমৃত, কি বিষ উদ্ভূত হয় তাহা

ভবিষ্যতের গর্ভে নিহিত, যে বিপুল রাজ্যে—নানা প্রকার ভাষা বিভেদ, অসংখ্য রূপ জাতিভেদ, অসংখ্য অসংখ্য আচার রীতি নীতি ব্যবহার পদ্ধতি প্রভেদ, শতসহস্রপ্রকার সর্কদা ধর্ম বিরোধ, ভৌতিক প্রকৃতি ভিন্নতা স্বরণ করিতে গেলে চমৎকৃত হইতে হয়—হিমালয় প্রদেশস্থ কোন কোন স্থল, ঠিক লাপলাগের সদৃশ প্রকৃত-সম্পন্ন, দাক্ষিণাত্যের কোন কোন স্থল আবার ঠিক আফ্রিকার মক্কুল্য, সেরূপ মাহারাজ্য একজন শাসন কর্তাদ্বারা সুশাসিত হওয়া কি অসম্ভব আশ্চর্যের বিষয়? বিশেষতঃ যিনি শাসন কর্তৃকর্তার প্রাপ্ত হন, তিনি আবার ভারতবর্ষের রীতি নীতি, ধর্ম, ভাষা ও সামাজিক পদ্ধতি প্রভৃতি প্রায় সমুদয় বিষয়েই এত অনভিজ্ঞ যে ভারত বর্ষের সম্বন্ধে কোন কালে স্বপ্নও দেখেন নাই, পদ প্রাপ্ত হইলে দুই চারি পাত ভারতবর্ষের ইতিহাস মাত্র পাঠ হইয়া থাকে; বস্তুতঃ এত দূরদেশীয় একজন লোক, কিরূপে একরূপ একটা বহুপ্রকৃতি দেশের বিষয় পুঙ্খানুপুঙ্খরূপে অবগত হইতে পারে? যাহা হউক, একজন কৃতীপুরুষের দ্বারা যত দূর প্রত্যাশা করা যাইতে পারে, তাহার অধিক আমরা শাসন কর্তার নিকট বাঞ্ছা করি না, মহাশয় লর্ড নর্থ ক্রক যে কীদৃশ গুরুতর ভার-গ্রহণ হইয়াছেন, তাহা তিনি স্বয়ং এবং সুবিটকিং রাজনীতিজ্ঞগণই অনুমান করিতে পারিতেছেন।

যদি কেহ জিজ্ঞাসা করেন, ইনি কি পদ ও ধনলোভে এত দূর আসিয়াছেন?

আমরা মুক্তকণ্ঠে বলিতে পারি তাহা কখনই নহে! নর্তককের ন্যায় লোকের পক্ষে ঈদৃশ অর্থ ও পদ অতি সামান্য, ইহার ন্যায় ধনীলোক পৃথিবীতে অতি অল্পই আছে, ইহার ন্যায় লোকে যে ইংরাজ জাতির স্বার্থের অনুরোধে ভারতীয় প্রজাবর্গের অনিষ্টসাধনরূপ কর্তব্য লঙ্ঘন করিবেন, কখনই সম্ভবপর নহে।

উক্ত মহাত্মার সম্মুখভাগে ভারতবর্ষের মঙ্গল সাধনরূপ কর্তব্য কর্ম বিদ্যমান আছে, সেই কর্তব্য কর্ম প্রধান চারিভাগে বিভক্ত হইতে পারে, প্রথম—শিক্ষা সম্বন্ধীয়, দ্বিতীয় বিচার-সম্বন্ধীয়, তৃতীয়—পথ গৃহাদি সংস্কার সম্বন্ধীয়, চতুর্থ—শান্তিরক্ষা ও যুদ্ধবিগ্রহাদিসম্বন্ধীয় বহুকালের যত্ন, ও বহুসংখ্যক লোকের প্রয়াস ও সুকৌশলে এতদেশীয় শিক্ষা-বিভাগ, এতদূর উন্নত ও বিস্তৃত হইয়াছে, এই শিক্ষা বিভাগ সুন্দর এক মন্দিরের সহিত সাদৃশ্য করা যাইতে পারে; গুরু মহাশয়দের পাঠশালার শিক্ষা তাহার প্রোথিত ভিত্তিস্বরূপ, বি, এ এবং বি, এল উপাধির অধ্যাপনা, গম্ভূজসদৃশ, এম, এ, উপাধির অধ্যাপনা, চূড়া সদৃশ। এই মন্দিরটি প্রস্তুত হইতে যে কতশত লোকের বিশেষতঃ খ্রীষ্টান মিশনারি ও ব্রিটিশগবর্ণমেণ্টের কত মস্তিষ্ক ও রক্ত ব্যয়িত হইয়াছে তাহা বর্ণনাতীত, ইহা যে প্রসিদ্ধ তাজমহল অপেক্ষাও সহস্রগুণে মহীয়ান ও প্রকাণ্ড, তাহা সকলেই মুক্তকণ্ঠে স্বীকার করিবেন, বর্তমান লেপ্টেনেন্ট গবর্ণর

কেবল সাহেব সেই মন্দির চূর্ণবিচূর্ণ করিবার মানসে নিজহস্তে লৌহ দণ্ডধারণ করিয়াছেন, এবং কয়েক জন ইংরাজ, বাক্য ও কার্যদ্বারা উৎসাহ দিতেছেন, কেবল সাহেবের ইচ্ছা যে যদিও সম্যকরূপে মন্দির ভগ্ন না করা যায় অগত্যা উপর্যুক্ত ভগ্ন করিয়া অধঃপতিত করিতে হইবেই হইবে; পরিবর্তে যদি ভারতবর্ষীয় ১০ লক্ষ কের শিরচ্ছেদ হয়, তাহাও অপেক্ষা শ্রেয়ঃ, ইহা যে কোন্ প্রাণে এরা কঠোর নৃশংস কার্যে প্রবৃত্ত হইয়াছে এবং কতকগুলি ইংরাজই বা কোন্ য়ে এই জঘন্য কাণ্ডের পোষকতা তেছেন, বলিতে পারি না।

এই কাণ্ডটিই প্রথম নবাগত প্রধান শাসনকর্তার পরীক্ষার স্থল, ইনি কি কেবল সাহেবেরই মনোবাঞ্ছা পূর্ণ করিবে, তাহা থাকিবে, না এদেশের রক্ষা করিবার চেষ্টা করিবে, তাহা বলিতে পারি না।

এতদেশীয় শিক্ষা বিবরণ সংক্ষেপে বর্ণিত হইতেছে; নিম্নশ্রেণীর শিক্ষা গুরু মহাশয়দিগের পাঠশালার শিক্ষা হইতে আরম্ভ হইয়া ছাত্রীয় বৃত্তি বা মাইনর বৃত্তির পরীক্ষাপযোগী পাঠ্য অধীত হইয়া থাকে, উহা দ্বারা কিঞ্চিৎ পরিমাণে, পাঠীগণিত, জ্যামিতি, ব্যবহারিক ভূগোল, ভারতবর্ষের ইতিহাস, ও বিশেষরূপে বাঙ্গালা ভাষা শিক্ষিত হইয়া থাকে, তৎপর “এন্টান্স” পরীক্ষা পর্য্যন্ত অধ্যয়ন করিলে, ইংরাজিভাষায় একরূপ অধিকার লাভ, বীজগণিত, সমতল সমীকরণ, জ্যামিতি চতুর্থ পুস্তক পর্য্যন্ত

শিক্ষা হইয়া থাকে, তাহার পর কলেজে প্রথম আর্টের পরীক্ষার পাঠ্যগুলি অধ্যয়ন করিলে একরূপ জ্ঞান লাভ হইতে পারে, ত্রিকোণ মিত্রি, বীজগণিত, কোন কোন বিশেষ ইতিহাস, কোন রূপ ফিলজফি উত্তম ইংরাজি সাহিত্য সঙ্গে কৃত কার্যের কিয়দংশ, ইহার পর—বিজ্ঞান, কোনরূপ ফিলজফি, ও বিশুদ্ধ গণিতের উচ্চতম শাখা—অধ্যয়ন করিয়া বি, এ, উপাধি লাভ হইলে ছাত্রদিগকে সুশিক্ষিত বলা হইতে পারে, ইহার পর এম এ, পরী-উত্তীর্ণ হইলে এক এক বিষয়ে তবলিয়া পরিগণিত হইতে পারে।

এদিকে ব্যবসায়িক শিক্ষাদ্বারা সুন্দর, প কার্যদক্ষতা, বিশেষ রূপ বিজ্ঞান জ্ঞতা একরূপ উপজীবিকার সহুপায় সাধকে, মডিকল কলেজে শারীর রক্ষা, ভৈষজ্যতন্ত্র, অস্ত্রব্যবহার, ট্রেন্ডিং, রসায়ন, প্রসবতন্ত্র, চক্ষুস্তন্ত্র, বি, ব্যবহারিক বিজ্ঞান অধীত হইয়া থাকে, এই শিক্ষা যে ছাত্রদিগকে অন্ধকার হইতে আলোতে আনয়ন করে তাহা বলা বাহুল্য।

আর একদিকে, নানা দেশীয় উত্তরাধিকারি, দণ্ডবিধি, প্রজা ও রাজার স্বতন্ত্র স্বতন্ত্র প্রভৃতি শাখাশালী ব্যবহার শাস্ত্র অধ্যয়ন করিয়া রাজনীতির গূঢ় তাৎপ-র্য্য হইতে পারা যায়।

আমাদের দেশে শিক্ষার একরূপ অবস্থা হইয়া রহিয়াছে, এখন পর্য্যন্ত শিক্ষা

ও যুদ্ধবিদ্যা প্রভৃতি শিক্ষাদানে গবর্ণমেণ্ট অগ্রসর হন নাই, সেইরূপ শিক্ষার সময় উপস্থিত হইয়াছে, এদেশে যে পরিমাণে শিক্ষা উন্নত ও বিস্তৃত হইয়াছে তাহা অপ্রতিহত রাখিয়া কোথায় আরো বিশেষ শিক্ষার উপায় সকল প্রযোজিত হইতে থাকিবে, না সঞ্চিত শিক্ষার পর্য্যন্ত মূলোচ্ছেদ হইতে চলিল, ইহা অপেক্ষা আর দুঃখের বিষয় কি আছে? উচ্চ শিক্ষাদ্বারা যে এদেশের কতদূর অসাধারণ হিত সাধিত হইতেছে, তাহা বর্ণন নিষ্পয়োজন, বোধ করি কাহারই অবিদিত নাই।

এইক্ষা লড নর্থ ক্রক মহোদয়ের নিকট নিবেদন যদি ও পালেমেন্টের উপর এ দেশীয় শিক্ষা প্রভৃতি সমুদয় বিষয়ের উন্নতি অবনতি বিশেষরূপ নির্ভর করে, তথাপি, গবর্ণর জেনারাল বিশেষরূপ যত্ন, ও চেষ্টা দ্বারা নানা অংশ পরিবর্তন, প্রচল প্রতি-রোধত্রী নিবারণ করিতে পারেন, এই ক্ষা দেখা যাইবে, আমাদের প্রধান শাসনকর্তা কি করেন। কতক গুলি স্বার্থপর পরশ্রী কাতর ইংরাজের অনুরোধে যদি উচ্চ শিক্ষা উচ্ছেদনের পক্ষীয় হন তাহা হইলে তাঁহার কতক গুলি সজাতীয় লোক পরিতুষ্ট হইবে বটে, কিন্তু কোন ক্রমেই এদেশ হইতে তাঁহার চির কলঙ্ক অপনীত হইবেনা, যদি প্রকৃত সত্যের দিকে দৃষ্টি রাখিয়া সজাতীয় কতিপয় লোককে অসম্ভব করিতে কৃণ্ডিত না হন, তাহা হইলে তাঁহার নিজ উচ্চতম বংশোচিত কার্য-

করা হয়, এবং কীর্তিস্তম্ভ ভারতবর্ষে
অক্ষয়রূপে তিরিকাল স্থাপিত থাকে।

যে ইংরাজেরা কিঞ্চিৎ স্বার্থের অনু-
রোধে ভারতবর্ষ সদৃশ একটা প্রধান
দেশের তির অনিষ্ট সাধনে অভিলষী,
তাহারা কখনই একবার ধর্ম ও পরি-
ণামের প্রতি দৃষ্টিপাত করে না, ইহা
নিশ্চয় বলা যাইতে পারে যে এই ভারত-
বর্ষ কখনই অনন্তকাল ইংরাজ জাতির
অধীন থাকিবে না, “এক জাতীয় লোক
অন্য জাতীয় লোকের উপর আধিপত্য
করিবেক, ইহা কখনই জগদীশ্বরের
অভিপ্রেত নহে, যাহা ঈশ্বরের অভি-
প্রেত নহে অর্থাৎ অস্বাভাবিক তাহা
দীর্ঘকাল স্থায়ী হইবার নহে এক দিন না
একদিন আর্ধ্য ও মোগলদিগের নাম
ইংরাজদিগকে, অবশ্যই এদেশের অধি-
কার ও প্রভুশক্তি ত্যাগ করিতে হইবে,
পরিবর্তী লোকেরা জেতা দিগের ফলা-
ফল দর্শন করিয়া লক্ষ্য নির্দেশ করি-
বেক, যদি স্বার্থপরতা, পরাজিত স্থূলভ
অত্যাচার, ও ঘৃণা, লক্ষিত হয়, তাহা
হইলে ইংরাজদিগের নাম গ্রহণ করিয়া
পদাঘাত করিবেক।

ধন ও আধিপত্য অতি অস্থায়ী, ধর্ম
ও যশ বাতীত কিছুই স্থায়ী ধন নহে,
অজ্ঞ জড় বুদ্ধি লোকেরাই আশু ইন্দ্রিয়
তৃপ্তিকর অস্থায়ি অর্থ উপার্জন করিয়া
থাকে, জ্ঞানী সাধু লোকেরা স্থায়ী ধন
জ্ঞানের প্রতি দৃষ্টি ও মনোযোগ রাখে।
কেরল শিক্ষা বিভাগের বিষয়ই বর্ণিত
হইল, বিচার প্রণালী ও শাস্তি রক্ষা প্রভূ

তির বিষয় স্থানাভাব বশতঃ এখানে
লিখিতে পারিলাম না।

—000—

কুমার সম্ভব।

(পূর্ব প্রকাশিতে পর।)

হে ভুধররাজ! তোমার সমুদয়
বিফল, ক্রম নিম্ন প্রবাহা সিন্ধু
গঙ্গাকে এবং শিবানুগমনে উল্লাসি
আমাকে কোন রূপেই নিবারণ ক
সমর্থ হইবেন।

তুমি আমার গুরু, তাহাতে আব
শাস্ত্রজ্ঞ কুল প্রধান, তোমার নি
অনেক নিলজ্জতা প্রকাশ হইতেছে
পতি মোহিত জনের প্রগলভতা ক
কর, প্রেমের সম্বন্ধে ব্যবহার দশ
কোথায়?

নানা বাক্যের দ্বারা পিতার প্রা
দান করিয়া মাতার সমীপে
করিল, বচিত বেশ ভূ
গৌরীর শিবানুগমনে
নেন, বাক্যের দ্বারা বিদায় প্রার্থনা
পুনর্কতি প্রকাশ মাত্র হইল।

ভূষা ও বচনের দ্বারা তনয়ার মনোগত
ভাব অবগত হইয়া মেনা ক্ষণ কাল চিত্রা-
পিতের ন্যায় অবস্থিত হইল, এবং দীর্ঘ
নিশ্বাস সহকারে গলুকামা গৌরীকে
গলুকামা লোচনে বলিতে লাগিল।

বৎসে এক! আমি জীবিত থাকিতেই
শ্মশান বাস যোগ্য বেশ বিধান করিয়া
পিতৃ-ভবন হইতে গমন করিতে অভি-
লাষ করিতেছ, তাহা মাতা কিরূপ সহ
করিবেক?

তোমার শরীর ধৃত ভূষা, জন দূর

বৃথা প্রযত্নস্বত্ব ভুধরেন্দ্র
সিন্ধুখুখা মানমিত প্রবাহাম্
শিবানুবাচোল্লাসিতাং তনুজাং
গঙ্গাঞ্চ মাং বারয়িতুং ন শক্তঃ।
ভ্রমে গুরুঃ শাস্ত্র বিদ্যাংবরো সি,
নিলজ্জিতায়াঃ পতি মোহিতায়াঃ
প্রগলভ তামায়া মমক্ষমস্ব
প্রেমঃ কুতোহি ব্যবহার দৃষ্টিঃ
ানা বচোভিঃ পিতরং প্রবোধ্য
মেতা মেনাং কৃত বেশ ভাবেঃ
বিজ্ঞাপিতা সাপা হুগলু কামা
খাচা বভাষে পুনকজ্জয়েব।

ভূষা বচোভামবগমা চেতঃ
স্থিহা ক্ষণং চিত্রগতেব মূর্তিঃ
প্রবাতু কামাং বত নিঃশ্বসন্তী
সুতাং সবাপ্পং সুবাচ রাজ্ঞী।

বৎসে কিমেতন্ময়ি জীবিতায়াং
বৎসে পিতৃ সম্বোগাং
মভীক্ষসিহং
সাতুং কথমে ব মাতা

ভূষাজিনং হন্ত তদঙ্গ নদ্রং
শ্মশাতি দূরাদপি লোচনে মে
কুক্ষোরগশ্চন্দন যষ্টি রূপাং
তামা শ্রতো মাং দগতীতি মনো
হাং প্রাপ্য বৎসে তনয়ামনন্যাং
বা খাংপরং তেচ বয়ঃ সমীক্ষ
অভ্রাময়ং স্নেহতৃষাভিভূতাং
মুগীমিবাশা মুগতৃক্ষিকামাং
গজেন্দ্র মাঞ্চহ গজেন্দ্র মুক্তা
হারং গৃহীত্বা গললক্ষমানম্
প্রিয়েন রত্নাদি বিভূষিতেন
সলীল খেলং সহ সঞ্চরন্তী

হইতে আমার লোচনদ্বয়কে পীড়া
দিতেছে, কুক্ষসর্প, চন্দন যষ্টি রূপা
তোমায় আশ্রয় করিয়া আমাকেই যেন
দংশন করিতেছে।

বৎসে! অনন্য তনয়া তোমাকে
প্রাপ্ত হইয়া এবং কালে তোমার যৌবন
কাল অবলোকন করিয়া আমার মনে
নানা রূপ কল্পনার সঞ্চার হইয়াছিল।

মুগতৃক্ষিকা যেরূপ মুগীকে পরিভ্রমণ
করাইয়া থাকে, আশাও সেরূপ স্নেহ
তৃষাকুলা এ অভাগিনীকে পরিভ্রমণ
করাইতেছিল।

গজেন্দ্র আরোহণ পূর্বক গজেন্দ্র
মুক্তাহার গলে ধারণ করিয়া নানা রত্ন
বিভূষিত বল্লভের সহিত হাব ভাব সহ-
কারে রাজপথে ধীরে ধীরে বিচরণ
করবে।

পৌরগণ পথি মধ্যে পুষ্প এবং লাজ
বকীরণ পূর্বক তোমায় আশীর্বাদ
করিতে থাকিবে, জস্তিত মঙ্গল বাদ্য
শ্রবণ করিতে করিতে পথ শ্রান্তি দূর
করিতে থাকিবে।

জনক কর্তৃক অভিনন্দিত হইয়া আশ্র
সদৃশ জামাতৃগৃহে গমন করিবে।

আমার এই চিত্তরোপিত আশা-
লতা বিষম বাতে ছিন্ন মূল্য হইয়াছে।
আমাদের বাঞ্ছিত মনোহর রাজ
রাজ যুবা বরই বা কোথায়? কদাকার
বুদ্ধ জটাধারী ভিক্ষুকই বা কোথায়?
এতৎ প্রত্যক্ষ কারিণী আমায় ধিক।

কোথায় বা সে ধীরগতি গজেন্দ্র,
কোথায় বা সেই মদ বিকল ককুদান বৃষভ,
কোথায় সেই হরিচন্দনাদ্র রত্নমালা

সপুষ্প লাজং পরিতঃ কিরন্তি
 রাশীপতা বর্ষনির্পোর বৃন্দেঃ
 বিজ্জ্বিতান্ মঙ্গল তুষ্য নাদান্
 অক্ষয়্য খেদানব বাহয়ন্তী
 জামাতৃগেহং সদৃশং স্বকীয়ং
 গমিষ্যামিহং জনকাভিনন্দ্য
 মমেতি চেতঃ পরিযো পতাশা
 লতেব বাতেন বিভিন্ন মূলা
 ক রাজ রাজোবর ঈপ সিতোনা
 যুবাভি দৃশ্যঃ কচ ভিক্ষুরেষ
 বিরূপ নেত্রঃ প্রবয়া জঠা ভ
 ধিঃ হতাশা মবলোকয়ন্তীম্
 ক দন্তরো ধীর গতির্গজেন্দ্রঃ
 কাসৌ ককুদান্ মদ বিহ্নলোকঃ
 ক রতুমাল হরি চন্দনাদ্রা
 কচক্ষুহত্রঃ বিভূতি লিগুন্
 নীলাভরতীকৃত কাল কুটে,
 কণ্ঠে ভুজঙ্গৈঃ পরিবেষ্টিতে হস্ত
 ভুজার্গং তে হুভুজে স্মরন্তীং
 মাংদক্ষভাগাং স্মৃতবার যতুঃ
 ষরাপবাদ ধ্বনিভিঃ প্রপূর্ণে
 প্রজা বিষাদোথ বিষাবদিক্কে
 পূবানন্দ বিবর্জিতেশ্বিন্
 পুরেশ্বিতাং মামপি ধিগ্ গিরিঞ্চ
 অসঙ্গ হীতা বিধবেব লোকে
 সৃষ্টি জর্নৈর্গ্যাত এব কাণা
 তস্য ন যাবম্বরং প্রকুর্য্যং
 স্থিহা পিতু বেষ্মনি দৈবং চর্য্যং
 অলং বিলাপেন বিধেম্ননঃস্থঃ
 যদেব তজ্জাত মহো বিপন্ন
 নিবায়ন্তী গমনাভিলাষং
 পিতৃশ্চ মাতু বিরমাতুরোধাং

কাথায় এই বিভূতি লিগু অক্ষুত্র, (
 হুভুজে যে কণ্ঠে বিষরাশি নীল মণি
 আঙ্গাদীভূত হইয়াছে, এবং ভুজঙ্গ
 বেষ্টিন করিয়া রহিয়াছে, তাহা
 তোমার ভুজার্গ স্মরণ করিয়া আ
 জীবন ধারণের ইচ্ছা থাকে না।

যে পুর বরের অপবাদ ধ্বনি ছা
 পরিপূর্ণ, প্রজা পুঞ্জের বিষাদ জাত
 রাশিতে পরিদক্ষ, এবং পুরাঙ্গগা
 আনন্দে পরিবর্জিত, সেই পুরে অবস্থিত
 আমায় এবং অদ্রিরাজকে দিক্।

কর্যা অসংপাত্রস্থা হইলে
 তাহাকে বিধবা বলিয়া বর্ণন করিয়া
 থাকেন পিতৃ গৃহে অবস্থিত পূর্বা
 আজীবন দৈবচর্যা অবলম্বন করিয়া
 এরূপ বিলাপ বুধা, বিধা
 ছিল তাহাই ঘটয়াছে,
 অহুরোধে গমনাভিলাষ নিবারণ পূর্ক
 বিরত হও।

পৃথিবীতে পর্কত সমূহের একাধিপত্য,
 মনোহর হর্ম্য সকল, নানা মনিরত্বপূর্ণ
 রাজকোষ বিদ্যমান রহিয়াছে, তুমিই
 এসকলের এক মাত্র উত্তরাধিকারিণী
 মন কি নিমিত্তে এসকল পরিত্যাগ
 করিতে প্রবৃত্ত হইয়াছ?

ক্রমশঃ।

অষ্টাদশ পুরাণের সংক্ষেপ বিবরণ পদ্ম-পুরাণ।

পৌরাণিক সংখ্যাসূসারে এই পুরাণ
 দ্বিতীয় পদবীর যোগ্য। ইহা এক
 খানি রিস্তীর্ণ গ্রন্থ, কারণ সর্বসাধারণতঃ
 ইহার শ্লোক সংখ্যা ৫৫ সহস্র, কিন্তু
 এই পুরাণের যে সকল হস্তলিপি পাওয়া
 যায় তাহাতে শুদ্ধ পঞ্চদশ সহস্র শ্লোক
 দৃষ্ট হয়।

পদ্ম-পুরাণ পঞ্চখণ্ডে বিভক্ত :-

১ম। পুষ্কর বা সৃষ্টি খণ্ড। ইহাতে
 বৃহত বা ব্রহ্মার আবির্ভাব ও সৃষ্টির
 বিষয় কথিত আছে।

২য়। ভূমি বা তীর্থ খণ্ড। ইহাতে
 পৃথিবীর সৃষ্টি ও ভিন্ন ২ বিভাগ, নদ-
 মদী, পর্কত প্রভৃতির বিষয় বর্ণিত
 আছে।

৩য়। পাতাল-খণ্ড। ইহাতে পৃথিবীর
 অবস্থিত প্রদেশ সর্গ ও সর্গীয়
 অধিপতিগণের বিবরণ বর্ণিত
 আছে।

৪র্থ। পাতাল-খণ্ড। ইহাতে পৃথি-
 বীস্থ নরপতিগণের বংশাবলি
 কীর্তিত হইয়াছে; পাতালের বিষয়
 বর্ণন করিয়া, ইহা আরম্ভ করাতেই
 এখণ্ডের পাতাল-খণ্ড নাম প্রদত্ত
 হইয়াছে। বাস্তবিক ইহাকে প্রকৃত
 প্রস্তাবে পৃথিবী-খণ্ড বলা যাইতে
 পারে।

৫ম। উত্তর-খণ্ড, এই খণ্ডে ব্রহ্ম গীতা ও
 কোন্ উপায় দ্বারা মোক্ষ লাভ

করিতে পারা যায় তদ্বিষয় বিস্তা-
 রিত করিয়া লিখিত আছে।

এই পঞ্চ-খণ্ড ব্যতিরেকে ক্রিয়া যোগ-
 সার নামে অপর এক খণ্ড বিদ্যমান
 আছে, কিন্তু ইহার সহিত পঞ্চম-খণ্ডের
 কোন বিশেষ বিভিন্নতা নাথাকায় এটি
 যে একটি সতন্ত্র খণ্ড তাহা স্বীকার করা
 যায়না।

সৃষ্টি-খণ্ড।

এই খণ্ডে ৪৬ অধ্যায় ও ৮৫০০ শ্লোক
 আছে। ব্যাসশিষ্য লোমহর্ষণ, তদীয়
 তনয় সৌতিকে নৈমিষারণ্যে একত্রিত
 ঋষিমণ্ডলীর নিকট এই পুরাণ পাঠ-
 করিতে প্রেরণ করেন।

ব্রহ্মা যে পদ্ম হইতে উদ্ভূত হইয়া
 জগৎ সৃষ্টি করেন সেই কমলের বিবরণ
 এই পুরাণে কথিত আছে বলিয়া ইহার
 পদ্ম-পুরাণ নাম। বিষ্ণু এই কল্পে
 মৎস্য অবতारे ব্রহ্মাকে এই পুরাণ
 পরিজ্ঞাত করেন। ব্রহ্মা প্রথমে দেব-
 গণের নিকট এই পুরাণের ব্যাখ্যা করেন।
 তৎপরে ব্রহ্মার অংশ বেদব্যাস লোম-
 হর্ষণ ঋষির নিকট ইহা পাঠ করেন।

এস্থলে ইহা কথিত আছে যে, প্রথমে
 অষ্টাদশ পুরাণে শতাধিক কোটি শ্লোক
 ছিল। তন্মধ্যে ৪ লক্ষ শ্লোক মানব-
 গণের উপযোগী বলিয়া জগতে প্রকা-
 শিত হয়, অতিরিক্ত শ্লোক গুলি দেব-
 গণের জন্য সংরক্ষিত হয়। সৌতি
 বলেন যে ব্রহ্মা পৌলস্ত ঋষিকে এই
 পুরাণ প্রদান করেন। পৌলস্ত জাহ্নবী
 তীরস্থ গঙ্গাদ্বার তীর্থে পাণ্ডব পিতামহ
 ভীষ্মের নিকট এই পুরাণ পাঠ করেন, ইহা

দ্বারা স্পষ্ট অনুমিত হইতেছে যে পৌলস্ত
ঋষি এই পুরাণ প্রণেতা ও প্রকাশক। ভীষ্ম
জগৎ সৃষ্টির বিষয় জিজ্ঞাসু হইলে ঋষি
বিস্তীর্ণ রূপে তদ্বিবরণ কীর্তন করেন।
তৎসমুদয়ই সাংখ্য দর্শনের মত অবলম্বন
করিয়া লিখিত হইয়াছে। অম্বর
প্রধান হইতে ক্রমান্বয়ে মহৎ, অহংকার
(আত্মজ্ঞান) দশমেন্দ্রিয়, আদি পরমাণু
স্থূল পরমাণুসকল, এবং অণুর উৎপত্তি
হয়। অণুর উৎপত্তির বিষয়টি মনু-
সংহিতার রচনার ন্যায়। সৃষ্টি অনাদি
ব্রহ্মের ইচ্ছা ও ক্রিয়া ব্যতিরেকে অন্য
কিছুই নহে। পরম ব্রহ্ম পুরুষ-রূপে
প্রকৃতিতে সৃষ্টির শক্তি প্রদান করেন।
ব্রহ্ম কার্যাত্মরোধে ব্রহ্মা, বিষ্ণু, ও শিব
ত্রিমূর্তি ধারণ করেন। সমস্ত পুরাণেই
বিষ্ণু ও শিব আদিপুরুষের অঙ্গীভূত
বলিয়া পরিগণিত আছেন কিন্তু পদ্ম-
পুরাণের এই অংশে ব্রহ্মা ও ব্রহ্ম এক
বলিয়া বর্ণিত হইয়াছে। ব্রহ্মা সৃষ্টির
মিদান, ব্রহ্ম সৃষ্টি কর্তা, আদি উৎকৃষ্ট,
মঙ্গলময় ও সর্ব-নিয়ন্তা। পরম ব্রহ্ম
ব্রহ্মা রূপে জগৎ সৃজন করেন। ব্রহ্মা
সৃষ্টি ও সৃষ্টিকর্তা, রক্ষন্তা, ও রক্ষিত হন,
সর্বভূক অথচ সর্ব-ভোক্তা, অপর মাণুক
আদি কারণ, ও জগতের মরমাণুক
কারণ ও সারবস্ত। যদিও ব্রহ্মা পূর্বে
রূপে বর্ণিত হইয়াছেন তথাপি অনেক
স্থলে বিষ্ণুর প্রাধান্য বিবয়ে বহুল প্রমাণ
থাকায় এই পুরাণকে বৈষ্ণব সাম্প্রদায়িক
গ্রন্থ বলিয়া পরিগণিত করা যাইতে
পারে।

তৃতীয় অধ্যায়ে মুহূর্ত্ত হইতে ব্রহ্মার

আজীবন কাল নির্ণয় করা হইয়াছে।
এই অধ্যায়টি অপরপর পুরাণের প্রতি-
বিষ। তৃতীয় এক রাত্রাবসানে ব্রহ্মা
বিষ্ণুরূপে বরাহ অবতার হইয়া দশনে
পৃথিবী ধারণ করেন। তৎপরে সমস্ত
জীব সৃষ্টি করেন। সৃষ্টি বিষয়ক আর
একটি অদ্ভুত বিবরণ আছে—স্রষ্ট
জীব মাত্রেই ব্রহ্মার দেহ হইতে উৎ-
পন্ন হয়। তাহাদের বংশ-বৃদ্ধি না
হওয়াতে ব্রহ্মা মানসে, প্রজাপতিগণ,
রুদ্র ও সয়ন্তুব মনুর সৃজন করেন।
সয়ন্তুব মনুকনা অকুতি ও প্রসুতি দক্ষ
ও ঋচিকে বিবাহ করে। তাহাদের
গর্ভে যে সকল কন্যা জন্ম গ্রহণ করে,
ঋষিবর্গ তৎসমুদয়ের পাণিগ্রহণ
করেন। ইহারাই আদিবংশ। এই
সমস্ত বিবরণগুলি বোধ হয় কতকগুলি
ধর্মাত্মাদিগের রীতি নীতিবিজ্ঞান
রূপকালঙ্কার বর্ণনামাত্র।
এসমুদয়ের অনুরূপ বর্ণনা ও
দেবাসুর কর্তৃক সমুদ্র-মন্থন কালে
লক্ষ্মীর উৎপত্তি বিষয়ক উপাখ্যানটি
বিষ্ণু পুরাণের বর্ণনাত্মক। তৎপরে
দক্ষ রাজার যজ্ঞ, দ্বিতীয় দক্ষের বাণা-
বলী, ভিন্ন ভিন্ন মনুস্তর, বীনা পৃথু ও বৈ-
বস্বতের উৎপত্তি ও সূর্য্য বংশের বিবরণ
তৎপরে শ্রাদ্ধ তপস্যা ও তীর্থমাহাত্ম্যা-
ধ্যায়। গয়াতীর্থের বিষয়ই অতি বিস্তীর্ণ
রূপে কথিত হইয়াছে। এই অংশে হরি-
বংশ বর্ণিত ব্রহ্মদত্তোপাখ্যানের অব-
তারণা করা হইয়াছে। তৎপরে কৃষ্ণের
বংশাবলী পর্য্যন্ত চন্দ্র বংশীয় বিবরণ
কীর্তিত আছে।

পর অধ্যায়ে দেবাসুরের যুদ্ধ বিবরণ।
অসুরেরা পূর্বে স্বর্গে বাস করিত, ক্রমে
পরাক্রমে দেবগণের উপরে আধিপত্য
স্থাপন করিয়া স্বর্গের কটকস্বরূপ
হইয়া উঠে। অসুরপতি শুক্র স্বর্গ
রাজ্যলাভায় কঠোর তপস্যায় নি-
যুক্ত থাকে; ইন্দ্র প্রেরিত কোন সর্গায়
অপসরী কর্তৃক শুক্রের যোগ ভঙ্গ হয়,
শুক্র তদনুসরণে গমন করিলে দেবগুরু
বশিষ্ঠ, বরাহ রূপ ধারণ করিয়া অসুর
দিগকে বিপথগামী করেন। বশিষ্ঠ
যে জৈন ধর্মের প্রচার করেন তাহা
বিলক্ষণ অনুমিত হইতেছে কারণ,
এস্থলে কোন এক অসুর কর্তৃক জৈন ধর্ম
অবলম্বনের বিষয় বর্ণিত আছে।
এইবেলা বর্ণিত আদি মনুষ্যের পতন
ববরের উপাখ্যানের সহিত এই বিব-
রণ অনেক সাদৃশ্য দৃষ্ট হয়। শয়-
ন স্বর্গচ্যুত সর্গায় দূত
দম্পত্যকে পাপকার্যে রত করে। বাই-
বেল কি পুরাণ এই আখ্যানিকার মূল
গ্রন্থ তাহা নির্ধারণ করা হুষ্কর।

তৎপরে ভীষ্মের অভ্যর্থনায় পৌলস্ত
মহাভারতবর্ণিত কুরুক্ষেত্রযুদ্ধে প্রসিদ্ধ
বীরদ্বয় অর্জুন ও কর্ণের মধ্যে চির
বৈরভাবের কারণ বর্ণন করেন।
একদা শিব ও ব্রহ্মার ঘোর বিবাদ
উপস্থিত হয়। ব্রহ্মার স্বেদবারি হইতে
এক বীরপুরুষ উদ্ভূত হয় তদর্শনে শিব
পালয়ন করেন। শিব ভিক্ষার্থী হইয়া
বিষ্ণুর নিকটে আগমন করেন। বিষ্ণু
শিবের কপালপাত্রে ভিক্ষার্থী কালে

শিব-ত্রিশূলে তাঁহার হস্ত বিদ্ধ হইলে
তৎক্ষণাতঃ রক্তবিন্দু পাতে নরনামা
এক ভয়ঙ্কর অসুর জন্ম গ্রহণ করে। এই
বীরদ্বয় পর জন্মে অর্জুন ও কর্ণ রূপে
পৃথিবীতে জন্ম-গ্রহণ করেন। এই কার-
ণেই তাহার চির শত্রু ছিল। তৎপরে
শিবকর্তৃক ব্রহ্মার পঞ্চমমস্তক ছেদন;
ব্রহ্মাণের অবমাননা জনিত পাপবিমো-
চনার্থে শিব বিষ্ণুর আদেশে নানা তীর্থে
গমন করেন। আজমির দেশস্থ পুষ্কর
তীর্থেই তীর্থ প্রধান ছিল। ব্রহ্মার
হস্ত নিক্ষিপ্ত এক পুষ্কর (পদ্ম) এই স্থানে
পতিত হয় বলিয়া ইহা মহান তীর্থ বলিয়া
পরিগণিত হয়। তথায় ব্রহ্মার যজ্ঞ,
গায়ত্রির সহিত বিবাহ, তৎপূর্ব-পত্নী
সাবিত্রী কর্তৃক সমস্ত ব্রহ্মাণ ও দেব-
গণকে শাপ প্রদান, প্রভঞ্জন নরপতির
শাস্তি দেহ প্রাপ্ত, প্রভঞ্নের শাপ
বিমোচন, নন্দা গাভীর কৃতজ্ঞতা, তাহার
স্বর্গলাভ, দধিচি মুনির অস্থিনির্মিত
ইন্দ্র বজ্র পাতে বেত্রাসুর বধ, অগস্ত্য
কর্তৃক বিষ্ণুগিরির গর্ভ খর্ব, সমুদ্র
শোষণ এবং অসুর কুলনাশের বিষয়
গুলি বিস্তীর্ণ রূপে বর্ণিত হইয়াছে, কিন্তু
তৎসমুদয়ই অসম্ভব ও বাল-ক্রীড়া সৃশা
ক্রমশঃ।

স্বর্গ-ভ্রংশ কাব্য।

পূর্ব প্রকাশিতের পর।

সেই কি হই তুমি এই অধঃপ্রপতিত !
সে আলোকময় সুখপূর্ণ সমুদ্র
স্থলে, ছিলে কোটি সূর্য্যজিনিয়া দীপতি

মহাদীপ্তজালে,এবেকোথাসেইজ্যোতি?

মহা তরুণবর্গে পশিলে অনল
শিখা, কালে, যথাতক অঙ্গার রাশিতে
হয় পরিণত, দীর্ঘকাল অলক্ষিত
ভাবে জ্বল, সেই রূপ পরিবর্ত তব।
এক পরামর্শ চিন্তা আশার বন্ধনে
নিবদ্ধ থাকিয়া মম সহ সম সুখ
হুঃখভাগী, শৌর্য্য বীর্য্য গুণ ধর !
সাহসিক কার্য্যে হার আমার সহিত
ছিলে, আলিঙ্গিতে মহা বিপদ সাগর
তরঙ্গ,হায় রে! ভাসি সেই মহা স্রোতে
মিলিত হয়েছ আমি সম ভাগ্য দোষে
পুণঃ। প্রবাহ চালনে যথা কাষ্ঠ তৃণ
চয়, চারিদিক পরিষ্কিপ্ত হয়ে, কালে
একত্র আবার মিলে। হায় মহাবীর !
রহিয়াছ, কোন মহা গহবরে পতিত,
ঘোরতর তমসেতে নাচলে নয়ন
গতি। কিসে বলবান বল সুরপতি
মোসবার হতে, কোন গুণে শ্রেষ্ঠতর।
কেবল কুলিণ ধরি, বিক্রমে প্রধান
সে বিক্রম শালী, পরাক্রমে গণিয়াছি
তারে তৃণ সম, অবিদিতছিল, এত
কাল, সেই মহাঅস্ত্র গিরি বিদারক
সিন্ধু বিলোড়ক, দৈত্য কুলকালানল,
পূর্বে কে জানিত তার গুণাগুণ? তবু
কতু নাহি শঙ্কাতারে তিল মাত্র মম
কিষ্ণা সেই শক্তিমান জেতা মোর রণে
পরাজিত আমি ধরি ক্রোধে জর্জরিত
হয়ে, দিবে নিদাক্ষণ শাস্তি—লৌহময়ী
ভীমগদা আঘাতেতে মস্তক চূর্ণিবে
কিবে, সহসা, কিষ্ণা অধিভয় মম

বজ্রোপম তপ্ত শালাকায়, কিষ্ণা, পুনঃ
গিরি শৃঙ্গ সমান মুষল সমাঘাতে
বক্ষঃ মম ছিন্ন ভিন্ন করিবে, গলায়
প্রকাণ্ড পর্বত বান্ধি ডুবাতে সাগরে,
বজ্রের সাঁড়াশী দিয়া টানিয়া খসাবে
শরীরের চর্মচয়, বলেতে, উত্তপ্ত
তৈল পূর্ণ কটাহেতে ফেলিয়া ভাজিবে
সজীব, দংশাবে কিষ্ণা, সহস্র সহস্র
বৃশ্চিকভুজঙ্গদিয়া। কিষ্ণা কোটি কোটি
সিংহ, ব্যাঘ্র, সারমেয়, বিকট দর্শন
ইঙ্গিত মাত্রতে তারা আসি, ঘোরতর
রবে, তীক্ষ্ণ দংশনাঘাতে, টানিয়া খসাবে,
ছিন্ন ভিন্ন করিবেক, নাসা, ওষ্ঠ জিহ্বা
শরীরের মাংসপেশীযত সমুদয় ;
কিছু মাত্র শঙ্কা নাহি করি এ সকল
ঘোরতর জ্বালাতন বিভীষিকা প্রতি।
শোচনা নাহিক মনে, বিন্দু, লেপ, ক
অমৃত, অমৃতাপ নাজন্মায়
কিছু পরিবর্তন নহে, যে
দৃঢ়তম মত সদা এক দি
রেখা মাত্র নহে বিচলিত, অনিবার
বিষম পীড়নে, হায়, যদিও আমার
হইয়াছে পরিবর্ত বাহ্য আকৃতির
অচল অটল সেই মন দৃঢ়তর,
ঘোর দাবানলে যথা ভস্ম রাশি হয়ে
উড়ি যায় পুড়ি, গুল্ম, লতা, বনস্পতি
ওষধি প্রভৃতি আরো নানা উদ্ভিদ
কিন্তু গিরিবর কতু নয় প্রাপ্ত নহে
দক্ষ আর রণে থাকি স্থান পরিচয়
করে। দেব কৃত ঘোরতর অপমানে
হইলে চৈতন্যোদয়, আসি মূর্তিমতী
স্বর্ণা—পুরিষ লেপিত অঙ্গ, ক্রুদ্ধ পুঞ্জ
মুখে, উগারিয়া উগারিয়া গিলে বারবার

মাঝেমাঝেতোলেহাই, তীব্র, পুতি গন্ধে,
ব্যাপ্ত চারি দিক—দেব কুলেশ্বর সহ
যুদ্ধে মোরে উত্তেজিত উদীপ্ত করিল,
সেই ভয়াবহ যুদ্ধে অসংখ্য অসুর
ধাইল আয়ুধধারী আমার সদৃশ
সুরদেবী। মোরে রাজা বলি মান্য করি
প্রবাহি সমর ঝঞ্জা বহু কাল ব্যাপি
করে ছিল বিকম্পিত দেব কুলে শের
সিংহাসন, দেব সহ যুদ্ধে পরাজয়
লাভ করিয়াছি, কিন্তু এখনো সকল
হারাই নাহিকা আছে সে দুর্জয়ের ক্রোধ,
বাড়বাগ্নি সম চিরোজ্জ্বল, বেগবতী
মহানদী সমা ঘোর, সমর বাসনা
সাগর হিল্লোল তুল্য উৎসাহ তরনি,
বিদোলিত অনিবার, পর্বত সমান
অটল সাহস, অবিকৃত চিরকাল,
মার্ত্তও মণ্ডলোপম, মানসিক ভীম
ভজোরশি, বিতাপিত করে সদাহৃদ.
গিরিজা যথা বহে স্রোতস্বতী
অগ্নিমালা, প্রতিহিংসা মম সেইরূপ।
আর আর কত কিছু, তা বর্ণিব কত,
অক্ষুণ্ণ রয়েছে সব সমৃদ্ধি আমার।
বজ্রধর, বলে কিষ্ণা, অশেষ কোশলে
পারিবে কি কেড়ে নিতে, রাজকীয়মান
অক্ষত সন্ধ্যু মম? যিনি এই মহা
ভুজদণ্ড ভয়ে, নিজ স্বর্গ রাজ্য প্রতি
ছিল সন্ধিহান, খর খর কম্পমান।
তাহার নিকট নতশিরাঃ, কৃতাজলি,
গলগলীকৃতবাসা, ভূনিহিত জাহ্নু,
হইয়া স্বদোষ স্বীকরণ সহ ক্ষমা—
প্রার্থনা, প্রসাদ লাভ বাসনা তাহার,
শক্তি প্রপূজন, গুণে ভক্তি বিকাশন,
সাজে কি আমার, এসকল ঘণাকর,

কাপুরুষোচিত, অপমানাবহ, এই
অধঃপাত, হতে লক্ষগুণে লজ্জাকর।
ধিক মোরে শতশত, যদি নতক্রোধ,
হত তেজঃ শান্তিগত, সন্ধিভাবেরত
হই। ধিক এজীবনে, যদি ভয় পাই
শমনেরে। সে পামর, অজ্ঞ অন্ধ যেন,
মানের তুলনা করে জীবনের সহ।
মেঘের গর্জন শুনি অধিত্যকা সায়ী
কেশরী, কেশর সফীত করি মুহুমুহুঃ
প্রতিপর্কে, উল্লম্বিক সাহসে ভীমাকৃতি
যদিও সম্মুখে দেখে বারিদস্থানিত
বিভা তব লিতজ্যোতি বিদ্যুত পতিতা;
ক্ষণমাত্র, লক্ষদিয়া আলিঙ্গন করে,
তারে বেগে। কতু কি ভাবি যত্নভয়
পলায় পর্বতগুহা গভীর গহ্বরে,
আমার এ দেহ কতু ধ্বংসশীল নহে,
সেইরূপ দেব বলবীর্য্য চিরস্থায়ী,
আমাদের শক্তি পরাক্রম অনশ্বর
সেইরূপ, চিরস্থির দেব পরম্পর,
অচলা প্রচলা হিংসা স্থায়ী বৈরভাব।
দোষের যুদ্ধানল কতু না নিভিবে।
ভালকপে জানিয়াছি দেবতাকুলের
বীর্য্য, শৌর্য্য, বল, পরাক্রম সাহসিতা,
যুদ্ধে বার বার। কিসে হয় শ্রেষ্ঠতর,
দৈত্যকুল হতে, দেব বংশ সুধাচোর।
সগর্ভ বচনে মুক্তকণ্ঠে, বলিবারে
পারি, অসুরের বাহুবলে সুরগণ
সদা, বিকম্পিত, আশঙ্কিত পলায়িত।
কিসে তবে অপকৃষ্ট মোরা দ্বিতিসুত
বংশ। অভিজ্ঞতাগুণে সমরকোশলে
অস্ত্র প্রচালনে, আক্ষালনে আক্রমণে
ব্যূহবিনির্মাণে, বটি শ্রেষ্ঠতর হবে।
বুখা গর্কে এবে উড়াইয়া জয়কেতু

লক্ষ লক্ষ, বাজাইয়া গভীরে হুন্দুভি
জয় বিঘোষক, যিনি হয়ে নিষ্কটকে,
স্বর্গরাজ্যভোগকরি, অহঙ্কারে মাতি
অবিচারানলে দগ্ধ করিছে সতত
সে অপূর্ব দিব্যধাম, তবে কেন মোরা
আছি নিষ্কদ্যম ভাবে? এইভুজদণ্ডমম
গিরিশৃঙ্গোপম উঠি চল চলি তথা,
প্রবল সকল মহা সাহস সহিত।
আগ্নেয় ভূধর যথা জ্বলি ভয়ঙ্কর,
উগারিয়া অগ্নিরাশি, বর্ষে মহাবেগে
চারিদিগ, সেইরূপ যুদ্ধানল জ্বলি
চিরকাল তরে পারি আক্রমিতে সেই
অসুর বিরোধি রিপুদলে। চল তবে।

ক্রমশঃ।

সময়ে কি না হয়।

পূর্ব প্রকাশিতের পর।

৬ অধ্যায়।

‘১৬ বৎসর’ কথাটি বলিতে কতই
সহজ! কয়েকটি বর্ণ যোজনামাত্র বই
নহে। কিন্তু এই কয়েকটি বর্ণের মহিমা
কত, কে বলিতে পারে! একজনের চক্ষে
ইহা দেখিতে দেখিতে গত হয় বটে,
কিন্তু ইহা যেমন গত হইতে থাকে তেমনি
তাহার সিল্প স্বরূপ পশ্চাদ্ভাগে কি রা-
খিয়া যায় তাহা কে বলিতে পারিবে।
এই সময়ের মধ্যে বিশ্বনিয়ন্ত্রার নিয়ম
নিচয় এবং অলৌকিক কার্য কলাপ
কতই ভিন্ন ভিন্ন ভাবে চরাচরে প্রচারিত
হইয়াছে কে তাহার নিরূপণ করিতে
পারে? নৈসর্গিক নিয়ম সকল কতই
পরিবর্তিত ও পরিবর্তিত হইয়া জগতের

শুভ সাধন ও শোভা বিস্তার করিতেছে।
হায়! এই সময়ের মধ্যে কত কত
রাজ্য হয়ত দীন দশা হইতে শিরোনত
করিয়া জগতবাসীদের প্রতিষ্ঠাভাজন
হইবার নিমিত্ত অগ্রসর হইতেছে।
আবার কত কত রাজ্য উচ্চ গুরু
খর্বতা সহকারে রক্ত প্রবাহে প্লাবিত
হইয়া স্বীয় গরিমা সহ মগ্ন হইয়াছে।
সৌভাগ্যবি নিস্তেজ রশ্মিজাল প্রদা-
নেও অক্ষম হইয়া অস্ত্রচল প্রবেশো-
ন্মুখ হইয়া রহিয়াছে। এই সময়ের
মধ্যে কত কত জাতি হয়ত স্বীয়
অসত্যাবস্থা বিজ্ঞাত হইয়া তমসাবৃত-
সমাজ সংস্কারের দ্বারা সত্তা পথের
পথিক হইতে কৃতসঙ্কপ হইয়া কার্য
যোগে তাহার পরিচয় প্রদানে পারণ
হইয়াছে আবার কত জাতি মাতৃক্রোড়-
ছিন্ন শিশুর সজল নয়নে মাতৃমুখ দর্শ-
নের ন্যায় পূর্বাবস্থার প্রতি দর্শি-
ক্ষেপ করিতে করিতে পতনশীল তার
কার ন্যায় হীণাবস্থায় অধঃপাতিত হই-
তেছে। এই সময়ের মধ্যে মানব সমা-
জের কত উন্নতিকৃত অবনতি হইয়াছে
কে তাহা নিরূপণ করিতে সমর্থ হয়!
যখন জগত সাধারণে এই রূপ হইতে
পারে তখন কে পারিবারিক পরিবর্তনের
সংখ্যা করিতে পারে? হয়ত কত কত
পরিবার সৌভাগ্যরূপ পর্বত চূড়া
হইতে পতিত হইয়া, নিরন্তর হুঃখারণ্যে
ভগ্ন হইয়া বিচরণ করিতেছে, আবার
হয়ত কত কত পরিবার হীণাবস্থা ও
ক্লেশরাশি অতিক্রম করিয়া এক্ষণে
নন্দনন্দম সুখময় সংসারধামে বিচরণ

করিয়া বেড়াইতেছে। পূর্বে যাহার বদন
সতত সুখের হাসিতে পরিপূর্ণ থাকিত
এখন হয়ত তাহা দাৰ্শন্য হুঃখরেখায়
অঙ্কিত, নয়ন নিরন্তর অহুতাপ-বিগলিত
মলিলে পরিপ্লুত হইতেছে। পূর্বে
যাহাকে দেখিয়া লোকে তদীয় ভাগ্যা-
ভূরূপ কায়মনোবাক্যে স্মৃতিষ্টি দেবের
নিকট প্রার্থনীয় বলিয়া যাজ্ঞা করিত,
এখন হয়ত তাহাকে দেখিয়া কখন মাত্র
সম্বল পথের ভিখারিও হিংসা করিতে
ইচ্ছুক নহে। এই ১৬ বৎসর পূর্বে যে-
খানে মনোহর অটালিকা বিরাজ করিত
এখন হয়ত তথায় নিরানন্দময় বনু-
গছুর শৃগাল কুকুরাদির বাস ভূমি হই-
য়াছে। আবার যেখানে জনমানববিহীন
ঋপদকুল আশ্রয় বনভূমি ছিল এখন
তথায় আনন্দউৎসপ্রবাহিনী রমা হৃদা
শোভা পাইতেছে।

ঠিক এক্ষণে স্থান পরিবর্তন করিতে
হইবে। যথায় পদ্মাসতী নীল রত্ন আভা
বিভাসিত জলরাশির বিশাল তরঙ্গরঙ্গ
বিস্তার করিয়া উভয়তট কম্পান্বিত করত,
জলচর বিহঙ্গমগণকে নাচাইতে নাচাই-
তে রবিকির সহ কোঁড়ুকামোদে
কেলি করিতেছে; তথায় এই আখ্যায়ি-
কার অংশ বিস্তার হইতেছে।

পাবনা জেলার অন্তর্ভুক্ত পদ্মাতটে
হুসেনপুর নামে গ্রাম। সেই গ্রামের
প্রান্তভাগে নীলের ক্ষেত্রসকল স্বভাবের
হরিতশোভা বিস্তার করিতেছে। তা-
হার মধ্যভাগে একটি নীলের কুঠি। উহা
সমস্তই পাকা, কাছারি গৃহ এক তাল
দেখিতে সুন্দর। পাশ্বে নীলের হোজ,

তাহার নিম্ন দিয়া একটি খাল যুহু মধুর
স্বরে কল কল করত পদ্মানীরে শির
নিহিত করিতেছে। কাছারির সম্মুখে
ফুলের বাগান, বাগানের শেষ দুই প্রান্তে
রক্ষক দিগের নিমিত্ত দুইটি গৃহ আছে।
কাছারিঘরের পশ্চাদ্ভাগে আত্র, কাঁঠাল,
হরিতকী, আমলকী প্রভৃতি তকনিকরের
একত্র সমাবেশে নিকুঞ্জের ন্যায় শোভা
হইয়াছে; এবং শাখায় শাখায় জড়িত
হইয়া লতাবন্ধনে আচ্ছাদনভাগ এমনি
দৃঢ় ও অভেদ্য হইয়াছে, যে প্রবল
বাত্যাঘোগেও রৌদ্র তাহার ভিতরে
প্রবেশ করিতে পার না, সন্ধ্যার অন্ধ-
কারেও তাহার অভ্যন্তরস্থ বস্ত্র সমুদয়
নয়ন গোচর হয় না।

এই কুঠি পূর্বে একজন সাহেবের ছিল,
কিন্তু অল্পদিন হইল দক্ষিণাঞ্চলের
ত্রিপুর নিবাসী রমানাথ রায় বলিয়া
জনৈক ব্রাহ্মণ উহা ক্রয় করিয়াছেন, তদ-
বধি যুত পিতাম্বর মুখোপাধ্যায়ের ভ্রাতৃ-
পুত্র মহেশচন্দ্র মুখোপাধ্যায় এখানকার
নায়বি পদে অভিষিক্ত আছেন। মহে-
শচন্দ্র সুপারিশের যোগে এই কার্য প্রাপ্ত
হন। কিন্তু বর্তমান জমিদারের সঙ্গে
তাঁহার চাক্ষুষ নাই বস্ত্রতঃ জমিদারও
এ অঞ্চলে কখন আসেন নাই, এস্থলে
ইহা বলা বাহুল্য যে মহেশচন্দ্রের অবস্থা
যুন্দ না হইলে তিনি কখনই বিষয় বিভা
গাদির তত্ত্বাবধারণ ছাড়িয়া একাধি
স্বীকার করেন নাই।

এক্ষণে গ্রীষ্ম গেষ হইয়া বর্ষার প্রা-
রম্ভকাল উপস্থিত। রাত্র প্রায় দ্বিপ্রহর
টিপ্ টিপ্ করিয়া বৃষ্টি হইতেছে; চতু

দিকে দাক্ষিণ্য অঙ্ককার, মানবীয় কলরব-বিহীন; বাতাসহ বিদ্যুন্মাল্য দিগাঙ্গ-নাগগকে আলিঙ্গন করিতেছে। এই সময়ে কুঠিতে রক্ষকের অপরিষ্কৃত পদ-ধ্বনি ব্যতিত জনমানবের সঞ্চার নাই; সকলেই নিদ্রার শান্তিময় ক্রোড়ে বিশ্রাম লাভ করিতেছে।

এমন সময় কাছারিঘরের এক প্রান্ত ভাগে একটি দ্বার ধিরে ধিরে উদ্ঘাটিত হইল এবং আপাদ-মস্তক বস্ত্রাবৃত হইয়া একটি অনতিদীর্ঘাকৃতির লোক নির্গত হইয়া নিঃশব্দে পুনর্বার দ্বারবন্ধ করিয়া রক্ষকের নয়নপথ অতিক্রমের নিমিত্ত অতিসঙ্কিতভাবে পদক্ষেপ পূর্বক গৃহবহির্ভূত হইয়া দ্রুতপদে উত্তরাভিমুখে গমন করিতে লাগিলেন।

প্রান্তরের অধ্যভাগে একটি বটবৃক্ষ আছে। এই লোকটি সেই পর্যন্ত যাই যাই স্থির হইলেন এবং উৎকণ্ঠিত ভাবে যেন কাহারও অপেক্ষা করিতে লাগিলেন। ক্ষণেক পরেই আর একজন তথায় আসিয়া উপস্থিত হইলেন। একে অঙ্ককার তায় বটের ছায়া, তাঁহার মূর্ত্তি স্পষ্টরূপে নয়নগোচর হইল না। এখানে বিদ্যুতের তীক্ষ্ণ আলোকও পরাস্ত হইল।

আগন্তুক পূর্বেজ্ঞ অজ্ঞাত ব্যক্তিকে দেখিবামাত্র ধিরে ধিরে 'হরি' এই বাক্য উচ্চারণ করিয়া নিস্তব্ধভাবে দণ্ডায়মান রহিলেন।

উত্তরেও "হরি" এই শব্দ উচ্চারিত হইল।

আগন্তুক তখন অজ্ঞাতপুরুষের নিকট

বর্তী হইয়া কহিলেন "হরনাথ, যেমন যেমন বলিছলাম সব হয়েছে?"।

আর অজ্ঞাতপুরুষ বলিবার আবশ্যক নাই। হরনাথ "আজ্ঞে হাঁ।" এই বলিয়া যেন আগন্তুকের হস্তে কি প্রদান করিলেন। আগন্তুক তাহা আত্ম বস্ত্রাভ্যন্তরে সাবধানপূর্বক রাখিয়া আবার জিজ্ঞাসা করিলেন "পাহারা-ওলারা কি কে আসে যায় কিছু খোজ খবর নিয়ে থাক, না যাহবার তাই হয়"।

হরনাথ উত্তর করিলেন "না তারা খুব সাবধান, তবে বিশেষ আসা যাওয়া বারণ করার যো নেই, তা পারেই বা কেমন করে।"

আগন্তুক আবার প্রশ্ন করিলেন "তা চেনে কেমন করে!"

হরনাথ উত্তর করিলেন "সঙ্কেতে, দুই দিকে হুঁতে মিলে গেলেই হলো।"

আগন্তুক। "তবে ভালই হয়েছে তোমাকে কেউ দেখেনি ত।"

হরনাথ। "না।"

আগন্তুক। "তবে কাল রাত্রেও একবার এর চেয়ে কিছু সকালে এখানে এসো, যেমন যেমন হয় পরে বলবে। আরদেরিতে কাজকি কালকেই এবিষয়ের শেষ করা যাক। আমি সন্ধান পেইছি কালকে আবার সেই কাণ্ডকারখানা হবে।।"

হরনাথ। আপনার যেমন ইচ্ছে।"

আগন্তুক। না, কালকেই, কিন্তু বড় তামাসার কাণ্ড হবে। আচ্ছা এখন তুমি যাও।" এই বলিয়া আগন্তুক অদৃশ্য হইলেন।

হরনাথ পূর্বমতভাবে শশঙ্কচিত্তে উল্লিখিত দ্বার দিয়া গৃহে প্রবেশ করিলেন। আবার চতুর্দিক জনপ্রাণীসঞ্চার বিহীন হইল।

৭।—নায়েব মহাশয়।

পূর্ব রাত্রে ঘটনার পরদিবস কাছারির ভিতর দৃষ্টিপাত করিয়া দেখ। নীলের ধুম পাড়িয়াছে, দাদনের হাঙ্গামায় কর্মচারীদের প্রায় আহার নিদ্রা বন্ধ কাছারিও প্রজামণ্ডলীতে পরিপূর্ণ।

এক্ষণে অপরাহ্ন। পুরাকাছারি হইতেছে। আমলা মুহুরি পেস্কার প্রভৃতি আপন আপন দপ্তর সম্মুখে করিয়া বসিয়াছেন। নায়েব মহাশয়ের এখনও বৈকালিক নিদ্রা ভঙ্গ হয় নাই সুতরাং তিনি কাছারিতে উপস্থিত নাই। বড় আয়াম টুকু সকল সময়েই বাঁধা আছে।

নায়েব মহাশয়ের উপর প্রজাগণ তাহাদের সমস্ত আশা ভরসা স্থাপন করিয়া তাঁহার আগমন প্রতিক্ষা করিতেছে। তাহারা তাঁহাকে অত্যন্ত সজ্জন বলিয়া জানে ও তাহাদের একজন পরমহিতৈষি বলিয়া জ্ঞান করিয়া থাকে। তিনিও যখন অনন্যোপায় হইয়া তাহাদের উপর কখন অত্যাচার করিতে বাধ্য হন তখন হুঃখে চক্ষের জল পর্যন্ত ফেলিয়া থাকেন।

যাহাহউক নায়েব মহাশয়ের নিদ্রা মহানিদ্রা নহে সুতরাং সময়ে ভঙ্গ হইল এবং কাছারিতে আসিয়া উপস্থিত হইলেন। তখন প্রণাম ও সেলামের ধূমে গগণ প্রতিধ্বনিত হইতে লাগিল।

মহেশচন্দ্র গদির উপর বসিলেন। আগত প্রজাদিগের কুশলসংবাদ এবং তাহাদের পুত্র কন্যা প্রভৃতি কে কেমন আছে এ পর্যন্তও জিজ্ঞাসা করিতে লাগিলেন। তাঁহার এই উদারতায় এবং সৌজন্যে প্রজাবর্গ সকল হুঃখ ভুলিয়া গেল এবং কৃতজ্ঞতা রসে পরিপ্লুত হইতে লাগিল, ঈশ্বর তাঁহাকে চিরজীবী করুন বলিয়া সকলে আশীর্বাদ করিতে লাগিল।

ক্ষণেকপরে নায়েব করিমসেখের প্রতি চাহিয়া কহিলেন "করিম! এবার তোমার ৪ বিঘে জমি নীল কর্তে হবে জানত।"

করিম উত্তর করিল "এজ্ঞে কর্তা তাত জানি, তবে মেহেরবাণি করে এটা টাকাটার কথা সোর করবেন।"

নায়েব কহিলেন। "তার জনো ভাবনা কেনরে, দাদনের ৭ টাকা পেই ছিস্ আর ১২ টাকা পাবি এই ১৯ টাকা হলো।"

করিম অবাক হইয়া কহিল "এজ্ঞে কর্তা ওকি কন, মোগার গরিবদের গলায় পা দিতি বসেচেন নাকি? ৪ বিঘে নিলি ১৯ টাকা! এর চেয়ে নীল হ্যাঁদের কাছেতেও মোগার যান্তি মিলত। না কর্তা ও হবেনা, মোর কাজ লয়।"

কর্তা ক্ষণেককাল চুপ করিয়া থাকিয়া কহিলেন। "সে কিরে করিম! পার্বিনে কেন ১৯ টাকায় ৪ বিঘে নীল এত কম নয়, আমার এদেশে জমি জারাত থাকলে আমি এ দরে নীল দিতাম। তা যা আর

গোল করিস্নে ।” হরনাথের প্রতি
তাকাইয়া* “দেওহে হরনাথ করিমকে
৬টা টাকা দেওত, আর ৬ টাকা নীল
গুদম জাত হলে দেব ।”

করিম সমস্ত শুনিয়া কহিল। “টাকা
কি কত্তা, দুই পার্কোনা” মুখ ফিরাইয়া
বসিয়া “এ খোদা, কত্তা আপনি সাধু
মানুষটাই হইয়ে মোর বাল বাচ্ছা খুন কত্তি
বসেছেন। আচ্ছা হিসেব করে দ্যাকেন
দিনি যে দুকোন লাঙ্গল এই নিলি লে
গেচে, ধান বুন্লি কত ১৯ টাকা
আস্ত।”

নায়েব মহাশয় শুনিয়া কিছু দয়াজি
হইয়া কহিলেন “বাপু যা বলছ তা সবই
সত্তি কিন্তু কি কর্কো, আমরা পরের
চাকর, মনিবে যেমন বলে তেমনি কর্তে
হয় তবে যাও আর গোল করোনা আর
একটাকা পাবে।”

করিম শুনিয়া কহিল “এজ্ঞে না কত্তা
আপনি মোদের মা বাপ্ আপনি রক্ষে
না করলে গরিব মারা যায় “ইহা বলিয়া
নায়েব মহাশয়ের পা চাপিয়া ধরিল।

নায়েব মহাশয়ের চক্ষে জল আসিল,
কোঁচার কাপড়ে মুছিয়া কহিলেন,”
করিমরে আমার আর তোদের দুঃখ
সহ হয় না তোদের আমি আপন
ছেলের মত দেখি কিন্তু জমিদার যে
খারাপ তার জন্যে তোদের কিছুই কত্তে
পারিলাম না, তা যা বাপু জমিদারের কুড়ি
টাকা বই মঞ্জুর নহে, আমি আর দুটাকা
নিজে হতে দেব।”

রায়েতগণ সকলেই শুনিয়া আপনা-
পন অবস্থা বিস্মৃত হইয়া এক বাক্যে

কহিয়া উঠিল “হজুর সাক্তে ধর্ম,
আমরা জানে পরানে মারা গেলেও
হজুরকে তুলতি পার্কোনা, হজুর কর্কেন
কি, জমিদার খারাপ, ও মোগার কপালে
করে।”

তোয়াজ বলিয়া একজন কহিল। “
যখন সেই নীলহামদো শালা গেল
বাঙ্গালি জমিদার হলো মোরা ভাবলাম
যে বাঁচলাম মোগার সুকির দিন আবার
ফিরে আলো বুজি হা আল্লা! এনা তার
বাবা! খোদা যে মোগার কপালে কি
হুকুটই ল্যাক্চে। হ্যাগা এনার আর
যাতি কদিন আচে।”

অন্য একজন কহিয়া উঠিল। “যা
আর দেরি নাই, জুলুম শুরু করেছে
রায়েতজন যে হডডা ভাঙ্গে মাটি
কছে এতে আর কদিন থাকবে
কিন খোদাকরে আমাদের লায়েবনা
যেন বরাবরডে এখানে থাকে যায়।

যাহাউক রাইয়ৎজনের সহিত
রূপে গলায় পা দেওয়ার যুক্তি
হরনাথকে টাকা দিবার নিমিত্ত
করিলেন। এখানে বলা উচিত হরনাথ
এই কাছারির খাজাঞ্চি, জাতিতে কারস্থ,
উপাধি ঘোষ, বয়ক্রম ২৩ কি ২৪ বৎসরের
উর্দ্ধ নহে। দেখিতে নাতি খর্ক নাতি
দীর্ঘ, শ্যামবর্ণ, এক হারা, মুখে বসন্তের
দাগ আছে।

হরনাথ টাকা আনিয়া উপস্থিত
করিলে নায়েব মহাশয় যেমন একে একে
টাকা দিবার উদ্যোগ করিতেছেন, এমন
সময় তাঁহার ভৃত্য রামহরি আসিয়া
কহিল যে আপনাকে একটি লোক

অত্যন্ত দরকারের জন্য ডাকছে। নায়েব
মহাশয় আর দ্বিভক্তি না করিয়া আসি
বলিয়া হরনাথের উপর টাকা বিলির
ভার দিয়া চলিয়া গেলেন।

* * * * *

নায়েব মহাশয় আপন শয়ন মন্দি-
রের দ্বারে দাঁড়াইয়া রামহরিকে জিজ্ঞাসা
করিলেন “ইলা এয়েছে, না, কিছু খবর
আছে?”

রামহরি উত্তর করিল “জিজ্ঞাসা করি
নি ডেকে আনি,” রামহরি প্রস্থান
করিল।

নায়েব মহাশয় ছুয়ার ধরিয়া দাঁড়া-
ইয়া ভাবিতে লাগিলেন” দেখি ইলা
যে কিছু করে এলো, খুব কাজের লোক
তবে কিছু টাকা বেশি চায়, তা হলেই
দিকের যেমন দেব এদিকে তেমনি
রায়েতবেটাদের একটু চকের
জমা দকালিই হয়ে গেল হা হা! কি
তা বাবুর চিঠি বাবুর হুকুম কাকে
না খয়ে ভালই হয়েছে, কেউ জান-
বের যো নেই যে আমি কি হুকে চুরি
খেলি, এই দেখ এই আজকের দাদনে
সতকরা ৪০ টাকা পেলাম, মুহারি
বেটারা খাতায় নিখুচে হয় কিছু ভাগ
দেব নয় নিকুক, এক রাত্রে সব ঠিক
করবো, হরনাথ খুব বশে আছে, যা
বলি তাতেই রাজি, বিশেষ ওকে কিছু
নাজানালেও চলেনা, জমিদারের ত বদ-
নাম হয়েছে আরও বেশি করে হলেই
বেশি সুবিদা। যাহোক এখন ইলা বেটা
সু খবর দিলে হয়।”

ইত্যবসরে হলধরকে লইয়া রামহরি
উপস্থিত হইল।

হলধর হুসেনপুরের চৌকিদার, আধা
বয়সি, মানুষটি দেখতে গ্যাটা গোটা
জোয়ান।

নায়েব মহাশয়কে দেখিয়া হস্তোত্তো
লনপূর্বক “প্রাতপ্রণাম কর্তা মহাশয়”
বলিয়া প্রণাম করিল।

নায়েব মহাশয়। “জয়ন্তু” রাম হরি
একটু তামাক নিয়ে আয়ত” রাম হরি
কথার অর্থ বুঝিয়া প্রস্থান করিল।

নায়েব মহাশয় জিজ্ঞাসা করিলেন
“হলধর কি মনে করে, কিছু কত্তে
পাল্লো।”

হলধর। “আজ্ঞে না, কত লোক
দিইচি কত কি করিচি তা ও কিছুতেই
কিছু হবার নয়, এখন জোর খাটাতে না
পাল্লো আর হয় না।”

চমকিত ভাবে উত্তর করিলেন “অ
হলধর, জোর বলকি! তা কেমন করে
হবে, এক আদজন নয় যে ঠেলে ফেলে
যাব, মিলে অমন জোয়ান, ছেলেটা
তারে বাড়া, আবার মাগি যেন বাগি-
নিটে, তা দেখ তাঁরাত গরিব, টাকায়
হয় না? যত টাকা চায় তাই দেব।”

“আজ্ঞে তা হবার নয়, জোর ভিন্ন
হয় না, তা আপনি হচ্ছেন নায়েব জোর
কল্পেপরে কে কি কত্তি পারে এক কাম
কল্পেনিবা।”

নায়েব মহাশয় একটু মুখ টিপিয়া
উত্তর করিলেন “হুর বাপু! তার জন্যে
ডরাইনে; কিছু করে, তার পর দিনিই
ঘর কেটে উঠিয়ে দেব, কিন্তু ছেলেটা

আর মিন্‌সেটা, যেন হুটো যম। শেষে যদি রাগের মাতায় পড়ে কিছু করে ফেলে।”

“আমার কথা শোনেন ত তার জন্য ভাবতি হবে না, এক কাম করেন যেয়ে, মস্লেডাকে এটা কাম আছে বলে এক যায়গায় নিয়ে যাব, আর ঐ ছোঁড়াডা ত কাচারিতে শিকেলবিসি করে তা আপনি গিয়ে পাকে পরক্ষারে তাকে সে রাত্তিরডে একানে রাখবেন, তা হলেই কাম হাঁসিল হয়ে গেলো। তারা নিজে নিজে নজ্জায় কিছু পরকাশ কর বেনা।”

“পরামশ্‌ট মন্দ নয় বটে তবে যত্নপতিকে এখানে রাখা, আচ্ছা তার ফিকির কর্‌কো।” ইহা বলিয়া মহেশচন্দ্র মুখ অবনত করিয়া চিন্তামগ্ন হইলেন।

হলধরের মুখে হাঁসি আসিল, দন্তগুলি বাহির হইয়া পড়িল। কহিল: “এই দেকেন দিনি আপনাদের বুদ্ধিমান মানষির কিসে আটক খায়, পরগাম তবে একন আমি চলাম।”

নায়েব মহাশয় ব্যাগ্রতা সহকারে কহিলেন “হলধর ডাঁড়া ডাঁড়াত, আর একটা কথা আছে।”

“কি কথা আজ্ঞে করেন।”

“আজ্ঞেকর কিছু নতুন গোচের আর কোন ঠিকেনা হয়েছে।”

“আজ্ঞে না।”

“তবে কি হবে।” এই বলিয়া নায়েব মহাশয় কিছু ত্রিয়মান হইলেন।

হলধর কহিল। “সাবেক খেলা খেলেন।”

উত্তর হইল। “আচ্ছা তাই হবে, আমি রাত এক পরের সময় তৈয়ার হয়ে পিছনের বাগানে ডাঁড়াব, তার পর তুই এলে যাব।”

হলধর প্রস্থান করিল।

৮.—বেশভূষা।

দিনমনি অন্তশিখরে গমন করিলেন। সন্ধ্যাসতীর আগমনে বসুন্ধর্য তিমিরাবরণে আবৃত হইলেন, হিরকখণ্ড বিনিন্দিত নক্ষত্রমালায় আকাশতল সুশোভিত হইতে লাগিল। দিবাচর জীবগণ স্বীয় আশ্রমে প্রবেশ করিয়া শান্তিঅন্বেষণ করিতে লাগিল।

স্বায়ং সন্ধ্যার সময় উপস্থিত। নায়েব মহাশয় আপন গৃহমধ্যে আশনোপরি উপবিষ্ট হইয়া সন্ধ্যাস্তোত্র নিমগ্ন আছেন। চতুর্দিক নিরব কেবল কোণকুশির শব্দ শ্রবণ বিবরে দ্রুতগতেছে। শেষে সন্ধ্যাসমাপন করিয়া পরিষ্কৃত স্বরে দেবীস্তব আরম্ভ করিলেন বাহিরের লোকজন নায়েবের ধর্মপরায়নতা দেখিয়া চমৎকার হইতে লাগিল। শেষে দণ্ড হুই তিন এইরূপে অতিবাহিত হইলে জলযোগ করিয়া দুর্গানাম পাঠ পূর্বক বসিয়া তামাক টানিতে লাগিলেন।

এমন সময় একজন প্রায় ষত্তরাতীত বর্ষ বয়স্ক বৃদ্ধ তথায় উপস্থিত হইলে, পরস্পরে পরিচিত ভাবে নমস্কার পরিবর্ত্ত করিলে, নায়েব মহাশয় বৃদ্ধটিকে বসিতে অনুরোধ করিলেন।

বৃদ্ধ উপবেশন করিলে নায়েব মহাশয়

জ্ঞাসা করিলেন “বাঁড়ুয্যে মহাশয়ের ওয়া হইছিল কোথায়।”

“এই যে এখানে এক বেটা প্রজা দিয়া দেয় না তাই ভাবলাম একবার ক টুক করে দেকে আসি, বেড়ানও হয় জেও হয়। আবার এদিকে এলে আপনার সঙ্গে দেখা না করে যেতে পারিনি; আপনি হচ্ছেন মহাশয় সন্তি।”

নায়েব নিতান্ত বিনীত ভাবে উত্তর করিল “আপনাদের অহুগ্রহ, নয়ত কোন ছার পদার্থ।”

উত্তর করিল। “আহা আপসামান্য ব্যক্তি, আমি কত মানুষ নখিচি কিন্তু আপনাদের উপর যেমন আমার শ্রদ্ধা এমনটি আর কারও ওপর হয়নি। সেই ঘটনার পর আমারও মতি ক্রমশঃ সুপথে দাঁড়ালো, আপনাদের কণ্ড যেন সোনার চখে দেখলাম। ভাল সুরেশের আর কোন সংবাদ পান নাই; বড় অভিমানি, নয়ত, একটু রাগেতেই আপনার তুল্য ভাই ছেড়ে কি কেউ বিবাগি হয়।”

নায়েব স্তানভাবে কহিলেন। “আজ্ঞে না, কোন সংবাদই পাই নাই ছেলে মানুষ তুচ্ছ কথায় তিলকে তাল করে যে কোথায় গেল, বাঁড়ুয্যে মহাশয়। বলব্ কি, যাই নেহাত শক্ত তাই ডুকুরে কাঁদিনে, নয়ত সে যাওয়াতে আমার ডানহাতটা পড়ে গিয়েছে।” এই বলিয়া একটি দীর্ঘ নিশ্বাস পরিত্যাগ করিলেন।

বৃদ্ধ। “আহা! বলেন কি, সহোদর বিচ্ছেদ, একি সাধারণ কষ্ট। তারপর

সেই ভয়টির ঐ দশা, কোন খোজই পেলেন না? আমার বোধ হয় তার জলে ডুবে মরই সত্য।”

নায়েব। তা বই কি, বেঁচে থাকলে এদিন অবশ্যই উদ্দেশ্য মিলত, চেষ্টাবৃত কম করা যায় নাই।”

বৃদ্ধ। “আহা এ সকল কি সাধারণ হুঃখের বিষয়, তবে কিনা সকলই তাঁর ইচ্ছে।”

নায়েব। “তা বই কি তাঁর ইচ্ছে ভিন্ন কিছুই হয় না। ভাল! আপনি যে সেই উপনিষদ পড়লেন, তা হয়েছে, আপনার খুব জেদ কিন্তু, এই বুদ্ধাবস্থায় ব্যাকরণ শাস্ত্র পড়ে যে শাস্ত্র টাঙ্গ দেখা এ সাধারণ ক্ষমতার কাজ নয়।”

বৃদ্ধ। “তিনি যখন মতি লওয়ান তখন কিছুতেই আটক খায় না—সেই দুর্ঘটনার পর হতেই আমার মতি ফিরে গেল লোকের উপহাসাস্পদ হওয়ার ভয়ে স্বদেশ ছেড়ে এখানে এসে বাস করলাম, তার পর ইচ্ছে থাকলেই উপায় আছে শেষে এই পর্যন্ত হয়েছে, বুদ্ধবয়েসে ব্যাকরণ শাস্ত্রাদি পড়ে এরূপ করা কিছু কঠিন বটে, তা প্রভুর ইচ্ছে হলে কঠিন ও কঠিন বোধ হয় না, পন্থতে ও পর্বত লঙ্ঘন করতে পারে। এখন নিস্তার পেলেই বাঁচি, এই বয়েসে কত পাপইযে করেছি, কত জনকেই যে চখের জলে ভাসিয়েছি, এখন মনে হলে অহুতাপে শরীর দগ্ধ হতে থাকে। আমার কি আর মুক্তি আছে। এই বলিতে বলিতে তাঁহার চকুদিয়া জুই একবিন্দু অশ্রুও পতিত হইল।

নায়েব। “মহাশয়ের এখন কয় সংসার বর্তমান আছে।”

বুদ্ধ। “বর্তমানের মধ্যে যিনি সঙ্গে আছেন, আর কেউ নাই, তবে শ্যাম-নগরের দক্ষা এক ছেলে আর হরিহর পুরের দক্ষা দুই মেয়ে যারা এখানে আছেন, তা বই আর আমার কেহই নাই।”

নায়েব। “মহাশয় যেমন সুপথ অবলম্বন করেছেন এখন বুদ্ধ বয়েস সুখে যাওয়াই প্রার্থনীয়। তা আপনি যেমন ধার্মিক, মা তাতে বঞ্চিত করবেন না।

বুদ্ধ। “সংসারিক সুখ ধুলে তাতে একরকম এখন সুখী বিবেচনা করি। পুত্রটি অতি বাধা আমাকে পরম ভক্তি করে থাকে, মেয়ে দুইটিও তেমনি সুশীলা হয়েছে। আর গৃহিণী, যদিও বয়েস অল্প, তথাপি তাঁর আমাতে করে যথেষ্ট ভক্তি শ্রদ্ধা, অতি সতী সাধ্বী, তাঁর সেবা শুক্রসায় আমার কোন কষ্টই নাই; তবে পরমাধিক সুখ দুঃখ দাতা ঈশ্বর, তাঁর যা ইচ্ছে তাই হবে।”

এই সময়ে নায়েব মহাশয়ের অধরোষ্ঠে ঈশং হাসির উদয় হইতে হইতে আবার বিলীন হইল। জিজ্ঞাসা করিলেন একনা হুটির বিবাহের স্থির হয়েছে?” কুলিন পাত্রে দেওয়াই কি শ্রেয়।

বুদ্ধ উত্তর করিলেন একবার ভাবি কুলিনে দিয়ে মেয়ে দুটিকে জলে ভাসাব না আবার মনে কেমন বিকার উপস্থিত হয়, মন সরে না। তবে ছেলেটির ইচ্ছে যে কুলিনই হউক আর বংশজই হউক

পাত্র ভাল না হইলে বিবাহ দেওয়া হবে না।”

নায়েব। তা ঠিক কথা—তবে আপনি মহাশয় ব্যক্তি বা সংবিবেচনা করেন তাই হবে।”

বুদ্ধ। “আমাকে মহাশয় ব্যক্তি বলবেন না আমি পরম নরাধম। রাত্রি অধিক হচ্ছে, এখন আমি আসি আবার সেই একটা বিভীষিকার ভয় আছে।”

নায়েব। “হ্যাঁ ভাল কথা; সেটা সকলেই বলে, বিষয়টা কি?”

বুদ্ধ। “দৌরাত্ম্য বিশেষ মধ্যে মধ্যে শ্মশানে এমন বিড়াক পাড়ে যে শুনে নিতান্ত সাহস কাঁপতে থাকে। কিন্তু ডাক তিনটি বারের অধিক নয়। কেউ প্রত্যক্ষ কিছু দেখেছে কিনা তা পরমেশ্বর জানেন তবে অনেকে অনেক কথা বলে শ্মশানের রিকট মূর্তি একটা কেউ বলে সেটা সেখান থেকে গাঁয়ের ভিতর চলে আসতে থাকে, কেউ বলে রাস্তায় কুকুর সেয়ালের মত হেঁচক দেয়, এইরূপ নানাভাবে নানা কথা বলে ফলকথা কিছু না কিছু আছে নয়ত এমত গুজব কেহ হবে। কিন্তু গ্রামের লোক এমনি তটস্থ হয়েছে যে ঐ ডাক সুনলেই আর কেহই ছাড়ার খোলেনা। এখন তবে আজ্ঞে করেন ত যাই।”

নায়েব। “যে আজ্ঞে, নমস্কার।”
বুদ্ধ প্রতিমস্কার করিয়া প্রস্থান করিলেন নায়েব মহাশয় এক্ষণে রামহরি চা কর কে ডাকিলেন। রামহরি আসিয়া উপ-

স্থিত হইল। নায়েব আজ্ঞা করিলেন “কাপড় গোপন গুণে নিয়ে আয়ত, আর চুল গুণোতে ভাল করে কলপ দিয়ে দে”

রামহরি উপযোগি বস্ত্র সমুদয় আনিয়া উপস্থিত করিল। বাবু বস্ত্রাদি পরিধান করিয়া যাত্রার নকিব সাজিয়া দাঁড়াইলেন। রামহরি চুলে কলপ দিয়া দিতেছে। উভয়ে নিরব, অনেকক্ষণ পরে রামহরি কহিল, “বাবু আপনার চুল যেমন অসময়ে পেকেচে এমন আর কখন দেখি নি।”

এই প্রকৃতির গাত এমনিই চমৎকার। যে কোন ব্যক্তি যত দূতমনাই কল্পে আত্মপোষক কোন অনর্থক কথা শুনিলেও তাহা সত্য বলিয়া মনে ধারণা করিতে কুণ্ঠিত হয় না, অথবা তাহার অসমততা মনে মনে জানিলেও বক্তার ভ্রম ভাঙ্গিতে ইচ্ছুক হয় না।

কাপ আরও আত্মপোষকবাক্য প্রয়োজ্যে তদিক্রমে উৎসাহ দিয়া থাকে এবং বক্তা যে কাপট্যাবলম্বন করি তাহাকে বান্দর নাগাইয়া আত্মপোষক সাধনের পথপরস্কার করবার নিমিত্ত এরূপ তদীয় আত্মপোষক বাক্য গুলি কহিতেছে তাহা ভ্রান্তি বোগে কখনই বিশ্বাস করেন না।

রামহরি ভৃত্যটি যাছের বাছ, যেখানে যেমন সেখানে তেমনি। প্রভু যাহাতে কষ্ট করেন এমন কার্য গুলি যত্ন পূর্বক পরিহার করে এবং প্রভু যাহাতে তুষ্ট করেন তাহা প্রাপ্যপণে সম্পাদন করিয়া থাকে। কিন্তু সর্ব সময়েই আত্মপোষক মনোমধ্যে জাগরুক থাকে, সময় পাইলে

প্রভুর মন্দেই হউক আর ভালতেই হউক স্বকাষা সাধনে পরাজুখ হয় না। প্রভুরা ইহার উপর সততই পরম সন্তুষ্ট থাকেন। আবার রামহরিও আত্ম-গারমা-প্রয়ামি-প্রভুদিগকে কৌশলে বান্দর নাগাইতে ত্রুটি করেনা।

যাহাহউক মহেশচন্দ্র ভৃত্যের এবিধ ব্যাখার-ব্যাখি বাক্য শুনিয়া এবং তাহার স্বীয় বোঝনই পোষক ভ্রান্তি দেখিয়া মনে মনে অত্যন্ত পুলোকিত হইলেন এবং ভাবিলেন বুঝি জগতময়ই

তাঁহার সম্বন্ধে এই ভ্রান্তি ব্যাপ্ত। আত্মোৎকর্ষ, গৌরব, বংশ গরিমা সম্বন্ধে সাধারণ অপেক্ষা নায়েব মহাশয়ের চিত্ত দৌর্ভল্য এমনিই প্রবল, এবং তদ্বিশয়ে তাঁহার ভৃত্যের উপর এমনিই দৃঢ় প্রত্যয়, যে যদি তাঁহার কোন বিষয়ে মত প্রসন্ন ও পরিতুষ্ট হইল তবেই

তিনি সুখনাগরে ভাসমান হইলেন, এবং জগতের কাহরও এমন সাধ্য নাই যে তাহাতে বাধা দিতে সক্ষম হয়। রামহর তুষ্ট হইলেই জগত তুষ্ট। রাম হরির পছন্দ তাঁহার সকল বিষয়েই আবশ্যিক। রামহরর বাহা অপছন্দ হইবে তাহা বস্ত্রই নহে। পাঠক মহাশয় পূর্ব হইতে একরূপ পরিচয় পাইয়াছেন

যে নায়েব মহাশয় কি ধাতুর লোক! অবশ্যই তাঁহাকে তাঁহার মেহাত হাবা বলিয়া কখনই, বলিবেন না বরা চতুর বলিতে সকলেই সম্মত হইবেন। কিন্তু ভৃত্য সান্নিধ্যে তাঁহার বিপরিত ভাব অবলোকন করুন। চিত্তদৌর্ভল্য বশতঃ তাঁহার আত্মোৎকর্ষ সম্বন্ধে অথবা উৎসাহ

দানেই অপার অন্নগ্রহ ভাজন রামহরি
কাষ্ঠ্যত তাঁহার উপর একগে এরূপ
প্রভুল স্থাপন করিয়াছে! যাহা
হউক এখন প্রভু ভূতোর বাক্যলাপ শ্রবণ
করা যাউক।

ক্রমশঃ

—০—

পাণ্ডব চরিত কাব্য :

অথ মাদ্রী ও কুন্তীর বিলাপ।
মন্দাক্রান্তা ছন্দঃ ৪। ৬। ৭। ৮।
কান্তা সঙ্গে রমণ সময়ে
শাপ বাক্য প্রভাবে,
কালগ্রাসে কবলিত বনে
হৈল সে পাণ্ডু রাজা।
সাহী মাদ্রী পতির মরণে
বেদনা পায় মর্মে,
দৈবাঘাতে হইল বিকলা
বাকুলান্না বিষাদে ॥ ৩১ ॥
চিন্তা লজ্জা যুগ বিষধরী
দংশিছে মর্মান্বনে,
কায়াকান্তি জ্বরিল সহসা
হুজুঁরা কালকূটে।
শোকজ্বালা জ্বলিল হৃদয়ে
দহিতে দেহ যক্ষী,
তাপে দেহ স্থিত রস ঝরে
উষ্ণ সে অশ্রুধারা ॥ ৩২ ॥
শোকোত্তাপে হত বল হয়ে
নাহি উত্থানশক্তি,
চেষ্টা শূন্য রহিল শয়নে
ভূতলে রাজরাণী।

অন্তর্দাহে অনল জিনিয়া
হৈল উত্তপ্ত কারা,
নেত্রে ধারা নিরবধি গলে
প্লাবিতা কর্ণরঞ্জ ॥ ৩৩ ॥
উষ্ণস্থানে পবন বহিছে
সঞ্চরে ধূম তাহে,
দৃষ্টি ধ্বংসী উপজিল যথা
কুজবৃষ্টি সেই ধূমে।
জ্বালে ধূমে গরল অথবা
তাপ আকৃষ্ট রক্তে,
অশ্রু অর্বা যুগল নয়নে
ওচ পুষ্পের আভা ॥ ৩৪ ॥
দাবোত্তাপে সভয় কুররী
পক্ষিণী যেন কান্দে,
তদ্বৎ মাদ্রী বিকৃত হৃদয়ে
কান্দিছে মুক্ত কণ্ঠে।
ভক্কোদেহেইতি অবসরে
উত্তরে তার দেহে,
মুচ্ছা নামী অতি বলবতী
রাক্ষসী শ্মান্তরূপা ॥ ৩৫ ॥
তুরা মুচ্ছা নিজ ভুজ বলে
কণ্ঠরোধে অবাধে,
স্পন্দধ্বংসে বসি বপু গৃহে
স্বাহ মস্তিস্ক ভুঞ্জে।
লোভাক্রান্তা সরস রমনে
নাশিতে ক্ষুৎপিপাসা,
শেষে রক্ত হ্যাত বলহরে
তার অজ্ঞাতসারে ॥ ৩৬ ॥
ক্ষুধা সংজ্ঞা পরমরিপুকে
পাইয়া স্মীয় বাসে।
বহ্নারন্তে বহুরণ করে
রক্ষিতে বাসগেহ।
সংজ্ঞা মুগ্ধা কখন কভুবা
রাক্ষসী পায় শঙ্কা।

শেষে মুচ্ছা হইল নিহতা
পায় আবাস সংজ্ঞা ॥ ৩৭ ॥
শীর্ণা মাদ্রী নিজ সহচরী
পাইয়া চেতনাকে।
ধীরে ধীরে বিকৃত নয়নে
চায় নিখাস ছাড়ি।
পূর্বাবস্থা স্মরণ করিয়া
স্বামিকে দেখি বক্ষে।
গাথা শোকে বিলপিল
পুনঃ কান্দিয়া উচ্চনাদে ॥ ৩৮ ॥

—০০০—

হকু-কথা।

(পূর্বপ্রকাশিতের পর)

সোনার মন্দিরে, হীরার ঝাড়ে, মুক্তার
আলো জ্বলে, হৃদয়ের শর জ্বলে তা
দিয়ে বিজানা সাজিয়ে, সেই ত্রিভঙ্গ
অক্ষরী এক দিন নাচ হয়েছে কলি
বাহবার চিৎকারে টেকে
ধাককা দেয়।
যে দেখেছে শুনেছে, তারত কথাই
নাই, যে দেখে নাই, একবার শোনে নাই
তারও ভাব লেগে মুচ্ছা হয়েছে।
আর একদল সুন্দরবুনে কবিও
—য়লা আছে। মূলগেনে প্রথম গোটা
কত বড় বড় গাইয়ে রেখে দলটা ভারি
চায়ন করে, এখন মূলগেনে বুড়ো
হয়ে পড়েছে, আর চোতা ধরতে
পারেনা গান বাঁদতেও পারেনা এখন
কাঁসারি পাড়ার দলের গান গেয়ে দল
বজায় রেখেছে।
হুগলীতে আর এক দল কবিগুয়লা
আছে। এরা রাজসরকারের চাকর

“রাজার জয়” গেয়ে আসর জমকে
দেয়। মূলগেনে এক জন প্রসিদ্ধ
গাইয়ে, কিন্তু তার দলের প্রতি বড়
একটা মন নেই কাবেই জঙ্গলা গান
নিয়ে দলটা বজায় আছে।

এক বৎসর হইল হালিসহরে এক দল
কবিগুয়লা হয়েছে। এরা ভাঙ্গা ঢোল
পুয়ান কাঁশী নিয়ে এদিন গেয়ে বেড়া
ছিল, শুনলাম আজ কাল নাকি নূতন
যন্ত্র গড়িয়ে ভাল ভাল গাইয়ে রেখে
আদা জল খেয়ে লেগে গেছে।
দলটা চায়ন করে এদের বড় সাধ, কিন্তু
হুঃখের বিষয় এদের মধ্যে কেউ নাম
জান্দা গাইয়ে নেই বলে, লোকে এদের
বায়না দেয়না।

এদের চাপান ও পালটা উত্তরের
লড়াই বড় চমৎকার।
কাঁশারীপাড়া ও পটল ভাঙ্গার দলে
মাঝে মাঝে প্রায়ই লড়াই বেঁদে থাকে,
তারি এক দিনের বিবাদ বর্ণন করা
যাচ্ছে।

প্রথম পটল ভাঙ্গার দলে এক দিন
এক চাপান গেয়ে ছিল—“জমিদার
গুণে বড় হত ভাঙ্গা, ইহাদের কুক্রি-
য়াতে বঙ্গদেশ গোল্লায় গেল, বিগে-
ষত বাই, খেঁমটা নাচ দ্বারাই রসাতল
যাচ্ছে, নাচের সভাতে আমাকে পর্যন্ত
ডেকেছে, এ যে কাশীর বিশ্বেশ্বর দিয়ে
চুলকানো।”

সোনার গোরাজ এই চাপান গাথা-
মাত্র লোওয়ার কানাই অমনি তার
উত্তর দিলে—“সংসারে নাচ একটা পরম
পদার্থ, নাচ আছে বোলেই দেশে রমিক-

তা আছে, ইন্দ্র নন্দনকাননে বোসে নাচ দেখেন, শিব স্বয়ংসিঙ্গেশুঁকে কুচনীদেব সঙ্গে নাচেন। ব্রহ্মা স্বর্গে থেকেদোর বন্দ কোরে সাবিত্রীর নাচ দেখেন, বিক্রমা- দিতের সভায় পরম প্রেরঙ্গী ভানুমতী নাচত।

নাচসমুদ্র মন্থন কোরে শ্রীকৃষ্ণ যে কত অমৃত তুলে পান কোরেছেন, আর লোকদিগকে পান করিয়ে প্রবৃত্তি জগিয়ে দিয়েছেন, তা কত বর্ণন করব। যে জন দিনের মধ্যে একবার খেমটা নাচ দেখেনা তার চক্ষু বিফল।

জমিদারদের যে এত গৌরব, কেবল শুদ্ধ নাচের প্রভাবে। যে বাড়ীতে খেমটা নাচ হয় সে বাড়ীতে অগ্নি ও চোরের ভয় নাই।

এই উত্তর গানে বিলেত পাশ্চাত্য বাহবা পড়ে গেল। বাগারীপাড়ার চোতা- ধরা গান বাঁদতে বড় পটু, এমম উপ- স্থিত বক্তা আর নেই।

এদের লড়াই বর্ণন কতে গেলেন অনেক লিখতে হয়

ভরসা করি হকবখাতে সুসভ্য কবি
ওয়ালারা আমাদের প্রীত রাগ করবেন
না, আজ বিদায় হই।

—000—

মান রাখা।

তুচ্ছ বিষয়ের লাগি মান যদি যায়।

পড়ুক পড়ুক ছাই মানের গোড়ায় ॥

আজ কাল মানের জন্য পৃথিবীর লোক বড় ব্যস্ত, সাহেবেবা যে সর্বদা বড় বড় ঘোড়া বড় বড় গাড়ী, চেপে বেড়ায়, বড় বড়, বাড়ীতে বাগান সাজিয়ে বাস করে

প্রত্যহ মালা চন্দন দিয়ে মেম সরস্বতী পূজাকরে, এদেশীয় লোক দেখলে ছাড় টেড়া কোরে কথা কয় কেন? শুদ্ধ মান বজায় রাখবার নিমিত্ত। বাঙ্গালী হিন্দুরা আবার নিজজাতির মানের অহুরোধে ইংরাজদিগকে স্লেচ্ছ ও মুসলমান দিগকে যবন বলে গালা গালি দিয়ে মুখ ঠাণ্ডা করে। কেবল যে একালেই মানের এত গৌরব, একরূপ নয়, সত্য, স্নেহ, দ্বাপর, কলি, এই চারি যুগেই, মানের সমান আদর ও মর্যাদা মুসলমানদেতা বংশের অত্যন্ত দুর্ভাব দেখে ভগবান, দেবতা মান রাখবার নিমিত্ত বড় ব্যা- পড়লেন, অনেক ভেবে চিন্তে, বরা- অবতার হলেন।

হাতি ঘোড়া উট নয় যে চেপে বেড়াবে, ছাগল, ভেড়া, গরু নয় যে জরায় করবে। বস্তুতঃ একরূপ না থাকলে কখনই মান থাকবে না।

প্রভু, স্থলে যেমন শূকর হয়ে মান রাখতে লাগলেন, জলে আবার সেরূপ- কচ্ছপ রূপ ধারণ করে নেড়েঅসুর দিগকে কলা দেখালেন, তবে নাকি বাঁরা তাঁর বড় ভক্ত সর্বদা নাম শ্রবণ মাত্র যুরে মরে সেই ডোম, হাড়ী, বাগদী মহাত্মাদিগের প্রতি নিজগুণে দয়া প্রকাশ কোরে তাদের মনোবাঞ্ছা কখন কখন পূর্ণ কোরে থাকেন।

সত্য যুগেয় সমুদয় বস্তুই কলি যুগের শত গুণ সহস্র গুণ বড় সত্য কালের তুলসিপত্র, এখনকার মানপাতের সমান মানুষ গুলি এখনকার মানুষের একশত

গুণ, ভগবান কৃষ্ণ প্রকাণ্ড প্রকাণ্ড রূপ ধারণ কোরে, আর কাক বিশ্বয় জন্মাতে পারলেন না, বড় আকৃতিতে মান রাখার উপায় না দেখে শেষ বামন অবতার হলেন, তুচ্ছ মানুষেরা সব বামন হয়ে জন্মাতে লাগলো, প্রভু দেখলেন যে বামন অবতারেও কোন রূপে মান রেখে টিকে থাকা ভার, অমনি ভেবে চিন্তে অমন একটা আকৃতি ধারণ কলেন যে জীবর মধ্যে বলেতে যার পর নাই, বন্ধিতেও যার পর নাই, অর্থাৎ আধ মানুষ, আধ খানি সিংহ। সকলে যুরে জন্ম গ্রহণ কোরে সুখে সুখে হয়ে রাজ্যকরে, প্রভু আমার হৃদয় হারে জন্মগ্রহণ কোরে যদি রাজ্য কলেন তা হলে ক তার মান থাকত, তিনি রাজ্য ছেড়ে বনে গেলেন।

সকল রাজ্যরছেলেরা মানের অহু- রোধে পুনঃ পুনঃ কে সিন্দুকে পুরে রাখে, প্রভু আমাদের স্ত্রীকে অবকল রাখতেন, তা হলে কি মান থাকত, তিনি একবার সঙ্গে নিয়ে চোরের হাতে সমর্পন কলেন, আবার একবারে জন্মেরমত বনে পাঠা- লেন।

সব রাজ্যর ছেলেরা সমকল রাজ্যর ছেলদের সঙ্গে বন্ধুতা কোরে থাকে কিন্তু আমাদের প্রভু রাজ্য রাজ্যদের সঙ্গে বন্ধুতা কতে গেলে মান হানি মনে কোরে বানরের সঙ্গে বন্ধুতা কলেন।

পৃথিবীস্থ লোকেরা গোসেবা স্ত্রীপালন বহুস্বীসংসর্গতাগ, চৌধ্য বৃত্তি বর্জন, প্রভৃতি কার্য কোরে কোরে পৃথিবীকে ভারাক্রান্ত কোরে ফেলেন, সেই ভার

মোজনের নিমিত্ত প্রভু, গোয়ালের ঘরে এসে গোহতা, স্ত্রীহতা, বহুস্বীসং- সর্গ, মাতুল বধ, মাখন চুরি প্রভৃতি সং- কার্য কোরে, পৃথিবীকে পবিত্র কলেন। এরূপ না কলে কোন রূপেই মান থাকত না। সকল লোকে স্ত্রীলোকদিগকে কাপড় জুগিয়ে লজ্জা নিবারণ কোরে থাকে, তা কলে আর বড় লোকের মান থাকে না, মানের অহুরোধে প্রভু গোয়ালিনী দিগের কাপড় চুরি কোরে কদম গাছে গিয়ে উঠলেন, পোড়া কপা- লিরা নেংটা হয়ে দুহাতে যতদূর পারা- যায় লজ্জা বারণ কোরে গাছ তলায় ডাঁড়িয়ে রইল।

দেশে লেখাপড়ার অধিক চর্চা হওয়াতে, শাস্ত্রের আদর এক কালে লোপ হয়ে পড়ল তাতেই প্রভু বলাই অবতার হয়ে পুথি, পত্র, কাগজ, কলম, ছেড়ে লাঙ্গলধারণ কোরে ভূমি চাসকত্তে লাগলেন।

প্রভু দেখলেন পৃথিবীতে সোনা রূপা পেতল কাঁচা কিছুই কাঠের মত আদ- রনীয় নয় কাঠ না পোড়ালে লোকের খাওয়াবন্দ হয়, কাঠ বিনা টেবল কা- দিরা, চেয়ার, চৌকি, হয়না, কাঠ না থাকলে ঘরে কবাট দেওয়া হয় না, কাঠের দ্বারা নৌকা প্রস্তুত হয়, নৌকার যে কত গুণ তা কাহারই অবিদিত নাই, বিশেষত প্রবাসী বিরহীরা নৌকার মহিমা সুন্দররূপ জানে, কাঠের এত গুণ মহিমা জেনে, প্রভু সাধ কোরে কাঠ অব- তার হলেন, মরি মরি সেরূপের কি মা- ধুরী, অন্ধ নয় যেন গবাক, ইনি যখন

সকল স্থলেই বিদ্যমান আছেন, তখন পায়ের আবশ্যিক কি? ইনি যখন, সর্বজ্ঞ, অর্থাৎ লেখা পড়ার আর দরকার নাই, কেবল একাধার খাওয়া মাত্র কায, তখন হাত অর্ধেক থাকলেই চলে।

প্রভু চাকুরে বা কুরে লোক, ঘরকন্নার খবর কিছুই রাখেন না, মাসে বাড়ীতে কয়সের তেল, কয়সের হুম লাগে তা তিনি কিছুই জানেন না, বিদেশে থেকে চিকন কাপড় পরেন, ফুলের মত বিছানাতে শয়ন করেন, আর গোঁপে আতর মাখেন দশটার মধ্যে খেয়ে বেরোন, বাড়ীর ঝাঞ্জাটের বড় ধার ধারেন না, কেবল প্রতি শনিবার দিন বেগটা নিয়ে বাড়ী থেকে মাগ্গী দেখে এসেন, এদিকে বলাই দাদা লেখাপড়া জানেন না বটে কিন্তু ঘরকন্নার হাট বাজার ও কুটনা কুটার মেনেজ্জমেন্ট বেশ বুঝেন, দাদা নিজ হাতে লাঙ্গলধরে কৃষিকর্ম করেন, একটি চাল বাছ একটুকু তেলনূনের ইদিক উদিক হলে মেয়েদের আর রক্ষা থাকে না, চাকুর দাদার বকনির খালায় গলায় দড়ি দিয়ে মত্তে ইচ্ছা হয়।

এজন্যই বোধ হয় দাদার এত আদর, দাদা সর্বদা সজে সজে থাকেন, আর একটি কথা না বোলে পারি না, প্রভুর মনটা বড় সঙ্কট, সুভদ্রা ভগিনীর প্রতি তেমন বিশ্বাস নাই, ওর প্রতি অবিশ্বাস ও বড় অনায়াস নয়, বস্তুতঃ এমন মেয়ে মানুষ কোথাও দেখি নাই ছেলে বেলা কোন ছফা স্ত্রীর কথা শুনেছি. গায় হলুদ মেখে রাত্রিতে নদী সীতরে পার হত, ইনি সমুদ্র সীতরে পার হন, এর মত আর হুটী নাই। এজন্যই হুই ভাই

হুদিগে রাত দিন চৌকি দিচ্ছে, তাতেও ভাইদের চোখে মাঝে মাঝে ধুলো দিত এজন্য হাত পা পেটের ভিতর ঢুকিয়ে দিয়েছে।

বঙ্গদেশে এক জাতি লোক আর এক জাতি লোকের হাতের ছোঁওয়া জন পর্যন্ত থাকে না এমন কি ছায়াও মাজায় না, তা দেখে সেই পুরট সুন্দর হ্যাতি কদম্ব সন্দীপিত ত্রিশচীন্দন হরি, নদেরচাঁদ হোয়ে কোপিন, বঙ্গ ধারণা কোরে দেশ বিদেশ ভ্রমণ লাগলেন আর ছত্রিশ জেতের এটো খেতে লাগলেন তাতে সমুদ্র বজায় রইল। তা না গোলায় যেতেন।

গোঁরাঙ্গ অবতার হোয়ে প্রভু এত কল্লেন গলায় দড়ি দিয়ে নদীতে ঝাঁপ দিলেন, তবু দেগের জাতিভেদ সব গেল না, অনেক রইল প্রভু ভেবে চিন্তে অতি পবিত্র হোয়ে যেরে কাকিরূপে জন্ম গ্রহণ কল্লেন। সকল দেবতারী ষোড়া দ্বারা রথ চালান, প্রভু ধোঁয়ার কলে রথ চালাতে লাগলেন, এ অবতারাে প্রভু বঙ্গদেশে এত আদর পেতে লাগলেন যে ছোট বড় সকলের কাছেই সমান ভাবেতে গৃহীত হতে লাগলেন, কোন অবতারাে তিনি এত পূজা পাননি। বঙ্গদেশে প্রভুর রথকে হকো বলে থাকে, প্রভু প্রথম মাছ অবতার হয়ে জলে সীতার দিয়ে বেড়ালেন, শেষ কাকিরূপে ধোঁয়া উড়ায়ে বঙ্গদেশ অন্ধকার কল্লেন।

মাছ হতে কাকি পর্যন্ত মান রক্ষার

মনা যে প্রভু কত ক্রেশ কত কষ্ট, কত স্থালা পেলেন তা প্রভুই জানেন।

প্রভুই যখন মান রক্ষার জন্য দশ অবতারাে এত কষ্ট পেলেন তখন মানুষের বিষয় আর অধিক কি বলব, দিন দিন মান রক্ষার গোঁরব ও আদর বৃদ্ধি পাচ্ছে, মানের নিমিত্ত লোকেরা গলায় দড়ি দিচ্ছে, এমন কি ঘরে উপোস কোরে শুকিয়ে মরছে। এক দিন পথ দিয়ে, রিজন লোকে যাড়ে কোরে কিছুক নে যাচ্ছে, সিন্ধুর মধ্যে মানুষ হাত পা ছুড়য়ে পড়ে আ একবার মনে কল্পুম, বুঝি, বনে যাচ্ছে, মনে হলো তা

ল হরি নাম নেওয়া হত, আর ওটাই হুই, একটুকু নড়ে চড়ে কেন? শেষ হুর কল্লেন বুঝি কোন ঘোরতর রোগী-ক জাকুর খানায় নে যার, বেশ বিবে- জানতে পেলেন, রোগী ও নয়। এ বড় মানুষ, সকল লোক হুঁয়ার হেটে যার এরাও যদি পায়হেটে চলে, তাহলে আর মান থাকে না, বাধা- তা যদি চারি পা দিতেন, তা হলে বরঞ্চ কর্তাদের চলা হত।

এদেশের মহা মহা বড় লোক, তাঁদের মন রাখার কথা শুনে ভাই একবারে কেঁপে উঠবে, তাঁরা মানের অহুরোধে সব কাজ পরের হাতে করেন কাপড় পরতে গিয়ে নিজহাতে কাছা কাঁচা দিতে পারেন না, চাকরে দিয়ে দেয়, সোনার বাটীতে মুখের কাছে হুধ ধরা হয়, চাকরে চুমকুড়ি দেয়, পানের ঝিলি শুঁগে দেন চাকরে জিবার, চোখ

একরূপ আছে বটে, কিন্তু চাকরের চোখে দেখা হয়, নিজের কাণ কোন কাণে আসে না খানসামার কাণে সব, শুনা হয়।

ছেলে পুনের জন্ম ও লালন পালন সমুদয় কার্যের ভারই চাকর, খানসামা, বেহারাদের উপর নির্ভর করে কেবল বাবা ডাক্তারী শুনা মাত্র নিজের হাতে, সামান্য ইতর ছোট লোকেরা যে সকল কাজ নিজে করে, তা যদি বড় লোকেরা নিজে করে, তা হলে আর মান থাকে না, মান বজায় রাখবার নিমিত্ত বড় লোক মহাশয়েরা এত কচ্ছেন কিছু-তেই মনের মত মান থাকছে না।

এ দেশে ইংরাজদের অধিকার হওয়াতে তাঁর যাদের মান রাখেন, তাঁরাই মানী তাঁরা খাঁকে তুচ্ছ করেন দে মানুষের মধ্যে নয়, বস্তুতঃ আজকাল ইংরাজ কেতা সাহেবী ধরণ চলন, হওয়াতে, সে কলে ধরণের বড় লোকদের আর বড় মান সমুদ্র সেই, পূর্বে, শ্রাদ্ধে হাতীদান, রূপরঘড়া দান, সহস্র সহস্র রেও ভোজন, পণ্ডিত বিদায়, প্রভৃতি কার্যে খুব নাম যশ হত, কুলীনের ছেলে কাণা হোক, খোঁড়া হোক, মিতান্ত অজ্গজ্ অজাগর মুখ হোক আর আশী- বছরের বুড় হোক তার হাতে কল্যা সমর্পণ কত্তে পাল্লেকুখের আর পারসীমা থাকতনা আজও পাড়াগাঁয়ে জমিদারেরা পেট উচুকোরে দপ্তর খানায় বসে থাকে চাকরেরা মাথার বায়ু দমনার্থ বিষ্ণুতেল দেয়, তামাক মেজে মুখের নিকট হকো নিয়ে দাঁড়িয়ে থাকে,

প্রজাগা চারিদিক বেঞ্জন কোরে বলতে থাকে কর্তা! অমুকের বিড়ালে আমা-
দের হুধু মাছ খেয়েছ, অমুকের গকতে
ধান গাছ খেয়ে সর্বনাশ করেছে, হু,
একটা ভট্টাচার্য্য পণ্ডিত এসে নিকট বসে
হুকো ভর ভর কর্তে থাকেন আর হু
একটি মধুমাখা কথা এরূপ বলতে
থাকেন স্বর্গ মর্ত্য পাতালে আপনার
নার সদাশয় ভগ্যবান ধার্মিক, ধর্ম-
পরায়ণ, ধর্মশালী বিদ্বান, বিদ্যাবান
লোক দ্বিতীয় নাই, আপনার পুণ্য দেশ
সমুজ্জ্বল। এ সকল সুখ্যাতি, এপ্রকারের
প্রশংসাতে এখন আর নূতন ধরণের
বড় লোকদের মন উঠে না, বাদের পেটে
একটুকু ইংরাজি ঢুকেছে তাদের ত
কথাই নাই। তারা ব্রাহ্মণ পণ্ডিতের
পরিবর্তে সাহেব ভোজন ও সাহেব
পূজার প্রতি অধিক আগ্রহ প্রকাশ
কোরে থাকে, পণ্ডিত, ভাট্‌কি রেও
বামনাদিগের দ্বার বশ ঘোষণার প্রতি
তত আর আগ্রহ প্রকাশ করে না,
খবরের কাগজে কি লেখা হয়, তার
প্রতিই দৃষ্টিপাত ও মনোযোগ।

আজকাল জমিদারদের একরূপ নাম-
লেখানের নূতন প্রথা হয়েছে, নাম
লেখানের কথা বলেই, হুফ্টা মেয়ে মাতৃ-
ষের কাজ মনে হয়, কিন্তু জমিদারদের
নাম লেখানের বিষয় আগে কেউ জান-
তনা মান রাখার অহুরোধে তারা এখন
তাই করে, কিছু টাকা খরচ কর্তে পা-
লেই নাম লেখান হতে পারে, নাম
লেখান ভাগ্যবতীদিগের যেমন চৌদ্দ
আইন অনুসারে এগু জামিনু করা হয়,
এদের ও সেরূপ একটা সভা হয়ে এগু-

জামিন হয়ে থাকে, এদের সেই সভাটি
কি জানি একটা সুন্দর নাম আছে
‘ব্রিটিশ—’ এদের মধ্যে ও হিমা, বুল
বুল ‘স্বর্গ’ আছে, সেই সভার মত
নাম প্রবেশ করিলে পরে রায় বাহ
হুর উপাধি লাভের নিমিত্ত অন্তঃকর
ব্যগ্র হয়। রায় বাহাহুর উপাধি প্রা
হওয়া গেলে তাতে মন পরিতৃপ্ত থাকে
না, রাজাবাহাহুর হওয়ার জন্য মন নে
উঠে, রাজা উপাধি পেলে, ফটার অব
ইওয়া হওয়ার জন্য মন লা
হয়, জমিদারদের একটা গু
আছে, তাহাতেই, তাহাদের
সেই কাশী প্রাপ্তি অতি অগু
হয়ে থাকে, সেই কাশীটি কলিকাতা
গভর্নমেন্টপেনেসের চৌরঙ্গিরূপ জি
লের উপর স্থাপিত, সেই জিহ্মিন্দিরের
কামরাতে লার্ড সাহেবের
কমট থাকে, সেই কামরা
কমটরূপ বিখ্যেখর দর্শন
রেন, তাহারই জন্ম সফল, সেই হলে গু
দ্বার দিয়া অর্থাৎ মেথরের পাখে বাহা
প্রবেশ কর্তে অধিকার পান, তাদের
আর পুনর্জন্ম নাই, জমিদারের ঘে
জন্ম হয়ে বাহার সেই জিহ্মিন্দ
হয়েছে তাহার, আর মান সত্ত্ব মর্গ্য
দার সীমা পরিসীমা নাই। আজ কাল
সেই কাশীপ্রাপ্তির নিমিত্তই জমি-
দারদের যাগ, বজ্জ, তপ্ জপ্ হোম
পুরাতন কাশীর নামটিও মুখে আন
নাই, বুদ্ধাবনু মথুরা কামরূপ, হরিদ্বার
প্রভৃতির তল ও নাই, খুব ভোরের
বেলা হু এক বার গয়ার নাম স্বরণ
হলে হতেপারে। (ক্রমঃ)

হালিসহর পত্রিকা।

(পাক্ষিক পত্রিকা।)

২য় খণ্ড জ্যৈষ্ঠ মন ১২৭৯ সাল, [৩য় সংখ্যা]

বঙ্গভাষার উচ্চারণ।

এই পৃথিবীমণ্ডলে অসংখ্য প্রকার
ভাষা বিদ্যমান আছে, কোন কোন ভা-
ষাবিজ্ঞানবিদ স্থির করিয়াছেন এক মূল
ভাষা হইতে সমুদয় ভাষা উৎপন্ন হই-
য়াছে, কেহ বর্ণন করেন,* নোরার
পুত্র জয়ের অবস্থানানুসারেই ভাষার
প্রকৃতিগত বিসদৃশতা ঘটিয়াছে, যখন
এক দম্পতী হইতে “পৃথিবীর সমুদয়
মনুষ্য জন্মগ্রহণ করিয়াছেন” ইহা সন্-
লেই নিঃসন্দেহমনে স্বীকার করিয়া
থাকেন, তখন এক ভাষা হইতে সমুদয়
ভাষার উৎপত্তি অধিক সম্ভবনীয় ও নি-
রাপত্তি মূলক।

স্থানভেদে উচ্চারণ ভিন্নতাদ্বারা ই ভা-

* Noah

ষার বিশেষ বৈলক্ষণ্য জন্মিয়া থাকে।
এক সংস্কৃত ভাষার উচ্চারণ বঙ্গদেশে
একরূপ, মধ্যভারতবর্ষে আর একরূপ,
দাক্ষিণাত্যে অন্যপ্রকার, পঞ্জাবপ্রভৃতি
স্থলে ভিন্নরূপ, জার্মানিদেশীয় উচ্চারণ
দ্বারা বাঙ্গালীরা সহসা সংস্কৃত বলিয়া
বোধ করিতে পারে না। বস্তুতঃ যে ভাষা
বহুদেশে বিস্তৃত হইয়া পড়ে লিপিত
অভিন্ন থাকিলেও উচ্চারণগত অত্যন্ত
বিসদৃশ লক্ষিত হয়, ইংরাজিভাষা ইং
লণ্ডে বেরূপে উচ্চারিত হইয়া থাকে,
স্কটলণ্ডে ঠিক সেরূপ নহে, ভারতবর্ষে
অনেক বিভিন্ন, আমেরিকায় উচ্চারণ
দ্বারা সহসা আর এক ভাষা বলিয়া
অনুভূত হয়। ব্যাকরণ, অলঙ্কার, ছন্দঃ-
পরিমিতি প্রভৃতি ভাষার অন্যান্য অঙ্গ,
বিদেশীয়েরা অনায়াসে শিক্ষা করি-
তে পারে, কিন্তু প্রকৃত উচ্চারণ বহু

আয়াস ও যত্নের ফল, এমন কি মাতৃ ভাষা না হইলে কোনক্রমেই সম্পন্ন ও যথার্থীতরূপে বিশুদ্ধ উচ্চারিত হইতে পারে নাহে। পৃথিবীস্থ ভাষাসমূহের উচ্চারণ প্রধানতঃ কণ্ঠ্যপ্রধান, ললিতময় আবহাতিক, অনবঘাত, সর্কাবয়বিক, সাধারণরূপে এই পাঁচভাগে বিভক্ত হইতে পারে।

আরব্য হিব্রু প্রভৃতি কতকগুলি ভাষাতে অধিকপরিমাণে কণ্ঠ্যবর্ণের ব্যবহার লক্ষিত হয়, এই নিমিত্ত উহাদিগকে কণ্ঠ্যপ্রধান বলিয়া অভিহিত করা গেল। চীন, তাতার ও তিব্বতদেশীয় ভাষাগুলিকে কণ্ঠ্যপ্রধান না বলিয়া কণ্ঠ্যভাষিক বলাযাইতে পারে। এসকল ভাষাতে আরবি ও হিব্রু অপেক্ষা অল্প পরিমাণে কণ্ঠ্যবর্ণের উচ্চারণ হইয়া থাকে। কণ্ঠ্যপ্রধান ভাষাতে যেরূপ প্লুত ব্যবহার হইয়া থাকে, সেরূপ আর কোন ভাষাতেই নহে, বোধ হয় সেই নিমিত্তই বর্ণিতভাষা ইষ্টস্তোত্রাদির বিশেষ উপযোগিনী।

আলফারকেরা যে সকল বর্ণগুলিকে মাধুর্য্যগুণের উপযোগী বলিয়া নির্দেশ করিয়াছেন, সে সকল বর্ণগুলি, পারশ্য জৈন্দলিপ্রভৃতি ভাষাতে অত্যধিক পরিমাণে উচ্চারিত হইয়া থাকে। পারশ্য ভাষাতে প্রায় মাধুর্য্যবিরোধী বর্ণ দৃষ্ট হয় না, বস্তুতঃ পারশীর ন্যায় মধুর উচ্চারণবতী ভাষা পৃথিবীতে আর নাই। এই ভাষাতে “সেকন্দর নামায়” কতিপয় স্থল ব্যতীত ওজোগুণ প্রায় দৃষ্ট হয় না,

এই নিমিত্তই এই শ্রেণীর ভাষাগুলির উচ্চারণকে ললিতময় কথিত হইল। ভাষা যে ভাষাতে অধিক পরিমাণে অব্যয় (accent) প্রদত্ত হইয়া থাকে, ভাষার উচ্চারণ আবহাতিক বলিয়া উল্লিখিত হইল। ইউরোপীয় অধিকাংশ ভাষার উচ্চারণই এই শ্রেণীর অন্তর্গত। বিশেষতঃ জার্মান ও ইংরাজি ভাষার উচ্চারণ আদ্যোপান্ত অবঘাত দ্বারা পরিপূর্ণ, অজন্তবর্ণ অতি অল্পই উচ্চারিত হইয়া থাকে। যুদ্ধসজ্জা, সমরোৎসাহসম্বন্ধকবাক্য, ভৎসন, তর্জন প্রভৃতি বিষয়ে উক্ত ভাষাদ্বয় বিশেষোপযোগী। বোধ হয় অবঘাতের গুণেই মিল্টন কৃত বর্ণনা ঈদৃশ চিত্তবিস্তারিণী ও চমৎকারিণী হইয়া রহিয়াছে।

সংস্কৃত ও গ্রীক সর্কাবয়বিক। এই ভাষাদ্বয়ে যেরূপ মাধুর্য্যগুণ প্রকাশ পাইয়া থাকে, সেরূপ ওজোগুণ বিকাশিত হইতে পারে। মাধুর্য্যগুণ বিষয়ে কিঞ্চিৎ ত্রুটি লক্ষিত না হইলে লাতিন ভাষাকেও সর্কাবয়বিক বলা যাইতে পারে। এস্থলে সংস্কৃত ভাষার বিষয় বিশেষরূপে উল্লিখিত হইতেছে। বিজ্ঞান-দর্শী পণ্ডিতগণ প্রমুখ ঐ শ্রেণীর কবিগণের মত পৃথিবীতে এ পর্যন্ত যত ভাষা প্রচলিত হইয়াছে, তাহার মধ্যে সংস্কৃতই সর্কাপেক্ষা সর্ববিষয়ে উৎকৃষ্ট সংস্কৃত বর্ণমালার যোজনাকৌশল, বৈজ্ঞানিক চাতুর্য্য ও সমগ্র উচ্চারণোপযোগিতা দেখিয়া অনেকে চমৎকৃত হইয়া থাকেন, সংস্কৃতের বৈদিক যুগেই সমুদয় সর্কাপেক্ষা পুরাতন,

তাহার উচ্চারণ, উদাত্ত, অনুদাত্ত, সরাগ প্লুত প্রভৃতি নানা কৌশল ও চাতুর্য্য পরিপূর্ণ। বৈদিকভাষা কিঞ্চিৎ পরিপূর্ণ হইয়া মহাভারতাদির ভাষা উচ্চারিত হয়। মহাভারতের উচ্চারণ অধিকাংশস্থলেই ওজোম্ভাবয়ব যত্ন বা লোলিতগুণ প্রায় দৃষ্ট হয় না। রামায়ণের রচনা অধিকাংশস্থলে কোমলোচ্চারণবতী, ভবভূতি ব্যতীত সমুদয় সংস্কৃত কবিগণই ললিতপদাবলি সংযোজনার প্রতি অধিক মনোনিবেশ করিয়া গিয়াছেন, ঋগ্বেদ হইতে গীত গোবিন্দের উচ্চারণ প্রকৃতি সমালোচন করিয়া দেখিলে লক্ষিত হইবে সংস্কৃত ক্রমে ওজোহীন হইয়া আসিয়াছে। ভাষিকুলের ক্রমণঃ শৌর্য্য বীর্য্য ভ্রাসই তাহার প্রধান কারণ অনুমিত হইতেছে।

ভারতবর্ষে যত ভাষা প্রচলিত আছে তৎসমুদয়ই সংস্কৃত হইতে উৎপন্ন। হিন্দী, পাঞ্জাবী, তৈলঙ্গী প্রভৃতি কতকগুলি ভাষা বৈদিকসংস্কৃত অপভ্রুত হইয়া উদ্ভূত হইয়াছে। সেই নিমিত্তই বোধ হয় সেই সমুদয় ভাষাতে উচ্চারণগত তেজস্বিতার উত্তরাধিকার দৃষ্ট হইয়া থাকে।

ওকলিক, (উড়ে) প্রাগ্জ্যোতিষীয়, (আসামি) বঙ্গীয়, এই তিনটি ভাষার উচ্চারণ অত্যন্ত যত্ন ও ওজোবর্জিত, অধিকাংশ অবয়ব নূতন সংস্কৃত দ্বারা গঠিত হইয়াছে বলিয়াই এরূপ অনবঘাত ভাবাপন্ন হইয়াছে সন্দেহ নাই, বঙ্গভাষার উচ্চারণ সমালোচনাই এই

প্রস্তাবের উদ্দেশ্য। বাঙ্গালা ভাষার যে কিছু সংস্করণ ও শোধন হইয়াছে সমুদয় ই লিপিত। উচ্চারণ প্রায় একরূপই চলিয়া আসিয়াছে। বাঙ্গালাভাষাতে পূর্বসময়ে সকার, নকার ত্রুশ্বইকার দীর্ঘস্বকার প্রভৃতির বিভিন্নতা ছিলনা, কালে সংশোধিত হইয়া এইকণ ঠিক সংস্কৃতের ন্যায় হইয়াছে। কিন্তু সংস্কৃতের উচ্চারণ যেরূপ ত্রুশ্ব দীর্ঘস্বকারী, পূর্বকাল হইতে অব্যবহারদোষে বাঙ্গালার উচ্চারণ সেরূপ প্রণালীতে প্রয়োজিত করিলে নিতান্ত শ্রুতিকটু শুনায়।

কৃত্তিবাস, ও কালীরাম দাসই বাঙ্গালা ভাষার প্রথম সংস্করণ করেন। তাঁহারা উচ্চারণগত অবঘাতাদির প্রতি কিছুই দৃষ্টিপাত করেন নাই। পরে ভারত চন্দ্র রায় এতৎ সম্বন্ধীয় অভাব দর্শনেতোটক ও ভূজঙ্গপ্রয়াত প্রভৃতি কয়েকটি সংস্কৃত ছন্দঃ দ্বারা বাঙ্গালাভাষায় অবঘাত প্রচলনের চেষ্টা পাইয়াছিলেন। কিন্তু তৎসাময়িক লোকের অভিকৃতি দোষে তাহা কাহারও নিকট আদরণীয় হইল না। ইদানীং অনেক কবিতালেখক জয়দেবীর প্রণালীই অবলম্বন করিয়া থাকেন কিন্তু সেই কবিতাগুলি কৃচ্ছ-সাধা বলিয়া সমুদয় মাত্রেই তাদৃশ মনোহর মনে করেন না। বাঙ্গালাভাষার উচ্চারণ অনবঘাত বলিয়া বর্ণিত হইল। ইহা প্রধানতঃ চারি ভাগে বিভক্ত হইতে পারে—পূর্বাঞ্চলীয়, উত্তরাঞ্চলীয়, দক্ষিণাঞ্চলীয় ও পশ্চিমাঞ্চলীয়। পূর্বাঞ্চলীয়—পূর্বাঞ্চলীয় উচ্চারণ পরম্পর এত

বিসদৃশ যে এক স্থলের লোকেরা অন্য-স্থলের শব্দার্থ ও ভাষারীতি প্রায় বুঝিয়া উঠিতে পারেনা। স্বরাভাস ও অবঘাত রীতির সাধারণ সাদৃশ্য কিয়ৎপরিমাণে লক্ষিত হয় বলিয়াই তৎসমুদয় এক শ্রেণীর মধ্যে নিবেশিত করা গেল। প্রথমতঃ ত্রিপুরা, ত্রিহট্ট, চট্টগ্রাম, ময়মনসিংহ ও তৎনিকটবর্তী স্থানসমূহের উচ্চারণ বর্ণিত হইতেছে, ত্রিপুরার উচ্চারণ, পার্শ্বতীয় জাতি কী কী প্রভৃতির ভাষার উচ্চারণের সহিত অনেকাংশে সদৃশ, মহাপ্রাণ বর্ণ প্রায় উচ্চারিত হয় না, চট্টগ্রামের ভাষার অবঘাত ও স্বরাভাসের সহিত কিঞ্চিৎ ঐক্য হয়, মহাপ্রাণ বর্ণ প্রায় উচ্চারিত হয় না, কণ্ঠ্য বর্ণের কিঞ্চিৎ তীব্রতর ব্যবহার লক্ষিত হয়, ভদ্রলোকেরা সংস্কৃত জাত প্রাকৃত ভাষার হুই চারিটা শব্দ ব্যবহার করিয়া থাকেন, বোধ হয় পূর্ব তদেশান্তর্গত চক্রালাতে সংস্কৃতের চর্চা হওয়াতেই এরূপ ঘটিয়া থাকিবেক, এতদেশীয়েরা যদিও লিপিকালে চন্দ্রবিন্দু ও ড় ব্যবহার না করুক, কিন্তু বোধ উচ্চারণ করিতে পারে, কিন্তু অস্থানে (৩) চন্দ্রবিন্দুর উচ্চারণ করিয়া থাকে, ত্রিহট্ট ও ময়মনসিংহের বাঙ্গালা উচ্চারণে মণিপুরীয় উচ্চারণাভাস লক্ষিত হয়, ক, চ, ট, ত, প, প্রায়, খ, ছ, ঠ, থ, ফ, এর ন্যায় উচ্চারিত হইয়া থাকে।

পূর্বকালে সুবর্ণগ্রামে রাজধানী ছিল তাহার অনেক নিদর্শন প্রাপ্ত হওয়া যায়, মুসলমান রাজত্ব সময়ে রাজভাষা পারশী, সেই দেশে বহুল পরি-

মাণে বহুকাল প্রচলিত থাকতে, কথ্য ভাষার সঙ্গে অনেক পারশী শব্দ মিশ্রিত হইয়াছে, জলপাত্র স্থলে “আবখোর” দীপাধান স্থলে “সামাদান” সভা “মজলিস্” পত্রের স্থানে “খত, রোকা” প্রভৃতি পদ ব্যবহৃত হইয়া থাকে পারশীতে ড় ও (৩) চন্দ্রবিন্দুর ব্যবহার নাই, মহাপ্রাণ বর্ণ “হে” যোগে অতি অস্পষ্ট ব্যবহৃত হইয়া থাকে, সুবর্ণ গ্রামস্থ কি তৎনিকটবর্তী লোকেরা এই সকল বর্ণগুলির উচ্চারণ করে না, এবং পারশীয় রীত্যানুসারে, জাল, জোর, জাদু বর্ণের উচ্চারণের ন্যায় দন্ত্যবর্ণের অধিক উচ্চারণ ব্যবহার করিয়া থাকে।

উচ্চারণ সম্বন্ধে (কিঞ্চিৎ পরিমাণে বিভিন্নতা থাকিলেও) ঢাকার জেলা সমুদয় সুবর্ণগ্রামের অন্তর্ভুক্ত বলিতে হইবে। এমন কি পূর্ববাঙ্গালার সমুদয় স্থল সুবর্ণগ্রামের উচ্চারণ পদ্ধতির অধীন, পূর্ববাঙ্গালাতে অতি অস্পষ্ট মহাপ্রাণ বর্ণ, ড়, ও (৩), চন্দ্রবিন্দুর উচ্চারণ হইয়া থাকে, এবং হকারের স্থানে কদাচিৎ আকার উচ্চারিত হইতে দেখা যায়, নিজ ঢাকা ও ঢাকার অতি নিকটবর্তী স্থল সমূহস্থ ভাষার উচ্চারণ, উর্দু ভাষার উচ্চারণ গাভাসান্তর্গত এতৎস্থানীয় লোকেরা, পূর্ববাঙ্গালার অন্যান্য স্থানের লোকদিগের ন্যায় তালব্য স্থলে দন্ত্য উচ্চারণ করেনা, ইহারা চব্বর্ণের প্রকৃত উচ্চারণে সক্ষম, কিন্তু উর্দু ভাষায় শব্দ, অবঘাত, স্বরাভাস, এত অধিক পরিমাণে ব্যবহার করে, যে তাহাদের ব্যবহৃত বাঙ্গালাকে একরূপ

বলিলেও অত্যাতি হয়না, মুসলমান রাজত্বের শেষ সময়ে উর্দু ভাষা অত্যন্ত আদৃত ও বিস্তৃত হইয়া অনেক প্রধান নগরে প্রবেশ ও অধিকার বিস্তার করিয়া ছিল, ঢাকা নগরে উর্দু ভাষার বহুল প্রচার হওয়াতেই এরূপ ভাষা পরিবর্তনের অনুমান হয়।

পদ্মানদীর উত্তর পারশ্ব স্থল ও বাখরগঞ্জের অধিকাংশ স্থলের লোকেরা অধিক পরিমাণে প্লুত ও শব্দের প্রথম অক্ষরে অবঘাত ব্যবহার করিয়া থাকে, এবং অপেক্ষাকৃত উচ্চৈঃস্বরে কথা বলে। নদী প্রধানদেশীয় লোকেরা অধিকাংশই প্রায় সর্বদা নৌকাতে বিচরণ করিয়া বেড়ায়, সুতরাং অন্য নৌকাস্থ লোকদিগকে সর্বদা আহ্বান করিয়া কথা বার্তা বলিতে হইলে চিৎকার না করিয়া উপায়ান্তর নাই, প্রথম বর্ণ অবঘাতপাত, চিৎকারের একরূপ ধর্ম বলিতে হইবে, বোধহয় এই কারণ বশতই এতদেশে উচ্চারণে এরূপ প্রকৃতি সংঘটিত হইয়া থাকিবে সন্দেহ নাই। যশোর ও তন্নিকটস্থ স্থলের কথার উচ্চারণেতে বাখরগঞ্জের উচ্চারণের ন্যায় প্রথম বর্ণে অবঘাত পাত হয়, চন্দ্রবিন্দু উচ্চারিত হয় না, কিন্তু ড় উচ্চারিত হইয়া থাকে, এই দেশের ভাষা অত্যন্ত পরিবর্তনশীল নী এই এতদেশবাসীরা পরকীয় ভাষার উচ্চারণ অভ্যাস করিতে পারে।

পাবনা প্রভৃতির উচ্চারণ কিয়দংশ পূর্ববাঙ্গালা ও কিয়দংশ পশ্চিমবাঙ্গালার উচ্চারণগত আভাসযুক্ত, বাঙ্গালা উচ্চারণ সম্বন্ধে উক্ত স্থানকে পুরুভূজ বলিলে ও বলা যাইতে পারে।

উত্তরাঞ্চলীয় বাঙ্গালার সহিত আসামী ভাষার অনেক সাদৃশ্য আছে, এতদ্ভিন্ন, উচ্চারণগত অধিকাংশ ভাগই পূর্ব বাঙ্গালার পশ্চিমাংশের সহিত ঐক্য হয়, বগুড়া প্রভৃতি স্থলের উচ্চারণে, অকার, এবং রকার নিয়া কি নিমিত্তে যে এত গোলযোগ ঘটিয়া থাকে, তাহার কারণ অত্যন্ত অপরিজ্ঞেয়। রাম বলিতে আম্ আম বলিতে রাম প্রভৃতি স্বরবিনিময় দোষ অনেক ঘটয়া থাকে, টাকী ও তন্নিকটবর্তী স্থল হইতে পশ্চিমবাঙ্গালার উচ্চারণ আরম্ভ হয়, কলিকাতা ও তৎসমীপস্থ স্থলের উচ্চারণই বাঙ্গালার মধ্যে সর্বোৎকৃষ্ট, সমুদয় বর্ণের প্রকৃত উচ্চারণ, যথারীতিক অবঘাত প্রভৃতি সমুদয় অঙ্গই তৎস্থানীয়দিগের কর্তৃক সুন্দররূপে উচ্চারিত হইতে দেখা যায়, বিশেষতঃ বাঙ্গালার সমুদয় এত্বেই এই দেশ ভাষা প্রচলিত হইয়াছে, কিন্তু বহুপরিমাণে অপভ্রংশ শব্দ ব্যবহৃত হইয়া থাকে, পকুর হুকুর, চান্ বা স্তান, গেহু, খাহু, বলুম, চলুম প্রভৃতি, অত্যন্ত ক্ষতিকটু ও অপরি শুদ্ধ।

হুগলি ও কৃষ্ণনগরের কথার সহিত কলিকাতার ভাষার অত্যস্পষ্ট বিভিন্নতা, কেবল কলিকাতার উচ্চারণ কিঞ্চিৎ সংক্ষিপ্ত ও দ্রুত, হুগলি ও কৃষ্ণনগরের উচ্চারণ কিঞ্চিৎ ধীর ও বিস্তৃত, হুগলির ভাষাস্থ অনেক গুলি যাবনিক শব্দ ব্যবহার হইয়া থাকে, বোধ হয় এই স্থানে পূর্বে পারশী, আরবীয় চর্চা অধিক পরিমাণে হইয়া থাকিবেক।

কলিকাতা অনেককাল হইতে প্রধান বাণিজ্যস্থান বলিয়াই ভাষার একরূপ সংক্ষিপ্ততা-সাধন হইয়াছে সন্দেহ নাই। কলিকাতা হইতে ভাগীরথীর উভয় তীরস্থ ১৫, ১৬ ক্রোশ পরিমাণ স্থানে ভাষা সর্কোৎকৃষ্ট, এবং কলিকাতা নগরের প্রায় অল্পরূপ, ত্রিবেণী প্রভৃতির উত্তর হইতে যে ভাষা আরম্ভ হয়, তাহা অতি কদর্য, পারশী শব্দ অনেক মিশ্রিত আছে, উলা শান্তিপুর, বলাগড়, গুপ্তপল্লী, কালনা কৃষ্ণনগরের বাঙ্গালা উচ্চারণে জকার স্থলে জাল, জোর জাদ ব্যবহৃত হয়; বর্দ্ধমান বাঁকুড়া তৎসমীপগত স্থান ও মেদিনীপুরের কিয়দংশের উচ্চারণ দক্ষিণাঞ্চলীয় বলিয়া বর্ণিত হইল, মেদিনীপুরের অনেক স্থলের ভাষাকে উড়ে ভাষা বলিলে অসুচিত হয় না। বর্দ্ধমানের ভাষার স্বরাভাস ও অবঘাত, পশ্চিমাঞ্চলীয় ভাষার স্বরাভাস ও অবঘাতের অনেক অংশে সদৃশ, কেবল অপেক্ষাকৃত কিঞ্চিৎ কর্কশ ও তেজস্বী। পূর্ববাঙ্গালাতে যেরূপ চন্দ্রবিন্দু প্রায় উচ্চারিত হয়না সেরূপ এই স্থলে অধিক পরিমাণে অথবা স্থানে চন্দ্রবিন্দুর ব্যবহার দৃষ্ট হয়। তীব্রতাসারে হিন্দী ভাষার অনেক নিকটবর্তী বলিয়া বোধ হইয়া থাকে। কতকগুলি বিদেশীয় লোক দ্বারা বাঙ্গালাতে আরও নানাপ্রকার উচ্চারণ বিহিত হইয়াছে। পশ্চিম ভারতবর্ষীয় লোকেরা বহুদিন বাঙ্গালার অবস্থিতি করিয়া ও বাঙ্গালীদের সহিত আলাপ ব্যবহার করিয়া এক প্রকার অদ্ভুত

বাঙ্গালা ব্যবহার করিয়া থাকে। তাহাদের উচ্চারণ সম্পূর্ণ হিন্দী মূলক। ইউরোপীয়লোকেরা অনেকে আফ্লাদ পূর্বক বাঙ্গালা ব্যবহার করেন। অনেক পাদরী সাহেবেরা বাঙ্গালার বক্তৃতা পর্য্যন্ত প্রদান করিয়া থাকেন; কিন্তু তাহাদের উচ্চারণ সম্পূর্ণরূপে বাঙ্গালার অনুপযোগী, রকার যুক্ত বর্ণ প্রায় উচ্চারিত হয় না—যথা সর্ব, গর্ব, পর্বত, বর্জ্ব, ইত্যাদি,। কলিকাতার সুবর্ণবণিকদিগের বাঙ্গালা উচ্চারণ বিশেষ অনুধাবন পূর্বক দেখিলে বোধ হয় ইহারও ভিন্ন দেশীয় লোক, বহু পুরুষের অভ্যাস বশতঃ অনেক দূর বাঙ্গালাভাষার উচ্চারণ শিক্ষা করিতে পারিয়াছে।

মুসলমানদিগের বাঙ্গালা উচ্চারণ আর এক ধাতু নির্মিত, বিশেষ বিবেচনা করিয়া দেখিলে উর্দু উচ্চারণের রূপ ভেদমাত্র বোধ হয়।

বাঙ্গালাভাষাতে যত প্রকার উচ্চারণ প্রচলিত হইয়াছে সমুদয়ই বিশেষ ওজোগুণ বর্জিত। ইদানীং ব্রাহ্মধর্ম সম্বন্ধে যেসকল বক্তৃতা প্রদত্ত হইয়া থাকে, সে সকল বক্তৃতার অবঘাত ও স্বরাভাস দ্বারা বাঙ্গালা ভাষার ওজস্বিতা, ও তেজোভাব প্রত্যাশা করা যাইতে পারে। অমিত্রাক্ষর ছন্দঃ প্রণালীতেও স্থানে স্থানে ওজোগুণসুন্দররূপ প্রকাশ পাইয়া থাকে। বাঙ্গালা ভাষার সংস্কর্তাগ্রন্থকারদিগের প্রতি বিনীত ভাবে এই নিবেদন যে তাঁহারা যেন ভাষার প্রধান অঙ্গ উচ্চারণের প্রতি বিশেষ লক্ষ্য রাখেন।

কুমার-সম্ভব ।

নিবন্ধ্য মাতুর্কচনাভি জাতং
সমুদ্যত ক্রোধ যুমা প্রযত্নাৎ
উবাচ রক্তী কৃত লোলনেত্রা,
নাথাব বাদো হি সতীং হুনোতি,
বাচং হ্রয়োক্তঃ স যথাতথোতি
ততাব দস্যান্তিতিরেব জাতা,
বিবন্ধ ভাব গ্রহণাতু দেবি
ত্বং কেবলং তৎফলবিক্ষতাসি
মহাগজেন্দ্রং ককুদাসনস্থে।
দ্বিজিহ বমালী সুরপুষ্প মালায়
শ্মশানচারী কিল নন্দনং স
সুরেশ্বরায় প্রদদৌ দয়াবান্।

প্রভু মণীন্দ্রং বিষকৃষ্ণ কণ্ঠঃ
কৃষ্ণার কণ্ঠভরণং দদৌ স
কমণ্ডলুং পদ্ম ভুবে চ রম্যং
স্বয়ং গৃহীত্বা বিকটং কপালম্

পিবন্ বিষং প্রাণ হরং হরোহরং
সুধা মজজ্রং প্রদদন্ সুরেভ্যঃ
সুখাৎপরেষাং সুখভাক্ সদৈব
নস্বার্থ মম্বিষ্যতি সাধু বৃত্তঃ।

তস্য প্রসাদাদমরাঃ সমগ্র
মরাপু বন্তো বিষয়াভি ভোগম্
সমুজ্ঞ দান গ্রহণাপরাধী
কথন্তবেতাদৃশ দেব দেবঃ।

অসদ্রং তং খলুম্নাসে বা
শক্রেসি বক্তুং বহুশশ্চ মোহণ
নবাহুরাগ প্রণয়াব বন্ধং
ত্বংমে ত্বশক্তা মনসো হনেতু

উমা, যত্নপূর্বক মাতৃকৃত শিবনিন্দা
জাতক্রোধ, মনোমধ্যে সংগোপন
করিয়া, আরক্তচঞ্চললোচনে বলিতে
লাগিলেন, বস্তুতঃ পতিনিন্দা সতী মহি-
লার পক্ষে অত্যন্ত ক্লেশকর হইয়া
থাকে।

শিবকে তুমি যেরূপ বর্ণন করিলে
স্বীকার করি তিনি সেরূপই বটেন, সেই
সেই বিশেষাংশগুলি তাঁহার স্তুতিবাদই
প্রকাশ করিতেছে, জননি ! কেবল বি-
কৃত্তভাবে প্রয়োগহেতুক, তুমি তৎ-
ফলে বিক্ষিত হইয়াছ।

তিনি ককুদাসনস্থিত হইয়া, মহা
গজেন্দ্র ভুজঙ্গমালাধারী হইয়া পারি-
জাত মালিকা, শ্মশানচারী হইয়া সুরম্য
নন্দনকানন দয়াপূর্বক দেবরাজকে দান
করয়াছেন।

প্রভু নিজকণ্ঠে বিষধারণ করিয়া কণ্ঠা-
ভরণ স্বরূপ মহা মণীন্দ্র, কৃষ্ণকে প্রদান
করিয়াছেন, এবং স্বয়ং বিকটকপাল ধারণ
করিয়া পদ্মধোনিতে রম্য কমণ্ডলু সম-
র্পণ করিলেন সেই হর প্রাণ হর বিষ-
পান করিয়া দেবতাদিগকে অজস্র
অমৃত দান করিলেন, ইনি পরের সুখেই
সর্বদা সুখী, সাধু চরিতেরা কখনই স্বার্থ
অন্বেষণ করেন না!

তাঁহার প্রসাদেই দেবগণ, সমগ্র
ভোগ বিলাস প্রাপ্ত হইয়াছেন তাঁহার
ন্যায় দেবাধিদেব, কখনই স্বকীয়
হস্তযুক্ত দত্তবস্তু গ্রহণ জন্য নিন্দাভাগী
হইতে পারেন না।

তাঁহাকে তুমি কুপাত্ন মনে কর, তা-
হাতে কিছুমাত্র ক্ষতি নাই, মোহ

চলনচেতো বচনে তে মে
কথং শিবঃ স্যাদদশিবঃ কথাভিঃ
বিগ্ৰেষ খিন্নস্য বিমুক্ত বাচা
দাবাগ্নিগর্ভে ফলতো ন চন্দ্রঃ,

স্থানে, গুরুগাং বচনং প্রপাল্যং
সাধুস্পৃহা নোদিত মেব চেৎস্যাৎ
তথাধাজ্ঞপ্তি বিলজ্বনেন
স্পৃশেন্নমাং কল্পষ বিন্দুরষ,

বাচ সূতারা জননী প্রবুদ্ধা
স্নেহান্নকারাং স্কুরিতান্বুদ্ধিঃ
বিরাজতেস্মাতৃত বর্ষণেন
মেঘাভিভুক্তা শশিনঃ কলেব।

ভবাব বাদেন সলজ্জভাবা
মেনাব্রবীৎ মৌনবতী ক্ষণেন
মোহান্নয়াযৎ কথিতং সমগ্রং
নগৃহতাং তৎপরমার্থ ভাবেঃ।

জানে মহেশো মহতাং মহীয়ান্
অলোকলাবণ্য বিমোহিতা হন্
প্রাগ্ জন্মপুঞ্জীকৃত পুণ্যবত্যা
মমাভিলাষেন শিবার্পিতাসি,
স্নেহান্ন তায়ঃ কিমুত প্রভুত্বং
কাবেত্তি যাবন্ন ভবেদপত্যম্
স্নেহপ্রমত্তাং জননীংসপুত্রা
ক্ষমিষ্যসেত্বং স্বত এব কালে।

বশতঃ নানা প্রকার বলিবারও শক্তি
আছে, কিন্তু নবানুরাগযুক্ত প্রণয়ের
বন্ধন, আমার মানস হইতে উন্মোচন
করিতে কখনই সমর্থ্য নও।

তোমার বাক্যে মদীর চিত্ত বিচলিত
হইবার নহে, বাক্য প্রভাবে শিব কিরূপে
অশিব হইবেন? বিরহীদিগের প্রলাপ-
বচনে চন্দ্র কখনই প্রকৃতরূপে দাবাগ্নি
গর্ভ নহে।

সাধু ইচ্ছা দ্বারা পরিচালিত হইলে
গুরু জনের বচন প্রতিপালন করা বিধেয়
বটে, মাতঃ তুমি যেপ্রকার আজ্ঞা বিধান
করিয়াছ তাহা লঙ্ঘন করিলে পাপ
আমায় স্পর্শ করিবে না।

মেঘনির্মুক্ত শশিকলা যেরূপ অমৃত
বর্ষণ পূর্বক শোভা পাইয়া থাকে, তন-
য়ার বাক্যে জননী সেইরূপ চৈতন্য
প্রাপ্ত হইলেন এবং স্নেহান্নকার বিমো-
চিত হইয়া বুদ্ধির কিরণ দীপ্তি পাইতে
লাগিল।

মেনা স্বকৃত শিবনিন্দাতে লজ্জিতা
হইয়া ক্ষণকাল মৌনাবলম্বন পূর্বক
বলিতে লাগিলেন, মোহ বশতঃ বাহা
বলিয়াছি তৎসমুদয় প্রকৃতভাবে গ্রহণ
করিও না।

সেই মহেশ মহাদিগের মহান্ তাহা
আমার অবিদিত নহে। তাঁহার
অলোক রূপলাবণ্য আমার একান্ত
প্রিয়, আমি পূর্বজন্মে কত রশীকৃত
পুণ্য করিয়াছিলাম, তৎপ্রভাবেই
স্বাভিলাষাত্মক তোমায় শিবের হস্তে
সমর্পণ করিয়াছি।

সন্তান না হইলে, কে স্নেহান্নতার
প্রভুত্ব অবগত হইতে পারে? বৎসে
তুমি যখন পুত্রবতী হইবে, তখন আপনা
হইতেই স্নেহপ্রমত্তা জননীর প্রতি ক্ষমা
প্রদর্শন করিবে।

অষ্টাদশ পুরাণের সংক্ষিপ্ত বিবরণ।
পদ্ম-পুরাণ।

(পূর্বপ্রকাশিতের পর।)

তৎপরে ব্রত পরীক্ষায়। মোক্ষ-
লাভার্থে মানব সমূহের যে যে ব্রত
পালন করিতে হয়, তৎসমুদয় বিস্তীর্ণ-
রূপে লিখিত হইয়াছে। পুষ্করতীর্থে
অগস্ত্য মুনির জপতপের বিহয়ে অনেক
শ্লোক আছে কিন্তু তজ্জাবত যৎসামান্য
রূপে কথিত হওয়াতে বিশেষ পরিশ্রম
সহকারে অধ্যয়নোপযোগী নহে।
মার্কণ্ডেয় মুনি পুষ্কর তীর্থে গমন করেন,
তথায় বনবাসী জীরামচন্দ্রের সহিত
তাঁহার সাক্ষাৎ হয়। রামচন্দ্র বনবাস
কালে এই তীর্থে পিতৃলোকের শ্রাদ্ধাদি
উদ্ধৃদেহিক কার্য করেন। কিন্তু মূল
রামায়ণে ইহার অণুমাত্র উল্লেখ নাই।
রাম অযোধ্যা হইতে কি কারণে পশ্চিম
প্রদেশে গমন করিবেন? পুষ্করতীর্থের
মাহাত্ম্য প্রতিপন্ন করণাভিলাষেই বোধ
হয় রামচন্দ্রের গমনের বিষয় বর্ণিত
হইয়াছে। বাস্তবিক রাম যে রাজপুত্র হই-
য়া কখন প্রদেশে গমন করেন নাই তাহা
বিলক্ষণ অনুমিত হইতেছে। তৎপরে
মহিষাসুর দৈত্যের উপাখ্যান। মহি-
ষাসুর দৌরাত্নে পুষ্করতীর্থ বাসীদিগকে
অতীব প্রপীড়িত করিয়াছিল, এমন কি
তাঁহার ভয়ে সেই তীর্থ এক প্রকার পরি-
ত্যক্ত হইয়াছিল। দুর্গা ক্ষেমকরী যে রূপ
ধারণ করত তথায় গমন করেন, দৈত্য,
দেবীর অসামান্য রূপলাবণ্য দর্শনে
একেবারে হতজ্ঞান হইয়া বলপূর্বক
ক্ষেমকরীদেবীর সতীত্ব নষ্ট করিতে

উদ্যত হয়, দেবী তৎক্ষণাৎ নিজবাহু
বলে তাহার প্রাণনাশ করিয়া পুষ্কর
তীর্থ নিষ্কণ্টক করিলেন।

ইলা ভারতবর্ষের এক নরপতি ছিলেন।
তিনি জীবনকালে দেবতা ও ব্রাহ্মণ-
দিগকে দানাদি না করায় পরজন্মে শাপ-
গ্রস্থ হইয়া স্বীয় অস্থি চর্ষণ করিতে বাধ্য
হন। তৎপরে দণ্ডের উপাখ্যান। দণ্ড
হইতে দণ্ডকারণের উৎপত্তি হয়।
শকুনিরূপী ব্রহ্মদত্ত রাজার শাপ বিমো-
চন। জীরামের অযোধ্যায় প্রত্যাগমন,
রাজস্বয় যজ্ঞ, পুনর্বার দক্ষিণ প্রদেশে
গমন, লক্ষার বিভীষণের সহিত সাক্ষাৎ ও
প্রত্যাগমনকালে পুষ্করতীর্থে ব্রহ্মার
সহিত প্রীতি সন্তাষণ।

এতৎসমুদয়ের পরে পুনর্বার সৃষ্টির
বিষয় কথন। এক কল্পে জগৎ ধ্বংস
হইলে মার্কণ্ডেয় মুনি দেবাদিদেব নারা-
য়ণকে প্রলয় পর্যাধিজলে ভাসমান
দেখিলেন। ব্রহ্মাকর্তৃক জগৎসৃজন,
মধুকৈটভদৈত্যাদিগের জন্ম বিবরণ ও
ধ্বংস, দেবাসুরের যুদ্ধ, বিষ্ণুকর্তৃক মায়ী
ও কালনোম দৈত্যদ্বয়ের প্রাণনাশ।
স্কন্দের জন্ম, স্কন্দ কর্তৃক তারকাসুর বধ
প্রভৃতি বিষয় বর্ণন করিয়া এই খণ্ড পরি-
সমাপ্ত করা হইয়াছে। ভূমি খণ্ড—এই
খণ্ডে ১৩৩ অধ্যায় ও ৭৫০০ শ্লোক আছে।
দৈত্যকুলসীলক প্রহ্লাদ বা প্রহ্লাদের
জন্ম বিবরণ ও কার্যকলাপের অবতারণা
করিয়া এই খণ্ড আরম্ভ করা হইয়াছে।
দ্বারকা নগরীতে শিবশর্মা নামা একজন
ব্রাহ্মণ বাস করিতেন। ব্রাহ্মণের পঞ্চ
পুত্র ছিল। কঠোর তপস্যার দ্বারা ব্রাহ্মণ

চারি পুত্র সহ সর্গে গমন করিয়া বিষ্ণুতে
লীন হন। পঞ্চমপুত্র সোমশর্মা
মোক্ষলভ্যায় শালগ্রামক্ষেত্রে তপ-
স্যায় নিযুক্ত ছিল। তৎকালে দৈত্যগণ
দৌরাগ্নে সমস্ত বনস্থলী ও সেই তীর্থ
অপবিত্র করিতে লাগিল। প্রহ্লাদ সেই
দৌরাগ্ন দমনে হতাশ হইয়া সন্তপ্ত
হৃদয়ে তপস্যায় করিল। তৎপরে
পুনর্বার দৈত্য গৃহে জন্মগ্রহণ করত
দেবগণের সহিত যুদ্ধে নিযুক্ত হইয়া
বিষ্ণুর চক্রে গত প্রাণ হয়। পরিশেষে
হিরণ্য কশিপু গৃহে জন্ম গ্রহণ করিয়া
মুক্তি লাভ করে। ভক্তের মনোবাঞ্ছা
পূরণার্থে বিষ্ণু নরসিংহরূপ ধারণ করেন
ও হিরণ্যকশিপুর বক্ষ বিদীর্ণ করিয়া
মাত পৃথিবীকে দম্ভ হস্ত হইতে
রক্ষা করেন। তৎপরে প্রহ্লাদের সর্গ
রাজ্যলাভ, ও কশ্যপের ঔরসে অদিতির
গর্ভে দেবপতি ইন্দ্রের জন্ম বিবরণ।

ইন্দ্র পূর্কজন্মে সোমশর্মা ও সূমনার
পুত্র ছিলেন পরিশেষে কশ্যপ ঔরসা-
স্বয়ং হইয়া সর্গের অধিপতি হন। তৎ-
পরে ইন্দ্রকর্তৃক দিতিপুত্র বৃত্রাসুর বধ
ও উর্ধ্বপঞ্চাশত মরুতগণের সৃষ্টি।

এদিগে ইন্দ্র যে রূপ দেবগণের অধি-
শ্বর হইলেন বিনায়পুত্র পৃথুও পৃথিবীর
অধিপতি হইলেন। অত্রিপুত্র টঙ্গা,
কঠোর তপস্যায় দ্বারা নারায়ণের প্রসাদ
লাভ করিয়া ইন্দ্র সদৃশ এক পুত্র প্রাপ্ত
হন। দেবদত্ত বিনা কিছুকাল নির্বি-
বাদে রাজ্যশাসন করেন, কিন্তু পরি-
শেষে জৈনধর্মাবলম্বন করিতে ঋষিবর্গ
তাহাকে রাজ্যচ্যুত করিয়া তাঁহার শরীর

হইতে নিষাদপতি ও পৃথুর সৃষ্টি
করেন। পৃথু রাজা হইলে বিনা নর্মদা
তীরে দেবারাধনার রত হইলেন।

তৎপরে যযাতি রাজার উপাখ্যান।
যযাতির জরাগ্রস্থ হওয়া পাণ্ডুকে জরা-
প্রদান, সহস্রাধিক বৎসর বিষয়সুখে
লিপ্ত থাকিয়া পরিশেষে স্ত্রীয় জরা গ্রহণ
করিয়া তিনি স্বর্গে গমন করলেন ত-
থায় বিষ্ণুর সহিত লীন হইলেন।

তৎপরে তীর্থ মাহাত্ম্যাদি। গঙ্গা,
মনমাতৃদ, প্রয়াগ, পুষ্কর, নর্মদা, মহা-
কাল, চর্ম্মাবতি (চম্বল) অর্কদা (আবু-
শিখর) প্রভাস, চিতস্থা, কামাখ্যা, কুরু
ক্ষেত্র, কুন্ডা, কপিল, মেঘনাথ, বিচূকা,
ভৃগুক্ষেত্র, মহিবমতি, ত্রীকত্র ও মণ্ডলে-
শ্বর তীর্থের বিষয় ও তত্তৎ স্থান প্রচলিত
অদ্ভুত ও অসম্ভব প্রবাদ বর্ণন দ্বারা এই
খণ্ড সমাপ্ত করা হইয়াছে। কিন্তু এই
সমস্ত তীর্থ কোথায় তাহা বলা হুসাধ্য
তীর্থ সমূহের প্রাধান্য ও তীর্থ দর্শনের
ফলাফল বর্ণন করাই এই খণ্ডের মুখ্য
উদ্দেশ্য। গুরুই সমস্ত তীর্থের আকর
স্বরূপ। ইচ্ছামন্ত্র প্রদাতা গুরুর প্রাত
অচলা ভক্তি থাকিলেই তীর্থ দর্শনের
ফলাফল করা যাইতে পারে। এই
অধ্যায়টি অতীব চমৎকার ও প্রয়ো-
জনীয়। এটি এক প্রকার ভারতবর্ষের
ভূগোল বিবরণ স্বরূপ নানাদেশ, গ্রাম,
নগর, নদ, নদী ও তীর্থের বিবরণে পরি-
পূরিত থাকায় এখণ্ড অত্যন্ত আবশ্যিকীয়,
কিন্তু হুর্ভাগ্য বশতঃ তৎসমুদয়ই বিলুপ্ত
হইয়াছে।

(ক্রমশঃ।

স্বর্গভ্রংশ কাব্য।

(পূর্ব প্রকাশিতের পর)

শুনি এ বারতা ধর্ম্মত্যাগী দিব্য দূত
কহিল বচন, পীড়িয়া মরমে অতি।
যোর নিনাদেতে নিজ গরিমা প্রকাশি
হতাশা বহিতে কিন্তু দহিল হৃদয়।
সাহস পুরিত বাক্যে বলজা অশ্বর
জিনি বজ্রঘোষ নিনাদিল অতপরে।
“ওহে রাজপুত্র রাজরাজেশ্বর বহু
দিব্য দূত সহ পশি সেই স্বর্গ ধামে
অটল সাহসে অজেয় বলেতে বিভূ
জগদীশে নিক্ষেপিলে বিপদ সাগরে
কল্পিত করিলে তাঁর সে অটল রাজ্য
ধামা বলে কি কৌশলে কিবা ভাগ্যফলে
লভি রাজ্যভার গর্ভিত লইয়া যাহা।
ভাসিছে নয়ন পথে সে সব ঘটনা
বিদরে হৃদয় এবে স্মরিলে সে সব।
আহা, কিকুক্ষেণে এখানেপতিতমোরা
কোন দোষে হারাইলু অর পুর সবে।
বিসম সমর ভরে এবে মৃত প্রায়
মরণ সম্ভবে যদি দিব্য দূতগণে।
অসংখ্য দলরল সহ পতিত মহা
রৌরবে। মরণ নাহি ঘটে কভু মন
হৃদম, জীবাত্মা অজেয় চিরকাল,
ক্ষণমাত্র পায় সে যে নূতন জীরন।
গিয়াছে যদিও এবে সে সব গৌরব
হারিয়েছি যদিও সে সুরপুর বাস
বিষম বিপদে যাহা পতিত এখন।
সর্বশক্তিমান সেই দানব বিজেতা!
নহিলে ওরূপ বলকে পারে জিনিতে
এ সব হুর্জেয় হৃদম দানব দলে
সমান যাদের নাই কেহ এজগতে।

অক্ষত রেখেছেন বটে এবপু অমর
নিশ্চল অদ্যাপি বটে এ হুর্জেয় মন
কি ফল তাহাতে বল লয়ে সমুদয়?
অক্ষুন্ন হৃদয়ে সদা স্মহিতে যাতনা
অক্ষত শরীরে শুদ্ধ বহিতে সে মহা
তাড়না ভার। অথবা কৃতদাস সম
পালিব তাঁর আদেশ এমহা রৌরবে
ঋটিবকি চিরকাল এঅগ্নি গহ্বরে
হুর্নির্ধার বললয়ে কিফল এখন?
সহিতে হইবে মাত্র চির শাস্তি শেল।
দ্রুত বচনেতে দম্ভুজেশ উত্তরিল
“হে পতিত দূতধর্ম, হুর্ভাগ্যে উপজে
ক্ষীণতা প্রবল। এস সব কাব্য করি
নতুবা সহি অসহ যাতনা অশেষ।
কিন্তু ইহা জানিও নিশ্চয় উপকার
কিন্তু মাধিবনা মোরা অপকারে সদা
আনন্দ উদ্দিবে এদম্ভ হৃদয়ে মোর
তাঁর ইচ্ছা বিপরীত বলে যাঁর বল
ত্যাগ সম গণি মনে। যদি নিজ গুণে
মগ্নি এপাপ সাগর এবে পান সুধা,
ছলে বলে কৌশলেতে সে আশানাশিতে
সচেষ্টি রহিব মবে। সদা অপকার
ব্রতে ব্রতী হয়ে লজ্জিব তাঁর আদেশ
হইলেত হতে পারে সদা সিদ্ধকার।
তাহলে বেদনা তিনি পাবেন অশেষ
সুখায় হইবে তাঁর সকল কেশল,
এসব সম্ভব বটে মরণ ন্না ঘটে
যদি মোর। ঐ দেখ কুদ্ভ জেতা অলস
এবে। যাতনা দায়ক বজ্র শেল শূল
অস্ত্র সব রেখেছেন স্বর্গের তুণিরে।
গন্ধক বরষণে জর্জরিত স্তিমিত
তাড়িত পতিত এবে এআগ্নেয় হ্রদে
শত চপলা শোভিত ক্রোধ বিকল্পিত

বিভূ বজ্র অনুমানি শক্তি হীন হয়ে
উগরে নাহিক আর ধুম পুঞ্জরাশি
এ অসীম প্রকাণ্ড নরক গহ্বরে ।
এমন সুযোগ আর হবেনা কখন,
মো সবারে হের গনি মনে শান্তক্রেমে
শান্ত এখন সে দৈতকুল চির বৈরি
অতুরেতে দেখ সেই ভীষণ প্রান্তর
জনহীন, বন্য, মূর্ত্তমান ধ্বংস তথা
বিরাজিছে যেন। আলো বিহীনপ্রদেশে
কিন্তু মন্দমন্দভাবে জ্বলিছে মলিন
অনল রাশির শিখা, তাহে অপ্পতর
আলোকিত সেই ভয়ঙ্কর তরঙ্গল।
অতিক্রমি এঅনল তরঙ্গ আবর্ত্ত
চলতথা শান্তি লাভতরে যদি বা সে
স্থানেহয় আমাদের শান্তি ক্রান্তি দূর
শান্তিলাভ মরীচিকা ভ্রমায় সকলে,
শৌর্য্য বীর্য্য পরাক্রম, আর দলবল
হইয়াছে হতপ্রায়, কিমে পুনর্বার
লাভকরি সেসকল সেই শক্রবরে
করিব যত্নমানলে দক্ষ প্রপ্রীড়িত
কিরূপেবা এই ক্ষতি হইবে পূরণ ।
কেমনে হইব পার এ বিপদার্ণবে।
আশ্বাসিনী আশাহতে দেখিকতদূর
পাইবল, পরাক্রম আদি সমুদয়।
হত বাহ্য হুর্ভাগ্য ঘটনে মো সবার
দূরাশা প্রভাবে দেখি যটেকতদূর
দূতপণ দূতমন, সুদূত প্রতিজ্ঞা”

(ক্রমশঃ)

পাণ্ডব চরিত কাব্য ।
(পূর্বপ্রকাশিতের পর)
ভীতা কুন্তী সচকিত যথা
রত্নহারী ভূজঙ্গী,

চিত্তোদ্বেগে গহন বিপিনে
পাণ্ডুরাজে তপাসে।
উর্দ্ধ্ব স্মেতে বিষম কুরবে
গৃধ্ৰু গোমায়ুডাকে,
কান্দে অগ্রে উভমুখ শুনি
কাঁপিছে দক্ষিণাক্ষী ॥
পূর্বাশঙ্কা হয় বলবতী
দেখিয়া দুর্নিমিত্ত,
উৎকণ্ঠা সত্বর জয় করে
ধৈর্য্যকে নির্ঝ্ববাদে ।
চিত্তে কুন্তী বিচরণ করে
প্রান্তরে যেই কালে,
মাদ্রী কণ্ঠধ্বনি সককণা
আইসে কণ রক্তে, ॥
এ ব্যাপারে নিজ অমুভবে
জানি ভর্ত্তার যত্ন
ছিন্না ভিন্না মলিন বদনা
হৈল শোক প্রভাবে।
শব্দোদ্দেশে গলিত চিকুরে
কান্দিয়া মুক্ত কণ্ঠে,
উর্দ্ধ্ব শ্বাসে স্থলিত চরণে
ধাইছে বায়ু বেগে ॥
ব্যস্তা ত্রস্তা স্ফুরিত অধরে
উত্তরে সেই খানে,
দেখে মাদ্রী যত পতিলরে
ভূমি পৃষ্ঠে শয়না।
মূচ্ছাক্রান্তা চমকিত পৃথা
দেখিয়া এ অবস্থা,
বাতাঘাতে পতিত কদলী
প্রায় লুপ্তে ধরাতে ॥
মুচ্ছা ভঙ্গে বসিল উঠিয়া
কুন্তী কিঞ্চিৎ বিলম্বে,
হায়া শব্দে সতত করিছে

কঙ্কণাঘাত ভালে,
ভাসে রাণী নয়ন মলিলে
নিন্দ্রিয়া স্বীয় ভাগো,
সে মাদ্রীকে তবু কিছু কহে
শোক আক্ষেপ বাক্যে ॥
হে মাদ্রী এ সমুচিত বটে
সাধিলে স্বীয়কার্য্য,
পাপাচারে সমুচিত দিলে
শাস্তি মোরে সপত্তি !।
রূপোৎকৃষ্টা তুমি গুণবতী
হাব ভাব প্রকাশে।
কামেচ্ছাতে নিবিড় বিপিনে
আনিলে প্রাণনাথে ॥
ভর্ত্তা নাশে চিরদিন কিবা
রাখিলে কীর্ত্তি বিশ্বে,
পৃথ্বী মাঝে নিয়ত রহিবে
ঘোষণা একলক্ষ ।
এ ব্যাপারে বল কি হইবে
যত্ননা শুদ্ধ মোরে,
ভর্ত্তাভাবে তুমি কি নহিবে
তাপিতা বা অমান্যা ॥
মানা মাদ্রী অবগ করিয়া
তীব্র কুন্তীর বাক্য,
ধীরে ধীরে কয় যত্নরবে
ভাসিয়া অশ্রুণীরে ।
তোষামোদে নৃপতি পতিকে
আনি নাহি প্রযত্নে.
স্বচ্ছাচারে পশিল বিপিনে
দেখিতে বন্য শোভা ॥
কামে পাপে নাহি কভুরতা
নাছিল ভ্রষ্ট ইচ্ছা,
একেবারে বল করি ধরে
কাম বিভ্রান্ত রাজা ।

শাপোৎকণ্ঠা স্মরি বিধিমতে
বারিষাছি প্রবোধে,
কামোৎসাহে বধির হইয়া
না শুনে মোর বাক্য ॥
যে প্রাণেশে শরণ লইয়া
জীবিতা আছি লোকে,
হর্ষাজ্ঞানে তৃণ ময় গৃহে
থাকি যাহার সঙ্গে,
এ সৌহার্দ্য তাজি নিজবলে
কৈল সে দূর যাত্রা,
সেতুচ্ছেদে গভজল যথা
ছাড়িয়া পদ্মিনীকে ॥

সময়ে কিনা হয় ।

পূর্বপ্রকাশিতের পর ।

নায়েব মহাশয় উত্তর করিলেন
“ইংরে আমার বয়েস কত জানিস?”
রামহরি যদিও মনে মনে বিলক্ষণ জানে
যে তাহার প্রভু চুরাঙ্গিসের মুখ আর
পুনর্দর্শন পাইবেন না তবু কহিল
“আজ্ঞে আমার নিসেয় আপনার বয়েস
২৯ কি ৩০ বছরের বেশি হবে না।”
মহেশচন্দ্র ঈষৎ হাস্য পূর্বক কহিলেন
“এই আসুছে ভাদরে আমি ৩০ বছরে
পড়ব।”

রামহরি কহিল বাবু! “আপনার
অনেক বয়েস হয়েছে সতি, তবু চেহা-
রাটা কাভিকের মতন, মেয়ে মানুষে
তাকিয়ে দ্যাকে, সেদিন—”
রামহরির কথার পরিসমাপ্তি হইতে
না হইতেই মহেশচন্দ্র প্রশ্ন করিলেন

“সেদিন” একবার গলা ঝাড়িয়া”
সেদিন কি রে রামহরি?”

রামহরি একটু তটস্থভাব দেখাইয়া
কহিল “আজ্ঞে না, সেদিন, আজ্ঞে না,
কই কিছু না।”

মহেশচন্দ্র কোঁতুহলাবিষ্ট হইয়া জিজ্ঞা
সা করিলেন “বলনা, তাতে দোষ কি,
সেদিন কি?”

রামহরি ঠোঁট মুখ চাটিয়া আবার
কহিল “আজ্ঞে না, বেয়াতুবি হয়।”

মহেশচন্দ্র মেঘের নলপানির ন্যায়
একটু হাসিয়া কহিলেন “বেয়াতুবি কি
রে, বলনা, এখানেত আর কেউ নেই;
তুই যেটা যত বড় হচ্ছিস, তত যেন
বাঁদর হচ্ছিস। বলনা, সেদিন কি?”

রামহরি যেন ঈষৎ প্রাগলভ্য এবং ঈষৎ
লজ্জায় জড় সড় হইয়া মুখ নত করিয়া
বাবুর চুলে কলপ লাগাইতে লাগাইতে
কহিতে লাগিল “বলছিলাম কি, সেদিন
আপনি যখন বড় ঠাকুরটির বাড়ি থেকে
আহার করে আসছিলেন, তখন, ঐ
ঘাটের পথে হুটো বামনদের রংড় মেয়ে
দেখেছিলেন না”? কিন্তু রামহরি বিল-
ক্ষণ জানে ইহা সর্ব্বৈব মিথ্যা।

মহেশচন্দ্র না ও বলিতে পারেন না
ইঁ ও বলিতে পারেন না শেষে আমতা
আমতা ভাবে কহিলেন “আঁা রাম-
হরি, তাইতরে, কবে, বিষ্ণু! আসছিল
কি? আমি দেকিনি? দেকে থাকিব
মনে নেই” এই রূপ অর্ধেক সম্ভাষণে
অর্ধেক আম্মমনে কহিয়া শেষে রাম-
হরির চকু চাহিয়া কহিলেন “দেখে থাকিব
রামহরি, তাদের চেহারাটা ভাল মনে

নেই, কেমন ধারা বল দিকি যদি মনে
হয়।”

রামহরি উত্তর করিল “আজ্ঞে, দুটি
দেখতে পরি বিশেষ, খাটারি খাটারি
গড়নটি দোহারা গোচের; ওগো বাবু!
তাদের মধ্যে একজনের বে চুল, যেন
শামা ঠাকুরের চুলের মত পা পর্যন্ত
পড়েছে”—

নায়েব মহাশয়ের ধৈর্য্য অবলম্বন
হইল না, নাকে দীর্ঘ নিশ্বাস উঠিল গঙ্গা
যমুনার মিলনের ন্যায় তাঁহার মুখ বিনি-
র্গত “নিবিড় নিতম্বা” কথাটি দীর্ঘ
নিশ্বাসের সঙ্গে মিলিয়া আকাশগামী
হইল। শেষে রামহরির প্রতি সব্যাগ্র
প্রশ্ন হইল “তার পর কি হলো রে?”

রামহরি আবার কাণ চুলকাইতে চুল-
কাইতে আরম্ভ করিল তারপর আপনি
আগে আগে চলে এলেন শূন্যে পান্নি
আমি শূন্যাম তারা বলাবলি কচ্ছে,
দেখ্ দিদি! দিকির পুকুবাটি, ইচ্ছে করে,
পোড়ার মুখে বলিই বা কি করে, তা
বিধেতা যেমন কড়ে রাঁড়ি করেছে,
তা মনের সাদ মিটুই।” তারপর বড়ডা
শুনে বললে ‘চুপকর, কে শূন্যে, অমতে
অকচি কার, ও সব জোটা জোটা করা
কি ভাই আমাদের কাজ।’ তার
পর ছোট্টি বলে, ইঁগালা দিদি! ও কে
তা চিনিস্, বডডা বলে কেন ও যে ওই
কাচারির নায়েব, তা শুনেছোট্টা বলে
‘মাইরি দিদি! এমন ধারা রূপ আমি
কখনও চকে দেকিনি, যত পোড়াকপাল
কি আমরাই করিচিলাম।’ এই রকম
বলাললি কত্তে লাগলো।

নায়েব মহাশয় আঙ্লাদে আটখানা,
হোলা বিড়ালের মত গৌপ কুলাইয়া
কহিলেন, “সত্তিরে রামহরি। এই
রকম করে বল্লো?”

রামহরি অবিচলিত ভাবে কহিল
“আজ্ঞে আমি কি আপনার কাছে
মিথো কথা কইতে পারি।”

মহেশচন্দ্র হর্ষ বিস্ময়ে অভিভূত হইয়া
ক্ষণেক নিস্তব্ধ থাকিলেন। আপাততঃ
অন্য কোন কথা না কহিয়া অন্য কথা
পাড়িলেন “ইঁা, লোকে বঁলে বটে
আমার চেহারাটা দেখতে একরকম,
তা আমি যখন বিন্দাবনে ছিলাম,
আমার সেখানে অনেক বড় মান্দের
সঙ্গে খুব ভাব পীরিত ছিল, তা তাদের
বাড়ি গেলে পরে আমাকে দেখবার
জন্যে বাড়ির মেয়েরা কাতার দিয়ে
ডাঁড়াত, একটি বচ্চমের মেয়ে, আহা!
দিবু মেয়েটি রামহরি! বলব কি যেন
পরি বিশেষ, আমাকে দেকে আমার
সঙ্গে কণ্ঠ বদল করবার জন্যে পাগল
হইছিল।”

রামহরি অমনি জিজ্ঞাসা করিল “তা
কণ্ঠ বদল কল্লেন?”

মহেশচন্দ্র, “না, তা কি করে হবে!
আহা! সে একদিন এসে আমার পা
পর্যন্ত ধল্লো; কিন্তু আর এক জনেরও
আমার ওপর মন ছিল, তা সে অমনি
টের পেয়ে এসে ঝগড়া নাগালে।”

রামহরি, “তারপর কি হলো? এখা-
নেই কতজন পাগল, আপনি সব জানতে
পারেন না।” এই বলিয়া রামহরি
মুখনিচু করিল।

নায়েব মহাশয় আঙ্লাদে কুলু খেগো
ছাগলের মত মুখ ব্যাদান করিয়া কহি-
লেন “তার পর ঝগড়া খামলো বটে,
কিন্তু কণ্ঠ বদল না হওয়ার বচ্চমের
মেয়েটা পাগল হয়ে গেল, আমাকে
কেউ কেউ নিষ্ঠুর বলতে লাগলো।
বিন্দাবনে আমি এমনি হইছিলাম যে
রাস্তায় বেকলেই আমাকে দেখবার
জন্যে দোখারি মেয়ে ভাঙ্ত।”

রামহরি, “বাবু! আপনার তিখি
গুণো সবই করা হয়েছে, রামহরি মনে
মনে বেশজানে যে একবার দায়ে পড়ে
বাবু বুদ্ধাবন মাত্র দিন দশেকের জন্য
গিয়াছিল।

মহেশচন্দ্র ধূঁত বুঝিয়া কহিলেন “ও!
আমি যে কত তিখ বেড়িইছি, তা
বলতে পারিনে, আমি এই নাগাড় ১৪
কি ১৫ বছর ধরে তিখ ভ্রমণ করি,
আমার যখন ১৬ বছর বয়েস তখন
আমি বাহির হই, ভাল কথা! আমি
যখন এই সেতুবন্ধ রামেশ্বর ছিলাম,
তখন একজন পশ্চিমে রাজা সেখানে
তিখ কত্তে এসিছিল আমার সঙ্গে তার
বড়ই প্রণয় হয়; আবার তার মেয়ে
আমাকে দেখে এমনি মোহিত হয়ে
গিছিলো যে রাজা একদিন আমাকে
বল্লো যে আমার সঙ্গে তার বিয়ে না হলে
সে বাঁচবেনা; তাতে আমি অনেক
ওজর আপত্তি কল্লাম; তারপর আমার
নামে তার রাজত্ব পর্যন্ত লিখে দিতে
চাইলে।”

রামহরি, “তা বিয়ে হলো।”
মহেশচন্দ্র। “না বিয়ে হয় হয় এমন

সময় বাড়ি থেকে খবর পেলাম যে আমার বিষয় আশায় গুলো একেবারে নষ্ট হয়ে যাচ্ছে, কাড়েই আমি থাকতে না পেরে বাড়ি চলে এলাম, ওদিকেও ফস্কে গেল।”

রামহরি। “বাবু! সে রামেশ্বর কোন দিকে, সেখানে কি লোকে আমাদের মতন এইরকম কথা কয়।”

মহেশচন্দ্র। “কেন রামেশ্বর এই যে পশ্চিমে, সেখানকার লোক ব্রজবুলি বলে।”

রামহরি। “আপনার যেমন রূপ তেমনি কথাবাত্তা মিষ্টি তা এতে রাজ কন্যা ভুলবে না।”

মহেশচন্দ্র তাহাতে রসান দিয়া কহিলেন “হাঁ! আমি যেখানে যাই, এমনি গোলে পড়ি তা আর কি বলব। যখন বিন্দাবনে ছিলাম তখন মনে কল্পে নতুন রুক্ষ নিলে কর্তে পার্তাম, তা যাই হোক বড় সুখের যায়গা, আহা যেন স্বর্গ, কোন অভাবই ছিলনা। মনে কল্পেই সব হতো; বৈকুণ্ঠেতেও তেমন সুখ মেলেনা। চুলে কলপ দেওয়া হলো?”

রামহরি উত্তর করিল। আজ্ঞে হাঁ! হয়েছে; জামা কি এই ছিটের জামা দেব, সাদা গুলো কেমন বুড়ুটে গোচ দেকার, আপনাদের বড় মানায় না।”

নায়েব মহাশয়ের উত্তর, তখাস্ত।

রামহরি নায়েব মহাশয়ের বেশভূষা করিয়াদিলে পর শেষোক্ত জিজ্ঞাসা করিলেন “সেই যে বামনের মেয়ে হুটো তা কিছু কি হয় না।”

রামহরি চোঁট চাটিতে চাটিতে কহিল “আজ্ঞে আজ্ঞে তা হতেও পারে তবে দেখতে হবে।”

নায়েব ইহা শুনিয়া বাকস খুলিয়া পাঁচটি টাকা লইয়া রামহরির হাতে দিয়ে কহিলেন, “এই নে, কিছু খরচ খরচা চাইত; আর দেখ আমি চলাম, ভাত যেন আমার ঘরে রেখে দেয়। কেউ আমার কথা জিজ্ঞেস করে ত বলিস যে আমার ব্যামো হয়েছে তাই ঘরে আছি, কাঙ্ সঙ্গ কথা কইতে পার্কো না।”

রামহরি যে আজ্ঞে বলিয়া প্রত্যুত্তর প্রদান করিল।

নায়েব মহাশয় প্রস্থান করিলেন। তৎপরে রামহরি ধিরে ধিরে হরনাথের নিকট গমন করিল এবং উভয়ে একান্তে নানা কথা বার্তা কহিতে লাগিল। ইহার দ্বারা বোধ হইল যে রামহরি হরনাথের পক্ষে স্বগাম্পদ নহে, এবং হরনাথও রামহরির নিকট অবিশ্বাস স্থল নহে। ক্রমে রাত্র অধিক হইল, হরনাথ পূর্ক-রাত্রের ন্যায় বস্ত্রাবৃত হইয়া দ্বার উন্মোচন পূর্কক ধিরে ধিরে প্রান্তর মুখে প্রস্থান করিলেন।

৯।—বৃদ্ধ ব্রাহ্মণের বাড়ি।

যখন কাছারিতে নায়েব মহাশয়ের বেশভূষাদি হইতেছিল সেই সময়ের কিঞ্চিৎ পূর্কে গ্রামের মধ্যভাগে নায়েব মহাশয়ের সঙ্গে আলাপকারি ব্রাহ্মণের বাড়িতে নিম্নলিখিত বিষয় গুলি ঘটয়াছিল।

বৃদ্ধের বাড়িটি একটা চৌঘরা কোটা, তাহার লাগাও পূজার দালান; চতুর্দিক

প্রাচীরে বেষ্টিত, কিন্তু সম্মুখ ব্যতীত প্রাচীরের অপর তিনধারে বেত্রবন ও কচুবন রহিয়াছে, বিশেষতঃ খিড়্কির দিকের বন কিছু প্রগাড়রূপ এবং তৎপার্শ্বে একটি গর্ত আছে।

সন্ধ্যা হইয়াছে। বৃদ্ধট বাড়ি নাই, তাহার পুত্রটি বাহির বাড়িতে বসিয়া আছে। অন্তঃপুর মাঝে বৃদ্ধের স্ত্রী সাংসারিক কাজ কর্ণে ব্যাপৃত রহিয়াছে। কন্যা দুইটি কার্ণে কিঞ্চিৎ অবসর পাইয়া পরস্পর স্নেহভাবে বাক্যালাপ করিতেছে।

ইহাদের মধ্যে একজন কহিল “হ্যাঁ! নিরো! বাছুরটো গোরালে বেঁদেচিস্, নয়ত ভাই মা আবার একুনি মুক কর্ণে।” ছোটটির নাম নিরুপমা বড়টির নাম অনুপমা। প্রথমটির বয়স্ক্রম ১১ বৎসর দ্বিতীয়টির বয়স্ক্রম ১২ বৎসরের কিঞ্চিদধিক। উভয়েই সম্ভবত স্ত্রী, কিন্তু বড়টির স্ত্রীই উৎকৃষ্ট।

নিরো উত্তর করিল “বেঁদেচি দিদি” অনুপমা কহিল “বাইরের সব কাজ টাজ ত হয়েছে, তা তুই আর বাইরে না-বিস্নে কো, সেই দেবতা ডাকার সময় হয়েছে।”

ইহা শুনিয়া নিরুপমা কহিল “না দিদি আমি এখন আর বাইরে না-বচিনে, কেন আমার কাজত সব হয়ে গিয়েছে” ইহা বলিয়া নিমেষমাত্র নিস্তরু থাকিয়া আবার কহিল মাইরি দিদি! “সে সন্নিসি মিলে কালকে (তানামকতে নেই) অগ্রাহি করে তাকে ধরে দেব বলে গেল, আর ফিরে এলো না, হয়ত দিদি তাকে

বাড়ি মটকে মেরে ফেলেছে নয়ত এলোনা কেন? আজ একনও এলোনা, আহা গরিবের বাচা, তার মা হয়ত কত কাঁদবে”। এই বলিতে বলিতে নিরুপমার মুখস্রী ম্লান হইল! নিরুপমার সরলতামর হৃদয়ে অত্যন্ত দুঃখের আবির্ভাব হইল, কিন্তু তাহা অস্পষ্ট ভাবে। সরলচিত্তকে শত ধন্যবাদ! আহা তাহা কি প্রাকৃতিক, নির্মল, এবং সরলভাবের আকর।

অনুপমা সহোদরার বাক্য শুনিয়া ঈষৎ হাঁসিলেন এবং তখনই ম্লানভাব ধারণ করিলেন। সরলমনে কখনই কুটভাব স্থান প্রাপ্ত হয়না, সকল বিষয়ই নির্মল প্রতি-মূর্তি প্রদান করিয়া থাকে। অনুপমা বয়সিকাবশতঃ দর্শনের আধিক্যে মনোর-মার বাক্যে ঈষৎ হাসিলেন; কিন্তু তিনি বালসুলভ সরলতার হাত ছাড়াইতে পারেন নাই, সুতরাং পরক্ষণেই নিরু-পমার ন্যায় ম্লান ভাবাপন্ন হইলেন। যাহা হউক নিরুপমার কথার শেষে উত্তর করিলেন “সন্নিসির কি মা বাপ আছে। তারজন্যে আর কে কাঁদবে ভাই।”

নিরুপমা আবার কহিল “রাত হলো ভাই, বাবা এখনও এলেন না, মা কি কচ্ছে দিদি?”

অনুপমা কহিল “মা ভাই রান্ছে।” এমনি সময় গৃহস্বামী বাঁচি আসিয়া উপস্থিত হইলেন। অনুপমা কার্ণান্তরে উঠিয়া গেলেন। নিরুপমা চিন্তামগ্না হইয়া আপনস্থানে বসিয়া রহিলেন। গৃহস্বামীর আগমন সম্বাদ পাইয়া গৃহিণী দৌড়িয়া আসিলেন এবং নিরু-পমার দিকে চাহিয়া কহিলেন “মা

নিরো! রান্নাঘরটা দেখিসুত যেন কিছু যায়না। ”

নিরুপমা প্রস্থান করিল।

গৃহিণীর বয়সক্রম প্রায় ২৪ বৎসর হইবে, বর্ণ গৌর, হাত পা গুলির গোল লাল গঠন, মুখখানি টলটলে, চকুহুটি টানা, ভঙ্গিটি চঞ্চল, কিন্তু সে চঞ্চল্য প্রকাশ নাই, তথাপি বহুদর্শীর নয়নে সে চঞ্চল্য যে কৃত্রিম আবরণের দ্বারা আবরিত তাহা বিলক্ষণ অনুভব হয়। যাহাহউক গৃহিণীর মূর্তিখানি সর্কাজ সুন্দরী তাহা নহে, তবে সুন্দরী এই পর্য্যন্ত। যেমন দেখিতে পাওয়া যায় তাহাতে তাঁহাকে স্বামীর প্রতি ভক্তি-মতী, স্বামীর অপরিপক্কীয় পুত্র কন্যা-গণের প্রতি স্নেহময়ী এবং সংসারের প্রতি ভারসহা বলিয়া বোধ হয়। স্বামী-ভক্তি তাঁহার অত্যন্ত প্রবল। সকল নফ্র হইলেও স্বামী স্মৃতিস্মারকালে হস্ত স্মৃতিগিত করেননা।

গৃহিণী ব্রাহ্মণকে বসিতে আসন প্রদান করিয়া আদর ও ভক্তিমিশ্রিত ভৎসনার কহিলেন “ তোমার কি কিছুতেই ভয় ভূতো নেই, আপনটা নিয়ে এমন খেলা কর্তে আর কাহাকে দেখিনি, ছি মেনে, তোমাকে বলবইবা কত, তুমি যত বড় হচ্ছ ততই তোমার সগলতাতেই আলগি পড়ছে। তান! আমাদের ওপরেও ত দয়া মায়া রাখতে হয়, নিজের জন্যে নয় নাই রাখলে, আমাদের মুখত তাকাতে হয়, সেই একটা ভয় হয়েছে, না হয় এটু সাবধান হয়ে চল্লই বা, তুমি তা ভাবনা কিন্তু আমাদের

প্রাণটা বোঝে কই? এই এতকণ ঘর বার করে মচ্ছিলাম, মনে কত খানাই উঠছিল। তুমি পুরুষ, মনে কিছু ভাবনা কিন্তু আমরা মেয়ে মানুষ, ছার প্রাণ আমাদেরত প্রাণ বোঝেনা; আর বল-বই বা কত। ” গৃহিণী তর তর করিয়া এই কথাগুলি ব্রাহ্মণকে শুনাইলেন।

বৃদ্ধ ব্রাহ্মণ আপনার প্রতি গৃহিণীর টান দেখিয়া মনে মনে বড়ই আশ্লাদিত হইলেন। শেষে একটু হাঁসিয়া কহিলেন “ আ হাবি! আমার জন্যে ভাবনা কি আমি বড় মানুষ আমাকে ভূতে কি লোভে মারবে। ”

গৃহিণী শুনিবামাত্র মুখভঙ্গিমা ঈষৎ নীলিম করিলেন কিন্তু অনতিবিলম্বে কহিয়া উঠিলেন; “ পোড়া কপালের দশা! ওকি কতার স্ত্রী! যাহোক মেনে, তুমি এমন করে রাত ভেঙ্গোনা। ”

অধিক কথা কাটাকাটির শেষ করিতে ও এ বিষয়ের সত্তর মীমাংসার জন্যে ব্রাহ্মণ ঈষৎ হাঁসিয়া আবার কহিলেন “ আচ্ছা যাও, পা ধোবার জল আনগে, আমার রাধারাগীর লুকুম আর বেদ দুই সমান আর রাতে বেরোবনা। ”

ব্রাহ্মণীর মুখ প্রফুল্লিত এবং হাঁসাময় হইল শেষে “ যাও আর বকোনা ” বলিয়া পা ধোবার জল আনিবার নিমিত্ত অন্ত-র্হিতা হইলেন।

ব্রাহ্মণ একাকী বসিয়া আপন মনে ভাবিতে লাগিলেন “ আহা! আমারই যথার্থ স্মৃতির সংসার। স্ত্রীরত্রে এমন স্মৃতি এ কে জানত, এ আগে জানলে কি এতজনকে চখেরজলে ভাসাতাম।

আহা! আমার জন্যে কত কত স্ত্রী যে দিবে রাত্তির চখেরজলে ভেসেছে কে বলতে পারে। যাহোক গৃহিণীটি সাক্ষাত লক্ষ্মী, এমন দয়া মায়া, এমন স্বামীর প্রতি ভক্তি শ্রদ্ধা, এমন পতিব্রতা আর দেখাযায়না, গৃহিণীটি আমাবই আর জানেনা। যাহোক আমার শেষ দশায় যে কপালে এত সুখ হবে তা কে জেনেছিল। ”

ব্রাহ্মণ যখন এইরূপ ভাবনায় মগ্ন আছেন এমন সময় ব্রাহ্মণী জলের পাত্র লইয়া তথায় আসিয়া উপস্থিত হইলেন। গৃহিণী আপন হস্তে স্বামীর পদ ধৌত করিয়া নিতম্ব বিলম্বিত নিবিড় কেশ রাশিরদ্বারা মুছাইয়া দিলেন।

ব্রাহ্মণ প্রত্যহই বলিয়া থাকেন, অদ আবার মনটা পূর্বকথিত মনোময়ী বাক-চাতুরিতে প্রশান থাকায় কিছু বেশি করিয়া বলিতে লাগিলেন; “ তোমার ও এক দশা, রোজ রোজ এমন করে চুল দিয়ে মুছিয়ে দেও, এ জল লেগে যে বেয়ারাম হবে মারাযাবে, বল্লত শুনবেনা। ”

ব্রাহ্মণী শুনিয়া বিনয়নম্রবদনে উত্তর করিলেন “ তা হোক, এতে আমার প্রাণ যায় তাহাও স্বীকার, ব্যামোত তুচ্ছ কথা; তোমার পা মুছব তাতে আবার কতা; এতে যদি ব্যামো হয়, তবে এমন শরিল থাকলেই বা কি না থাকলেইবা কি; শরিলের জন্যে আমার পরকালের কাজ হবেনা? সোয়ামি গুরু, তোম-রাই ত বল, যে মেয়েলোকের পক্ষে সোয়ামিই সগলদেবতা, তাঁর সেবাকল্পেই

সব হলো। তা আমি ব্যামোর খাতিরে এমন দেবের দুস্তভ সোয়ামির সেবা কর-বোনা, তুমি বই আমার আচে কে। ”

বৃদ্ধের মন গৃহিণীর বাক্যে দ্রব হইল, এবং এমন স্ত্রীরত্ন লাভে স্বীয় জন্ম সার্থক জ্ঞান করিলেন; আনন্দে তাঁহার বাক্য স্কৃতি হইলনা। কি বলিয়া যে ব্রাহ্মণীর এই গুলি প্রেমপূর্ণ ও ভক্তিপূর্ণ কথার প্রত্যুত্তর দিবেন তাহা রসনার আসিলনা কলির বিপরিত ভাব রসে রসনা নীরস হইল। শেষে ব্রাহ্মণীর বাক্যগুলি আশ্রয় অতিপ্রায় সম্মত ও অত্যন্ত মানস মনো-হারিণী জানাইবার নিমিত্ত আশ্রয় ব্যাস্তে ব্রাহ্মণীর কপোলদেশে একটি চুষন করি-লেন।

ব্রাহ্মণী যেন আনন্দে গলিয়া গেলেন। শেষে প্রতিচুষন করিয়া যেমন মুখ ফিরাইবেন, অমনি ব্রাহ্মণীর প্রাণ শিকায় উঠিল ও চকু নীরাভিষিক্ত হইল। কারণ চুষনকালিন বৃদ্ধের দন্তে কামিনীর কপোলদেশস্থ কোমল চর্মাঘাতে আঘাতিত হওয়ায় দর দর করিয়া মুখ হইতে শত ধারায় শোণিত নির্গত হইতেছিল।

বৃদ্ধ দন্তহইতে রক্ত স্রবণের জ্বালায় অস্থির হইয়া মাথায় হাত দিয়া অধো মুখে বসিয়া পড়িলেন এবং রক্তপাতে সায়ংসন্ধ্যা বাদ পড়িল বলিয়া খেদ করিতে লাগিলেন।

ব্রাহ্মণী শিশ্র জল লইয়া ব্রাহ্মণের মুখে প্রদান করিয়া অঞ্চলের দ্বারা মুখ মুছাইয়া দিলেন, যথেষ্ট শোক প্রকাশ করিতে লাগিলেন, এবং আপনার

কপোলদেশ স্ত্রীজনমূলভ কোমলতা সত্ত্বেও এই ঘটনার কারণ জানিয়া আশ্রয় দিকার করিতে ক্রটি করিলেন না।

ব্রাহ্মণ ব্রাহ্মণীর যখন এইরূপ অভিনয় হইতেছে, এমন সময় ব্রাহ্মণের পুত্রটি তথায় আসিয়া উপস্থিত হইলেন। ইহার নাম গোপাল চন্দ্র, বয়সক্রম ২১ বৎসর। দেখিতে গোরোও নয় শ্যামবর্ণ-ও নহে, দীর্ঘাকার, মস্তকে নিবিড় কেশ-রাশি, ললাট উন্নত, চক্ষু মগ্ন কিন্তু প্রসস্তু সতেজ, নাশিকা মানানমত, রগ হুটি ঈষৎ টেপা এবং বদন দেশের নিম্নভাগ ঈষৎ কোণাকার। এই খুঁত গুলি না থাকিলে মুখ খানি সর্বদা সুশ্রী হইত; শরীর একহারা, গায়ে মাংস নাই, পঞ্জরাস্থি বাহির হইয়াছে, একে দীর্ঘাকার, তার গায়ে মাংস নাই, এই সকল কারণে তাঁহাকে ঈষৎ কোলকঁজো দেখায়। গোপালচন্দ্রের বিদ্যালয়ে অধ্যয়নের সীমা ধরিলে তাহা যৎসামান্য। কিন্তু সেই তাঁহার বিদ্যার সীমা নহে। বিদ্যালয় পরিত্যাগের পর তিনি আশ্রয় চেষ্টিয়া নানা বিবয়ে দর্শন লাভ করিয়াছেন, কিন্তু কোন বিষয়েই বিশেষ দর্শন নাই। তাঁহার প্রকৃতি ধীর, চরিত্র একরূপ নির্মল, ধর্মবিষয়ে আপন যুক্তির আশ্রয় গ্রহণ করেন। যদিও তিনি ধীর তথাপি ভিত্ত নহেন এবং অন্যান্য বিষয়ে তেজস্বিতা দেখাইতেও ক্রটি করেন না। তিনি লৌকিক সুখ্যাতি অখ্যাতির তত বশবর্তী নহেন।

গোপালচন্দ্র বাটীর মধ্যে আসিয়াই পিতার হৃদয় দেখিলেন এবং “কি

হয়েছে” বলিয়া ব্যগ্রতা সহকারে পিতার নিকট আসিয়া উপস্থিত হইলেন।

গোপালকে সমাগত দেখিয়া ব্রাহ্মণী ঘোমটার মুখ ঢাকিয়া সরিয়া দাঁড়াইলেন। ইহাতে বুদ্ধের মনে কিঞ্চিৎ বিরক্তির উদয় হইল এবং সেই ভয়দন্তের জ্বালার শোস টানিতে টানিতে কহিলেন “নেও তোমার সব বাড়তি—উহু—এ কাচ আর তোমার গেলো না,—আ! উ! গোপাল ছেলে—উ!—ছেলেকে দেখে ঘোমটা দেয়—উ! এমনত দেখিনি উ!—তোমাকে বলবই বা কত—উহু! গেলাম! গেলাম!” ব্রাহ্মণ আর অধিক ভৎসনে অসমর্থ হইলেন।

গোপাল অত্যন্ত উৎকণ্ঠিত ভাবে জিজ্ঞাসা করিলেন “বাবা! ও কি হয়েছে, এত কষ্ট কিসে হলো দাঁতের গোড়া দিয়ে যে ঝলকে ঝলকে রক্ত গড়িয়ে পড়ছে!”

বুদ্ধ অনেকক্ষণ পরে ধীরে ধীরে উত্তর করিলেন “না বা—উ!—বলব কি, বাবারে বুড়ো বয়েসে এতও কপালে ছিল” বলিয়া আবার মুখ চাপিয়া বসিলেন।

গোপাল অস্থির হইয়া অধীরভাবে বিমাতার দিকে চাহিয়া জিজ্ঞাসা করিলেন “মা কি হয়েছে গা, বাবা এমন করেন কেন?”

মা উত্তর না দিয়া আর আধহাত পরিমিত ঘোমটা টানিয়া কোণে মুখ ঘুঁসিয়া দাঁড়াইলেন। গোপাল নিরাশ

ভাবে ফ্যাল ফ্যাল করিয়া পিতৃমুখ চাহিতে লাগিলেন।

বুদ্ধ দেখিলেন কিছুতেই নিস্তার নাই কি উত্তর দিবেন ভাবিয়া ঠিক করিতে না পারিয়া কাতরাইতে কাতরাইতে নীরব হইয়াছিলেন, তবু গোপালের নিকট পরিচয়ের দায় এড়াইতে পারিলেন না। শেষে কাতর ভাবে পরিচয় দিতে লাগিলেন “মুখ উচু করে চালি থেকে আসন পাড়চিলাম এমন সময় চালির উপর থেকে পানের ডিবে মুখে পড়ায় স্রু মুখের নড়ো দাঁতটায় লেগেছে।”

এই পরিচয় গোপালের কর্ণে বিশ্বাস মূলক বলিয়া বোধ হইল, ব্রাহ্মণ ব্রাহ্মণীরও ঘাম দিয়া জ্বর ছাড়িল। গোপাল শেষে ভগ্নিদয়কে লক্ষ্য করিয়া সক্রোধ ভাবে কহিলেন “সে রাঁড়ি হুটো কি কচ্ছে, তারা এ সন্ধের যাগটা আস্টা করে দিতে পারে না কি?”

ব্রাহ্মণ শুষ্ক আকাশ পাতাল ভাবিয়া কহিলেন “না বাবা! তাদের দোষ কি, তারা সমস্ত দিন খাটে খাটে কেউ বসে থাকেনা, আমার দিকি, তাদের কিছু বল না।”

গোপাল এবিষয়ে আর কোন কথা না কহিয়া বিমাতার প্রতি লক্ষ্য করিয়া কহিলেন “কাল রাত্রে যে সন্ন্যাসী ঠাকুর এসে ছিলেন আবার আজ এয়েছেন এখানেই জল টল খাবেন, মা শীঘ্র তার উদ্যোগ করুন।” ব্রাহ্মণীর গাত্রবস্ত্র ঈষৎ নড়িয়া উঠিল বোধহয় কাপড় সর করিতে গিয়ে ওরূপ হয়ে থাকবে। গোপাল চলিয়া গেলেন। ব্রাহ্মণী ঘোমটা খুলি-

লেন এবং কহিলেন “তুমি নিত্যই ঘোমটা দিতে বাধ্য কর ওকি দশা। আমি কি তা পারি, ও হলো সোমত ওত পেটের ছেলে নয়”

ব্রাহ্মণীর এই কথা শেষ হইতে নাহইতে ব্রাহ্মণ ওকথায় কাণ না দিয়ে কহিলেন “কি আপদ ছেলে পিলের কাছে—তা যাহোক যাও সন্ন্যাসী ঠাকুরের জলযোগের আয়োজন করগে।”

(ক্রমশঃ)

অজ-বিলাপ রঘু-বংশ হইতে।

ব্যজন সাধন পরে অজ সচেতন ইন্দুমতী কোন ক্রমে নাইয় তেমন, পরমায়ু অবশিষ্ট থাকিলে নিশ্চয় চিকিৎসক চেষ্টিয়াসদা পূর্ণ ফল হয়। তন্ত্রী হীন বীণা সম পতিত ধরায় তুলি ক্রোড়ে করে রাজা মহিষীর কার। বিবর্ণ শরীরে লয়ে অঙ্কের উপর, বিভাবরী অবসানে যথা নিশাকর লোক-লক্ষ্য যুগ-লখা করিয়া ধারণ ধরিল। সেরূপ রূপ অজ সেইক্ষণ। স্বাভাবিক ধীরতরে করিয়া ত্যজন স্থূলিত স্বরেতে বহু করিল রোদন, তাপিত হইয়া যদি লৌহ যুহু হয় শরীরীর কিবা কথা অথবা বিশ্বয়? “হায় রে শরীরে যদি হইয়া লগন স্কুমার কুমুদ ও হরয় পরাণ, ধরাতলে কিবা তবে আছে বিদ্যমান প্রহর্তা বিধির যেই না হবে সাধন। অথবা কোমল বস্ত্র করিবারে ক্ষয় কোমলের ব্যবহার শমন করয়,

হিম-সেক-বিগলিত-নলিনী-দশায়
 পূর্ব হতে নিদর্শণ আছে এ কথায় ॥
 হৃদয়ে রাখিলে কেন না হয় মরণ
 সত্য যদি এই মালা মরণ কারণ,
 ঈশ্বর ইচ্ছায় কভু অমৃত গরল
 বিষম বিষও কভু সুখা নিরমল ॥
 বিধাতা এখন কিবা করিল সৃজন
 কপাল দোষেতে মম অশনি নূতন,
 আশ্রয় পাদপে যেই না করি পীড়ন
 আশ্রিত বল্লরী দলে করিল হমন ॥
 অপরাধ করিলেও হওনি মলীন
 এমনি স্বভাব তব জানি চির দিন,
 একেবারে কেন প্রিয়ে, বুঝি না কারণ
 নিরপরাধীরে নাহি কর সম্ভাষণ ॥
 ভেবেছ নিশ্চয় মোরে, কপট হৃদয়
 বাহু হাব ভাব মাত্রে দর্শিত প্রায়,
 নাহি কভু যথা হতে পুনরাগমন
 হেন পরলোকে গেলে বিনা আমন্ত্রন ॥
 মদীয় জীবন করি তবাত্মগমন
 পুনরপি প্রত্যাগত কিসের কারণ ?
 সমুচিত সহিতেছে অসহ যাতনা
 করিলেই দোষ আছে উচিত শাসনা ॥
 সুরত শ্রমোপজাত শ্রম-বারি চয়
 বদনে এখনো তব আছে বিদ্যমান,
 ক্ষণেকের মাঝে তব বিগত পরাণ,
 শরীরীর অসারতা ধিকরে নিশ্চয় ॥
 মনেতেও কভুপ্রিয়ে বিপ্রিয় উদয়
 হয়নি তবুও কেন করিলে ত্যজন ?
 ক্ষতিপতি আমি এতো কেবল বচন
 তোমাতেই রতি মম সদা সাতিশয় ॥
 কৃষ্ণিত ভ্রমর নীল অলক নিচয়
 কুসুম খচিত্তে করি কম্পন পবন
 করভোক ! করে মম মনেতে উদয়,

ঈশ্বর কৃপায় বুঝি পাইলে জীবন ॥
 অতএব উচ্চ প্রিয়ে পাইয়া চেতন
 মনের বিবাদ মম কররে হরণ,
 নিশীথে ওষধি যথা পাইয়া প্রকাশ
 হিমাচল কন্দরের তমঃ করে নাশ ॥
 নিশি মাঝে প্রমুদিতা নলিনী যেমন
 অন্তরে স্থগিত তার ভ্রমর নিশ্বন,
 কম্পিত অলক তথা ত্বদীয় বদন
 বচন রহিত হয়ে পীড়িতেছে মন ॥
 দিবা পরে প্রিয় পাশে রজনী আসয়,
 নিশা পরে চক্রবাক প্রেয়সীরে পায়
 এ উভয়ে ধরে প্রাণ এসব আশায়
 চির কাল মত তুমি ছাড়িলে আমায়
 কেন না দহিবে মোরে অসহ জ্বালায় ॥
 মসৃণ কোমল নব প্রবাল শয়নে
 অর্পিত শরীর তব পাইত বেদনা,
 কর্কশ কঠিন এবে চিতা আরোহণে
 হবে না কি প্রিয়তমে অসহযাতনা ? ॥
 কালনিদ্রা বশে তব নাহি রে চেতন,
 সবে জিনি গুণে কলিমা ললনা
 এখন নীরব, বিজ্ঞানেশ্বর বিনা
 তব সহ তারো যেন ঘটিল মরণ ॥
 কোকিলে রহিল তব মধুর ভাষণ,
 কলহংস কুলে তব মধুর গমন,
 হরিণী নয়নে তব বিলোল বীক্ষণ,
 বায়ু-ধূত লতা পুঞ্জ তব বিলসন ॥
 সত্য বটে রেখেগেছ এই সব গুণ
 ত্রিদিব গমন কালে ভাবিয়া আমায়,
 কিন্তু প্রিয়ে এ বিরহ অতীব দারুণ
 হৃদয়ের শান্তিকর নহে এরা হায় ! ॥
 ফলিনী ও সহকার এই যে সম্মুখে
 ইহাদের দ্বন্দ্ব ভাব করিলে সৃজন
 বিবাহ সংস্কার কিন্তু নাহি হল সুখে

অন্যায় নহে কি তব এমন গমন ? ॥
 দোহদ অগোকবরে করেছিলে দান
 তাহে উপজিবে যবে কুসুম নিচয়,
 অলকের আভরণ না করি তাহার,
 কেমনে সাধিব তারে লয়ে পিতৃদান ? ॥
 সুপূর শিঞ্জিত সহ চরণ আঘাত
 অন্যের তুল্য তাহে করিয়া স্মরণ
 অশোক পাদপ করি কুসুমাক্রপাত
 স্মৃতহু ! তোমার লাগি করিছে রোদন ॥
 লয়ে শ্বাস-সম-গন্ধি বকুল-মুকুল
 মিলে দোহে আধ গাঁথা বিলাস মেখলা
 হল না সম্পূর্ণ যবে লয়ে আরো ফুল,
 এইকি কিম্বরকাণ্ঠ ! শয়নের বেলা ?
 সম-সুখ-হুঃখ-ভাবে আছে সখী-জন
 নব-শশি-সম এই শোভন তনয়,
 ঐকান্তিক আছে তাহে আমার প্রণয়
 নিশ্চয় নির্ভুর তব ব্যাপার এমন ॥
 আজগত হল রতি, ধৃতি অন্তমিত,
 নিকৎসব ঋতসব, বিবত সঙ্গীত,
 আর প্রয়ো জন,
 শূন্য হল তা পায় শয়ন ॥
 গৃহিনী সচিব ছিলে, সুবুদ্ধি সখায়,
 জানাবিধ গীতবাদ্যে প্রিয় শিষ্যতায়,
 অকরণ নিদাকরণ করিয়া হরণ
 তোরে কিনা হরে নিল হুরাত্মাশমন ?
 মদিরাক্ষি ! মুখ হতে মধু স্মমধুর
 পান করি কিরূপেতে করিবে সেবন,
 তাপ প্রাপ্ত অক্রপাত করি যে প্রচুর
 জলাঞ্জলি পরলোকে করিব প্রেরণ ॥
 এখনো বিভব যদি আছে বর্তমান
 হবে না তবু ও কভু অজ সুখোদয়,
 অন্য সব প্রলোভনে অনাক্ষয় মান,
 ত্বদধীন সব মম বিষয় নিশ্চয় ॥

শোক রসে বাঁধা হেন ককণা বিলাপ
 কোশল অধিপ করি প্রিয়ার কারণ,
 অচেতন গণেরও জনয় সম্ভাপ
 ক্রুত মকরন্দ হৃষ্ট তদা তরুণ ॥
 বহু কক্ষে কেড়ে লয়ে ক্রোড় তহে তার
 প্রেয়সী শরীর সবে মিলিয়া স্বজন,
 সেইফুলে সাধি তার অন্তিম মগুন
 অর্পিল অনল মাঝে চন্দন চিতার ॥
 'সুবোধ নৃপতি হয়ে তাজিল পরাণ
 নারী শোকে হেন নিন্দা ভুবন ভিতর'
 হবে ভাবি নাহি পড়ে চিতার উপর,
 নতুবা ছিল না তার জীবনে তেমন ॥

লর্ড নর্থ ক্রুক মহোদয়ের অভিপ্রায়
 ও তৎসমালোচনা ।

কলিকাতা মেডিকেল কলেজে ছাত্রীয়
 পুরস্কার বিতরণ দিবসে, গবর্নর জেনে-
 রেল লর্ড নর্থক্রুক, এরূপ বলেন—
 “১৮৫৪ সালের যে এক শিক্ষা সম্বন্ধীয়
 নিয়ম বিধি প্রচারিত হয়, আমি তাহার
 পাণ্ডুলিপি প্রস্তুতকরি, ১ বৎসর পরে
 দেখাগেল সেই ডিম্পেস্ অল্পসারে
 ভারবতর্ষে শিক্ষাকার্য সম্পাদিত
 হইতেছে, আমি উচ্চশিক্ষার অত্যন্ত
 পক্ষপাতী, পাশ্চাত্যসাহিত্য চর্চা
 ব্যতীত বাঙ্গালীদিগের অভিজ্ঞতা
 লাভের উপায়ান্তর নাই আমরা জা-
 নিতাম সর্ চার্ল উড সেই ডিম্পেস্
 প্রচার করান, ইনি যে আমাদের তাদৃশ
 অসাধারণ উপকার সাধন করিয়াছেন এত-
 কাল তাহা আমাদের অবিদিত ছিল
 জানিতে পারিয়া তন্নিমিত্ত ধন্যবাদ
 দিতেছি, ‘সংস্কৃত আরবী পারশী

প্রভৃতি ভাষাগুলির প্রতি ও উৎসাহদান-
করা উচিত, কিন্তু সাধারণ লোকের শিক্ষা
ও আমার ইচ্ছা।”

আমাদের নিকপায় হত্যাদর মৃতপ্রায়
ভাষাগুলির প্রতি যে রাজপ্রতিনিধি
প্রধান শাসনকর্তার শুভদৃষ্টিপাত হই-
য়াছে, বড়ই আশ্চর্যের বিষয় এই কারণ
প্রধান শাসনকর্তা আমাদের ধন বাদেই
এতদেশীয় উপায়হীন চিরকাল অজ্ঞানা-
ককারে আবৃত কৃষক প্রভৃতি নিম্ন শ্রে-
ণীর লোকের বিদ্যাশিক্ষার প্রতি যে
তাঁহার মনোযোগ সংঘটন হইয়াছে
তাহাও অল্প স্মৃতির বিষয় নহে, এই
স্থলে বক্তব্য এই—শিক্ষাশব্দে বর্ণপরিচয়
মাত্রকে বুঝায়না কৃষক দলের শিক্ষাতে
যদি বিজ্ঞান সাহিত্যও ইতিহাস ভূগো-
লের সহিত সম্বন্ধ নাথাকে তাহাই হইলে
সেই শিক্ষা বিশেষ ফলদায়িনী হইবেনা
কারণ, বিশেষরূপ সুশিক্ষিত না
হইলে কখনই কৃষক প্রভৃতিগণ কৃষি
প্রভৃতি কার্যের উন্নতি সাধন করিতে
পারিবেনা, আমাদের মতে উচ্চশিক্ষার
সহিত নিম্নশ্রেণীর শিক্ষার সম্বন্ধ রাখা
কর্তব্য, এখন যেসকল বাঙ্গালা ছাত্রীয়
বৃত্তি পাঠের সহিত বিশ্ব-বিদ্যালয়ের
সম্বন্ধ আছে, সেসকল বাঙ্গালা ছাত্রীয়
বৃত্তি অধ্যাপনার সহিত নিম্ন শ্রেণীর শি-
ক্ষার কোন রূপ সম্পর্ক রাখা কর্তব্য।

“লেফটেনেন্ট গবর্নর কেম্বল সাহেব
৫৪ সালের শিক্ষা সম্বন্ধীয় নিয়ম বিধির
মতানুযায়ী কার্য করিতে গিয়া অনে-
কের বিরাগভাজন হইয়াছেন, কিন্তু

উচ্চ শিক্ষা রোধ করা তাঁহার অভিপ্রেত
নহে।

লাড সাহেব সত্যতার অনুরোধে
কেম্বল সাহেবের মান রক্ষার নিমিত্ত
যদি এরূপ বলিয়া থাকেন, তাহাই হইলে
আমাদের কোন বক্তব্য নাই, বস্তুতঃ এত
লোকের মধ্যে প্রকাশ্য সভাতে একজন
অধীন প্রধান সম্ভ্রান্ত কর্মচারীকে লজ্জিত
করা তাঁহারন্যায়লোকের উচিত নয় কিন্তু
যদি ভ্রম বশতঃ এরূপ বলাইয়া থাকে
তাহা হইলে আমরা দুই একটা কথা না
বলিয়া ক্ষান্ত থাকিতে পারিতেছিলাম।

কলেজে যে ইতিহাস বিজ্ঞান সাহিত্য
দর্শন প্রভৃতির অধ্যাপনা হইয়া থাকে
তৎসমুদয়ের সাধারণ নাম উচ্চশিক্ষা
এন্ট্রান্স পরীক্ষা তাহার দ্বার স্বরূপ,
সেইসকল বিষয়ের অধ্যাপনা নির্মূল
করিতে যিনি প্রাণপণে চেষ্টা করিতে
ছেন, অর্থাৎ আহার নিদ্রা পরিত্যাগ-
করিয়া কষ্টে কষ্টে করিতে
প্রবৃত্ত হইয়াছেন তিনি উচ্চ-
শিক্ষার বিরোধী নন এবং অমানিত করা
ঐন্দ্রজালিকদিগের কর্ম।

কুষ্টিনগর, হুগলি, বহরমপুর, পাটনা
প্রভৃতি স্থানের কলেজ গুলি যদি উঠিয়া
যায়, তবে আর উচ্চশিক্ষার কি
অবশিষ্ট থাকে, প্রেসিডেন্সি কলেজ
দ্বারা আর কয়টা লোকের শিক্ষা নির্বাহ
হইতে পারে? যে নিয়মানুসারে কেবল
কলিকাতার দুই চারি জন ধনিলোকের
সন্তান ভিন্ন উচ্চশিক্ষা লাভ করিতে
পারেনা সে নিয়মাবলীকে উচ্চশিক্ষা
রোধক ব্যতীত আর কি বলা যাইবে?

ইদানীং ছাত্রগণ যেরূপ এন্ট্রান্স পরী-
ক্ষাতে উত্তীর্ণ হইতেছে তাহাতে উচ্চশিক্ষা
এইক্ষণকার অপেক্ষা চতুর্গুণ নাই হইলে
চলেনা, এখন পর্য্যন্ত এদেশীয় লোক
দিগের এরূপ অবস্থা হয়নাই যে তাহারা
এন্ট্রান্সের সাহায্যব্যতীত উচ্চ শিক্ষা
করিতে পারে, উচ্চশিক্ষার আরও
উপায় করা দূরে থাকুক, যাহা
আছে তাহাও লোপ হইবার উপক্রম
হইয়াছে, সংস্কৃতকলেজ দ্বারা যে এদেশের
উচ্চশিক্ষা কতদূর মুখোজ্জ্বল হইয়াছে
তাহা কেহই কারি কাহারই অবিদিত নাই,
যিনি সেই সংস্কৃতকলেজ উঠাইয়া দিতে
ইচ্ছা করেন, তাঁহাকে উচ্চশিক্ষার
বিরোধী বলা যাইবে?
কেম্বল সাহেব যে এদেশীয় সমুদয়
লোকের বিরাগভাজন হইয়াছেন ইহা
ইংলণ্ডের লোকেরা সম্পূর্ণ অবগত
নহেন, “নবমুখ” যে এত অল্প কাল
মধ্যে তাহাদের মনে প্রবেশ করিতে পারি-
য়াছেন, তাহাদের মনোযোগ করি-
তে মনোযোগ হইয়াছেন অল্প স্মৃতির
বিষয় নহে, একজনের প্রতি সহস্র সহস্র
লোকের বিরাগ সংগ্রহ হইতে দেখিলে
মূলে কিছু ক্রটি আছে অবশ্য অনুমান
করিতে হইবে, বঙ্গদেশীয় লোক এরূপ
অসভ্য নয় যে তাহারা নিজের উপকার
অনুপকার অনুভব করিতে পারেনা।

“এদেশীয় লোকেরা উচ্চশিক্ষা প্রাপ্ত
হইয়া প্রায়ই গবর্নমেন্টের অধীন কর্ম
করিতে যায়, মেডিকেল ও ইঞ্জিনিয়ারিং
কলেজ দ্বারা সে অভাব কিছু পরিমাণে
মোচিত হইবার উপায় হইয়াছে বটে,

কিন্তু সেইসকল কলেজের ছাত্রগণ পাঠ
সমাপ্ত করিয়া কি সেই সেই বিদ্যার
চর্চা করিয়া থাকেনা?”

এদেশীয় লোকেরা কেন স্বাধীন ব্যব-
সায় অবলম্বন করেনা এবিষয় বিশেষ
অনুসন্ধান করিয়া দেখিলে, গবর্নমেন্টের-
ই দোষ লক্ষিত হইবে, যে জাতি পরাধী-
নতাকূপে পতিত হইয়াছে তাহারা অন্য
কোন স্বাধীন জাতির সাহায্যাবলম্বন ব্য-
তীত কোনরূপেই উথিত হইতে পারে
না, ইংরাজেরা বাঙ্গালীদিগকে যে যে
বিষয়ের উপায় বিধান করিয়া দিতে-
ছেন সেই সেই বিষয়ে বাঙ্গালীদিগের
কোন ক্রটি দেখা যায়না, নিজে উপায়
করিয়া লওয়ার সময় আজও আমাদের
উপস্থিত হয়নাই, এদেশে যে সমুদয় বিদ্যা
লয় গবর্নমেন্টের উৎসাহে স্থাপিত হইয়া-
ছে, তাহাতে কখনো মূলকশিক্ষা ব্যতীত
আর কিছুই হয়না, ইতিহাস, ফিলজফি,
ব্যাকরণ, সাহিত্য ও বিশুদ্ধগণিত দ্বারা
কি স্বাধীনব্যবসায় অবলম্বিত হইতে-
পারে? যে পরিমাণে রসায়নবিদ্যা
কলেজে ব্যবহৃত হয় তদ্বারা কোন ব্যব-
সায়ের কাজ হইতে পারে? বিশেষতঃ
নিরবচ্ছিন্ন রসায়নশাস্ত্রদ্বারা কেবল
বাজিকরের ব্যবসায় মাত্র চলিতে পারে,
তদ্বারা কোনরূপেই এক জন ভদ্র
লোকের জীবিকা নির্বাহ হইবারনহে;
নানাপ্রকার লৌহজিনিশ, কাগজ,
কাপড়, কাঠের দ্রব্য সমুদয়, কাচপাত্র,
চিনাপাত্র প্রভৃতি বিষয়ক শিল্পবিদ্যা
শিক্ষার বিশেষ উপায় নির্ধারণ করিয়া
দিন, তাহাই হইলে কখনই বাঙ্গালীরা

গবর্ণমেণ্টের চাকরির জন্য লালসায়িত হইবেনা, উপায়হীনতা সত্ত্বেও বাঙ্গালীরা অনেকে ইদানিং গবর্ণমেণ্টের কর্ম ত্যাগ করিয়া নিজ তেজস্বিতার অল্প-রোধে কষ্ট ভোগ করিয়া থাকে, শিল্পজ বস্ত্র কিছুই নাই যে তাহা নিয়া দূর দেশে বাণিজ্য ব্যবসায় করিবে, কেবল ধান, চাল, নীল প্রভৃতি কয়েক প্রকার স্বভাবজ বস্ত্র উৎপন্ন হয়, তাহাও ইউরোপীয়লোকের আগ্রহ ও লালসা হেতু হস্তক্ষেপ করিতে অবকাশ পায়না।

এদেশে জাহাজ প্রস্তুত হয়না, সমুদ্র গমনের নামে হুকম্প হয়, বহুকাল পরাধীনতার আশা ও সাহস নিতান্ত সংকুচিত হইয়া রহিয়াছে। এরূপ স্থলে ইহারাই ইউরোপীয় বণিকদিগের সহিত কিরূপে প্রতিযোগিতা প্রদর্শন করিতে সমর্থ হইবে?

বস্তুতঃ বাঙ্গালীরা গবর্ণমেণ্ট কর্তৃক উত্তেজিত ও উৎসাহিত না হইলে কোনক্রমেই সমুদ্রবাণিজ্যে প্রবৃত্ত হইবেনা, এখন এদেশীয়েরা কেবল আয়-রক্ষা ব্যতীত কিছুই দেখেনা, পূর্বে এদেশে সামান্যরূপ কাগজ, লোহার নানা প্রকার অস্ত্র ও অন্যান্য জিনিষ, অনেক-প্রকার কাপড় প্রস্তুত হইত, কিন্তু ইদানিং ইউরোপীয় শিল্প ও বাণিজ্যের হতই প্রাচুর্য দেখা যাইতেছে ততই এদেশীয় লোকের স্বাধীনজীবিকা রহিত হইতে চলিয়াছে, ইউরোপ হইতে নানা-প্রকার শিল্প প্রস্তুত করিবার যন্ত্র আনয়ন করিয়া এদেশে শিল্প প্রচারকরা ও ইউরোপীয় ব্যবসায়ের সমানদরে সেইসকল জিনিষ বিক্র-

য়করা ইংরাজদিগের সাহায্যভিন্ন বাঙ্গালী দের কর্মনয়, সমুদ্র ইংরাজেরা, বাঙ্গালী দিগকে অলস, পরাধীন, স্বাধীনব্যব-সায়ে পরামুখ, ইত্যাদিরূপে সর্বদা গালাগালি দিয়া থাকেন, আমরা সর্বদা শুনিয়া শুনিয়া তাহা এখন প্রহসন মনে করি, এখন আর বক্তব্য সময় নাই।

নর্ত্তক মনোদয়কে নিতভাবে বলিতেছি যদি তাহার মাত্র পরদেশ হিতৈষিতা থাকে, যদি এদেশের দুর্দশা ও ক্লেশ দর্শনে দয়ার উদয় থাকে, যদি এদেশের উন্নতি সাধন কর্তব্য কর্ম বলিয়া বোধ হয়, যদি মনো ইংরাজদিগকে অসন্তুষ্ট করিয়া কিছু মাত্র সঙ্কোচ নাজন্মে, তবে দায়বদ্ধদের শিল্প শিক্ষা বিধানে যোগ্য হউন, না হইলে আমরা বলিব ইনি কেবল হিতৈষিতা প্রকাশ করিতেছে। বস্ত্র দিয়া কৃত্রিম অশ্রুপাত দৈব হইতেছেন, এক ব্যক্তি জলে নিমগ্ন হইয়া প্রাণত্যাগ করিতেছে, আর এক ব্যক্তি তীরে দণ্ডায়মান হইয়া অসাবধানতা করণ পূর্বক ভাসন করিতেছে; অবশ্যই বলা যাইতে পারে, দর্শকব্যক্তির বিপন্নকে উদ্ধার করিবার ইচ্ছা অথবা ক্ষমতা নাই, লড সাহেবের মুখপদ্ম নিঃসৃত বক্তব্যরূপ মধুদ্বারা কর্ণ জুড়াইবার আর অবকাশ নাই, কথা অনেক শুনা গিয়াছে। মেডিকল কলেজের ছাত্রেরা অনেকে স্বাধীনভাবে জীবিকা যাপন করিতেছেন,

যে দেশে সমুদ্রশ্রেণীর লোক এককালে পরাধীনতা জালে আবদ্ধ হইয়া রহিয়াছে, সেই দেশে মহাস্বাধীনব্যবসায়ীলোকের অধিক প্রত্যাশা করা যাইতে পারে না, অতিঅল্পকাল পূর্বে এদেশীয় লোকের বিলাতি উষ্ণ প্রায় স্পর্শ করিত কাল উচ্চশিক্ষা ও ডাক্তার-শাস্ত্রের প্রভাবে এখন ডাক্তার-শিক্ষার পরিমাণে প্রচ-অদ্যাপি এরূপ অসংখ্য স্ত্রী আছে যে সেইখানকার ডাক্তারের নামে কর্ণে হস্তার্পণ করিয়া অবস্থায় ডাক্তারদিগের মায় কিরূপ সর্বত্র প্রচলিত কর?

কলেজে যে কয়েকটা বিজ্ঞান তদ্বিষয়ে বাহারা সুবিধা বাহারা উত্তমরূপ চর্চা করিয়া সুযোগ ও সুবিধা করে, প্রফেসর-সংস্থায় বাহারা রোগ নিগারক, ওষধ-ব্যবস্থাপক, চিকিৎসক কয়জন্ম ইংরাজডাক্তার ভারতবর্ষে আছেন? ডাক্তার ভোলানাথ বসু অনেকে বিদিত, মফঃস্বলে এক এক জেলায় একজন সিভিল সার্জন একজন নব-এসিস্ট্যান্ট সার্জন ও একজন মেডিক্যাল ডাক্তার থাকেন, হাম্পিটলে কোন কঠিন অপারেশন্স উপস্থিত হইলে সাহেব আর উহাদিগকে স্পর্শ করিতে দেন না, বিলাতে মেপ দ্বারা ও মমেরবডিদ্বারা এনাটমি ও সার্জরি শিক্ষা করিয়া থাকেন এদেশে

আসিয়া কেবল শিক্ষা করিবার জন্য সহস্র নরহত্যাকরিয়া এক গুড সার্জন হন, সব-এসিস্ট্যান্ট সার্জনগণ অধিকাংশ অপেক্ষাকৃত সিভিলসার্জনদিগের অপেক্ষা অস্ত্রচিকিৎসাতে উত্তম, তাহারা বঠিন অপারেশন্স কখন করিতে পার না বলিয়া তাহাদের হস্ত কিঞ্চিৎ অনভ্যস্ত থাকে, বাঙ্গালীরা কি কুবন্দ, ক্রফ-কণ্ঠগালী, চক্ষু প্রভৃতির অপারেশন্স করিতে পারে না? ফেরার সাহেবের কার্যে যদি কোন বাঙ্গালীকে নিয়োগ করা যায়, তাহা হইলে বোধ হয় তিনি ডাক্তার চক্রবর্তীর ন্যায় সুখ্যাতি লাভ করিতে পারেন।

মেডিকেল কলেজে রসায়ন শাস্ত্রের অধ্যাপন হইয়া থাকে, কলেজ ত্যাগ করিলে ছাত্রগণের সেই শাস্ত্র চর্চাকরার সুযোগ কোথায়?

কলিকাতা রাসায়নিক আলয় ভিন্ন এত উপকরণ ও যন্ত্র কোথায় সংঘটিত হইবে? ডাক্তার কানাইলালদে যদি রসায়ন শাস্ত্রে সুখ্যাতি লাভ করিতে না পারিতেন তাহাইলে অবশ্যই বাঙ্গালীরা বিজ্ঞানচর্চায় পরামুখ বলিয়া নিন্দিত ও তিরস্কৃত হইতে পারিত সন্দেহ নাই। ডাক্তার তামিজ খাঁ কি “প্রাক্টিস্ অব মেডিসিন্” বিষয়ে অল্প-চর্চা করিয়াছেন?

“এ দেশে বৃহৎ বৃহৎ ইর্মাদির ভগ্নাবশেষ দ্বারাই এদেশীয় পূর্বতন লোকদিগের শিল্পকারিতার পরিচয় প্রাপ্ত হওয়া যাইতেছে, এদেশীয় ইঞ্জিনিয়ারগণ, ইংলণ্ডীয় ইঞ্জিনিয়ারদিগের সম-

ক্ষতা লাভ করিতে পারিতেছেন, বড় হুঃখের বিষয় ।”

ভারতবর্ষে যত প্রকার ব্যবসায় প্রচলিত আছে, তাহার মধ্যে ইঞ্জিনিয়ারিংই সর্বাপেক্ষা পরাধীন, একাল পর্য্যন্ত কয় জন ইঞ্জিনিয়ারকে এদেশে স্বাধীনভাবে জীবিকা নিৰ্ব্বাহ করিতে দেখা গিয়াছে? দেশের প্রয়োজনানুসারেই ইঞ্জিনিয়ারিং বিষয়ের চর্চা হইয়া থাকে, ইউরোপ ও আমেরিকাতে, নদী ও সমুদ্রের নীচ দিয়া রেলওয়ে চালাইতে হয়, সমুদ্রের মধ্য হইতে স্তম্ভ উঠাইতে হয়, পৰ্ব্বত কাটিয়া পথ বাহির করিতে হয়, এক সপ্তাহে সহস্র অট্টালিকার প্রয়োজন উপস্থিত হয় এতদনুসারে সেই সেই দেশে ইঞ্জিনিয়ারিং বিষয়ের অধিক পরিমাণে চর্চা ও সমাদর জন্মিয়া থাকে, (যে দেশে যেমন শীত তেমন বস্ত্র) এ দেশে কেবল গবর্ণমেন্টের কতকগুলি অট্টালিকা লইয়াই কতকগুলি ইঞ্জিনিয়ার আছেন, যখন এ দেশে এতদ্বিষয়ের বিশেষ প্রয়োজন হইবে, তখন ইঞ্জিনিয়ারিং বিষয়েও বিশেষ চর্চা হইতে আরম্ভ হইবে সন্দেহ নাই, পূৰ্ব্বভারতবর্ষীয় শিপ্পের সদৃশ শিপ্প প্রস্তুত হইতে এ দেশে অনেক সময় বাকি আছে, বিশেষতঃ এ দেশীয় ইঞ্জিনিয়ারিং কলেজের শিক্ষাতেও অনেক দোষ দৃষ্ট হয়, যদি উক্ত বিদ্যালয়ে কম্পনার সঙ্গে সঙ্গে অধিক পরিমাণে ব্যবহারিক শিক্ষা হইত, তাহাহইলে কার্য কালে শুভ ফল দৃষ্ট হইত সন্দেহ নাই।

লাৰ্ড সাহেব আরো বলিয়াছেন স্থা-

নীয় আয় দ্বারা তত্তৎস্থানীয় অভাব মোচনার্থ ব্যয় নিৰ্ব্বাহ করিতে হইবে, এ দেশের যে কি অভাব, কি কি রীতি অনুসারে কোন কোন কার্য করিতে সেই অভাব মোচন হইতে পারে, সকল নিৰ্দ্ধারণের ভার দেশীয় হস্তে কিয়ৎপরিমাণে হইয়া যাহারা এদেশে জানেনা এবং এদেশের সহিত কোন সম্বন্ধ রাখে তাহাদের বিবেচনার উপর সম্পূর্ণ নিৰ্ভর দেশীয়লোকের বিবেচনার বিষয় নিৰ্ভর না করিলে মঙ্গলের প্রত্যাশা করা যাইবে না।

ভরসা করি নতুন কয়েক মাসে মাত্র প্রকাশ করিয়া নিবেদিত হইবে না, কার্যেও আমাদিগকে সচেষ্ট হইতে হইবে।

(পূৰ্ব্বপ্রকাশিতের পর)।

নেড়ে জমিদারদের আবার মক্কা, কি মদিনা, কি কারবালা, কি যরগুল-প্রভৃতি কোন স্থানের কথাও কবাব স্বরণ হয় না, সেই ক্রীষরের ক্রীর্ণাট তাহাদের রোজ করা হইতর পাথর খণ্ড। যে লাৰ্ড সাহেব আসেন তিনি তখন তাদের রহু

জমিদারদের মানের শেষ সীমা দেখাইয়া বলা গেল, এরূপ শুষ্ক মানে এখন আর সকলের মন তুষ্ট হয় না, আর এক

প্রকার নূতন বকমের মান রাখার পথ আবিষ্কার হয়েছে। পূৰ্ব্বেরই বলা হয়েছে, সাহেবেরা যার মান রাখেন সেই মানী, সাহেবেরা যার প্রতি মুখ তুলে না চান তার জন্ম বুধা, তার মান, মান নয়ত তার আহারের জিনিষ। সাহেবের সাহেবের আচার, সাহিবী সাহিবী চাল চলন, সাহিবী ধর্ম সাহিবী গ্রহণ কোরে চলবে তাহারা অধিক সম্ভ্রম করবে কোরে অনেকেই সাহেব যার চেষ্টা কতে লাগলেন, উঠেনা, অনেক আয়াস ও বাঙ্গালীরা, মাতা পিতা গুরু কোঁটা খেঞ্জরা খেয়ে, লক্ষ লক্ষ কাক ডাকছে তাহারা ও নপুংসকের মুখপদ্ম সন্দর্ভে, আসদক্স ত্রাহস্পর্শ দিনে সাহেবেরা জাহাজে উঠে যার জগতি আছে সে মনের স্থখে জন্মের মত নিধুরটম্পা গিয়ে চলো, কেহ কেহ বা বন্ধু বান্ধব আত্মীয়স্বজন হতে কিছু ভিক্ষা করে বিলাতে যাত্রা করেন। কোন কোন মহাত্মা মাগ বাঁধা দিয়ে কিছু পাথের সংগ্রহ করেন, কোন মহাপুরুষ বা অনন্যগতি মাতা পিতাকে সাগরে ভাসিয়ে সাগরে ভাসুলেন নাচক! মান রাখতে গেলে কত কষ্ট পেতে হয়, বিলাত গিয়ে ষংকিঞ্চিং বি এন্ এ বো, সি এন্ এ ক্রে পাঠ কোরে [কেহ বিশ

কেহ আচার, কেহ পনর হয়ে এলেন, এদেশীয় লোক অপেক্ষা অধিক মান লাভের চেষ্টা পেতে লাগলেন, কিছু দিন অনেক চেষ্টা কোরে দেখা গেল যে কিছুতেই সাহেবদের কাছে মান বাড়েনা সাহেবেরা—ভেতো বাঙ্গালী, পান তামাক খেগে। বাঙ্গালী, ধুতি চাদর পরা উলঙ্গ বাঙ্গালী, ঘরপাগলা বাঙ্গালী, ঘোমটা দিয়ে মাগ ঢাকা বাঙ্গালী, এক বাড়ীতে দশ কোটি লোকের সহিত বাস করিয়ে বাঙ্গালী, হুর্গোৎসব ও বারোয়ারিতে আমুদে বাঙ্গালী, ইত্যাদি বোলে সর্বদাই উহাদিগকে গালাগালি দিতে লাগলেন, এসব কথা সহ্য কতে না পেরে বাবুরা সাহেব হওয়ার প্রতি বহুবান হলেন, প্রতিজ্ঞা করলেন— ধুতি চাদরের মুখ দর্শন করবোনা, যে ধুতি চাদর পরে এসে তার সঙ্গে সাক্ষাৎ করবোনা, পান তামাকের পরিবর্তে চুরট, হুর্গোৎসব ও বারোয়ারি পর্বের পরিবর্তে খ্রীষ্টমাস্‌ডে, গুড্‌ফ্রাইডে প্রভৃতিতে সপরিবারে আমোদ, ভাত জলের পরিবর্তে বিক্ ও মদ, আরম্ভ করলেন। টেবিলে খেতে লাগলেন, টবে হাগ্‌তে লাগলেন, কাগজদিয়ে মুচতে লাগলেন, মাগের শরীর হতে মল, দানা, বাজু, বালা, প্রভৃতি অলঙ্কারের সহিত সাড়ী খসিয়ে গাউন পরিয়ে এক অপূৰ্ব আয়া সাজিয়ে মনে মনে বিবি কম্পনা কতে লাগলেন।

ধীরে ধীরে যুহুভাবে হাঁটলে পাছে সাহেব নামে কলঙ্ক হয়, এই ভেবে লা-

পিয়ে লাপিয়ে মাটি নাথিয়ে নাথিয়ে
তাড়াতাড়ি হাঁটতে লাগলেন।

অন্ধকার রাত্রিতে ঘোড়ায় চাপবার
অভ্যাস কর্তে লাগলেন, ওয়াইফ্কেপেঁ-
য়াজ ও রসুনের গন্ধ সহ্যকরবার অভ্যাস
করাতে লাগলেন।

মফস্বলে গিয়ে বাপের বয়সী ডিপুটী-
দের প্রতি ঘাড় বাঁকা কোরে ইগল-
পক্ষীর মত চাইতে লাগলেন। আমলা
মোক্তারদের বড়ই আশাছিল, হাকিম
বাবুর বাপের শ্রাদ্ধে এক আধদিন
কাছারি বন্ধ পাবে, সে গুড়ে বালি,
সেদিন আপিস বন্ধ দেওয়া দূরে থাকুক,

সন্ধ্যা পর্যন্ত জাঁক জমকে কাছারির
কাজ কর্তে লাগলেন, হায় অদৃষ্টের
লিখন কিছুতেই খণ্ডে না! তাদিগ-
কে কেহই বাবু বই সাহেব বলে ডা-
কেনা, কি আক্ষেপের বিষয়! যার
জন্যে লাফদিয়ে সাগর পার হয়ে
অমৃত ফল খাওয়া গেল, লক্ষা দক্ষ করা
গেল, গন্ধমাদন পাহাড় মাথায় বহন
করাগেল, সেই সীতার উদ্ধারই যদি
না হলে তবে সকলই বিফল, নিয়ম করা
হল, অধীন কর্মচারীদের কেহ যদি
বাবু বলে সম্বোধন করে তবে তার জরি-

মানা হবে, অন্যেরা এই নিয়ম লঙ্ঘন
কলে লাইবল করা হবে, আমরা তাদি-
গের লাইবেলকে ভয় করিনা, আমরা
মুক্তকণ্ঠে বলি, তাঁহারা বাবু, বাবু, বাবু,
তাঁদের পিতা পিতামহ বাবু, তাদের
তোষামুদেরা অবশ্যই বলেউঠবে, তাহারা
সাহেব, সাহেব, সাহেব, তাদের পিতা
পিতামহসাহেব পাঠক মহাশয়! বিচার-

কখন কোন্ গালাগালিটা অধিক
কঠিন।
সব বড় বড় ডাক্তর বাবুরাই, উত্তম উত্ত-
চাপকান্ ও জুতো, খাসা খাসা কা-
পেটের টুপি, সোণার ঘড়ি ও চেই-
ব্যবহার করে, বোতল ও শিশি ভরা
মেডিসিন্ দিয়ে থাকেন।
এসব সাজ পোষাকে
গুমর নাই, এবং ওরূপ
আর মান নাই; যে ডা-
কান, তাঁর উচিত কল
দেওয়া।
দেখলাম কোন ডাক্তরে
দিকে দৃষ্টি নাই, একজন ডা-
মানের অনুরোধে ভাল পে-
কানের পরিবর্তে মার্কীনের
ভাল জুতোর বদলে, চটি
পরিবর্তে শুধু মাথা ব্যা-
ওষধের কথা শুনলে হাঁ
বিন্দু ওষধ রাশীকৃত হ
শিয়ে গক

সেই গক

সেই গক

সেই গক

সেই গক

সেই গক

সেই গক

অবশ্য আরোগ্য হইবে, ইহার অতি-
কুইনাইন দিলে বড় অনিষ্টের
বিনা, সে অনিষ্ট এক মুখে কত বর্ণন
যায়, হায় কোইনাইনের মাত্রার
য এই দেশটা ছার খার হইল।
ইনাইনের মাত্রার দোষে এদেশে
আর পুর্কের মত ক্ষেত্রে ধান্য
পুর্কের নাগয় সুরুষ্টি হয় না,
পত্রমুখ দেখেনা, বুদ্ধেরা
উমান রেখে পরলোক
পুত্র পিতার আজ্ঞা
পিতা পুত্রকে লালনপালন
করে এই বিষাগার
নিদারি সকল, নদী ও
ত হইবে? পুর্কে এদেশে
কা বড় সহজ ছিল, অল্প
সমা কর্তে পারত, অল্পে
স্বচ্ছন্দ হতে পারত, কিছু
নলেই শিক্ষক হতে পারত,
জুটত তুরি কাছারিতে
মোক্তারি করত। এখন
নাই, বহু পরিশ্রমেও
না, ডাক্তর হতে হলে
কোন কঠিন কর্তে হয়
পারিত না পরিশ্রম ভোগ
হয়, সারী ও সহকার প্রভাবে
কপার সোনার এক রাত্র পথ
মাছ
কিছু পড়া নাই, জানা নাই, কোন
পরিশ্রম নাই, সাত আট দিন কিছু
দেখে সকল মস্ত ডাক্তর হয়ে বসত
পার। ৪ টাকা বিজিট বড় বড়
শাক এবে উপাসনা কর্তে থাকে।
এই সময়ে উক্ত মহাত্মা পতিতপাবন, সেইস্বরের
প্রভাবে ৭ দিনের মধ্যে
আমার উদর এত বড় প্রকাণ্ড হয়েউঠলো
যে আমার নাগয় দ্রিঙ্গলোকেরপক্ষে
তই পোষণ করা বড় কঠিন ব্যাপার
দেখাগেল, উদরের দায় ভিক্ষা কতে
কল লোক পিতা মাতা ভাই বন্ধু দক লাগলেন
কিউ ভিক্ষা দিতে স্বীকৃত
কলিকাতার বড়লোকদিগের নিকট
আদর্শ ব্যতীত আর প্রত্যাশা কতে

ভাই বন্ধু এবং সমাজ ত্যাগ
মান বজায় রাখবার চেষ্টা কা
সকলে সমাজের অবস্থা ও নিজে
অবস্থানযায়ী পোষাক পরে, এর
ছেড়া ময়লা কাপড় ও ছেঁড়া জুতো
ব্যবহার কোরে ফিলজফারের সাজ
ধারণ করে, অন্য বাঙ্গালীদের নাগয় এরা
যদি মাছ মাংস খায়, তাহলে এদের
আর মান থাকেনা, এরা নিরামিষ অর্থাৎ
শাক কচু খায়, সকলে বিবাহ করে ঘর
কন্যা ও নিজ বংশরক্ষার উদ্দেশ্যে, এরা
বিবাহ করে জগতের উন্নতির নিমিত্ত,
সকলে স্ত্রীকে কান্তা, ভার্যা, প্রিয়া,
প্রভৃতি বাকো আহ্বান করে, এরা স্ত্রীকে
ভগিনী বলে ডেকে থাকে। এদের
বিষয় বলতে গেলে অনেক বলা যেতে
পারে, মান রাখার জন্য এরা বড় উন্মত্ত,
এদের বিষয় আর একদিন বর্ণন করা,
যাবে, অদ্য এখানেই বেদব্যাসের বি-
শ্রাম।
(ক্রমশঃ ১)
উদীপনা।

চতুর্থ কোপের অন্তর্গত এক চিমটি ১)
পেটুক লোকের যদি পেটের ভিতর
স্থান অল্প হয় বড় দুঃখের বিষয়, মহা-
শয়! আমার খাওয়ার দ্রব্যের অভাব নাই,
নিত্য ফলাহারের নিমন্ত্রণ, ইচ্ছা হয়
পেটে প্রকাণ্ড খলে বেঁধেনি, উদরের খর্ব-
তার খাওয়ার আদর বিষতুল্য বোধ হয়,
হায়! এই গোক আর কিছুতেই নিবা-
রিত নাইওয়াতে বনে যেয়ে উদর বৃদ্ধির
নিমিত্তে অগ্নির তপস্যা কর্তে আরম্ভ-
কলেম, বহুকালে তপস্যায় সন্তুষ্ট হয়ে
আমি আমার রূপা করে এক বর দিলেন,
সেইস্বরের প্রভাবে ৭ দিনের মধ্যে
আমার উদর এত বড় প্রকাণ্ড হয়েউঠলো
যে আমার নাগয় দ্রিঙ্গলোকেরপক্ষে
তই পোষণ করা বড় কঠিন ব্যাপার
দেখাগেল, উদরের দায় ভিক্ষা কতে
কল লোক পিতা মাতা ভাই বন্ধু দক লাগলেন
কিউ ভিক্ষা দিতে স্বীকৃত
কলিকাতার বড়লোকদিগের নিকট
আদর্শ ব্যতীত আর প্রত্যাশা কতে

এদে

এদে

এদে

শ্লেম না, পাঠক মহাশয়! কনাদার, দশা দায়, ঋণ, রোগ দায় অপেক্ষা দায় শতগুণ গুরুতর। অনেক কালের চেষ্টা ও যত্নে, অনেক ঠাক খরচ কোরে, হিন্দুহিতৈষীতে সুদীর্ঘ বিজ্ঞাপন দিয়ে দিয়ে পোড়া পেটের একরূপ বিলিবন্দবস্ত করাগেল, স্থির হলো নানা দেশের বড় লোকেরা প্রাণপণে আহাৰ যোগাবে, বাদ্যালীর প্রতিজ্ঞা কদিন বজায় থাকে, এক মাসের অধিক সময় অতীত নাহতে হতেই আমার আহাৰ বন্ধ হওয়ার গতিক হয়ে উঠল, পৃথিবীতে যতকিছু গ্রন্থ, শিল্প, ও নানা প্রকার আবিষ্কার হয়েছে, সমুদয়ই প্রভু উদরের প্রভাবে পেটের জ্বালা নাথাকলে সংসারকে এত শোভাশালী কোণলময় দেখতে হতনা, এই ভেবে নূতন আবিষ্কারের দিকে মনোযোগ কল্লেন, এক দিন এক বাগানে বসে আছি, শুনতে পেলেম ও দূরহতে দেখতে পেলেম, কি জানি একটা ধূপকরে পড়ল, যেয়ে চেয়ে দেখি "আতা" ভাবলেম্ ইহার রূপ-লাবণ্য, সৌন্দর্য্য, মাধুর্য্য সমুদয় ঐশ্বর্য কৰ্ত্ত্বক সম্পাদিত, শেষে চেয়ে দেখি বৃহৎ বৃহৎ অক্ষরে লিখিত আছে

আপনাকে শিখিয়ে দিচ্ছি, যেন বট নাহয় "উদ্দীপনা" এই মন্ত্রের প্রসূ যখন যা ইচ্ছা হতে লাগল তাই উত্তর কর্তে লাগলেম। মেছোনীকে যেয়েবলি, "তুইবলি মাছ এই দরে দেব, ওই মাছ সৌকু দেব" উদ্দীপনার বলে তাকে সব আমার পেটের ভিতর ঢুকি হবে, পোস্তায় বড় বড় ত তা দিগকে উদ্দীপনার রে সব কেড়ে নে অ মের মুচ্ছদ্দিদিগকে বলি বল কি? উদ্দীপনার আমার উদরে গুদমজাত উদ্দীপনার কৃপাণ্ডনে সমুদয় জিনিশ শেষ কে লাগলেম সম্প্রতি কি উদ্দীপনার কিবলে? উদ্দ বঙ্গদেশের যত লাইত্রা তলার যত পুস্তক তাহা সাকরি এদেশের কোন্ রস, সকলেই চিৎকার কালিদাসের অভিজ্ঞ পনায় বা মাত্র এক কোন্ পুস্তক ভারত, উদ্দীপনার ক্রিয়মাণ খাও, তাঁও উদরসাৎ করাহল, এরপে প্রায় অনেক পুস্তক গ্রাস কোরে শেষ করে ফলেম এখন উপায়? উদ্দীপনার বলে আগে জগীষ্ময়িত, পরে টডকৃত রাজস্ব কল্প ক্রম, এতে কিছু দিন চব্দে পরে রাখাকাণ্ডের শব্দকল্প ক্রত আছেন আর উদর আছে ন। সাধকোরে কাটিম্ নালা হুমীর শালা ॥ যদি প্র উদ্দীপনা কিসের উদ্দীপনা? খাওয়া উদ্দীপনা আর যুমনের উদ্দীপনা, ভর আমরা বড় লোক, খুব লেখাপড়া গানি অনেকা চুই জানেনা।

কর্ত্ত্বক সম্পাদিত, অমনি জ্ঞানস্কু বিকাশিত হয়ে চৈতন্যোদয় হল, বুদ্ধিবাতাসে মায়ামেষ দুরীভূত হওয়াতে জানতে পেলেম আতার উদর ও সেই আতা এক পদার্থ, ঐশ্বরই সকলের রক্ষাকর্ত্তা, সহস্রা জীবন রক্ষার উপায় হয়ে ডাঁড়াল, কি অদৃষ্ট আবিষ্কার! হটাৎ এরূপ একটা "মন্ত্র" পাওয়াগেল যে তদ্বারা অনাথানে আহাৰ্য্য সংগ্রহ হইতেপারে, সেই মন্ত্রের এমনই প্রভাব যে মাচ বল আর অকারি বল আর চাল ডাল বল কিছু রাঁদতে হয়না, যা দাও তাই উদর সাৎ হতে পারে, পাঠক মহাশয়! মন্ত্রটি

হালিসহর পত্রিকা।

(পাঞ্চিক পত্রিকা।)

২য় খণ্ড] জৈষ্ঠ সন ১২৭৯ সাল [৪র্থ সংখ্যা]

ভারতবর্ষীয় বাদ্যযন্ত্র

মনুষ্যগণ কেবল কণ্ঠ সঙ্গীত দ্বারা পরি-তৃপ্ত থাকিতে না পারিয়া নানা প্রকার গীতের অনুকারী ও সহকারী যন্ত্র সমুদয় আবিষ্কার করিল। কোন্ ব্যক্তি, কোন্ সময়ে কোন্ দেশে প্রথম বাদ্য যন্ত্রের আবিষ্কার করেন, তাহা নির্ণয় করা দুঃসাধ্য। যে সকল প্রাচীন সংস্কৃত গ্রন্থে বীণা ও মুরজ শব্দের উল্লেখ দেখা যায়, তাহার অনেক-কাল পরে মুসা প্রণীত গ্রন্থে গীতবাদ্যের প্রয়োগ পাওয়া যায়। মুসা অবতরণের অনেক বৎসর পরে যে ইউরোপে সভ্যতার সঙ্গে সঙ্গে সঙ্গীত শাস্ত্র উন্নত ও আদৃত হইয়াছে ইহা বলা বাজুল্য। মিসর ও চীন দেশেরও পূর্বে ভারতবর্ষে সভ্যতার আ-লোক বিকাশিত হয়। সকলেই মুক্তকণ্ঠে

স্বীকার করিয়া থাকেন, ভারতবর্ষেই নানা প্রকার বিজ্ঞান-শাস্ত্র প্রথম আবিষ্কৃত হই-য়াছিল। সপক্ষ প্রমাণিত হইতেছে আর্থেয়রাই প্রথম কোন রূপ বাদ্য যন্ত্রের আবিষ্কার করিয়াছিলেন। যন্ত্র সমুদয় দুই প্রধান ভাগে বিভক্ত হইতে পারে। স্বর যন্ত্র ও তাল যন্ত্র, যে যন্ত্রে ষড়্জ ঋষতাদি স্বরের সহিত না-না গ্রাম বাদিত হইয়া থাকে তাহাকে স্বর যন্ত্র বলা যায়। যাহাতে গীতের সময়-সামঞ্জস্য উদ্দেশ্যে নানা প্রকার, "অনুকার" শব্দ বাদিত হয় তাহাই তাল-যন্ত্র বলিয়া অ-বিহিত হইল। বিদ্যমান বীণার পূর্বে যে কোন রূপ স্বর যন্ত্র ছিল তাহার কোন নিদর্শন প্রাপ্ত হওয়া যায় না। স্বরযন্ত্র—টঙ্কার ধানুক বৈণব, এই তিন প্রধান ভাগে বিভক্ত হইতে পারে। যে যন্ত্র অ-ঙ্গুরীয়ক বিশেষ কি অঙ্গুলী কি কোন

রূপ যক্ষিক। দ্বারা বাজাইতে হয় তাহাকে টঙ্কার বলা যায়। ধনুকাকার দণ্ড (ছড়) ঘর্ষন দ্বারা যাহা বাজাইতে হয় তাহাই ধানুক-যন্ত্র বলিয়া কথিত হইল। ফুৎকার সম্পাদিত যন্ত্র বৈণব নামে অভিহিত হইল।

বীণা—টঙ্কার শ্রেণীয় যন্ত্রের মধ্যে ইহাই সর্বপ্রথম ও উৎকৃষ্ট আর্থেরা শিবকেই বীণার আদিরূপ বলিয়া স্বীকার করিয়া গিয়াছেন। হয়ত কোন মহাত্মা স্বয়ং আবিষ্কার করিয়া আবিষ্কৃত বস্তুর গৌরব বর্ধনের নিমিত্ত দেবাদিদেব শিবের নামে প্রকাশ করিয়া থাকিতে পারেন। প্রাচীন ভারতবর্ষীয় লোকদিগের এরূপ প্রকৃতি প্রচলিত ছিল যে, তাঁহারা পুস্তকাদি রচনা করিয়া কোন দেবতা কি অলৌকিক গুণসম্পন্ন ব্যক্তির নামে প্রচারিত করিতেন।

যাহা হউক, শিবকেই এখন তৎপ্রণেতা বলিয়া স্বীকার করা যাইতেছে। শিব বীণা বাদন দ্বারা নারায়ণকে দ্রবীভূত করিয়া ছিলেন তাহা হইতেই গঙ্গার উৎপত্তি হইয়াছে, এই কিম্বদন্তী দ্বারা বীণা যন্ত্রের চিত্ত-দ্রাবিত গুণের মহিমা প্রকাশিত হইয়াছে।

তাহার পর নারদের বীণা বাদন, পুরাণে প্রসিদ্ধ আছে। দেবী স্বরস্বতী ও তম্বুর নামক কোন ব্যক্তির বীণা বাদন প্রসঙ্গ অনেক সংস্কৃত গ্রন্থে প্রাপ্ত হওয়া যায়। লিখিত আছে—শিবের বৃহতী, তম্বুরের কলাবতী, নারদের মহতী, সরস্বতীর কচ্ছপী (“শিবস্য বৃহতী বীণা তম্বুরোস্তু কলাবতী মহতী নারদস্যেব

সরস্বত্যাস্তু কচ্ছপী”) বীণা সর্বত্র বিখ্যাত। বৃহতী বীণা যে কিরূপ ছিল তদ্বিষয়ে কোন নিদর্শন প্রাপ্ত হওয়া যায় না। মহতী বীণাই এখন বীণ নাম ধারণ করিয়া ভারত বর্ষের পশ্চিম ও দক্ষিণাঞ্চলে গীত প্রিয়গণের মনোহরণ করিতেছে।

তম্বুরের সেই কলাবতী-বীণা এখন “তাম্বুরা” নামে আখ্যাত হইয়াছে। ভারত বর্ষীয় কলাবত গাথকেরা স্বরসংযোগে ধ্রুপদ খেয়লাদি গান করিয়া থাকে। সরস্বতীর “কচ্ছপী” বীণা হইতেই “কাছুয়ার” উৎপত্তি হইয়াছে।

সর উইলিয়ম জোন্স বীণার অশেষ প্রশংসা করিয়াছেন। উইলাড সাহেব লিখিয়াছেন ইউরোপীয় অতি উৎকৃষ্ট শ্রেণীর “পায়োনো” অপেক্ষা বীণা কোন অংশে ন্যূন নহে। (১) বীণা দ্বারা মুচ্ছনা (মীর), গমক, স্পর্শ, প্রভৃতি যে গীতালঙ্কার সকল প্রকাশিত হইয়া থাকে, পায়োনো প্রভৃতি ইউরোপীয় কোন যন্ত্র দ্বারা ই সে সকল বিকাশিত হইবার নহে। বীণা-বাদনে নৈপুণ্য লাভ বহু প্রয়াস সাধ্য, বহু পরিশ্রমে ও বহুকালে একরূপ মুসিজ হইতে পারে। বীণা বাজাইয়া অতি অল্প লোকেই ক্ষোভ নিবারণ করিয়া থাকে। অপ্যায়াসে বীণার কার্য কিঞ্চিদংশে সম্পন্ন করিবার ইচ্ছা লোকের বলবতী হওয়াতে, ত্রিতন্ত্রী সৃষ্টি হয়। ত্রিতন্ত্রীর পারস্য নাম সেতার। (ত্রি-সে, তন্ত্রী-তার) ইহা বীণার অনুকল্প মাত্র। পূর্বে ইহাতে একটা “নায়কি,” ও দুইটা “অনুরগন” তার ছিল, পরে বাদক গণ অভিলাষ করিয়া ৫, ৭, ১০, কি ততো-

ধিক তার যোজনা করিয়া থাকেন।

পশ্চিম ভারত বর্ষীয়েরা সেতার বিশেষকে কাছুয়া বলিয়া থাকে। যে সেতারের অলাবু খণ্ড কচ্ছপ পৃষ্ঠ সদৃশ, তাহাকেই কাছুয়া বলা গিয়া থাকে। অলাবু খণ্ড বর্ত্তুলাকার হইলে, স্বর কিঞ্চিৎ গম্ভীর ভাবে নিঃসৃত হয়। “কচ্ছপ,” পৃষ্ঠ সদৃশ হইলে তাহা হইতে অনির্হাদি স্বর নির্গত হইয়া থাকে। দ্রুত লয়ে গত বাজাইবার পক্ষে কাছুয়াই প্রশস্ত। কোন্ সময়ে কাহার কর্তৃক সেতারের সৃষ্টি হয়, তাহার কোন বিশ্বাস যোগ্য প্রমাণ নাই। “বাহাদুর,” সাহার সময়ে দীল্লিতে সেতারের অধিক চর্চা হইয়াছিল। পূর্ব কালে বীণার রীতানুসারেই সেতার বাদিত হইত। “খাঁআলি রাজা” নামক কোন ব্যক্তি সেতার বাজাইবার নূতন প্রণালী সৃষ্টি করেন।

ভারত বর্ষের পশ্চিমাঞ্চলে এক রূপ সেতারকে “নারায়ণী” বীণা বলিয়া থাকে। তাহাতে বিশেষ রূপ সঙ্গীত কৌশল প্রদর্শিত হইতে পারে না।

রবাব—ইহার উৎপত্তি প্রথম আরব দেশে হইয়াছে। পাঠান রাজ বংশীয়েরা ইহাকে অত্যন্ত আদর পূর্বক গ্রহণ করিতেন। ইদানীং আফগানী স্থানে ইহার বহুল প্রচার দেখা যায়। রাগ রাগিনী আলাপের পক্ষে বীণা অপেক্ষা অধিক ন্যূন নহে। বীণা হইতে যে ইহার উৎপত্তি হইয়াছে বলা বাহুল্য। দিল্লির নিকটবর্ত্তী কতিপয় স্থল ভিন্ন ভারতবর্ষের কোন প্রদেশেই রবাব প্রায় দৃষ্ট হয় না। বঙ্গ দেশীয়দিগকে এপর্যন্ত রবাবে হস্তক্ষেপ করিতে দেখা যায় না।

কানুন—ইহাতে অনেক গুলি তার যোজিত থাকে। ভূমিতে ফেলিয়া বাজাইতে হয়। যন্ত্রের স্বর প্রকৃতি দৃষ্টে ইহাকে বীণার সম্তান বলিয়াই অনুমিত হয়। ভারতবর্ষে অতি অল্প ব্যবহার বশতঃ অনেকে ইহার উৎপত্তি স্থান ভারতবর্ষ স্বীকার করেননা। একজন যবন সঙ্গীত গ্রন্থকার আরব্য দেশ ইহার উৎপত্তিস্থান বলিয়া নির্দেশ করিয়াছেন। কেহ কেহবা “মিয়া-তানসেনের” বংশ সম্ভূত “পেয়ার সেনকে” ইহার আবিষ্কর্তা বলিয়া স্বীকার করেন। বীণা দৃষ্টে ভারতবর্ষ হইতে মূল গৃহীত হইয়া আরব্যদেশে কানুন নামে প্রকাশিত হইয়াছে ইহাই অনুমিত হয়। বিশেষ অনুধাবন পূর্বক দেখিলে কানুন হইতেই পায়ানোর উৎপত্তি হইয়াছে, বোধ হইবে। বীজগণিত জ্যোতিষ প্রভৃতি নানা রত্ন ভারত বর্ষ হইতে আরব্যদেশে, আরব্য হইতে গ্রীশ্বরাজ্যে, গ্রীশ্ব হইতে সমুদয় ইউরোপে প্রচলিত হইয়াছে। বীণা কিঞ্চিৎ পরিবর্তিত হইয়া ভারত বর্ষ হইতে আরব্যদেশে কানুন নামে বিচরণ করিতেছে। কানুন কিঞ্চিৎ শোধিত হইয়া “পায়োনো” নাম ধারণ পূর্বক গ্রীশ্বদেশে অবতরণ করিয়াছে। গ্রীশ্ব হইতে সমুদয় ইউরোপে ব্যাপ্ত হইয়া ফ্রান্স ও জার্মানিতে বিশেষ উৎকর্ষ লাভ করিয়াছে। সম্প্রতি ইংরাজদিগের সাহায্যে ইউরোপ হইতে ভারতবর্ষে পুনরাগত হইয়া বুদ্ধ প্রপিতামহী বীণার নিকট স্পর্ধা প্রকাশ করিতেছে।

ইনি উক্ত বুদ্ধ প্রপিতামহীর সুমিষ্ট ললিত স্বরের উত্তরাধিকারী হইয়াছেন

বটে, কিন্তু মুচ্ছনা, গমক, স্পর্শ প্রভৃতি কতক গুলি অলঙ্কার রত্নের উত্তরাধিকারী হইতে পারেননাই। এই অভাব বশতঃ ঐ গায়ানোতে আর্ঘ্য সঙ্গীত ধ্রুপদ খেয়াল, টপ্পা, টপখেয়াল, প্রভৃতি সম্পাদিত হয় না। গমক-বিহীন ঠুংরি লয় বিশিষ্ট সংকীর্ণ সঙ্গীত কেবল একরূপ বাদিত হইতে পারে।

কলিকাতার নর্মাণস্কুলের এক জন শিক্ষক কিশোরী মোহন বাবু বীণা, কানুন ও পায়নো, অবলম্বন করিয়া একটা নূতন যন্ত্র আবিষ্কার করিয়াছেন, উহা ও টঙ্কার শ্রেণীয় ব্যতীত নহে, ইহাতে প্রায় সমুদয় অলঙ্কার ঐ এক রূপ বিকাশিত হইতে পারে।

জল তরঙ্গ—স্কুদ্রে ২ পাত্রে অবয়ব ও জল প্রদানের তারতম্যানুসারে ত্রই যন্ত্রের স্বরশ্রেণী সমাবেশিত হইয়া থাকে। ইহাতে মুচ্ছনা গমকাদি অলঙ্কার প্রকাশিত হয় না, অতি লম্পাক্ষণ মাত্র স্বর স্থায়ী হয়।

ক্রতলয়ে গত্ ব্যতীত ইহাতে আর কোনরূপ সঙ্গীত প্রকাশিত হয় না। ইহার অনুকরণেও একরূপ যন্ত্র ইউরোপে প্রচারিত হইয়াছে, তাহা কাচ নির্মিত একটা বাক্সের উপর যক্ষিকা দ্বারা বাজাইতে হয়, এই টঙ্কার শ্রেণীয় যন্ত্রগুলিকে অধ্যাপক ক্রীক্ষেত্রমোহন গোস্বামী স্বয়ং সিদ্ধ বলিয়া ব্যাখ্যা করিয়াছেন, বস্তুতঃ ইহা কণ্ঠ সংগীত কি অন্য যন্ত্রের সহকারিতায় বাজাইতে হয় না। গোপী-যন্ত্র প্রভৃতি আরো কতকগুলি টঙ্কার-শ্রেণীয় যন্ত্র আছে। অতিসামান্য ও

অকর্মণ্য বলিয়া সেগুলির বর্ণনে নিবৃত্ত হওয়া গেল।

ধানুক—কোন কোন ইউরোপীয় সঙ্গীত গ্রন্থকার ধনুযন্ত্রের আদি উৎপত্তিস্থল ভারতবর্ষবলিয়া নির্দেশ করিয়াছেন, “রাবাণা” ও “রাবণাস্ত্র” নামে ভারতবর্ষে একরূপ অতি প্রাচীন যন্ত্র প্রচলিত আছে; প্রবাদ আছে তাহা লক্ষাধিপতি রাবণ কর্তৃক আবিষ্কৃত। বস্তুতঃ যন্ত্রের নামের দ্বারা উহাই অনেকের লিখাস্য হইতে পারে। রাবণা হইতেই সারঙ্গ উৎপন্ন হইয়াছে।

রাবাণা হইতে ভারতবর্ষে অমৃত নামে আর এক যন্ত্র সৃষ্ট হইয়াছিল, তাহার সহিত আরব্য দেশীয় কমান্জের সহিত অনেক সাদৃশ্য আছে, বোধ হয় আরব্য দেশীয়েরা কমান্জে দ্বারা, অমৃতের অনুকরণ করিয়া থাকিবেন।

সারঙ্গ—ইহা অতি উৎকৃষ্ট যন্ত্র, সংস্কৃত অনেক গ্রন্থে ইহা নাড়ী যন্ত্র নামে বর্ণিত হইয়াছে। ইহাতে সঙ্গীত সম্বন্ধীয় সমুদয় অলঙ্কারই প্রকাশিত হইয়া থাকে। ইহার স্বর অতি উচ্চ, স্থায়ী, সুমধুর, এবং স্ত্রী-কণ্ঠের কিঞ্চিৎ অনুকারী। ইহার ন্যায় কোন যন্ত্রেই সম্যকরূপে টপ্পা সংসাধিত হয় না, এই যন্ত্রে যেরূপ স্বয়ং সিদ্ধ রূপে বাদিত হইতে পারে, সেরূপ গীতের সহিত মিলন সহযোগ লাভ করিতে পারে। এতৎযন্ত্রে বিশেষ নৈপুণ্যলাভ বহু পরিশ্রম সাধ্য। লক্ষ্ণৌ ও কাশীতে ইহার অধিক প্রচলন দেখা যায়। ইহা ভারতবর্ষীয় নর্তকী গণের সঙ্গীতসম্বন্ধীয় প্রধান উপকরণ। বীণা অপেক্ষাও ইহাতে টপ্পা সুন্দর রূপে

বাদিত হয়। খেয়াল ধ্রুপদও এক রূপ বাদিত হইয়া থাকে। কিন্তু, এক তার হইতে অন্যতারে বাইবার সময় মুচ্ছনা ভঙ্গ হয় বলিয়া সময়ে সময়ে খেয়াল ধ্রুপদ অঙ্গহীন বোধ হয়।

সারবীণ—বীণ ও সারঙ্গের সংযোগে ইহার উৎপত্তি হইয়াছে। ইহাতে ত্রিগ্রামা স্রুত অনুরগন(রাঁজ)যোজিত থাকে। ইহার স্বর সারঙ্গ ও বীণার স্বরাভাস যুক্ত পায়নো অপেক্ষা অধিক মধুর ঐকতানিক ও দূর-শ্রাবী। ইহাতে যেরূপ খেয়াল, ধ্রুপদ ও আলাপ সাধিত হইয়া থাকে, সে রূপ টপ্পা, টপ্পা, রেখতা, ঠংরি, ও নানা প্রকার গত্ বাদিত হইতে পারে। ইহাতে কেবল যে ধানুকীয় সম্পাদিত হয় এরূপ নহে, টঙ্কারিক গত্ ও সংসাধিত হইয়া থাকে। অনেকে তানসেনকে ইহার আবিষ্কর্তা বলিয়া নির্দেশ করেন যাহা হউক, ইহা যে ভারতবর্ষীয় এক অভূত যন্ত্র, তাহা সকলেরই স্বীকার্য। বঙ্গ দেশে ইহার প্রচার নাই, ইহা সর্বপ্রধান ধানুক যন্ত্র ইহাতে নৈপুণ্য লাভ করিতে পারিলে যন্ত্রবাদন দ্বারা সম্পূর্ণ ক্ষোভ নিবারণ করা যাইতে পারে।

আসুরাজ—ইহা সেতার ও সারঙ্গের যোগে উৎপন্ন হইয়াছে। ইহার স্বর স্থায়ী প্রচণ্ড, ওজস্বী, কিন্তু সারঙ্গ, সেতার কি বীণার ন্যায় মধুর নহে। লোহার তারে ছড় দ্বারা স্বর নিঃসারণ করাতে কিঞ্চিৎ বিকৃত ও কর্কশ হয়, এই যন্ত্র ইদানী বঙ্গ দেশে ব্যবহার আরম্ভ হইয়াছে, দিল্লির নিকট বত্তীস্থল সমূহে ইহার অধিক প্রচলন দেখা যায়।

তাউস্—এই যন্ত্রের সহিত আসরাজের কোন বিভিন্নতা নাই। পারস্য ভাষাতে তাউস শব্দে ময়ূর অভিহিত হয়, আসরাজে একটা ময়ূর নির্মিত থাকে বলিয়া তাহার নাম তাউস হইয়াছে। আকবর বাদসাহের সময়ের পুস্তকে তাউস যন্ত্রের উল্লেখ দেখা যায় না। কেহ কেহ অনুমান করেন, ময়ূর বাহন (১) সাজাহানকে সন্তুষ্ট করিবার মানসেই গাথক গণ নিজ নিজ যন্ত্রে ময়ূর নির্মান করিয়া রাজ ভক্তি প্রদর্শন করিত। ইহা দ্বারা খ্রীষ্ট ১৭ শতাব্দীর প্রারম্ভে তাউস যন্ত্রের প্রথম প্রচলন অনুমিত হইতেছে, তাউসকে আসরাজের সন্তান বলিলে ও বলা যাইতে পারে।

সারিন্দ—ইহা ভারতবর্ষের অনেক প্রদেশে বিশেষতঃ বঙ্গদেশে সচরাচর ভিক্ষুক গণের হস্তে দৃষ্ট হইয়া থাকে। দরিদ্রতা সূচক বলিয়া ভারতবর্ষীয়-গৃহস্থেরা ইহা ব্যবহার করেন। বিশেষতঃ সঙ্গীত কোশল অধিক প্রদর্শিত হইবার নহে, সারঙ্গ ও তাউস হইলে ইহার উৎপত্তি হইয়াছে সন্দেহ নাই।

গীতার—ইহা ইউরোপীয় যন্ত্র বলিয়া বোধ হয়, জার্মান দেশীয় জেতার, ইং-রাজী গিটার যে এই গীতার তাহাতে সন্দেহ নাই। অনেকে সেতার হইতে ইহার উৎপত্তি স্বীকার করেন। (১) সাহা জাহানের আসনকে তখুত তাউস বলিত।

বেহালা—ইটালী দেশে “ভিয়ালো” নামে এক যন্ত্র আছে, তাহাকে ইংরাজীতে, “ভায়লিন বলে সেই ভায়লিনই এতদ্দে-

শে বেহালা নাম ধারণ করিয়াছে। অনেকে ইহার উৎপত্তিস্থান ভারতবর্ষ নির্দেশ করেন। একজন ইউরোপীয় সঙ্গীত গ্রন্থকার ভারতবর্ষীয় যন্ত্রাবলীর মধ্যে বেহালাকে নিবেশিত করিয়াছেন। ইহা দ্বারা অনেকের ভ্রম জন্মিয়াছে। বেহালার স্বরভাস শ্রবণে পাশ্চাত্য যন্ত্র বলিয়াই অনুমিত হয়। বিশেষতঃ বাঙ্গলা ব্যতীত ভারত বর্ষের অন্য কোন প্রদেশে ইহার প্রচলন নাই। বাঙ্গলাতে ইংরাজী ভাষা ও রীতি নীতি শিক্ষার সঙ্গে সঙ্গে, ইংরাজ দিগের গান বাদ্যও প্রচলিত হইয়া আসিতেছে। বেহালা ভারত বর্ষের সম্পত্তি হইলে অন্য কোন প্রদেশেও দৃষ্ট হইত। ইংরাজ দিগের দ্বারা যে বাঙ্গলায় বেহালার প্রচলন হইয়াছে, তাহাতে আর সন্দেহ নাই। ইহা বঙ্গদেশে যাত্রা ওয়লাদের নিকট অধিক আদরণীয়। টম্পা এক রূপ আলাপিত হইতে পারে ইদানীং অনেক গুণি গণ বহু তার সংযুক্ত করিয়া ব্যবহার করিয়া থাকেন।

বৈণব-যন্ত্র—পৃথিবীর সমুদয় প্রদেশে প্রসিদ্ধ। কি মুসভ্য কি অসভ্য সমুদয়স্থলেই নানা আকার ও প্রকারে বিবরণ করিতেছে। কীচক রন্ধু, বায়ু প্রবেশে এক রূপ শব্দ হইতে শুনিয়া আদিম সময়ে র লোকেরা একচ্ছিদ্রা বংশীর আবিষ্কার করে। অদ্যাপিও কুকি সাঁওতাল প্রভৃতি অসভ্য লোকেরা বংশপর্কে একটা মাত্র ছিদ্র করিয়া বাজাইয়া থাকে। কালে সভ্যতার সহিত বংশীর উন্নতি সাধিত হইলে প্রয়োজনানুসারে তিন গ্রাম সাতস্বর বিকাশার্থ অধিক ছিদ্র নিয়ো-

জিত হইল। শ্রীকৃষ্ণের পূর্বে যে কেহ, মুসভ্য বহুচ্ছিদ্রা বংশী বাদন করিয়াছেন, তাহার কোন প্রমাণ পাওয়া যায় নাই। আমরা শ্রীকৃষ্ণকেই মুসভ্য বংশীর আবিষ্কর্তা বলিয়া স্বীকার করি।

সানাই—এই যন্ত্র ভারতবর্ষের সর্বস্থলে প্রচলিত। বংশী কিঞ্চিৎ সংশোধিত হইয়া ইহা প্রস্তুত হইয়াছে, বংশীতে মুচ্ছনা প্রকাশ হয় না, সেই নিমিত্ত তাহাতে খেয়াল ধ্রুপদ সম্পন্ন হইবার নহে, কিন্তু সানাই যন্ত্রে উত্তমরূপে খেয়াল ধ্রুপদ বাদিত হইয়া থাকে।

রোসন চৌকি—“রোসন” নামক একব্যক্তি আবিষ্কার করিয়াছে বলিয়া ইহার এই নাম হইয়াছে। ইহাতে বীণার ন্যায় পরিপূর্ণরূপে রাগ রাগিনীর আলাপ হইতে পারে, ইহার স্বর অতি দূরশ্রাবী, মনোহর ও তেজস্বী, যুগল (জুড়ি) যন্ত্র সম্মিলনে ইহার উত্তম একতানিকতা হইয়া থাকে। বঙ্গদেশে সঙ্গীতে ইহার প্রবেশাধিকার নাই, কোন উৎসব কাণ্ডে অনাদৃতরূপে বাদিত হইয়া থাকে। কিন্তু ভারতবর্ষীয় পশ্চিমাঞ্চলে সভ্যতা ইহার বিলক্ষণ আদর আছে, ইহার ন্যায় কোন যন্ত্রেই স্বরের স্থায়ী-ভাব নাই। ইউরোপে অনেক প্রকার বাঁশী প্রকাশিত হইয়াছে, তাহা বর্ণন করা এই প্রস্তাবের উদ্দেশ্য নহে, কিন্তু রোসন চৌকিকে কোন প্রকার বাঁশীই পরাস্ত করিতে পারে নাই।

ভেরি—ইহা অসম্পূর্ণ বৈণব, অর্থাৎ ইহাতে সাতস্বর প্রকাশ পায় না। ভারতবর্ষে অতি প্রাচীন কালে যুদ্ধাদিতে ব্যবহার হইত, অদ্যাপিও বিরল ব্যবহার আছে,

ইহার স্বরের গাম্ভীর্য ও ওজস্বিতা প্রশংসনীয়।

শৃঙ্গ—বাঙ্গলা ভাষাতে ইহাকে “সিঙ্গা” বলে ইহাও আদিম যন্ত্র। ইহাতে সাতস্বর প্রকাশ পায়না, ইহা শিব বাজাইতেন। অদ্যাপি অসভ্য বন্য লোকদিগের মধ্যে সিঙ্গার প্রচলন আছে।

তাল যন্ত্র।

দুন্দুভি প্রভৃতি নানা তালযন্ত্র প্রাচীন কালে ব্যবহৃত হইত, সে সকল সঙ্গীতের সহযোগী নয় বলিয়া পরিত্যক্ত হইল।

মুরজ—মুরজকেই মুসলমানেরা পাখোয়াজ এই আখ্যা দান করিয়াছে। হিন্দুরা মৃত্তিকা দ্বারা মুরজ প্রস্তুত করিত বলিয়া মুরজ তাহার নামান্তর ছিল। কিন্তু মুসলমানেরা তাহা কাষ্ঠ দ্বারা নির্মাণ করিয়া কিঞ্চিৎ সুবিধা সাধন করিয়াছে, এই যন্ত্র অত্যন্ত গভীর-নাদী। সময়ে সময়ে দূরস্থিত মেঘ গর্জন বলিয়া ভ্রম হয় ধ্রুপদলয়ের উপযোগী।

পাখোয়াজ—পাখোয়াজ দ্বিধারূপে বিভক্ত হইয়া এই যন্ত্র আবিষ্কৃত হইয়াছে। পাখোয়াজ ধ্রুপদের ন্যায় খেয়াল টম্পা প্রভৃতিতে উপযোগিতা প্রকাশ করে না। এই অভাব বশত এই যন্ত্রের প্রকাশ হইয়াছে। কোন বাদসাহের রাজত্ব কালে প্রচলিত হয় নিশ্চয় নাই বঙ্গ দেশে ইহার বিলক্ষণ প্রচলন আছে। ইউরোপে স্বর যন্ত্রের অনেক দূর উৎকর্ষ সাধিত হইয়াছে, কিন্তু তাল যন্ত্রের কিছু মাত্র উৎকর্ষ হয় নাই। পাখোয়াজও তবলার নিকটবর্তী

হইতে পারে ইউরোপ ও আমেরিকাতে এরূপ কোন তাল যন্ত্র নাই।

খোল—ভ্রমবশত অনেকে খোলকে মৃদঙ্গ বলিয়া থাকে, বস্তুত মৃদঙ্গ খোল নহে, অনেক সংস্কৃত পুস্তকে দেখা যায় যে—বীণা ও মৃদঙ্গ সংযোগে দেবতা, গন্ধর্ব, কিন্নরেরা গান করিত। অদ্যাপি বীণা ও পাখোয়াজ যোগে গান করিবার প্রথা পঞ্জাবে প্রচলিত আছে। খোলের সহিত বীণার কোন রূপেই সম্মিলন হইতে পারে না, ইহা দ্বারাও জানা যায় খোল মৃদঙ্গ নহে। খোল বঙ্গদেশে বহু পরিমাণে প্রচলিত, গৌরীঙ্গ ভক্তেরা ইহাকে আদর পূর্বক গ্রহণ করে।

টুল্কি, বাঁয়া ঢোল, এই দুই প্রকার যন্ত্র বঙ্গদেশ ব্যতীত কোন স্থানে দৃষ্ট হয় না। যাত্রা, পাঁচালি, ও কবিগানে এই যন্ত্রদ্বয়ের ব্যবহার দৃষ্ট হয়।

দুন্দুভি—ইহাকে এখন টিকারা বলে, অনেক দেশে উৎসবাদিতে প্রচলন আছে। মাদল, তামা, ঢাক, ঢোল, কাড়া প্রভৃতি অনেক অসভ্য যন্ত্র ভারতবর্ষে প্রচলিত আছে, তৎবর্ণন এপ্রস্তাবে অনাবশ্যক।

মুরচুঙ্গ, বাঁঝরি, করতাল, খরতালী, মন্দিরা, কাঁশ, ঘণ্টা, প্রভৃতি কতক গুলি প্রাচীন যন্ত্র এই প্রস্তাবে গৃহীত হইল না। আধুনিক কৃতবিদ্যা দিগের নিকট বিনীতভাবে নিবেদন তাঁহারা যেন অনাদৃত ভারতবর্ষীয় বাদ্য যন্ত্র গুলির প্রতি কৃপাদৃষ্টি রাখেন।

অষ্টাদশ পুরাণের সংক্ষিপ্ত বিবরণ—পদ্ম পুরাণ ।

স্বর্গ খণ্ড — এই খণ্ডে ৪০ অধ্যায় ও ৪ সহস্র শ্লোক আছে। সৌতি শেষ-নাগ ও ঋষিবর্গে যে কথোপকথন হয় তাহার আবৃত্তি করিয়া এই খণ্ড আরম্ভ করেন।

বৎস-যোজন মুনি শেষনাগকে স্বর্গের বিষয় জিজ্ঞাস্য হইলে, সর্পদেব ভরত-রাজার সহিত বিষ্ণুর জনৈক দূতের কথোপকথনের বিষয় উল্লেখ করেন। ভরত-রাজার সম্বন্ধে শকুন্তলার উপাখ্যান বর্ণিত হইয়াছে। দুসন্তপুত্র ভরত বহুকাল রাজত্ব করিয়া পরিশেষে বিষ্ণুর উপাসক হন। বিষ্ণু, সুনন্দ নামক তৃতীয় দূতকে তাঁহার নিকট প্রেরণ করেন। সুনন্দ ভরতের অভ্যর্থনায় স্বর্গের বিষয় বর্ণন করেন। স্কন্দ পুরাণের কাশী খণ্ডও এই রূপে কথিত আছে।

সৌর জগত, স্বর্গ এবং মহ, জন, তপ ও সত্য প্রভৃতি চতুঃস্বর্গের বিবরণ সংক্ষেপে লিখিত হইয়াছে, বৈকুণ্ঠপুরী এতৎসমুদয়ের উপরেস্থিত। তৎপরে ভূত, পিশাচ, গন্ধর্ব্ব বিদ্যাধর, ও অঙ্গরোগণের আবাসভূমি তিনই লোকের বিবরণ। কি কার্য করিলে মানবগণ সেই সকল স্থানে বাস করিবার যোগ্য হইতে পারে তদ্বিষয় বিস্তারিত রূপে কথিত আছে। অঙ্গরোগ লোক বর্ণন কালে সুনন্দ উর্ধ্বশী ও পুরু-রবার বিষয় বর্ণন করি হইয়াছে। পুরু-রবার গন্ধর্ব্বদিগকে পূজায় সম্বৃত্ত করিয়া উর্ধ্বশীর

সহিত অঙ্গরোগ লোকে বাস করিতে পান। ভরত তাঁহাকে সমস্ত পুণ্যদান করিলে তিনি বৈকুণ্ঠধামে গমন করেন। তৎপরে সূর্য্য লোক, ইন্দ্র, অগ্নি, যম, দিকপাল, বরুণ ও বায়ুর বিবরণ। কুবের লোক বর্ণন কালে রাবণের জন্ম ও তৎকর্তৃক কুবেরকে লক্ষা হইতে বহিস্কৃত করণ বিষয় বর্ণিত হইয়াছে।

সোম লোক বর্ণন স্থলে সোম ও বুদ্ধের জন্ম বৃত্তান্ত ও সোম কর্তৃক দক্ষ-প্রজাপতিকে শাপ প্রদানের বিবরণ কথিত আছে। ধ্রুবলোক বর্ণন কালে ধ্রুবের জন্ম বৃত্তান্ত ও তাঁহার বৈকুণ্ঠধামে গমন বিবরণ বিবর্ণিত হইয়াছে। সুনন্দ তৎপরে ভরতকে বৈকুণ্ঠধামে লইয়া যান।

বৎস-যোজন শেষ নাগকে জিজ্ঞাসা করিলেন হে মহাভাগ! সূর্য্য বংশীয় কোন কোন নরপতি পুণ্য কার্য দ্বারা স্বর্গ রাজ্যে গমন করিয়া ছিলেন। শেষ তৎসমুদয় বিস্তীর্ণ রূপে বর্ণন করেন। সগর রাজার জন্ম, কপিল মুনির শাপে সগর বংশ ধ্বংস, ভগীরথ কর্তৃক গঙ্গা আনয়ন-জাহ্নবী নদীর স্পর্শে সগরকুল উদ্ধার, মধু দৈত্যের পুত্র ধুন্দ দৈত্যের উপাখ্যান, শিব নরপতির বদান্যতা, মরুৎ যজ্ঞ, দিব দাসের কাশীতে রাজত্ব শিবের কাশী রাজ্য লাভ এবং মাকাতার জন্ম বিবরণ। মাকাতা একটা অশ্বমেধ যজ্ঞ করেন দেবর্ষি নারদ সেই যজ্ঞে উপস্থিত হইয়া তাঁহাকে কৃষ্ণ বা বিষ্ণুর উপাসনা সম্বন্ধীয় নানা নীতি গর্ভ উপদেশ প্রদান করেন, তৎসমুদয়ই সাংখ্য দর্শনের মতানুযায়ী। কর্ম যোগ ও জ্ঞান যোগের বি-

ষয়ে ও অনেক উপদেশ আছে। এতৎ পাঠে বিলক্ষণ প্রতিপন্ন হয় যে, এ-ভাগটি সম্পূর্ণত বৈষ্ণব সম্প্রদায়িক। তৎপরে অনুষ্ঠান পদ্ধতি। দক্ষ প্রজাপতির অবমাননা করিয়া শিবের অপমান, এবং বিশ্বকেশুর পুত্র ব্রহ্মকেশু ও দক্ষ প্রজাপতির উপাখ্যান।

পরিশেষে ধর্মাধর্মের বিবরণ, রাজতন্ত্র রাজ্যের আবশ্যিকতা, নরপতিগণের কর্তব্যাকর্তব্য, যুগ চতুষ্টয়ের স্থায়িত্ব ও জগৎ ধ্বংসের বিবরণ ব্যাখ্যা করিয়া নারদ ইন্দ্রধামে গমন করিলেন। শুভারি মুনির সহিত মাকাতার কন্যাগণের বিবাহ, তাহার যজ্ঞ শেষ ও স্বর্গে গমন প্রভৃতি বর্ণন করিয়া এই খণ্ড সমাপ্ত হইয়াছে ॥

কুমার সম্ভবঃ ।

অষ্টমঃ সর্গঃ ।

মেনাং গিরীশঙ্কততঃ প্রবোধ্য,
নহাচ গৌরী গিরিশেন সার্কম্,
কৈলাস যাত্রা মকরোৎসর্ঘম্,
সম্পাদয়িত্বীং কুশলং সুরাণাম্ ।

ধীরং চলন্ কল্পিত কম্বলো, সৌ
ত্রিলোক নাথস্য নিদেশ মাত্রম্
আকাশ মার্গং পবনং বিলজ্জ্য
প্রাসাদ সোপান মিবাকরোহ ।

তনু প্রকর্ষাৎ শিখরং বিজিত্য,
তুষার শুভ্রো গগণেষু ধাবন্
শার্দূল চর্ম্মাবৃত পৃষ্ঠদেশ ।
ত্রিলোক পিত্রোশ্চরণাজবোঢ়া ।

আরুহ্য তং বেটন বন্ধ মুক্ত্যা
বিলম্বিতা ধূত জটা কলাপঃ
বিশাল মূর্ত্তিঃ পরিশান্ত দৃশ্যঃ
সমেঘ গুলাদ্রিরিব প্রভাবান্

শৌণ প্রভাত্যাং ননুলোচনাভ্যাং
প্রভাত সন্ধ্যাসময়া গতস্য,
সূর্য্য দ্বয়স্যানু করন্তপম্বী,
ভালে তৃতীয়ং জ্বলদগ্নি চক্ষুঃ

তদুর্দ্ধতশ্চন্দ্রকলা নিমগ্না
গঙ্গা তরঙ্গো ছসনাঙ্গ শীর্ষঃ
গর্জ্জ দ্ভুজঙ্গার্পিত কণ্ঠ হারো
লম্বোদরঃ কজ্জল কণ্ঠ দীপ্তিঃ ।

সদ্যোহত ব্যাস্র বরস্য কৃতিং
রক্তাঙ্গ পৃষ্ঠং পরিধায় লোলাং
বামে তলে নৈব করেন শৃঙ্গং
ধ্বজা মুহু ভৈরব মাররাব ।

অষ্টম সর্গ ।

তদনন্তর গৌরী মেনা এবং গিরিরাজকে প্রবোধিত করিয়া, তাঁহাদিগের চরণে প্রণতি পূর্বক শিবের সহিত সহর্ষে দেব-কুশল সাধিনী কৈলাশ যাত্রা করিলেন। ত্রিলোক নাথের নিদেশ মাত্র ধীরগামী মহা বৃষভ গলকম্বল কম্পন করিয়া পবন লজ্জন পূর্বক আকাশপথে উখিত হইতে লাগিল। বোধ হইল যেন প্রাসাদের সোপান পরম্পরায় আরোহণ করিতেছে।

যাহার বর্ণ তুষার সদৃশ, পৃষ্ঠ দেশে শার্দূল চর্ম্ম আবদ্ধ জগতের জনক ও জননীর চরণ বাহক সেই গোদেব, তনু প্রকর্ষে গিরি শিখর পরাজয় করিয়া গগন-নার্গে ধাবিত হইতে লাগিল।

তৎপৃষ্ঠে আরোহণ করিয়া দেব দেব
গমন করিতে লাগিলেন। বেষ্ঠন-বন্ধ-মুক্ত
হইয়া পৃষ্ঠদেশে জটাকলাপ বিলম্বিত ও
কল্পিত হইতে লাগিল, তাঁহার শান্ত দৃশ্য
বিশাল রূপ মেঘ সমাবৃত শুভ্র পর্কতের
শোভা ধারণ করিল, তাঁহার লোহিত-
প্রভ লোচনদ্বয় দ্বারা প্রভাত ও সন্ধ্যা
সময়ের সূর্য্যদ্বয় অনুকৃত এবং ললাটে
তৃতীয় জ্বলদগ্নি চক্ষুঃ দীপ্তি পাইতেছে,
সেই লোচনের উর্দ্ধভাগে চন্দ্রকলা নিষণ
রহিয়াছে, গঙ্গা-তরঙ্গোচ্ছ্বাসে শীর্ষদেশ
আর্দ্র হইতেছে, গলদেশে হারীভূত ভুজ-
ঙ্গম গর্জন করিতেছে, কণ্ঠভাগে কঙ্কলাতা
দীপ্তি পাইতেছে।

গৌরী সমুদেষ্ঠনন্দরেন,
ভূজেন বামেন বহনু ত্রিশূলম্
ছায়া পয়োদে ফলিতাস্য দীর্ঘ
মুৎপাদয়ন্তী ব সুরেন্দ্র চাপম্।

তেজো ভবানী ভবয়ো মিলিত্বা,
প্রচ্ছাদ্য সূর্য্যং বিয়তি প্রকম্প্যাম্
স্কুর দ্বিতা মণ্ডলমেব কীর্ণং
দিক্ চক্র বালং সবলী চকার।

বিলজ্ব্য বীর্ঘ্যাস্তু হিনং ঘনধ
বিয়দ্গতা ধীরবাবতি ভীমা,
শৈবেয়সেনা শিবমন্ড গচ্ছৎ
ভগীরথং স্বর্গ তরঙ্গিনী ব

ভয়ঙ্করী বাসব চাপ খড়্গা,
বিদ্যুৎ প্রভা চঞ্চলরক্ত জিহ্বা,
ধীরস্বনা ব্যোমচরী প্রয়াতা
কালী সুনীলেব পয়োদ মালা।

উপ্থান জাতৈঃ পবন প্রবাহৈ
বিলোড়ি তোচ্ছাসিততোয় সিন্ধোঃ
ঘোষৈর্গিরিভ্র প্রতি ঘোষদীর্ঘৈ
ভী মৈর্দিশো ব্যাপ্ত তরা বভূব।

সদ্যোহত শাঙ্কুলের শোণিতাঙ্গ
চর্ম লঘোদর দেশে অর্দ্ধস্থলিতভাবে
পরিহিত রহিয়াছে, এবং দক্ষিণ কর্ণত
শৃঙ্গবর ভৈরবরবে বাদিত হইতেছে।

গৌরী-বেষ্ঠন-রম্য বামকরে মহাত্রিশূল
গৃহীত হইয়াছে, সেই ত্রিশূলের ছায়া
পয়োদমালায় প্রতিফলিত হইলে বোধ
হইতেছে যেন তাহা হইতে দীর্ঘ ইন্দ্রধনু
উৎপন্ন হইয়াছে।

উমা ও মহেশের তেজোরশি মিলিত
হইয়া সূর্য্য মণ্ডল আচ্ছাদন পূর্ব্বক স-
কম্প-বিভা-মণ্ডল সহকারে আকাশ মণ্ডলে
ব্যাপ্ত হইতে লাগিল, এবং দিক চক্র-
বাল নানা বর্ণে বিভাসিত হইল।

ভগীরথানু-গামিনী-গঙ্গারন্যায় ভীমা-
শিব সেনা, বলে তুমার এবং মেঘ লঙ্ঘন
করিয়া ধীর কোলাহলে আকাশ পথে
শিবের অনুগমন করিতে লাগিল।
নাদিনী নভশ্চরী শ্যামাঙ্গী পয়োদ মা-
লার ন্যায় ভয়ঙ্করী কালী অনুগা-
মিনী হইল। হস্তে ইন্দ্রচাপ মদৃশ খড়্গ
দৃশ্যমান, রক্তবর্ণ লোলজিহ্বা বি-
দ্যুৎ-প্রভা মদৃশী শোভমানা হইতে
লাগিল। উপ্থান জাত পবন-প্রবাহে সা-
গর সলিল বিলোড়িত ও উচ্ছাসিত হইতে
লাগিল, তাহার শব্দ পর্কতে প্রতিহত
হইলে ভীমউচ্চৈঃ প্রতিশব্দে দিক্ সকল
ব্যাপ্ত হইল।

স্বর্গভ্রংশকাব্য

এরূপে কহিল বাক্য নিজ সজ্জিবরে
সে অসুরকুলপতি। উন্নত করিয়া
শির, পাবকীয় উর্ধ্বদল ভেদি। আঁখি
দ্বয় জলে ধক্ ধক্ বাড়াই। অনল
সম। সহস্র যোজন ব্যাপিয়া পতিত
রহিল সে ভয়ঙ্কর ভীম কলেবর,
প্রজ্জ্বলিত হতাশন ময় অগ্নি স্রোতে।
কম্পনা অতীত তার সে বপু বিশাল
সুদীর্ঘ পর্কত হতে উচ্চতর অতি।
মহিষ অসুর--যার ভুজদর্পবলে
বিকল্পিত চমকিত স্থিমিত মোহিত
সুরকুল সবে, ধরি দুর্গামূর্ত্তি যারে
বিনাশে নিমেষে সেই প্রভু নারায়ণ।
শুভ্র নিশুভ্র নামে ভ্রাতাদ্বয়, যাদের
উৎপীড়নে প্রপীড়িত জর্জরিত যত
দেবগণে বিভূতেজ-সমুদ্ভূতা কালী
বিকট দশনা ভীমা ভয়ঙ্করী বধে
যারে পারে। বৃত্রাসুর-যে অধম দৈত্য
কুলপতি গর্কিত হইয়া নিজভীম দর্পে
ভীত চমকিত করে বজ্রধর ইন্দ্রদেবে,
বজ্রের আঘাতে জ্বলিতে জ্বলিতে পড়ে
ক্ষিত তলে শির বিচূর্ণিত গদাঘাতে।
স্মরিলে যাদের মূর্ত্তি ভয়ঙ্কর, বপু
রোমাঞ্চিত হৃদি বিকল্পিত হয় সদা।
এসবার দেহ হতে শ্রেষ্ঠ ছিল তার
সে বিকট কদম্ব্য ভীষণ কলেবর,

জলচর শ্রেষ্ঠ তিমি তিমিঙ্গিল যথাঃ—

(সর্ক শ্রেষ্ঠগণে যারে বিভূদেবেশ্বর)
পতিত শায়িত মহা সাগর মাঝারে,
দ্বীপ ভ্রমে যার শঙ্কময় পৃষ্ঠ দেশে,
ভাগ্য দোষে পথ ভ্রান্ত সে দুস্তারে
কোন নাবিক প্রবর, বাঙ্কে পোত তাহে
নিভীক অন্তরে পৃথ্বী আবরিত যবে
তমঃ পুঞ্জজালে। সেই রূপ নিপতিত
বিপুল শরীর, শৃঙ্খলিত অগ্নিময়
মহাহুদে। অধোমুখে ছিল নিস্তবধ
ভাবে, কভু নাহি উঠে ছিল নাহি কভু
ভেসে ছিল মস্তক উন্নমি এক বার।
সর্ক নিয়ন্তার অলঙ্ঘ্য আদেশ, ইচ্ছা
ক্রমে ছিল প্রপতিত সে স্বাধীন, এবে
নিজকর্মদোষে হইতে নিরয়গামী
নিত্য সাধি পর অপকার প্রাণপণে।
অথবা দেখিতে ক্রোধে প্রজ্জ্বলিত হয়ে
কি রূপেতে তার চির দ্বেষ উপজিল
দয়া কৃপা অসীম করুণা সে করুণা-
নিদান--হুদে প্রকাশিত বিতরিত
সদা যাহা স্বর্গভ্রষ্ট মানব উপরে
স্বর্গচ্যুত যারা সবে তার প্রলোভনে।
কিন্তু নিজ শিরে নিজে হানিয়া কুঠার
স্থিমিত শাপগ্রন্থ অবিভূত বিষম
বিভু কোপানলে। চক্ষের নিমেষে তোলে
বিপুল শরীর পাবকীয় স্রোত হতে,
বিদূরিত অগ্নিস্রোত হস্তের তাড়নে,
সহস্র তরঙ্গমালা উঠিয়া চৌদিগে,

আন্দোলিত হয়ে ক্রমে লাগিল ভাসিতে ।

(সহস্র চপলা যেন তথা চমকিল)

ভীষণ পাতালোপম হইল গহ্বর
বলে পাবকীয় জল দল নিঃসারণে ।
বিস্তারি বিশাল পাখা হইল উড্ডীন
সীমা হীন ব্যোমদেশে--যাহা প্রলেপিত

ধূমাকার তমঃপুঞ্জ । শরীরের ভারে

হইতে লাগিল নত যত বায়ু রাশি,

উত্তরিল এক ভিন্ন দেশে । পূর্ব স্থল

যে রূপ জ্বলিছে দ্রব অনল দাহনে,

সে রূপ হেথায় জ্বলে কঠিন পাবক ।

আগ্নেয় পর্বত যথা উগ্গীরণ করি

বিশাল পাষণ খণ্ড ফেলিলে নিক্ষেপি,

যথা গর্ভে তার নানা রূপ ধাতু গলি,

জন্মায় বিষম দাহ তীব্র গন্ধ সহ,

সেই রূপ এইস্থান অহো ! ভয়ঙ্কর ।

বিভূ কৃপা বিবর্জিত জীবের চরণ

বিশ্রান্ত হইল সেই নিরাশ প্রদেশে ।

সঙ্গে সঙ্গে অনুগামী হইল বলজা

প্রশংসিল নিজ বলবীর্ষ্য বার বার

নিজ গুণে পরিজ্ঞান মানি, আর ভাবি

নিজে শক্তিমানবিভূ বলি হায় ! মনে

একবার না ভাবিল বিভূর করুণা ।

বলিতে লাগিল নির্ভাসিত মহা দিব্য

দূত " এই স্থান এই প্রশস্ত প্রদেশ

এই বাস ভূমি করিব কি বিনিময়

সেই দিব্য ধাম সহ ? । এই শোচনীয়

তমোরাশি সহ হয় কিহে বিনিময়

সে স্বর্গীয় আলো জাল ? । হউক এরূপ

স্বর্গেশের ইচ্ছা এবে বটে বলবান ।

যদিও সে জ্ঞানে সম, কিন্তু গরীয়ান

বাহুবলে মোসবার হতে । তার সহ

একত্র নিবাস-নহে উচিত মোদের

যত দূরে বাস, তত শ্রেয়ঙ্কর তর ।

ওহে সুখ দিব্য ধাম ! তোমার চরণে

প্রণমি বিদায় হই জনমের মত ।

এস আলিঙ্গন করি আনন্দে তোমায়

ওহে মহা রৌরবীয় ভীষণ প্রদেশ,

বরণ করিয়া জওনব ভূপতিরে

তব, হে গভীর তম অসীম নরক ।

অচল, অটল মম মানসের গতি

স্থানে কি সময়ে কভু বিচলিত নহে ।

মন অধিপতি সদা অধ্যাত্ম জগতে,

সুখ কি দুঃখ, স্বর্গ কি নরক তদধীন

নাহি পরিবর্ত্ত যার কি ফল তাহার

স্থান ভেদে ? স্বর্গ কি নরক সম বসে

যেখানে সেখানে থাকি কিন্তু বজ্রধর

বজ্র গুণে গরীয়ান মোসবার হতে,

করিতে হইবে এই লাঘব স্বীকার ।

মনে লয় এখানে থাকিব নিরাপদে

হিংসা নাহি উপজিবে এ স্থানের লাগি

পর-শ্রীকাতর সর্ব শক্তি ধর হৃদে ।

এস্থান হইতে নাহি হইব তাড়িত,

নিরুদ্ধেগে হেথায় হইবে রাজ্য ভোগ,

বাঞ্ছনীয় প্রভুত্ব সতত যদিও বা

হউক নরকে, শ্লাঘনীয় মোসবার ।

স্বর্গের দাসত্ব হতে নরকে রাজত্ব

শত গুণে শ্রেষ্ঠতর বটে মম মতে ।

হায় ! কেন সেই মম সম দুঃখ ভাগী,

চির বিশ্বাসের পাত্র, নিজ মিত্রগণে

ভয়াবহ অগ্নি হৃদে রাখিব পাতিত,

আমন্ত্রিব কেন নাহি করিবারে ভোগ

আমাদের মত যাতনার সমভাগ,

এ সুখলেশ হীন নির্মম ভবনে ।

কেননা দেখিব পুনর্বার প্রাণপণে,

ধরিয়া আশুধরাজি দলবল সহ,

দেখি যদি পারি করিবারে অধিকার

সে সুখদ স্বর্গধাম-কিন্বা এতে যদি

অধিক যাতনা ঘটে ঘটুক নরকে ।

অনুরাগ মরীচিকা ।

ইকি দেখি সম্মুখেতে মানস মোহন,

দিব্যবেশে আছে সাজি বিবিধ ভূষণে,

অমনি ধরিতে যাই,

এই দেখি এই নাই,

নিমেষেতে হায়রে কেমনে

কোথায় লুকায় সেই অদৃল্য রতন ।

আকাশে উদিল মেঘ নীলরূপে ভাসি ।

গম্ভীর নিনাদে চাতকেরে আশ্বাসিল,

হয়ে আশামদাকুল,

নাচিল ময়ূর কুল,

ভেক গণ হরষে মাতিল,

হায় সেই মেঘে উড়াইল বাঞ্জা আসি ।

নিদাঘ বিভাত হায় কিবা মনোহর,

বহে মন্দ সুশীতল মলয় পবন,

পূর্ব দিগে নভোদেশ,

ধরি মনোহর বেশ,

বিনোদিতে ছিল জন মন,

সহসা আসিয়া আবরিল জলধর ।

সরসে ভাসিছে কিবা বিকচ কমল,

গন্ধে মাতি মধুকর ধাইয়া আইল ।

হেরি প্রায় দিন শেষ,

ধরিল মলিন বেশ,

নলিনী না বদন তুলিল,

প্রেমানুরাগীর আশা সতত বিফল ।

আহা কিবা শোভা পায় মুরম উদ্যান,

মাঝে সরোবর চারি দিগে পুষ্পবন,

দেখিল থাকিয়া দূর,

হরিণ পিপাসাতুর,

সমীপে নাকরে নিরীক্ষণ,

এই রূপে অনুরাগ হয় অবসান ।

আর না দেখিতে চাই অনুরাগ মুখ,

স্মরি অনুরাগে এবে শরীর শিহরে,

হয়ে নব অনুরাগী

হলেম দুঃখের ভাগী

মরি মরি হৃদয় বিদরে,

কে কোথা করেছে লাভ অনুরাগে মুখ ? ।

প্রেমিকের স্মৃতিরে ডাকিয়া বার বার,

শত বারি ধারা বহাইছে দুনয়নে ।

সন্দেহ তপন করে,

এডব প্রাস্তরে চরে,

সাজি নানা রূপে অনুকণে

অনুরাগ মরীচিকা—বহু খেলা যার ।

এ হৃদয়-মরুভূমে পশিয়া আবার,

দেখাইছে কত রূপে যেমন স্বপন,

হায় কি অন্তত মায়া,

যথা দর্পণেতে ছায়া

তারে ধরা যায় কি কখন, ?

অনুরাগ মরীচিকা—কত ছল তার।

হে নভোমণ্ডল তুমি অসীম বিস্তার,

চণ্ড রবি তাপে বুঝি মানস বিকল,

তুষাতুর যুগ সম,

তোমার কি হয় ভ্রম ?

মোহে ভ্রমে করিল বিহ্বল,

অনুরাগ মরীচিকা—বুঝিহে এবার।

হে পবন মৃদুস্বরে কি কহিছ সার ?

মুকুমার কুমুম দলের কাণে কাণে,

সহিয়া রবির তাপ,

কর কিহে ভ্রমালাপ,

যাবে প্রাণ থাক সাবধানে,

অনুরাগ মরীচিকা—মায়ার আধার।

হায় শুনিলাম কথা মুখার মুখার

পবন কহিল যেন ডাকিয়া হরষে,

শব্দ আইল কাণে

যেই রয় সাবধানে

কতু নাহি তাহারে পরশে

অনুরাগ মরীচিকা—যেই মজে তার।

সময়ে কি না হয়।

(পূর্ব প্রকাশিতের পর ।)

ভৌতিক ব্যাপার।

গোপালচন্দ্র বাড়ির ভিতর সম্যাসী ঠাকুরের নিমিত্ত জলখাবারের আয়োজন করিতে বলিয়া বাহির বাটীতে আসিয়া সম্যাসীর নিকট নানা কথাবার্তায় উপ-
বিষ্ট আছেন।

সম্যাসীর আকৃতি প্রকৃতি বলিতে গেলে তিনি দেখিতে (নাতি খর্ব দীর্ঘ)

গৌরবর্ণ, মুখ স্নগঠনে গঠিত, কিন্তু ল-
ম্বিত শূশ্রুতে বিকৃত, আবার বিশেষ
দৃষ্টিপাত করিলে বোধ হইবে যেন
সেই মুখ নিরন্তর দুঃখ রেখায় অঙ্কিত,
ললাট উন্নত কিন্তু কুঞ্চিত, চক্ষু
বিস্তারিত কিন্তু নিরন্তর ভূমি দর্শন
বিলাসী যেন সতত ভাবনায় ভার-
ভূত হইয়া রহিয়াছে। বদন-মণ্ডল-
ব্যাপ্ত দুঃখ রেখা-বলীভেদ করিলে সা-
ধুতার আভা বিলক্ষিত হইতে থাকে বটে,
কিন্তু সে সাধুতা কোমলভ্রমর নহে, উহা
মানব প্রকৃতির বহু বিধ প্রকৃতি দর্শনে
কাঠিন্য আবরণময়ী হইয়াছে। সম্যাসীকে
দেখিলে আপাততঃ প্রায় ৫০ বৎসর ব-
য়স্ক বলিয়া বোধ হয়, কিন্তু তাহার
অপেক্ষা নূন হইবার বিলক্ষণ সম্ভব।
পৃথিবী পর্যটনে ও নানাবস্থায় পতনো-
মতিতে বোধ হয় তাঁহার শরীরের এরূপ
বার্দ্ধক্য ভাব হইয়াছে ও তাহাতেই হয়ত
এতবৃদ্ধবলিয়া বোধ হইত। ইহার বেশতুষা-
দির বিষয় অধিক বলিবার আবশ্যিক নাই।
সেই জটাভূটও আছে, সেই শূশ্রু নখ
আছে, কণ্ঠে রুদ্রাক্ষ, কটিতে কোপি-
হস্তে চিম্টা প্রভৃতি সকলই আছে।
যাহা হউক সম্যাসী ঠাকুর যৌবন কালে
যে একজন মুরূপ যুবক ছিলেন তাহা
বিলক্ষণ অনুমান হয়। এবং ইহাও অনুমান
হয় যে প্রকৃতির শান্তি-হারক দুর্দমনীয়
দুঃখকীট সতত তাঁহার অন্তর নিষ্কৃষিত
করিতেছে।

উভয়ের নানা কথা আলাপনের পর
গোপাল জিজ্ঞাসা করিলেন, ঠাকুর!
কালকের বিষয় কি হলো? কি দেখলেন?

আপনি ত গেলেন কিন্তু আমাদের মনে
ভয় হতে লাগলো।”

সম্যাসী উত্তর করিলেন “ ভয় কি
বাবা! তোমরাও কি ভূত মনো? ”

গোপাল কহিলেন “ না, ভূত মানিনে
বটে, কিন্তু কেমনে কুসংস্কারের গুণ, অঙ্ক-
কার রাত্রে একা এদিক ওদিক বেড়াতে
পারিনে। আর যা বলুন আমার কিছুতেই
ভয় হয় না কিন্তু অঙ্ককার রাত্র হলেই
সর্বনাশ উপস্থিত হয়। ”

সম্যাসী ঈষৎস্বাস্য মুখে কহিলেন “
“কুসংস্কার বিষম শত্রু বটে, আর তাহা যে
দূরতক্রম্য তাও স্বীকার করি; কিন্তু বাপু!
ভূত তুঁত যত কিছু বল, যত গর্জায় তত
বর্ষায়না; তুমি কি কখন ভূত চখে
দেখেছ? ”

গোপাল অপ্রতিভ ভাবে উত্তর করি-
লেন “ আজ্ঞে না কখন চখে দেখিনি,
শুনি মাত্র। ”

সম্যাসী। “ ঐ বোকো আর কি;
সেকালের লোকে মনে কর, কত ভূত
দেখত, আর তাদেরই কাছে এবিষয়ে
যত গল্প শুনে একালের লোকের
কাছে তত শুনে পাবে না। রেলের
গাড়ি হওয়ায় গয়ার পথ সহজ হও-
য়াতেই হোক, আর দেশে লেখা
পড়ার চর্চা হওয়াতেই হোক
এখন দেখেছ ভূতের হাজির কত কম
পড়েছে; একালের ছেলে পিলেরা
প্রায় দেখতে পায় না, যা দুএক জন
দেখতে পায়, তা তারা প্রায়ই সে-

কালের বুড়া বুড়ি নয়ত মূর্খ লোক।

শুনেছ যে ভূতে আলো মইতে পারে না

তা সে বাবা! আগুনের আলো নয়--

জ্ঞানের আলো। গোপাল “ তা বটে,

ছেলে বেলায় শূন্যতাম আজ এ বাড়ির

কানাচে কাল ও বাড়িরদুয়োরে পেতনি,

সাঁকচুমি না ছাই তম্ম যাই হোক

কত কি ডেকে যেত, এখন আর সে

সব কিছুই শুনে পাইনে। একদিন

পেতনির ডাক শুন্লাম কিন্তুশেট্টা

ঠিক হলো সেটা পেঁচা। কিন্তু ঠা-

কুর! এই যে ভূতে পায় সেটা কি?”

সম্যাসী। “ বাপু! পুরুষকে ভূতে পেতে

দেখছ কি? ”

“ আজ্ঞে না। ”

“ তবে তাই বুঝে নেও। ”

“ কাল কিন্তু যে ব্যাপার দেখবার

জন্যে গিচ্ছলেন সেটা কি? ”

“ বাপু! সেটা যে রকম ভূত, বোধ

হয় শিখ্রই কাকে পেয়ে বসবে। ”

“ ঠাকুর আমি তবে সে ভূত

দেখব। ”

সম্যাসী স্নানমুখে ও হাস্য সঞ্চার করি-

তে পারিলেন না কহিলেন।

“এই এক পাগল দেখ, ভূতের তুমি

কি দেখবে? ”

“ আজ্ঞে না আমাকে দেখাতেই

হবে। ”

সম্যাসী পুনর্বার হাঁসিয়া উড়াইয়া দিলেন

কিন্তু গোপাল নাছোড় হইয়া পড়

লেন। সম্যাসী তদ্বিবয়ের কর্তব্য-

কর্তব্য অবধারণেও অনেকক্ষণ অধো

বদনে চিন্তার পর একটি দীর্ঘ নিশ্বাস পরিত্যাগ করিলেন, এবং তাঁহার ভাব ভঙ্গিতে গোপাল অনুভব করিলেন যেন সন্ন্যাসীর মন, দারুণ চির-শোক শেল-নিপীড়িত এবং সেই মনে, ভূত প্রদর্শনের কর্তব্যাকর্তব্য অবধারণে নিতান্ত অভিভূত হওয়ায় মূল বিষয় বিদূরিত হইয়া কোন আশ্রয় সঙ্ঘটিত শোকের বিষয় উদয় হইয়াছে; এবং ইহাও বিবেচনা করিলেন যে প্রতিকার্যের কর্তব্যাকর্তব্য বিবেচনায় নিতান্ত নিগূঢ় হওয়ার ফল এই। সন্ন্যাসী আবার "তা হবার নয়" বলিয়া একটি দীর্ঘ নিশ্বাস পরিত্যাগ করিলেন। কি জানি তিনি কেন ও কথা বলিলেন।

গোপাল ভাবিলেন সন্ন্যাসী বুঝি তাঁহাকে প্রদর্শন সম্বন্ধে এই কথা আপন মনে বলিলেন, সুতরাং নিরাশ ভাবে সন্ন্যাসীর পুনর্বার উপাসনা করিতে প্রবৃত্ত হইলেই সন্ন্যাসীর চৈতন্য হইল।

তখন সন্ন্যাসী গোপালেরদিকে তাকাইয়া কহিলেন "আচ্ছা বাবা! তোমাকে দেখাব, কিন্তু আমার নিকট একটি অঙ্গীকার কর্তে হবে।"

গোপাল তখন এতদ্রুপ কৌতুহলা-বিস্ত হইয়াছিলেন যে, সন্ন্যাসী বিনিময় স্বরূপ তাঁহার জীবন প্রার্থনা করিলেও তিনি তদ্বানে পরাস্ব মুখ হইতেন কি না সন্দেহ। তৎক্ষণাৎ উত্তর করিলেন "আজ্ঞে করুন, আমার কিছুতেই আপত্তি নাই।"

তখন সন্ন্যাসী কহিলেন "না--আমি তোমাকে বেশি কিছু কর্তে বলছি, তোমাকে এই প্রতিজ্ঞা কর্তে হবে যে, যা তোমাকে দেখাব তাতে তুমি কথাটি মাত্র কবে না, এমন কি, যদি দেখ যে এই ব্যাপারের মধ্যে তোমার বিমাতা উপপতি-বিলাসিনী হয়েছেন তবু তোমাকে দৈর্ঘ্য ধরে থাকতে হবে, তোমাকে বুঝাতে আমি এটা কথার কথা বলব, কিন্তু এরূপ ভাবে সত্যবন্ধ হতে হবে।"

সন্ন্যাসী কথার কথা বলিলেন বটে কিন্তু গোপালের মনে ভাল লাগিল না, মনটা ঝাঁৎ করিয়া উঠিল, মনের উন্নত তেজঃশিখা নমিত হইল। যাহা হউক গোপাল আশ্রুভাব গোপন করিয়া সন্ন্যাসীর নিকট সত্যবন্ধ হইলেন। সন্ন্যাসী স্বীকার করিলেন।

এদিকে রাত্রি অধিক হইয়া উঠিল। নিশীথিনীকে অনাথিনী করিয়া চন্দ্রমা অন্তঃশিখরে গমন করিলেন। রজনীসতী নবীন শোকে মুখ নিবিড়তর তিমিরাবৃত করিলেন। আকাশতল জ্যোতিষ হিরক-মালায় পরিশোভিত হইল। মধ্য ভাগে ছায়াপথ আকাশকে দ্বিভাগে বিভাগ করিল। ধরা হৃদয়ে খদ্যোতিকা কুল নভঃস্থল বিলাসিনী—তারকামালার অনু করণে দিগ্বলয়কে পরিশোভিত করিল। গৃহাভ্যন্তরনিঃসৃত বিগত অক্ষুট জন কল-রব, ঝিল্লিকার শব্দ, শৃংগালের শব্দগারি চিৎকার, তৎপ্রতিকুলতায় কুকুর কুলের গভীর শব্দ, বংশবনের শব্দ শব্দ ধ্বনি

এই সকল কর্ণ কুহরে প্রবেশ করিতে লাগিল। হোসেনপুর পল্লীগাম, রাত্রি অধিক দেখিয়া ক্রমে সকলেই নিশ্চিন্ত হইয়া নিদ্রার বিমল ক্রোড়ে বিশ্রাম লাভ করিল।

সন্ন্যাসী ইত্যবসরে জলযোগ করিয়া বসিলেন। বুদ্ধ তাঁহার সহিত সাক্ষাত করিয়া অন্তঃপুর মধ্যে নিদ্রিত হইলেন। কুমারীদ্বয় আপনাদের নির্দিষ্ট গৃহে গলা-গলি করিয়া নিদ্রিত হইল।

গোপাল ভদ্রতার উপরোধে অদ্য বাহির বাটীতে শয়ন করিবেন সুতরাং তিনি অন্তঃপুর মধ্যে গমন করেন নাই। এখনও তিনি সন্ন্যাসীর সহ নানা কথায় সময়াতিবাহিত করিতেছেন।

এমন সময় ভয়ানক ভাবে শূশান-ঘাটের দিক হইতে তিনটি বিকৃত-স্বরে চিৎকার রব শ্রবণ বিবরে প্রবেশ করিল। সন্ন্যাসী তখন কহিলেন "চল—এই সময়।"

গোপাল জিজ্ঞাসা করিলেন "কত-দূর।"

উত্তর হইল, "বেশি নয়, এসো।"

গোপাল আর বাক্য ব্যয় না করিয়া সন্ন্যাসীর সঙ্গে সঙ্গে চলিলেন। বাহির বাটীর দুয়ার পার হইয়া খিড়কির দ্বারা ভি-মুখ হইলেই গোপালের মনটা আবার ঝাঁৎ করিয়া উঠিল। জিজ্ঞাসা করিলেন, "ঠাকুর! এদিকে কোথায়?"

উত্তর হইল, "জিজ্ঞেস করোনা, এসো। এর পরে আর কোন কথা জিজ্ঞেস করোনা, তা হলে কিছুই হবে না।"

গোপাল পুনর্বার নীরব হইয়া চালিতের ন্যায় সন্ন্যাসীর সঙ্গে সঙ্গে চলিলেন। শেষে খিড়কির নিকটস্থ বেত্রবনের নিকট উভয়ে উপনীত হইয়া বনের পার্শ্বদেশে আশ্রয়গোপন করিয়া রহিলেন। সন্ন্যাসী এই সময়ে আবার কহিলেন "আর কথা কয়োনা, যেন অঙ্গীকার মনে থাকে।"

গোপাল সন্মত হইলেন। উভয়ে নীরব, মাছি নড়ে ত তাহাদের নড়া চড়া নাই।

এদিকে রাত ঝাঁ ঝাঁ করিতেছে। এমন সময় জনেক সেই দিকে আসিয়া নিকটস্থ গর্তের মধ্যে গিয়া নীরবে বসিল, এবং ভাবে এমন বোধ হইল যেন কাহার প্রতীক্ষা করিতে লাগিল। যদিও গাঢ়তর অন্ধকারে এই ব্যক্তিকে ভাল করিয়া দেখা গেলনা বটে, কিন্তু অন্ধকার ভেদ করিয়া সর্কাজ্জব্যাপি গাত্র বস্ত্রের শুক্ল দৃষ্টে বোধ হইল যে, এ ব্যক্তি নিতান্ত অন্ত্যজ কুলজাত নহে। যাহা হউক ইহাকে দেখিয়া গোপালের মনে সহসা ভয়ের সঞ্চার হইয়াছিল। কিন্তু তাহা তখনই বিদূরিত হইল। তৎপরিবর্তে মন মধ্যে সন্দেহ এবং তদনুগামী ক্রোধ পলকে পলকে পর্যায়ক্রমে হ্রাস, বৃদ্ধি, বিলয় প্রাপ্ত হইতে লাগিল।

পাঠক! এখন দেখ তিন জনেই কণ্ঠগত প্রাণ প্রায়ের হইয়া এ ব্যাপারের শেষ নিরীক্ষণ করিতে মানসগত ব্যগ্রতায় নিস্পন্দে ন্যায় বসিয়া আছেন। দুই জনের উদ্দেশ্য, ভৌতিক ব্যাপারের শেষ সীমা অবলোকন করা, অপরের

উদ্দেশ্য কি তাহা তিনিই জানেন আর সর্বদর্শী ই জানেন।

এমন সময় ধীরে ধীরে খিড়কির দ্বার উন্মোচিত হইল এবং পুনর্বার সেইরূপ ধীরে ধীরে বন্ধ হইল। কিন্তু তখনই দ্বার পাশে কুম্ভবর্ণ বসন পরিধৃত এক রমণী নয়নগোচর হইল। তিন জনেরই সেই দিকে দৃষ্টি পতিত হইল। সন্ন্যাসীর চক্ষু তখনই গর্তমধ্যস্থিত পুরুষের দিকে ফিরিল, তাহার চক্ষু চতুর্দিক অবলোকন করিতে লাগিল, কিন্তু গোপালের চক্ষু নিমেষশূন্য, যে দিকে ফিরিয়াছিল, সেই দিকেই রহিল। নবাগত চতুর্থের চক্ষু কোথায় তাহা বলিতে পারি না।

গোপালের সন্দেহ দৃঢ়তর হইল। সেখান থেকে,—সেই আড়া,—সবই সেই;—তবে আর সন্দেহ দৃঢ় হইতে কতক্ষণ লাগে। কিন্তু চক্ষু প্রবোধ মানিলেও মন এখনও প্রবোধ মানিতেছে না। ইহা কি লৌকিক ব্যাপার? বিশ্বাস হইতেছে না; এখন কি তেমন হওয়ার সম্ভব!—কেমন করিয়াই বা বিশ্বাস হয়! সন্ন্যাসী কি তাঁহাকে যাদুবিমোহিত করিয়া রঙ্গ দেখিতেছেন, না তিনি স্বপ্নক্ষেত্রে ঈদৃশ অঘট ঘটনা দর্শন করিতেছেন। যাহা হউক এ সকল তর্ক জোয়ারের জলের ন্যায় মন হইতে বিদূরিত হইল; তখন চক্ষু মন উভয়ে এক মত হইল। অমনি মস্তক ঘুরিয়া উঠিল, গোপাল শূন্য ঘুরিতেছেন কি ভূমি পরে আছেন তাহা নিরূপণ করা তাঁহার পক্ষে দুরূহ হইল। হৃদয়ে, প্রজ্জ্বলিত অগ্নির উত্তাপে গাত্র

দাহ আরম্ভ হইল। গোপাল ক্রমে অধীর হইলেন, কিন্তু সন্ন্যাসী এখন পর্যন্ত তাঁহার ভাব কিছুই অনুভব করিতে পারেন নাই।

দেবগিরি।

ক্রমশঃ।

সমালোচনা।

মেঘদূত।

কাম্বীরীয় দ্বিজ শ্রীপ্রাণনাথ পণ্ডিত কর্তৃক বঙ্গীয় পদ্যে অনুবাদিত।

আমরা প্রাণনাথ পণ্ডিত কর্তৃক প্রকাশিত মেঘদূত প্রাপ্ত হইয়া অত্যন্ত আনন্দ সহকারে গ্রহণ করিলাম। পুস্তক খানিতে সংগ্রাহকের বিশেষ যত্ন ও শ্রদ্ধা দৃষ্ট হইল। সঞ্জীবনী টীকা, বাঙ্গালা পদ্যানুবাদ ও সদৃশ পদাবলী, মূলের সহিত সংযোজিত করিয়া মুদ্রিত করা হইয়াছে।

সংস্কৃত ভাষাতে যতগুলি খণ্ড বন্দ আছে, তন্মধ্যে মেঘদূত সর্বোৎকৃষ্ট। মহাকবি কালিদাস যদি কেবল মেঘদূত মাত্র রচনা করিয়া যাইতেন, তাহা হইলেও তাঁহার কবিকীর্তি চিরস্থায়িনী হইত। এই ক্ষুদ্র কাব্য খানিতে যে বিরহীর মনের ভাব কি অদ্ভুতরূপে, কি অসাধারণরূপে, কি রসাত্মকরূপে চিত্রিত হইয়াছে, তাহা বর্ণন করিয়া শেষ করা যায় না। মণিকার ব্যতীত যেরূপ অন্যেরা মণির বিশেষ মর্ম

হৃদয়ঙ্গম করিতে পারে না সেরূপ বিরহ যাতনাভোগী, সুভাবুক ভিন্ন মেঘদূতের স্বাদ গ্রহণে অন্যেরা অধিকারী নহে। ইহার অনেকগুলি কবিতার ভাবার্থ বিশদরূপে ব্যাখ্যা করা যায় না, মনন দ্বারা স্বাদ গ্রহণ করিতে হয়। ইহাতে এরূপ একটা কবিতাও নাই যাহাতে কোননা কোনরূপ সৌন্দর্য্য না আছে। পাঠকবর্গের জ্ঞাপনার্থ একটা কবিতা উদ্ধৃত করিয়া সংক্ষিপ্ত ব্যাখ্যা দ্বারা কিঞ্চিদংশে ভাবার্থ প্রদর্শন করা যাইতেছে।

“ ভূষ্যায়ত্তং কৃষিকলমিতি

জ্বিলাসানভিজ্জৈঃ

প্রীতিস্নিকৈর্জনপদবধু

লোচনৈঃ পীয়মানঃ

সদ্যঃ সীরোৎকষণসুরভি

ক্ষেত্রমারুহমালং

কিঞ্চিৎ পশ্চাৎ ব্রজ লঘুগতি

ভূয় এবোত্তরেন। ”

জলদ! কৃষিজাত ফল তোমার অধীন ইহা মনে করিয়া, পল্লীস্থ কৃষকাজনাগন, জ্বিলাসানভিজ্জৈ প্রীতিস্নিক নয়নে যেন তোমায় পান করিবে, সদ্যঃ কৃষ্টি সৌরভপূর্ণ মালভূমি আরোহণ করিয়া ————— কিয়ৎ কালান্তর পুনর্বার দ্রুত গতিতে উত্তরদিকে গমন করিও।

প্রিয় বন্ধুকে প্রণয়-দোঁতকার্যে নিযুক্ত করিলে রসিক বিরহীরা তাহাকে আদিরসাত্মকরূপে পথের পরিচয় দিয়া থাকে। পল্লীস্থ কৃষক কামিনীদিগের দৃষ্টি, নাগরিক বিলাসিনীগণের হাব ভাবপূর্ণকটাক্ষ সদৃশ নহে, এবিষের ব্যাখ্যা ভাষা শক্তির অনায়ত্ত, অনুভব দ্বারা বু-

ঝিয়া লইতে হয়। কৃষক কামিনীরা মেঘকে কৃষিকার্যের নিদান স্বরূপ মনে করিয়া অতি আদর পূর্বক অবলোকন করিয়া থাকে, কিন্তু নায়িকাগন হৃদয়হারী নায়কদিগের প্রতি যেরূপ ভাবে স্নিক ও সতৃষ্ণ দৃষ্টিপাত করে, এ সেরূপ নহে। প্রিয়দূত যে কেবল এরূপ শুষ্ক আদর মাত্র পাইয়া পথক্লেশ সহ করিবে, এরূপ কল্পনা করা রসিক যক্ষের নিতান্ত অনভিপ্রেত, তাহাতেই আবার বলিলেন মালভূমি আরোহণ করিয়া ইত্যাদি। এ-হলে ভাবাংশ গোপন দ্বারা কবিতার গুঢ়রক্ষা পাইয়াছে। বিরহীদিগের প্রকৃতি এই যে, তাঁহারা নিজের ইচ্ছা ও ভাব সর্বদা অন্যান্য পদার্থে আরোপিত করিয়া থাকে, কিছু কাল পর দ্রুতগতিতে গমন করার উপদেশ দ্বারা এই বিষয়ে কবির বিলক্ষণ সহৃদয়তার পরিচয় পাওয়া গিয়াছে।

যাঁহারা সংস্কৃতজ্ঞ তাঁহাদের প্রতি আমাদের বিশেষ বক্তব্য নাই। যাঁহারা সংস্কৃত ভাষার অনধিকারী, তাঁহারা যেন অনুবাদ কি ব্যাখ্যা দেখিয়া মেঘদূতের উৎকর্ষাপকর্ষ বিবেচনা না করেন। কবিতা ভাষান্তরিত হইলে কখনই তাহার সৌন্দর্য্য ও মাধুর্য্য রক্ষা পায়না।

আলোচনীয় পুস্তকের স্থলে স্থলে, সদৃশ বাক্যাবলি, উদ্ধৃত দৃষ্ট হইল। অনেক ইউরোপীয় পণ্ডিতগণ উইলসন্ প্রভৃতি নানা সংস্কৃতকাব্যের এরূপ সদৃশ বাক্য সংগ্রহ করিয়াছেন। পণ্ডিত মহাশয় যদি তাঁহাদিগের গ্রন্থ হইতেও সংগ্রহ করিয়া থাকেন, তথাপি আমাদের ধন্যবাদাহ সন্দেহ

নাই। তাঁহার স্বকীয় শ্রমে সংগৃহীত বলিয়াই অধিকতর অনুমিত হইল, বাক্য গুলি যদিও সকল স্থলে সদৃশতা লাভ না করুক, তথাপি, আমরা উপাদেয় বলিয়া স্বীকার করি।

পদ্যানুবাদ সমুদয় পাঠ করিয়া অনেক স্থলে অনুবাদকের রচনা কৌশল দর্শনে প্রীত হইলাম। একটা মূল কবিতাও অনুবাদিত কতিপয় পয়ার উদ্ধৃত হইল।

“জাতং বংশে ভুবন বিদিতে
পুষ্করা বর্তকানাং
জানামি ত্বাং প্রকৃতি পুরুষং
কামরূপং মঘোনঃ।
তেনার্থিত্বং ত্বয়ি বিধিবশা
দূর বন্ধুর্গিতোহং
যাচুঃপ্রামোঘা বরমধিগুণে
নাধমে লব্ধকামা।”

অনুবাদ।

“বিখ্যাত পুষ্করাবর্তভুবন তিতর,
তাহাদের কুলে তুমি জাত জলধর,
কামচারী ইচ্ছাধীন সদা কলেবর,
জানি তুমি বাসবের প্রিয় অনুচর,
বিষম বিধির পাকে হইয়া অধীন,
নির্কাসিত হেথা আমি বনিতা বিহীন,
প্রার্থনা যদি না পূর্ণ করে গুণবান,
তথাপি তাহাতে কভু নাহি অপমান,
নিগুণ পুরালে তবু হীনতা জনক,
তোমার সমীপে আমি সে হেতু যাচক।

৩ পৃঃ।

মূল কবিতাটিতে যেরূপ গান্ধীর্ষ্য, পদ লালিত্য, পদযোজনাকৌশল, ছন্দ-শ্চাতুর্য্য প্রদর্শিত হইয়াছে, অনুবাদে কখনই সেরূপ প্রত্যাশা করা যাইতে পারে না। বিশেষতঃ সংস্কৃতমাগর মূলভরত্ব কখনই বাঙ্গালা গোসপদে প্রাপ্ত হইবার নহে। যাহা হউক মিত্রাক্ষর সরল বাঙ্গালা পদ্য দ্বারা যেরূপ যথা কথঞ্চিৎ সংস্কৃত কবিতার অনুবাদ হইতে পারে, এই অনুবাদিত পুস্তকের অধিকাংশ স্থল সেই রূপ হইয়াছে সন্দেহ নাই।

আর এক স্থলের একটা কবিতা উদ্ধৃত হইল।

“তন্মিন্নদ্রৌ কতিচিদবলা
বিপ্রযুক্তঃ সকামী
নীত্বা মানান্ কনকবলয়
ভ্রংশরিত্ত প্রকোষ্ঠঃ।
আষাঢ়স্য প্রথম দিবসে
মেঘ মাল্লিষ্ট সান
বপ্রক্রীড়া পরিণত গজ
প্রেক্ষণীয়ং দদর্শ।”

অনুবাদ।

“অবলা বিরহে তথা বিষণ্ণ
অষ্ট মাস বহু কষ্টে কামুক য
শোক শীর্ণ কলেবরে কনক ভূষণ,
করিয়া প্রকোষ্ঠরিত্ত হইল পতন,
আষাঢ় প্রথম দিনে ভূধর গোচর,
দেখিল সে অভ্র বৃন্দ শ্যাম বর্ণধর,
প্রতিভ্ন বারণ যেন করি অবহেলা,
বিস্তৃত প্রাচীর সনে করিতেছে খেলা।”

২ পৃঃ।

মূল কবিতাতে যে ওজো গুণ প্রকাশ হইয়াছে, অনুবাদে তাহার কিছুই প্রকাশ পায় নাই, এই কবিতাতে গান্ধীর্ষ্য ব্যঞ্জকতা ব্যতীত আর সৌন্দর্য্য নাই, বিশেষতঃ—

“শোক শীর্ণ কলেবরে কনক ভূষণ,
করিয়া প্রকোষ্ঠরিত্ত হইল পতন।”

এই দুই চরণ বাঙ্গলাতে কোন শোভা ধারণ করে নাই, এক কালে ত্যাগ করা উচিত ছিল। সংস্কৃত ভাষাতে যে সকল ভাব ও রীতি সুশ্রাব্য, বাঙ্গলাতে সকল স্থলে সেই সকল ভাব ও রীতি উপাদেয় নহে, অনুবাদক যদি অবিকল অনুবাদের অধীন না হইয়া ভাব ও রচনার ওজস্বিতা রক্ষার দিকে দৃষ্টি রাখিতেন তাহা হইলে অপেক্ষাকৃত অধিক কৃতকার্য হইতেন সন্দেহ নাই। অমিত্রাক্ষর ছন্দে মেঘদূতের কিঞ্চিদংশে অনুবাদ সুসম্পন্ন হইতে পারে।

বিশীর্ণ আভরণ হীন দেহ

তথায় কষ্টে যাপি অষ্ট মাস,

প্রথম দিনে দেখিতে পাইল—

ধার নাদী শ্যাম নিভ জলধর বর
আলিঙ্গিছে সানু যেন মদ কলগজ
ঘর্ষিছে হইয়া নত দর্শন পাষণে।

ভরসা করি অনুবাদক ভবিষ্যতে আমাদের ক্ষোভ নিবারণ করিতে যত্নের ক্রটি করিবেন না।

কামরূপ কামলতা

চুঁচুড়া ফ্রিচর্চ স্কুলের শিক্ষক

শ্রীরাজকৃষ্ণ আচ্য প্রণীত
ভাটপাড়া মধুকরী যন্ত্রে মুদ্রিত
মূল্য ১২/০ আনা।

আমরা অনবকাশ প্রযুক্ত যথা সময়ে এই গ্রন্থের সমালোচনা করিতে পারি নাই গ্রন্থকার বোধ হয় আমাদের এই ক্রটি মার্জনা করিবেন।

এই গ্রন্থখানি কয়েকটা বন্ধুর ভ্রমণ বৃত্তান্তে পূর্ণ। কিন্তু তৎসমুদয় আরব্য উপাখ্যানের প্রতিবিম্ব মাত্র। এই ক্ষুদ্র গ্রন্থখানিতে মধ্যম রচনাচাতুর্য্য লক্ষিত হইয়াছে। ভরসা করি গ্রন্থকার ভবিষ্যতে তাঁহার গ্রন্থাদিতে নবীনতার প্রতি বিশেষ দৃষ্টি রাখিবেন।

শশীপ্রভা নাটক

হালিসহর নিবাসী শ্রীতিনকড়ি
মুখোপাধ্যায় প্রণীত

কলিকাতা মিনার্ভা যন্ত্রে মুদ্রিত
মূল্য ১২/০ আনা।

কোন নূতন লেখকের প্রথম রচনা দেখিয়া গ্রন্থকারের উৎকর্ষাপকর্মের বিবেচনা করিতে পারা যায় না। বঙ্গ কবিকুলতিলক শ্রীমাইকেল মধুসূদন দত্ত মহাশয় যখন প্রথমে তাঁহার “একেই কিবলে সভ্যতা” গ্রন্থ প্রকাশ করেন তখন কে এরূপ আশা করিয়াছিল যে তাঁহার লেখনী হইতে “মেঘনাদ বধ” সদৃশ কাব্য নিঃসৃত হইবে। তিনকড়ি বাবুর এই প্রথম উদ্যম, হয়ত কালে তিনিও এক জন প্রসিদ্ধ কবি

হইতে পারেন আমরা এই পুস্তক খানি পাঠ করিয়া সন্তুষ্ট হইয়াছি। নাটকীয় কথোপকথন বিষয়ে স্থানে ২ রচনা চাতুর্য্য দৃষ্ট হইল।

প্রাপ্তি স্বীকার।

জীরাট গবর্নমেন্ট সংক্রান্ত বাঙ্গলা বিদ্যালয়ের তৃতীয় সাংস্কারিক বিজ্ঞাপনী।

আমরা এই বিজ্ঞাপনী দেখিয়া অত্যন্ত আনন্দিত হইয়াছি। পল্লী গ্রামস্থ একটা বঙ্গ বিদ্যালয়ে এরূপ বার্ষিক (রিপোর্ট) বিজ্ঞাপনী মুশৃঙ্খলা পূর্বক প্রকাশিত হইয়া বিতরিত হওয়া সামান্য আনন্দের বিষয় নহে।

১৪ সংখ্যক স্তম্ভে আগত হওয়া গেল এই বিদ্যালয় সংক্রান্ত একটা সাধারণ পুস্তকালয় স্থাপিত হইয়াছে। বিদ্যালয় অপেক্ষাও সাধারণ পুস্তকালয় দ্বারা সাধারণের অধিক উপকারের সম্ভাবনা।

স্থানীয় লোকেরা অধিক অর্থশালী নহে, তাঁহাদের নিকট এ উপলক্ষে অর্থ ব্যয়ের প্রত্যাশা করা যাইতে পারে যায় না। তরসা করি সম্পাদক ও গ্রন্থকারগণ স্ব স্ব প্রণীত কি সংগৃহীত সম্বাদ পত্র ও পুস্তকাদি প্রদান করিয়া বিদ্যালয় ও পুস্তক-

লয়ের সম্পাদক শ্রীযুত বাবু গোপালচন্দ্র মজুমদার মহাশয়ের সহায়তা করিবেন।

হক কথা।

(পঞ্চম কোপ)

অবতারের ওয়ারিশ।
গীত।

কে এখন কলির অবতার,
তার অন্ত পাওয়া তার,
নাঁনা দিকে নাঁনা পথ,
নাঁনা মনির নাঁনা মত,
ভেবে চিন্তে অবিরত,
সোনার বাঙ্গলা ছারখার।

মাছ হইতে গৌরাজ পৰ্য্যন্ত প্রভুরা, ক্রমে অবতারের উত্তরাধিকারী হয়ে এসেছেন, এখন গৌরাজের উত্তরাধিকারী কে হবে? এ বিষয় নিয়ে বঙ্গ দেশে বড় গোলযোগ উপস্থিত, যেরূপ কোন নিঃসন্তান ধনী-লোকের হটাৎ মরণ হলে চার দিগ্ থেকে সব ওয়ারিশান খাড়া হয়, সেরূপ প্রভুর উত্তরাধিকারীগণও পালে ২ এসে জুটতে লাগল।

ত্রিশ বৎসর হলো একটি বড় লোক গৌরাজের উত্তরাধিকারী হওয়ার জন্য বড়ই ব্যস্ত হয়ে উঠলেন, অলৌকিক ক্ষমতা প্রকাশ করবার উপায় দেখতে লাগলেন, রাত দিন আহাৰ নিদ্রা ত্যাগ করে প্রাণপণে শাস্ত্র অভ্যাস করতে লাগলেন, তেত্রিশ কোটি দেবতার সঙ্গে ঝকড়া বিবাদ বেঁধে উঠল, অনেক দেবতার ভাত্ মারলেন বটে, কিন্তু অবতার বলে পরিচিত হতে পারেন না।

হিন্দুরা বলতে লাগল ইনি যদি অবতারের অংশ হবেন, তবে কেবল ধর্মনিয়মই থাকতেন, ইনি এক দিকে ধর্মচর্চাকরেন, আর এক দিগে বিষয় কর্মের অনুষ্ঠান করেন মাগলা মকদ্দমার যোগাড় দেখেন, বিশেষতঃ বিসমোল্লাতে ইহার বড়ভক্তি ও অধিকার, ইনি হিন্দুদিগের পূজ্য হতে পারেন না।

এই দুঃখে গরিব বেচারী সমুদ্রে ঝাঁপ দিয়ে প্রাণ ত্যাগ কলে, তার পর তার পুত্র বিদ্যা, বুদ্ধি, ক্ষমতা, চতুরতা পরিশ্রম ও অধ্যবসায় প্রভৃতি গুণে পিতা অপেক্ষা বড় লোক হলেন সে সময়ে এরমত লোক বঙ্গ দেশে ছিল না। ইনি একটু মনোযোগকলে, অন্যায়সে লোকের চোখে ধুলো দিয়ে অবতার সাজতে পার্ভে ম কিন্তু সে দিকে মন দিলেন না ইনি অতি গভীর চিন্তা কোরে দেখলেন এসব কেবল পাগ্লামি মুখের সহিত সম্পর্ক নাই। গৌরাজের মূল্য পাঁচ পয়সা, সর্কআদি অবতার “মীন” রুই হোলে হদ্দ মুদ্দ পাঁচ টাকা মূল্য হতে পারে তার দশ পুরুষের পর উত্তরাধিকারী কে হইবে? এতো তদ্রলো-পাশায় না, যাতে সোনার ঘড়ি ফেটিং মত ততানা বাড়ি হতে পারে, সে পথ ই আশ্রয় করা উচিত উক্ত মহাশয় অবতারের চারু পায় দণ্ডবৎ কোরে আর একদিকে দৌড়ে পালিয়ে গেলেন।

আর একটা বড় লোকের ছেলে অবতার হওয়ার জন্য বড় ব্যস্ত হয়ে পড়লেন, অনেক টাকা খরচ করে কতকগুলি খোসামুদে ধামাধরা তক্ত জোটালেন। যত সব মায় তাড়ান বাপে খেদান হতভাগা নির্কংশে লোক

এসে জুটলো, সেই বড় লোকের ছেলেটা অবতারের পদ লাভের নিমিত্ত একেবারে উন্মত্ত হয়ে উঠলেন। যে মহাত্মা অকৃতকার্য হয়ে গিয়েছেন তার চেষ্ঠার গোড়ায় জল ছেঁচতে লাগলেন, তার মতন অন্যান্য ধর্মাবলম্বীদের সহিত তর্ক বিতর্ক কলে লাগলেন কেহ যদি এক বিন্দু প্রশংসা করে তাকে অমনি টাকা দিয়ে সন্তুষ্ট কলে লাগলেন লোকদিগকে মিরাকেল দেখাবার জন্য লাক টাকার লোভ সম্বরণ কলে। লোকে বলতে লাগল ইনি অবতারের যোগ্য নন অবতার কি অমন লোকের ঘরে জন্মায়, এ কথাটা শুনে ইনি বাপের নাম পরিবর্তন কলে, তাতেও কিছু হলো না (লাভঃপরঃ গোবধঃ) একজন রেডো বামনের ঘাড়ে সেই ভূত চাপলো সর্ক শরীর বেদনা মাখামুড়ান চোখ লাল মুখে অরুচি আলম্ব, দুর্বলতার একশেষ ঘন ঘন হাই নেকার অনিদ্রা, এ সকল লক্ষণ দেখা যেতে লাগল পাঠক মহাশয় এসব ডেঙ্গুর পূর্ব লক্ষণ সামান্য ডেঙ্গু নয়, অস্ত্র ত ডেঙ্গু। বামনটা একেবারে উন্মত্ত প্রায় হয়ে এক লাফে পাহাড়ের চুড়ায় আর এক লাফে পাতালে আর এক লাফে আকাশে এই রূপে ভ্রমণ কলে লাগল নাম একবারে চং চং কোরে পঞ্চমে বেজে উঠল, সেই দ্বিজবর “নির্মাল সলিল কণবাহী সগীরণ সেবিত সুরম্য হর্ম্যোপরি একান্তে আসীন হইয়া কৃতাঞ্জলিপুটে গলদক্ষ লোচনে গদ্গদ্ বচনে অবশ্যস্তাবিনী ঘটনাবলী চিন্তন পূর্বক, কিং কর্তব্য বিমূঢ় হইলেন” কি করবেন ভেবে স্থির কলে পারেন না কি বিষয় নিয়ে কি রূপে আরম্ভ করবেন,

কাদের দুঃখে প্রথম অশ্রুপাত করবেন, বঙ্গদেশে যে ভাগ্যধরীরা পতিকে পর লোকে পাঠিয়ে দিয়ে বেশ নিশ্চিত হয়ে সব কাজ কর্ম থেকে একরূপ অবসর নিয়েছে পূর্বে বৎসর দুই বৎসর পর প্রসব ক্লেশ সহ কত্রে হতো, এখন সে ক্লেশ থেকে অনেক বেঁচেছে, পূর্বে মাচ ভাতে শরীর জীর্ণ শীর্ণ রোগা ছিল এখন আলো চেলের ভাত খেয়ে খেয়ে খুব মোটা হয়ে পড়েছে; মাঝে মাঝে প্রাণবল্লভ প্রাণ নাথ কুঁত্কে দিতেন, এখন আর সে জ্বালাতন নেই, তীর্থ যাত্রা উপলক্ষে কিছু কিছু স্বাধীনতাও হয়ে উঠেছে, সেই গুণবতীদের দুঃখেই উল্ল মহাত্মা অশ্রু ঢালতে লাগলেন, তাঁহার চক্ষের জলে পূর্ক বাঙ্গলা ভেসে যেতে লাগল, কলিকাতা কিছু উচ্চ ভূমি বলে রক্ষা পেল, “অগাধ বিদ্যার বিদ্যাসাগর তরঙ্গ তায় কত নানা। তাতে বিধবাদের কুলতরী অকুলেতে কুল পেলেনা।” ঐ, গু,। এদেশে কন্যা দায় গুরু দশা দায় বার্ষিক পরক রক্ষা দায় প্রভৃতি অনেক প্রকার দায় আছে, কিন্তু ইনি সেই রসবতীদিগের বেগুণ কাঁচ কলার দায়ে এককালে সর্বস্বান্ত হলেন। কিন্তু কেহই তাঁকে অবতারের বিন্দু বলেও স্বীকার করেনা। সকলে বলতে লাগল ইনি বল্লালসেনের দলের লোক এঁকে কোন অবতার বলা যায় না।

একটা ভাগ্যবতী তার ছেলেকে বলে বাছা আমি স্বপ্নে দেখিছি তুইএসে গৌরাঙ্গ হয়ে জন্মেছিস্ সেই যুবক সেই দিন হতে অবতার হওয়ায় চেফ্টা আরম্ভ কল্ল। স্কুলে সব পড়া বন্ধ কোরে প্রাণ পণে জেঠামি

শিখতে লাগল অতি অল্প দিনে প্রায় সাত জাহাজ জেঠামি উপার্জন কোরে স্কুল থেকে বেরোল। অনেক কালের অনেক যত্নে কতকগুলি শিষ্য সেবক জড় কল্ল, এত লোক যে রূপে একত্র হলো তা কিছু বলা হচ্ছে—কএক বছর অতীত হয়েছে, এদেশে টাকায় ৭৮সের চাল বিকাত সে সময়ে অনেক শিষ্য শিষ্যা জুটেছে সমাজে থেকে, সাহেবী পোষাক পরা সাহেবী খানা খাওয়া, মাগ্কে সঙ্গে নিয়ে বেড়ান চলে উঠে না এজন্য কতকগুলি যোগ দিলে, স্কুলে মাফটার পড়ার জন্য তাড়না করে পড়া শেখা বড় কষ্টকর, এ জন্য কতকগুলি বালক চোখে কিছু দিয়ে প্রেমশ্রু বর্ষণ কোরে এসে মিলিত হল।

কোন যুবতীর পায় ধরে কত সাধা হলো তবু একবার চোখ তুলে চেলেনা এই দুঃখে কত ছোঁড়া এসে দল তুচ্ছ হল বাপের নাথি মায়ের কেঁটা খেয়ে হতভাগা ছেলেরা আর কোথায় যাবে এই রূপে দল বৃদ্ধি হয়ে এরা দ্বিতীয় নানক পন্থীর দল হয়ে দাঁড়াল, এ জেঠামিতে, বকামিতে, পাকামিতে বাঙ্গলা একেবারে ছার খার হতে লাগল, ওদের পরকাহের আড়ম্বরে, ভজন্যর আড়ম্বরে, কথার আড়ম্বরে সব লোক একেবারে থর থর কম্পমান হয়ে উঠল, ভক্তেরা সেই প্রভুর পা পূজাকত্রে লাগল, গলায় মালায় চন্দন মেখে দিতে লাগল, হাত জোড় কোরে স্তব কত্রে লাগল, এ সময় সেই যুবকটা মনে মনে ভাবতে লাগল এই আমার শুভ সময়, এখন অবতারের উত্তরাধিকারীত্বের দাবীকরা কর্তব্য, এই ভেবে সর্বসাধারণের

নিকট চিৎকার কোরে বলতে লাগল, আমি কলির অবতার এবিষয়ে অনেক যুক্তি ও প্রমাণ আছে, সকলে শ্রবণ কর। শিষ্যেরা চার দিগ্ থেকে প্রভুর পক্ষ হয়ে ওকালতি কত্রে লাগল, দাবি শুনবার জন্যে অনেক লোক একত্র জড় হলো, এই প্রভুর ন্যায় আরো অনেক প্রভু ওয়ারিশ নিলেম ডাকতে হাজির হলো। কতকগুলি ভদ্র লোক মধ্যস্থ হয়ে বিচার কত্রে লাগলো বলতে লাগল, অবতারদিগের কি কি দলিল আছে হাজির কর, প্রথম সেই প্রভু টীর একজন ভক্ত দাঁড়িয়ে বলতে লাগল আমাদের প্রভু যে কলির অবতার এবিষয়ে ঢের দলিল আছে। অবতারের বর্ণ ত্রেতাতে নীল, দ্বাপরে কৃষ্ণ, কলিতে গৌর, দেখ মিলেছে কিনা। মীন অবতারে প্রভুর সর্ক শরীরে অঁইস আবরন ছিল, কচ্ছপ অবতারে সেই অঁইস গুলি শক্ত হয়ে হাড়ে আবদ্ধ হলো, শোর অবতারে হাড় আবার চামড়া হয়ে গেল, দেখ সেই চামড়া এখন চোঁগা হয়ে গিয়েছে। যদি কেউ জিজ্ঞাসা করে কৃষ্ণ অবতারের কী কী কোথায়? তবে তার উত্তর দি—বাঁশীটা আগে কালাচাঁদের চাঁদ বদনে বিরাজকত্রে বাঁশী এখন চস্মা হয়ে গৌরা চাঁদের নাকে উঠেছে, দ্বাপরে কৃষ্ণ কদম তলে বাঁকা হয়ে উঁড়িয়ে বাঁশী বাজাতেন কলিতে ইনি সোজা হয়ে মাচার উপর উঁড়িয়ে বক্তৃতা করেন, কেমন পাঠক বর্গ এক্য হয় কিনা? শিষ্যেরা পূর্কজন্মে কেউ মুবল, কেউ শ্রীদাম, কেউ বসুদাম ছিল বৃন্দাবনে যে নবলক্ষ গরু ছিল, তা এখন কলেজের ছাত্র হয়ে জন্মেছে, তার অধি-

কাংশই পূর্ক বাঙ্গলার। যদি বল রাখা, ললিতা, বিশাখা, প্রভৃতি সখীরা কোথায়? একটা গুপ্ত বৃন্দাবন হয়েছে—তার। এখন সেখানে কেলি করে, কৃষ্ণ অবতারে প্রভু স্বয়ং গোকুলে সখী দিগকে যমুনা পার কত্রে, এ অবতারেও গাড়িতে স্বয়ং সখীদিগকে পার করেন, এ অবতারে একটুকু স্মবিধা আছে, আয়ান ঘোষের ভয় নাই, আচ্ছা, যদি প্রশ্ন হয় কৃষ্ণ পুতনা রাক্ষসীকে কাম্ড়ে ছিলেন, পুতনা আবার উল্টে কানাইকে কাম্ড়ে ছিল, এ অবতারে ওরূপ ঘটনা কোথায়, উত্তর—কলিকাতায় বিষ্ণুভক্ত এক জন আঢ্যলোক আছেন, তাঁর সহিত প্রভুর বড় কাম্ড়া কাম্ড়ি হয়ে গিয়েছে। একজন আপত্তি কল্ল মথুরার ভক্তেরা বৃন্দাবনের যে পাহাড়ের চূড়া প্রত্যহ দেখে প্রণাম কোরে জল গ্রহণ কত্রে, যে পাহাড়ে সর্কদা লাক্ ২ গরু চরে বেড়াত, সেই গোবর্দ্ধন পরকত কোথায়? ভক্ত উত্তর কল্ল—সেই গোবর্দ্ধন এ সহরে আছে, তার চূড়া সেখান থেকে ভক্তেরা দেখে প্রত্যহ জল গ্রহণ করে, তাতে নলক্ষ গরু চরে, ঘাগ খায়। সে সব গরুর বিষয় পূর্কবর্ণনাকরা গিয়াছে। প্রশ্ন—বৃন্দাদুতী, ললিতা, প্রভৃতি গো-ওয়ালুনারা মথুরার রাজসভায় গিয়ে সাধের দৈ বেচে আসতে, ইতর লোকেরা বলে দৈ, ভক্তেরা বলে দৈ নয় সে রসের প্রেম, সে নিলে কোথায়, উত্তর—সখীরাও ঠিক সেরূপ—যে মনের মত—বেচে আসছে আর রসিক লোকেরা বাহবা দিচ্ছে, আর এক

জন প্রশ্ন কলে—কৃষ্ণের মধুর বাঁশী শুনবার তরে, কৈলাস হতে শিব উমাকে, কামদেব স্বেচ্ছাচারিণী রতিকে, চাঁদ কুমুদিনীকে, সূর্য্যদেব যমুনাকে বৃন্দাবনে গোবর্দ্ধন পর্বতে পাঠাতেন, এখন সে রূপ নিলে কোথা? তক্ত উত্তর কলে এখন সেরূপ নিলে প্রতি রবিবারে হয়ে থাকে। মাবো একটু গোল বেঁধে ছিল, এখন সে গোল চুকে গিয়েছে। প্রশ্ন—সুরপুর থেকে একদিন ইন্দ্র এসে শচীর গলা ধরে প্রভুর বাঁশী শুনছিলেন, প্রভু লজ্জায় বিরক্ত হয়ে আর বাঁশী বাজালেননা, এরূপ নিলে কোথায়? উত্তর—শোরপুর থেকে একজন বিলাতী, ইন্দ্র শচীর গলা ধরে প্রভুর বাঁশী শুনছিল, প্রভু বিরক্ত হয়ে একটা কথাও বলেন না। এপক্ষের সব কথা নাফুরাতে ফুরাতেই আর একজন লোক দাঁড়িয়ে বলতে লাগল। কোন রূপেই এর দাবি প্রবল হতে পারেনা, হে বিচারকগণ! সব দলিল দাখিল কর আমি প্লীড করছি আপনারা শুনুন ও যথার্থ বিচার করুন। কলির দ্বিভূজ অবতার নিমাই, তা অনেক দিন চুকে গিয়েছে, এখন যে অবতার হবে, তার আটখানি হাত হবে, অর্থাৎ সব অবতারের সার মথ্যে যে ননি উঠবে, তা থেকে কলির অবতার জন্মাবে, এইটা বেদ কোরাণ ও বাইবেল সম্মত কথা, আমিই সেই অষ্টভূজ অবতার, যে সতী লক্ষ্মীমার ছেলে, সে আমার অষ্টভূজই দেখে, অন্যেরা আমার দুখানি হাত মাত্র দেখে, মধ্যাহ্নগণ! কেমন, আপনারা আমার কি দুহাত মাত্র দেখেন, না আটহাত

দেখতে পান? আমার অষ্ট বাহু রূপের বর্ণন শুনুন—বৃন্দাবনে যার নাম কালাচাঁদ, এখানেও তার নাম কালাচাঁদ, ছাপরে যার বর্ণ কালো, কলিতেও তার বর্ণ কালো, মাথায় চূড়া, দুইহাতে মুরলী, দুইহাতে ধনুর্বাণ এক হাতে ত্রিশূল, এক হাতে কমণ্ডলু, এক হাতে কোরাণ, এক হাতে বাইবেল আছে, এতে রামকৃষ্ণ, শিব, ব্রহ্মা, মহম্মদ, খ্রীষ্ট এক হয়ে কলির অবতার হয়েছেন, সেই অবতার কে জানেন, অবতার আমি সেই মেড়ে বৃন্দাবনে অবতীর্ণ হয়েছি, কৃষ্ণ নিলের মধ্যে গরুরাখাটাই সকলের প্রধান নিলে, কিকলে সেই নিলেটা এখন বজায় থাকে, অনেক ভেবে চিন্তে কেবাণীগিরি কত্তে লাগলেম, (হক কথা বলেন—প্রভু! বড় ভুল হয়ে-ছে, টিচার সিপু নিলে ঠিক হতো) আয়ান ঘোষের বিষয় অনেকেই জানে, বৃন্দাবনে যমুনার কূলে, কদম তলে, যে মড়া পোড়ান হতো তা আয়ান ঘোষ অনেক করে বারণ করেছিল, অনেকে সেই আয়ান ঘোষের স্ত্রী রাখা, ফলত নয় চন্দাবলী।

সেই চন্দ্রাবলীর কুঞ্জই অদর্পণ হয়ে থাকে, জলকেলি, বনকেলি, বস্ত্র হরণ, মান, রাস, কত নিলে হয়ে যায়, তা তক্ত বৈ কে বুঝতে পারে, আমার তক্তদিগের স্বর্গে যাওয়ার জন্যে মেড়ে বৃন্দাবনে এক সিঁড়ি কোরবো—তার এক ধাপ হালিসহরে হবে।

আর একটা লোক দাঁড়িয়ে বলতে লাগল,—মাছ, পশু, মানুষ অবতার হয়ে গিয়েছে, আর তা হবে না, পাখী অবতার

বাকি আছে, আমি সেই পক্ষীরাজ, আমি এই পৃথিবীতে অবতীর্ণ হয়ে পাপীদিগকে ত্রাণ করব। হটাৎ আয়ান তোমরা মানুষের আকৃতি দেখতে পাচ্ছ, একটু ভেবে চিন্তে দেখলে আমার চোঁট ল্যাজ, পাখা, সব দেখতে পাবে, ত্রেতা যুগের বানর সকল ছাপরে গোয়াল হায়ে জন্মেছেন, গোয়াল রাজ হাঁস, ময়ুর বক, কাক, কাদাখোঁচা, চিল প্রভৃতি পাখী হয়ে জন্ম নিয়েছে, পাখী হওয়া বৈ আর পরিভ্রাণের পথ নাই, যদি বল পাপী মানুষেরা পাখী হবে কিসে? তার উপায় আছে, গাঁজা, গুলি, সিদ্ধি তার প্রধান উপায়, এক দমে, দুই, তিম, ছিলিম, গাঁজা খেতে পাল্পে, যুগু, কবুতর প্রভৃতি সামান্য পাখী হয়ে থাকে, অধিক মাত্রায় খেতে পাল্পে ভাল ভাল পাখী হতে পারে, নুরি, হিরামন, কাকাতুয়া, সারস, প্রভৃতি পাখী হওয়া বহু পুণ্যের ফল, কলিকাতার কত রাজা রাজড়া ও বড়লোকের ছেলে পাখী হয়ে তার দলে মিলেছে তা গুণে শেষ করা যায় না। যার কপাল ভাঙ্গে সেই আমার কৃপা পায়, দলবল নিয়ে যখন যেখানে যাই সেখানেই বৃন্দাবন, ব্রজের গোওয়ালিনীর এসে সোনাগাছিতে জন্ম গ্রহণ করেছে, প্রায় প্রত্যহ বস্ত্র হরণ, মান, রাস, দোল প্রভৃতি নিলে হয়ে থাকে, পূর্বে যার নাম মথুরা, ছিল এখন তার নাম শোভা বা জার দুই চার মাসের মধ্যে একটা কংশ বধ কর্ত্তে হবে, আমার লীলা বর্ণন গান শুনলেই, সকলে জানতে পারবে আমি কি বস্ত।

পক্ষীরাজের গীত,

পক্ষীরাজ এলেন পাপীতরাতে এবার,
কর ও চরণে তক্তিমার,
কত পাখী তক্ত জুটে,
নিলে করে বেড়ায় ছুটে,
চোটে চোটে কল্ক ফাটে, ধোঁয়াতে সব
অন্ধকার।

হায় গো এই কলিকালে,
হুঁকোর উপর চিতে জ্বলে,
দম দিয়ে কসে, থাক বসে,
স্বর্গে যাওয়া কোন ছার।

এই গান শুনে গোরী চাঁদের ভক্তেরা
বলে আমাদের দলের একটা গান শোন
দেখি।

গীত।

এনাম কোথা পালি ও তাই কেশা,
বড় লেগে গেল প্রেমের নেশা।
চোগা চাপুকান চম্‌গা ছেড়ে,
নেচে আয়রে কপীন পরে,
দিয়ে কোল গলা ধরে, পুরা পাপির তা-
পির আশা।
হয়ে প্রেমে হতাশা, বিলাই “সুলভ” বাতাশা।
গড়াগড়ি হুড় হুড়ি হায় কি প্রেমের তামাশা।
সে নামের গুণ কেউনা জানে, ফুঁকে দিচ্ছে
যাদের কানে, হায় গো-তাদের পোড়া
কপালে ভাঙ্গা দশা।

হক কথায় বলে, কৌতুক ছলে কেমন এত
সাহেব ঘেঁষা?

তক্তদিগের গানের পর গোরীচাঁদ
স্বয়ং একটা গান কল্লেন।

গীত। (রামপ্রসাদি মুর)

হলোনা দুদিগু বজায় রাখা।

মাছ মিলেনা শুধু কাদা মাখা,

পরের মাথা খেয়ে নিজের ইচ্ছা ছিল যেতে

থাকা যত সর্বশেষে, বাঙ্গাল এসে, ভেঙ্গে
দিল কলের পাখা।

কে অবতার তার কিছুই স্থির হচ্ছেনা,
এবং মীমাংসা করে এরূপ লোক
বড় মেলে না, কেউ মনোযোগ করে
না। কোথা গেলে এর মীমাংসা হবে,
এ বিষয় অনেক ভেবে চিন্তে এক
মধ্যস্থ স্থির কলে, কলিকাতা রূপ
ক্ষীরসমুদ্র হতে সেই মধ্যস্থচন্দ্রের
উদয় হয়েছে অবতারের ওয়ারিশের।
সেই মধ্যস্থের, বাড়ী গিয়ে বলে মহাশয়!
আমাদের বিষয় বিচার করুন। সকলে
নিজ নিজ দাবি পেশ কলে মধ্যস্থ নি-
জের কাজে ও চিন্তায় ব্যস্ত। ওদের
জঙ্গলা কান্নার প্রতি একবারও মন
দেয় না, একবার বলে “নর্থক্রক পদ-
তলে, মধ্যস্থ কাঁদিয়া বলে,” কিছু কাল
পরে আবার বলে,

“লর্ড মেও পিতা আমার সহসা মরিল,
মা আমার ভারত ভূমি বিধবা হইল,
আর এক বাপ নর্থক্রক কৈলা আগমন,
বিদ্যাসাগরের মনবাঞ্ছা হইল পূরণ।”

এই কবিতা শুনে গোরাচাঁদ মনে
মনে ভাবতে লাগল। এষে বড় ভয়ানক
লোক, আমিও গবর্গরকে অনেক
খোসামুদী করেছি, কিন্তু নিজের এরূপ
বাপান্ত করে, লজ্জায় জলাঞ্জলি দিয়ে
খোসামুদী কখন কোথাও শুনি নাই।
সকলে নিরাশ হয়ে ফিরে চলো আর
পরামর্শ কলে হালিসহরে এক দেব-
তা উদয় হয়েছেন, তাঁর বড় প্রভাব,
তার নাম হক্ কথা, চল তার কাছে
যাওয়া যাক, হক্ কথা অবশ্যই হক

বলবে, তাহলেই আমাদের ভাল বি-
চার হবে, এই রূপে হক্ কথার কাছে
গিয়ে সব দলিল, প্রমাণ দাখিল করে,
ওয়ারিশেরা গিয়ে একজায়গায় দাঁড়াল।
হক্ কথা তাদের সমুদয় কথা শুনে ব-
লতে লাগল তোমাদের এ সমুদয় দুরা-
শা, ভ্রম, লোভ, তোমারা কেউ অবতার
নও। কএকমাস হলো কলিকাতাতে
আসল অবতার জন্মেছেন, তার পরিচয়
পেলেই সব ভ্রম দূর হবে, যত অবতার
হয়েছেন সব পাপী তরাতে, পৃথিবীতে
বড় পাপ হয়েছে, সেই পাপের বিশেষ
শাস্তি নাহলে পরিত্রাণ নাই, প্রভু যে
পাপের কি ভয়ানক শাস্তি দেন, তা
আর কি বলব, প্রভু যাকে ধরেন, তাকে
আর ছয় মাস উঠতে হয় না, প্রভুর
হাতে কোন অস্ত্র নাই, এমনি আঘাত
করেন যে ভীমের গদা হতে শতগুণ,
শুনেছি প্রভু বিলাত থেকে জাহাজে চড়ে
এদেশে এসেছেন, প্রভু অনেক দিন
কলিকাতায় ছিলেন, এখন ধর্ম
কর্ত্তে নানা দেশে ঘুরে বেড়াচ্ছেন
ঠক মহাশয়! বলুন দেখি সেই
কে? প্রভুর নাম ডেঙ্গু।

পাঠক মহাশয়! হক্ কথার দু একটি
উপদেশ শুনুন, অনেকে মনে করেন হক্
কথা কেবল গালাগাল দেয় ফলতঃ তানয়
হক্ কথার ন্যায় আর উপদেশ নাই, হক্
কথা বলে পক্ষীরাজ যেমন লোকের ছেলে
পুলেকে গাঁজাখোর গুলিখোর বানিয়ে
সর্বনাশ করে, গোরাচাঁদও ছেলে পিলে
দিগকে সেরূপ ভুলিয়ে অধঃপাতে দেয়
ডেঙ্গু তাঅপেক্ষা অধিক লোকমান

করেনা, কালাচাঁদ এখন পর্যন্ত কারু কিছু
হানি করে নাই, গোরাচাঁদ দেশের উপ-
কারের ভানুকরে নিজের নামটা জম্ কায়।
পক্ষীরাজ ও দিকে যায় না, কালাচাঁদের
নাম চুলকুনিটুকু আছে। গোরাচাঁদ বলেন
গুরু গোসাই পূজা করা পৌত্তলিকতা
অর্থচ লোকের মাথায় নিজে পা তুলে দেন।
পক্ষীরাজ গাঁজা গুলির আড়ুডাতে পয়সা
খরচ করেন, গোরাচাঁদ এবিষয়ে বড় সেয়া
না নিজ পকেটের একটি পয়সা খরচ
করেনা। ডেঙ্গু, পক্ষীরাজ গোরাচাঁদ
এই তিনের জ্বালায় আজকাল কলি-
কাতা ব্যতিব্যস্ত, কিছু দিন পূর্বে হেদুবনের
কেঁদোবাঘের ভয় ছিল এখন আর তা নাই
এখন এই দুই ভয় থেকে যাতে রক্ষা পায়
তাই দেখা উচিত, পাঠক মহাশয়! দেখুন
হক্-কথার কেমন মহৎ লক্ষ্য।

একটি আশ্চর্য জীব

আমরা বিশ্বরাজ্যের যে দিকে দৃষ্টি-
করি, সেই দিকে বিশ্বপাতর অত্যা-
কৌশল সকল নয়নগোচর করিয়া
চমৎকৃত হই। কি শশধর ও তারকামালা-
বিভূষিত বিস্তীর্ণ আকাশ, কি বিবিধ পুষ্প-
বৃক্ষ ও গুল্ম লতাদি দ্বারা সুশোভিত
ধরণীমণ্ডল, কি মনুষ্যের অপূর্ণ সুসম্পন্ন
অবয়ব, কি পশু পক্ষীগণের কৌশল
সম্বিত গঠন, সমুদায়ই সেই বিশ্বরচয়িতার
মহিমা প্রচার করিতেছে। বিশ্বরাজ্যের
অদ্ভুত কার্য সকল দেখিবার জন্য আ-
মাদের দূর দেশে যাইবার আবশ্যকনাই।
ভয়ানক বিজন বন বা উত্তুঙ্গ পর্বত মালা

উত্তীর্ণ হইবারও প্রয়োজন নাই। আমাদের
চতুর্দিকই আশ্চর্য পদার্থে পরিপূর্ণ।
একটি নিকৃষ্ট কীট বা সামান্য তৃণ যদি
মনোযোগ পূর্বক বিলোকন করি, তা-
হাতেও অদ্ভুত কৌশল প্রত্যক্ষ করিয়া
বিস্ময়ান্বিত হই। অপরের বিষয় উল্লেখ
করিবার প্রয়োজন কি? আমাদের বি-
স্তীর্ণ দেহরাজ্যই কি আশ্চর্য রচনা
কৌশলে সংগঠিত হইয়াছে। প্রতিবার
অঙ্গ সঞ্চালনে এবং প্রত্যেক বচন
বিন্যাসে, কি অদ্ভুত কৌশলই না
প্রকাশিত হইতেছে! গর্ভবাসে অব-
স্থিতি হইতে পরিণত অবস্থায় পদা-
র্পণ পর্যন্ত, মনুষ্যের সমস্ত ঘটনা পর্য্য-
লোচনা করিলে, কি পর্যন্তই না বিস্ম-
য়ান্বিত হইতে হয়। কিন্তু বাহ্যিক ব্যা-
পারব্যুহ অপেক্ষা আভ্যন্তরিক কৌশ-
ল সকল অধিক আশ্চর্যজনক। আত্মার
সহিত জড় দেহের সন্মিলন, মনের বিশ্ব
ব্যাপিনী গতি ও আশ্চর্য উদ্ভাবনী শক্তি
পর্যালোচনা করিলে একেবারে হত-
জ্ঞান হইতে হয়। কোন কবি যথার্থই
কহিয়াছিলেন,—“মনুষ্যের নিকট মনুষ্য
কি অদ্ভুত পদার্থ।” এবম্পৃকার আ-
শ্চর্য ব্যাপারব্যুহের আধার হইয়া,
মানবগণ আপনং স্বভাবের কি প্রকার
চাতুর্য দর্শাইতেছেন, তাহার একবার
আলোচনা করা উচিত হইতেছে।

মানব চরিত্র অতি বিচিত্র। বাহ্যিক
চিহ্ন সকল অবলোকন করিলে তাঁহাকে
দ্বিতীয় ধর্ম বলিয়া প্রতীয়মান হইবে।
কি স্বদেশের উন্নতি বন্ধনে, কি অ-
পরের উপকার সাধনে, সকল সং-

কার্যেই তাঁহাকে ব্যাপ্ত দেখা যায়। কিন্তু তাঁহার নিগূঢ় তত্ত্ব অবগত হইলে, একেবারে বিস্মিত হইতে হয়। অপরিচিত ব্যক্তির নিকট কিম্বা রাজ সম্মি-ধানে তিনি সমধিক যশস্বী হইতেছেন। প্রকাশ্য পত্রে সুখ্যাতিসূচক প্রসঙ্গ দেখিয়া, অতীব আনন্দিত হইতেছেন, এবং আপনাকে ধন্য বিবেচনা করিতেছেন। বিদ্যালয় নির্মাণ, চিকিৎসা-লয় সংস্থাপন, রথ্যা নির্মাণ এবং পুষ্করিণী খনন প্রভৃতি সাধারণ হিতকর কার্যে তাঁহাকে সর্বদাই ব্যাপ্ত দেখা যাইতেছে।

এ সকল নয়নগোচর করিয়া কে তাঁহাকে প্রশংসা না করিয়া ক্ষান্ত থাকিতে পারে? চতুর্দিক হইতে সুখ্যাতির ধ্বনি উত্থিত হইতেছে, এবং রাজার নিকট হইতেও প্রশংসা সূচক পত্রিকা ও যোগ্য উপাধী প্রাপ্ত হইতেছেন। কিন্তু তাঁহার গুপ্ত লীলা সকল অবগত হইলে কেনা চমৎকৃত হইবে? গোপনেই তাঁহা কর্তৃক যে কত অত্যাচার হইতেছে, তাহার সংখ্যা নাই। মিথ্যা, প্রবঞ্চনা এবং পরস্বাপহরণ প্রভৃতি কার্যে লিপ্ত থাকিয়া, সমধিক অর্থোপার্জন করিতেছেন, কত বিধবার গচ্ছিত ধন আত্মসাৎ করিতেছেন। কত প্রজার প্রতি বিশেষ অত্যাচার প্রকাশ করিতেছেন, এবং ষড়যন্ত্রের দ্বারা কত ভদ্রলোককে সর্বস্বান্ত পর্যন্ত করিতেছেন। এবম্পৃকার কার্য-সমূহ ধন দ্বারা তিনি আপনার দাতব্য ও দেশ-হিতৈষিতার পরিচয় প্রদান করিতেছেন। সরলতা মনুষ্য মাত্রকেই একেবারে পরি-

ত্যাগ করিয়াছে। কোন সাধুব্যক্তির সহিত কোন কদাকার মনুষ্য সাক্ষাৎ করিতে আসিলে, সেই সাধু ব্যক্তি যে তাহার কত গুণ ব্যখ্যা করেন এবং তাহার প্রতি কত যে অনুরাগ প্রকাশ করেন, তাহা হৃদয়ঙ্গম হওয়া সুকঠিন। কিন্তু তাঁহার মনের ভাব সম্পূর্ণ বিপরীত। তিনি তাহার সহিত মৌখিক আলাপ করিতেছেন, এবং তাহার বাক্য গুলি অনুমোদন করিতেছেন, কিন্তু মনেই সম্পূর্ণ ইচ্ছা যে, শীঘ্র তাঁহা হইতে অব্যাহতি প্রাপ্ত হইয়ন। অনেকেই, আপন-নার ইচ্ছার বিপরীত হইলেও কদাচারী বা বৃথা-গম্পামোদী ব্যক্তির সহিত কথোপ-কথনে অমূল্য সময় অপব্যয় করিয়া থাকেন। লোকনিন্দাত্মক তাঁহাকে এরূপ পর্য্যাকুল করে যে, তিনি আপনার ক্ষতি স্বীকার করিয়াও, কুৎসিত ব্যক্তিগণের সুখ্যাতি প্রাপণ জন্যও ব্যতিব্যস্ত হইয়ন। এ স্থলে লোক নিন্দাত্মক পরিত্যাগ করা বিধেয়। স্পষ্ট বক্তা হইলে অনেক অতীর্ষ সংসাপিত হয়। কথিত আছে যে কোন সুরসিক গ্রন্থকারের নিকট এক জন অলস ও আমোদপ্রিয় ব্যক্তি মধ্যম আগমনে নানা প্রকার হাস্য কৌতুকে কালযাপন করিত। আমোদপ্রিয় ব্যক্তি দেখিল যে, সে ত সর্বদাই গ্রন্থকারের নিকট আগ-মন করিয়া থাকে, কিন্তু গ্রন্থকার ভদ্রো-চিত কার্য করিতেছেননা তাঁহারও কোনই সময় তাহার সহিত সাক্ষাৎ করা উচিত। এই স্থির করিয়া আপনার মনের ভাব প্রকাশ করিল। গ্রন্থকার মহোদয় প্রত্যুত্তর করিলেন হে মহাশয়! আমরা এক ব্যবসায়ী নহি স্মতরাং আমাদের

উভয়ের এক ভাবে কার্যকর। যাইতে পারেন। আমি দেখিতেছি আপনার কোন কার্য নাই, এবং কোন প্রকারে সময় অতিবাহিত করিবার জন্যই আপনি আমার নিকট আগমন করিয়া থাকেন। কিন্তু আমি যদি আপনার নিকট সর্বদা গমন করি, তাহা হইলে আমার অমূল্য সময় অতিবাহিত হয়। পাছে লোকে তাঁহাদিগকে অহঙ্কারী বলে, এই বিবে-চনায় অনেক বিজ্ঞ ব্যক্তি গম্পাপ্রিয় জন গণের সহিত মৌখিক আনন্দ প্রকাশ পূর্বক, অমূল্য সময় ক্ষয় করিয়া থাকেন। এবং সেই অপব্যয়িত সময়ের মধ্যে যে সকল সংকার্যের দ্বারা জীবনের সার্থকতা সম্পাদন করিতে পারেন, তাহা হইতে বঞ্চিত হইয়ন।

যেখানে কয়েক জন বন্ধু একত্রিত হইয়া, নানা প্রকার কথোপকথন করিয়া থাকেন, সেখানে নানা প্রকার বাক্য বিন্যাসের মধ্যে, কত ব্যক্তির চরিত্রের সূচনা হইয়া থাকে, কত লোকের এবং কত ব্যক্তির নিন্দাবাদ শ্রুতি হয়। কিন্তু ইহা সামান্য আক্ষেপের নহে যে তাঁহার গুপ্ত ভাবে যে সকল ব্যক্তির কুশলঃ কীর্তনে নিযুক্ত থাকেন, তাঁহাদের সমক্ষে কাহারো কোন গ্লানি সূচক বাক্য প্রয়োগ করিতে সাহসিক হন না। বিবেচনা করুন, কোন স্থানে কাহার নিন্দাবাদ হইতেছে, এমন সময় দৈবাৎ সেই ব্যক্তি তথায় উপস্থিত হইল, অমনি কথোপকথনের ভাব পরিবর্তন হইল। যাহার নিন্দাবাদ হইতেছিল, তাহারই সুখ্যাতি ধ্বনী উত্থিত হইতে লা-

গিল। এবম্পৃকার কপটাচরণ যে কতদূর পর্যন্ত অনিষ্টকর তাহা নির্ণয় করা যায় না। কিন্তু এবম্পৃকার ঘটনা প্রাতিনিয়তই সংঘটন হইয়া থাকে। অপরের নিন্দাকর। নিজ অহঙ্কার প্রকাশ করা মাত্র, কৌশল করিয়া, আপনার শ্রেষ্ঠতা সম্পাদন ব্যতীত আর কিছুই নহে। কিন্তু অন্যের কুশলঃ ঘোষণা করিবার পূর্বে, মনুষ্য মাত্রেরই বিবেচনা করা উচিত যে তাঁহার। যেমন অপরের নিন্দা করিতে প্রবর্ত্ত হইয়াছেন, হয়ত তাঁহার।ও সেই প্রকার অপর কর্তৃক নিন্দিত হইতেছেন। আর মানবগণের ইহাও হৃদয়ঙ্গম হওয়া কর্তব্য যে, আপ-নারদের অতি জঘন্য রীতি সকল সত্ত্বে, অপরের দোষ লইয়া অন্দোলন করা, উপহাসাম্পদ হওয়া মাত্র। বরং যাহারা বিবিধগুণে অধিকারী, তাঁহাদিগকে কোন গর্হিত কার্য করিতে দেখিলে, আমাদের আরও আক্ষেপ করা উচিত এবং তাহার দ্বারা জ্ঞান লাভ করিয়া, সতত সাবধানে কালযাপন করা অতীব আবশ্যিক।

মনুষ্যের মনের ভাব যতই পর্য্যালোচ-না করা যায়, ততই বিস্ময়ান্বিত হইতে হয়। যেখানে কয়েক ব্যক্তি কথোপকথনে প্রবৃত্ত হইয়াছেন, সেখানকার ভাব হৃদ-য়ঙ্গম করুন—সকলেই আপন আপন প্রাধান্য রাখিবার জন্য অতীব ব্যগ্র। যিনি বাগাডম্বরে নিযুক্ত হইয়াছেন তিনি তাহাতে এরূপ উন্মত্ত যে, তাঁহার বাক্য গুলি তাঁহার সহযোগীগণের প্রিয় হইতে-ছে কি না, তাহার প্রতি কিছু মাত্র লক্ষ্য করিতেছেননা এবং অন্যে যে কোন

অভিপ্রায় প্রকাশ করিবে, তাহার অবকাশ ও দিতেছেন না। আমি যাহা বলিতেছি তাহাই প্রামাণ্য, আমার বাক্যগুলি সকলের পক্ষে অবশ্যই শ্রুতি সুখকর হইতেছে, ইত্যাকার ভাব তাঁহার অন্তঃকরণে জাগরুক হইতেছে। তিনি যে অতি বিচক্ষণ এবং সদ্ব্যক্তি তাহাই প্রকাশ করিবার প্রয়াস পাইতেছেন। যেখানে দুই ব্যক্তি তর্ক বিতর্ক করিতেছেন সেখানকার ভাবও একবার অনুধাবন করুন। পরস্পর তুমুল বাকযুদ্ধ হইতেছে, কেহ পরাস্ত হইতে ইচ্ছুক নহে আমি যাহা কহিতেছি তাহাই যুক্তিযুক্ত এবং আমি তাহা অবশ্যই প্রতিপন্ন করিব। এবম্পৃকার ভাব উভয়েরই মনে উদয় হইয়া থাকে। কোন কোন স্থলে এমনও সংঘটন হয় যে, কেহ আপনাকে হীনবল জ্ঞাত হইয়াও তর্ক করিতে বিরত হইয়েন না। আপনার পক্ষ দ্রুষ্টি না হইলেও তিনি কোনমতে তাঁহার কথা রক্ষা করিবেনই করিবেন। অনেক সময়ে, এবম্পৃকার তর্কের ফল, অতি অনিষ্টকর হইয়া থাকে। হয়ত তাহা পরস্পরের মধ্যে বিরোধ উপস্থিত করে। ফল কথা এই মনুষ্য আপনাকে অতিরিক্ত ভাল বাসেন, এবং সেই নিমিত্ত বিবেচনা করিয়া থাকেন যে, যেসকল কথা তিনি প্রয়োগ করেন, তাহা সকলের অনুকরণীয়। বলিতে কি, তাঁহার কোন মতেই ইচ্ছা নহে যে, কাহারও নিকটে পরাভব স্বীকার করেন। এ দিকে শীলতার পরাকাষ্ঠা দেখাইতে গিয়া কি পর্য্যন্তই না হাস্যাম্পদ হইয়া পড়েন। মনে মনে

স্থির করিয়াছেন যে, তাঁহা অপেক্ষা সন্নিবেচক বা সন্নিধান অতি বিরল। কিন্তু কেহ তাঁহার সমক্ষে তাঁহার গুণাবলী ব্যাখ্যা করিলে, অমনি আপনাকে অতি অধম ও জ্ঞানহীন বলিয়া মৌখিক শীলতা প্রকাশ করা হয়। সুখ্যাতি সূচক বাক্য সকল শুনিতো তাঁহার যে একান্ত অনিচ্ছা একরূপ ভাব ব্যক্ত করিয়া থাকেন, অথচ মন আনন্দে পরিপ্লুত হয়, আন্তরিক ইচ্ছা যে তাঁহার গুণাবলী আরও প্রকৃষ্ট রূপে ব্যাখ্যা করা হয়।

মনুষ্যের আন্তরিক ভাব পর্যালোচনা করিলে চমৎকৃত হইতে হয়। তাঁহার মন যে কতদিকে প্রধাবিত হয় তাহার ইয়ত্তা করা যায় না। মনের মধ্যে স্বর্গ ও নরক উভয়ই বিদ্যমান। এই ভূমি ঈশ্বর চিত্রায় নিমগ্ন রহিয়াছে, তাঁহার অচিন্তনীয় কৌশল ও অপার মহিমা পর্যালোচনা করিতে করিতে একেবারে হতজ্ঞান হইতেছে, মনে মনে তাঁহাকে কত সাধুবাদ দিতেছে, মনে করিতেছে যেন সাধুগণে পরিবেষ্টিত হইয়া, ঈশ্বরের সহিত বাস করিতেছে এবং ব্রহ্মানন্দ উপভোগ করিয়া আপনাকে চরিতার্থ জ্ঞান করিতেছে। পরক্ষণেই একটা কুটিল ভাব আসিয়া, অন্তঃকরণকে পর্য্যাকুল করিল। কোথায় স্বর্গীয়মুখ অনুভব করিতেছিল, কোথায় গভীর নরকে নিপতিত হইলে। হাব, ভাব সম্পূর্ণা কাগিনীর রূপ লাভ্য অন্তরকে অধিকার করিল, তাহারই ভাবে একেবারে বিগলিত হইলে, তখন ধর্ম ভাব শিথিল হইল, পাপ চিন্তা অন্তঃকরণকে অধিকার করিল। (ক্রমশঃ)

হালিসহর পত্রিকা।

(পাঞ্চিক পত্রিকা।)

২য় খণ্ড]

আষাঢ় মন ১২৭৯ সাল

[৬ষ্ঠ সংখ্যা

নূতন মিউনিসিপাল আইন।

নির্দোষী, নিরীহ, দরিদ্র প্রজাদিগের নির্যাতনমানশে বোধ হয় আমাদের লেফটেনেন্টগভর্নর সাহেব এই আইনের পাণ্ডুলিপি করিয়াছেন। ক্রমাগত নিয়ম পরির্তনে কার্যের কি রূপ বিশৃঙ্খলতা হয়, তাহা বোধহয় আমাদের রাজপুরুষেরা বিশেষ অবগত নন। তাহা হইলে কি কারণে ক্রমাগত নব ২ আইন প্রস্তুত করিতেছেন। ইংরাজেরা স্বাভাবিক চঞ্চল ও নবীনতা প্রিয়া কিন্তু সকল বিষয়ে সেই চাপল্য ও নবীনতা যোজনা করা যাইতে পারেনা। কোন বিধির দ্বারা দেশের ইষ্ট হউক আর অনিষ্ট হউক, বিধি প্রনয়ন আবশ্যিক ও অপ্রয়োজন হউক, নূতন বিধি প্রস্তুত করিতে হইবে।

বঙ্গবাসীরা স্বাভাবিক শান্ত প্রকৃতির লোক। তাহারা ইংরাজদিগের চাপল্যের উচ্চতায় দক্ষ প্রায় হইতেছে। আমা-

দের রাজপুরুষেরা এসমস্ত দেখিয়াও চক্ষু মুদ্রিত করিয়া যদৃচ্ছা রূপে উপযুক্ত পরিবর্তন ব্যাবস্থা প্রচলনের চেষ্টা পাইতেছেন। মুক ব্যক্তিকে একে বারে বাক পটু, অন্ধকে একে বারে তীক্ষ্ণ দৃষ্টি বিশিষ্ট করিবার চেষ্টা, যে রূপ সর্বথা ফল প্রদ হয়না, আমাদের রাজপুরুষদের সেই প্রকারে বঙ্গ বাসীদিগকে একেবারে "বিলাতী" করিবার বাসনা শুদ্ধ নিষ্ফল ও আমাদের মুখ শান্তি বিঘাতক, ভিন্ন আর কি বলা যাইতে পারে। আমরা সভ্যতার পথে দুই এক পাদ অগ্রসর হইতে শিক্ষা করিতেছি। আমাদিগকে একেবারে এক লক্ষ্যে নির্দিষ্ট স্থানে লইয়া যাইতে চেষ্টা করিলে রাজপুরুষেরা ভগ্ন মনোরথ হইবেন, আমরাও হস্ত পদাদি ভগ্ন হইয়া অকর্মণ্য হইয়া পড়িব।

কেষল সাহেব মহাশয় যে নূতন আইনটি বিধিবদ্ধ করিবার চেষ্টা করিতেছেন সেটা যে কি প্রকার ভয়ঙ্কর হইবে তাহা বলা যায় না। প্রত্যেক অধ্যায়ই আমাদের অনর্থের মূল। আবার যখন সেই সমস্ত, অপরিণামদর্শি, অস্পষ্ট বয়স্ক, ও অবিবেচক “সিভিলিয়ান” দিগের হস্তে প্রদত্ত হইবে তখন তৎসমুদায় কি ভয়ানক অত্যাচারে পরিণত হইবে তাহা বর্ণনাশীত। আমরা একে নির্ধন, বঙ্গবাসীরা যে সকলে বিদ্যার ফলাশ্রদনে উন্নতিপ্রিয় হইয়াছে তাহাও স্বীকার করা যায় না, সে স্থলে আমরা কত দূর ইহার ভার বহনে উপযুক্ত তাহা বিবেচনা করা উচিত।

১৮৫৭ সালের সিপাহি বিদ্রোহের সময় অবধি আমাদের সুখ স্বর্ঘ্য অস্তমিত হইয়াছে। সেই দিন হইতেই আমাদের রাজকোষ শূন্য হইয়াছে। রাজপুরুষেরা ক্রমাগত নানা কর স্থাপন দ্বারাই সেই অকুলান পূরণের চেষ্টা করিতেছেন। ইনকম টেক্সের দ্বারা দেশীয়গণের কি প্রকার দুর্দশা হইয়াছে, ইনকম টেক্সের ভীষণ অত্যাচারে দেশীয়েরা কি প্রকার জর্জরিত উৎপীড়িত ও ব্যতিব্যস্ত হইয়াছে তাহা সংবাদপত্র সমূহ পাঠ করিলেই সকলে অবগত হইতে পারেন। এস্থলে তাহার বিশেষ উল্লেখ অনাবশ্যিক। ইনকম টাক্স যে রাজপুরুষদের হস্তে বাঙ্গালীনির্ধাতক তীক্ষ্ণাস্ত্র তাহা একবারে নির্বিবাদ মূলক বলিয়া স্থিরীকৃত হইয়াছে। রথাকরের বিষয় ফল এখনি সকলে আশ্বাদন করিতে-

ছেন। রাজপুরুষেরা যে আগ্রহাতিশয়ের সহিত এ কর আদায়ের উপায় উদ্ভাবন করিতেছেন, তাহা দেখিয়া স্পষ্ট অনুমিত হইতেছে, যে এ কর বঙ্গবাসীদের শোণিত শোষিত করিয়া তাহাদিগকে একেবারে দলিত করিবে। অবগত হওয়া গেল যে কোন ২ মহাপুরুষ একেবারে এত নির্দয় চিত্তে এই কর নির্ধারণ করিতেছেন যে কর, অপেক্ষা “রিটার্ন” যথা নিয়মে প্রদত্ত না হওয়াতে যে সকল জরিমানা হইতেছে তাহা শত গুণে অধিক হইতেছে। কি আশ্চর্য্য! লোকে পদ প্রাপ্তে একেবারে ধর্ম্মাঙ্ক হইয়া কি কার্য্যই না করিতে পারে। পথ নির্মাণ পথ পরিষ্কার, নগর বা গ্রাম সংস্করণ, প্রভৃতি কার্য্যগুলি মিউনিসিপ্যালিটি স্থাপনের প্রধান উদ্দেশ্য। এই উদ্দেশ্য সংসাধনার্থে প্রথমে ১৮৬৪ সালে এই সম্বন্ধে একটা বিধি প্রচলিত হয়। প্রধান ২ নগর সমূহেই ইহা প্রচলিত হয়। তৎপরে ১৮৬৮ সালে আর একটা আইন প্রস্তুত হয়। সমৃদ্ধিশালী উপনগর ও পল্লীতে এই বিধি প্রচলিত হয়। এই দুইটা আইনের উদ্দেশ্য ভাল হইলেও ইহা দ্বারা দেশীয়দিগের অনেক অনিষ্ট সাধিত হইয়াছে। সহস্র লোক হত সর্ব্বস্ব হইয়া ইহার উৎপীড়নে আপন ২ বাসস্থান পর্য্যন্ত ত্যাগ করিতে বাধ্য হইয়াছে। বঙ্গবাসীদিগের ন্যায় স্বদেশ প্রিয় জাতি আর নাই। ইহার সহস্র অত্যাচার সহ্য করিয়া, শত ২ অম্লবিধা সত্ত্বে “ভিটা” পরিত্যাগ করিতে চায় না। এক্ষণে পাঠক মহাশয়ের বিবেচনা করুন যে মিউ-

সিপ্যালিটির অত্যাচার কিরূপ।

পথ পরিষ্কার। ইহা সকলেই স্বীকার করিবেন যে উত্তমোত্তম পথ না হইলে গমনাগমনের অনেক কষ্ট হয়। কিন্তু আমরা জিজ্ঞাসা করি কোথায় কোন মিউনিসিপ্যালিটিতে প্রকৃত প্রস্তাবে পথ প্রস্তুত হইয়াছে? যাহা কিছু হইয়াছে তাহা যেস্থলে ইংরাজদিগের বসতি স্থান। কলিকাতায় যে সকল পথ দেখা যায় চৌরঙ্গির পথের সহিত তাহাদের তুলনা করিলে তৎসমুদায় সহস্র গুণে নিকৃষ্ট বলিলে বোধহয় অত্যাুক্তি হয়না। যখন রাজধানীতে এপ্রকার হইল তখন যে পল্লিগ্রামে এ রূপ হইবে তাহা বিচিত্র নহে। কর নির্ধারণ প্রণালী অতীব চমৎকার। মার্জিফ্রেট কিম্বা তৎপদাতিষিক্ত কোন ব্যক্তি আমলা দিগের মনোনিত ব্যক্তি দিগকেই প্রায় “পঞ্চায়েত” নিযুক্ত করেন। তাহারা প্রায় সকলেই স্বার্থপর মূর্খ ও অপরিণামদর্শি লোক। এবম্প্রকার লোক দ্বারা যে প্রকার বিচার হয় তাহা পাঠক মহাশয়েরা সকলেই অবগত আছেন। অনেকে “পঞ্চায়েতি” প্রাপ্ত হইয়া আপনাদিগকে গভর্নর জেনারেল অপেক্ষাও ক্ষমতাসালী বিবেচনা করে ও যদৃচ্ছা ক্রমে লোকদিগের উপরে কর নির্ধারণ করে। তাহাদের প্রতি কার্য্যই পক্ষপাতিতা লক্ষিত হয়। দেশীয়দিগের ইহাতেও দৃষ্ণের শেষ হয়না। মার্জিফ্রেট আবার করতালিকা দৃষ্টে যথেষ্টরূপে সে সমস্ত কর পরিবর্তিত করেন। ইহার অপেক্ষা অত্যাচার কাহাকে বলে। ইহাকে যদি

অন্যায় না বলা যায় জানিনা তবে জগতে অন্যায় কাহাকে বলে।

রাজপুরুষেরা উন্নতি লইয়াই ব্যস্ত। উন্নতি কি উপায়ে সংসাধিত হয় তদ্বিষয়ে ক্ষণ মাত্র মনোনিবেশ করেননা। পুরাতন বিধিধর দ্বারা দেশীয় দিগকে কত অসহ্য যন্ত্রনা সহ্য করিতে হইতেছে তাহা এক প্রকার সংক্ষেপে লিখিত হইল। লোকে একেই এদুত্তয়ের জ্বালায় জ্বালাতন হইয়াছে, তাহার উপরে আবার এই নূতন আইনের নিয়মাবলী তাহাদের মস্তকে বঙ্গসম পতিত হইবে। তাহারা জানিতে পারিতেছেন কেষল সাহেব উপকারের ভাণ করিয়া তাহাদিগের কি সর্ব্বনাশ করিতে উদ্যত হইয়াছেন।

নূতন আইন দ্বারা অনেক গুলি নূতন কর হইবে।

আমরা অদ্য এই নূতন আইনের কয়েকটা অধ্যায়ের সমালোচনায় প্রবৃত্ত হইলাম।

১২। ১৩ ধারা পাঠে অবগত হওয়া গেল যে, “মিউনিসিপ্যাল কমিসনার নিযুক্ত করিবার ভার লেফটেনেন্ট গভর্নরের হস্তেই রহিল”। প্রজাতন্ত্র মিউনিসিপ্যাল শাসন কোথায় রহিল? আমরা যদি কোন রাজপুরুষদিগকে বলি যে মিউনিসিপ্যালিটির কার্য্য উত্তম রূপে চলিতেছেন, তখন তাঁহারা কি উত্তর দেন? তাঁহারা অম্লান বদনে বলেন যে, “কেন তোমরা নিজেত সমস্ত কার্য্য করিতেছা।” এইক্ষণে সেই সব আত্মাভিমানী, গর্জিত, চতুর, রাজপুরুষেরা কো-

থায়? যদি লেপ্টেনেন্ট গভর্নর সাহেবের হস্তে পঞ্চায়েত নিযুক্তের ভার রহিল তখন আর এ বালক ক্রীড়ার প্রয়োজন কি? এত বাহাদুর দ্বারা কমিসনার নিযুক্ত করিবার বা আবশ্যিক কি? একেই কি প্রজাতন্ত্র শাসন বলে? বঙ্গদেশ বলিয়াই কেবল সাহেব এ রূপ করিতে পারিলেন। বোধ হয় ইংলণ্ডে কখনই এরূপ অত্যাচার হইতে পারিতনা। আমাদের পরম্পরে ঐক্যতা নাই বলিয়াই আমাদের এরূপ দুর্দশা হইতেছে। আরও হইবে। যখন আমাদের রক্ত শোষিত করিয়া যে অর্থ সংগৃহীত হয় তাহা ব্যয় করিবার ভার আমাদের হস্তে অর্পিত হইলনা তখন যে আমরা কোন কালে উন্নতি লাভ করিব তাহা কখনই অনুভব হয় না। আমরা ক্রন্দন করিয়াই বা কি করিব আমাদের আর্তনাদ কখনই মহারাণীর কর্ণ কুহরে প্রবিষ্ট হইবেনা।

১৭ ধারার মতে মাজিস্ট্রেট কিম্বা কোন ডেপুটিমাজিস্ট্রেট মিউনিসিপ্যাল কমিটির সভাপতি হইবেন। এটি মন্দ পরামর্শ নয়। সভাপতি একপ্রকার সকল বিষয়ের কর্তা, আবার যদি সেই সভাপতি মাজিস্ট্রেট হয় তাহা হইলে কাহার সাধ্য তাঁহার অমতে কার্যকরে।

কোন ব্যক্তি এমন জ্ঞান হীন হইবে যে ছজুরের মতের বিপরিতে বাণ্ড নিষ্পত্তি করিবে? কে জ্ঞানকৃত, নিষ্পত্তি ব্যাঙ্গের নাসারক্কে কাষ্ট ফলক প্রদান করিবে? আবার সম্পত্তি যে নূতন দণ্ড বিধির আইন হইয়াছে তাহাতে ছজুর

সর্বময়কর্তা হইয়াছেন। সেহলে কোন হতভাগ্য তাঁহার মতের প্রতিবাদ করিয়া তাঁহার কোপ দৃষ্টিতে পতিত হইবে। ছজুরেরা মিউনিসিপ্যালিটির কর্তা হইয়াইত আমাদের দেশ একেবারে ছারখার গেল। তাঁহাদের “আবদার” শ্রবণ করিতে করিতেই আমাদের প্রাণান্ত হইল। গভর্নমেন্ট কি কারণে মাজিস্ট্রেটকে সভাপতি করিলেন বলিতে পারিনা। বাঙ্গালিরা কি এতই অযোগ্য যে তাহারা একটা মিউনিসিপ্যালিটির কার্য করিতে পারেনা। ইহার কার্য কি এত গুরুতর, এত কঠিন, যে এতদেশীয় কোন ব্যক্তি তাহা মুচারু রূপে নির্বাহ করিতে পারেনা। বাঙ্গালিরা যদি প্রধান বিচারালয়ে বিচারক্ষম হয় তাহা হইলে যে তাহারা এই সমান্য কার্য করিতে অপারগ হইবে তাহা কখনই সম্ভব হয়না। আমরা মস্তিস্ক নিপীড়িত করিয়া ইহার করণ নির্ধারণ করিতে পারিলামনা।

৭৪ ধারা। এই ধারার মতে বিবাহ ব্যতিরেকে অপর সমস্ত উৎসবে, যাহাতে প্রকাশ্য পথে বাদ্যোদম করিয়া গমন করা হয় তাহার উপর কর নির্ধারণ করা হইবে। এটি ক্যান্সেল সাহেবের সহৃদয়তার কীর্তিস্তম্ভ স্বরূপ হইয়া বঙ্গদেশে তাঁহার যশঘোষণা করিবে। বিবাহ কেন পরিত্যক্ত হইল বলিতে পারাযায়না, বোধ হয় ইহাতে ইংরাজদিগের ক্ষতি হইবে বলিয়া এটির উপর কর গৃহীত হইবেনা। এই কি বিচার? এই কি ইংরাজ জাতির অপক্ষপাতিতা? এই জন্যই কুমারি অন্তরীপ হইতে হিমালয় শিখর পর্যন্ত

সকলেই আন্তরিক ক্ষুদ্র ও অসম্ভব হইতেছে, এবং এই কারণে বোধ হয় সকলেই আমাদের রাজপুরুষদিগকে এত অবিশ্বাস করে। এক্ষণে জিজ্ঞাস্য এই, এ করনির্ধারণ কি মহারাণীর (প্রক্লেমেনসন) ঘোষণা পত্রের বিপরীত কার্য নহে? মহারাণী না নিজমুখে প্রকাশ করিয়াছিলেন যে, ধর্ম বিষয়ে হস্তক্ষেপ করিবেননা। এটি কি ধর্মের উপরে হস্তক্ষেপননহে? হিন্দুদিগের কোন উৎসবে ধর্ম সংশ্লিষ্ট না আছে? তাহা হইলে এ প্রকার অন্যায় ও অযথা করগ্রহন কি যুক্তি সিদ্ধ। “আমরা তোমাদের ধর্ম বিষয়ে হস্তক্ষেপ করিবনা, অথচ তোমাদের উৎসবদির উপরে কর গ্রহণ করিব”। বোধ হয়, আমাদের রাজপুরুষদের এই আর্থোক্তিক কথা। এই নিয়মটি যে কত দূর অন্যায় তাহা বলাযায়না। পুলিশ কর্মচারিরা ইহা দ্বারা যে, লোকদিগকে কি পরিমাণে উৎপীড়িত করিবে তাহার ইয়ত্তা নাই। এবারই আমাদের সমস্ত ক্রীয়া কাণ্ড বন্ধ হইল। ধন্য ক্যান্সেল সাহেব! তোমার বিচার ও ক্ষমতা ধন্য!। শত শত মিসনারি, শত শত ব্রাহ্ম, শত বৎসরে যে বিষয়ে কিঞ্চিন্মাত্র কৃত কার্য হইতে পারেননাই তুমি এক্ষণে অমায়্যাসেই সেই পৌত্তলিকতা উচ্ছেদ করিলে।

১৩৪ ধারার অভিপ্রায়ানুসারে এক মিউনিসিপ্যালিটির উদবর্ত্ত টাকায় অন্য মিউনিসিপ্যালিটির ব্যয় নির্বাহিত হইবে। একেই বলে “আমার টেকে থাক তোমার বিকিয়ে যাক”। এক গ্রামের প্রজাদিগকে উৎপীড়ন করিয়া যে অর্থ সংগৃহীত হইবে

তাহা অপর গ্রামের জন্য ব্যয়িত হইবে। এ প্রস্তাবটি যে কি পরিমাণে যুক্তি বিরুদ্ধ তাহা পাঠকবর্গই বিবেচনা করুন। এ দেশের গ্রাম সমূহের অবস্থা এরূপ উন্নত নহে যে তদ্বারা অপর গ্রামের সাহায্য হইতে পারে। যদি কোন গ্রামে ব্যয় বাদে অর্থ উদবর্ত্ত হয়, তাহা হইলে পরবৎসরে সেই পরিমাণে কর কমাইলেই ভাল হয়। তাহা হইলে প্রজারা যে মুখে থাকিবে, ক্যান্সেল সাহেব এরূপ অন্যায় কার্য করিবেন কেন?। এ বিষয়ে তিনি বোধ হয় অধিক দোষী নন, তাঁহার “মজির” আছে। যখন “সেক্রেটারী অব ফেটের” দরবারের খরচ ভারবৎসরের কোষাগার হইতে প্রদত্ত হয়, তখন ক্যান্সেল সাহেব যে, এক মিউনিসিপ্যালিটির টাকা অন্য মিউনিসিপ্যালিটির জন্য ব্যয় করিবার নিয়ম করিবেন তাহা বিচিত্র নহে।

১৬৯। ৭০ ধারায় দৃষ্ট হইল যে “মিউনিসিপ্যাল কমিসনারদিগকে” বিদ্যালয়ের জন্য অর্থ দিতে হইবে। মন্দ নয়। নিম্নশ্রেণীর শিক্ষার জন্য রথ্যাকর সংস্থাপিত হইল, ৫। ৭ টী কলেজ উচ্ছিন্ন হইল, তত্রাচ আবার পুনর্বার শিক্ষার জন্য “টাকা” চাই। এটি কি ন্যায় সম্মত নিয়ম? এই কি বিচার?। আমাদের এরূপ বিদ্যার আবশ্যিক নাই। নিম্ন শ্রেণীস্থ লোকেরা চিরকাল মুর্থ থাকুক, তাহাও সহনীয় তথাপি এরূপ অত্যাচার সহ হয় না। পাঠক মহাশয়েরা এক্ষণে নূতন আইনের মর্মান্বগত হইলেন। আপনারা কি এই প্রস্তাবটি পাঠ করিয়াই পরিতৃপ্ত

থাকিবেন, না এই অত্যাচার নিবারণের উপায় চিন্তা করিবেন?। অনৈক্যতাই আমাদের সমস্ত উন্নতির অন্তরায় হইয়াছে।

আমরা যদি সকলে এক মত হইয়া প্রথমেই ইহার কোন প্রতিকারের চেষ্টা না করি, তাহা হইলে কাল গৌণে আমাদের সমস্ত চেষ্টা নিষ্ফল হইবে। দেশীয়-গণ জাগ্রত হও, আলস্য শয্যা পরিত্যাগ কর, সকলে কর্তব্য বন্ধনে বদ্ধ হইয়া গভর্ণর জেনেরল সমীপে আবেদন কর। ভূরায় প্রতি জেলায়, প্রতি নগরে, প্রতি গ্রামে, প্রতি পল্লিতে এক একটা সভা করিয়া একই খানি আবেদন কর, এবং পরিশেষে সেই আবেদন সমূহ কলিকাতায় “ব্রিটিস ইণ্ডিয়ান” সভার সম্পাদক রাজা জতীন্দ্র মোহন ঠাকুরের নিকট প্রেরণ কর। তাহা হইলে বোধ হয় এ সমস্ত অত্যাচার নিবারণ হইবে। গভর্ণর জেনেরল সাহেব আমাদের আবেদন গ্রাহ্য না করেন, মহারাণীর নিকট আবেদন করা যাইবে। যদি সামান্য অর্থলোভে বিলাতগমন করিতে পারা যায়, তাহা হইলে দেশের ইষ্ট সাধন জন্য যদি আমরা কেহ বিলাতে না যাই, তাহা হইলে আমাদের চিরকাল এ কষ্ট ভোগ করিতে হইবেই হইবে সন্দেহ নাই।

উপসংহার কালে রাজা জতীন্দ্র মোহন ঠাকুর ও শ্রীযুক্ত বাবু দিগম্বর মিত্র মহাত্মাদিগকে ভূয়সি প্রশংসা না করিয়া এ প্রস্তাব শেষ করা উচিত নহে। এই মহোদয়েরাই শুদ্ধ উক্ত আইনের প্রতিবাদ করেন, কিন্তু তাঁহারা

“বান্ধালি” তাঁহাদের আপত্তি গ্রাহ্য হয় নাই।

বঙ্গদেশীয় সমাজ সংস্কার ।

ভারত বর্ষের মধ্যে বঙ্গদেশ অভিনব। কতিপয় শতাব্দীর মধ্যে এতদেশীয় সমাজ এত বিস্তৃত, বিভিন্নপ্রকৃতি, কলুষিত ও পরাপর বিরুদ্ধভাবাপন্ন হইয়া পড়িয়াছে, যে, এতদ্বিষয়ে সম্পূর্ণ অবগতি লাভ, বহুদর্শী পণ্ডিতের পক্ষেও সহজ ব্যাপার নহে।

আর্যেরা কোন্ স্থান হইতে প্রথম ভারতবর্ষে উপনিবেশন সংস্থাপন করেন, তাহার নিশ্চয়াত্মক প্রমাণ প্রাপ্ত হওয়া যায় না। অনেকে অনুমান করেন উহার “আসিয়া মাইনর” হইতে আগমন করিয়া প্রথম ভারতবর্ষে বসতি করেন। তাঁহাদের জাতীয় নামানুসারে প্রথম প্রবাসিত স্থলের নাম “আর্যাবর্ত” হইয়াছে। আর্যশব্দ “কৃষক” এই অর্থ প্রাপ্য। অতি পূর্বকালে কৃষি কর্ম ভিন্ন আর্যদের অন্য ব্যবসায় ছিল না। মহারাষ্ট্রীয় নসরী ব্রাহ্মণেরা অদ্যাপি কৃষি ভিন্ন অন্য ব্যবসায় প্রায় অবলম্বন করেন না। আধুনিক সম্ভ্রান্ত ক্ষত্রিয়েরা আপনাদিগকে চন্দ্র, সূর্য এই প্রধান বংশদ্বয় সম্ভূত বলিয়া পরিচয় দিয়া থাকেন, এবং ইহাদের রীতি নীতি পূর্বতন আর্য ক্ষত্রিয়দের রীতি নীতির সহিত সম্পূর্ণ সদৃশ। বৈশ্যেরা অদ্যাপি ব্যবসায়ান্তর অবলম্বন করেন না। অনেকে অনুমান করেন “শূদ্রগণ আর্যজাতীয় নহে, ভারতবর্ষীয়

আদিম নিবাসীরা আর্যকর্তৃক পরাজিত হইয়া দাস স্বীকার পূর্বক, আর্যদের আশ্রয় গ্রহণ করিয়াছিল, এনিমিত্ত উহাদিগকে “দ্বিজ” এই আখ্যা প্রদত্ত হয় নাই, এবং “দাস” এই সাধারণ উপাধিদত্ত হইয়াছে।” আর্যেরা শ্বেত বর্ণ ছিলেন, ঋগ্বেদাদিতে ইহার ভূরিভূরি প্রমাণ প্রাপ্ত হওয়া যায়, আর্য দিগের প্রার্থনা সম্বন্ধীয় এক স্থলে লিখিত আছে—“হে ঈশ! তোমার শ্বেত বর্ণ সন্তানগণকে রক্ষাকর কৃষ্ণ বর্ণ দস্যুদিগকে বিনাশ কর।” “দাস” শূদ্রগণকেই কৃষ্ণ বর্ণ দস্যু বংশজ বলিয়া অনেকে অনুমান করেন, “দস্যু” ও “দাস” এই শব্দদ্বয়ের আংশিক সাদৃশ্য দেখিয়া এবং স্মৃতি ও পুরাণে শূদ্রদিগের প্রতি কিঞ্চিৎ নিষ্ঠুর ব্যবহার জানিতে পারিয়াই অনেকে এরূপ ভ্রম-কল্পনাকারে পতিত হইয়া থাকেন। আর্য প্রণীত অতি পুরাতন গ্রন্থের অনেক স্থলে লিখিত আছে, এক ব্রাহ্ম হইতেই ব্রাহ্মণ ক্ষত্রিয় বৈশ্য, শূদ্র, এই জাতি চতুষ্টয়ের উৎপত্তি হইয়াছে। যদিও এই বাক্য অলৌকিক রূপে বর্ণিত থাকুক, তথাপি মূলতঃ অসত্য নহে, এবং উক্ত জাতি চতুষ্টয়ের আদিপুরুষ একত্বের উত্তম প্রমাণ বলিয়া প্রতীয়মান হইতেছে। অতি পূর্ব কালে অনেক সংস্কৃতগ্রন্থ, এমন কি বৈদিক গ্রন্থ পর্যন্ত শূদ্র কর্তৃক প্রণীত হইয়াছে। শূদ্রজাতি যে নিরবচ্ছিন্ন কৃষ্ণবর্ণ ছিল তাহার ও কোন প্রমাণ নাই, বরং ইহার বিপরিত পক্ষই সমর্থিত রূপে প্রমাণীকৃত হইয়া থাকে। পুরাতন সংস্কৃত গ্রন্থ সমুদায়ে ব্রাহ্মণ, ক্ষত্রিয়,

বৈশ্য ও শূদ্রের বিষয় বিশেষ রূপ সমালোচনা করিলে অনুমিত হইবে, কোন অব্যক্ত কারণ বশতঃ, ব্রাহ্মণাদি তিন শ্রেণীর লোকদিগের সহিত শূদ্রগণ পরস্পর কলহ ভাবাপন্ন হইলে, তাহাদিগের কর্তৃক বিবাদে পরাস্ত, অপমানিত ও মর্যাদাচ্যুত হইয়া পৃথক হয়। শূদ্রগণ বোধ হয়, উপনিবেশিক আর্যদিগের কোন সাধারণ সামাজিক নীতি লঙ্ঘন করিয়া থাকিবে। হয়ত স্থানীয় অসভ্য জিত-কুলের সহিত প্রথমে বিবাহ সম্মিলন দ্বারাই উহার আর্য জাতি চ্যুত হইয়া “দ্বিজ” নামের অনধিকারী হইয়াছিল।

শূদ্রেরা অনেক কাল, নিয়ম লঙ্ঘনের প্রতিফল স্বরূপ অশেষ অপমান ও ক্লেশ সহ করিয়াছে। এমন কি বহু বৎসর পর্যন্ত শূদ্র দিগের জ্ঞান ও প্রকৃত ধর্ম চর্চার পথ অবরুদ্ধ ছিল। তথাপি অনেক শূদ্র লুক্কায়িত ভাবে তপস্যা ও শাস্ত্র চর্চা করিত। রামায়ণে এক জন শূদ্র তপস্বীর শিরচ্ছেদের বিবরণ প্রাপ্ত হওয়া যায়। শূদ্রগণ অপর তিন শ্রেণীর লোক কর্তৃক উৎপীড়িত হইয়াছে, কেবল এই নিমিত্ত বিভিন্ন জাতীয় বলিয়া প্রমাণিত হইতে পারেনা। দুর্বলশ্রেণীর লোক দিগের উপর সবল শ্রেণীর লোক দিগের অত্যাচার পৃথিবীর সর্বত্র সর্বদা প্রচলিত আছে, বিশেষতঃ ভারত বর্ষে এই প্রথা বহুল রূপে প্রচলিত। স্বজাতীয় অবলা কুলের প্রতি ভারত বর্ষীয় সমাজের যে রূপ অত্যাচার তাহা স্বরণ করিলে, কাহার না দুঃখ

উপস্থিত হয়? তুলনা করিলে শূদ্র অপেক্ষাও উহাদিগকে শোচনীয় বোধ হইবে। ব্রাহ্মণ, ক্ষত্রিয়, বৈশ্য, এই তিন জাতির মধ্যে ও দেখা যায়, ব্রাহ্মণেরা ক্ষত্রিয় দিগের উপর, ক্ষত্রিয়েরা বৈশ্যগণের প্রতি, আংশিক রূপে ঘৃণা, আত্মাভিমান প্রকাশ করিয়া থাকে। এই বিষয় বিস্তারিত বর্ণন, প্রস্তাবোদ্দেশ্য নহে, যাহা হউক, শূদ্রগণ যে ব্রাহ্মণাদির সহিত মূলতঃ ভিন্ন জাতীয় নহে তদ্বিষয়ে সন্দেহাত্মক। ব্রাহ্মণ দিগের প্রণীত গ্রন্থে যখন শূদ্রগণের ব্রাহ্মণ হওয়ার বিধি প্রাপ্ত হওয়া যায়, তখন আর অন্য প্রমাণ অনুসন্ধানের প্রয়োজন করেনা। ব্রাহ্মণ সদৃশ্য জাত্যাভিমানী লোকেরা জিত অস্পৃশ্য অসভ্যদিগকে যে, কেবল ইতর গুণ প্রভাবে ব্রাহ্মণত্বে বরণ করিতে সম্মত হইবে কখনই বিশ্বাস যোগ্য নহে।

ব্রহ্মতনয় চতুর্বিধ; আৰ্য্যগণ বহু শতাব্দীর পর “হিন্দু” এই একটা নূতন আখ্যা প্রাপ্ত হইল। মোগলেরা প্রথম ভারতবর্ষে পদার্পণ করিয়াই বিজাতীয় বিদ্বেষসহকারে আৰ্য্যদিগকে “হিন্দু” অর্থাৎ কৃষ্ণবর্ণ লোক বলিয়া আহ্বান করিতে লাগিল। সেই সময়ে আৰ্য্যেরা স্বকীয় বলবীৰ্য্য ও বিদ্যা বৃদ্ধির সঙ্গে সঙ্গে অবিকম্প হেম গৌরবর্ণ হইতেও বঞ্চিত হইয়াছিল। “ব্লেক্,” “নিগার” প্রভৃতি শব্দ যেরূপ অর্থে আধুনিক আৰ্য্যদিগের প্রতি অর্পিত হইয়া থাকে, “হিন্দু” শব্দও ঠিক সেরূপ অর্থ প্রতিপাদক, কিন্তু অনভিজ্ঞতা বশতঃ অনেক

ভারতবর্ষীয় ব্যক্তি তাহা গৌরবাত্মক মনে করিয়া যজ্ঞীয় তিলকের ন্যায় ধারণ করিতে আগ্রহ ও আত্মলাভ প্রকাশ করেন। “হিন্দু” ইহা পারশ্য আভিধানিক শব্দ, বেদ, পুরাণ, স্মৃতি, তন্ত্র, আয়ুর্বেদ প্রভৃতি কোন সংস্কৃত গ্রন্থেই এই শব্দের নামোল্লেখ পাওয়া যায়না। বিশেষতঃ আবার বিজাতীয় বিদ্বেষ সূচক, এরূপ অবস্থায় অনেক বঙ্গীয় গ্রন্থকার হিন্দু নারী, হিন্দু মহিলা, হিন্দু জাতি প্রভৃতি নাম দিয়া পুস্তক প্রবন্ধাদি প্রণয়ন করিয়াছেন, এ অত্যন্ত লজ্জাকর বোধ হয়, তাঁহারা যদি “হিন্দু” শব্দের প্রকৃত অর্থ জানিতেন তাহা হইলে কখনই স্বপ্রণীত পুস্তকাদি কলুষিত ও স্বীয় জাতিকে কুৎসা গ্রন্থ করিতেননা। এ বিষয়ে বঙ্গ দেশের অবতংশ স্বরূপ “হিন্দু পেট্রিয়ার্ট” নামধারী সংবাদপত্র, বাঙ্গালীদিগের অনভিজ্ঞতা, কিম্বা অধীনতা-কলঙ্ক-সহিত্যতার সম্পূর্ণ পরিচয় প্রদান করিতেছে সন্দেহ নাই!

ব্রাহ্মণ প্রভৃতির আৰ্য্যাবর্ত হইতে কোন্ সময়ে প্রথম বঙ্গ দেশে আগমন ও বসতি করিতে আরম্ভ করেন, তাহার কাল নির্ণয়াত্মক প্রমাণ প্রাপ্ত হওয়া যায় না। কোন কোন ইউরোপীয় পণ্ডিত, বাঙ্গালী ব্রাহ্মণদিগকে আৰ্য্য সন্তান বলিয়া স্বীকার করিতে কুণ্ঠিত হয়েন, জল বায়ু ও নানাপ্রকার সমাজ বিপ্লব দোষে উহাদের স্বাস্থ্য, বল বীৰ্য্য, সৌন্দর্য্য হীনতাই এরূপ ভ্রম উৎপাদনের এক মাত্র কারণ। বিশেষতঃ পাশ্চাত্য

শিক্ষার অলোকে বঙ্গদেশে নানা রূপ পরিবর্তন সংঘটিত হওয়াতে আৰ্য্যজাতীয় রীতি নীতির অনেক ব্যত্যয় জন্মিয়াছে, ইহাও তথাবিধ ভ্রান্তির অন্যবিধ কারণ, সন্দেহ নাই। পূজ্যতম আৰ্য্যেরা যে গায়ত্রী জপ করিতেন, যে প্রকার শ্রাদ্ধ তর্পণাদির অনুষ্ঠান করিতেন, যেরূপ প্রাতঃস্নান, হোম, সন্ধ্যোপাসনা, সাধন করিতেন, বাঙ্গালী ব্রাহ্মণেরা ঠিক সেই গায়ত্রী, সেই রূপ শ্রাদ্ধ তর্পণাদির অনুষ্ঠান করেন, এবং যাহাদিগকে বিজাতীয় শিক্ষা স্পর্শ করে নাই, তাঁহারা ঠিক সেই প্রকার প্রাতঃস্নান এমন কি অনেকে প্রাত্যাহিক হোম যজ্ঞাদির অনুষ্ঠান করিয়া থাকেন। আৰ্য্য ব্রাহ্মণেরা যেরূপ ব্রাহ্মণী ও অনুপবীত বালকদিগকে অপবিত্র মনে করিয়া ভোজন কালে স্পর্শ পর্যান্ত করেন নাই, সেই রূপ অনেক বাঙ্গালী শাস্ত্র সেবক আধুনিক ব্রাহ্মণ তত্ত্ব নীতি অনুসরণের ক্রটি করেন না। কএক শতাব্দী পূর্বে বঙ্গদেশে বেদ অধ্যয়ন ও অধ্যাপনার রীতি ছিল, তন্ত্র, স্মৃতি, ও তর্ক শাস্ত্রের জ্যোতিতে, বেদ বেদান্ত কালে নিতান্ত নিস্পৃহ হইয়া পড়িয়াছে।

বৈদিক শ্রেণীর বঙ্গদেশের প্রথম নিবাসী ব্রাহ্মণ। ইহারা কত শতাব্দী পূর্বে, কি উপলক্ষে বঙ্গদেশে আসিয়া সপরিবার বসতি করে, তাহা নিশ্চয় করিবার উপায় নাই। বঙ্গদেশে ব্রাহ্মণ আগমনের রীতি যে প্রকার পরে প্রচলিত দেখা যায়, তাহাতে অনুমিত হয়,—কোন ধর্ম্মশীল রাজার হোম

যাগ যজ্ঞোপলক্ষে ইহাদের পদার্পণ হইয়া থাকিবেক।

“বৈদিক” এই নামের দ্বারা স্পষ্ট-প্রমাণিত হইতেছে যে, ইহারা বেদশাস্ত্র অধ্যয়ন, অধ্যাপন করিতেন, অদ্যাপিও ইহাদের বেদানুযায়ী অনেক আচরণ দৃষ্ট হয়। যজন যাজন অধ্যয়ন, অধ্যাপন কেবল ব্রাহ্মণ জাতির দান গ্রহন, মস্তকের চতুঃস্পর্শ মুণ্ডন পূর্বক, এক গোস্পদ পরিমাণ কেশ ধারণ, ইত্যাদি দ্বারা ইহাদের পূর্ব পুরুষ যে আৰ্য্যাবর্তের বিশুদ্ধ ব্রাহ্মণ ছিল তাহাতে আর সন্দেহের অবকাশ নাই। মহারাষ্ট্রীয়, ঔৎকলিক ও বঙ্গ দেশীয় বৈদিক শ্রেণীয় ব্রাহ্মণের সহিত বেশ ও আচরণগত কিয়দংশে সাদৃশ্য আছে। ভারতবর্ষস্থ অন্যান্য স্থলের ব্রাহ্মণ দিগের অনেক পরিবর্তন সংঘটিত হইয়াছে, বঙ্গ দেশে যেরূপ ধর্ম্ম, নীতি, শিক্ষা, পরিচ্ছদ, প্রভৃতি বিষয়ে পরিবর্তনের স্রোত প্রবাহিত হইয়া আসিতেছে, এরূপ আর ভারতবর্ষে কোন প্রদেশেই নহে। আশ্চর্য্যের বিষয় এই, বঙ্গদেশীয় বৈদিকদিগের আচরণ পদ্ধতি পরিচ্ছদ প্রভৃতির কিছুই পরিবর্তন হয়নাই। তান্ত্রিক ও “রঘুনন্দনীয়” মত ইহাদিগকে আশ্রয় করিয়াছে বটে, কিন্তু বঙ্গ দেশের আর কোন মতই স্পর্শ করিতে পারেনাই। তান্ত্রিক ও স্মার্ত্ত মত, বেদানুযায়ী কথিত হইয়াছে বলিয়াই ইহাদিগের সমাজে লক্ষ্যপ্রবেশ হইয়াছে। বল্লাল সেনের দ্বারা অত্যাচারিত নাই হইয়াছে বঙ্গদেশে এরূপ প্রদেশ ও আৰ্য্য সংস্কৃত জাতি অতি অস্পৃহ দৃষ্ট হয়। কিন্তু বৈদিক শ্রেণীয়

ব্রাহ্মণেরা, তাঁহার মত গ্রহণ ও প্রচলন দ্বারা নিজবংশ কুলুষ্ণিত করেননাই। চৈতন্যের ব্যতিচার ইহাদিগকে স্পর্শও করেননাই, তাহার পর ইদানীং রাম মোহনীয় অভিনব মত, সাগরীয় অদ্ভুত অনুষ্ঠান, কৈশবীয় সমাজ বিপ্লব, বঙ্গদেশে কুসংস্কার নির্ঘাতক ভয়ানক রাফস কি হিংস্র বন্য জঙ্ঘর ন্যায় ইতস্ততঃ বিচরণ করিতেছে, কিন্তু বৈদিক মহাশয়েরা কুল ক্রমাগত কুসংস্কারের গর্ভে এমনই লুকায়িত রহিয়াছেন যে, তাঁহাদিগকে আক্রমণার্থ লক্ষ্য করিবার সুযোগ পায়নাই। ইউরোপীয় শিক্ষার প্রভাবে বঙ্গদেশীয় অন্যান্য শ্রেণীয় ভদ্র লোকদিগের যে রূপ পরিবর্তন ঘটিয়াছে, ইহাদের তাহার শতাংশও নহে। এরূপ একটা বিশ্বাসযোগ্য কিম্বদন্তী আছে যে, অনেকপুরুষ শাস্ত্র চর্চার অভাবে বৈদিক ব্রাহ্মণেরা আদিপূর রাজার সময়ে ঘোরতর মূর্খতাক্ষকারে আচ্ছন্ন হইয়া রাজকীয় যাগ, যজ্ঞ, অনুষ্ঠানে অক্ষম হইয়াছিল, তাহাতেই এক মহা যজ্ঞোপলক্ষে বঙ্গদেশে কান্যকুব্জ হইতে পঞ্চ ব্রাহ্মণ আনীত হইলেন। গঙ্গার পশ্চিমোপকূলে কতিপয়স্থানের নাম “রাঢ়দেশ” “কনৌজ” হইতে আগত ব্রাহ্মণেরা সেই রাঢ়দেশে প্রথম বসতি করেন, তন্নিমিত্ত তাঁহাদের সন্তানদিগের নাম “রাঢ়ীয়শ্রেণী” হইয়াছে। কালে রাঢ়ীয় শ্রেণীয়েরা কুলীন, বংশজ, শ্রেণীত্রীয়, এই তিন ভাগে বিভক্ত হইয়া ক্ষান্ত হইয়াছে এরূপ নহে কুলীন দিগের মেল ও ঘর, শ্রেণীত্রীয় গণের মর্যাদার সোপান বিভাগ, বংশজবর্গের কুলভঙ্গান্তর পুরুষগণনা প্রভৃতিতে এক

কালে তারাক্রান্ত হইয়া পড়িয়াছে। এবিষয় বিস্তারিত বর্ণন, স্বতন্ত্র একখানি বৃহৎ পুস্তক প্রণয়ন ব্যতীত সম্পাদিত হইবার নহে। যত প্রকার সামাজিক কুপ্রথা প্রকৃতির ভাঙারে সম্ভাবিত হয়, তাহা তাহাদের সম্পূর্ণ আশ্রয়ীভূত হইয়াছে। বল্লাল সেনের নরম রোম হর্ষণ ব্যাপার বিষয়ে ইহারা যে রূপ সানুমোদন পোষকতা করিয়াছেন এরূপ আর বঙ্গদেশে দ্বিতীয় পাওয়া যাইবেনা। বস্তুতঃ ইহাদের অধিকাংশ শোণিত দ্বারাই বল্লালীয় কুক্রিয়ার তপণ হইয়া থাকে।

রাঢ়ীয় শ্রেণীর ব্রাহ্মণ ইদানীং বঙ্গদেশে সর্বত্র বিদ্যমান আছে, কিন্তু চট্টগ্রাম, শ্রীহট্ট, ময়মনসিংহ প্রভৃতি পূর্বাঞ্চলীয় দেশে বল্লালীয় মতের বড় প্রভাব নাই। বিক্রমপুর, ও গঙ্গার নিকটবর্তী কতিপয় স্থলের রাঢ়ীয় শ্রেণীয়েরাই বল্লালীয় মতের অত্যন্ত গৌড়া ও উৎসাহী। বোধ হয় পূর্বাঞ্চলীয় রাঢ়ীয় ব্রাহ্মণেরা বল্লালের ততদূর বদান্যতার মুখাপেক্ষী ছিলেননা। সুতরাং তাঁহাদের নিকট উহা সম্পূর্ণ রূপে গৃহীত হয় নাই। বিক্রমপুর ও গঙ্গার নিকটবর্তী কতিপয় স্থলে রাঢ়ীয়শ্রেণীর ব্রাহ্মণেরা বল্লালের ব্রহ্মত্ৰোপজীবী ছিলেন। ইহাদের নিকট যে বল্লালী নিরাপত্তি রূপে গৃহনীয় ও অলঙ্ঘনীয় হইবে বলা বাহুল্য।

বৈদিক শ্রেণীয়েরা যে রূপ অপরিবর্তন প্রকৃত, ইহারা সে রূপ পরিবর্তনশীল। বিশেষ অনুসন্ধান করিয়া দেখিলে ইহাদের কোন কোন ব্যক্তিরমাত্র ব্রাহ্মণত্ব

লক্ষিত হইয়া থাকে, অধিকাংশই রীতি ভ্রষ্ট। কোন কোন বন্দোধ্যায় মহাশয়, খেমটাওয়ালী দলের মন্দিরবাদক, কোন কোন “চাটার্জি” বাবু রুটিওয়ালার ব্যবসায় করেন, কেহ কেহ বা জুতা বিক্রেতার দোকানের হিসাব রক্ষক, কোন কোন গাঙ্গুলী বাবু আবার মদের দোকান দিয়া শুঁড়ি অবতার হইয়াছেন। কোন ২ মুখোপাধ্যায় বাবু তরকারির দোকান দিয়া রসুন পেঁয়াজ বিক্রয় করেন। ইহারা এখন আর ব্রাহ্মণের প্রকৃত যথা শাস্ত্র ব্যবসায় যজন যাজন অধ্যয়ন, অধ্যাপনার প্রতি অধিক শ্রদ্ধা ও মনোযোগ করেননা। রাজসেবাই প্রধান লক্ষ্য স্থল, বেতনের কেরণী ও বিচারক বিশেষের সহকারী হইতে পারিলেই আত্মাকে চরিতার্থ বোধ করেন। কলিকাতা বিশ্ববিদ্যালয়ের পরীক্ষোত্তীর্ণ ছাত্র বৃন্দের মধ্যে কায়স্থ ও এই শ্রেণীর ব্রাহ্মণই অধিকাংশ। ইহাদের এরূপ পরিবর্তন দ্বারা উপকারাপকারের বিষয় পরে বর্ণিত হইতেছে।

বঙ্গদেশে আর এক শ্রেণী ব্রাহ্মণ আছে, তাহাদিগকে বারীন্দ্রীয় বলে। অনেকে অনুমান করেন, ইহারা রাজসেবা উপলক্ষে আর্য্যাবর্ত হইতে বঙ্গদেশে আগমন করিয়া সপরিবার বসতি করেন। বঙ্গদেশের কিয়দংশ স্থলের নাম বারীন্দ্র। গঙ্গার পূর্ব হইতে পদ্মার উপকূলভাগ পর্য্যন্ত কতিপয় স্থান অত্যন্ত জনাকীর্ণ বলিয়া তাহার বারীন্দ্র (বারি+ইন্দ্র) নাম হইয়াছে। ইহাদের অতি অল্পলোকই ব্রাহ্মণের প্রকৃত ব্যবসায়ের রত আছেন, অধি-

কাংশই বাণিজ্য ব্যবসায়, রাজসেবা, জমিদার সেবা, ও জমিদারি প্রভৃতি ব্যবসায়ের জীবিকা নির্বাহ করিয়া থাকেন। অসিজীব কতা ভিন্ন সমুদায় পাতিত্যই ইহাদের কর্তৃক অনুষ্ঠিত হইয়া থাকে। বহুকাল ইহারা বঙ্গদেশে বিশুদ্ধ ব্রাহ্মণতায় জলাঞ্জলি দিয়া হত মর্যাদা ছিলেন, এবং গান সম্ভ্রম লাভার্থ শূদ্রবৎ রাজসেবার দিগেই ধাবিত হইলেন। চৈতন্য লীলার সময়ে ইহারা তাহার অধিকাংশ পোষকতা করেন। দেশে কোন বিসদৃশ মত প্রচলিত করিতে গেলে, সমাজচ্যুত, সমাজে অগ্নি সম্ভ্রান্ত সংসারে বিরক্ত, প্রভৃতির সহায়তারই অধিক প্রত্যাশা করা যাইতে পারে।

কতিপয় বারীন্দ্রীয় ব্রাহ্মণ, সেবা ও গতানুগতির গুণে প্রভু চৈতনের শ্রদ্ধাভাজন হইয়া সমাজের অপর দিগে কিঞ্চিৎ মানলাভ করিলেন, তাহার পর হইতেই বারীন্দ্র শ্রেণীয় গোস্থামীদিগের মান মর্যাদা দেদীপ্যমান হইয়া উঠে। ইহারাও এককালে বল্লালীয় অধিকার বর্জিত নহেন। বৈদিক, রাঢ়ীয়, বারীন্দ্রীয়, এই তিন শ্রেণীর ব্রাহ্মণ হইতেই নানা প্রকার বর্নশঙ্কর ব্রাহ্মণের উৎপত্তি হইয়াছে তৎসমুদয় এতৎপ্রস্তাব্য নহে।

বঙ্গদেশে বিশুদ্ধ ক্ষত্রিয় ও বৈশ্যের বংশানুক্রম নিবসতি প্রায় দৃষ্টিগোচর হয়না, ত্রিপুরা রাজবংশ প্রভৃতি কয়েকটা বংশ ভিন্ন যে সকল ক্ষত্রিয় দেখা যায়, প্রায়ই বাণিজ্য, রাজসেবা ও অসিজীবিতার উপলক্ষে। সে সকল

নিবন্ধমূল সামাজিক বসতি নহে। বৈশ্য সংখ্যা অতি অল্প।

শূদ্রগণ ব্রাহ্মণদিগের কর্তৃক হৃত গৌরব ও বীততেজা হইয়া অনেক শত বৎসর সেবক ভাবে কাল যাপন করিলে, পাটলিপুত্র (পাটনা) নগরে শূদ্র নৃপতি নন্দবংশের অবতরণ হয়। যেরূপ মুসলমান ও ইংরাজ রাজপুরুষগণ আৰ্য্য শাস্ত্রানুসারে অস্পৃশ্য হইলেও পদ গুণে মান্য ও আদরনীয়, সেরূপ শূদ্রজাতীয়েরা রাজশ্রী প্রাপ্ত হইলে, ব্রাহ্মণ ও ক্ষত্রিয়দিগের চিরনিবন্ধ হেয় ও বিদেষ ভাব ক্রমে শিথিল হইয়া আসিতে লাগিল। মোগল বংশীয় নৃপতির। যেমন ক্রমে ব্রাহ্মণ দিগের শ্রদ্ধাভাজন এবং ক্ষত্রিয় রাজাদিগের আদান প্রদানের পর্য্যন্ত যোগ্যপাত্র হইয়াছিলেন, নন্দবংশীয়েরা যে সেরূপ পদ ও মর্যাদা লাভ করিবে, আশ্চর্যের বিষয় কি? শূদ্রজাতীয় হইলে ও ক্ষত্রিয় বংশোচিত পদ লাভ হওয়াতে আচার ব্যবহার রীতি নীতি—কিয়দংশে বলবীৰ্য্য সাহস, ক্ষত্রিয় সদৃশ হইতে লাগিল। এই সময়েই ক্ষত্রিয় ও শূদ্রের সহিত সম্মিলন হইয়া এক শঙ্কর জাতি উৎপন্ন হইল, ইহারই নাম “কায়স্থ।” শঙ্কর ব্যুৎপত্তি গ্রহণে এক অনুমানসাধনী কিম্বদন্তী আছে, যে ব্রাহ্মণ চারি অঙ্গ হইতে ব্রাহ্মণাদি চারি জাতি বহির্গত হইলে ইহার। ব্রাহ্মণ কায় মধ্যেই অনেককাল অবস্থিত ছিল, পরে সৃষ্টিকর্তার ইচ্ছা হইলে ইহাদিগের আবির্ভাব হইল।

শূদ্র ও কায়স্থ এক বলিয়া অনেকের

ভ্রম আছে। নন্দ বংশের ধ্বংস হইলে কায়স্থগণ আবার অপদস্থ হইয়া শূদ্রবর্গের সহিত কিঞ্চিৎ পৃথক্ ভাবে অবস্থিতি করিতে লাগিল, এবং ব্রাহ্মণগণ সময় পাইয়া আবার অত্যাচারে প্রবৃত্ত হইল। প্রসিদ্ধ মহা যজ্ঞোপলক্ষে পঞ্চ ব্রাহ্মণের সহিত পাঁচ জন কায়স্থ সেবকবস্থায় বঙ্গদেশে প্রথম আগমন করিলেন, রাঢ়দেশই ইহাদের প্রথম আবাস ভূমি নির্দিষ্ট হয়। অনেক পুরুষপরে বল্লাল সেন ব্রাহ্মণদিগের সঙ্গে সঙ্গে ইহাদের কোলিন্য সংযোজন করেন। ইহাদের অনেকে রাজ কর্মোপলক্ষে বঙ্গদেশে সপরিবারে অবস্থিতি করিয়া “বঙ্গজ কায়স্থ” নাম ধারণ করে। রাঢ়দেশের উত্তরাংশে কতকগুলি শূদ্র ইতর লোক ধনশালী হইয়া আপনাদিগকে কায়স্থ বলিয়া পরিচয় দেয়। তাহাদিগের হইতে পৃথক ভাবে অবস্থানের উদ্দেশ্যে রাঢ়ীয় কায়স্থেরা “দক্ষিণ রাঢ়ীয়” কায়স্থ নাম গ্রহণ করে। চারি শ্রেণীয় কুলীনের মধ্যে কোন গুরুতর ব্যভিচার বশতঃ “গুহের” কুল ভ্রংশ হয়, অনেক কালের পরে যশোরস্থ রাজা প্রতাপাদিত্যের সময়ে তাহার ক্ষমতা ও কৌশলে গুহের কুল পুনরুদ্ধার হয়। বঙ্গদেশে মিত্রকুল ভ্রষ্ট হইয়া পর্য্যায় বিহীন হন, এই বাদানুবাদে ও মত বিভেদেই বঙ্গজ ও দক্ষিণ রাঢ়ীয় কায়স্থদিগের পরস্পর স্বশ্রেণীর সংশ্রব রহিত হয়। এবিষয় বিস্তারিত বর্ণন এই প্রস্তাবের মূল উদ্দেশ্য নহে, এই নিমিত্তই সংক্ষেপে মূল বিষয় বর্ণিত হইল।

কায়স্থ আগমনের অনেক পূর্বে হইতে বঙ্গদেশে শূদ্রগণ অতি হীনবস্থ হইয়া বসতি করিতেছে, অদ্যাপি তাহাদের কোন উন্নতি হয় নাই, অল্প কাল যাবৎ পতিতপাবন কুলীন মহাশয়েরা অনেক শূদ্র উদ্ধার করিয়াছেন। আজ কাল কায়স্থ ও শূদ্র নির্দাচন করা বড়ই কঠিন ব্যাপার, বিশেষতঃ বঙ্গজদিগের মধ্যে যৎপরোনাস্তি ব্যভিচার ঘটিয়াছে, এইমাত্র বলা যাইতে পারে যে, বসু, মিত্র, ঘোষ, গুহ, এই চারি উপাধি ধারীগণকে বিশুদ্ধ কায়স্থ বলা যাইতে পারে।

বৈদ্য আর একটা বঙ্গদেশীয় ভদ্র জাতি, সেন বংশীয় বঙ্গ নৃপতিদিগের সময় হইতেই বৈদ্য বংশের প্রভাব দূরব্যাপী হয়, বঙ্গদেশে কোন্ সময়ে কি উপলক্ষে ইহাদের আগমন হয় নিশ্চয় নাই। অনেকে অনুমান করেন কোন বৈদ্য মহাপুরুষ রাজ চিকিৎসক হইয়া বঙ্গদেশে আসিয়া সপরিবার বসতি করেন, তাহা হইতেই বঙ্গীয় বৈদ্যের বংশ বিস্তার হইয়াছে। যশোর, বৈদ্যের প্রথম বসতি স্থান বলিয়া অনুমিত হয়, বৈদ্য জাতিতে যে বল্লালীয় মত গৃহীত হইবে, বলা বাহুল্য, কিন্তু পূর্বাঞ্চলীয় বৈদ্য সমাজে বল্লালীয় মতের কিছুমাত্র প্রভাব নাই। এমন কি, চট্টগ্রাম, শ্রীহট্ট, ত্রিপুরা প্রভৃতি স্থলে কায়স্থ কি শূদ্রের সহিত ইহাদের আদান প্রদানের নিয়ম প্রচলিত আছে। বৈদ্যেরা অনেক শত বৎসর হইতে বিদ্যার চর্চা করিয়া আসিতেছেন, “মাধব

কর” “বিজয় রক্ষিত” “বোপদেব” প্রভৃতির বুদ্ধিমত্তা ও পাণ্ডিত্য ভারতবর্ষের অনেকে স্থলে বিখ্যাত। নিবাইস মহম্মদের সহকারী, রাজা রাজবল্লভ সেন বৈদ্য বংশের উপনয়ন সংস্কার প্রচলন নিমিত্ত অনেক প্রয়াস পাইয়াছিলেন। যাহারা আয়ুঃ সম্বন্ধীয়বেদ অবগত, তাহাদিগকে (বেদ+জ) বৈদ্য বলা যায়। রাঢ়ীয়, বৈদিক, বারীন্দ্র, এই তিন শ্রেণীর ব্রাহ্মণ, বৈদ্য, এবং কায়স্থ, এই কয় প্রকার শ্রেণীর লোকেই বঙ্গদেশীয় সমাজের প্রধান পদস্থ ও গৌরবান্বিত।

দৈবজ্ঞ এবং কৈবর্ত্য, শৌণ্ডিক, বাজক প্রভৃতি চ্যুত ব্রাহ্মণের মধ্যে পিরালী ব্রাহ্মণ, অর্থ, বিদ্যা ও পদমর্যাদা প্রভাবে (সমাজ হেয় হইলেও) সভ্য ভদ্র ও সম্ভ্রান্ত শ্রেণীভুক্ত হইয়াছে।

সুবর্ণ বনিক তৈলকার, সন্দোপ, তন্তুবায়, বসাক, কোন কোন স্থানের শৌণ্ডিক, প্রভৃতি কতকগুলি বর্ণশঙ্কর জাতিকে সম্প্রতি ভদ্র বলিয়া স্বীকার করিতে হইয়াছে।

এদন্তিন্ন বঙ্গদেশে অসম্ভ্য অসম্ভ্য শঙ্কর জাতি আছে, সমুদয় লইয়া সমাজ সংস্কারের সময় অদ্যাপি উপস্থিত হয় নাই। আমরা পূর্বোক্ত কয়েক প্রকার ভদ্র শ্রেণীয় লোক লইয়াই সমাজ সংস্কারের প্রস্তাব উত্থাপিত করিতেছি। ভদ্র সমাজের আচার রীতি পদ্ধতি ও অনুষ্ঠান, নীচকুল সমাজের সর্বদা বাঞ্ছনীয় এবং সুযোগানুসারে যথাসাধ্য অনুকরণীয়, যদি ব্রাহ্মণ, কায়স্থ প্রভৃতির। কোন সামাজিক অনুষ্ঠান

প্রচলিত করে, তাহা হইলে তাহা অতদ্র ইতর সমাজে প্রতিহত হইয়া অবরুদ্ধ থাকিবার নহে।

বঙ্গদেশে, বৈজ্ঞানিক, ধর্মনীতিক, রাজনীতিক, প্রভৃতি অনেক প্রকার সংস্কারের সূত্রপাত হইতে চলিয়াছে, কিন্তু সমাজ সংস্কারের অভাবে কিছুই সফল প্রদ হইবার নহে। শারীরিক বল, মানসিক বীর্য, জাতীয় একতা ও প্রেম, সাধারণ বিতব প্রভৃতি সমুদয়ের বীজই সমাজ সংস্কারের গর্ভে নিহিত।

বিবাহ, স্ত্রীস্বাধীনতা, বিদেশীয় সম্মিলন, দেশীয়বর্গের সহিত সহায়তা বিনিময়, স্বদেশীয় কুলে জাত্যভিমান ত্যাগ, এই পাঁচ প্রধান অঙ্গে সমাজ সংস্কারণ বিভক্ত হইতেছে।

বিবাহ—ইহাই মনুষ্যের প্রধান সংস্কারণ। বঙ্গদেশে ইহার যে কত দূর দুরবস্থা ঘটিয়াছে, তাহা স্মরণ করিলে কাহার না হৃদয় বিদীর্ণ হয়? বর্ণনে কোন ব্যক্তি না বঙ্গীয় দেশাচারের শিরে পদাঘাত করিতে উদ্যত হন? শ্রবণে, বিদেশীয় বিদ্বেষ্টাদিগের মনেও করুণার সঞ্চার হয়, মামুদ ও নাদীর সাহের অত্যাচার অপেক্ষাও ইহার অত্যাচার অধিক রোমাঞ্চকর।

আর্য্য শাস্ত্রীয় বিধানানুসারে “আর্য্য” “প্রাজাপত্য” প্রভৃতি অষ্ট প্রকার বিবাহের মধ্যে ইদানীং প্রাথমিক চারি প্রকার মাত্র প্রচলিত আছে। বিশেষ বিবেচনা করিয়া দেখিলে উক্ত চারি প্রকার বিবাহ, পরম্পর কিছুই বিভিন্ন নহে, মনু যেরূপ বিবাহের বিধান করিয়াছেন তাহা অত্যন্ত শুভসাধক। পুরুষের চতুর্ভিংশতি ও স্ত্রীর

দ্বাদশ বর্ষ না হইলে বিবাহের সম্পূর্ণ অকাল বর্ণিত হইয়াছে, ইহা দ্বারা স্পষ্টই জানা যায়, বহু বিবাহ আর্য্য শাস্ত্রানুমোদিত নহে। আধুনিক স্মৃতিকারগণ তাহার অনেক ব্যত্যয় ঘটাইয়াছেন, ভারত বর্ষের অন্যান্যস্থলে যেরূপই হউক, বঙ্গদেশে বাল্য বিবাহ প্রথা শাস্ত্রীয় বলিয়া আদরণীয় হইয়াছে। বঙ্গদেশীয় মাতা পিতারা পুত্রলিকা ক্রীড়ার ন্যায় নিজ নিজ শিশু সন্তানের বাল্য পরিনয় সম্পাদন করিয়া আত্মাকে চরিতার্থ ও যশস্বীমান করেন।

বঙ্গদেশীয় বিদ্যার্থী যুবকদিগকে প্রায় অবিবাহিত দৃষ্ট হয়না, এমন কি অনেক শিশুর কণ্ঠেও এই নাগ পাশ প্রবেষ্টিত দেখা যায়। এদেশীয় জনক জননীরাই সন্তানের অকালযৌবন সেবা প্রবর্তিত করিয়া থাকেন, এই শোচনীয় নিয়ম প্রতিপালন দ্বারা যে বাঙ্গালীজাতি হীন বল, হীন সাহস, হীনবুদ্ধি হীনতেজা ও অচিরায়ু হইবে আশ্চর্য্য কি? ধনাভাব এবং রাঢ়ীয় কুলীন ব্রাহ্মণ দিগের ঘর ও মেলের অসংজ্ঞাটন ব্যতীত, বঙ্গদেশে এই কুপ্রথা প্রতিপালনের প্রায় ক্রটি দেখা যায়না। এবিষয়ে অনেকেই লিখিয়া এবং বক্তৃত্তা দিয়া সর্বদা দোষ কীর্ত্তন করিতেছেন। প্রকৃত আর্য্য শাস্ত্রও কাহারই অবিদিত নাই, তর্ক কালে সকলেই পরাজয় স্বীকার করিয়া থাকেন, কিন্তু কার্য্যকালে কেহই অগ্রসর নহেন দেশাচারের অধিকার বহির্ভূত হইতে কাহারই সাহস হয়না।

বহু বিবাহ অশাস্ত্রীয় বলিয়া অনে-

কেই প্রতিপাদন করিয়াছেন, সে বিষয় শাস্ত্রীয় প্রমাণ ও যুক্তি দ্বারা প্রতিপাদিতকরা পৌনঃ পুনরুক্তি ব্যতীত নহে। বহুবিধ নাটক, প্রহসন, প্রবন্ধ, বক্তৃত্তা দ্বারা বহু বিবাহ দোষকীর্ত্তন পূর্বাপর চর্চিত হইয়া আসিতেছে, বহু বিবাহের ঘৃণাকরতাব, ও বিতীষিকা, কোন বাঙ্গালীরই অবিদিতনাই। সম্প্রতি অতি অস্পষ্ট লোকই ইচ্ছাপূর্ব্বক এই অসদঅনুষ্ঠানে প্রবৃত্ত হন। যে কুলীনদিগের সম্ভ্রম ও ব্যবসায় ইহার উপর নির্ভর করে, তাহারাই এজঘন্য ব্যাপারে অগত্যা স্বীকৃত হইয়া থাকেন। দক্ষিণরাঢ়ীয় কায়স্থ কুলীনদিগের মধ্যে ও আদ্যরসের অনুরোধে কখন কখন, একাধিক বিবাহ সম্পাদিত হইতে দেখা যায়, এতদ্ভিন্ন এই কুক্ত্রিয়া বঙ্গীয় সমাজ হইতে প্রায় তিরোহিত হইয়া যাইতেছে।

বৃদ্ধ বিবাহ, বঙ্গদেশীয় আর একটা কুপ্রথা, শিশুকালীন অপরিমিত ইন্দ্রিয় সেবার প্রতিকলস্বরূপ অপত্যহীনতা দ্বারা প্রপীড়িত প্রৌঢ় বা বৃদ্ধ ধনীরা, এই জঘন্য অনুষ্ঠানে প্রবৃত্ত হইয়া থাকেন, এবং কৌলীন্য মর্যাদার অনুরোধে কখন কখন কোন পালিতকেশ, স্থলিতদন্ত লোলিত চর্ম্ম কুলীন মহাত্মাদিগের কর্ত্ত্বক এই ব্যভিচার অনুষ্ঠিত হইয়া থাকে। এই কুক্ত্রিয়ার সদ্যোভব বিষময় ফল ধনি-কুলের অন্তঃপুর বৃক্ষে প্রায়ই দৃষ্টিগোচর হয়। বয়োজেষ্ঠ্য স্ত্রীর পাণি গ্রহণ আর একটা বিবাহ সম্বন্ধীয় ব্যভিচার। শাস্ত্রে যদিও মাতৃনামা এবং সগোত্রিকার ন্যায় বয়োজেষ্ঠ্যার পাণি গ্রহণ নিষিদ্ধ

থাকুক, তথাপি কুলীন মহাশয়েরা অপরিহার্য্য কৌলীন্যের অনুরোধে তাহা পরিত্যাগ করিতে সমর্থ হননা। বঙ্গদেশে রাঢ়ীয় কুলীন ব্রাহ্মণ ব্যতীত কখনই অন্যেরা এই কালভুজঙ্গম গর্ভে হস্তার্পণ করেনা, রাঢ়ীয় দ্বিজ কৌলীন্য প্রথার পরিবর্তন নাহিলে এই দোষ সংশোধিত হইবার নহে।

বিধবা বিবাহ শাস্ত্রানুমোদিত হইলেও ভারতবর্ষে পরিগৃহীত নহে। শ্রীযুক্ত ঈশ্বর চন্দ্র বিদ্যাসাগর মহাশয়ের চেষ্টা ও উৎসাহে বঙ্গদেশে কখন কখন ইহার অনুষ্ঠান দেখা গিয়া থাকে, কিন্তু সমাজে শাস্ত্র সিদ্ধ বলিয়া কোন স্থানেই গ্রাহ্য হয় না। এতৎব্যাপার অনুষ্ঠাতৃগণ সমাজচ্যুত হইয়া মর্যাদা ভ্রষ্টরূপে বসতি করে। বিধবা বিবাহ অপ্রচলন হেতুক দেশের যে অনিষ্ট সংসাধিত হইতেছে তাহা অনেকেরই অননুভূত নহে, পুরাতন সংস্কার বিশিষ্ট লোকেরা যেরূপ ইহা দ্বারা পাপ, আশঙ্কা করেন, নব্য সম্প্রদায়ীরা আবার সেরূপ ইহাকে অনিষ্ট ও পাপাচার নিবারণের প্রধান সোপান মনে করেন। বিধবা বিবাহের তাদৃশ উপকারিতা স্বীকার না করিলে, বিদ্যাসাগরীয় যুক্তির পক্ষপাতী যুবকেরা কুসংস্কৃত বলীয়া উপহাস করিয়া থাকেন। বিশেষ বিবেচনা করিয়া দেখিলে, বিধবা বিবাহ দ্বারা ভারতবর্ষের, বিশেষতঃ বঙ্গদেশের মঙ্গল সাধিত হইবে, এরূপ অনুমিত হয়না। এতৎ ক্রিয়া অপ্রচলন বশতঃ কতকগুলি স্ত্রীলোকের চিরদাম্পত্য মুখোচ্ছেদ, এবং জগ হত্যার আশঙ্ক

ব্যতীত আর কোন রূপ অভ্যাচারের সম্ভাবনা নাই। সতী-বিধবাগণ কখনই পত্যান্তর আশ্রয় দ্বারা দাম্পত্য সুভোগাভিসালিনী হয়না, বৈধব্য সংঘটিত হইলে আজীবন ব্রহ্মচর্য্য গ্রহণই তাহাদের সর্ব্বথা শ্রেয়, বিশেষতঃ বঙ্গদেশীয় দাম্পত্য কেবল পরাধীনতা-ময়, তাদৃশ শ্রেয় নহে, অসতী বিধবা-গণ কখনই শাসনীয় হইবার নয়। জ্ঞান হত্যা শব্দটি শ্রবণে যেরূপ অনিষ্টজনক ও পাপকর বলিয়া বোধ হয়, অতিনিবেশ পূর্ব্বক অনুসন্ধান করিয়া দেখিলে তাহা তাদৃক ভয়ঙ্কর বোধ হইবেনা, পৃথিবীতে বিশেষতঃ বঙ্গদেশে দিনদিন লোক সংখ্যা এত বৃদ্ধি পাইতেছে যে, জগদীশ্বর, যদি সময় সময়ে ঝঞ্জন, মহামারী, যুদ্ধ ও দুর্ভিক্ষ নিয়োজন দ্বারা জন সংখ্যা হ্রাস রূপ সদ্ভিচার না করিতেন তাহা হইলে পৃথিবী বিশেষতঃ বঙ্গদেশ নির্মম্ব হইয়া যাইত সন্দেহ নাই। বঙ্গদেশে প্রতিবর্গ মাইলে লোক সংখ্যা বৎসর বৎসরে এত বৃদ্ধি হইতেছে যে, ইহা অপেক্ষা অধিক হইলে যে কি দুর্দশা উপস্থিত হইবে, তাহা বর্ণনাভীত। বঙ্গদেশে, দুর্ভিক্ষ অস্বাস্থ্য, মহামারী, অকালমৃত্যু, মিথ্যাচরণ, ব্যভিচার, প্রভৃতি যতকিছু দৃষ্ট হয়, সমুদায়ই জন-সংখ্যাধিক্যের ফল সমুৎপন্ন।

কতক গুলি স্ত্রীলোকের পুনর্দাম্পত্য কণ্ডুয়নের অনুরোধে অসংখ্য দোষের বীজ বপন করা যুক্তি সন্মত নহে, এমন কি বহুসংখ্যক বাঙ্গালীর প্রথম

বিবাহ সংস্করণ পর্য্যন্ত নিবারিত হওয়া অনুচিত নহে, বিশেষতঃ বঙ্গদেশে পুরুষ অপেক্ষা স্ত্রীসংখ্যা অধিক, নৌকা মজ্জনে, মহামারীতে, অপরিমিত পরিশ্রম জন্য উৎকটরোগে, বহু দেশে পর্যটন জন্য আয়ুঃ সংক্ষিপ্ততাতে, পুরুষগণ যে রূপ অকাল মৃত্যুর কবলে পতিত হইয়া থাকে, অন্তঃপুর বাসিনী স্ত্রীগণ কখনই সেরূপ নহে, এরূপ অবস্থায় প্রত্যেক পুরুষ একাধিক বিবাহ করিলেও সমুদায় স্ত্রীর বিবাহ সম্পন্ন হইয়া উঠেনা, তাহাতে আবার বিধবার বিবাহ প্রচলন করিতে গেলে, প্রত্যেক পুরুষকে, অন্ততঃ তিন, চারি, বিবাহের ভার বহন করিতে হয়। সপত্নী দিগের পরস্পর বিদ্বেষ ও যাতনার সহিত বিধবার যন্ত্রনা তুলনা করিলে স্বর্গ মর্ত্য বিভেদ বোধ হইবে। এই অবস্থায় বিধবা বিবাহ অবশ্য সাধনীয় মনে করা বিধেয় নহে। অবস্থা বিশেষে, এই বিবাহের প্রতি আপত্তি হইবার নহে, কিন্তু প্রকৃতির উপর বল প্রয়োগ পূর্ব্বক যেখানে সেখানে, যেরূপ, সেরূপ ভাবে মত প্রচার উদ্দেশ্যে ইহা সম্পাদন করা হিতৈষিতার কার্য্য নহে।

অসবর্ণ বিবাহকে বঙ্গদেশীয়েরা বিধবাবিবাহের ন্যায় পাপজনক ও অপবিত্র মনে করেন, পৃথিবীতে যে সকল বল বীর্য্য প্রতিভাশালী জাতি অবতরণ করিয়াছে সমুদায়ই এই অমৃতময় ফল সম্ভূত, কাল সহকারে ক্ষত্রিয়কুল নির্মূল প্রায় হইলে তাহার অনেক কাল পর ব্রাহ্মণ তেজের

সহিত মিলিত হইয়া মহা প্রভাশালী হইয়া উঠিল।

“সেক্সন্” শোণিতের সহিত অন্য কোন রূপ শোণিত মিশ্রিত না হইলে ইংরাজ জাতিকে এত প্রভাব ও প্রতিভাশালী দেখিতে হইত না। স্ববংশে বিবাহ যে অনিষ্টকর, তাহা পূর্ব্বতন আর্থ্যেরা উত্তমরূপ হৃদয়ঙ্গম করিয়াছিলেন, ভগবান মনু, সগোত্র বিবাহ অশাস্ত্রীয় বলিয়া নির্দেশ করিয়াছেন, অনেক শারীরবিধাবিৎ পণ্ডিত স্থির করিয়াছেন, পরকীয় শোণিত সংযুক্ত না হইলে শতাব্দী কাল মধ্যে জাতি ক্রমশঃ নিস্তেজ হইয়া বিনষ্ট প্রায় হইয়া যায়। আরব দেশীয়দের যেরূপ উক্ত, লাপলাণ্ডীয়দের যেরূপ মৃগবিশেষ, উপকারী জন্তু, ভারতবর্ষীয়দের পক্ষেও সেরূপ গো, আর্থ্য শাস্ত্রে গো দেবতা রূপে বর্ণিত হইয়াছে, আর্থ্যেরা প্রাণপণে গো দিগকে বিপদ হইতে ত্রাণ করিয়া থাকেন, অতি পূর্ব্বকালে “গ্রীক” প্রভৃতি জাতীয়েরা ভারতবর্ষে বাণিজ্যার্থে আসিয়া ঔপনিবেশিক রূপে সাময়িক অবস্থিতি করিত, তাহারা নিজ দেশের প্রথানুসারে গোহত্যা করিলে আর্থ্যেরা তাহাদিগকে হতাদর ও ঘৃণা করিত এবং তাহাদিগের হস্ত হইতে গোসকল পরি-ত্রাণ করিত, এই নিমিত্ত আর্থ্য জাতির এক নাম “গোত্র” (গো+ত্রায়তে) হইয়াছিল, যাহারা গোসকল বর্ণিত বিপদ হইতে ত্রাণ করিত, এবং গোবধ ও গো-মাংস ভক্ষণে বিরত ছিল তাহারা সগোত্র বলিয়া বর্ণিত হইল। যাহারা তদ্বিপন্নীত কার্য্যে হস্তক্ষেপ করিতেন, আর্থ্যেরা তাহাদিগকে অসগোত্র বলিয়া নির্দেশ করিতেন। এইরূপ ব্যাখ্যানুসারে অসগোত্র বিবাহ সম্পাদিত হইতে গেলে, ভারতবর্ষীয় লোকদিগের সহিত বর্ষান্তরীয় লোক দিগের পরিণয় নির্বাহ হওয়া বিধেয়। ইদানীং সগোত্র, অসগোত্র দ্বারা যেরূপ

সংকীর্ণ পার্থক্য লক্ষিত হইয়া থাকে, তাহারা বিশেষ ফলের প্রত্যাশাকরা যাইতে পারেনা পূর্ব্বকালে আর্থ্যেরা সচ-রাচর দ্বীপান্তরীয় পরিণয় সূত্রে নিবন্ধ হইতেন।

শাস্ত্রে, ব্রাহ্মণাদি চারি জাতির পর-স্পর আদানপ্রদান পদ্ধতির বিবরণ প্রাপ্ত হইয়া যায়। ধৃতরাষ্ট্র রাজার পত্নী গান্ধারী, “কান্দাহার” দেশীয় রাজকন্যা, কাবুল, কান্দাহার দেশ যে ভারতবর্ষের অন্তর্গত নহে তাহা কাহারই অবিদিত নাই। পাটনার নিকট বস্তী কৌশলীর অধিরাজ, সিংহল, রাজকন্যা রত্নাবলীর পাণিগ্রহণ করিয়াছিলেন। এই নাটকীয় প্রস্তাবের যদিও কোন ঐতিহাসিক নিদর্শন না থাকুক, তথাপি তৎসাময়িক লোকের ব্যবহার প্রকৃতি এই ঘটনা দ্বারা উত্তমরূপে অবগত হওয়া যাইতে পারে। সেকেন্দর (আলেক জেঞ্জর) সাহার সেনা-পতি “সিলিউকস” ও চন্দ্রগুপ্তের বৃত্তান্ত বোধকরি অনেকেই অবগত আছেন। প্রাতঃস্মরণীয় আক্‌বর বাদসাহা দেখিতে পাইলেন যে, বহুকাল শোণিত বিনিময়ের অভাবে পৃথিবী-ভূষণ ক্ষত্রীয় জাতি অপেক্ষাকৃত নিস্তেজ ও হীন বুদ্ধি হইয়া পড়িয়াছে, এবং মোগল জাতিও অন্য কোন প্রধান জাতির সংশ্রব ব্যতীত আর উন্নত হইতে পারিবেনা, এই বিবেচনায়, এই উভয়জাতি সন্মিলনে সম্বন্ধ হইয়া কিয়ৎ পরিমাণে কৃত কার্য্য হইয়াছিলেন। এই সুনিয়মের প্রভাবেই আক্‌বরের পরে কয়েক পুরুষ নানা গুণভূষিত, প্রভাব শালী মোগল সম্রাট রাজত্ব করেন। আও-রঙ্গজেব্ হিন্দু “কাফের” দিগের সহিত এরূপ সম্বন্ধ রক্ষা করিতে ঘৃণা প্রকাশ করাতেই, কালে এ নিয়ম রহিত হইয়া যায়। সেই জন্যই মোগল বংশ, বাহাদুর সাহা হইতে কুর্ট পক্ষীয় চন্দ্রের ন্যায় দিন দিন ক্ষীণ হইতে ২ লীন হইয়া গেল। বাঙ্গালী দিগের এইক্ষণ পর্য্যন্ত দ্বীপান্তরীয় অসবর্ণ বিবাহের সময় উপ-

স্থিত হয় নাই, কিন্তু বর্তমান অবস্থা হইতে কিঞ্চিৎ পরিমাণে অগ্রসর হইতে পারেন সন্দেহ নাই।

প্রথম সোপানে,—রাষ্ট্রীয় কুলীন ব্রাহ্মণেরা মেল ভঙ্গ করিয়া পরস্পর পরিণয় সম্পাদনে যত্নবান হউন। বিদেহ-মূলক দোষারোপগত দলাদলী ভিন্ন, “মেল” আর কিছুই নয়, দলাদলীর বিদেহ এত দীর্ঘকাল স্থায়ী হইয়া সমাজের উপর আধিপত্য করিতেছে বড় আশ্চর্যের বিষয়। ইহা হইলে ও অনেক পিতা মাতাকে হত ভাগিনী কন্যাদিগের পাত্রের নিমিত্ত এত চিন্তিত হইতে হয়না।

দ্বিতীয় সোপানে,—রাষ্ট্রীয়, বারেন্দ্র, বৈদিক, ব্রাহ্মণদিগের পরস্পর বিবাহ সূত্র বন্ধন হউক, এবং দক্ষিণ রাষ্ট্রীয় ও বঙ্গ কায়স্থের মধ্যে পরিণয় বিধি প্রচলিত হউক।

তৃতীয় সোপানে—বঙ্গ দেশীয় ও ভারতবর্ষের পশ্চিমাঞ্চলীয় ব্রাহ্মণদিগের এবং কায়স্থ ও বৈদের পরস্পর উৎসাহ প্রবর্তিত হউক। এস্থলে এরূপ আপত্তি উপস্থিত হইতে পারে,—“বাজালীরা, শাস্ত্র, মৃদু, সুচতুর, রসিক, ভারতবর্ষের পশ্চিমাঞ্চলীয়েরা উদ্ধত, উগ্র, কর্কশ, অচতুর, অরসিক, এরূপ বিভিন্নতা স্থলে কি প্রকারে প্রণয়ে প্রেমানুরাগজনিত স্মৃথোৎপত্তি হইতে পারে? পরস্পর প্রেমানুরাগ বিবাহের একটি প্রধান ফল বিবেচনা করিতে হইবে।”

ইহার উত্তর স্থলে বক্তব্য এই—ইউরোপীয় শিক্ষা প্রণালী দ্বারা বাঙ্গালী এবং ভারতবর্ষের পশ্চিমাঞ্চলীয় লোকেরা স্বদেশীয় আচার ব্যবহার হইতে অনেকাংশে পৃথক হইয়া রীতি, নীতি, স্পৃহা, লক্ষ্য, তেজস্বিতা ও আলাপ সন্তাষণ সম্বন্ধে অনেকদূর সহায়তা লাভ করিয়াছে। প্রথম পাশ্চাত্য-শিক্ষিতদিগের কর্তৃক—এই কার্য অনুষ্ঠিত হইয়া সমভাবে সংসাধিত

হইলে অপর সাধারণে হস্তক্ষেপ করিতে সমর্থ হইবে।

চতুর্থ সোপানে—বঙ্গদেশীয় ও ভারতবর্ষের পশ্চিমাঞ্চলীয় ভদ্র জাতির পরস্পর সন্মিলন হইবে, এবং ব্রাহ্মণ কায়স্থাদির ভেদ রহিত হইয়া যাইবে।

পঞ্চম সোপানে—ভারতবর্ষীয় ভদ্র জাতি সমুদয়ের পরস্পর সন্মিলন-সাধন হইলে বিদেশগত জাতির সহিত বিবাহানুষ্ঠান আবদ্ধ হইবে, সেই সময়ে এই সংস্করণ সম্বন্ধে সমাজ সহনশীল হইবে, কখনই সামাজিক বিপ্লব সমুৎপিত হইবে না।

ষষ্ঠ সোপানে—অতি গুণ-সম্পন্ন হইলে অর্থশালী অভদ্র জাতীয় লোক কদাচিৎ গৃহীত হইবে। এইক্ষণ যেরূপ বিদ্যা শিক্ষার চর্চা হইতেছে, এই পরিমাণে যদি ক্রমশঃ ইহার আলোক বিস্তীর্ণ-পরিধি হইতে থাকে, তাহা হইলে, এই বর্ণিত ছয় প্রকার সংস্করণ অন্ততঃ এক শতাব্দী বাল মধ্যে সম্পাদিত হইবার সম্ভাবনা। সময়ের প্রভাবে যদিও সমুদয় ব্যাপার সম্পন্ন হইয়া থাকে, তথাপি সম্প্রদায় বিশেষের বিশেষ চেষ্টা ও সাধারণের কিঞ্চিৎ মনোযোগ না হইলে সহস্র বৎসরেও কিছুই হইবার নহে। যখনাধিকার সময়ে এক শত বৎসরে যে সামাজিক পরিবর্তন না হইত, এক্ষণে দশ বৎসরে তাহার বিগুণ হইতেছে। চেষ্টা, সংসর্গ ও জ্ঞানচর্চার অভাবে সহস্র সহস্র বৎসরেও পার্বর্তীয় জাতি উন্নতি লাভ করিতে পারিতেছেন না।

চিরকাল একাবস্থায় রহিয়াছে, সময়ে তাহাদের কিছুই করিতে পারিতেছেন না।

এতদেশীয় কৃতবিদ্যা ক্ষমতালী লোকদিগের এ বিষয়ে প্রথম অগ্রসর হওয়া কর্তব্য। এস্থলে শ্রদ্ধাস্পদ-দেশ-হিতৈষী-ব্রাহ্ম সম্প্রদায়ের বিষয় উল্লেখ না করিয়া ক্ষান্ত থাকিতে পারিতেছি না। তাঁহারা অনেক গুলি সামাজিক সদনুষ্ঠানের সঙ্গে সঙ্গে এ বিষয়েও হস্তার্পণ করিয়া প্রাণপণে চেষ্টা করিতেছেন, এবং যে বিবাহ পদ্ধতি রাজ গ্রাহ্য করিয়াছেন, তাহা ভারতবর্ষের সামাজিক উন্নতির প্রথম উদ্যম বলিয়া স্বীকার করিতে হইবে। তাঁহাদের প্রয়োজিত বিবাহ সম্বন্ধীয় সমুদয় গুলি নিয়মই, আমাদের অনুমোদনীয়। ব্রাহ্মধর্মের আশ্রয় এই মহাসংস্করণ অতি অল্প কাল মধ্যে সংসাধিত হইতে পারে। কিন্তু ব্রাহ্মধর্ম সাধারণ গ্রহণ যোগ্য হইবার সময় উপস্থিত হয় নাই। যে ব্রাহ্ম হইবে, তাহাকেই সমাজ হইতে বহিস্কৃত হইতে হইবে। সমাজ হইতে অসংসৃষ্ট হইয়া কখনই সমাজের মঙ্গল সাধন করা যাইতে পারেনা। যিনি আত্মোন্নতির নিমিত্ত অত্যন্ত ব্যগ্র হইয়া শোচনীয় বঙ্গ সমাজ হইতে দূরবর্তী হন, তাঁহা হইতে সমাজ কিছু প্রত্যাশা করিতে পারেন না। একাকী স্বর্গে গমন অপেক্ষা, সজাতির সহিত মর্ত্য বাসশ্রেয়ঃ, এ বিষয়ে হরিশ্চন্দ্রের উপাখ্যানটি সুন্দর দৃষ্টান্ত স্থল। ব্রাহ্মেরা সমাজ সংস্করণের যে পথ অবলম্বন

করিয়াছেন, তাহাতে কোন কালেই সমুদয় বঙ্গদেশ পরিশোধিত হইবার আশা করা যাইতে পারে না। বৈষ্ণব ও নানক পন্থীর ন্যায় অপর একটি ক্ষুদ্র সম্প্রদায় মাত্র সৃষ্ট হইবে। ব্রাহ্ম হইয়া অসবর্ণ বিবাহ সম্পাদন করা অতি সহজ, কোন কোন স্থলে অতি আমোদ জনক। এই প্রস্তাব ব্রাহ্মদের নিমিত্ত লিখিত হয় নাই, তাঁহাদিগের প্রতি এই মাত্র অনুরোধ, পৌত্তলিক সমাজে এই নিয়মানুসারে বিবাহ সংস্করণের উপায় নির্ধারণ করা হউক।

স্ত্রীস্বাধীনতা আর একটি প্রধান সংস্করণ। ইহার নামোচ্চারণ মাত্র কতকগুলি লোক এক কালে বিকটমুখ হইয়া কর্ণে হস্তার্পণ করিবে, আবার কতকগুলি লোক অগ্র পশ্চাৎ বিবেচনা না করিয়া আত্মসহকারে অনুমোদন করিবে এবং প্রস্তাবকের প্রতি রাশি রাশি ধন্যবাদ প্রদান করিবে। এ বিষয় লইয়া বঙ্গদেশে অনেক বাদানুবাদ চলিতেছে, অসাময়িক বিষয় সহসা মিমাসিত হইবার নহে। বঙ্গদেশে পুরুষেরাই সম্পূর্ণ অধীন, নিজ সহোদর ভ্রাতা কি পত্নীর উপর কেহ অত্যাচার করিলে তাহার প্রতি বিধানের নিমিত্ত “গভর্নমেন্টের” আশ্রয় গ্রহণ করিতে হয়, “পুলিস” বাঙ্গালী দের হস্ত, পদ, এরূপ অবস্থায় বঙ্গদেশে স্ত্রীস্বাধীনতা বিড়ম্বনা মাত্র। অনেক শতাব্দী পরে বঙ্গদেশে এই সংস্করণের প্রকৃত সময় উপস্থিত হইবে, সন্দেহ নাই।

বিদেশীয় সন্মিলন।— এই

সংস্করণ, পতিত জাতির এক প্রধান অবলম্বন স্বরূপ। পৃথিবীতে কোন জাতিই কোন উন্নত, প্রধান জাতির সহায়তা ব্যতীত অসভ্যতা জাল হইতে নির্মুক্ত হইতে পারে নাই। এইক্ষণ পর্যন্ত বাঙ্গালীরা পরকীয় আনুকূল্য ভিন্ন স্বাধীনভাবে স্বকীয় উন্নতি সাধনে সমর্থ হয় নাই।

ইংরাজ জাতি হইতেই পতিত-বঙ্গ বাসীদিগের উদ্ধার হইবে সন্দেহ নাই, ইংরাজেরা পরহিত মনে করিয়াই হউক, আর স্বার্থ-সাধন বাসনাতেই হউক, শতাধিক বৎসর ক্রমান্বয়ে বঙ্গবাসীদিগের উপকার সাধন করিয়া আসিতেছেন। ইংরাজ জাতির ভাষা-কৌশল, কার্য শৃঙ্খলা, সজাতীয় প্রেম, রাজনীতি, উপার্জন, চাচুর্য, ব্যবসায়-নৈপুণ্য, কর্মব্যাপ্তি, অসামান্য-স্বাধীন স্পৃহা, কর্মদক্ষতা প্রভৃতি গুণগ্রাম কিঞ্চিদংশে অনুকরণ করিয়া বঙ্গবাসীগণ মনুষ্য লাভ করিতেছে। ইংলণ্ডে গমন পূর্বক তাহাদের সহিত বিশেষ রূপে আত্মীয়তা ও প্রেম সংস্থাপন এবং তাহাদিগের রীতি, নীতি, আচার, পদ্ধতি সম্ভবতঃ গ্রহণ, সঙ্গে সঙ্গে সাহসিক কার্য প্রবর্তন প্রভৃতি বিদেশীয় সম্মিলন হইতেই আমরা সম্পূর্ণ উন্নতির প্রত্যাশা করিতে পারি। জেতা-ইংরাজগণ, অবশ্যই জিত-বাঙ্গালীদিগকে এদেশে যুগা করিতে পারে, কিন্তু স্বাধীনতার পুষ্পোদ্যান স্বরূপ ইউরোপে কখনই এরূপ আশঙ্কা উপাদিত হইবার নহে। ইংলণ্ড হইতে আগত বাঙ্গালীদিগের

প্রতি অনেক ইংরাজের বিদেহ জন্মিত পারে, কিন্তু ঘনা জন্মিবার তাদৃক সম্ভাবনা নাই। ইংদানীং বাঙ্গালীদিগের কোন না কোন উপলক্ষ করিয়া ইংলণ্ডে যাওয়া কর্তব্য, এদেশে থাকিয়া সম্ভ্রম মর্যাদা রক্ষার পথ নাই।

ভারতবর্ষের অন্যান্য প্রদেশস্থ লোক-গণও বঙ্গবাসীদিগের বিদেশীয় ব্যতীত নহে। কাশী, অযোধ্যা, পঞ্জাব, মাদ্রাজ, বোম্বাই, প্রভৃতির লোকেরা বঙ্গদেশীয়দিগকে বাঙ্গালী বলিয়া ঘণাকরে, বাঙ্গালীরা আবার তাহাদিগকে বিদেশীয় বলিয়া প্রতি ঘণা নিঃক্ষেপ করে। উড়েরা সকলের নিকটই ঘণিত, এই দোষ দ্বারা এই দেশের এক্যতা শিথিলীভূত হয়। বিশেষ অনুসন্ধান করিয়া দেখিলে ভাষা ও সংস্কার ভিন্ন-তাই ইহার প্রধান কারণ লক্ষিত হইয়া থাকে। এইক্ষণ ভারতবর্ষে দুই একটি সাধারণ ভাষার প্রয়োজন উপস্থিত হইয়াছে। বাঙ্গলা ভারতবর্ষের সাধারণ ভাষা হইতে পারে না, বাঙ্গলা সংবাদ পত্রিকা দ্বারা ভারতবর্ষের পশ্চিমাঞ্চলীয় লোকদিগকে কিছু অবগত করান যাইতে পারে না। ইংরাজি দেশীয় পত্রিকা দ্বারা অনেক দূর কার্য সাধিত হইয়াছে, সন্দেহ নাই। সংস্কৃত অত্যন্ত দুরবগাহ ও অপ্রচলিত, ইহা সকলের পক্ষে অনায়াসশিক্ষণীয় নহে। আগাদের বিবেচনায় “হিন্দি ভাষাতে” বাঙ্গালীদের হস্তক্ষেপ করা কর্তব্য। জ্ঞান চর্চার নিমিত্ত ইংরাজি ও সংস্কৃত সঙ্গে সঙ্গে অধীত হইবে। অতি অল্প লোকই তিন চারি ভাষাতে কৃত কার্যতা

লাভ করিতে পারে, অতএব সাধারণ লোকদিগের ইংরাজি সংস্কৃত শিক্ষা হউক আর না হউক, হিন্দি শিক্ষা করা কর্তব্য। লৌহবর্তু হওয়াতে যাতায়াত বিষয়ে আর কোন রূপ চিন্তানাই, এইক্ষণ সুশিক্ষিত বাঙ্গালীদিগের কোন বিষয়কর্ম উপলক্ষে বিশেষতঃ শিক্ষকতা গ্রহণ করিয়া ভারতবর্ষের পশ্চিম দক্ষিণাঞ্চলে অবস্থিতি করা উচিত, এবং তত্তৎ দেশীয় লোক সকল যাহাতে বঙ্গবাসীদিগের প্রতি অনুরক্ত হয়, তদ্বিষয়ে সমনোযোগ হওয়া বিধেয়। সম্প্রতি ক্রিয়ৎপরিমাণে ভারতবর্ষীয়দের পরস্পর সম্মিলন ক্রিয়া যে সংসাধিত না হইতেছে এরূপ নয়, কিছু দিন পূর্বে পশ্চিম বাঙ্গলার লোকেরা পূর্ব বাঙ্গলার লোকদিগকে ভাষা উপলক্ষ করিয়া যৎপরোনাস্তি ঘণা করিত। পশ্চিম বাঙ্গলার মধ্যে ও বঙ্গবাসী, নদিয়া, কলিকাতা, পরস্পর বিবাদাপন্ন ছিল, পূর্ব-বাঙ্গলাতে আবার, ঢাকা ও যশোরের লোকেরা ক্রীহট্ট ময়মনসিংহ, ও চট্ট গ্রামের লোকদিগকে ঘণা করিত। ভাষায় বিভিন্নতাই ইহার মূলীভূত কারণ। এইক্ষণ বঙ্গভাষা সংস্কৃত সংশ্রবে ক্রিয়ৎপরিমাণে সাধারণ ভাব ধারণ করাতে, তথাবিধ বিদেহ অনেকাংশে নিরাকৃত হইয়াছে সন্দেহ নাই। অনেকের ভ্রম আছে পরস্পর পরিণয়ক্রিয়া দ্বারা এরূপ বিদেহ ভাব দূরীভূত হয়, বস্তুতঃ তাহা নহে; অনেক কাল হইতে রাঢ়ীয় কুলীন ব্রাহ্মণদিগের মধ্যে পূর্ব ও পশ্চিম বাঙ্গলায় পরস্পর বিবাহ প্রথা

প্রচলিত আছে, কিন্তু ভাষাগত বিদেহ ভাব চিরকালই এক ভাবে চলিয়া আসিতেছে, বিদ্যাচর্চাই এ রোগের মহৌষধি স্বীকার করিতে হইবে। বিভিন্ন দেশীয় হইলেও বিদ্বানদিগের পরস্পর অপ্রণয় ও অনৈক্য থাকিবার কোন সম্ভাবনা নাই।

বঙ্গদেশে সজাতীয়ের মধ্যে পরস্পর সহায়তার রীতি নাই। সম্প্রতি এই মহৎ সংস্কারের নিতান্ত আবশ্যিক হইয়া উঠিয়াছে। আতিথ্য, শ্রাদ্ধাদি দায়ে আনুকূল্য প্রভৃতি যে সকল সাহায্যের পদ্ধতি বঙ্গদেশে প্রচলিত আছে, তদ্বারা সাধারণর বিশেষ কোন হিত সাধিত হইবার নহে। বঙ্গদেশীয় ধনী সকল স্বদেশের দুরবস্থা দর্শনে সমবেদনা গ্রহণ হইয়া সহানুভূতি প্রকাশ করিবে, এরূপ সময় অনেক শতাব্দীপরে উপস্থিত হইবে। এইক্ষণ এই বিষয়ের উল্লেখ বিধান মাত্র। এদেশে যখন ন্যায়ানুগত রূপে ধন সমবণ্টিত হয়না, তখন, ইতর লোক হইতে কখনই আশানুরূপ সহায়তার প্রত্যাশা করা যাইতে পারেনা। এই অবিচার বশতই প্রবঞ্চনা, মিথ্যা, দম্ভ্য তস্কর বৃত্তি প্রভৃতি সজ্জাটিত হইয়া থাকে। এই দোষ সংশোধিত হইতে যে কত শত, শতবৎসরের আবশ্যিক তাহার নিশ্চয় নাই।

আজ কাল দুঃখী দরিদ্র বাঙ্গালী সন্তান-গণ বিদ্যা শিক্ষার নিমিত্ত এতদূর লালায়িত ও ব্যগ্র হইয়াছে যে, শিক্ষার আনুকূল্য জন্য ধনীদিগের দ্বারে যাইয়া সর্বদা ভিক্ষা করিতেছে, অনেক ধনীরা তাহাদের ক্রন্দনে একবার কর্ণপাতও

করেননা, কোন দরিদ্রব্যক্তি আবার কোন সুযোগে পদস্থ হইয়া অর্থের মুখাবলোকন করিতে পারিলে, সমুদয় বিস্মৃত হইয়া ধনীদিগের ন্যায় ব্যবহার করিতে ক্রটি করেন।

অনেক সম্ভ্রান্ত বাঙ্গালী নিজ নিজ সম্ভ্রান্তদিগকে ইংরাজি পড়াইয়া থাকেন, ভ্রাতৃপুত্র এবং শ্যালকদিগকে বাঙ্গলা অধ্যয়ন করিতে দেওয়া হয়, ইহাই শিক্ষা বিষয়ক উৎসাহ দানের একশেষ। প্রতিবাসীদিগের সম্ভ্রান্তগণ মুখ হওয়া বাঙ্গালী মহাত্মাদিগের এক প্রধান সম্ভ্রান্তের বিষয়, জাতি বর্গের পরস্পর শত্রুতানল চিরকাল সমভাবে প্রজ্বলিত।

এইক্ষণ কৃতবিদ্যা-বাঙ্গালীদিগের প্রতি বিনীত ভাবে নিবেদন—অন্যান্য প্রকার সহায়তার বিষয় যাহাই হউক, সম্প্রতি দেশীয় বালকগণের বিদ্যা শিক্ষার প্রতি মনোযোগী হওয়া কর্তব্য।

জাত্যভিমান, বিদ্যাভিমান, পদাভিমান, ধনাভিমান প্রভৃতি অনেক প্রকার দোষ পৃথিবীতে বিচরণ করিতেছে, কিন্তু বঙ্গদেশে যেরূপ অপরিমিত রূপে অশাসিতরূপে, মোহাক্ষরূপে, ব্যবহৃত হইয়া থাকে এরূপ আর কুত্রাপি নহে।

কুলীনগণ অকুলীনদিগের প্রতি, ব্রাহ্মণগণ কায়স্থ বৈদ্যের প্রতি, কায়স্থ বৈদ্যগণ অপরাপর জাতির প্রতি, সাতভিমান বিদ্বেষ-দৃষ্টি পাত করিয়া থাকে। অপরাপর জাতির আবার মুসলমানাদির উপর বিদ্বেষ বর্ষণ করে, মুসলমান সকল ব্রাহ্মণাদি সমুদায় আৰ্য্য জাতির

উপর প্রতিবিদ্বেষ প্রতিঘাত করে, প্রাচীন সম্প্রদায়ী অপেক্ষা নবসম্প্রদায়ীরা অধিক বিদ্যাভিমান প্রকাশ করে, যাহারা “এম এ” উপাধিধারী তাহারা “বি এ” উপাধি শালীদিগের প্রতি “বি এ” উপাধি গণেরা উপাধি বিহীনদিগের প্রতি, অল্প ইংরাজি ভাষাজ্ঞগণ ইংরাজি অনভিজ্ঞদিগের প্রতি, সংস্কৃতজ্ঞেরা সংস্কৃতানভিজ্ঞের প্রতি, অক্ষুট ভাবে অবমাননা ও ঘৃণা প্রকাশ করিয়া থাকে। অল্প বিদ্যাই বিদ্যাভিমান উৎপাদন করিয়া দেয়, কালে বাঙ্গালীরা প্রগাঢ় অধ্যয়ন শীল হইয়া বাহুল্য পরিমাণে বিদ্যোপার্জন করিতে পারিলে আর বিদ্যা বিষয়ে অভিমানী হইবে না।

বঙ্গদেশে বিদ্যাভিমান অপেক্ষা ধন ও পদাভিমানের অত্যাচার সামান্য নহে, যদি কেহ কোন রূপে কিঞ্চিৎ ধন ও উচ্চপদ প্রাপ্ত হইতে পারে, তাহা হইলে হীনাবস্থার বন্ধু বান্ধবদিগের সহিত পূর্বভাব পরিত্যাগ করিবার সুযোগ অনুসন্ধান করিয়া বেড়ায়, এমনকি নির্ধন, অপদস্থ, বিপন্ন, জাতিকুটুম্বের সহিত আত্মীয়ভাবে আলাপ করিতে ও অনেকে লজ্জা বোধ করে।

দেশ সংস্করণের অন্তরায় স্বরূপ যে সকল দোষ প্রদর্শিত হইল, সে সমুদয় সহসা, অল্পকাল মধ্যে অন্তর্হিত হইবার নহে, রাশি রাশি উপদেশ দ্বারা সংশোধিত হইবার ও প্রত্যাশা নাই, রাজশাসনের ও সম্পূর্ণ অসাধ্য, জ্ঞানচর্চা ও সামাজিক অপরাপর অঙ্গ সংশোধনের সঙ্গে সঙ্গে সময়ে এই

সকল দোষ সংশোধিত হইবে, তাহাই হইলেই কালে স্বদেশীয় প্রেম উৎপন্ন হইয়া সমবেত চেষ্টা আরম্ভ হইবে। অর্নবপোত নির্মাণ, বাণিজ্য বিস্তার, সমরচর্চা স্বাধীনভাবে স্বরাজ্য শাসন, পরকীয় জাতির উপর আধিপত্য স্থাপন প্রভৃতি, সমুদয়ই সমবেত যত্ন ও চেষ্টার ফল, স্বাধীনতা লক্ষ্মীর কুপা ব্যতীত দেশে শিপ্পোদ্যান, বিবিধ কুম্মমে মুসজ্জিত হইতে পারেনা।

উপসংহার কালে বক্তব্য এই, মুসলমান জাতি যদিও বিদেশীয় ধর্মোপাসক হউক, তথাপি তাহাদিগকে দেশের সুখ দুঃখ ভাগী বলিতে হইতে হইবে, আৰ্য্য সম্ভ্রান্তগণের তাহাদিগের সহিত পরস্পর সহানুভূতি বন্ধনে নিবদ্ধ হওয়া উচিত, বস্তুতঃ মুসলমানদিগের সহিত আৰ্য্য সম্ভ্রান্তদিগের সামাজিক বন্ধন না হইলে, সমবেত চেষ্টা অঙ্গহীন ও অসম্পন্ন থাকিবেক সন্দেহ নাই।

দেশীয় খ্রীষ্টধর্মাবলম্বীগণ এদেশীয় সমাজের সহিত কোন রূপ সম্বন্ধ রাখিতে অভিলাষী নহে। আৰ্য্য বংশীয়দিগের কর্তৃক অনাদৃত ও ঘৃণিত হওয়াই এই রূপ বিসদৃশ ভাবের কারণ। আৰ্য্য বংশীয়েরা ইহাদিগকে ঘৃণা করিয়া ছায়া পর্যন্ত স্পর্শ করেনা। ইংরাজেরাও বিশেষ আদর ও সহানুভূতি প্রকাশ করে না, “মিশনারি” সাহেবেরা কখন কখন অগত্যা শুষ্ক ভাবে দয়া প্রকাশ করিয়া থাকেন। ইহাদের মধ্যে যাহারা অনভিজ্ঞ, তাহারা মনে করেন সামাজিক উন্নতির পরাকাষ্ঠা লাভ করিয়া সভ্য-

তার সোপানে আরোহণ করিয়াছেন, কিন্তু একবারও নিজের শোচনীয় অবস্থা মনে করেননা, মুসলমানেরা অনেক শতাব্দী কালের প্রভাবে এক স্বতন্ত্র সমাজ স্থাপন করিয়া এতদেশীয় সমাজের উপর কোন স্বত্বই স্থাপন করিতে সুযোগ প্রাপ্ত হন নাই। ধর্ম যেরূপই থাকুক, আৰ্য্য সম্ভ্রান্তেরা ইহাদিগের সহিত কোন রূপ সামাজিক-সম্বন্ধ স্থাপন করিয়া সমবেত উন্নতি সাধনে যত্নবান হউন, তাহা না হইলে খ্রীষ্টান বাঙ্গালীদের ইহা অনন্তনরক হইতে পরিভ্রাণের আর উপায়ান্তর নাই।

আধুনিক ব্রাহ্মদিগকে, স্থূল দৃষ্টিতে যদি ও অনেকাংশে পৃথক দেখা যায়, কিন্তু এদেশীয় সমাজে তাহার সম্যক মূল বিচ্ছিন্ন নহে। ব্রাহ্মদিগকে এ বিষয়ে সতর্ক হইয়া নিজ আবাস-পল্লী, বঙ্গীয় সমাজ, নিজ কুটুম্ব স্ববান্ধবের সহিত বিশেষ রূপ শিষ্ট ব্যবহার প্রভৃতির প্রতি দৃষ্টি রাখা কর্তব্য।

এই রূপে আমাদের প্রস্তাব্য বিষয় অনুষ্ঠিত হইতে আরম্ভ হইলে কোন কালে বঙ্গদেশের প্রকৃত সংস্করণ প্রত্যাশা করা যাইতে পারে।

অষ্টাদশ পুরাণের সংক্ষিপ্ত বিবরণ পদ্মপুরাণ

এই ক্ষণ পদ্ম পুরাণের সমালোচনায় প্রবর্ত্ত হইয়া গেল।

সৃষ্টিখণ্ড সম্পূর্ণতঃ সাম্প্রদায়িক দোষ বিবর্জিত। এবং সম্যকরূপে পুরাণ

পদবাচ্য। প্রথম কয়েক অধ্যায় ও শেষ অধ্যায় গুলি যাহাতে সৃষ্টি, রাজবংশাবলী ও প্রাচীন প্রবাদ সকল বর্ণিত আছে, অপরাপর পুরাণের প্রতিক্রম মাত্র, এমনকি ইহার ভাষারও কোন বিশেষ বিভিন্নতা নাই। কিন্তু কোন্ পুরাণ দৃষ্টে এই পুরাণ লিখিত হইয়াছে তাহ নির্ণয় করা দুঃসাধ্য, কিন্তু এইটীমাত্র বলা যাইতে পারে সকলই এক আদি মূল গ্রন্থ হইতে উৎপন্ন হইয়াছে। কিন্তু এই পুরাণ বিষয়ে আমাদের এই অনুভব হয় যে, গ্রন্থকার বায়ু বিষ্ণু ও ভাগবৎ পুরাণ দৃষ্টে ইহা প্রণয়ন করেন।

সৃষ্টিখণ্ড পৌরাণিক না হউক অনেক অংশে আদিম। পুষ্কর মহাত্মা অধ্যায় গুলি একেবারে নূতন। অপর কোন পুরাণেই আজমির দেশমধ্যস্থিত পুষ্কর তীর্থে উল্লেখ নাই। এই তীর্থেই শুদ্ধ ব্রহ্মার এক মাত্র মন্দির সংস্থাপিত আছে। এই খণ্ডের অপর একটা প্রাধান্য এই যে, ইহা বৈষ্ণব সাম্প্রদায়িক না হইয়া ব্রহ্মার পূজাদির বিবরণে পরিপূর্ণ। শিব ও ব্রহ্মোপাসকদিগের মধ্যে যে ভয়ানক বিবাদ উপস্থিত হয় তদ্বিষয়ক প্রবাদ গুলি অতীব চমৎকার। এই বিবাদে শৈবেরা অনেক লাঘব স্বীকার করিয়া ব্রহ্মোপাসকদিগের উপরে আপনাদের আধিপত্য স্থাপন করিয়াছিল।

ব্রহ্মাকে একটা স্থান উৎসর্গকৃত করা হয়। সেইস্থানের পবিত্রতা স্থাপন এই খণ্ডের প্রধান উদ্দেশ্য এবং ইহার দ্বারা স্পষ্ট অনুভূত হইতেছে যে, এখণ্ড

পুষ্কর তীর্থেই মহিমা প্রচারের জন্যই রচিত হয়। গ্রন্থকার নানা উপদেশ প্রদান ও প্রবাদ সকল বর্ণন করিয়া গ্রন্থের অঙ্গ সৌষ্ঠবতা সম্পাদন করেন, কিন্তু কোন্ সময়ে এই সম্পূর্ণতা সংসাধিত হয় তাহা স্থির করা যায়না।

পুষ্কর (পোখার) অদ্যাপী ব্রহ্মার মন্দিরের জন্য মহান তীর্থ বলিয়া পরিগণিত হয়। উত্তর-পশ্চিমাঞ্চলীয় অনেক লোক তথায় গমন করিয়া থাকে। কিন্তু যৎকালে মহম্মদীয়েরা আজমীরের অনতিদূরে আপনাদের রাজত্ব স্থাপন করিয়াছিল, সেই সময়ে বোধ হয় অত্যন্ত লোকেই এই তীর্থ দর্শনে গমন করিত। এবং এই জন্যই বোধ হয় ব্রহ্মা কয়েক শতাব্দী পর্যন্ত মানব মন আকৃষ্ট করিতে পারেননাই। কিন্তু যদি এই পুরাণ বর্ণিত উপাখ্যান প্রবাদ ও বংশাবলী কীর্তন গুলি বিষ্ণু কি অপর পুরাণ হইতে গৃহীত হইয়াছে স্বীকার করা যায়, তাহাই হইলে ইহা যে আধুনিক গ্রন্থ তদ্বিষয়ে বিন্দু মাত্র সন্দেহ উপস্থিত হইতে পারেনা।

অনেক বর্ণনা ও উদাহরণে এই পুরাণের আধুনিকতা সপ্রমাণ করিতেছে। লক্ষা ও ভারৎ উপদ্বীপের মধ্যস্থিত খণ্ডশ ডমরু মধ্যে শিবের একটা মন্দির সংস্থাপিত আছে। এই মন্দিরটা দৃষ্টে কখনই বোধ হয় না যে ইহা শতবৎসর বাটিকা, বাত্যা, সাগর হিল্লোল সহ্য করিয়া এযাবৎ কাল পর্যন্ত অক্ষত শরীরে স্ত্রীরামের কীর্তি স্তম্ভ স্বরূপে বিরাজিত রহিয়াছে। যদি

রামায়ণ বর্ণিত ঘটনা সত্য হয় তাহাই হইলে এ পুরাণ যে রামায়ণের অনেক কাল পরে রচিত হয়, তাহা বিলক্ষণ উপলব্ধি হইতেছে। বিদ্যা পরিত শ্রেণীর দক্ষিণদিগ-বাসিনা নীচ যাতি বলিয়া বর্ণিত হইয়াছে এবং সেই জন্য তাহার শ্রাদ্ধাদিতে নিমন্ত্রিত হইতনা। কিন্তু কোন প্রাচীন গ্রন্থে এই জাতি-ভেদের উল্লেখ নাই। ইহাতেই স্পষ্ট অনুমিত হইতেছে যে, শৈব ও বৈষ্ণব সম্প্রদায়ের অভ্যুদয়ের পরে এই পুরাণ রচিত হয়। শৈবেরা নর-কপাল-ধারী বলিয়া কথিত হইয়াছে, “জৈন” পুরোহিতেরাও ময়ূরপুচ্ছধারী রূপে বর্ণিত হইয়াছে। কিন্তু এই দুইটা বিষয় নিতান্ত আধুনিক কারণ প্রাচীন পুরাণ সমূহে ইহার কোন নিদর্শন পাওয়া যায়না। অনেকস্থলে “ম্লেচ্ছ” বা অসভ্য জাতিদিগের উল্লেখ আছে। ১৭ অধ্যায়ে সাবিত্রী লক্ষ্মীকে এই শাপ দেন যে, তিনি শুদ্ধ সেই ম্লেচ্ছ জাতি দিগের নিকটে আদৃত হইবেন।

গ্রন্থকার যে এস্থলে “ম্লেচ্ছ” এই পদটা যখন দিগকে লক্ষ্য করিয়াছেন তাহা বিলক্ষণ বোধ হইতেছে। কারণ তৎকালে হিন্দুরাজ-লক্ষ্মী মহম্মদ ধর্মাবলম্বী দিগের নিকটে বিরাজমানা ছিলেন, এবং ইহার দ্বারাই বোধ হইতেছে যে, এই অংশ ১৩১৫। খৃঃঅব্দের মধ্যে দিল্লী নগরীতে মুসলমান সাম্রাজ্য সংস্থাপনের সময়ে রচিত হয়। ভূমি খণ্ড একেবারে অপৌরাণিক ও সাম্প্রদায়িক। এই খণ্ডে যে সমস্ত ঘটনা-

বলী বর্ণিত হইয়াছে তৎসমুদয়ই আধুনিক। সৃষ্টি খণ্ডাপেক্ষা ইহা একেবারে বৈষ্ণব সাম্প্রদায়িক, কিন্তু মধ্যে শিবের প্রাধান্য স্বীকৃত হইয়াছে, ব্রহ্মার নাম মাত্র নাই। ব্রহ্মা শুদ্ধ দুই এক স্থলে বিষ্ণুর অবতার বলিয়া বর্ণিত হইয়াছেন। যদিও এই খণ্ড বর্ণিত ঘটনা গুলি কোন পূর্বতন গ্রন্থ দৃষ্টে লিখিত হইয়াছে তত্রাচ তৎসমুদায়ে প্রাচীনতার অভাব দৃষ্ট হইতেছে। জৈন ধর্মের বিষয় কথিত হওয়ায় এই অনুমান আরও অধিক প্রমাণিত হইতেছে। সৃষ্টি খণ্ডের অভিনয় স্থল “পুষ্কর” কিন্তু ভূমি খণ্ডের রঞ্জভূমি নর্মদা নদী তীরস্থ স্থান সকল। তন্মধ্যে উজ্জয়িনী নগরাস্তর্গত “মহাকাল” তীর্থ সর্বপ্রধান। এই স্থানে শিবের মন্দির ছিল ১২৩১ খৃঃঅব্দে দিল্লীর সম্রাট “আল্টা মাস” এই মন্দিরটা ভূমিসাৎ করেন। এই খণ্ডে “কামাখ্যার” বিষয় বর্ণিত আছে, এই তীর্থে দুর্গার মন্দির আছে। এসকল কারণ দ্বারা স্পষ্ট অনুভব করা যাইতে পারে যে, এই খণ্ড ভিন্ন ২ লোক দ্বারা ও ভিন্ন ২ সময়ে রচিত হয়।

সৃষ্টি খণ্ডের প্রথমেই শকুন্তলার উপাখ্যানের অবতরণ করা হইয়াছে, এতদ্বারা ইহা বিলক্ষণ বোধ হয় যে, এই খণ্ড কালিদাস কৃত অভিজ্ঞান শকুন্তলা নাটক প্রণয়নের অনেক পরে রচিত হয়। ভারতের ভ্রমণ বৃত্তান্ত সম্বন্ধীয় ঘটনা গুলিও অতীব আধুনিক, গোলোকপুরী সর্বলোকের উপরে বলিয়া কথিত হইয়াছে, বোধহয় যে বৈষ্ণব মত প্রচলনের পরে ইহা রচিত হয়।

কারণ বৈষ্ণব ও শৈবমত আধুনিক, আদিম পুরাণ সমূহে এ দুই মতের কিঞ্চিৎ উল্লেখ নাই। যদিও এই খণ্ড বর্ণিত প্রবাদ গুলি সম্পূর্ণতঃ আধুনিক নাইউক, তথাপি নারদ ও মাক্হাতায় যে কথোপকথন হয় তৎপাঠে অবগত হওয়া যায় যে, এই অংশ সম্পূর্ণ আধুনিক ও সাম্প্রদায়িক। বৈষ্ণব মতের পোষকতা সূচক বর্ণনা গুলিই তাহার নির্দিষ্ট মূলক প্রমাণ। গলে তুলসী মালা ধারণ, শালগ্রাম শিলার পূজা, তীলক ধারণ, একাদশী ব্রতপালন প্রভৃতি বৈষ্ণবীয় অনুষ্ঠান সকল একেবারে সাম্প্রদায়িক ও আধুনিক। ১২ খৃঃ শতাব্দীর মধ্যে “রামানুজ” নামক বৈষ্ণব-ধর্ম-প্রচারক ও প্রবর্তকের পূর্বে যে এসমস্ত অনুষ্ঠান ব্যবহৃত ও আদরিত ছিল তাহার কোন বিশ্বাস-যোগ্য প্রমাণ নাই। পুরোক্ত কারণ বশতঃ আমাদের এই অনুমান হয় যে, এই খণ্ড কোন বৈষ্ণব সাম্প্রদায়িক গ্রন্থ কারের দ্বারা প্রকাশিত হয়।

কুমার-সম্ভবম্ ।

অষ্টমঃ সর্গঃ ।

চন্দ্রোপমশ্চন্দ্র সূতোগ্রহোহয়ং
নাম্না বুধো যো বিবুধ প্রপূজ্যঃ
গত্যাচরণ বজ্রগতিং বিহস্য
শিবংশিবং বীক্ষ্য চমৎকৃতো হ ভূত্ ।

বল্গাত কর্ষাঙ্ক রিভিনিকটৈঃ
স্থলদ্যতৈ রুদ্রাত কম্পমানে
স্থিভাবিমানে হরমুৎপতাকে
সম্ভাবয়ামাস কৃতাঞ্জলিস্তম্ ।

বিবাহ সূত্রীকৃত পীত সর্পং
হরেন সার্কং ভুজ বিভ্রতাস
পরম্পরালোকন মাত্রমেব
মহী তনুজঃ প্রণতোবভূব ।
হুঙ্কার ভীতাসুর রাজবংশঃ
সাক্ষাৎ মুনীন্দ্রঃ স্ফুরদগ্নিমূর্তিঃ
সংস্থাপ্যথে বীক্ষ্যরথং মহেশং
গৌরী সমেতং নমতিস্ম শুক্রঃ ।

প্রদ্যোতয়ন্তোগগনং ময়ুখে
মন্দাকিনীস্নান সমাদ্র কেশাঃ
রত্নোপবীতা ধ্বত রত্নমালাঃ
সপ্তর্ষয়ো যোগ পতিং প্রণেমুঃ ।

সকৌতুকং নভসিচর প্লিতস্তত
স্ততঃ পথি প্রমথকুলং বিসর্জয়ন্
উমাপতি বৃষভপতিং নিবারয়ন্
সহো ময়া হরি ভবনং বিবেশস ।

ইতি কুমার সম্ভবে কাব্যে উমা-মহেশযাত্রা
নাম অষ্টমঃ সর্গঃ সমাপ্তঃ ।

কুমার-সম্ভব ।

অষ্টম সর্গ ।

রূপগুণে চন্দ্র সদৃশ চন্দ্রতনয় বুধ-
গণ পূজণীয় বুধনামা গ্রহবর, বিদ্যাৎ
অপেক্ষা দ্রুত গতিতে বিচরণ করিতে
করিতে সহসা সর্ষ কল্যানাধার শিবকে
অবোলোকন করিয়া চমৎকৃত হইলেন ।

বল্গাতি কর্ষণে বেগনিকরুদ্র হওয়াতে
অশ্বগণের গতি স্থলিত হইয়া, উদ্গত
ভাবে বিমান রাজ কম্পিত হইতে
লাগিল, এবং পতাকা অধিকতর চঞ্চল
হইল, সেই বিমানে অবস্থিত হইয়া

কৃতাঞ্জলিপুটে সেই মহাদেবকে অতি
বাদন করিলেন ।

যিনি ভুজদণ্ডে বিবাহ সূত্রীকৃত
পীত সর্প ধারণ করিয়াছেন সেই
হরের সহিত আকাশ মার্গে পর-
ম্পর সাক্ষাৎ হওয়াতে মহীতনয় মঙ্গল
প্রণত হইলেন ।

যাঁহার হুঙ্কার শব্দে দৈত্য-রাজবংশ
ভয়াকুল হয়, সেই জ্বলদগ্নী-মূর্তী
মুনিবর শুক্র আকাশে রথ সংস্থাপন
পূর্বক গৌরী সহিত মহেশকে অবো-
লোকন করিয়া নমস্কার করিলেন ।

যাঁহাদিগের শরীর-কিরণে আকাশ
মণ্ডল দ্যোতিত হইয়াছে, মন্দাকিনী
স্নানে যাঁহাদিগের কেশ পাশ আর্দ্রীভূত
হইয়াছে এবং যাঁহার রত্নমালা ও
রত্নোপবীত ধারণ করিয়াছেন সেই
সপ্ত-ঋষি যোগপতি শিবকে প্রণাম
করিলেন ।

আকাশ মণ্ডলে কৌতুক পূর্বক ইতস্ততঃ
বিচরণ করিতে করিতে পথে প্রমথ
সেনাগণ বিষর্জন করিয়া উমাপতি
বৃষভ বরকে সংস্থাপন পূর্বক, পাদ ব্রজে
উমার সহিত বিষ্ণুর আলয়ে প্রবেশিত
হইলেন ।

ইতি কুমার সম্ভব কাব্যে উমা-মহেশ
যাত্রা নামক অষ্টম সর্গ সমাপ্ত ।

অপূর্ব সহবাস ।

এই সুগভীর তামসী রজনীতে কে ঐ
কামিনী পুরীর বহির্ভাগে দণ্ডায়মান হইয়া
শূন্যমনে চারিদিক নিরীক্ষণ করিতেছেন ?
—কেশপাশ আলুলায়িত, হস্তপদ অবশ,

অঞ্চল ধূলায় লুপ্তিত হইতেছে? মনে
ভয় নাই, যুবতী-জনমূলভ কোন আশঙ্কাও
নাই? দক্ষিণ হস্তে কালদণ্ড ত্রিশূল, বাম
হস্তে লোহকর্কশ বিশাল চর্ম। রমণী
নিষ্পন্দ,—স্থিরভাবে দণ্ডায়মান। একি
পাষণে গঠিত স্ত্রীমূর্তি? না প্রকৃতই
কোন কামিনীর অঙ্গ রণবেশে সুবেশিত
হইয়াছে?—দেখিলে শরীর লোমাঞ্চ হয়।
যে হস্ত—যে করতল অবগুণ্ঠনে আপন
বদন আচ্ছাদন করিবে, তাহা কি ত্রিশূ-
লের উপযুক্ত? যে নয়ন লজ্জায় মুকুলিত
হইবে,—প্রেমময় হাস্যে উদ্ভাসিত হইবে,
তাহা কি অগ্নিকণার আধার হইতে পারে?
কমনীয় কোমল ভাব প্রেমিককেই বশীভূত
করিতে পারে, কোমল অঙ্গ প্রেমিকেরই
অঙ্গ নিষ্পন্দ করিতে সমর্থ হয়। বীর-
ভাবে বীরপুরুষের নিকট উহার ক্ষমতা
কি? বর্ম কি বীরপট, বীরেরই অঙ্গভূষণ,
বীরেরই শোভাকর, কামিনীর কোমল অঙ্গ
তাহার ভার বহনে বা কাটিন্য সহনে
কিরূপে সক্ষম হইবে?

কিন্তু রাজপুত্র মহিলাগণের স্বভাব
অতি বিচিত্র। ইহাদিগের যে হৃদয় লজ্জা
ও প্রেমভাবে পূর্ণ, সময় উপস্থিত হইলে
তাহাই আবার সাহস ও নির্দয়তার
আধার হইয়া উঠে। অঙ্গ রণবেশে মুস-
জ্জিত হইলে পাষণ অপেক্ষাও কঠিন
হয়। ইহাদিগের যে দেহ পরপুরুষের
স্পর্শ অবধি সহ্য করিতে পারে না, সেই
দেহ সমরস্থলে বিপক্ষপক্ষের অগণ্য
মস্তকও পদতলে বিদলিত করিতে থাকে।
যুদ্ধে অকুতোভয়, অস্ত্রধারণেও হস্ত বজ্র-
বৎ সারবান হইয়া উঠে। মরিতে ভয়

নাই, মরিতেও অকুণ্ঠিত। মানিনী মানে মগ্না, তেজস্বিনী তেজে চপলার ন্যায় চঞ্চলা। ইহার বিচিত্র উপকরণে নির্মিত, বিচিত্র ভাবেও পূর্ণ। এ কামিনীও সেই রাজপুত্রকুলের কুলমহিলা, নাম সঙ্গা— চিতোরের অধিপতি মহারাজ উদয়সিংহের প্রণয়িনী। উদয়সিংহ শত্রুহস্তে রুদ্ধ হইয়াছেন; শত্রুগণ সন্ধির প্রত্যাশায় উঁহাকে আপন শিবের রুদ্ধ করিয়া রাখিয়াছে,—শুনিবামাত্র সঙ্গা পাগলিনীর ন্যায় রণবেশে সুসজ্জিত হইয়া পুরীর বহির্ভাগে আসিয়া দণ্ডায়মান আছেন, পরিচারিকা অশ্ব আনিতে গমন করিয়াছে এখনও আসিতেছে না; সঙ্গা বারংবার অশ্বশালার দিকে দৃষ্টিপাত করিতেছেন। কিয়ৎক্ষণ পরে পরিচারিকা এক প্রকমণ্ডকায় অশ্ব লইয়া সেই স্থলে আসিয়া উপস্থিত হইল। সঙ্গা উহার হস্ত হইতে অশ্বের বল্গা গ্রহণ করিয়া বলিলেন।

“সখি! বোধ হয় আজ হইতে জন্মের মত তোমার সঙ্গা তোমার নিকট বিদায় গ্রহণ করিল। সেই অপরিমিত বলবীৰ্য্যশালী দুরাত্মা আক্‌বরের হস্ত হইতে যে মহারাজকে উদ্ধার করিব, এ আশা নিতান্ত অকিঞ্চিৎকর। মন কিছুতেই ধৈর্য্য মানে না, যখন মহারাজ বিপক্ষ হস্তে রুদ্ধ হইয়াছেন, তখন আমাদের জীবন মরণ উভয়ই সমান, কি সুখে আর এই পাপ জীবন বহন করিব; এই জন্যই এই অনুচিত বেশে অনুচিত আশার অনুসরণে প্রবৃত্ত হইতেছি। কিন্তু ভীরুতা যাহাদিগের চিরপরিচিত ধর্ম, দুর্বলতা যাহাদিগের সৃষ্টির সহিতই সৃষ্ট হইয়াছে,

লজ্জা যাহাদিগের অঙ্গভূষণ; রণবেশে তাহাদিগের শত্রুর সম্মুখে গমন করা কেবল শত্রুর আমোদ বর্দ্ধনেরই জন্য। সখি! জীবনের শমতায় কিছুমাত্র কষ্ট বোধ করি না, এই জীবন, বা এইরূপ শতসহস্র জীবন এখনি লয় প্রাপ্ত হউক। যাঁহার জীবন, যাঁহার দেহ, তিনিই যদি শত্রুহস্তে রুদ্ধ হইলেন, তবে কি সুখে, কাহার জন্য আর ইহা ধারণ করিব। তাঁহার সহিত শত্রুর কারাগারেই থাকিব, শত্রুপ্রদত্ত ধান্য স্বহস্তে রন্ধন করিয়া দিব; চলিলাম। তুমি গৃহে যাও, দেখ যেন দেবী মহারাজের এই দারুণ বার্তা শ্রবণে কোনরূপ অনিষ্টাচরণে প্রবৃত্ত না হন।”

পরি। “দেবি! একাকিনী অসংখ্য বিপক্ষের বধ্য গমন করিলে না জানি কি সর্বনাশই ঘটয়াবসে। ভাল, সন্ধি করিলেই যদি মহারাজ মুক্তি লাভ করিতে পারেন, তবে কেন তাহারই চেষ্টা হউক না?”

সঙ্গা। “সে আশা দুরাশামাত্র। মহারাজ এতদূর নীচপ্রকৃতি নহেন, যে, বিপন্ন হইয়া ঐ প্রস্তাবে সন্মতি দান করিবেন, যদি সহজ অবস্থায় ঐ কথা উপস্থিত হইত, তাহা হইলে কি হইত বলা যায় না। বিশেষ, প্রবঞ্চক আক্‌বরের ঐ কথা কখনই বিশ্বাস্য হইতে পারে না। দুরাচার বিজয় সিংহ যখন উহার মতাবলম্বী হইয়াছে, তখন ঐ সন্ধির কথা কথামাত্র।—

সেই পাপাত্মার কৌশলেইত মহারাজ রুদ্ধ হইয়াছেন। বিনা যুদ্ধে যে

আক্‌বর তাঁহাকে মুক্তি প্রদান করিবে, ইহা কোনমতেই বিশ্বাস্য নহে। বোধ হয় পামর এক সন্ধির কৌশল করিয়া নগরে প্রবেশ করিবে, নগর লুণ্ঠন ও অন্তঃপুরচারিণী কামিনীগণেরও সতীত্বনাশ করিবে। কুলাঙ্গার বিজয়সিংহও বোধ হয় রাজ্যের আশায় উদ্ভ্রান্ত হইয়া ঐ পরামর্শে কোন আপত্তি উত্থাপন করে নাই,—আপন রক্ত কুকুর দ্বারা পান করাইতে কিছুমাত্র কুণ্ঠিত হয় নাই। কি আশ্চর্য্য, জগদ্বিখ্যাত সূর্য্যবংশের কি পরিণামে এই ঘটিল?—বিজয় নিশ্চয়ই ঐ পাপ পরামর্শে সন্মতি দান করিয়াছে, না হইলে যে রাজ্যের আশায় সে জ্যেষ্ঠসহোদরের সহিত বিবাদের প্রবৃত্ত হইয়াছে, সেই রাজ্যের বিরুদ্ধে ঐ সন্ধি বিবয়ক পত্রের সাক্ষি হলে স্বাক্ষর করিবে কেন? সন্ধি হইলেই মহারাজই পুনরায় চিতোরের সিংহাসনে অধিরূঢ় হইলেন, তাহা হইলে বিজয়েরই অতীষ্ট সিদ্ধির বিলক্ষণ ব্যাঘাত ঘটিল।”

পরি। “মন্ত্রিগণও ঐরূপ আন্দোলন করিতেছেন; আরও শুনিলাম, ভিতরে নাকি মতি বিবীর কোন ষড়যন্ত্র আছে!”

সঙ্গা। “ঈশ্বর জানেন।”

পরি। “মহারাজ তাঁহাকে প্রাণতুল্য ভাল বাসেন। এক দণ্ড না দেখিলে থাকিতে পারেননা। মতীবিবীও রাজার জন্য প্রাণ দিতে পারেন একরূপ ভাগ করিয়া বেড়ান, আর গোপনে রাজার বিরুদ্ধে ষড়যন্ত্র! ধন্য! কুলটা হই-

লেই কি মুখে অমৃত আর অন্তরে গরলের ছুরী থাকিতে হয়!”

সঙ্গা। “ক্ষত্রিয় কুমারী হইয়া যে পাপীয়সী যবনান্ন স্পর্ষ করিয়া সঙ্কুচিত হইল না, তাহার অসাধ্য কি আছে! আমার বোধ হয়, মহারাজ ইহা হইতেই বিষম বিপদে পড়িবেন।”

পরি। “বাঁকিই বা কি আছে? যখন সেই উন্নত মস্তকও যবন কারাবাসে স্থান পাইল, তখন ইহা অপেক্ষা আর অধিক বিপদের আশঙ্কা কি?”

পরি। “দেবি! রোদন করিবেন না। ঈশ্বর মহারাজের মঙ্গল করিবেন।”

সঙ্গার দুই চক্ষু দিয়া জলধারা বহিতে লাগিল, বলিলেন।

সখি! “মহারাজ যখন দুর্দান্ত শত্রু হস্তে রুদ্ধ হইয়াছেন; তখন তাঁহার আর মঙ্গলের আশা কোথায়?”

পরি। “কি আশ্চর্য্য! মহারাজ এমন পরাক্রান্ত ও বুদ্ধিজীবী হইয়াও শত্রুর হস্তে রুদ্ধ হইলেন?”

সঙ্গা। “ভূতভাবন ভগবান রামচন্দ্রও যখন রাক্ষসের মায়ায় মুগ্ধ হইয়া স্বীয় প্রণয়িনী সীতাদেবীকে হারাইয়াছিলেন, তখন সামান্য মনুষ্যের কথা কি? বিজয়ের মায়ায় মুগ্ধ হইয়াইত তিনি আপনাকে হারাইয়াছেন। “বিজয় যুদ্ধে বিষম আহত হইয়াছে,—মৃতপ্রায়, অন্তিমকালে আপনার সহিত সাক্ষাৎ করিতে চাহিতেছে।” উহার দূতমুখে মহারাজ এই কথা শুনিবামাত্র সহোদরস্নেহে একান্ত আত্ম হইয়া বিজয়কে দেখিতে বিজয়ের শিবিরে গমন

করিবেন, আকবরের নিকট বলিয়া পাঠান, আকবর কি পৃথীরাজ কেহই তখন সেস্থলে উপস্থিত ছিলনা, কাষেই অনুমতির অপেক্ষা না করিয়া মহারাজ বিজয়ের শিবিরে যেমন গমন করিলেন, অমনি ছদ্মবেশী বিজয় তাঁহাকে ধারণ করিয়া রুদ্ধ করে।”

পরি। “মহারাজ কি একাকী গমন করিয়াছিলেন?”

সঙ্গ। “না, রক্ষক সঙ্গে ছিল; কিন্তু বিজয় পীড়িত, অধিক লোকের সমাগমে তাঁহার কষ্ট হইতে পারে, বিবেচনায় একাকীই শিবির মধ্যে প্রবেশ করেন; সখি! নিসংন্দিক্ত মনে সন্দেহের সম্ভাবনা কি?”

পরি। “বোধ হয় আকবরের পরা মর্শেই এরূপ হইয়া থাকিবে, নতুবা সইস্র শক্রতা থাকিলেও কি সহোদর হইয়া সহোদরের প্রতি এইরূপ গর্হিতাচরণ করিতে পারে?”

সঙ্গ। “ঈশ্বরই জানেন। যাহাই হউক, আমি এই অসংখ্য তারকামণ্ডলী, ভগবতী তমস্বিনী যামিনীকে সাক্ষী করিয়া বলিতেছি, যখন হস্তে অস্ত্রধারণ করিয়াছি, অস্ত্রে বর্ম পরিধান করিয়াছি, তখন কখনই সহজে ক্ষান্ত হইব না। তুমি গৃহে যাও, আমিও চলিলাম; যদি মহারাজকে উদ্ধার করিতে পারি, তাহা হইলে পুনরায় এ মুখ দেখিতে পাইবে, নতুবা এই অবধি সঙ্গ তোমাদিগের নিকট হইতে বিদায় হইল।”

পরিচারিকা সজল নয়নে বলিল, “দেবী! আপনি এরূপ সাহস করিবেন না, একাকিনী, বিশেষ স্ত্রীজাতি, এবেশে

শক্রশিবিরে গমন করিলে নিশ্চয়ই রুদ্ধ হইবেন”।

সঙ্গ। “হস্তে অস্ত্র থাকিতে রুদ্ধ হইব? ক্ষত্রিয়কুমারী বিশেষত উদয়সিংহের প্রণয়িনী হইয়া দুরাচার যবনের দাসী হইব? এই ত্রিশূল কি শোণিত পান করিতে শিখে নাই? আকবর কি অমর হইয়া পৃথিবীতে জন্ম গ্রহণ করিয়াছে? সখি! সেজন্য চিন্তা করিও না, সঙ্গা আত্মরক্ষায় বিশেষ নিপুণা”।

পরি। “সমুদায় সত্য, কিন্তু আপনি একাকিনী বলিয়াই আমার মনে নানা রূপ আশঙ্কা হইতেছে। কি জানি লোকে যদি কোন কথা বলিয়া বসে, তখন বিশেষ কষ্টের হইবে”।

সঙ্গ। “ছি, তোমার মনও যে এতদূর নীচতার আধার, ইহা আমি পূর্বে জানিতাম না। লোকের কথা গ্রাহ্যযোগ্য, সন্দেহ নাই; কিন্তু যাহারা আকাশে অট্টালিকা নির্মাণ করে, তাহারা কি ভ্রমাক্ত? তুমি নিতান্ত সরল প্রকৃতি বলিয়াই ইহাতে উত্তর প্রদান করিলাম, নতুবা নিরন্তর থাকাই উচিত ছিল”।

পরি। “লোকের কথায় না হয় কি?”

সঙ্গ। “আর অধিক রাত্রি নাই, তুমি গৃহে যাও।”

দূর্গে দামামা ধ্বনি হইল।

সঙ্গ। “এ সময় দূর্গে দামামা ধ্বনি হইবার কারণ কি?”

বলিয়া অশ্বে আরোহণ পূর্বক সবলে অশ্বপৃষ্ঠে কশাঘাৎ করিলেন।

(ক্রমশঃ)

সময়ে কিনা হয়।

স্বপ্ন দর্শন।

বেলা প্রায় তৃতীয়, প্রহর অতীত হইয়াছে। হোসেন পুর গ্রামের মধ্যে সুবলচন্দ্র ভাদুড়ির বাড়িতে, উক্ত ভাদুড়ির পুত্র যদুপতি, কন্যা বিমলা, এবং তাঁহার স্ত্রী এই তিন জনে একত্রে বসিয়া বাক্যালাপে নিবিষ্ট আছেন। বাহির বাড়িতে সুবল চন্দ্র আর কয়েক জন লোকের সহিত নানারূপ নিপুট পরামর্শে ব্যাস্ত আছেন। ঐ লোক গুলির মধ্যে হলধর চৌকিদার একজন এবং অপর ৪ জন আছে; তাহারা ভদ্রনাম ধারী ও নহে, এবং আকারে ও ব্যবসায় উভয়তেই ছোট লোক। তাহাদের কথা যখন গোপনীয়, আমাদের তখন, তাহাতে কাণ দেওয়া উচিত হয় না। চল পাঠক আমরা তাঁহার পুত্র কন্যা প্রভৃতির কথা বার্তা শ্রবণ করি গিয়ে।

যদুপতির বয়সক্রম প্রায় ১৫ বৎসর। আকার প্রকার সর্বরূপেই ভদ্র বলিয়া বোধ হয়। বর্ণ বিশুদ্ধ গৌর, কিঞ্চিৎ খর্সাকার, অঙ্গ দোহারা, মাথায় উত্তম কোঁকড়া চুল। হোসেন পুরের কুঠি যখন নীলকর সাহেবের অধিন ছিল, সেই সময়ে তথায় একজন ইংরাজ কেরাণি থাকিত, যদুপতি আপন অধ্যবসায়ে তাহারই নিকট যৎকিঞ্চিৎ ইংরাজি শিক্ষা করেন, এবং নানাস্থান হইতে অন্যান্য বাঙ্গালা পুস্তকাদি সংগ্রহ করিয়া একরূপ ভাল বাঙ্গালা শিক্ষা করিয়াছেন। তাঁহার আরও শিখিবার নিমিত্ত বিশেষ মনছিল

কিন্তু একে সুযোগ নাই, তাহাতে পিতার দৈন্যাবস্থা বশতঃ শীঘ্র যাহাতে চাকরি করিতে পারেন, সেই আশয়ে এখন উক্ত কুঠিতে শিক্ষা নবিসি করিয়া থাকেন।

কন্যা বিমলার বয়সক্রম প্রায় ১৪ বৎসর, কিন্তু বিধবা। বর্ণ শ্যাম, আকার তত ভাল নহে। মুখ খানি চাকা, চক্ষু দুটি উজ্জ্বল, ক্রমুগটানা, ললাট-তল নিটোল, মস্তকে চুলের ভার নিতম্ব বিলম্বিত। বুদ্ধিতে সুবোধ।

সুবলের স্ত্রীর আকার প্রকারাদির বৃত্তান্ত জানিয়া কি হইবে? যাহার এক পদ ঘরে, অপরটি শূশানে; যাহার তিন কাল গিয়ে এককালে ঠেকেছে তাহাকে লইয়া রঙ্গভূমিতে অধিক পেড়াপিড়ি করা অন্যায়। সুতরাং তদ্বিষয়ে নিরন্ত হওয়াই ভাল।

নানা কথার পর বিমলা কহিল “হ্যাদ্যাকু মা, আজ শেষ রাত্রিরে বড় একটা কুস্বপন দেখিচি, তোদের বলতে মনে নেই, ও মা, আমার একনও মনে কল্পে গাটা যেন শিউরে ডোল হয়”।

বিমলের বাক্যের শেষ হইত না হইতে বিমলার মা ব্যাগ্রতা সহকারে জিজ্ঞাসা করিলেন।

“কি স্বপন রা বেমল”।

বিমলা উত্তর করিলেন।

“শেষ রাত্রিরে আমার একবার ঘুম ভাংলো; তারপর অনেকক্ষণ এ পাশ ও পাশ কত্তে কত্তে যাই একটু তন্তরা এসেচে অমনি দেখ্চি কি, যেন একটি বড়, আর একটি ছোট,

এই দুটি গাচ রয়েছে, তার মধ্যে বড়টির গায় একটি নতা জড়িয়ে রয়েছে, আর তার কোলে আর একটি নতা খাসা চল চল করে উঠছে, এমন সময় একটা বড় বড় এল, বড় গাচটা ভেঙ্গে গেল, অমনি বড় নতাটি ধুলোয় পড়ে গড়াগড়ি যেতে নাগলো, আর ছোটটি আম্রে উঠলো; এমন সময় একটা খুব বড় আগুনের দলা ছোট নতাটির পানে ছুটে আসতে নাগলো। অমনি যেন কে এসে আগুণটো না নিবিয়ে দিয়ে, ছোটো গাচটিকে নিয়ে কোথায় পালালো আর দেখতে পেলেননা। আবার দেখি কি, একটা অজাগর সাপ আমার চারিদিকে ঘিরে কুণ্ডুলি পাকিয়ে গছরাচ্ছে, আমি অমনি দেখে ঘুমের ঘোরে কেঁদে উঠলাম আর ঘুম ভেঙ্গে গেল”।

বিমলার মাতা শুনিয়ে চমকিয়া উঠিলেন।

“সাই, সাই, গোবিন্দ সুস্বপন গোবিন্দ সুস্বপন; দুর্গা; মা আমার বাবাদের রক্ষা করো, গায় যেন কাঁটার আঁচড় না যায়”

বলিয়া কাঁপিতে লাগিলেন। যদুপতি কহিল।

“ই্যা মা কাঁপচিস্ কেন?”

“কাঁপবো আমার মাতা মুণ্ড, মিন্‌সেকে বলেওত শোনেনা, তিন কাল গিয়ে এক কাল আছে, দুটো কাচা বাচ্চা হয়েছে, অমন না করে মাথায় মোট বয়ে খেলেওতো হয়। তাকর্ষেনা, মিন্‌সেই আমাকে মজাবে, মিন্‌সের পাপেই সব ছারেখারে যাবে। ঐ বসেছেন বার

বাড়িতে, তাঁর মাতা মুণ্ড পিণ্ডি চটকাচ্ছেন।”

যদুপতির মুখ অবনত হইল। ক্ষণপরে কহিলেন।

“স্বপন ও কিছু নয়, তার জন্যে এত ভাবনা কেন।”

তাহার জননী ভৎসনা সহকারে কহিলেন।

“যদুতুই বকিস্‌নে, আমি যে কেন ভাবি তা কারে বলব্‌।”

বিমলা কহিল।

“তাইত মা ও বাতিকের খেলা, না দা দা?”

যদুপতি “না দি দি তা নয়, স্বপন কিছু নয় বটে, কিন্তু খালি বাতিকের খেলায় যে হয় তা নয়।”

বিমলা। “তবে কি দা দা?”

বিমলার মা আরও বিরক্ত হইয়া কহিলেন।

“নে যদু তুই আর পোড়া-সুনে।”

“যদুপতি ঈষৎ হাস্যের সহিত কহিল। “ঐ দ্যাক্ বিমল” মা বলতে বারণ করে।”

বিমলা। “তা হোক দা দা, তুমি বল, মা তুই চূপকর।”

যদুপতি। “আমাদের মাথায় যে ঘি আছে তাকে ভাল কথায় মস্তিষ্ক বলে, ঐ মস্তিষ্ক থেকে আমাদের বুদ্ধি বার হয়, তা আমাদের এই শরীরে দুটা জিনিস আছে, আমরা তাদের মন্ত্রনায় চলি, ফিরি, খাই, পরি, আরও অন্যান্য যত সব কায করি।” (ক্রমশঃ)

হালিসহর পত্রিকা।

(পাক্ষিক পত্রিকা।)

২য় খণ্ড]

শ্রাবণ মন ১২৭৯ সাল

[৭ম সংখ্যা

সময়ে কিনা হয়।

৬ষ্ঠ সংখ্যার পরিশিষ্ট।

একটির নাম মন, আর একটির নাম জ্ঞান, অর্থাৎ আগে যে বুদ্ধির কথা বলিচি সেই বুদ্ধি। মন যে, সে সদাই কাষে ব্যস্ত—তার আর কায কি, ভাবনা চিন্তে মতলব আঁটা, নানা কথার তোলা পাড়া করা, এই তার কায। কিন্তু সে কখনও জিরোয় না, আমরা কি জাগি, কি মুই, সব সময়তেই সে কাষে ব্যস্ত। মন এই রকম খেটে মরে বটে, কিন্তু তার এমন ক্ষমতাটী নেই যে, সে সেই কায গুলিকে সাজিয়ে গুজিয়ে গোচালো রকমে করে।”

বিমলা। “দা দা তবে কে সাজিয়ে দেয়?”

যদুপতি। “কেন ওই যে জ্ঞানের কথা বললাম, সেই জ্ঞানেতেই সে সব সাজিয়ে

দেয়। জ্ঞান মনকে আপন তাঁবে রেখে ভাল ভাল কায গুলি কর্তে দেয়, মন্দ গুলি কর্তে দেয়না, কেমনতর জ্ঞান, মনের কথাত আগেই বলিচি, তা ঐ মনকে যে গুলোর দরকার নেই, কি যে গুলো মনে কল্পে কোন ভয় কি ঘণা কি কোন রকম খারাপ ভাব ওঠে, তেমন ধারা কায প্রায় কর্তে দেয়না; তা ছাড়া আর কায গুলি কর্তে দেয়।

বিমলা। “ই্যা! তা কেমন করে?”

যদুপতি। “দূর পাগ্‌লি, কেন এই পাগলদের দিয়ে দেখলেইতো হয়। তাদের মাথার ঘি, শুকনো শুকনো হয়ে যায়, বলে জ্ঞান কি বুদ্ধি অবরোধনা; তাই দেখ তাদের জ্ঞানের শাসন না থাকাতে মন কত এলো মেলো ভাবনা ভাবে, তা তাদের কথাতেইত টের পাও। তার পর আমরা যখন ঘুমুই আমাদের

জ্ঞানটাও তখন আমাদের সঙ্গে সঙ্গে
ঘুমোয়, কাষেই মন তখন এলো মেলো
কাষ কর্তে থাকে, সেই কাজ অর্থাৎ
নানান রকম ভাবনাকেই স্বপন বলে।”

বিমলা। “তবে কেন আমরা সারা-
রাত স্বপন দেখিনে?”

যদুপতি। “আমরা সারারাতই
স্বপন দেখি, তবে তার মধ্যে যে গুলো
খুব চটক ওয়ালা তাই মনে থেকে যায়।
সারারাত যে স্বপন দেখি তা একটু তাক
করে দেখলেই জানতে পার, যখন
ঘুম ভাঙে তখন দেখো, যেন বোধ হয়
মন থেকে যেন কত কি আস্তে আস্তে
সরে যায়।”

বিমলা। “এলো মেলো যা কখন
দেখিনি, তা স্বপন দেখি কেন করে?”

যদুপতি। “মন তখন জ্ঞানের শাসন
ছাড়া হয়ে যা কিছু দেকেচে কি শুনেচে
অনুমান করেছে এরি মধ্যে এলো মেলো
করে ভাবে, তাই এলো মেলো স্বপন
দেখি।”

বিমলা। “তাই বটে, মা তবে ভাবিস
কেন, দাদাত বেশ বুঝিয়ে দিলে।”

গৃহিনী কিছু বিরক্ত হইয়া কহি-
লেন!

“যা তোরা বকিসনে, এতকাল
যেন কেউ কখন জানিনি, তাই তোরা
জানাতে এলি”।

এমন সময় হলধর চৌকিদার বাড়ির
ভিতর আসিয়া যদুপতিকে কহিল,
“দাদা ঠাকুর, বাবা ঠাকুর তোমাকে
ডাক্চে, একবার এদিকে এসো।”

“কেন?”

“এসোতো”।

“চল যাই, আবার কাছারিতেও
যেতে হবে, বেলা গেল”।

* * *

ক্রমে দিননাথ অস্তশিখরগামী
হইলে সন্ধ্যাসতী ধরাধামে সমাগত
হইলেন। ক্রমে নিশাদেবী হিরকমালা
মগ্নিত হইয়া তদনুগামিনী হইলেন।
রাত্র, সন্ধ্যা, এক প্রহর, দেড় প্রহর,
দেখিতে দেখিতে দুই প্রহরের ঘনাঘন
হইয়া আসিল। কুটির পশ্চদ্বাগের উপ-
বনস্থ বৃক্ষ চূড় সকল জোনাকির ক্ষণিকা-
লোকে অপূর্ণ শোভা ধারণ করিয়া
মন্দবায়ু সহকারে ইতস্ততঃ সঞ্চালিত
হইতেছে।

এই সময়ে এই উপবন বা নিকুঞ্জ
নিকটে যক্ষি হস্ত একজন পুরুষ দণ্ডায়মান
হইয়া কাহার অপেক্ষা করিতেছেন
এমনি বোধ হইল। যাহা হউক এই
পুরুষটিকে চিনিতে পারিয়াছি, উনি
আমাদের চিরপরিচিত নায়েব মহাশয়।
ইনি যখন এইরূপে কাহার আগমন
সাপেক্ষ হইয়া দণ্ডায়মান আছেন,
অমনি দূরে মনুষ্য-পদ শব্দ হইল।
তিনি চকিতের ন্যায় সেই দিকে
তাকাইলেন এবং বোধ হইল যেন
তাঁহার আশঙ্কুর সহসা শাখা
প্রশাখাদি বিশিষ্ট বৃক্ষ বিশেষের
আকার ধারণ করিয়া উঠিল। যদিকে
শব্দ হইয়াছিল, এক দৃষ্টে সেইদিকে
নয়ন পাত করিয়া রহিলেন।

নায়েবমহাশয়ের শ্রবণ শক্তি অল্প

নহে। সত্যই অদূরে একটি মনুষ্য
মুত্তী নয়ন গোচর হইল। ঐ মুত্তী, যাহার
অপেক্ষা করিতেছিলেন তাহার কি
অন্য কাহার, যদিও এখন নিশ্চয়
করিতে পারেন নাই, কিন্তু কি জানি
কি নিমিত্ত সহসা তাঁহার বুক দুর্ ২
করিয়া সর্কশরীর কম্পিত হইয়া পরে
শ্বেদ বিগলিত হইল। এই অবসরে
ঐ মনুষ্য মুত্তী আরও নিকটবর্তী হইল।
উহা বাস্তবিক নায়েব মহাশয়ের ভাগ্য
গুণে পরিচিত না হইয়া অপরিচিত,
একটি সন্ন্যাসীর মুত্তীর ন্যায় অনুভব
হইল। অপরিচিত বলে অপরিচিত!

ঐ মুত্তী যথার্থই এই রাত্রে প্রান্তর
ভূমিতে বিষম ভয়শীল তাহার সন্দেহ
নাই। মস্তক বিষম জটাজালে তারভূত,
চক্ষু দুটি তারকার ন্যায় উজ্জ্বল, যেন
তাহা দিয়া উদ্দিপ্ত অগ্নি রাশি প্রসবিত
হইতেছে, কটিতে ব্যাস্রচর্ম্ম, তল্লগ্ন
চিমটা বান্ধ শব্দে সুপ্ত নিশীথি-
নীকে জাগ্রত করিতেছে। হস্তে
ত্রিশূল। ফলকদ্বয় দিপ্ত দিনকরের
ন্যায় বাক্ ২ করিতেছে। এমনি বিকটাকার
ও ভয়াবহ! ইনি আবার ধীরে ২ নায়েব
মহাশয়ের সন্মুখে আসিয়া দণ্ডায়মান
হইলেন। নায়েব মহাশয় আর নাই,
গলদ্বর্মে অঙ্গের বসন ভিজিয়াগেল,
কণ্ঠরোধ প্রায়; নয়ন নিশ্চল হইয়াছে
স্বামির উপর বিপন্ন ধারণ করত সেই
মুত্তী তে পতিত হইয়া ক্রমাগত তাহা হইতে
ভয় আহরণ করিতেছে। অনেকক্ষণ পরে
বাক্যস্ফূর্ত্তি হইল, করযুক্ত করিয়া
শ্বাস-মিশ্রিত স্বরে সন্ন্যাসীর প্রতি বিনীত

ভাবে প্রশ্ন করিলেন।

“বাবা তুমি কে?”

সন্ন্যাসী সহসা বিমুখ হইলেন;
আবার তাঁহার দিকে ফিরিয়া ঘনাবলীর
ন্যায় গম্ভীর স্বরে তাড়না বাক্যে
কহিলেন।

“চুপ কর নরাধম, বেশি খোসামোদের
দরকার নাই। আমি যা জিজ্ঞাসা করবো
তার উত্তর ভিন্ন অধিক বাক্য ব্যয় করি-
লে এই ত্রিশূল তোমার রক্ত শোষণ
করিবে।”

নায়েব কাঁপিতে ২ কহিলেন।

“যে আজ্ঞে।”

সন্ন্যাসী জিজ্ঞাসা করিলেন।

“তুমি এখানে এত রাত্রে দাঁড়িয়ে
আছ কেন?”

“ঘরে বড় গরম বোধ হয়েছিল,
তাই একটু বাতাসে বেরিইচি।”

“কেন এ জঙ্গলের ধার বই বেড়ানোর
কি আর ভাল যায়গা ছিলনা।
সত্য কথা বল”।

“এই বলিয়া বিকট নয়নভ-
ঙ্গীতে তাহার দিকে চাহিলেন,
অমনি যেন সেই খরদৃষ্টি-আকর্ষণ-শক্তি
প্রভাবে নায়েবের কণ্ঠ হইতে সত্য
কথা গুলি আপনি বাহির হইতে
লাগিল। নায়েব ভয়ে জড় সড় হইয়া
উত্তর করিলেন।

“একজন লোকের অপেক্ষায়।”

“কি জন্যে?”

“একটা কথা আছে।”

সন্ন্যাসী কিঞ্চিৎ উদ্ভ্রত সহকারে
বলিয়া উঠিলেন।

“মুখ এখনও প্রবঞ্চনা” ।

এই বলিয়া ত্রিশূল উঠাইলেন ।

নায়েব মহাশয় খত মত খাইয়া কি কহিবেন কি হইবে, কিছুই ভাবিয়া ঠিক করিতে পারিলেন না । শেষে অর্ধক্ষুণ্ট স্বরে কহিলেন

“এ এ এক যা যা যা ”

সন্ন্যাসী । “কোথায় ?”

নায়েব “এই-এই-এই গিয়ে”

সন্ন্যাসী । “বেহায়া, রাখ, আর বেহা-
য়ামিতে কাজ নাই, আমি জানি । তোর,
লজ্জা নেই, পরশু তোর এক কাণ্ড হয়েছে,
আবার আজ তুই রঞ্জে মেতেচিস ।”

নায়েব । “না না তানয় ।”

সন্ন্যাসী । “চুপ, আবার মিথ্যে কথা ।”

নায়েব । “বাবা, তুমি কে ?”

সন্ন্যাসী অত্যন্ত বিরক্ত হইয়া আবার
ব্রহ্মত্যা সহ কহিলেন ।

“আবার বেহায়া ।”

নায়েব চুপ করিয়া রহিলেন ।
এমন সময় হলধর চৌকিদার নিকটে
আসিয়া উপস্থিত হইল, কিন্তু এই সকল
ব্যাপার দেখিয়া ভয়ে এক পাশ হইয়া
দাঁড়াইল ।

সন্ন্যাসী পুনর্বার আক্রমণ করিলেন ।

“আচ্ছা আর বেহায়ামিতে কাজ নেই,
ফের ; পুনর্বার যদি এরূপ দেখি তবে
এই ত্রিশূলের ঘায়ে তোর প্রাণ বার-
করেবো ।”

নায়েব । “যে আজ্ঞে”

বলিয়া চুপ করিলেন ।

সন্ন্যাসী আত্মকার্য সিদ্ধ দেখিয়া
গমনোদ্যত হইয়া কহিলেন ।

“তুমি বারম্বার আমাকে জি-
জ্ঞাসা করেছ আমি কে, সকল রকম
কুকাজ যার সঙ্গে সাক্ষাৎ, আপন
পেট ভরাতে যে উপকারকের গুণ
মানেনা, আত্ম স্বার্থের অনুরোধে
যে আপন ভাই পর্যন্ত বিসর্জন দিতে
কুণ্ঠিত হয় না আমি তারই দণ্ড দাতা ।”

এই বলিয়াই পতনশীল তারকার ন্যায়
দেখিতে দেখিতে অন্তর্ধান হইলেন ।

নায়েব কাষ্ঠ পুত্রলিকা বৎ দাঁড়াইয়া
সেই দিকে নয়ন পাত করিয়া রহিলেন ।
হলধর সন্ন্যাসীর অনুজ্ঞাদি শুনিয়া
পর্যন্ত যেন ছট্ ফট্ করিতেছিল ।
শেষে সন্ন্যাসীকে প্রশ্ন করিতে দেখিয়া,
আহ্লাদিত হইয়া নায়েব মহাশয়ের কাছ
ঘেষিয়া আসিয়া উৎসাহ বাক্যে কহিতে
লাগিল ।

“আপনি চলেন, ও শালা কি
করবে, এমন তেমন করে তো অ্যাক
লাটির ঘায় সাত্ করে দেবো ।”

“নারে একে ঘন সরেনি, তায় এই
সর্বমেশে বাবা ?”—

“এই কথা প্রকাশ্যে বলিয়া
যাই কি থাকি এই মনে তোলা-
পাড়া করিতেছেন এমন সময় কুঠির
ভিতর হইতে একটি চিৎকার ধ্বনি
তাঁহার কর্ণকুহরে প্রবেশ করিল, অমনি
শিক্ষিতের ন্যায় সেইদিকে দৌড়িয়া
চলিলেন । হলধর তাঁহার পশ্চাৎ পশ্চাৎ
ছুটিল, বোধ হইল যেন তাহার অভি-
প্রায় তাঁহাকে ধরিয়া রাখা ।

ডাকাতি ব্যাপার ।

নায়েব মহাশয়ের সঙ্গে যৎকালে

সন্ন্যাসীর দেখা হয়, তাহার অব্যবহিত
পূর্বে কাছারি-বাড়ির প্রতি ঘরে ২ দে-
খিলে দেখিতে পাওয়া যায়, সমস্ত ঘরই
অন্ধকার এবং সকলেই আপনাপন
স্থানে নিদ্রার কোমলাঙ্গশায়ী হইয়া
রহিয়াছে । কিন্তু একটিতে আলো জ্বলি-
তেছিল কেন ? ও ঘরটি আয়তনে ক্ষুদ্র
কিন্তু পরিষ্কার ও পরিচ্ছন্ন । দেয়াল
ঠেসা করিয়া এক খানি খাট পাতা,
তাহাতে আধ ময়লা একটি বিছানা
পাতা । সম্মুখে কাপড় রাখার নিমিত্ত
এক গাছি দড়ি ঝুলান রহিয়াছে, তাহাতে
খান কয়েক কাপড়ও ঝুলিতেছে ।
অধিক কথা কি, এঘর খানি একজন
অম্প পয়সাওয়াল কৰ্মচারির নিজস্ব
ঘর ও শয়ন মন্দির ।

মোঝাতে একটি পাটি পাতা, সম্মুখে
একটি প্রদীপ জ্বলিতেছে । কতক গুলি
খাতা পত্রের দপ্তর কাছে একজন বসিয়া
তাহা নাড়া চাড়া করিতেছেন ও মধ্যে ২
একটু আধটু লিখিতেছেন । রাত্র জাগরণে
ও পরিশ্রমে তাঁহার মুখশ্রী ঈষৎ ম্লান
বোধ হইতেছে । মাঝে মাঝে
অত্যন্ত ক্লান্ত হইয়া পড়িতেছেন, এবং
“কি কন্মোভোগ” বলিয়া মাঝে ২ এক
একটি দীর্ঘ নিশ্বাস ফেলিতেছেন ।
ইঁহাকে পাঠকের নিকট পরিচিত করিতে
অধিক কষ্ট পাইতে হইবে না । ইনি
খাজাঞ্চি হরনাথ ।

হরনাথ ক্লান্ত হইয়া কানে কলম
গুঁজিয়া বসিলেন । কতক্ষণ চুপ
করিয়া থাকিলেন; মাঝে ২ স্বহস্তে
তামাকও সাজিয়া খাইলেন । আবার

চুপ করিয়া ভাবিতে লাগিলেন; মুখ
আরও মলীন বোধ হইল, শেষে উঠিয়া
পা টিপে টিপে কাছারির ঘরের দিকে
চলিলেন ।

দেবগিরি ।

ক্রমশঃ ।

অপূর্ব সহবাস ।

দ্বিতীয় স্তবক ।

পথে অগণ্য লোক,—সকলেই সশস্ত্র,
অথচ ছত্রভঙ্গ হইয়া ইতস্ততঃ পলায়ন
করিতেছে । সঙ্গী আকুলচিত্তে অশ্বের
রশ্মি সংযত করিয়া উচ্চঃসরে বলিলেন ।

“তোমরা কে,—এত রাত্রিতে দল-
বদ্ধ হইয়া গমন করিতেছ ?”

“সর্বনাশ উপস্থিত, আর রক্ষা নাই,
বিপক্ষগণ দুর্গ আক্রমণ করিয়াছে । কিয়ৎ-
ক্ষণ যুদ্ধের পর সেনাপতিও পলায়ন
করিয়াছেন ।”

সঙ্গী । “যে যেখানে আছ, দণ্ডায়মান
হও, একপদ অগ্রসর হইলেই মস্তকচ্ছেদন
করিব ।”

“আপনি কে ?”

সঙ্গী । “সঙ্গী,—চিতোরের অধি-
পতি মহারাজ উদয়সিংহের প্রণয়িনী—
সঙ্গী ।”

“দেবি ! আমাদিগকে কি প্রাণ হারা-
ইতে আদেশ করেন ?”

সঙ্গী । “তোমরা আমার সহিত যুদ্ধে
যাইবে কি না বল ?”

সেনাগণ নিরুত্তর হইয়া স্তম্ভবৎ দণ্ডা-
য়মান রহিল ।

সঙ্গী । “সৈন্যগণ ! বিন্দুমাত্র রাজ-

পুত্র রক্ত পৃথিবীতে থাকিতে ধর্মদেষ্টী
দুরাচার যবনগণ চিতোরের রাজলক্ষ্মী
উপর—তোমাদিগের মাতার উপর যথেষ্ট
ছাচরণ করিবে? তোমরা জীবিত থাকিতে
আমরা,—তোমাদিগের অবরোধ-
কামিনীগণ যবনের দাসী হইব?—যব-
নের যথেষ্টাচারের পাত্রী হইব? তা-
হাই দেখিবার জন্য কি তোমাদিগের জন্ম
হইয়াছিল? রাজপুত্র-রক্তের কি এই
পরিণাম! একদিকে রাজার অপমান,—
শত্রুহস্তে অবরোধ, অন্যদিকে তাঁহার
পুত্রগণের আপন আপন স্ত্রী পুত্র দর্শনে
লালসা! তোমাদিগের পত্নীগণ কি আ-
মার ন্যায় এক উপকরণে নির্মিত হয়
নাই? তাহারা কি যুদ্ধে পরাজিত পলা-
য়িত স্বামীর মুখ দর্শন করিবে?—তা-
হার সহিত আলাপ করিবে? কখনই
না। তাহারা চিরকাল বিধবার আচার
পালন করিবে, দ্বারে দ্বারে ভিক্ষা করিয়া
খাইবে, তথাপি যুদ্ধে পলায়িত স্বামীকে
পতি সম্বোধনে আহ্বান করিয়া পবিত্র
আত্মাকে ঘৃণিত করিতে পারিবে না।

নরাধমগণ! তোমাদের পত্নীগণের যেরূপ
সাহস যেরূপ তেজ, দেখিতে পাওয়া যায়,
তোমারিকি তার বিন্দুমাত্রেরও অধিকারী ন-
হিস্। যবনহস্তে আত্মরাজ্য প্রদান করিয়া
যবনের দাস হইয়া থাকিবি? জগদ্বিখ্যাত
রাজপুত্রগণ যবনের দাস হইবে, এই
মস্তক যবনের আঞ্জা পালন করিবে?
এখনি ঐ মস্তক ঐ পাপ দেহ হইতে
ছিঁড়িয়া পড়ুক, রাজপুত্র নাম পৃথিবী
হইতে লয়প্রাপ্ত হউক।—আমার সম্মুখে
কি যুদ্ধে ভীত রাজপুত্র-সেনা দণ্ডায়-

মান?—না সমরশায়ী রাজপুত্র সেনার
শ্রেতমূর্ত্তি দণ্ডায়মান? যে মরণ শ্লাঘ-
নীয়, প্রার্থনীয়, সেই মরণে ভয় পাইয়া
জীবনে অভিলাষ! রে কৃতঘ্নগণ! যিনি
পিতার ন্যায় তোদিগকে এতকাল পা-
লন করিয়া আসিলেন, তোদের সুখ
সম্পদের জন্য এক দিনের জন্য এক
মুহুর্ত্তের জন্য, সুখে নয়ন মুদ্রিত করেন
নাই, তৃপ্তি পূর্ব্বক আহারও করেন নাই,
সেই পিতৃতুল্য মহারাজ উদয়সিংহকে
কি বলিয়া আজ শত্রুহস্তে নিক্ষেপ করি-
য়া আসিলি? কোথায় তাঁহাকে রাখিয়া
আসিয়াছিস বল, তোদিগকে চাহি না,—
ভীরা কাপুরুষের সহায় চাহি না। আ-
মরা—সমুদায় চিতোরের কুলমহিলাগণ
একত্র হইয়া যুদ্ধে গমন করিব, বিপক্ষের
মস্তকচ্ছেদন করিব, মহারাজ উদয়সিং-
হকেও উদ্ধার করিব। আজ হইতে রাজ-
পুত্রকুল নির্মূল হউক,—পুত্রভেজ-পূরিত
ক্ষত্রিয়গর্ভ বজ্রে নিষ্পিষ্ট হউক; আর
যেন ক্ষত্রিয় কুলের কলঙ্কস্বরূপ এ পাপা-
ত্মাদিগের নাম পর্যন্ত শুনিতে না হয়।
যে পুত্রের পিতার মরণে,—মাতার প্রতি
বিধর্ম্মীর অত্যাচারে ভ্রক্ষেপ নাই,
পত্নীর অঞ্চলে আত্মদেহ লুক্কায়িত করিয়া
পতিপ্রাণা প্রণয়িনীকেও পরপুরুষের,—
যবনের ক্রোড়ে নিক্ষেপ করিতে লজ্জা
হইল না, মাতঃ বসুন্ধরে! এখনি সেই
সকল ভীরা নরাধমদিগকে আত্মসাৎ কর;
উহাদের পরমাণুও যেন আর তোমার
উপরিভাগে বিচরণ করিতে না পায়।
ক্ষত্রিয়ের মরণে ভয়, যবনে ভয়! কর্ণ
বধির হও, আর যেন এ পাপকথা শুনি-

তে না হয়। বায়ু প্রতিহত হও, এই
পাপবর্ত্তা যেন আর দুইহস্ত অগ্রেও
গমন না করে? এই ভূভাগ সর্ব্বসমেত
এখনি রসাতলে গমন করুক, রাজপুত্র
কুলের হীনতার কথা যেন জগতের আ-
ন্দোলনের বিষয় হইতে না পায়।”

সঙ্গী ক্ষান্ত হইলেন, সেনাগণ পূর্ব্ব-
বৎ স্থিরভাবেই দণ্ডায়মান রহিল।

সঙ্গী। “পুত্রগণ! ক্ষুভিত হইও না,
তোমরা আজ যে ক্ষোভের কার্য্য করিয়াছ,
যতদিন পৃথিবী থাকিবে, গগনে চন্দ্র সূর্য্য
বিদ্যমান থাকিবেন, ততদিন তাহা যাই-
বার নহে। তোমাদের মহারাজ তোমাদের
হস্তে আত্ম সমর্পণ করিয়া যুদ্ধে গিয়াছি-
লেন, সেই তাঁহাকেই শত্রুর হস্তে সমর্পণ
করিয়া অক্ষুণ্ণ চিত্তে গৃহে প্রত্যাগমন
করিলে, এক্ষণে আবার আমাদিগকে
কাহার নিকট রাখিয়া বিপক্ষের ভয়ে
পলায়ন করিতেছ? রাজপুত্র সেনা শত্রু-
ভয়ে ভীত হইয়া পলায়ন করিবে, এ কথা
এতদিন স্বপ্নকল্পিতের ন্যায় লোভ হইত।
আমি যতদিন এই পৃথিবীতে ভূমিষ্ঠ হই-
য়াছি, ইহার মধ্যে একদিনও শূনি নাই,
কম্পনাও করি নাই, যে রাজপুত্রগণ বিপক্ষ
শোণিতে ধরাতল অভিমুক্ত না করিয়া
গৃহে প্রত্যাগমন করিয়াছে; তোমাদিগের
এক এক দিনের যুদ্ধের কথা মনে হইলে
হৃৎকম্প উপস্থিত হয়, সেই তোমরাই
কি আজ বিপক্ষের ভয়ে পলায়ন করি-
তেছ? চিতোরের সৈন্যগণ যবন-ভয়ে
ভীত হইয়া পলায়ন করিতেছে!—যাহারা
যুদ্ধার্থী হইয়া কোন দেশে গমন করিবে
বলিয়া সংকল্প করিত, শুনিয়াছি, এক

পক্ষ থাকিলে সেই দেশে নানা প্রকার
দুর্লক্ষণ সকল আবির্ভূত হইত। সেই
রাজপুত্রগণ আজ দেশের স্বাধীনতা ও
আপন আপন স্ত্রী পুত্র কন্যাকে বিসর্জন
দিয়া আপন জীবন রক্ষায় ব্যতিব্যস্ত হই-
তেছে! ভগবতী কাত্যায়নী তোমাদিগেরই
উপাশ্রা, ভগবান শৈলেশ্বর তোমাদিগেরই
অভীষ্ট দেবতা, আজ তোমাদিগের
অভাবে দুরাত্মা যবনগণ তাঁহাদিগের
মস্তকে নিশ্চয়ই গোরক্ত প্রক্ষেপ করিবে।
আজ হইতে প্রতিদিন দেশে শত শত
গোহত্যা হইতে থাকিবে, তোমাদেরই
কামিনীগণ তাহাদের শয্যাগৃহের পরি-
চারিকা হইবেন, বৃদ্ধ পিতামাতা দাসদা-
সীর ন্যায় করযোড়ে অগ্রে দণ্ডায়মান
থাকিবেন, পালিত গাভির অগ্রে বৎস
নিহত হইবে, দেবালয় ভূমিসাৎ হইবে,
ধর্ম্মপুস্তক তন্মসাৎ হইয়া যাইবে। অথচ
তোমরা জীবিত থাকিয়া দেশ দেশান্ত্রে
উদরানের জন্য পরের উপাসনা করিতে
থাকিবে;—”

সৈন্য। “মাতঃ! ক্ষান্ত হউন, চিতো-
রের এক বিন্দু রক্তও বহমান থাকিতে
কেহ আমরা আপনার সঙ্গ পরিত্যাগ
করিব না। এই উদ্যত খড়্গ যদি একজন
যবনকেও বিনষ্ট করিয়া ভগ্ন হয়, তথাপি
ইহার সারবত্তা জগতে ঘোষিত হইবে,
এই সমবেত রাজপুত্র সেনা যদি একজন
বিধর্ম্মীকেও প্রাণে মারিয়া সমূলে নির্মূল
হয়, তথাপি ইহাদিগের জীবন শ্লাঘ্য-
জীবন বলিয়াই গণ্য হইবে। চলুন,
আপনার সহিত জলে অনলে যম্মালায়েও
যাইতে ভীত হইব না”।

সুগভীর সিংহনাদে গগনতল প্রতি-
ধ্বনিত হইয়া উঠিল। সঙ্গী, সৈন্য সঙ্গে
বিষয় উৎসাহে দক্ষিণাভিমুখে অশ্ব-
চালনা করিয়া দিলেন।

তৃতীয় স্তবক।

প্রাতঃকাল,—ভগবান তপনদেব তরুণ
অরুণ কিরণে জগতীতল আলোকিত
করিয়া তুলিলেন, মলয়ানিল মৃদুমন্দ
হিল্লোলে প্রবাহিত হইতে লাগিল। মৃদুল
অথচ উষ্ণোষ্ণ রবিকর সংস্পর্শে পদ্মিনীর
সর্কশরীর উষ্ণ, ও নয়নের হিমজল নয়নেই
শুকায়িয়া গেল, বিষম মানও ভঙ্গ হইল;
সতীর মান পতির অদর্শনেই বাড়িয়া
থাকে, দর্শনে বিলুপ্ত হইয়া যায়। পদ্মিনী
হাসিতে হাসিতে প্রিয়তমের করে আত্ম-
সমর্পণ করিলেন; দিবাকরও আশ্বস্ত হইয়া
রাগরক্ত হৃদয়ে ক্রমে অগ্রসর হইতে
লাগিলেন।

বেলা চারিদণ্ড অতীত; আকবর
সিংহাসনে উপবিষ্ট আছেন, হৃদয়
নিতান্ত উদ্বিগ্ন, কিছুতেই চিত্ত স্থির
হইতেছে না, একবার শিবির দ্বারে আ-
সিয়া এক দৃষ্টে পথপানে চাহিতেছেন,
আরবার গিয়া আপন সিংহাসনে বসি-
তেছেন। “বেলা প্রায় এক প্রহর
হইতে যায়, কিন্তু কই এখনো কাহারও
দেখা নাই, কারণ কি?” উঠিলেন,
পুনরায় শিবির দ্বারে আসিয়া দাড়াই-
লেন, কেহই নাই। ক্ষুণ্ণ মনে গৃহে
প্রবেশ করেন, সম্মুখে অনুচর করপুটে

দণ্ডায়মান।—যথাযথ অভিবাদন করিয়া
দূরে দণ্ডায়মান হইল।

“বিজয় আসিতেছেন!”

অনু। “না ধর্ম্মাহতার! এখনো তাঁহার
নিদ্রাতঙ্গ হয় নাই।” আকবর শূন্য মনে
ওষ্ঠ দংশন করিতে লাগিলেন। অনুচর
উত্তরের প্রতিক্ষায় সেই ভাবেই দণ্ডায়-
মান রহিল; কিন্তু তিনি কোন কথা উল্লেখ
না করিয়া বিজয়ের শিবিরে আসিয়া
প্রবেশ করিলেন। বিজয় নিদ্রায় অভি-
ভূত, অচেতনে আপন শয্যায় শয়ান
রহিয়াছেন। “নিদ্রিতের নিদ্রায় ব্যাঘাৎ
অযুক্ত।” ভাবিয়া শয্যার সমীপস্থ আসনে
গিয়া উপবেশন করিলেন, মস্তকে কি
সংলগ্ন হইল। চাহিয়া দেখেন, বিজয়ের
রণ পরিচ্ছদ। কিঞ্চিৎ অন্তরে রাখিবার
মানসে যেমন সরাইবেন, দেখেন উহার
মধ্যে এক খানি পত্র রহিয়াছে। বিজয়ের
দিকে দৃষ্টি নিক্ষেপ করিলেন, বিজয়
নিদ্রায় অচেতন, অস্পন্দ। পত্রখানি
বাহির করিলেন। “অন্যের পত্র, উন্মোচন
করা নীচতার কার্য, কিন্তু অত্যন্ত ইচ্ছা,
কিছুতেই ইচ্ছার গতি প্রতিরুদ্ধ হইল না।
পুনরায় বিজয়ের প্রতি দৃষ্টি নিক্ষেপ
করিলেন, বিজয় সেই ভাবেই অবস্থিতি,
ভয়ে ভয়ে পত্রখানি উন্মুক্ত হইল।

“বিজয়! আমি তোমা ভিন্ন আর
কাহারই নহি কিন্তু মহারাজ জীবিত
থাকিতে অন্তত চক্ষুঞ্জাতেও প্রকাশ্যে
তোমার করে আত্ম সমর্পণ পারিব না।
মহারাজ আমাকে প্রাণ তুল্য ভাল বাসেন,
বিশেষ তাঁহার বর্ত্তমানে আমরা একদণ্ডের
জন্য কোথাও মুখী হইতে পারিব না।

“এ কাহার পত্র?” আকবর
অনেকক্ষণ ঐ বিষয়ে চিন্তা করিতে
লাগিলেন, স্থির হইল না। পুনরায়
পত্রখানি পাঠ করিলেন, বদন ল্লান
হইল। “যে আশায় উদ্ভাস্ত হইতেছি,
বুঝি সেই আশারই মূলে কুঠারাঘাত
হইল।” যেখানকার পত্র সেই খানেই
রাখিয়া দিলেন ও বিজয়ের শিবির হইতে
আপন শিবিরে প্রবেশ করিয়া, অনুচরকে
বলিলেন, “যদি এখনো বিজয়ের নিদ্রাতঙ্গ
না হইয়া থাকে, তাহা হইলে আমার
নাম করিয়া উঁহাকে ডাকিয়া আন।”
অনুচর গমন করিল, আকবর আপন
সিংহাসনে গিয়া উপবেশন করিলেন।

বিজয়সিংহ অনুচরের সহিত আক-
বরের সিংহাসন সম্মুখে উপস্থিত হইয়া
যথাযথ অভিবাদন পূর্ব্বক নির্দিষ্ট আসনে
উপবেশন করিলে আকবর বলিলেন।

“বিজয়! তুমি না বলিয়াছিলে, যখন
রাজ্য রুদ্ধ হইয়াছেন, তখন আর কাহারও
যুদ্ধ করিতে সাহস হইবে না, সহ-
জেই চিতোর হস্তগত হইবে। তবে
আবার কোন্ ব্যক্তি আসিয়া যুদ্ধে
প্রবৃত্ত হইল?”

বিজয়। “বুঝিতে পারিতেছি না।
প্রধান সেনাপতি যখন আমাদের বাধ্য
হইয়াছে, তখন আর কে আছে, যে,
রাজপুতসেনার অধিনায়ক হইয়া যুদ্ধে
আসিতে সাহস করিবে?”

আক। “পৃথ্বীরাজ সৈন্যসমত সেই
খানেই রহিয়াছেন, অথচ ভাল মন্দ কিছুই
সমাচার দিলেন না। সময় স্থলে এক

জন দূতও পাঠাইয়াছি, তাহারও দেখা
নাই।”

বিজয়। “আমাকে কি যাইতে আজ্ঞা
করেন?”

আক। “না, তাহা বলি না, কিন্তু সেনা-
পতি তোমার সহিত কিছু কি বলিয়া
গিয়াছিল?”

বিজয়। “ঐ-ই কথা;—নিশীথ সময়ে
সকলে নিদ্রিত হইলে বিপক্ষগণ দুর্গ
আক্রমণ করিয়াছে বলিয়া সেনাপতি
দামামা ধ্বনি ও নানা প্রকার গোলোষণ
উপস্থিত করিবে, অন্যান্যকে বিশেষ ভীত
করিবার মানসে সভয়চিত্তে আপনিও
দুর্গ পরিত্যাগ করিবে। এদিকে পরা
মশী সৈন্যগণ গোপনে থাকিয়া দুর্গের
প্রতি অস্ত্রাদি বর্ষণ করিতে থাকিবে।
একে দুর্গের সৈন্য অস্প, তাহাতে
রাজ্য বন্দী হইয়াছেন, সেনাপতিও
পলায়ন করিল, কাষেই অপরাপর সেনা-
গণ ভীত হইয়া দুর্গ পরিত্যাগ করিয়া
পলায়ন করিবে। প্রাতে দলবল সমেত
আমরা দক্ষিণ দ্বার আক্রমণ করিলে দ্বার-
রক্ষক সেনাগণ অতি অস্পক্ষণের মধ্যেই
পরাজিত হইবে। ইহা ভিন্ন আর কিছুই
বলিয়া যায় নাই। ভাল, আপনি সন্ধির
প্রস্তাব করিলেন কেন?”

আক। “রাজপুতগণ এমন বিপদ
সময় সন্ধির প্রস্তাবে বিশেষ আত্মদিত
হইয়া অদ্যকার রণসজ্জার জন্য তত
ব্যস্ত থাকিবে না, বিশেষ বিশ্বাসের জন্য
ঐ পত্রে তোমারও নাম স্বাক্ষর করাইয়া
লই। পাছে প্রকাশ হয়, এই জন্য কথ্য
কিছুই বলি নাই।—কিন্তু কোথায় আমরা

নগর আক্রমণ করিব, না হইয়া রাত্রি মধ্যে উহারাই আসিয়া আমাদের শিবির আক্রমণ করিল? শুনিলাম, আমাদিগের সেনাগণ যুদ্ধে জয়লাভ করিয়া অনেক রাত্রি পর্যন্ত আমোদ প্রমোদে উন্মত্ত ছিল। যখন বিপক্ষগণ আসিয়া আক্রমণ করে, তখন প্রায় কাহারই তাদৃশ ক্ষমতা ছিল না যে, বিশেষ বলবিক্রম সহকারে বিপক্ষের সম্মুখবর্তী হইতে পারে।”

বিজয়। “দিল্লীর অধিপতি আকবরের নাম শ্রবণেই শক্রসেনা অচিরে ভস্মসাৎ হইবে, সে জন্য চিন্তা করিবেন না।”

আক। “সে যাহা হয় হইবে। কিন্তু তোমাকে আর একটা কথা জিজ্ঞাসা করি, সত্য বলিবে বল।”

বিজয়। “পৃথ্বীনাথ! আপনার নিকট আমার অকথ্য কি আছে? আজ্ঞা করুন, বিশেষ গোপনীয় হইলেও আপনার অজ্ঞাত থাকিবে না।”

আক। “শুনিয়াছি, উদয়ের ধর্ম পত্নীও নাকি দেখিতে পরম রূপবতী?”

বিজয়। “অধিক আর কি বলিব, মতি-বিবীর অনুরূপ বা কিছু উৎকৃষ্ট হইবেন; কিন্তু বয়স অধিক হইয়াছে।”

আক। মতির একটীমাত্র সন্তান?

বিজয়ের বদন ল্লান হইল, কষ্টে উত্তর করিলেন, “হ্যাঁ।”

আক। “সন্তানটার বয়স কত?”

বিজয়। “দশ বৎসর, প্রতাপ অপেক্ষা দুই বৎসরের ছোট।”

আক। “যাহাই হউক, যুদ্ধের সংবাদটা

না পাইলে আর কিছুই ভাল লাগিতোছে না।”

উদয়ের এইরূপ কথোপকথন হইতেছে, এমন সময় রাজদূত শশব্যস্তে সেই স্থলে আসিয়া প্রবেশ করিল। উদয়েই আশ্বেব্যস্তে তাহাকে জিজ্ঞাসা করিলেন,

“কেন এরূপ ভাবে আসিবার কারণ কি?”

দূত। “ধর্মাবতার! জানি না, কে একটা স্ত্রীলোক রণবেশে সৈন্য-সম্মেত শিবির আক্রমণ করিয়া উদয়সিংহকে লইয়া পুরপ্রবেশ করিয়াছে। পৃথ্বীরাজ ও নান্দু খাঁ অনেকক্ষণ যুদ্ধ করিয়াছিলেন, কিন্তু কিছুই করিতে পারেন নাই। সৈন্যসম্মেত দক্ষিণ দ্বার অবরোধ করিয়া রহিয়াছেন, অনুমতি হইলে পুরদ্বার আক্রমণ করেন।”

আকবর ও বিজয়সিংহের বদন বিষণ্ণ হইল, বলিলেন।

“কি! উদয়সিংহকে লইয়া গিয়াছে?”

দূত। “হ্যাঁ ধর্মাবতার!”

আক। “ভাল, উদয়সিংহের সেনাপতি যুদ্ধে আসিয়াছিল?”

দূত। “না।”

আক। “বিজয়! কিছুই ত বুঝিতে পারিতেছি না।”

বিজয়। “তাই ত।”

আকবর দূতের প্রতি দৃষ্টি নিক্ষেপ করিয়া বলিলেন।

“দেখ, বেলা দুই প্রহরের পর যে সেনা এখানে আসিবে, তাহাদিগকে

ঐ দক্ষিণ দ্বারে যাইতে বলিও। এখকার সেনাগণও যেন সর্বদা সাবধানে শিবির রক্ষা করে।” বলিয়া বিজয়কে কহিলেন,

“বিজয়! চল, আমরাও ঐ স্থলে গমন করি।”

উদয়ে রণবেশে সজ্জিত হইয়া দক্ষিণাভিমুখে গমন করিলেন।

(ক্রমশঃ)

বঙ্গ দর্শন।

ও

উত্তররাম-চরিতের সমালোচনা।

আহা! যদি আজ ভবভূতি জীবিত থাকিতেন, তাহা হইলে নিশ্চয়ই তিনি বঙ্গদর্শনস্থ সমালোচকের মাধায় ফুলের বোঝা বাঁধিয়া দিতেন। ভবভূতি! নিশ্চয়ই তুমি আজ বঞ্চিত হইলে, “উৎপৎসাতে-হস্তি মন কোপি সমানধর্ম্মা, কালোহয়ং নিরবধিবিপুলা চ পৃথ্বী” তোমার এই বাক্যের সদর্থ এত দিনের পর প্রতিপন্ন হইল, দেখিতে পাইলে না। অন্ততঃ দুই দণ্ডের জন্যও একবার ইহলোকে অবতীর্ণ হও, আসিয়া দেখ, কালেতে তোমার কেমন গুণপনা সকল প্রকাশ হইতেছে! নিতান্ত অদৃষ্ট মন্দ, না হইলে তোমার সমকালে কেন এই মহাত্মার ভ্রমণে অবতারণা হয় নাই?

পাঠকগণ একবার স্থিরচিত্তে বিবেচনা করিয়া দেখুন, “রিভিউ” কর্ত্তা উত্তর-

রাম চরিতের উত্তম উত্তম অংশ গুলি লইয়া কেমন সদর্থ সকল বাহির করিয়াছেন!

ইহার যেরূপ বুদ্ধির গাম্ভীর্য ও তীক্ষ্ণতা, তাহাতে অনর্থক বাঙ্গালা পুস্তকের সমালোচনা করিয়া কেন দুর্কা বনে মুক্তা ছড়াইবেন? সংস্কৃত পুস্তকের সমালোচনা করাই তাহার ন্যায় উপযুক্ত লোকেরই কর্তব্য। “প্রথম ভাগ ঋজুপাঠও ত সংস্কৃত পুস্তক?” বটে, কিন্তু তাহা উহার উদ্দেশ্য নহে, উপযুক্তও নহে, ভাস্করাচার্য্য সামান্য তেরিজ লইয়া কি সময় ক্ষেপ করিবেন। কাব্যের মধ্যে উত্তররাম চরিত, মালতীমাধব ও বীরচরিতই আমাদের সমালোচক মহাশয়ের প্রথম নমুনা, তাহার পর সাংখ্য, ন্যায়, পাতঞ্জল প্রভৃতির কঠিন কঠিন পুস্তকের সমালোচনাই ইহার উদ্দেশ্য, প্রথম প্রথম দুই এক খানি কাব্যের সমালোচনা না করিলে লোকসমাজে “জাহির” হওয়া মুকঠিন। কারণ বঙ্গসমাজ কাব্যপ্রিয়। অতএব কাব্যের সমালোচনা করিতে গেলে কাব্যের মধ্যে ভবভূতির কাব্যই সমালোচকের পক্ষে কতকটা সমালোচনের যোগ্য। অন্য অন্য পুস্তক “রবিস” (অপদার্থ) বলিলেই হয়। না হইলে বিদ্যাসাগর মহাশয়ের দ্বারা পরিশোধিত সংস্কৃত শকুন্তলা সত্ত্বে উত্তররাম চরিতে পদ্য হস্ত বলাইবার কারণ কি?

যাহা হউক এক্ষণে সমালোচক মহাশয়ের স্মৃষ্টি প্রথর নিদর্শন স্বরূপ

তাঁহার উক্ত উত্তররাম চরিতের দুই
একটি অংশ তাঁহার কৃত অর্থের সহিত
নিম্নে উক্ত হইল।

১ম।

“অধগবেশা তাপসী। অয়ে! বন-
দেবতেয়ং ফলকুম্মপল্লবার্ঘেণ মামুপ-
তিষ্ঠতে।

অর্থ,—এ দেখ এই বনদেবতা ফল-
পুষ্প পল্লবার্ঘের দ্বারা আমার অভ্যর্থনা
করিতেছেন।”

অর্থকার এখানে “এ দেখ” এই কথাটি
কোথায় পাইলেন? যদি স্বকপোল
কল্পিত হয়, তাহা হইলে একাকিনী
অধগবেশা তাপসী রঙ্গস্থলে প্রবেশ
করিয়াই বা কাহাকে উদ্দেশ্য করিয়া এ
উক্তি করিলেন? কেন, অভিনয় দর্শনার্থ
যখন এত লোকের সমাগম হইয়াছে?
তখন লোকের অভাব কি? সমা-
লোচক মহাশয়! কেমন, সঙ্গত উত্তর হয়
নাই?

ফল পুষ্প পল্লবার্ঘের প্রকৃত অর্থ কি?
তাপসী (মানবী) বনদেবতাকে (দেবী)
অভ্যর্থনা না করিয়া বনদেবতা তাঁহাকে
অভ্যর্থনা করিলেন কেন? “অধগবেশা
তাপসী” বলিবারই বা কারণ কি? (১)
২য়।

(১) তাপসী মাত্রেই ঋজুস্বভাবা
ও আহাৰ্য্য শোভাশূন্যা। বনের পথ বিশেষ
কোন বাধা পায় না, কাষেই সরল হয়,
ও বিশেষ সংস্কার ব্যতিরেকে প্রায়ই
অপরিচ্ছন্ন থাকে।

পথের পাশ্বেই ফল পুষ্প ও পল্লবে

“স্নিগ্ধশ্যামাঃ কচিদপরতো ভীষণা-
ভোগরুক্ষাঃ।

স্থানে স্থানে মুখরকুকুভো ঝাকুতৈ-
নির্ঝরাণাম্।

এতে তীর্থাশ্রমগিরিসরিদর্ভকান্তার-
মিশ্রাঃ।

সন্দৃশ্যন্তে পরিচিতভুবো দণ্ডকারণ্য-
ভাগাঃ ॥

অর্থ,—এই যে পরিচিত ভূমি দণ্ড-
কারণ্য দেখা যাইতেছে।! কোথাও
স্নিগ্ধ শ্যাম, কোথাও ভয়ঙ্কর রুক্ষ দৃশ্য,
কোথাও বা নির্ঝরণের ঝরঝর শব্দে দিগ-
ন্ত শব্দিত হইতেছে, কোথাও তীর্থাশ্রম,
কোথাও পর্বত, কোথাও নদী, এবং
মধ্যে মধ্যে অরণ্য।”

“নির্ঝরণের ঝরঝর শব্দে দিগন্ত
শব্দিত হইতেছে” ভবভূতি যদি নিজে
এস্থলে “দিগন্ত” শব্দ ব্যবহার করিতেন,
তাহা হইলে নিশ্চয়ই তাঁহার কবিত্তে দোষ
স্পর্শিত, দিগন্ত ও দিকে অনেক ইতর-
বিশেষ আছে। দিগন্ত ব্যবহার করিলে
“ঝাকুত” অর্থ “ঝরঝর” শব্দ ব্যবহৃত

আকীর্ণ বন জঙ্গলে আচ্ছন্ন। অক্ষত
অর্থের একটি প্রধান অঙ্গ হইলেও অভাব
প্রযুক্তই কবি কেবল ফল পুষ্প ও
পল্লব দিয়াই অর্থ সাজাইয়াছেন।
যদি এ সকল অর্থ করিবার বিশেষ
কোন আবশ্যিক নাই, এরূপ হয়, তাহা
হইলে সমালোচনা করিতে যাওয়াই
বিশেষ ধ্বংসকার কার্য হইয়াছে, সন্দেহ
নাই। সমালোচনা করিতে হইলেই কবির
বিশেষ অভিপ্রায়ও লিখিতে হয়।

হইত না। বিজ্ঞ সমালোচক যদি একটু
প্রণিধান করিয়া বুঝেন, তাহা হইলে
বুঝিতে পারিবেন, তাহা দৃশ্য কঠিন নহে।

“এতে তীর্থাশ্রমগিরিসরিদর্ভ-
কান্তারমিশ্রাঃ” “রিভিউকর্তার” অর্থদৃষ্টে
এ চরণটির প্রকৃত ভাবার্থ বুঝা যায় না।
তিনি বলিতেছেন, “কোথাও তীর্থাশ্রম,
কোথাও পর্বত, কোথাও নদী, এবং মধ্যে
অরণ্য” “তীর্থাশ্রম” শব্দের অর্থ কি?
তীর্থ ও আশ্রম এই দুইটি শব্দের
বিশেষ সার্থকতা দেখান উহার উচিত
ছিল। নতুবা যেমন তীর্থাশ্রম তেমনি
রাখিয়া উহার সহজতাই প্রতিপাদন
করা হইয়াছে।

“পর্বতটা” ভিন্নপদ করিলেও তত ক্ষতি
হয় না। কিন্তু “সরিৎটা” পরপদের সহিত
বিভিন্ন করাতে অর্থের কি মধুরতাই দেখা-
ন হইয়াছে, “গর্ভকান্তার” নিজে ভিন্নপদ,
ভাবুকবর অর্থ করিয়াছেন, “মধ্যে ২ গর্ভে
“অরণ্য” অর্থাৎ মধ্যে ২ অরণ্য বিশিষ্ট
দণ্ডকারণ্য। এ অর্থটি কি তামাক অপেক্ষা
কোন উচ্চতর পদার্থ-সেবীর ন্যায়
অর্থ করা হয় নাই? গর্ভে অরণ্য আছে,
কিন্তু কাহার গর্ভে যে অরণ্য আছে,
তাহার ঠিক করিতে পারেন নাই।
যদি বলেন দণ্ডকারণ্যের মধ্যে? তাহা
হইলে “এতে তীর্থাশ্রমগিরিসরিদর্ভ
কান্তারমিশ্রাঃ” এই সমস্তপদের ভিতর
কোথায় দণ্ডকারণ্য আছে, তাহা দেখা-
ইয়া দিন্। যদি বলেন উহা বুঝিয়া
নইতে হইবে, তাহা হইলে উহাকেই
এক মাস বা সমস্ত জীবন সময় দেওয়া
গেল, যেরূপে ঐ পদটির অর্থ করিয়াছেন,

সেই অর্থ বজায় রাখিয়া ঐ রূপ বুঝা-
ইয়া দিন্, “কান্তার” অর্থ “অরণ্য” করিয়া
ভবভূতির প্রশংসা করা হইয়াছে, যদি
আজ সেই ভবভূতি জীবিত থাকিতেন,
তাহা হইলে নিশ্চয়ই আজ উচিতমত পুর-
স্কার পাইতেন। বনের মধ্যে বন আছে এই
কি ভবভূতির কবিত্ত! দেশ কি এক কালে
অরাজক হইয়াছে যে, এক জন অনুপযুক্ত
বুদ্ধিশূন্য আত্মজ্ঞানহীন লোকের হস্তে
পড়িয়া ভবভূতি মারা যান, কেহ একটা
কথাও বলে না। (২)°

সমালোচকের বর্ণিত সমুদায় অংশ
গুলি তুলিতে হইলে প্রবন্ধের সাতিশয়
দীর্ঘতা হইয়া উঠে। এই জন্য আর দুই
এক অংশ তুলিয়াই এ যাত্রা ক্ষান্ত হইতে
হইল।

“শুঞ্জৎকুঞ্জকুটীরকৌশিকঘটাশুৎকা-
রবৎকীচকস্তম্বাডম্বরমুকমৌকুলিকুলঃ—

অর্থ—

“এখানে অব্যক্তনাদী কুঞ্জকুটীরবাসী
পেচককুলে শূৎকারের ন্যায় শব্দায়মান
বংশ গুচ্ছের” ইত্যাদি।

শুঞ্জৎ অর্থ অব্যক্তনাদী! ঐটুকুটির
বিশেষণ, অর্থাৎ কুঞ্জকুটীরটি আপনাপনি

(২) তীর্থাশ্রম পদটির অর্থের বিষয়
এখন কিছুই উল্লেখ করিবার আবশ্যিক
নাই, কারণ সমালোচক উহার কোন
অর্থ ভাঙ্গেন নাই। সরিৎ হইয়াছে গর্ভে—
অর্থাৎ মধ্যে যার এমন যে কান্তার অর্থাৎ
নিবিড়ারণ্য আছে যাতে। “কান্তারোস্ত্রী
মহারণ্যে বিলে দুর্গমবল্লনি”। ইতি
মেদিনী।

অব্যক্ত নাদে নিনাদিত হইতেছে। বৎ শব্দের অর্থ ন্যায়, তাহা হইলে বৎ অব্যয় শব্দ, মধ্যে অব্যয় নন্তে সমাস হয় কি না? যদি না হয়, তাহা হইলে বৎ পর্যান্ত একটী স্বতন্ত্র বিশেষণ পদ, ভাল, একটী বিশেষণ পদ অন্য একটী সমস্ত পদের কিয়দংশের বিশেষণ হইতে পারে কি না? কুটীর শব্দের সার্থকতাই বা কি! (৩) এগুলি বিশেষ পড়িয়া শুনিয়া সমালোচন করিলে কি ভাল হইত না? সুন্দর বনের ক্ষুদ্র একটী নদীর তীরে বাস, পারাপারের জন্য একটী সাকৌর আবশ্যিক বলিয়া “টেম্‌স নদীর পুলের কল্পনা শিথিবীর জন্য সর্বস্ব বিক্রয় পূর্বক বিলাতে যাইবার আবশ্যিক কি, কাগজ বাহির করিতে হইলে (পারি না পারি) সমালোচন নামে একটী জেঠামীর স্তম্ভ প্রকাশ করা যদি আবশ্যিকই হইয়া থাকে, তাহা হইলে কি মজার শনিবার ও দ্বাদশ কবিতা প্রভৃতি যথেষ্ট পুস্তক সত্ত্বে এরূপে নাম হাসাইবার আবশ্যিক কি?

“পুটপাকপ্রতীকশঃ ॥”

অর্থ—“মুখবন্ধ পাত্রমধ্যে পাকের সন্তাপের ন্যায় বাহিরে প্রকাশ পায় না।”

পুটপাকপ্রতীকশের যদি এইটাই তাৎপর্য হইত, তাহা হইলে, পূর্ব চরণে কবি “অন্তর্গৃহমব্যথঃ,” এ শব্দের

(৩) এক গুপ্ত শব্দেই ভ্রমরগুপ্তিত, অতএব পুষ্পিত যে কুপ্ত, ইহা বুঝাইতেছে। দিবাভাগে পেচক ধ্বনির সঙ্গতি রাখিবার জন্য কবি কুপ্তকে কুটীর স্বরূপে বর্ণনা করিয়াছেন, অর্থাৎ কুপ্তটী এমনি লতাপাতায় আচ্ছন্ন যে দিবাভাগেও উহা অন্ধকারময় কুটীরের ন্যায় বোধ হইতেছে। বৎ-অর্থ “ন্যায়” নহে, বিশিষ্ট অর্থ করিতে হইবে।

উল্লেখ করিয়া কবিতাটী পুনরুক্তিদোষে দূষিত করিতেন না। (৪)

“মদকলময়ূরকণ্ঠকোমলচ্ছবিতিঃ পর্ব-তৈরাকীর্ণানি।”

অর্থ,—মদকল ময়ূরের কণ্ঠের ন্যায় কোমল ছবি পর্বতে আকীর্ণ।”

পর্বতটী ময়ূরকণ্ঠের সমবর্ণ, ইহাই ত অসঙ্গত, যদি তাহাই হয়, তাহা হইলে মদকল বিশেষণের সার্থকতা কি? (৫)

“অবিরলনিবিষ্টনীলবহুলছায়াতরু-ষগুণ্ডিতানি।”

অর্থ,—“ঘননিবিষ্ট, নীল প্রধান, অনতিপ্রৌঢ় বৃক্ষ সমূহে শোভিত।” সুন্দর অর্থ!

(৪) রামের শোকটী বাহিরে তাদৃশ প্রকাশ ছিল না, এই কারণেই বহুদিন অন্তরে নিবদ্ধ ছিল, যেমন মুখবন্ধ-হীন জলপূর্ণ পাত্র সন্তপ্ত হইলে জল তাগটী বাষ্পরূপে পরিণত হইয়া শীত্র বিনষ্ট হয়, কিন্তু আবরণ যুক্ত পাত্রের জল শীত্র সেরূপ বিনষ্ট হয় না, অর্থাৎ জলের বিকার বাষ্প, বাষ্পের বিকার জল যেমন সেই পাত্র মধ্যেই হইতে থাকে, সেই রূপ রামের শোক আবরণযুক্ত অন্তরে হইতে আর বাহিরে যাইতে পারে নাই, অর্থাৎ বহুদিন অন্তরমধ্যেই ছিল।

(৫) মদকল ময়ূরের কণ্ঠ দ্বারা কোমল কান্তি। যদি বলেন, ময়ূরের সর্বাপ্তই ত মনোহর, তাহাতে কণ্ঠ পদটী বিশেষ করিয়া দিবার আবশ্যিক কি? বিষয়ান্তর ব্যাপ্ত দৃষ্টি বিশেষ কারণ ব্যতীত অন্য দিকে আকৃষ্ট হয় না। উহাদিগের চক্ষু অন্য দিকে নিযুক্ত ছিল, ময়ূর বিরাবে সেই দিকে আকৃষ্ট হইল, তাহাতেই সর্বপ্রথম কণ্ঠের প্রতি দৃষ্টি নিপতিত হয়। আরো অন্যান্য অঙ্গ হইতে কণ্ঠও দেখিতে সুন্দর। এই জন্য কণ্ঠ পদটী বিশেষ করিয়া উল্লেখ করা হইয়াছে।

“অনতিপ্রৌঢ়” কাহার অর্থ, ছায়া শব্দের বুঝি অর্থ হইল না? (৬)

আর্থিকচূড়ামণি ভাবুকবর সকল স্থলেই প্রায় সমান অর্থ করিয়াছেন। যেমন জ্ঞান, তাহা অপেক্ষা অধিক কোথায় পাইবেন? সত্য, কিন্তু তিতুমিয়ার কেলা অধিকারের ন্যায় তাঁহারও বঙ্গদেশের সর্বোচ্চ আসনের আশা করা কি সহ করা যাইতে পারে?

এক স্থলে “জনস্থানপর্যন্তদীর্ঘারণ্যাগি দক্ষিণাং দিশমতিবর্তন্তে” ইহার অর্থ “এ যে জনস্থান পর্যন্ত দীর্ঘ অরণ্য সকল দক্ষিণ দিকে চলিতেছে” করিয়াছেন। এ সকল অর্থ করা কি সামান্য ব্যুৎপত্তির কর্ম? অদ্যাবধি যাহার সামান্য সামান্য শব্দের অর্থ জ্ঞান হয় নাই, তাঁহার এ সকল বিষয়ে হস্তক্ষেপ কেন? বাঙ্গালায় পর্যন্ত শব্দের যে-রূপ অর্থ হউক, সংস্কৃত ভাষায় তদনুযায়ী হইবে না। (৭)

কোথাও

(৬) ঘননিবিষ্ট অতএব নীলবহুল হইয়াছে ছায়া যার, এমন যে তরু ষগু, অর্থাৎ নিবিড় ছায়া সম্পন্ন বৃক্ষ সমূহ। যদি বলেন, “ঘননিবিষ্ট বলাতেই ত ছায়ার আধিক্য সহজে প্রতিপন্ন হইতেছে, তবে নীলবহুলছায় একথাটী দিবার আবশ্যিক কি?” কিন্তু বৃক্ষ গুলি ঘন নিবিষ্ট বটে, কিন্তু পত্র হীন হইলে তাহার ছায়ার সম্ভাবনা কোথায়?

(৭) পর্যন্তঃ পুং শেষসীমা ইতি দুর্গাদাসঃ। পারি অন্তঃ। পর্যন্তাশ্রয়িভিনির্জস্য সদৃশং নাম্নঃ কিরাটৈঃ কৃতম্। জনস্থানের পরিসরবর্তী ঐ সুদীর্ঘ অরণ্যে দক্ষিণ দিক আচ্ছন্ন রহিয়াছে।

“যেনোদাচ্ছদিশিকিললয়স্নিগ্ধ দস্তা-ক্ষুরেণ।

ব্যাকৃষ্টস্তে সুতনু লবলীপল্লবঃ কর্ণপুরাৎ।

সোয়ং পুত্রস্তব মদমুচাং বারণানাং বিজেতা।

যৎ কল্যাণং বয়সি তরুণে ভাজনং তস্য জাতঃ।

অর্থ,—যে নবফুল (!) মৃগাল পল্লবের ন্যায় স্নিগ্ধ দণ্ডাকুরে (?) তোমার কর্ণদেশে হইতে ক্ষুদ্র ২ লবলীপল্লব টানিয়া লইত, সেই তোমার পুত্র মদমত্ত বারণগণকে জয় করিল (!!) সুতরাং এখনই সে যুবা বয়েসের কল্যাণ ভাজন হইয়াছে (!) ”

পাঠক! ইহার প্রত্যেক চিত্রিত অংশ গুলি একবার হৃদয়ঙ্গম করুন, দেখুন এই আত্মাভিমानी সমালোচক ভবভূতির কি সর্বনাশ করিতে বসিয়াছেন!

উদাচ্ছৎ

অর্থ নবফুল! আমরা উক্ত মহাত্মাকে জিজ্ঞাসা করি, তিনি কোন্ ব্যাকরণের মতে কোন্ স্থলে উদাচ্ছৎ অর্থ নবফুল অর্থ পাইয়াছেন? “ব্যোমযানেনোদাচ্ছন্তং পুরুবরসং” ইহার মতে ব্যোমযান সাহায্যে নবফুল পুরুবাকে এই প্রকার অর্থ হউক, এমন অর্থ জ্ঞান কি ব্যুৎপত্তির কর্ম!

“সখি বাসন্তি পশ্য ২ কান্তানুবৃত্তি চাতুর্যমপি শিক্ষিতং বৎসেন।

লীলোৎখাতমৃগালকাণ্ডকবলচ্ছেদেষু সম্পাদিতঃ

পুষ্পপুষ্করবাসিতস্য পদ্মসো গণ্ডুষ-
সংক্রান্তয়ঃ।

সেকঃ শীকরিণা করেন বিহিতঃ কামং
বিরামে পুন-
হৃৎস্নেহাদনরালনীলনলিনীপত্রাতপত্রং
ধৃতম্।

অর্থ,—সখি বাসন্তি! দেখ, বাছা
স্ত্রীর মন রাখিতেও শিথিয়াছে খেলা
করিতে ২ মৃগালকাণ্ড উপাটিত করিয়া
তাহার গ্রামের অংশে মুগন্ধি পদ্ম সুবা-
সিত জলের গণ্ডুষ মিসাইয়া দিতেছে,
এবং শুণ্ডের দ্বারা পর্যাপ্ত জল কণার
দ্বারা তাহাকে সিক্ত করিয়া স্নেহে অব-
ক্রদণ্ড নলিনী পত্রের আতপত্র ধরি-
তেছে।”

কান্তানুবৃত্তিচার্য্যং অর্থ স্ত্রীর মন
রাখিতেও !! লীলোৎখাত, অর্থ খেলা
করিতে ২ উপাটিত !! পুষ্পপুষ্কর-
বাসিতস্য অর্থ, মুগন্ধি পদ্ম সুবাসিত !!
রিভিউ কর্তার বিরাম পদটির আর অর্থ
সঙ্গতি হইল না। নীলনলিনী পদ
ব্যবহারের সার্থকতা কি? তাহা দেখান
দূরে যাউক, নীল পদটির উল্লেখই নাই।
সমালোচক মহাশয় এ সকল বিষয়,
“এমনি করে তেমনি করে, অমনি
করের” কর্ম নয়। এতে বিদ্যা ও
বুদ্ধির আবশ্যিক, ভদ্র গ্রামের চাঙ্গারা
আবাদী অঞ্চলে গমন করিলে, তাহা-
দের সম্মানের আর সীমা থাকে না, কিন্তু
ভদ্র গ্রামে সেই ব্যক্তি যে চাঙ্গা সেই
চাঙ্গাই থাকে, উচ্চে হাত বাড়াইতে
গেলে উচিতমত পুরস্কার সহ করিতে
হয়। কিন্তু ভদ্র সমাজে থাকিয়া তা-

হারা কি কখন উচ্চে হাত বাড়াইতে
চেষ্টা পায়! তাহারাও আপনার বলা-
বল জ্ঞানে সমর্থ। কিন্তু সমালোচকের
সে জ্ঞানও নাই। যার তার কথায় আপ-
নাকে বড়লোক ভাবিয়া এককালে দিগ্-
দিগ্ জ্ঞান শূন্য হইয়াছেন। একটু সাব-
ধান হইয়া চলা নিতান্ত আবশ্যিক।
শৃংগালের কথায় কাক কখনই মিষ্টভাষী
হইতে পারে না।

এই ত বিদ্যার পরিচয়, তাহাতেই
আবার বিদ্যাসাগর মহাশয়কেও উত্তর-
রাম চরিতের অর্থ বুঝাইয়া দিতে যাইয়া
বলিতেছেন। বলিতে কি, সেই কথাটি
লিখিতে আমাদেরও হৃৎকম্প উপস্থিত
হইতেছে,—“বিদ্যাসাগর মহাশয়কে
উত্তররাম চরিতের অর্থ বুঝাইতে প্রবৃত্ত
হওয়া ধ্বংসকার কার্য হইতেছে, তথাপি
কবির গৌরবার্থ আমাদিগকে সে দো-
ষও স্বীকার করিতে হইল।”

পাঠক! আমাদের অনুরোধে না
হউক, অন্তত বিদ্যাসাগর মহাশয়ের স-
ম্মান রক্ষার জন্য একবার “বঙ্গদর্শ-
নের” সেই দূষিত অংশটা পাঠ ক-
রিয়া দেখিবেন যে, এই বাতুলের অর্থ
সঙ্গত, না, বিদ্যাসাগর মহাশয়ের অর্থ
সঙ্গত?

সমালোচক সীতার মনের ভাব যে
রূপে প্রতিপন্ন করিতে গিয়াছেন, সে
কি সীতার উপযুক্ত? না, বেশ্যার
উপযুক্ত?। রাম সীতার শোকে
অচেতন হইয়া পড়িয়াছেন, মৃত-প্রায়,
সীতা সম্মুখে ছিলেন, কাঁদিয়া উঠি-
লেন, ও প্রিয়তমের প্রাণ রক্ষার জন্য

তমসাকে বার বার অনুরোধ করি-
তে লাগিলেন। সেই মুহূর্ত্তেই কি
সীতার ন্যায় কোন প্রাণিণী রাম
অকারণে আমাকে বনে পাঠাইয়া-
ছেন, বনে পাঠাইবার সময় আমাকে
একবার ডাকিয়াও জিজ্ঞাসা করেন নাই,
অতএব আমি উহার নিকট যাইব না, বলিয়া
রামের উপর আশ্রয় করিতে পারেন!
ভাবুকরাজ সীতার মনের ভাব ঐ রূপে
প্রতিপন্ন করিয়া বিদ্যাসাগর মহাশয়ের
ভুল সংশোধন করিতে গিয়াছেন!

বিশেষ বিপদজনক অবস্থা (সীতার
চক্ষের উপর রামের মুমূর্ষু অবস্থার ন্যায়)
উপস্থিত হইলে ধীর প্রকৃতি মানবও
যখন উদ্ভ্রান্ত চেতা হইয়া কার্য্যাকার্য্যে
রহিত চেতা হইয়েন, তখন রামের দর্শা
চক্ষে দেখিয়া সীতার মনের ভাব কিরূপ
হইবে, তাহা সহৃদয় পাঠকগণ বুঝিয়া
লউন। সেই সময় আপন অবস্থার কথা
সীতার বা অন্য কোন প্রাণীর মনে উদ্ভিত
হওয়া নিতান্ত স্বভাব বিরুদ্ধ। ভবভূতি
এক জন অগ্রগণ্য কবি হইয়া সমালোচকের
ইচ্ছানুরূপ বা বোধানুরূপ কি রূপে তাহা
বর্ণনা করিবেন? বিপদের এক প্রকার
শমতা হইলে যেমন সকলেরই আত্মবোধ
জন্মে, সেই রূপ সীতারও পরে আত্মবোধ
সঞ্চার হয়, ও আপনাকে পরিত্যক্তা রম-
ণীবোধে রামের অঙ্গ স্পর্শে অধিকার নাই
বলিয়া মনে মনে শঙ্কিত হন। সমালোচক
মহাশয়! বিদ্যাসাগর মহাশয় নিরোধ
নহেন, সংস্কৃত ও উহার কিছু কিছু অধি-
কার আছে।

কবির আবার ভবভূতির কবিত্তে
(জনশ্রুতি ক্রমে) মোহিত হইয়া ভব-
ভূতির কয়েকটি দোষের উল্লেখ করিয়া
মাপও করিয়াছেন! কি মহত্ব! বোধ
হয় যদি উনি বিলাতী কবির নিদ-
র্শন না পাইতেন, তাহাও করিতেন না।
তাগ্যে সেক্স পিয়ারের কোন “প্লে” কবি-
বর বর্ণিত দোষের সহিত সাক্ষ্য লাভ
করিয়াছিল, এই রক্ষা, নচেৎ এতদিনে

ভবভূতির প্রতিমূর্ত্তি গড়াইয়াও “নিউগেট”
(বিলাতের প্রধান কবাগারে) পাঠান হইত।

এই উপলক্ষে এখানে আমাদের
একটি গল্পের কিয়দংশ মনে পড়িল।

কোন বীরভিমানী একদা কোন
একটি ক্ষুদ্র পর্বত পরিভ্রমণ করিয়া
হিমালয় দেখিবার জন্য মানস করিল।
বহু কষ্টে হিমালয় সমীপে গমন পূর্বক
দেখিল, হিমালয়ের আপাদমস্তক হিমে
আবৃত, ও শিখর সকল অত্যন্ত উন্নত,
পার হইয়া পর পারে যাইবার উপায়
নাই। তখন সেই বীরযুবা হিম-শিলাই
হিমালয়ের একমাত্র দোষের কারণ স্থির
(উহার গতি রোধ হইল বলিয়া)
করিয়া হিমময়ের সমুদয় শিখর ভূমিসাৎ
করিবার মানসে, হিমাচলের উন্নত মস্তক
বাহুবলে অবনত করিবার চেষ্টা করি-
তে লাগিল, একটা দূর্ব্বার শিকড়ও উৎ-
পাটন করিতে না পারিয়া বলিল, “হি-
মালয় অনেক রত্নের আকর, আর
যখন বিলাতেও হিমাধিক্য গুনা যায়,
তখন অবশ্যই ইহাতে ঈশ্বরের কোন
নিগূঢ় তাৎপর্য্য আছে, অতএব উ-
হাকে আর ভূমিসাৎ করিবার আব-
শ্যক নাই।”

আমাদের সুবিজ্ঞ সমালোচকও সেই
রূপ ভবভূতিকে মাপ করিয়াছেন। কিন্তু
উহার গুণাবিহারী সিংহসম বিদ্যাসাগর
মহাশয়ের পুচ্ছদেশে দংশন করিতে
ক্রটি করেন নাই। দুঃখের বিষয়, সিংহ
একবার চক্ষুরক্ষা করিল না! বোধ
হয় অমন শত সহস্র দংশন মশক সিংহের
পুচ্ছ দংশন করিতেছে। পুচ্ছ লোম
আবৃত, দন্তই ভগ্ন হয়। সিংহের তাহাতে
ক্ষতি বৃদ্ধির সম্ভাবনা কি?

একণেত উত্তর রামচরিতের একদফা
সমালোচন করা হইল, বিদ্যাসাগর মহা-
শয়ের ভ্রমসংশোধনেও ক্রটি হইলনা, তা-
হার পর কি?—সমালোচককে আর এক-
বার উত্তর রামচরিত পাঠ করিতে হই-
বে।—ইহাই স্থির! তাহা কি হয়

নাই? হইয়াছিল। না হইলে, বাঁহার ব্যাকরণ জ্ঞান নাই, অর্থ জ্ঞান নাই, তিনি যে এককালে অমার্জিত প্রতিভা প্রভাবে উত্তরচরিতের দুই একটা স্থলেরও অর্থ করিতে পারিয়াছেন? একথা কোনমতেই সম্ভবপর নহে। তবে নিজ বুদ্ধির প্রভাবে উপদেশের সুফল প্রাপ্ত হইয়াছেন নাই। মনুষ্য হইলেই যে বুদ্ধি থাকিবে, বুদ্ধি থাকিলেই যে শাস্ত্রে অধিকার জন্মিবে, একথা নিতান্ত অসম্ভব। সমালোচক নিজেই তাহার উত্তম উদাহরণ স্থল, উনি উত্তর চরিত পাঠ করিয়াছিলেন। অথচ পাঠাপাঠে সমান ফল লাভ করিয়াছেন। ইহাতে কাহার দোষ? উপদেশক কি দোষের ভাগী হইবেন? শিষ্য দত্ত দক্ষিণা কি শিষ্যকে প্রত্যর্পণ করিতে তাঁহাকে বাধ্য হইতে হইবে? না, ইহাতে উপদেশকার দোষ নাই, দক্ষিণা প্রত্যর্পণের জন্য নালিশও চলিবে না। সমালোচক নিজেই তাহার নিজের দেখাইয়াছেন।

“বিতরতি গুরুঃ প্রাজ্ঞে বিদ্যাং-
তথৈব জডে,

নচ খলু তয়োক্তানে শক্তিং-
করোত্যপহস্তি চ।

ভবতি চ তয়োভূ যান্ ভেদঃ ফলং
প্রতি তদ্যথা,

প্রভবতি শুচিবিষোদ্গ্রাহে মনির্গ-
মৃদাং চয়ঃ ॥”

“উপদেশক জড়বুদ্ধি ও ভীক্ষু বুদ্ধি উভয়কেই সমান উপদেশ দিয়া থাকেন, উপদেশের বোধ বিষয়ে কাহারও প্রতি

কিছুই ইতর বিশেষ করেন না, অথচ ফল বিষয়ে উহাদিগের মধ্যে সাতিশয় তারতম্য ঘটিয়া থাকে। স্বচ্ছ মণিই প্রতিবিম্ব গ্রহণে সমর্থ হয়, মৃৎপিণ্ড কখনই তাহা পারে না।”—বরং প্রতি কৃতির ছায়াতে মৃত্তিকা আরো কলুষিত হইয়া থাকে, না হইলে সমালোচকের বুদ্ধি এত কলুষিত হইয়া আত্মজ্ঞান শূন্য হইবে কেন?

চতুর্থ খণ্ড সমাপ্ত, তৃতীয় খণ্ড বারান্তরে প্রকাশ্য।

জ্ঞানোন্নতি—তথা সত্যতা।

পণ্ডিত মাত্রেই জ্ঞানের উৎকৃষ্ট ফল বর্ণনা করিয়া থাকেন। জ্ঞানের প্রভাবে মানবগণ কখন স্বর্গাভিমুখে প্রধাবিত হইয়া অসাধারণ অধ্যবসায় সহকারে জ্যোতিষ্কগণের গতি ও আকৃতি নির্ণয় করিয়া আপনাকে যৎসামান্য বিবেচনায় ধিক্কার দিতেছেন, এই অদ্ভুত ব্যাপারের মধ্যে পরম পিতার করুণার হস্ত বিস্তীর্ণ দেখিয়া, তাঁহাকে অগণ্য ধন্যবাদ প্রদান করিতেছেন, এবং কি অত্যাশ্চর্য্য কৌশলে এই সৌর-জগৎ শূন্যমার্গে বিনাবলম্বনে নিয়ম পূর্বক ভ্রাম্যমাণ হইতেছে, তাহা মনোমধ্যে চিন্তা করিয়া সেই জগৎ-নিয়ন্ত্রার মহিমা মহীয়ান করিতেছেন। কখন এই মর্ত্যলোকে বিবিধ প্রকার জীবের অবয়ব গঠন ও প্রকৃতি অনুধাবন করিয়া উদ্ভিজ্জ রাজ্যের বিচিত্র ব্যাপার বৃহৎ বিলোকন করিয়া এবং বলিতে কি, আপ-

নারদিগের দেব ও পশু ভাবের সন্মিলন অনুভব করিয়া সেই সূচতুর শিপিপির গুণপনা বিশেষণ করিতেছেন, কখন বা ভূগর্ভ নিহিত রত্ন লালসায় পৃথিবী খনন করিয়া কত অদ্ভুত ২ ব্যাপার সকল বিলোকন করত, বিস্ময়েতে বিহ্বল হইয়া যাইতেছেন। ঈশ্বর মানবগণকে কতদূর মানসিক বলে বলীয়ান করিয়াছেন, তাহা যেন দেখাইবার জন্য, তাহাদের কর্তৃক, কত কত বিচিত্র কল ও যন্ত্র প্রস্তুত করাইতেছেন, এবং তদ্বারা সেই অনন্ত পুরুষের অনন্ত ক্ষমতা প্রচার হইতেছে। যে মনুষ্য, পৃথিবীর আদিম অবস্থায় পর্ণ কুটীরে বাস করিয়া আপনাকে ধন্য জ্ঞান করিয়াছে, এখন সেই মনুষ্য মণি মাণিক্য-খচিত সুরম্য হর্ম্ম্যে বিরাজ করিতেছে। যে মনুষ্য বন্য ফল ও আম মাংস ভক্ষণে উদর পূর্ত্তি করিয়াছে, সেই মনুষ্য বুদ্ধির প্রভাবে, নানাবিধ উপাদেয় দ্রব্য ভক্ষণ করিয়া পরম পরিভূপ্ত হইতেছে। যে মনুষ্য প্রস্তর কণার দ্বারা ব্যাপক কালে একটা সামান্য বৃক্ষ ছেদন করিতে পারগ হইয়াছে, সেই মনুষ্য, ভূগর্ভ-সম্ভূত লৌহ দ্বারা অতি খরষাণ অস্ত্র প্রস্তুত করিয়া তদ্বারা যোজন বিস্তৃত বন উচ্ছেদ করত, তাহা নগর রূপে পরিণত করিতেছে, যে মনুষ্য ভেলার দ্বারা সামান্য জলাশয় পার হওয়া কঠিন বিবেচনা করিয়াছে, সেই মনুষ্য, বৃহৎ অর্গবপোতে আরোহণ করিয়া ভীষণ সমুদ্রকে বিকম্পিত করত, তাহা অনায়াসে উত্তীর্ণ হইতেছে। যে

মনুষ্য রক্ষনোপযোগী ইন্ধন, অতি কষ্টে আহরণ করিয়াছে, সেই মনুষ্য পৃথিবীকে ক্ষত বিক্ষত করিয়া তাহার অভ্যন্তর হইতে, পর্বত প্রমাণ ‘কয়লা’ উত্তোলন করিতেছে। যে মনুষ্য, দশ ক্রোশের পথ অতি কষ্টে, এক দিবসে অতিক্রম করিয়াছে, সেই মনুষ্য, বাষ্পীয় শকট যোগে সেই পথ এক ঘণ্টায় সহজেই উত্তীর্ণ হইতেছে। যে মনুষ্য, বিদ্যাভলতাকে, দেবতার ক্রোধাগ্নি স্কুলিঙ্গ বিবেচনায় ভীত হইয়াছে, সেই মনুষ্য তাহাকে স্বীয় অধীনে আনিয়া তাহার দ্বারা দৌত্য কার্য্য, অতি অদ্ভুত রূপে সমাধা করাইয়া লইতেছে। এই সমুদায় জ্ঞানের সামান্য কার্য্য নহে। কিন্তু, এই জ্ঞানের বৃদ্ধি সহকারে, বর্তমান শতাব্দীতে ধর্ম্মনীতির উন্নতি বা অবনতি হইয়াছে, তাহা একবার পর্যালোচনা করা বিধেয় হইতেছে।

এ কথা অনেকেই কহিয়া থাকেন যে, মনুষ্যগণ আদিম অবস্থায় সত্যনিষ্ঠ এবং সবল ছিলেন। তাঁহাদের মধ্যে অন্যায় আচরণ স্থান প্রাপ্ত হইত না। ইহা সপ্রমাণ করিবার জন্য তাঁহারা প্রাচীন ইতিহাসকে লক্ষ্য করিয়া থাকেন, এবং বর্তমান শতাব্দীর কোন ২ বন্য জাতিকে নির্দেশ করেন। তাঁহাদের সহিত বর্তমান সভ্য জাতির তারতম্য করিয়া সভ্যতার নিকৃষ্টতা প্রতিপন্ন করেন। অজ্ঞানতা মনুষ্য জাতির ইষ্টজনক এবং জ্ঞানের ফল অতীব নিকৃষ্ট তাহা প্রতিপন্ন করিবার চেষ্টা পাইলে, স্পষ্টতার কার্য্য বলিয়া পাঠক গণের বোধ হইতে পারে।

জ্ঞান যে নানা প্রকার অত্যাচারের মূলীভূত ইহা আমরা বলিতেছি না—কিন্তু বিপরীত ভাব দেখিয়া আমরা বিস্ময়ান্বিত হইয়াছি। জ্ঞানের উন্নতি সহকারে আমরা পাপের বৃদ্ধি অনুভব করিতেছি, এবং এবম্পৃকার বিরূপ ভাব কি প্রকারে সংঘটিত হইল, তাহার কারণ অনুসন্ধান না করিয়া ক্লান্ত থাকিতে পারিতেছি না। এতৎবিষয় অনুসন্ধান করিতে হইলে, প্রথমে মনুষ্যের আদিম অবস্থার সহিত বর্তমান উন্নত অবস্থার তারতম্য করা আবশ্যিক। পরে কোন ২ উপকরণ একত্রীভূত হইয়া সত্য জনগণকে কলুষিত করিয়াছে, তাহা নির্ণয় করা উচিত। আদিম মনুষ্য গণের ইতিবৃত্তি পাঠে অবগত হওয়া যায় যে, তাহাদের অভাব অতি অল্প ছিল। এবং স্বপ্ন আয়াসেতেই তাহা পূরণ হইতে পারিত। বন্য ফল ও পশু মাংস যাহাদের খাদ্য এবং পশুর চৰ্ম ও বৃকের বন্ধল যাহাদের পরিধেয়, তাহাদের অন্তঃকরণে লোভ কদাচ স্থান প্রাপ্ত হয় না। এবং যাহারা অতি অল্প পরিমাণে লোভের বশীভূত, তাহাদের কর্তৃক অধিক অত্যাচার হইবার সম্ভাবনা নাই। যাহাদের উপভোগের দ্রব্য অতি সামান্য মাত্র, তাহারা যে সেই সকল দ্রব্য প্রাপ্ত হইয়া নিশ্চিন্ত থাকিবে, তাহাতে সন্দেহ কি? ইহা অল্প আশ্চর্যের বিষয় নহে যে, মানবগণ যতই উন্নতি সাধন করিতেছে, ততই তাহাদের পাপ প্রবৃত্তি প্রবল হইতেছে। পূর্বকালের বিখ্যাত নামা প্রধান ২ ব্যক্তিগণ, যাহা কিছু অবগত

ছিলেন, তাহা অপেক্ষা বর্তমান সময়ের এক জন সামান্য ব্যক্তি, শত গুণে জ্ঞান লাভ করিতে পারগ হইতেছেন। পৃথিবীর আদিমাবস্থায়, তাঁহারা আপন ২ বুদ্ধি ও চেষ্টার দ্বারা যাহা কিছু জ্ঞাত ছিলেন, তাহা অস্পষ্ট, কিন্তু বর্তমান শতাব্দীতে কিছু-বই অপ্রতুল নাই। শত ২ জ্ঞানবান ব্যক্তির শ্রমের ফল একত্রে সন্নিবেশিত হইয়াছে। কিঞ্চিৎ যত্নের সহিত সেই সমুদায়ের প্রতি দৃষ্টিপাত করিলেই, সমধিক জ্ঞান লাভ করা যায়। ধর্মনীতিরও স্বপ্ন উন্নতি হয় নাই। পূর্বে অনেক ধর্ম ও ন্যায় বিরুদ্ধ কার্য পাপজনক বলিয়া প্রতীয়মান হইত না। আনাদের ভারত-বর্ষে, বেশ্যা সহ আমোদ প্রমোদ দূষ্য বলিয়া গণ্য হইত না, বলিতে কি, শাস্ত্রমতে, ইন্দ্র প্রভৃতি দেবগণ স্বর্গ-স্বৈরিনীগণকে লইয়া মহানন্দে কালাতিপাত করিয়া থাকেন। প্রাচীন গ্রীস দেশে সুমত্য স্পার্টা সহর নিবাসী জনগণ চৌর্য্য বৃত্তিকে পুরুষার্থ বলিয়া জ্ঞান করিতেন। দেবতাকে প্রসন্ন করিবার জন্য নরবলি ও সমুদ্রে গর্ভে শিশুকে নিক্ষেপ, পুণ্য জনক কার্য বলিয়া কত জাতির মধ্যে পরিগণিত হইত। কিন্তু যত জ্ঞানের বৃদ্ধি হইতেছে, সেই সমুদায় ভ্রম-সঙ্কুল কার্য, সকলের নিকট ধর্মবিগর্হিত বলিয়া উপলব্ধি হইতেছে। এ কথা অবশ্যই স্বীকার করিতে হইবে যে, জ্ঞানের দ্বারা উন্নতির সোপান প্রকৃষ্ট রূপে পরিষ্কৃত হইয়াছে। মনুষ্যের বুদ্ধি বৃত্তি স্ফূর্তি পাইয়াছে এবং ধর্মনীতি উন্নত সীমায় আকৃষ্ট হইয়াছে। এবম্পৃ

উন্নতি হইতে উৎকৃষ্ট ফল লাভ করিবারই প্রত্যাশা করা যায়—কিন্তু তাহা কোথায়? উন্নত জ্ঞানের সহিত উৎকৃষ্ট কার্য একত্রিত না হইলে, সে জ্ঞান হইয়া কি হইবে? ইহা অপেক্ষা অজ্ঞানাবস্থা শত গুণে শ্রেষ্ঠ। যে বিদ্যা হইতে শ্রেয় লাভের সম্ভাবনা নাই, সে বিদ্যাকে অবিদ্যা ব্যতীত আর কি বলা যাইতে পারে? নানা প্রকার শিক্ষার দ্বারা জ্ঞানবান হইলাম, অথচ অতি জঘন্য ব্যক্তির ন্যায় কার্য করিতে লাগিলাম একরূপ জ্ঞান থাকা না থাকা উভয়ই সমান। বর্তমান শতাব্দীতে, যে সকল উন্নতির চিহ্ন নয়নগোচর হইতেছে, তাহা অতীব প্রীতিকর সন্দেহ নাই, কিন্তু তাহার সঙ্গে ২ মানসিক অবনতি অতি বিষাদজনক। বর্তমান সময়ে সত্যতার নামে যে সকল কুৎসিত কার্য অনুষ্ঠিত হইতেছে, তাহা মনে করিলে হতজ্ঞান হইতে হয় এবং তাহা আলোচনা করিলে, মনুষ্যকে শ্রেষ্ঠ জীব বলিয়া গণ্য করিতে লজ্জা বোধ হয়। জ্ঞানহীন ব্যক্তির কোন পাপ কার্যে প্রবৃত্ত হইতে গিয়া তাহাতে বাধা প্রাপ্ত হইলে, তখন তাহা হইতে প্রতিনিবৃত্ত হইয়া থাকেন। জ্ঞানী ব্যক্তির এক উপায় ব্যর্থ দেখিলে, অন্য এক প্রকৃষ্ট উপায় উদ্ভাবন করিয়া, সেই কার্য সমাধা করত ক্লান্ত হইয়েন। সামান্য অবস্থার ব্যক্তির স্বপ্ন অর্থ লাভ হইলেই লোভ রিপু চরিতার্থ হয়, সত্য জনের ধন আশা সহজে নিবৃত্তি হয় না। সামান্য ব্যক্তি চৌর্য্য বৃত্তি দ্বারা শত মুদ্রা সংগ্রহ করিয়া পরিতৃপ্ত হয়, উচ্চ

পদবীর লোক, অন্যায় উপায় দ্বারা সহস্র মুদ্রা লাভ করিয়াও ক্লান্ত হইতে পারেন না, সামান্য ব্যক্তি গ্রাম লুণ্ঠন করিয়াই প্রতিনিবৃত্ত হইয়া থাকে, বড় লোক বৃহদ্রাজ্য ছার খার করিয়া ও পরিতৃপ্ত হন না। একবার পাশ্চাত্য সত্য দেশ সমূহের প্রতি দৃষ্টিপাত করুন, তাহা হইলেই প্রভূত উন্নতির সহিত সামাজিক অবনতি দেখিয়া চমৎকৃত হইবেন।

সত্যতম দেশের ভাব অবলোকন করিলে প্রথমে ত সমুদায়ই অনুকরণীয় বলিয়া প্রতীয়মান হয়। প্রতি সহর ও গণ্ড গ্রামে উচ্চ শ্রেণীর বিদ্যালয়, পল্লি-গ্রামেও সামান্য পাঠশালা, যুবা ও বালক বৃন্দ বিদ্যালয় ভ্রম্য ব্যতিব্যস্ত, সমস্ত দেশ ধর্ম মন্দিরে পরিপূর্ণ, “মিসনারী” গণ ধর্ম ঘোষণার জন্য উন্নতের ন্যায় চতুর্দিক ভ্রমণ করিতেছেন, তাহাদের অগ্নিময় উপদেশ পাণ্ডিদিগের মন বিদগ্ধ করিয়া দিতেছে, সর্বত্রই উন্নতি বিধায়িনী সভা, কোন সভা সুরাপান নিবারণ জন্য সমধিক যত্নবান, কোন সভা দেশীয় কুরীতি সকল উচ্ছেদ জন্য ব্যতিব্যস্ত, এই সমস্ত উন্নতির চিহ্ন দেখিয়া কাহার না অন্তরে উদয় হয় যে, এ পুণ্য ভূমিতে পাপ স্পর্শ করিবার সাধ্য নাই? কিন্তু, বিশেষ রূপ দৃষ্টি করিলে এবং নিগূঢ় তত্ত্ব অবগত হইতে পারিলে একে-বারে হতাশ ও বিস্ময়াপন্ন হইতে হয়। ধর্ম মন্দিরের সহিত বেশ্যা মন্দির, বিদ্যালয়ের সহিত অবিদ্যালয়, গর্ভ সহকারে মস্তকোন্নত করিয়া রহিয়াছে। কুবেরের

মঠ সর্বত্রই পরিব্যাপ্ত ধন ২ করিয়া সকলেই উন্নত। যে উপায়ে হউক না কেন, ধন সঞ্চয় করিতে হইবেই হইবে। ধন ব্যতিরেকে সমাদর নাই। নির্ধনকে স্বীয় সীমন্তিনীও অবজ্ঞা করিয়া থাকে। ধন না থাকিলে বিবাহ হওয়া মুকঠিন। ধর্মালোচনা এবং ধর্ম মন্দিরে গমন ভাগ মাত্র। ধন উপার্জনই অন্তরের গূঢ় উদ্দেশ্য। সামান্য ব্যক্তির কথা দূরে থাক্ উচ্চ পদ ধারী জন গণ ধন লোভে এরূপ লুদ্ধ যে, তাঁহারাও মুদ্রার মোহিনী মূর্তিতে বিমোহিত হইয়া, উৎকোচ গ্রহণ করিতে সঙ্কুচিত হইতেছেন না। ব্যতিচারের স্রোতে সভ্যতম প্রদেশের সহর সকল প্লাবিত, নগর নিচয় বারবিলাসিনী গণে পরিপূর্ণ, এবং প্রধান ২ ব্যক্তিগণকেও তাহাদের প্রণয় পাশে বদ্ধ হইতে দেখা যাইতেছে। বলিতে কি, কত ধর্ম মন্দিরে ধর্মোন্নতির পরিবর্তে অপবিত্র প্রণয়ের অঙ্কুর সঞ্চারিত হইতেছে, এবং বিস্ময়ের বিষয় এই যে, ইংলণ্ডের কোন ২ প্রধান ব্যক্তি ব্যতিচারকে প্রশ্রয় দিতে অগ্রসর হইয়াছেন, যত দিন প্রকৃত বিবাহ না হয়, তত দিন বারযোষা গণের সহ সহবাস করিলে, অধর্মাচরণ বলিয়া পরিগণিত না হয়, তাঁহারা এরূপ “আইন” বিধিবদ্ধ করিতে সমুৎসুক হইয়াছেন। এবং এবম্বিধপ্রকার প্রণয়কে তাঁহারা “অস্পকালীন বিবাহ” আখ্যা প্রদান করিয়াছেন।

সভ্য জাতির মধ্যে জাত্যভিমান ও পদাভিমান, জনগণের উপর বিলক্ষণ বল

প্রকাশ করিতেছে। মর্যাদা রাখিবার জন্য, তাহারা কি পর্যন্তই না পর্যাঙ্কুল। ইহার অনুরোধে তাহারা মিথ্যাবাদী, চোর এবং প্রবঞ্চক হইতেছে, আপনাদের গন্য ও মান্য দেখাইবার জন্য কপট বেশ পরিধান করিতেছে, প্রকাশ্যে, জাঁক যমক করিতে ক্রটি করিতেছে না। স্ব ২ কর্তব্য কর্মে শৈথিল্য ভাব দেখাইতেছে, কিন্তু, তাহা লক্ষ্যের মধ্যে গন্য না করিয়া, সভ্যতার সাজ কাষোতেই ব্যতিব্যস্ত হইতেছে। অভিমান অনলে উত্তেজিত হইয়া প্রতাপান্বিত রাজা গণ কি পর্যন্তই না অত্যাচার করিতেছে। আমি সকলের অপেক্ষা প্রাধান্য লাভ করিব এবং সকলেই আমার পদাবনত হইবে, ইত্যাকার অহঙ্কারে স্ফীত হইয়া তাহারা বসুধাকে রক্ত স্রোতে প্লাবিত করিতেছে। কত সমৃদ্ধি শালী রাজ্য ছার খার হইতেছে, শোভমান নগর নিচয় হতক্রী ও সুরম্য হর্ম্য সকল ভূতলশায়ী হইতেছে এবং শিপ্পের নিদর্শন সমূহের ভগ্নাবশেষ মাত্র রহিতেছে। বলিতে কি উন্নতির স্রোত একেবারে শত বৎসর পশ্চাৎ বহমান হইতেছে! নরহত্যার ত সংখ্যা নাই। যে সভ্যতম দেশে হত্যাকারীর গুরুতর দণ্ড বিধান হইয়া থাকে, সেই খানেই সভ্যতার নামে লক্ষ ২ প্রাণনাশ হইতেছে। এই ব্যাপারের প্রতি কেহ লক্ষ্য করিতেছে না। বরং শত্রু বল হীনবল দেখিয়া, জেতুগণ আনন্দে পরিপ্লুত হইতেছে। এই নরমেধ যজ্ঞে প্রবৃত্তি লওয়াইবার জন্য, নানা প্রকার ব্যা-দ্যোদায় হইতেছে, বীররসব্যঞ্জক কবিতা

সেনাগণকে রণোন্মত্ত করিতেছে। বর্তমান শতাব্দীর আবিষ্কৃত যুদ্ধাস্ত্র সকল প্রচুর পরিমাণে নরহত্যা করিয়া জ্ঞানোন্নতির পরিচয় প্রদান করিতেছে। এবং দিন ২ জীব নাশের প্রকৃষ্ট উপায় উদ্ভাবিত হইতেছে। যুদ্ধ লইয়া মানব-গণের আনন্দই বা কত। যুদ্ধ বৃত্তান্ত পাঠ করিবার জন্য সকলেই সমুৎসুক, স্মুতরাং লেখক গণ সভ্য জনগণের কৌতুহল চরিতার্থ জন্য প্রথমে সাময়িক পত্রিকায়, এবং তৎপরে, ইতিহাসে লিপি চাতুর্ঘ্যের সহিত যুদ্ধ বৃত্তান্ত বর্ণনা করিতেছেন, এবং বলিতে কি, কবি গণ বীর রসে যুদ্ধ ঘটিত কাব্য রচনা করিয়া সমধিক খ্যাতাপন্ন হইতেছেন। ইহা সামান্য আক্ষেপের বিষয় নহে যে, সভ্য জাতির মধ্যে যুদ্ধ বৃত্তান্ত পরিপূর্ণ ইতিহাসই ইতিহাসের মধ্যে অগ্র-গণ্য, এবং বীর-রসাশ্রিত কবিতাই কাব্যের মধ্যে শ্রেষ্ঠ। সমরে প্রবৃত্তি লওয়াইবার জন্য যেন সমস্ত সংসার ব্যতিব্যস্ত। বিজ্ঞান শাস্ত্র বেত্তাগণ উত্তমোত্তম যুদ্ধাস্ত্র আবিষ্কার ও সমরের সুবিধার জন্য বিবিধ উপায় নির্ণয় করতঃ মস্তিষ্ক ক্ষয় করিতেছেন। মুচ-তুর সৈন্যাধ্যক্ষগণ রণ কোশল শিখাইতে সমস্ত জীবন অতিবাহিত করিতেছেন। লেখকগণ তেজস্বিনী রচনার দ্বারা যুদ্ধে উত্তেজিত করিতেছেন। সঙ্গীত বিদ্যা তৎপক্ষে সহায়তা করিতে ক্রটি করিতেছেন এবং যার পর নাই, কবি-গণ, বীর উপযোগী কবিতাকদম্বদ্বারা সকলকে উৎসাহানলে উত্তেজিত করিতেছেন।

এবম্পৃকারে কেবল আত্ম-তত্ত্ব-জ্ঞানী ব্যতীত সুখীজনগণ মাত্রেই নি-কৃষ্ট বৃত্তির চরিতার্থতার সম্যক সহায়তা প্রদান করিতেছেন। হায় জ্ঞানো-ন্নতির পরিণাম কি এই হইল! মহর্ষি “ঈশ্বর” শিষ্যগণ কি অবশেষে, ভ্রাতায় ২ বিসম্বাদ এবং ভ্রাতৃ-হত্যাকে ধর্মের চরম ফল বলিয়া স্থির করিলেন? কো-থায় শত্রুর সহিত কোলাকুলি ও সৌ-হার্দ্য, কোথায় ভ্রাতায় ২ শত্রুতা! কোথায় পৃথিবী মধ্যে কুশল বিস্তার এবং জঘন্য পৌত্তলিক (হিদের) দিগকে উপদেশ প্রদান ও প্রেম শৃঙ্খলে বন্ধন, আর কোথায় খৃষ্টীয় সম্প্রদায় মধ্যে ঘোর বিপ্লব, আর ভ্রাতার রক্তে হস্ত কলুষিত!

সমর ব্যতীত কি ভূপালগণের প্রা-ধান্য সংস্থাপিত হয় না? এমন স্থিরী-কৃত হউক না কেন যে, যে রাজ্য বৈজ্ঞা-নিক আবিষ্ক্রিয়ায়, অথবা জ্ঞান ও ধর্মো-ন্নতিতে প্রাধান্য লাভ করিতে পারিবে, সেই রাজ্যই শ্রেষ্ঠ বলিয়া পরিগণিত হইবে। কিম্বা যদি বল বা কোশলের পরীক্ষাই প্রয়োজন হয়, তাহা হইলে এরূপ নিরূপিত হউক না কেন যে, নর রক্তে বসুধা প্লাবিতা না করিয়া, যে রাজ্য কৃত্রিম যুদ্ধে জয় লাভ করিতে পারিবে, সেই জয়ী বলিয়া অতিহিত হইবে। এই উন্নতির সময়ে এবম্পৃ-কার অবগতি শোভা পায় না। ঈশ্ব-রের সৃষ্টি এবম্পৃকারে শ্রীভ্রষ্ট করা উচিত নহে।

এপ্রকার অতিপ্রায় ব্যক্ত করিতে

আমরা হয়ত সভ্যভিমানী জনগণ কর্তৃক
উপহাসিত হইব। আমাদের বাক্যগুলি
হয়ত ভীকু অন্তঃকরণ নিঃসৃত বলিয়া
অগ্রাহ্য হইবে। এ অপবাদ সহ করিতে
পারিব বলিয়াই আমরা অগ্রসর হই-
য়াছি। বিশেষতঃ বসুন্ধরা কিছু ধীর
শূন্য হন নাই। অনেক সাধু ব্যক্তি
আমাদের অভিপ্রায় অনুমোদন করি-
বেন, সন্দেহ নাই। ধর্ম বলে যে বলী-
য়ান, তাহাকেই প্রকৃত বীর বলা যায়।
রিপুগণকে যে বশীভূত করিতে পারে,
সেই বলী, এবং যে মনোরাজাকে
মুশাসনে রাখিতে সক্ষম, সেই যথার্থ
জয়ী।

প্রেমাখী অনাথ যুবকের

উক্তি।

(প্রাপ্ত)

দুখে শীর্ণকায়, পথে পথে ধায়,
বদন মলিন হাস্য নাহি তায়,
বিরলে বসিতে বাসনা করে।
এ ভবের শোভা, কত মনোলোভা,
প্রভাতে রঞ্জিত অরুণের বিভা,
সুমেরু শিখরে বিটপীর শিরে
অসিত-সলিল যমুনার নীরে;
কার না তাহাতে হৃদয় হরে?
দুখে শীর্ণকায়, পথে পথে ধায়,
বদন মলিন হাস্য নাহি তায়,
বিরলে বসিতে বাসনা করে।
নিশীর মুষমা কবির নয়নে,
মুকুতার পাঁতি মুনীল গগনে,
তাহে শশধর উজলি অম্বর

চুষেন সাদরে কুমুদী অধর;
সরসী সে শশী হৃদয়ে ধরে।
পথে পথে ধায়, মনের জ্বালায়
জগতের শোভা দেখিতে না পায়,
বিষাদে বদনে কথা না সরে।
অই দেখ বসে অশোকের মূলে,
শোকের হৃতাশে হৃদয়ের শূলে
কপোল রাখিয়া স্বীয় করতলে
তিতিয়া দুকুল নয়নের জলে
প্রলয় পরাক হইতে প্রবল
শ্বাসে ঘন ঘন গরল অনল,
স্ফুরিত অধর বিষাদ ভরে।
কভুবা ভূতলে কভুবা আকাশে
মুদিত লোচন ঈষৎ বিকাশে,
কভু ধীরে ধীর ঘোড় করি পাণি
গায় মৃদু মৃদু ললিত কাহিনী,
পশ্চাৎ হৃদয় বাঁধিয়া পাষাণে,
ধরিয়া যুবক রাগিনী সূতানে,
গাহিতে লাগিল উচ্চৈঃস্বরে।
হায়রে বিষাদ নাহিক মমতা,
কার কাছে কই এ দুখ বারতা,
তরুণ বয়সে দারুণ যাতনা
লিখিল এভালে পুরাতে বাসনা,
অধম তনয়ে বধিলি শেষে।
বসন্ত, হেমন্ত, নিদাঘ, বরষা,
নাহি কোন কালে মুখের ভরসা;
প্রভাত, প্রদোষ, দিবস, রজনী,
চন্দ্রমা অথবা দেব দিনমণি,
সুন্দর শ্যামল চারু কিশলয়,
কিছুতে না পারে ভূষিতে হৃদয়।
আগ্নেয় গিরির অন্তর দাহন
অপরে বুঝিতে পারে কদাচন,
তবে পারে সেই যুবক সুধীর

যাহারে ঘেরেছে দুখের তিমির,
এ তিন সংসারে বলিতে আপন
নাহি কেহ যার অনাথ যে জন
জননী স্নেহ যাহার কপালে
যুচিল হায়রে যুচিল অকালে!
বিষম বিষাদ নাহি কভু যায়
নয়ন-সলিল মোছে একবার,
স্নেহের ভাষায় যতনে ভাষে।
“মরু ভূমি প্রায় জগত সংসার,
যে দিকে ফিরাই নয়ন তাহার
কোন দিকে হায়! দেখিতে না পাই
যথায় তাপিত পরা। জুড়াই
কে আছে সুধাতে এভাবে আমার
যাহার হৃদয় করুণা অপার
স্বভাব সঙ্গারে মৃদু বরষণে
যুচাবে যাতনা অশেষ যতনে,
দেখাবে মনুজে প্রণয় রতন
কি অমূল্য ধন স্নেহ বা কেমন।
মিলিত জীবন তরল তরঙ্গ
কি অমিয় ধরায় প্রণয় প্রসঙ্গ,
ভুবনে কি তার তুলনা আছে?
কঠিন হৃদয় বাঁধিয়া পাষাণে
দীম হীন বেশে মলিন বয়ানে
প্রবাসে প্রবাসে করিয়া ভ্রমণ
নানা জাতি দেশ করি দরশন
যদি পাই তাহে সরল প্রণয়
জুড়াতে পরাণ জুড়াতে হৃদয়,
তবেই জানিব এই ধরাতলে
বিরাজে কুশল মানব-মণ্ডলে,
নতুবা ভূতলে সকলি অসার
বিশাল অবনী দুখ কারাগার
মোহের ছলনা নিগড় পাছে।
সুখে থাক বঙ্গ-যুবক-নিকর,

সদাই সবাই প্রফুল্ল-অন্তর,
সন্তোষ পাষাণে প্রণয়-লহরী
রোধিয়া যতনে দিবা বিভাবরী
পরিমিত করে প্রবল তরঙ্গ
খর্ক-কলেবর বল-বেগ-ভঙ্গ
তীর দেশে তার করিয়া রোপণ
মুখ-তরুণ-ক্ষীণ আজীবন
উপভোগে ফল অপুষ্ট অক্ষয়
জানেনা প্রবেশে গরল সুধায়;
এমনি বিভ্রম কালের দোষে।
সে সান্তনা হৃদে নাহি পায় ঠাই,
জ্বলে উঠে প্রাণ একিরে বালাই
স্মরিয়া প্রণয় স্মরিয়া দম্পতী
কিছুতে প্রবোধ মানেনা কুমতি;
গতীর গরজে কহিছে হৃদয়
“কোথায় পাইবি প্রকৃত প্রণয়
সে দুর্লভ ধন ত্রিদিব-ভূষণ
হরিলে সে ধন দেবতা রোষে।
মানব-মণ্ডলে সে সুখ বিরল
সুখা বিনিময়ে মিলে হলাহল,
তাজ কুল মান তাজ এসংসার
প্রণয়-নির্ব্বারে অমৃত আশায়
কিছু না মিলিবে কেন পিপাসায়
না হবে শমতাজুড়াতে শেষে।”

কুমারসম্ভবম্।

নবমঃ সর্গঃ।

শ্যামাশুরুহপর্ণাভং
স্ফুটপঙ্কজ লোচনম্
রত্নামনসমাসীনং
দিব্যাভরণভূষিতম্।
কুতাপ্তলিপুটেভক্ত্যা

বিনীতগীতকণ্ঠিঃ
অমুরাশঙ্কয়াত্রৈঃ

সলক্ষীকং স্তুতং সুরৈঃ ।

পারিষদৈঃ পরিমেষৈ

মণিস্তম্ভে মু বিম্বিতৈঃ

পরিবৃতমিবাসংখ্যৈঃ

স দদর্শ হরিং হরঃ ।

বিষ্ণুভূতৈঃ সুরৈর্ব্যাগ্ণে

শ্যামলাভেসিতপ্রভঃ

চন্দ্রালোকইব নক্তং

সদা স প্রাবিশচ্ছিবঃ ।

উথায় গিরীশং শ্রীশঃ

প্রত্যাঙ্গাস্তুং সমুৎসুকঃ

আলিলিঙ্গয়ামুনেয়

প্রবাহ ইব গাঙ্গিকম্ ।

একাসনসমাসীনৈ

ভবতঃ স্ম চিরাৎ প্রভু

লক্ষ্যঃ পদ্মাসনাক্ষেযু

চোপবিষ্টাদ্রিনন্দিনী ।

ক্ষণং নীরবনিঃস্বক্কা

বীক্ষিতাগতদম্পতী

চিত্রার্পিতবয়হতী

পরিষৎপরিশোভিতা ।

কৌতুহলীপ্রকুর্কংস্তান্

সদঃস্থান্ শ্রবণোন্মুখান্

আরেভে সন্মিতং বিষ্ণু

বক্তুং প্রফুল্ললোচনঃ ।

স্বাগতমপিতে যোগিন্

বদ্ধতে কিং তপোনবা

সস্ত্রীকং ত্বাং বিলোক্যাদ্য

মন্যে স্বর্গং নিরাপদম্ ।

আলিঙ্গিতোহধিকপ্রেম্না

পুত্রম্নোহপি ভবান্ মম

সাধারণহিতার্থং হি

বচনীয়ো নঘাতকঃ ।

দাম্পত্যমুখমাস্বাদ্য

চিরাৎ সাংসারিকস্যতে

বেশোপকরণং হেয়ং

সাম্প্ তং নহি শোভতে ।

বারণেন্দ্রাজিনং বাসো

হারোজীবদ্ভু জঙ্ঘমঃ

চিত্তাত্মাঙ্গরাগশ্চ

কপালং পানভোজনম্ ।

শ্রদ্ধা মদ্বচনং বাগিন্

তাজৈতদশিবং শিব

গৃহাণ ভূষণং ভূষাং

গৃহিণাং গ্রহণোচিতাম্ ।

কুমারসম্ভব ।

দিব্যাতরণভূষিত শ্যামলপদ্মনিভ স্ফুট-
পঙ্কজ লোচন হরি, রত্নাসনে বিরাজ
করিতেছেন। অমুরাশঙ্কিত মুরগণ বিনীত
হইয়া ভক্তি পূর্বক কৃতাজ্জলিপুটে গীত-
কণ্ঠে লক্ষ্মীসম্মত যাঁহাকে স্তুতি করিতেছে
পরিমেষ পারিষদগণ মণিস্তম্ভ সমূহে
বিস্মিত হওয়াতে, অসংখ্য পারিষদে বে-
ক্ষিত বলিয়া যিনি অনুমিত হইতেছেন,
সেই হরি কে, প্রভু হর অবলোকন করি-
লেন ।

রজনীর অন্ধকার গর্ভে চন্দ্রের শুভ
আলোক যেরূপ প্রবেশ করিয়া থাকে
সেই প্রকার সিতপ্রভ প্রভু শিব, বিষ্ণু

প্রাপ্ত সুর সমূহের বর্ণভাসে শ্যামায়মান
সভাতে প্রবেশ করিলেন ।

গাত্রোপ্তান পূর্বক প্রত্যাঙ্গামনে সমুৎ
সুক জীপতি গিরিশকে আলিঙ্গন
করিলেন, বোধ হইল যেন গঙ্গাতরঙ্গ
যমুনাপ্রবাহের সহিত মিশ্রিত হইয়াছে ।
শিব ও বিষ্ণু একাসনে সমাসীন হইলেন,
এবং লক্ষ্মীর পদ্মাসনাক্ষে গিরি-নন্দিনী
উপবেশন করিলেন ।

ক্ষণকাল নীরব নিস্তব্ধভাবে নবাগত
দম্পতী অবলোকিত হওয়াতে, সভা
চিত্রার্পিতের শোভা ধারণ করিল,
শ্রবণোন্মুখ সভাস্থগণকে কৌতুহলী
করিয়া বিষ্ণু সন্মিত বদনে প্রফুল্ল
লোচনে বলিতে লাগিলেন ।

যোগিবর ! তোমার মঙ্গল জানিতে
ইচ্ছা করি, কেমন, তপস্যার বৃদ্ধি হই-
তেছে কি না ? অদ্য তোমাকে সস্ত্রীক
অবলোকন করিয়া স্বর্গ-রাজ্য নিরাপদ
বোধ হইল ।

তুমি আমার পুত্র-হস্তা হইলেও
অধিক প্রেমে আলিঙ্গিত হইতেছ, যে
হেতুক সাধারণ হিতানুরোধে ঘাতক
ব্যক্তি কখনই নিন্দনীয় নহে । তুমি
দীর্ঘ কালের পর দাম্পত্যমুখাস্বাদন
পূর্বক সাংসারিক হইয়াছ, সম্পূর্ণ
তোমার এরূপ হেয় বেশোপকরণ শোভা
পায় না ।

তোমার বস্ত্র স্থানীয় গজাজিন, হার
স্থলে জীবদ্ভু জঙ্ঘ, অঙ্গরাগ স্থানে চিতা
তম্বা, এবং পানপাত্র নূপাল হইয়াছে ।
বাগিন্ শিব ! আমার অনুরোধ বাক্যে
অশিব ভূষণ সমুদয় ত্যাগ করিয়া গৃহী
দিগের গ্রহণোচিত ভূষা গ্রহণ কর ।

হক-কথা ।

কেষেলীয় সৃষ্টি ।

গীত ।

প্রভু কেষেল শিব অবতার,
নন্দী ভৃঙ্গী বার্গার্ড ডেম্পিয়ার ।
লম্বাদাড়ি দীঘল জটা,
বিয়ার ব্রাণ্ডী সিদ্ধিঘটা,
এজুকেশন দক্ষযজ্ঞ কছে ছারখার ।

গলায় বাঁধা ঘণ্টা বাজায়
বুড়ো বুধ উড়ো ডিরেক্টর ।
বাঙ্গলার কাল রাজাল চোখদুটি,
তালে তালে নেচে বেড়ায়
ভূত প্রেত ডেপুটী,

তারা বয়ে ফেরে আইন কানুন
সিদ্ধিবুলির ভার ।

কণ্ঠে বিষ রাশি, চোরঙ্গী কাশী,
হাতের কলম মহাত্মিশূল
সংসার বিনাশী ।

চাক্রে কুল, ভয়ে আকুল,

চারিদিক্ চিতার ধোঁয়ায় অন্ধকার ।

সার ভেইও বিলুদলে,

পূজ পদ কুতুহলে,

মনে দৃঢ় ভক্তি কর সার ।

হক কথায় ডেকে বলে

ভবসিন্ধু হবে পার ।

অনেকে মনে করেন, শিব যেরূপ
সংহারকর্তা ইনিও সেরূপ বঙ্গদেশ সং-
হার কৰ্ত্তে এসেছেন, বস্তুত তা নয়, ইনি
সংহার কৰ্ত্তে আসেন নাই, নূতন সৃষ্টি
কৰ্ত্তে এসেছেন, নূতন গড়তে গেলেই,
আগে ভাঙতে হয়, এঁকে কলির বিশ্বা-

মিত্র বলা যায়, বিশ্বামিত্র মুনি যখন দেখলেন বিধাতার সৃষ্টি বড় পুরণো হয়েপড়েছে, মানুষ সব সাত হাত আট হাত সমান উচু ছিল, কালে দিন২ বানরের মত হয়ে আসছে, গঙ্গা শত যোজন বিস্তীর্ণ ছিল, কালে লাফিয়ে পার হওয়ার উপযুক্ত কাশীন্দী হয়েছে। পূর্বকার তুলসীপাতা এখনকার মানপাতার মত ছিল, যে বস্তু এক দিন না খেলে প্রাণ যায়; সেই চালু ইচ্ছা মাত্র হতো, সেরূপ আর হচ্ছে না, ধান জন্মাতে আট মাসের প্রয়োজন, তখন নূতন সৃষ্টি আরম্ভ করলে, বিধাতার সঙ্গে বড় দলাদলি বেঁধে উঠল, ফলতঃ মানুষের সহিত মানুষের যোগে এতকাল মানুষ সৃষ্টি হওয়াতে, মানুষ গুলি অত্যন্ত শুষ্ক নীরস, স্বার্থপর, পাজি কুশ, খর্ব, হয়ে পড়েছে। গাছে মানুষের সৃষ্টি হলে এ সকল দোষ ঘটবার সম্ভব নাই। এখনকার “রিফরমারেরা” বলেন, বালাবিবাহ, বহুবিবাহ, কুটুম্ববিবাহ, নানা রূপ নিয়ম লঙ্ঘন প্রভৃতি দোষে এ সব দুর্ঘটনা সর্বদা ঘটে থাকে, মানুষের মন বড় চঞ্চল, নানা রূপ ধর্ম ও নীতি উপদেশ দ্বারা বেঁধে রাখা কঠিন। গাছে বানরেরা চিরকালই এক রূপ, কখন পরদারপানে দৃষ্টি করে না। বহুবিবাহ বা বালাবিবাহ প্রভৃতি কুনিয়ম ঘটে পারে না, গাছে মানুষ হলে সে সব মানুষেরা হুঁক পুষ্ট বলিষ্ঠ হবে, মিথ্যা প্রবঞ্চনার নাম গন্ধও জানবে না, যে মানুষের সৃষ্টির গোড়াতেই পাপ রয়েছে, সেই মানুষকে কখন ধর্মশাসন, রাজশাসন দ্বারা

নিষ্পাপ রাখা যায় না। দেখ সীতা এত সতী লক্ষ্মী পবিত্র মেয়ে মানুষ কেন? ইনি যে মাটীফেটে জন্মেছিলেন। গাছে হলে আরও ভাল হতেন। প্রভু যীশুখৃষ্ট মানুষের পেটে জন্মেছিলেন বটে, কিন্তু আর এক প্রণালীতে হওয়াতেই ওরূপ সাধু ও পবিত্র হয়েছিলেন, গাছ হতে জন্মগ্রহণ করলে এককালে নিদোষ হতেন। এ সব দেখে শুনে বিশ্বামিত্র মুনি গাছে মানুষ সৃষ্টি কর্তে মন দিলেন, মাথা মাত্র সৃষ্টি করেই কোন কারণবশতঃ ক্ষান্ত হলেন।

সেই মাথাই নারিকেল, অনেক পণ্ডিত বলেন, মাথার গুণেই লোক ধার্মিক, জ্ঞানী ও পরিশ্রমী হয়ে থাকে, নারিকেলের ভিতর যে রূপ আশ্চর্য মধুময় পদার্থ দেখা যায়, তাতে অনুমান কর্তে পারি, মানুষ গুলি যদি জন্মিত তাহলে যার পর নাই, সুন্দর, জ্ঞানী, সুশীল হতে পারতো, সব মানুষ রাজা রামমোহন রায়, দেবেন্দ্রনাথ ঠাকুর, রামতনু লাহিড়ীর মত হলে আর কি চিন্তা ছিল, তা হলে আর পুলিশের দরকার হতোনা।

ফ্রান্স দেশে কয়টি নামে এক মহাত্মা জন্মে ছিলেন। তিনি নিজ দেশের মেয়ে মানুষদের অহঙ্কার আন্দোলন, পাকাসে গোঁড়ামি দেখে, মনে মনে চিন্তা কর্তে লাগলেন, এ দের জন্ম কর্তে হবে, বিধাতার সৃষ্টির রীতি অনুসারে যে রূপ সন্তান জন্মে থাকে, সে নিয়ম বজায় রাখতে গেলে, বেটীর জন্ম হবে না, সৃষ্টির অন্য কোন উপায়ে সন্তান জন্মা

বার কল আবিষ্কার কর্তে হবে, কয়টি অনেক চেষ্টা করে দেখলেন, কিছুতেই নূতন সৃষ্টির পথ আবিষ্কার কর্তে পালেন না, শেষে নিরুপায় হয়ে মেয়ে মানুষের পূজা কর্তে লাগলেন, বিশ্বামিত্র মুনি এত তপস্যা, এত যাগ যজ্ঞ, এত ব্রত, উপবাস করেও কিছু কর্তে পালেন না, কয়টির কেবল কল্পনা মাত্র।

আর একটা ইংরাজ নূতন সৃষ্টির মনন করে বঙ্গদেশে উপস্থিত হলেন, প্রথম নূতন সৃষ্টির মানস কবে পুরণো সৃষ্টি নাশের চেষ্টা কর্তে লাগলেন। সাহেব যাতে হাত দেন তাতেই হতভাগা বাঙ্গালীরা ভয়ে কাঁপতে থাকে, আর “পরিত্রাহি” বলে চিৎকার কর্তে থাকে, নূতন সৃষ্টি এসব দেখে শুনে পুরাতন সৃষ্টি সংহার না হতেই নূতন সৃষ্টি আরম্ভ করলেন। বিধাতার যত সৃষ্টি করা পদার্থ আছে, তার মধ্যে মানুষই সর্ব প্রধান, মানুষ অপেক্ষাও মানুষের কথাবার্তা প্রধান। বস্তুতঃ মানুষের ভাষাই মনুষ্যত্ব বলা যায়। বঙ্গদেশে মানুষের ভাষা সংশোধন কর্তে লাগলেন। হুকুম দেওয়া হলো, সংস্কৃত বড় পুরাতন, শুকিয়ে শুকিয়ে হাড়ের মত শক্ত হয়েছে, সহস্র বুঝে উঠা ভার। তার নাম গন্ধ থাকলে, নূতন সৃষ্টি হবে না, পারশী, আরবী, উর্দু এগুলিও নূতন নয়, এগুলিকেও বাঙ্গালা থেকে তাড়াতে হবে, বাঙ্গালা ভাষাতে টেঁকি, কুলো, দা, কুড়ুল, ঘটি, খড়ম প্রভৃতি কতক গুলি আদিম শব্দ আছে তা নিয়েই কথাবার্তা ও লেখা

পড়া চালাতে হবে, খবরদার, আর কোন রূপ শব্দ হলে সৃষ্টির ব্যাঘাত হবে, অনেক বছর বর্ষাকালের বৃষ্টি পেয়ে পেয়ে ভাষা থেকে নূতন শিকড় বেরোবে, তা হলে, দেখতে দেখতে ভাষা থেকে সব নূতন নূতন ডাল পালা বেরোবে, দিকি শোভা হবে। আমাদের সাধারণ বুদ্ধিতে বুঝতে পালেন অনেক দিনে বাঙ্গালা ভাষা নূতন হবে সন্দেহ নাই। কিন্তু মানুষ সৃষ্টি কিরূপে হবে তা আমাদের মত লোকের বোঝা বড় সহজ নয়, অনেক বিবেচনা করে বড় বড় সম্পাদকদিগের নিকট অনেক উপদেশ পেয়ে জানতে পেলেন, বাঙ্গালীদিগকে খেতে না দিয়ে শুকাতে হবে, শেষ যদি দেখা গেল, ইহা রা নড়তে চড়তে পারেন না, তখন তাদের শরীর আর এক রকম বৃদ্ধি করা যাবে, তা হলেই নূতন সৃষ্টি করা যাবে, এই নিমিত্ত এদেশী লোকেরা যাতে অম্প অম্প আহার কর্তে পায়, তার চেষ্টা আরম্ভ করলেন। যারা পাঁচ শত টাকা বেতন পাচ্ছিল, তারা মাত্র পাঁচশ টাকা বেতন পাবে, তারি উপক্রম হতে লাগল, এদেশে চাকরি বৈ আহারের আর অন্য উপায় নাই, সেই আহার বন্ধ করলে, লোকের আর বাঁচবার পথ নাই, বাঙ্গালা দেশে কতকগুলি লোকের কিছু কিছু অতিরিক্ত ভোজন ছিল, তার দিগে সাহেবের দৃষ্টি পড়ল, তাদের আর ভুঁড়ি থাকেনা।

সাহেব মহাত্মা দেখলেন বাঙ্গালা ভাষা সহজে সংশোধিত হবেনা,

বাল্লা ভাষা ইংরাজির উপর অধিক নির্ভর করে, ইংরাজির সংশোধন না হলে বাল্লা সংশোধন করার উপায় নাই এদেশের ইংরাজি শিক্ষা ইচ্ছা পেকে গিয়েছে, আবার এ, বি, সি, ডি, হতে আরম্ভ না কলে নিস্তার নাই, যেমন কোন বস্তুর পরমাণু মিষ্ট হইলে বস্তুও মিষ্ট হবে, পরমাণু তিক্ত হলে পদার্থটি তেতো হবে সন্দেহ নাই, সেরূপ ইংরাজির বর্ণমালা নির্দোষ হলে ইংরাজি ভাষাও ভাল হবে, এইরূপ মত স্থির করে, ইংরাজি বর্ণমালা সংশোধন কর্তে লাগলেন। এক ২ জন ইংরাজি গুরু-মহাশয় মফস্বলে জেলায় ২ নিযুক্ত হলো, দা, কুড়ুল, কোদাল, ক্ষুর, ছুরি, হাতুড়ি, করাত প্রভৃতি অস্ত্র শস্ত্র নিয়ে প্রত্যহ প্রাতে বিকালে সব বাঙ্গালি ভদ্রদিগকে “নমোগণেশায়” বলে শিক্ষা দিতে লাগল” সব জায়গায় এ, বি, সি, ডি, শিক্ষার বড় ধুম পড়ে গেল, যাঁরা সর্বদা রাত জেগে জেগে বুড়ি ২ ইংরাজি বৈ পড়েন, তাঁরা এখন সব ছেড়ে দিয়ে এ, বি, সি, ডি, লিখতে আরম্ভ করেছেন, মিল্টন, মিল, বকল, সরওয়াল্টরস্কাট প্রভৃতির পুস্তকের নাম গন্ধও নাই কেবল এ, বি, সি, ডি, লেখার ধুম, যারা এম এ, পাস করেছিলেন, তাদের সব পড়া শুনা জলে গেল, আবার এ, বি, সি, ডি, হতে আরম্ভ। বড় ২ হাকিম বড় ২ হেড মাস্টার, বড় ২ কেরানি বড় ২ আমলা সব ছেলেদের সঙ্গে শিখতে লাগলেন, এদের দেখাদেখি মুদি সরকার, মুটে, মজুর প্রভৃতি সব ছোট-

লোকেরাও সেই স্কুলে ভর্তি হলো। কোন ২ জমিদারের ছেলেরাও সকের চুলকুনি চুলকুতে লাগলেন, হাকিম বাবুর মাথায় ছাতিধরে বেহারা মহাত্মা স্কুলে গিয়ে, বাবুর সঙ্গে বসে এ, বি, সি, ডি, শিখতে লাগল, কিছু বলবার জো নাই, কেননা, সেও এক টাকা দিয়ে ভর্তি হয়েছে। কেহ কেহ চোকের দোষে চসমা ব্যবহার কচ্ছেন, কোন রূপেই “লাইন” ঠিক কর্তে পাচ্ছেন না, কেহ ২ বা সরু ২ অক্ষর কিছুই দেখতে পাননা, কারু কারু পক্ষে এত ভোরে ঘুমোথেকে ওঠা বিষম দায় হয়ে উঠল, সুতরাং রাত্রের লীলা খেলায় জেগে আমোদ করা বড় কঠিন ব্যাপার হয়ে উঠল। “স্পিরিটের” গুণে কারু বা মাথা ঘোরে, কারু হাত কিছু মাত্র বশ নাই প্রাণপণে নাগ দস্তখত করা হয়, সে সকল লোকের পক্ষে বড় দায় হলো, এই কেম্বেলীয় সৃষ্টির আরম্ভ। সৃষ্টিকর্তার বিশেষ অনুগ্রহ লাভের নিমিত্ত এবং নিজের বিশেষ উন্নতির জন্যে অনেকে কলিকাতা গিয়ে বড় ইঞ্জিনিয়ারিং কলেজে ভর্তি হলো। এসময়ে ইঞ্জিনিয়ারিং কলেজের বড় গৌরব বড় মান, বড় আদর বৃদ্ধি হলো এত কাল ইঞ্জিনিয়ারের দল মানুষ বলে গণ্য হতনা, আজ কাল তারা কাজের লোক। কলিকাতায় কিছু দিন আগে যেমন হাইকোর্টের উকিল মোক্তারদের প্রভাব ছিল, তাদের কাছেই সমুদায় লোক পরামর্শ জিজ্ঞাসা কর্তে যেতো, এখন তাদের আর তত গুণ নাই নূতন সৃষ্টির প্রভাবে

ইঞ্জিনিয়ার দিগের কিছু প্রভাব দেখা যায়।

একটা বাগান নূতন প্রস্তুত কলে সব নূতন জায়গায় যে সব গাছ জন্মায় তার ফল বেশ বড় ২ ও সুস্বাদু হয়। অনেক পুরাণো হলে আর সে ভাব থাকে না ফল সব ছোট হয় পূর্বের মতন স্বাদ থাকেনা। সেই রূপ সৃষ্টির নূতন কালে সব জীব জন্তু হৃষ্টপুষ্ট বলিষ্ঠ থাকে, তার পর, ক্রমে সমুদয় গুণে বঞ্চিত হয়, বঙ্গদেশ বড় পুরাণো হয়েছে, মানুষ গুলির গায় কিছুই বলবীৰ্য্য নাই, কিছুমাত্র সাহস নাই, বিশ বৎসরের কালেই বৃদ্ধ হয়ে পড়ে, বিশেষতঃ এখন লেখা পড়া শিখিবার যে প্রণালী বর্তমান আছে তার দোষে লোক জন আরও কুড়ে হয়ে পড়ে, এ সব দেখে শুনে নূতন সৃষ্টি কর্তা নিয়ম কলেন—লোকেরা কেবল লেখা পড়ার গুণে চাকরি পাবেন না এক দমে ৫৭ মাইল দৌড়তে পারেন, বিশেষ যোগ্য, কার্যক্ষম মনে করা যাবে, লাফিয়ে গাছে চড়তে হবে হঠাৎ না পারলে তাকে অনুপযুক্ত লোক বিবেচনা করা যাবে, পাঠক! গাছে চড়ার নিয়মটা বাঙ্গালীদের পক্ষে বড় উত্তম, বাঙ্গলা দেশে গাছের অভাব নাই, হঠাৎ কোন বিপদ উপস্থিত হলে গাছই বাঙ্গালীদের প্রধান সহায় ও বিশ্রামের স্থান, সব স্কুলের ছেলে দিগকে গাছে চড়ান শিক্ষা দেওয়া হবে, প্রথম বট গাছে, তার পর আম গাছে, পরে তেঁতুল গাছে, পরে সুপারি গাছে চড়বার শিক্ষা দেওয়া হবে। ছেলেরা কেতাব কলম, সেলেট প্রভৃতির ন্যায় এক এক গাছি দড়িও স্কুলে

প্রত্যহ নিয়ে যাবে, কারণ, প্রথম তা পায়ে দিয়ে সুপারি গাছে চড়তে হয় যত সব বুনো লোক ধরে এনে এ বিষয়ের “প্রফেসরি” দেওয়া যাবে, আবার ভাল রূপ সাঁতার শেখান হবে, সাঁতার দিয়ে নদী পার হতে না পারলে চাকরি পাওয়া ভার হবে, অল্প দিনের মধ্যে সব জেলায় সাঁতার শেখাবার শিক্ষক নিযুক্ত হয়ে আসবে।

এখন যে সব চাকরে লোক আছে তাদের দ্বারা ভাল রূপ কাজ কর্ম চলে না, বেতন অধিক দিয়াও কায অল্প পাওয়া যায় এমন সব চাকরের সৃষ্টি কর্তে হবে যে তারা অল্প খাবে অধিক খাটবে, প্রভুর অনুগত থাকবে, মুখে ২ যবাব করবেনা, লেখা পড়াও কিছু ২ না জানবে এমন নয়! আমরা ব্রহ্মার সৃষ্টি খেখে বিশ্বামিত্রের সৃষ্টি দেখেছি কিন্তু এপর্যন্ত কেম্বেলের সৃষ্টি দেখতে পাই নাই, বোধ হয় শীঘ্রই দেখতে পাব। এক জন কেম্বেলী সৃষ্টির মানুষে ব্রহ্মার সৃষ্টির দশ জনের তুল্য কায কর্তে পারবে, এক জন কানুনগুই, যখন মাঠে যাবে তখন আমীনের কায করবে যখন চিঠী পত্র ও নথী নিয়ে দৌড়বে তখন পাঁচ জন “পিয়ন” ও হরকরার কায করবে, যখন জঙ্গলেতে যাবে তখন এক জনে তিন জন বুনো ধাঙ্গড়ের কায দেখাবে, যখন ঘাড়ে মোট বয়ে নেবে, তখন পাঁচ জন বাঁকা মুটের কায করবে, কখন ২ অনায়াসে সাহেবদের খানসামার কাজ চালাতে পারবে, এই সৃষ্টির নিয়মে গবর্নমেন্টের অল্প

লোকের প্রয়োজন হবে, তাহলে তাঁর টাকা বাঁচবে, কেবল সাক্ষীর জবান বন্দীর নিমিত্ত যে মাসে পাঁচ শত ছয় শত টাকা বেতন দেওয়া যায় তাকি সহ হয়? সাহেবদিগকে যে অধিক বেতন দেওয়া যায় সে আলাদা হিসাবে। তাঁরা অনেক কাল বনে বাস করে বড় কষ্ট পেয়েছে, আজকাল বাঙ্গালায় এসে একটু সভ্য হয়েছে পেট বেড়েছে-সকণ্ড বেড়েছে। বাঙ্গালীদিগকে অল্প খাইয়ে অধিক কায় করাতে হবে, ব্রহ্মার বাবাও এমন সৃষ্টি দেখেন নাই।

সমালোচনা।

বঙ্গমুহূদ।

মাসিকপত্র।

১ম ভাগ ১ম সংখ্যা।

এখানি একখানি নূতন মাসিক পত্রিকা, ছাপা উত্তম হইয়াছে লেখাও মন্দ নয়। ডেভিড হেয়ারের জীবনোপাখ্যানটা হৃদয়-গ্রাহী। বঙ্গসমাজ প্রবন্ধটিতে নবীন তার অভাব দৃষ্ট হইল। “সুহৃদের জন্ম” প্রবন্ধে বাল-মূলভ বাচালতা দৃষ্ট হইল। যাহা হউক বঙ্গ মুহূদ দীর্ঘজীবী হইয়া পতিত বঙ্গের মুহূদ হউক এই আমাদের আন্তরিক ইচ্ছা।

বেঙ্গল ম্যাগেজিন্।

শ্রীযুক্ত লালবিহারী দে কর্তৃক

সম্পাদিত।

এই ইংরাজি মাসিকপত্রিকা খানি যে

অনেক অংশে উত্তম হইয়াছে তাহা বলা বাহুল্য। শ্রীযুক্ত লালবিহারী দে মহাশয় এক জন প্রসিদ্ধ লেখক অতি অল্প লোকেই তাঁহার ন্যায় স্মৃষ্টি ও বিশুদ্ধ ইংরাজি লিখিতে পারেন সুতরাং “বেঙ্গল ম্যাগেজিন্” যে কালে এক খানি উৎকৃষ্ট পত্রিকা হইবে তাহা বিলক্ষণ বোধ হইতেছে।

অধিকারতত্ত্ব

শ্রীচন্দ্রশেখর বসু প্রণীত ও প্রকাশিত।

কলিকাতা স্ট্যান হোপ যন্ত্রে মুদ্রিত

মূল্য ১০

আমরা এই পুস্তক খানি আদ্যোপান্ত পাঠ করিয়াছি। গ্রন্থকার বিশুদ্ধ মাধু-ভাষায় আমাদের হিন্দু সমাজের বর্তমান অবস্থা ও তাহার সহিত ব্রাহ্মধর্মের উপযোগিতা বিবর্ণিত করিয়াছেন। সমাজে থাকিয়া ঈশ্বরোপাসনা করা উচিত, আমরা যে সমাজ-ভুক্ত হইনা কেন যথাসাধ্য হিন্দু সমাজের উন্নতি চেষ্টা করা সর্বতোভাবে কর্তব্য—চন্দ্রশেখর বাবু অনেক যুক্তি দ্বারা তাহা প্রতিপন্ন করিয়াছেন। উন্নতিশীল ব্রাহ্মদের একবার এই গ্রন্থ খানি পাঠ করা উচিত।

মুখ্যিস্ ম্যাগেজিন্

শ্রীযুক্ত শম্ভুচন্দ্র মুখোপাধ্যায়

কর্তৃক সম্পাদিত।

প্রায় দশ বৎসর পূর্বে শম্ভু বাবু উক্ত পত্রিকা খানি প্রকাশ করেন। নানা কারণে এ যাবৎ ইহা অপ্রকাশিত ছিল, সম্পাদক ইহা পুনর্বার প্রচারিত করিয়াছেন। আমরা ইহা আদ্যোপান্ত পাঠ করিয়া অত্যন্ত সন্তুষ্ট হইয়াছি।

হালিসহর পত্রিকা।

(পাক্ষিক পত্রিকা।)

২য় খণ্ড]

শ্রাবণ মন ১২৭৯ সাল

[৮ম সংখ্যা

বঙ্গবাসীদিগের ব্যায়ামচর্চা।

স্বাস্থ্য এবং বল মনুষ্যের প্রধান উন্নতি-সাধন, ধর্ম, জ্ঞান, নীতি, বিভব প্রভৃতি সমুদয় স্বাস্থ্য ও বলভাবে সুন্দররূপ দীপ্তি পাইতে পারে না। কোনরূপ শারীরিক হানি সংঘটিত হইলে আত্মা যে উদ্বিগ্নগ্রস্থ হয়, তাহা সকলেই মুক্তকণ্ঠে স্বীকার করিবেন। পৃথিবীতে যে সকল জাতিকে উন্নত ও প্রভাবশালী দেখা যায়, তাহাদিগের বিষয় সমালোচনা করিলে জানা যাইবে, বলবীৰ্য্য সাহসই এরূপ দুর্লভ রহস্যমূলে আনয়ন করিয়াছে। গ্রীক, রোমক, ইংরাজ, ফরাসী, প্রুসীয়ান জাতীয় ইতিহাসই এবিষয়ে সাক্ষ্য প্রদান করিতেছে। জাতি-

দিগের দর্শন, বিজ্ঞান, সাহিত্য, কলা, রাজনীতি প্রভৃতি শাস্ত্র সমূহের জ্যোতিতে পৃথিবী আলোকিত হইতেছে, কিন্তু প্রুসীয়ানদিগের বলবীৰ্য্য প্রভায় তাহা সর্বদা নিম্প্রভ। এরূপ অসংখ্য অসংখ্য বিদ্যা ও বিজ্ঞানরত্ন সত্ত্বে ও যখন জাতিগণ প্রুসীয়দিগের অধীনতা স্বীকার করিল, তখন দর্শন বিজ্ঞানাদি অপেক্ষা বলবীৰ্য্যাদির প্রাধান্য স্বীকার করিতে হইবে সন্দেহ নাই।

ভারতবর্ষে যতপ্রকার জাতীয় লোক আছে, তাহার মধ্যে বাঙ্গালীরাই সর্বাপেক্ষা নিকরীৰ্য্য ও হীনবল, বঙ্গদেশবাসী আর্যেরা কতিপয় শতাব্দীর মধ্যে একবারে শ্রীভ্রষ্ট ও যৎপরোনাস্তি অপকৃষ্ট হইয়া পড়িয়াছেন, বিশেষ অনুসন্ধান করিয়া দেখিলে তাহাদিগের অবনতির কতকগুলি কারণ লক্ষিত হইয়া থাকে।

সভ্যতার ইতিহাসলেখক মহাত্মা বকল বলেন, যে দেশের ভৌতিক প্রকৃতি বলবতী, সে দেশের মানব প্রকৃতি অত্যন্ত দুর্বল; ভারতবর্ষের সমুদয় ভৌতিক স্বভাবই বলবান, হিমালয় সদৃশ উচ্চ, বিস্তৃত, বহুল জলস্রাবী পর্বত পৃথিবীতে আর নাই, বঙ্গ ও আরব্য উপসাগরের ন্যায় পৃথিবীর কোন সমুদ্রেই ভীষণ তরঙ্গমালা দৃষ্ট হয় না, ভারতবর্ষীয় ঝঞ্ঝাবাতের বিষয় সকলেই অবগত আছেন, নানাবিধ বিপুল শস্য দর্শনে ভারতভূমিকে অনেকে “রত্নগর্ভা” বলিয়া ব্যাখ্যা করিয়াছেন। ভারতবর্ষের মধ্যে আবার বঙ্গদেশের ভৌতিক স্বভাব অপেক্ষাকৃত অধিক বলীয়ান, বঙ্গদেশীয় ঝড়, ঝুঁটি, নদী, উদ্ভিদ ও অন্যান্য-জাত শস্যের প্রকৃতি অবলোকন করিয়া অনেক বিদেশীয় লোক চমৎকৃত ও বিস্মিত হইলেন। এ অবস্থায় বকলীও মতানুযায়ী কারণে বাঙ্গালীরা যে এরূপ নিরীক্ষ্য, দুর্বল ও অলস হইবে বলা বাহুল্য। ইউরোপীয় অতি বলবান উন্নত জাতীয় লোক সপরিবারে দুই চারি পুরুষ বঙ্গদেশে বসতি করিলে ঠিক বাঙ্গালীদিগের ন্যায় হতশ্রী ও কোমলাঙ্গ হইয়া পড়ে, এই প্রাকৃতিক হেতুই জল, বায়ু বা “আব্বাওয়া” নামে কথিত হইয়া থাকে।

সামাজিক নিয়মলঙ্ঘন রূপ বিপ্লব তাহার অন্যতম কারণ। অনেক শত বৎসর হইতে বাঙ্গালীদিগের মধ্যে বাল্যবিবাহ, বহুবিবাহ, ব্যভিচার বিষয়ে সামাজিক-শিথিল-শাসন, শিশুবর্গের অযথা পালন,

প্রভৃতি সামাজিক দোষ সমূহ প্রচলিত হইয়া আসিতেছে, তিন পুরুষের মধ্যে কোন না কোন রূপ অত্যাচারগ্রস্ত না হইয়াছে এরূপ বাঙ্গালী প্রায় দৃষ্ট হয় না, বাঙ্গালীদিগের যে কেবল সামাজিক কুসংস্কারই বন্ধমূল এরূপ নহে, শরীর সঞ্চালন, গমনাগমন প্রভৃতি বিষয়েও নানাপ্রকার কুসংস্কার লক্ষিত হইয়া থাকে। বঙ্গদেশে, ধনী, মধ্যবিত্ত, নিঃস্ব এই তিন শ্রেণীয় লোকের মধ্যে নিঃস্ব ভিন্ন প্রায় কাহাকে কোন পরিশ্রমকর ব্যাপারে ব্যাপ্ত হইতে দেখা যায় না। ধনীদিগের মধ্যে কতকগুলি পৈতৃক বিভূক্তি ন্যস্ত ধনের উত্তরাধিকারী, কতকগুলি রাজকীয় কর্মচারী, কতিপয় ব্যক্তি স্বকীয় বাণিজ্য-কৌশল প্রভাবে বিখ্যাত। পৈতৃক বিপুল বিভূতিধারীদিগের বিবরণ স্মৃতিগোচর হইলে চমৎকৃত হইতে হয়। যাঁহারা অনেক পুরুষের বড় জমিদার, তাঁহাদের হস্ত, পদ, ও সমুদয় শরীরের মাংস-পেশী সকল এরূপ শিথিল ও অকর্মণ্য যে, স্বহস্তে কি স্বকীয় বল কোঁশলে কোন কার্যই করিবার ক্ষমতা নাই। অত্যন্ত রোগাক্রান্ত ব্যক্তি যেরূপ পরের সহায়তার আশ্রয়ে গাত্রোথান, অশন, ভ্রমণ প্রভৃতি ব্যাপার নিষ্পাদন করিয়া থাকে, ইঁহারাও ঠিক সেই রূপ করিয়া থাকেন।

রাজকীয় কর্মচারীদিগের মধ্যে অধিক সংখ্যক বেতনভোগীরা বহুকালের পর, প্রায় জমিদার নন্দন দিগের সদৃশ হইয়া উঠেন। বেতন সংখ্যা যত বৃদ্ধি পাইতে

থাকে, ততই তাঁহাদের আলস্য ও অকর্মণ্যতা প্রস্রয় পাইতে থাকে। অল্প বেতন ভোগের সময়ে বহুদূর ভ্রমণ, নিজ হস্তে রন্ধন, ও কোন ক্রিয়া কর্মোপলক্ষে শারীরিক পরিশ্রম প্রভৃতির একরূপ অভ্যাস থাকে, কিন্তু পদ-মর্যাদা ও অর্থাগমের সঙ্গে সঙ্গে এই সমুদয় বিস্মৃত হইতে থাকে। দেখা গিয়াছে অতি দুঃখী ও দরিদ্রের সন্তানেরাও কিঞ্চিৎ পদ ও ধন লাভ করিতে পারিলে, আর শিশুকালের স্বকীয় পরিশ্রম ও ক্রেশের কথা একবার মনেও করেন না।

উপার্জক বণিক-ধনীরা অপেক্ষাকৃত কিঞ্চিৎ পরিশ্রমী ও ক্রেশ সহিষ্ণু, কিন্তু ইদানীং এই পূর্ব নিয়মের অনেক ব্যভিচার দৃষ্ট হইয়া থাকে। আধুনিক দোকানদারেরা, বঙ্গদেশীয় মধ্যবিত্ত ভদ্র লোকেরা, মর্যাদার অনুরোধে নিজ হস্তে অনেক কার্য করিতে প্রায় সম্মত হইয়া না। কলিকাতা নগরে ব্যয় বাহুল্য ও জনাকীর্ণতা বশতঃ আজ্ কাল অনেক মধ্যবিত্তগণ নিজ হস্তে বহুবিধ কার্য সমাধান করিয়া থাকেন।

এদেশের দরিদ্রগণ অগত্যা নিজ হস্তে সমুদয় কার্য না করিয়া জীবন যাত্রা নিরীহ করিতে সমর্থ হয় না। ভদ্র দরিদ্রেরা কোন রূপ অবকাশ ও সুযোগ পাইলেই আলস্য ও বিশ্রামাভিমুখে ধাবিত হয়। আলস্য ও অকর্মণ্যতাই বঙ্গদেশের একমাত্র প্রধান লক্ষ্য। ইদানীং ইউরোপীয় শিক্ষা ও দৃষ্টান্ত প্রভাবে অনেক কৃতবিদ্যগণ শারীরিক পরিশ্রমে

ব্যাপ্ত থাকিয়া সুদৃষ্টান্ত প্রদর্শন করিতেছেন। কিন্তু বহু পুরুষের পাপ, অধোগতি, কুসংস্কার ও অভিকৃতি অপ্যায়সে সহসা দূরীভূত হইবার নহে। অনেক বৎসরের অনেক চেষ্টায় কিঞ্চিৎ পরিমাণে সংশোধন হইবার সম্ভাবনা। এ বিষয়ে সংশোধন করিবার ইচ্ছা হইলে, বাঙ্গালী শিশু ও যুবকদিগকে বিশেষ নিয়মানুযায়ী শরীর পরিচালনে ব্যাপ্ত করা আবশ্যিক। সম্প্রতি প্রায় সকলেই শারীরিক বলবীর্যের মাহাত্ম্য ও গৌরব জানিতে পারিয়াছেন, তাহা ব্যাখ্যা করিয়া অধিক বুঝাইবার প্রয়োজন নাই।

শরীর সঞ্চালন ক্রিয়া—ব্যায়াম, ক্রীড়ন, ব্যাপার, সম্বহন, এই চারি প্রধান ভাগে বিভক্ত হইতে পারে। প্রকৃত ব্যায়াম চর্চা ভারতবর্ষের অনেক স্থলে অদ্যাপি বিদ্যমান আছে। বঙ্গদেশে ব্যায়াম ব্যবসায়ী ব্যতীত অন্যেরা এ বিষয়ের বড় চর্চা করে না। প্রসারণ, প্রবেশন, সঙ্ঘাতন, ভারপ্রচালন, ন্যাস, শরীরের লঘুতা সম্পাদন এই কতিপয় প্রকার প্রক্রিয়া অভ্যস্ত হইলে, দৈরখ-যুদ্ধকৌশল ও নানাপ্রকার অস্ত্র শস্ত্র প্রয়োগ সংক্ষেপে শিক্ষা করিতে হয়। প্রসারণ ক্রিয়া নানা-প্রকারে সংসাধিত হইয়া থাকে যথা— দুই হস্ত, ও জানু দ্বারা মৃত্তিকা অবলম্বন করিয়া তরঙ্গায়মানরূপে ক্রমে দ্রুতবেগে সঞ্চালনা, ক্রমশঃ পুরো বা পশ্চাৎ গমন পূর্বক অতি দ্রুত পুনঃপুনঃ উত্থান ও উপবেশন, নিয়ত প্রবর্তনভাবে দ্রুতবেগে ঘন ঘন উল্লম্বন, নিম্ন হইতে কোন উর্দ্ধ

স্থিত দৃঢ় পদার্থ অবলম্বন করিয়া হঠাৎ তাহার উপর আরোহণ এবং দোলার ন্যায় আবার বার বার দোলিত হওন, প্রভৃতি অনেক প্রকার দৃষ্ট হইয়া থাকে। শারীর বিধান বিদ্ব (ফিজিয়লজিষ্ট) পণ্ডিতগণ বলেন-অতি মৃদুভাবে শরীর কিঞ্চিৎ চালন হইবামাত্র শরীরের স্থানবিশেষের অণুপরিমাণ ক্ষয় প্রাপ্ত হয়, ক্ষয়ের অব্যবহিত পরেই আবার সেই স্থান পূরণের নিমিত্ত অপেক্ষাকৃত কিঞ্চিৎ অধিক পরিমাণে পেশীবিন্দু উৎপন্ন হয়। এই প্রক্রিয়া দ্বারাই শরীর বর্দ্ধিষ্ণু ও দৃঢ়ীভূত হইয়া থাকে, কিন্তু ইহাতে সর্বদা পরিপোষক প্রচুর আহ্বারের আবশ্যিক। নিয়তরূপে রক্তস্রাৱি না পাইলে প্রসারণ হেতুক ক্ষতি পূরণের সম্ভাবনা নাই। আহ্বারের ক্রটি হইলে প্রসারণকারী দিগের শরীর হঠাৎ রুগ্ন, ভগ্ন ও অকর্মণ্য হইয়া যাইতে পারে।

প্রসারণ ক্রিয়াতে কেবল শরীরের বর্দ্ধন শীলতা উৎপাদন করায়, তাহার সঙ্গে প্রবেষ্টন সংযুক্ত হইলে শরীর, দৃঢ়, পটু, ও সুদৃগ্ধ হইতে থাকে। কথ্যভাষাতে প্রবেষ্টনকে “মোড়ান” বলে, এই প্রবেষ্টন অনেক প্রকার প্রণালীতে সাধিত হইতে দেখা যায়, ঘর্ম এবং চিক্ণতা নিবারক কোনরূপ চূর্ণ পদার্থ ব্যবহারের সহিত কখন কখন বেষ্টন ক্রিয়া সাধন করিতে হয়। ব্যায়ামবিৎপণ্ডিতগণ এই স্থলে, ইফ্টক-চূর্ণ, গৈরিকমৃত্তিকা, ভস্মবিশেষ, ব্যবহার ব্যবস্থা করেন। অন্যান্য অঙ্গ প্রত্যঙ্গ অপেক্ষা বাহুদ্বয় ও স্কন্ধের পেশী অধিক

পরিমাণে প্রবেষ্টন করিবে। ভারত-বর্ষীয় ব্যায়ামে যেরূপ প্রবেষ্টন চর্চা দেখা যায়, সে রূপ কোন দেশেই নহে। বোধ হয় ইউরোপীয়দিগের শরীর প্রসারণ প্রাপ্ত হইলে স্ততই দৃঢ় ও পটু হইতে থাকে প্রবেষ্টনের ততদূর প্রয়োজন হয় না। কিন্তু ভারতবর্ষের প্রকৃতি সেরূপ নহে, প্রবেষ্টনে বিশেষ যত্ন না করিলে, কেবল প্রসারণ দ্বারা আশানুরূপ ফল প্রসবিত হয় না, বিশেষতঃ বাঙ্গালীদের পক্ষে প্রবেষ্টনই প্রধান ঔষধ। ভারতবর্ষীয় বাজিকরেরা নানা প্রকার শারীরিক প্রক্রিয়া দ্বারা দর্শক দিগকে কোঁতুক দেখাইয়া থাকে, সেই বাজিকরের শরীর সর্বদা প্রসারণভাবে পরিচালিত হয়, কিন্তু তাহাদের মধ্যে প্রবেষ্টনের তাদৃক চর্চা নাই। এই নিমিত্ত তাহাদের শরীর, ব্যায়ামকার (ডনগির) অপেক্ষা অনেক নিকৃষ্ট। প্রবেষ্টনক্রিয়ার একটা দোষ আছে-অভ্যাস হইলে যদি কতিপয় দিবস এই কার্য হইতে বিরত হওয়া যায়, তবে দূষিত রস নিহিত হইয়া শরীরকে অল্পকাল মধ্যে অকর্মণ্য করিয়া ফেলে।

সম্ভ্রাতন-ব্যায়ামের তৃতীয় উপাদান, অভ্যাস না করিলে শরীর কখনই অতি সহিষ্ণু ও প্রশমীল হয় না। এই নিমিত্ত সম্ভ্রাতনক্রিয়া নিতান্ত আবশ্যিক। অস্পে শরীরে অগ্রে হস্ত দ্বারা পরে কাষ্ঠ প্রভৃতি দ্বারা আঘাত করিতে হয়। স্কন্ধ বাহুদ্বয় অধিক সম্ভ্রাতন যোগ্য বলিয়া অনেক ব্যায়ামবিৎ স্বীকার করিয়া থাকেন। ব্যায়ামের পক্ষে ভার প্রচালন

নিতান্ত প্রয়োজনীয়, প্রসারণ প্রভৃতি দ্বারা কিঞ্চিৎ শরীর পটু হইলে পরে এই ক্রিয়া ব্যবহার করা আবশ্যিক, মুদারই ইহার একমাত্র যন্ত্র। মুদার পরিচালনের অনেক প্রকার প্রণালী আছে, তন্মধ্যে গিরো-বেষ্টন, পার্শ্ব সংবেষ্টন, সম্মুখভাগে স্থিরীকরণ প্রভৃতিই প্রধান, কোন কোন প্রদেশীয় ব্যায়ামে স্কন্ধে ভারবহনের রীতিও প্রচলিত আছে। ন্যাস বিষয়ে অভ্যাস না হইলে ব্যায়ামকারীর বহু-প্রাণতা জন্মে-না, ন্যাসের গুণেই লোক শীঘ্র পরি-শ্রান্ত হয় না। যাহারা অধিকক্ষণ শ্বাস গ্রহণ ও রক্ষণে অসমর্থ, তাহারা কোন শ্রম সাধ্য কার্যই নিষ্পাদন করিতে পারেন না। এবিষয় অভ্যাস করিতে গেলে তত্রোক্ত “কুম্বকীয়” রীতি অবলম্বন করিলে ভাল হয়। কিন্তু ব্যায়াম-বিদগ্ধ ভিন্ন প্রণালীতে উপদেশ দিয়া থাকেন-আমাদের মতে সে সকল প্রণালী বড় উৎকৃষ্ট নহে।

শরীরের লঘুতা সম্পাদন ব্যায়াম শিক্ষার এক প্রধান অঙ্গ। এবিষয়ে বিশুদ্ধ প্রণালী ভারতবর্ষে অধিক প্রচলিত নাই। ইউরোপে এবিষয়টি সুন্দররূপে আলোচিত হইয়া থাকে। দোঁড়ন, হঠাৎ রক্ষোপরি আরোহণ, মহস জলে ঝম্প প্রদানপূর্বক কোন ভাসমান বস্তু আনয়ন, প্রভৃতি দ্বারাই বর্ণিত বিষয় সুন্দর শিক্ষিত হইতে পারে।

এতৎ সমুদয় উত্তমরূপে অভ্যস্ত হইলে শেষে দ্বৈরথ-যুদ্ধ শিক্ষা করা আবশ্যিক। নিরস্ত্র দ্বৈরথ যুদ্ধ যেরূপ ভারতবর্ষে প্রচলিত আছে এরূপ আর কোন স্থলেই নাই।

বঙ্গদেশে বিশেষতঃ ঢাকা নগরে দ্বৈরথ ব্যায়ামের অনেক প্রকার কোর্শল প্রদর্শিত হইয়া থাকে। কথ্য ভাষায় তাহাকে “দাঁও পেঁচ” বলে। সেই সকল কোর্শলের এমনি প্রভাব যে একজন অপেক্ষাকৃত হীনবল মানুষ ও বলবত্তর ব্যক্তিকে অনায়াসে তদ্বারা পরাস্ত-এমনকি ড্রাক্সেপে ভূপাতিত করিতে পারে। ভারতবর্ষের পশ্চিমাঞ্চলীয়েরা এবিষয়ে ঢাকাস্থ ব্যায়ামকারিগণকে প্রশংসা করিয়া থাকেন। কোন সময়ে ঢাকা নগরে এবিষয়ে বিশেষ চর্চা হয় তাহার কোন নিশ্চয়াত্মক প্রমাণ প্রাপ্ত হওয়া যায় না।

চর্মধারণ অসিচর্যা, যষ্টিসঞ্চালন, এবং ভল্লক্রীড়া ব্যায়ামকারিগণের অবশ্য শিক্ষণীয়।

ভারতবর্ষের পশ্চিমাঞ্চলে অসিচর্ম ব্যতীত আর কোন অস্ত্রই অধিক ব্যবহৃত হয় না। বঙ্গদেশে যষ্টি ও ভল্লের ব্যবহার দেখা যায়, কিন্তু বাঙ্গালী ডনগিরেরা ইহা স্পর্শ করে না। পদ্মানদীর উভয় তীরবর্তী কতিপয় নীচজাতীয় লোক আছে, তাহারা নিজ ব্যবসায়ের অনুরোধে ভল্ল ও যষ্টি ব্যবহার করিয়া থাকে। অনেক ইউরোপীয় রণপণ্ডিত ইহাদিগের লাঠি খেলার কোর্শল দেখিয়া প্রশংসা করিয়াছেন।

ব্যায়াম দ্বারা শরীর সঞ্চালন পক্ষে যেরূপ ফল লাভ হইয়া থাকে, ক্রীড়ন তদপেক্ষা ন্যূন ফলপ্রদ হইলেও সকলের পক্ষেই তাহা অবশ্য করণীয়।

কন্দুক ক্রীড়াকে ব্যায়ামের কনিষ্ঠ সহো-

দর বলিলে অত্যুক্তি হয় না। কন্দুক খেলার বিবরণ আর্ধ্যদিগের পুরাতন পুস্তকে প্রাপ্ত হওয়া যায়, কোঁরব ও পাওবদিগের শিশুসময়ের কন্দুকক্রীড়া বিস্তারিত বর্ণিত আছে রোম ভরতাদির কন্দুকখেলা কাহারই অবিদিত নাই। হিমালয়নন্দিনী উমার কন্দুকখেলার প্রস্তাব দ্বারা পূর্বতন আর্ধ্যক্রীড়ালোকের কন্দুকক্রীড়ার বিশেষ প্রমাণ প্রাপ্ত হওয়া যায়। এই খেলা ভারতবর্ষ হইতে যে রোম, গ্রীস, ইংলণ্ড প্রভৃতি দেশে নীত হইয়াছে তাহাতে আর সন্দেহ নাই। সেই কন্দুক খেলার নামই “ক্রীকেট্” ইহা দ্বারা উত্তমরূপে প্রসারিত হইয়া থাকে। শিশু ও নবযুবদিগের পক্ষে এই খেলা নিতান্ত আবশ্যিক। প্রকৃত ব্যায়াম চর্চাতে শিশুদিগের শ্বাসরোগ উৎপাদনের আশঙ্কা আছে, কিন্তু এই খেলাতে কোনরূপ হানির শঙ্কা নাই। ইদানীং বিদ্যালয়ের ছাত্রদিগকে ইহাতে ব্যাপ্ত হইতে প্রায়ই দৃষ্ট হয়। এবিষয়ে শিক্ষকদিগকে মনোযোগী হইয়া অধিনায়কতা সম্পাদন করা উচিত। বিশেষ বিবেচনা করিয়া দেখিলে ইহাতে প্রবেশন ব্যতীত সমুদয় ব্যায়ামীয় ক্রিয়াই সম্পাদিত হইতে দৃষ্ট হইয়া থাকে।

অশ্বারোহণ ক্রীড়া দ্বারা যে রূপ প্রসারণ সম্পাদিত হইয়া থাকে, সে রূপ শরীরের লঘুতা জন্মিয়া থাকে। ইহা যে রূপ শরীরের তৈলীয় মাংসলতা নিবারণের মর্হোষধ, এরূপ আর দ্বিতীয় নাই। স্বাধীন প্রকৃতি বীরত্বশালী জাতি মাত্রই অশ্বচালন

প্রিয়। উৎকল ও বঙ্গদেশ ব্যতীত পৃথিবীর সর্ব স্থলেই ইহার বিশেষ আদর দেখা যায়। ভারতবর্ষের পশ্চিম ও দক্ষিণাঞ্চলে অশ্বের সহায়তা ব্যতীত বহুদূর গমনের বিশেষ সুবিধা নাই। মহারাষ্ট্রীয়েরা এবিষয়ে আরব্যদেশীয়দিগের প্রায় সদৃশ, আরবেরা অশ্বচালনাকে সর্বপ্রধান ব্যায়াম বলিয়া নির্দেশ করিয়াছেন। ইউরোপেও বীর পুরুষদিগের নিকট ইহার যৎপরোনাস্তি সমাদর। নদী-মাতৃক বঙ্গদেশে ইহা দ্বারা বহুদূর গমনের বিশেষ সুবিধা নাই, এই নিমিত্তই বোধ হয় বাঙ্গালীদিগের মধ্যে এবিষয়ের অধিক চর্চা দেখা যায় না। সম্প্রতি বাঙ্গালী রাজকর্মচারীদিগের প্রতি এবিষয়ের আদেশ হওয়াতে, বঙ্গদেশে এক নূতনবিধ ব্যায়াম চর্চার প্রত্যাশা করা যাইতে পারে। অশ্বারোহণ অভ্যাস করিতে হইলে প্রথম পেণ্ড ও মণিপুরীয় শান্ত অশ্বই ব্যবহার করিবে। আরোহণে বিশেষ নৈপুণ্য লাভ না হইলে আরবীয় ও জার্মানিস্থ “হাঙ্গরীয়” ঘোটক চালন অত্যন্ত দুষ্কর ব্যাপার। পৃথিবীর অতি পুরাতন ইতিহাস পর্যালোচনা দ্বারা জানা যায়, আর্ধ্যেরাই প্রথম অশ্বারোহণে মৃগয়া করিয়াছেন। ইহা স্মরণ করিয়া বাঙ্গালী আর্ধ্যসন্তানদিগকে পূর্বপুরুষের উক্ত আবিষ্কৃত ব্যবহার পুনরুদ্ধার করা কর্তব্য।

সন্তরণ আর একটা ব্যায়াম সম্বন্ধীয় ক্রীড়ন, ইহা দ্বারাও শরীরের প্রসারণ জন্মিয়া থাকে, এবং শরীর লঘু ও কার্যক্ষম হয়। বাঙ্গালী বালকদিগকে এবিষয়ে আর

অধিক উপদেশ দিতে হয় না।

নাগরিক লোকেরা এবিষয়ে প্রায়ই অনভিজ্ঞ থাকে ইহা সকলকেই শিশুকালে শিক্ষাকরা উচিত। শিশুদিগের অনেক প্রকার ক্রীড়া আছে তদ্বারা শরীরের উৎকর্ষ সাধন হইয়া থাকে, প্রাচীন বাঙ্গালী মহাশয়েরা শিশুদিগকে পরিশ্রমিক ক্রীড়ায় ব্যাপ্ত দেখিলে নিরন্তর ইহা নিমিত্ত উত্তেজন করিয়া থাকেন, বিশেষতঃ পাঠশালায় গুরুমহাশয়েরা বালকদিগকে পরিশ্রম ক্রীড়ার নিমিত্ত সর্বদা শাসন ও তর্জ্জন গর্জ্জন করেন। অনেক ধনীলোকের শিশুকালে ওরূপ ক্রীড়া ব্যতীত আর কোনরূপ শারীরিক চালন হয় না। বস্তুতঃ বালকদিগকে নানা প্রকার পরিশ্রমিক ক্রীড়া কর্তব্য, হিত পরিণামদর্শী অভিভাবক মাত্রেই অনুমোদনীয়।

বঙ্গদেশে অনেক প্রকার ব্যায়াম আছে, তদ্বারাও শরীর সঞ্চালন ক্রিয়া সম্পন্ন হইয়া থাকে। সূত্রধার, কাঠ ফলক কারক লোহকার, শঙ্খবণিক, নাবিক, প্রভৃতির ব্যবসায় দ্বারা ব্যায়ামের ফল অনেকদূর প্রদর্শিত হইয়া থাকে।

গোপ, মুটে, যানবাহক, প্রভৃতি কতকগুলি ভারবাহী লোক আছে তাহাদের স্বতন্ত্ররূপে ব্যবসা করিবার অধিক প্রয়োজন করে না। এস্থলে ইহাও কর্তব্য যে, প্রকৃত ব্যায়াম চর্চা দ্বারা শরীরের যে রূপ পটু ও তেজস্বী হয়, কিন্তু নানা প্রকার ব্যবসায়িক পরিশ্রম দ্বারা সে রূপ কখনই প্রত্যাশা করা যায় না। ভারবাহীদিগের শরীর অত্যন্ত দৃঢ় কার্যক্ষম ও শ্রমসহিষ্ণু

নয় বটে, কিন্তু সাহস, বীর্য, তেজস্বিতা, উৎপাদিত হয় না। ক্রীড়ন দ্বারা কিয়ৎ পরিমাণে তেজস্বিতা জন্মিয়া থাকে সন্দেহ নাই। বঙ্গদেশে সম্প্রতি ব্যায়াম চর্চার নিতান্ত আবশ্যিক হইয়া উঠিয়াছে বিদ্যালয়ে শীত্রেই এবিষয় প্রবর্তিত হওয়া ও তাবৎ ১০ বৎসরের যুগ বয়স্ক বালকদিগকে ক্রীড়ন দ্বারা শরীর সঞ্চালন করা কর্তব্য। তদ্বতিরিক্ত বয়স্কদিগের পক্ষে প্রকৃত ব্যায়াম বিধেয়। বঙ্গদেশীয় অধিকাংশ বালকদিগকেই শারীরিক দুর্বলতা ও অপটুতা দোষে বিদ্যালয়ে অকৃতকার্য হইয়া পাঠহইতে নিরন্তর হইতে দেখা যায়।

শিথিল ঋণ ভগ্ন অকর্মণ্য শরীর লইয়া কেবল সূক্ষ্ম বুদ্ধি দ্বারা বাঙ্গালীরা কতদূর উন্নতি লাভ করিতে পারিবে? যাঁহাদিগের অধিক বয়স হইয়াছে তাঁহাদের আশা নাই। যাহাতে পরবর্তী লোকদিগের এই অভাব মোচিত হয় তদ্বিষয়ে তাহাদিগকে মনোযোগী হওয়া উচিত, দেশীয় অধিকাংশ লোকের এবিষয়ে অতি ঋচি জন্মিলে কর্তৃপক্ষীয়েরা রাজকীয় বিদ্যালয় সমূহে অবশ্যই এবিষয় সংশোধিত করিয়া দিবেন।

প্রস্তাব উপসংহার কালে বক্তব্য এই যে আমাদের লেফটেনেন্ট গবর্নর কেম্বল-সাহেব অনেক নূতন বিষয়ে হস্তার্পণ করিতেছেন, সারভেইঙ ও ইঞ্জিনিয়ারিং-এর ন্যায় এবিষয়ের প্রতিও মনোযোগী হইয়া আমাদের মনোবাঞ্ছা পূর্ণকরুন।

মুদ্রায়ত্ত্ব বিষয়ক বক্তৃতা ।

[বিগত বর্ষের হিন্দুমেলার মাসিক সভায়
শ্রীযুক্ত বাবু যোগেন্দ্রনাথ ঘোষ দ্বারা
পাঠিত হয়]

সভ্য মহোদয়গণ! অতঃপূর্বে আমি যে বিষয়
আপনাদিগের সমক্ষে পাঠ করিতে
প্রবৃত্ত হইতেছি, ইহা যদিও আমার
একান্ত মনোনীত বিষয় বটে, এবং
যাহাতে এতদসংক্রান্ত বিষয় সমুদয়
আন্দোলিত হইয়া দেশীয় মুদ্রাস্কনের
প্রকৃত উন্নতির পথ পরিষ্কৃত হয়,
তাহা যদিও আমার একান্ত বাসনা,
কিন্তু আমার এতাদৃশ কোন অভিলাষ
ছিল না যে আমি উহা লিপিবদ্ধ করিয়া
বক্তৃতা আকারে পাঠ করি। আমার
বন্ধু ও হিন্দুমেলার প্রবর্তক শ্রীযুক্ত বাবু
নবগোপাল মিত্র, যিনি দেশীয় উন্নতি
ব্রতে একান্ত ব্রতী হইয়াছেন, তাঁহারই
অনুরোধ পরতন্ত্র হইয়া আমি এতদকার্যে
প্রবৃত্ত হইতেছি, কারণ আমার এরূপ
বিশ্বাস যে এক্ষণে বক্তৃতাদি করিয়া
বাক্যব্যয় করা বালচাপল্য ও বহ্বারম্ভ-
মাত্র। বস্তুতঃ তদ্বারা দেশীয় প্রকৃত
উন্নতির কোন প্রকার সম্ভাবনা নাই।
এজগৎ আমি বক্তৃতাদি করিতে অত্যন্ত
অনিচ্ছুক। যাহা হউক অতঃপূর্বে প্রস্তা-
বটি যত্বপূর্ণ কোন কার্যকর হয়,
তাহাই হইলেই আমার শ্রম সফল জ্ঞান
করিব। অপর, এক্ষণে দিন দিন এই
কলিকাতা মহানগরে মুদ্রায়ত্ত্বের যেরূপ

প্রাচুর্য্যের দৃষ্টিগোচর হইতেছে তাহাতে
যে এই প্রস্তাবটি নিতান্ত অকিঞ্চিৎকর
হইবে এমত বোধ হয় না।

সভ্যগণ! কোন বিষয় উন্নতি করি-
বার পূর্বে লোকদিগের মনোমধ্যে
একটি অভাব বোধ হওয়া অত্যন্ত
আবশ্যিক, এবং সেই অভাব দূরীভূত
করিবার জন্য উপায় সকল নির্ধারণ
করিয়া একেবারে তদনুষ্ঠানে প্রবৃত্ত
হওয়াই প্রকৃতি উন্নতির সোপান। কিন্তু
হুংখের বিষয় এই যে, অস্বদেশীয় বক্তৃ-
ব্যূহের অন্তরে এ উভয়ই সমান ভাব ধারণ
করিয়া রহিয়াছে। তাঁহারা মুদ্রায়ত্ত্ব
সংক্রান্ত কোন অভাব দেখিতে
ছেন না, সুতরাং তদ্বিষয়ে তাঁহাদের
কর্তৃক কোনরূপ উন্নতি ও দৃষ্টি-
গোচর হয় না। তাঁহারা এক প্রকার
সিদ্ধান্ত করিয়াছেন যে মুদ্রায়ত্ত্ব সম্প-
র্কীয় যাহা কিছু সমুদায় আমরা ইংরাজ
বাহাদুরদিগের নিকট হইতে প্রাপ্ত হই-
য়াছি, হইতেছি ও হইবে; তদ্বিষয়ে আর
আমাদের কোনরূপ আয়াস স্বীকার
করিতে হইবে না; ইহার জন্য মস্তিষ্কে
আর পীড়ন করিতে হইবে না, এবং ইহার
জগৎ আর উদ্ভাবনী শক্তির প্রয়োজন নাই।
অতএব এই সমুদয় ভ্রান্তভাব অস্বদেশীয়
লোকদিগের মন হইতে একেবারে দূরীভূত
করণান্তর যাহাতে অত্রান্তভাবে সঞ্চারণ
হয়, যাহাতে তাঁহারা দেশীয় মুদ্রাস্কনের
অভাব পরম্পরা অবগত হইয়া তন্নিরা-
করণে সচেষ্টিত হইয়েন, তাহাই আমার
প্রধান লক্ষ্য।

সভ্যগণ! কোন বিষয়ের উপর উত্তমরূপ
প্রবন্ধ রচনা করা, কি নানা প্রকার বাক্য-
পটুতা দ্বারা শ্রোতৃবর্গকে বিমোহিত করা,
আমার অত্যাচার এই প্রস্তাবটির উদ্দেশ্য
নহে। আমার এই রূপ আকিঞ্চন যে,—
যে মুদ্রাস্কন প্রকাশিত হইয়া পৃথিবীর
অপরিসীম উপকার সাধন হইয়াছে,—
যে মুদ্রাস্কন প্রভাবে মনুষ্যগণ ইহ-জীব-
নের সুখ স্বচ্ছন্দতা লাভ করিয়া পরম
সুখে কালযাপন করিতেছে,—যাহার
উদ্ভাবনে আমরা জ্ঞানালোক প্রাপ্ত হইয়া
মনুষ্যজীবনের যথার্থ সার্থকতা লাভে
সক্ষম হইয়াছি—ভাবিতে গেলে যাহার
সমান মহোপকারী এই অবনিমণ্ডলে আর
কিছুই লক্ষিত হয় না,—কি সাহিত্য,
কি বিজ্ঞান, কি ভূগোল, কি খগোল,
কি জ্যোতিষ, কি বাণিজ্য, কি ব্যায়াম, কি
সঙ্গীত ইত্যাদি সমুদায়ের সহিত তুলনা
করিলে, যাহাকে তৎসমুদায়ের বর্ত-
মান উন্নতির মূলধার বলিয়া অবশ্য
স্বীকার করিতে হয়,—যাহার অভাবে
মনুষ্যসমাজ অজ্ঞানতিমিরে আচ্ছন্ন
থাকিত, সেই পরম শুভজমক মুদ্রাস্কনের
প্রকৃত উন্নতি যাহাতে হয়—সেই “দেশীয়”
মুদ্রাস্কনের বিষয় আলোচিত হইয়া যাহাতে
তাহার প্রকৃত শ্রীকৃষ্ণসাধন হয়, তাহাই
আমার একান্ত বাঞ্ছনীয় ও অতঃপূর্বে
প্রস্তাবের মুখ্য উদ্দেশ্য। অতএব এক্ষণে
আর বাক্যব্যয় না করিয়া মুদ্রাস্কন
ক্রমান্বয়ে কি রূপে আবির্ভূত হইল,
প্রথমতঃ তদ্বিষয় সংক্ষেপে অনুসরণ করা
যাউক।

জগৎপিতা জগদীশ্বর যখন মনুষ্যগণকে
প্রথমতঃ সৃষ্টি করিয়া এই অবনিমণ্ডলে
প্রেরণ করিলেন, তখন তাঁহাদের মধ্যে
পরম্পরের মানসিক ভাব ব্যক্ত করিবার
নিমিত্ত একমাত্র বাক্য ব্যতিরেকে অতঃপূর্বে
উপায় নিরূপিত ছিল না। কারণ পৃথি-
বীর আদিম কালের লোকসংখ্যা অতিশয়
হীন ছিল; সুতরাং তৎকালে অতঃপূর্বে
উপায়ের কোন প্রয়োজন হয় নাই।
প্রয়োজন অভাব-বিমোচনকারক। অতএব
ক্রমে ক্রমে যত মনুষ্যসংখ্যা বৃদ্ধি হইতে
লাগিল—ক্রমে যখন নানা লোক নানা
স্থানে ব্যাপিয়া পড়িল, তখন তাহাদিগের
মধ্যে মনের ভাব ব্যক্ত করিবার নিমিত্ত
অপর একটি উপায় নির্ধারণের আবশ্যিক
হইতে লাগিল। সেই সময়ে “হাইরো-
গ্লিফিক” অর্থাৎ পবিত্র লিপির আবিষ্কার
হয়। ইহা দ্বারা তৎকালের লোকদিগের
এবং বর্তমান সময়েরও অনেক উপকার
দর্শিয়াছে অবশ্য স্বীকার করিতে হইবে।
কারণ এতদ্বারা অতি পুরাকালের অনেকা-
নেক কাল নিরূপণাদি সংঘটন হইয়াছে।
কোন ব্যক্তি ইহার সৃষ্টিকর্তা তাহার কোন
মীমাংসা হয় নাই, এবং তদ্বিষয় নির্ধারণে
প্রবৃত্ত হওয়াও অতঃপূর্বে এই প্রস্তাবের
উদ্দেশ্য নহে। অতএব এতৎসম্বন্ধে আর
হুই এক কথা বলিলেই যথেষ্ট হইবে।

এক্ষণে আমরা যেমন পুস্তকাদি প্রচার
দ্বারা জ্ঞানালোচনা করিয়া থাকি, পৃথিবীর
প্রথমাবস্থায় সেই রূপ উপরোক্ত লিপি
দ্বারা বিখ্যাত ঘটনাবলী লিপিবদ্ধ করি-
বার প্রথা ছিল। সেই সকল লিপি কোন

বিশিষ্ট অক্ষর বদ্ধ নহে। উহা প্রতিমূর্তি বা অল্প কোন সাস্কেতিক চিহ্ন দ্বারা সমাধা করা হইত। সুতরাং আপামর সাধারণে তৎপাঠে অনভিজ্ঞ থাকিতেন। তৎকালে মিসরী, মিরিয়নস্ ইত্যাদি অপরাপর জাতিদিগের মধ্যে উক্ত প্রকার লিপি প্রচলিত ছিল। যে সকল ঘটনা তৎকালের লোকেরা স্মরণীয় করিবার মানস করিতেন, তাহাই স্বাক্ষে, স্তম্ভে, ইফকে, এবং বিশেষতঃ প্রস্তরে খোদিত করিয়া রাখিতেন। কখন কখন ঐ সকল বস্তুতে পশু পক্ষির প্রতিমূর্তি চিত্রিত করা হইত। উক্ত লিপি বহুকালাবধি প্রচ্ছন্নভাবে অবস্থিত করিতেছিল, কারণ উহাতে যে কি লিখিত হইয়াছে তাহা তৎকালোপস্থিত ব্যক্তি ভিন্ন অপর কেহ পাঠ করিতে পারিতেন না। অধুনাতন রিচক্ষণ অনুসন্ধানিকগণ দ্বারা উহার অনেক আবিষ্কার হইয়াছে। “মাফটার লেয়ার্ড” নামক জর্নৈক ইংরাজ এবং ফরাসিদেশীয় “মন্সীয়ার বোর্টা” নামক অপর এক ব্যক্তি, উভয়ে মিরিয়া হইতে কতকগুলি হাইরোগ্লিফিক্ নামক লিপি প্রাপ্ত হইয়া তৎপাঠে সমর্থ হওয়াতে অনেক উপকার দর্শিয়াছে। কারণ উহাতে বিবিধ প্রয়োজনীয় বিষয় সুপ্রকাশিত হইয়াছে। ১৭৯৯ খৃঃ অব্দে অপর জর্নৈক ফরাসি জাতীয় ইঞ্জিনিয়ার নীলনদীর পশ্চিমাভিমুখের সন্নিকটবর্তী “রসেটা” নামক স্থানে একখানি কৃষ্ণবর্ণের প্রস্তর-ফলক প্রাপ্ত হইয়াছিলেন। উহাতে তিন প্রকার অক্ষর খোদিত ছিল। তন্মধ্যে

এক পুংক্তি প্রাচীন গ্রীক্ অক্ষর; সুতরাং তাহা সহজে পাঠ্য। অপর দুইটি ভাষা কি তাহা কেহ নির্ণয়ে সমর্থ হইেন নাই। এই প্রস্তর অট্টাবধি লণ্ডনস্থ “ব্রিটিশ মিউজিয়ম্” নামক চিত্রশালায় স্থাপিত আছে। উহাকে ইংরাজি ভাষায় “দি রসেটা ফোন” কহে। গ্রীক ভাষায় উক্ত প্রস্তরে রাজা “টলিমিইপিফেস্” রাজ্যাভিষেক ও রাজকার্য্য বিবরণ সমুদায় বর্ণিত আছে। তিনি খৃষ্টাব্দের ১৯৬ বৎসর পূর্বে ‘মেম্ফিস্’ নামক স্থানের অধিপতি ছিলেন। এই রূপ হাইরোগ্লিফিক্ লিপির আর আর বিবিধ প্রমাণ প্রাপ্ত হওয়া যায়। সুবিখ্যাত ফরাসী পর্যটক “কার্ট ডি লেবর্ডী” আরব্য পেট্রীয়া নামী পর্বত শ্রেণীর বিষয় বর্ণনাকালে এরূপ লিখিয়াছেন, যে আমরা ওয়াডি মুকাটেব গিরির অভ্যন্তর দিয়া যাইতে যাইতে দেখিতে পাইলাম, যে সেই পার্বতীয় শিলায় বহুদূর খোদিত লেখা রহিয়াছে। ইহাকে “লিখিত উপত্যকা” কহে। অতঃপর আমরা জাবেল এল মুকাটেব নামী অপর একটা পর্বতের নিকটবর্তী দিয়া গমনকালে দৃষ্টিগোচর করিলাম যে ভূমি হইতে ১০।১২ ফিট উচ্চে সেই পর্বতের কঠিনতর শিলায় উপর অসংখ্য লেখা খোদিত। উহাকে “লিখিত পর্বত” নামে উক্ত করিলেও করা যাইতে পারে। আমাদের মধ্যে অনেকে আরব্য, হিব্রু, গ্রীক, মিরিক্, কপটিক, লাটিন, আরমানি, তুরস্ক, ইংরাজী, ইলিরিয়ম্, জর্মানি,

ফরাসি এবং বোহিমিয়ান ভাষা জ্ঞাত ছিলেন। কিন্তু ইহা কোন্ ভাষায় খোদিত তাহা কেহই স্থিরীকৃত করিতে পারিলেন না; বিশেষ বিস্ময়ের বিষয় এই যে এতাদৃশ ভয়ানক স্থান যেখানে আহারীয় বা পানীয় দ্রব্যের সম্পূর্ণ অভাব সেখানে কি রূপে পূর্বোক্ত সুকঠিন লিখনকার্য্য সমাধা হইল। এই রূপ হাইরোগ্লিফিক্ সংক্রান্ত ভূরি ভূরি প্রমাণ সংগ্রহ করা যাইতে পারে। জগন্নাথদেবের মন্দিরে ও অত্যাগ্ন স্থান হইতে নানাপ্রকার প্রস্তরাদি প্রাপ্ত হওয়া গিয়াছে, তাহাতে কি লিখিত আছে তাহা অট্টাবধি কেহ নির্ণয়ে সমর্থ হইেন নাই। যাহা হউক, হাইরোগ্লিফিক্ যদিও সকলকার বোধগম্য নহে, তত্রাচ ইহার দ্বারা যে পৃথিবীর কথঞ্চিৎ উপকার দর্শিয়াছে তাহা অবশ্য স্বীকার করিতে হইবে। কারণ অনেকানেক অনুসন্ধানিকগণ ইহার সাহায্যে ইতিহাসের তারিখাদি ও বিবিধ বিষয় নিরাকরণে সমর্থ হইয়াছেন। প্রত্যুত হাইরোগ্লিফিক্ লিপি যে পৃথিবীর প্রাক্কালেই প্রচলিত হয়, তাহা এক প্রকার সুস্পষ্ট প্রতীয়মান হইতেছে, কারণ তৎকালে নিয়মবদ্ধ লিখন-প্রণালী প্রচলিত থাকিলে কদাপি পূর্বোক্ত স্বেচ্ছামত লিপির ব্যবহার থাকিত না।

অতঃপর অক্ষর-রূপ সূচক চিহ্নের উদ্ভব হইয়া নিয়মবদ্ধ হস্তলিপির সৃষ্টি হয়। সেই লিপিই অট্টাবধি ভূমণ্ডলের সর্বজাতির মধ্যে সচরাচর প্রচলিত রহিয়াছে। ইহার উদ্ভাবনে পূর্বোক্ত হাইরোগ্লিফিক্

অপেক্ষাকৃত কত গুণে যে মানবমণ্ডলীর সুবিধা জন্মিয়াছে, তাহা স্মরণ করিলে ব্যক্তি মাত্রেই বুঝিতে পারিবেন। অতএব এতদ্বিষয়ে বিস্তারিতরূপে বর্ণনা করা বাহুল্য মাত্র।

নিয়মিত অক্ষর দ্বারা হস্তলিপির প্রচার বিষয়ে অনেক প্রকার কপোল-কপিত-বাক্যের উদ্ভব দেখিতে পাওয়া যায়। কেহ কেহ উহা এরূপ সমর্থন করেন যে অম্পবুদ্ধি-সম্পন্ন মনুষ্য কর্তৃক এতাদৃশ সুপ্রণালীসিদ্ধ ও পরিশুদ্ধ নৈপুণ্যের সাক্ষ্যস্বরূপ অক্ষরের সৃষ্টি কখনই সম্ভাবিত নহে। ইহা কৰুণাময় বিধাতা জনসমাজের কার্য্যসৌকার্য্যার্থে এই অবস্থিগুণে সৃষ্টি করিয়াছেন। কেহ কেহ সিদ্ধান্ত করেন, মনুষ্য বুদ্ধি সংযোগেই ইহার উৎপত্তি। এই রূপ নানা লোকে নানা প্রকার বাক্যবিতণ্ডা করিয়া থাকেন। অতএব যখন ইহার কোন স্থিরতর নিদর্শন প্রাপ্ত হওয়া যায় না, তখন এতদ্বিষয় লইয়া যথা কালক্ষেপ করিবার প্রয়োজন নাই। কেবল এস্থলে এই মাত্র বলিলেই যথেষ্ট হইবে যে বর্তমান সুগৃহ্মলবদ্ধ হস্তলিপি প্রচার হওয়াতে পূর্বোক্ত স্বেচ্ছাধীন ও বিশৃঙ্খল লিপি অপেক্ষা শত সহস্র গুণে সুবিধা ও উন্নতি হইয়াছে তাহার আর কোন সন্দেহ নাই।

(ক্রমশঃ)

কুমারসম্ভবম্ ।

নবমঃ সর্গঃ ।

হরে বর্চন মাকর্গ্য
 যোগী প্রত্যবদন্ধরঃ
 মন্যে দরীষু সিংহস্য
 গর্জনাৎ প্রতিগর্জ্জনম্
 নিদোষঃ প্রভুনা দিষ্টিঃ
 ক্রোধাৎ কামোহতো ময়া
 অক্ষিপৎ যুগপৎ রত্যাৎ
 শোকঞ্চ ময়িকল্পাম্ ।
 অথবা মেতপো নাশো
 মার মরণ মেবচ
 বিধাতু রিতি মন্যেহং
 নির্কঙ্ক দৃঢ় বন্ধনম্
 তপএব তপো হস্তং
 শশাক নরতি প্রিয়ঃ
 তপোয় ইতি লোকেহয়ং
 স্থখাখ্যাতস্ত বায়ুজঃ
 ভবিষ্যতি তপো বন্ধিঃ
 কান্ত্রাশোতি বন্ধিতা
 নহিস্তাদ্রিপুতোগার্থং
 ভার্য্যাচেদযোগ সাধিনী
 আবর্জনা প্রপূর্ণস্ব
 ভবক্ষেত্রস্থ মার্জনী
 নকেবলং গেহিনাস্ত
 যোগিনামপি গেহিনী ।
 চেতঃস্থলনমালোক্য
 তপমোদৈব সাধনাৎ
 দৃঢ়ায়ামিপুনর্ধ্যান
 যাত্নাত্নান্ নিবন্ধনম্

সংসারার্ণব সম্ভূত

বিষাকাজ্জিহ্নম্নে মনঃ

বিহরত্যাত্ম সন্ধানে

যৌগামৃতরসং পিবৎ

হরির বাক্য শ্রবণ করিয়া যোগীবর
 শিব প্রত্যুত্তর করিলেন, বোধ হইল
 যেন পর্কতগুহায় প্রতিহত হইয়া সিংহ-
 গর্জ্জন প্রতিধ্বনিত হইতেছে ।

স্বামীর আদেশানুরোধে নিদোষ
 মদন হত হইয়া রতিদেবীকে চিরহুঃখিনী
 ও আমাকে কুশলোভাগী করিয়াছে ।
 অথবা মদনহত্যা ও আমার তপোবিনাশ
 বিধাতার দৃঢ় নির্কঙ্ক বন্ধন বলিয়া অনু-
 মিত হইতেছে ।

তপস্বাদ্বারাই তপস্বার হানি হইয়া
 থাকে, কাম কখনই তপস্বার বিষয় জন্মা-
 ইতে পারে না । তোমার তনয় তপোয়
 বলিয়া ভুবনে স্থখা খ্যাত হইয়াছে ।
 তপোয়ন্ধি হইবে এই আশা কান্ত্রাভ
 দ্বারা ক্রমশঃ বর্দ্ধিত হইতেছে, যোগ-
 সাধিনী মতীভার্য্যা কখনই রিপুভোগের
 উপকরণনহে । গৃহিণী যে কেবল গৃহী-
 দিগের আবর্জনা পরিপূর্ণ ভবক্ষেত্রের
 মার্জ্জনীস্বরূপ একরূপ নহে, যোগীদিগের
 পক্ষেও তদ্রূপ বটে । দৈব বিপাকবশতঃ
 তপস্বা হইতে সহসা চিত্তস্থলন দেখিয়া
 পুনর্বার দৃঢ়রূপে আত্ম মনঃসংযোগপূর্ব্বক
 ধ্যান ধারণ করিলাম । আমার মন
 সংসার সাগরসম্ভূত বিষাকাজ্জিহ্ন নহে,
 যৌগামৃত পানপূর্ব্বক আত্মসন্ধান সহ-
 কারে বিচরণ করিয়া থাকে ।

অষ্টাদশ পুরাণের সংক্ষিপ্ত বিবরণ ।

পদ্মপুরাণ

(৬ষ্ঠ সংখ্যার পরিশিষ্ট)

পাতালখন্ড । এই খণ্ড শ্রীরামের
 বিবরণে পরিপূর্ণ । কিন্তু তাহা একেবারে
 কালিদাসরূত রঘুবংশ হইতে সংগৃহীত
 হইয়াছে, এমনকি স্থানে স্থানে কালিদাস
 ব্যবহৃত বাক্যগুলি পর্য্যন্ত গ্রহন করা হইয়া-
 ছে । এইজন্য এই পুরাণ রঘুবংশাপেক্ষা
 আধুনিক গ্রন্থ । যদিও এইখণ্ডে নবীনতার
 অভাবদৃষ্ট হয়, তত্রাচ শ্রীরামের যজ্ঞীয়-
 অশ্বের ভ্রমণরতান্ত সম্বন্ধীয় প্রবাদ ও
 উপাখ্যানগুলি অনেক অংশে নূতন ও
 চমৎকার । কিন্তু কতকগুলি আবার
 বহুদেশ প্রচলিত প্রবাদ সমূহের রূপা-
 ন্তর মাত্র । এইখণ্ড বর্ণিত গ্রাম দেশ ও
 নগর সমূহের উল্লেখ হইতেই এপুরাণের
 প্রাচীনতার সীমাবদ্ধ করা যাইতে পারে ।
 পূর্বেই কথিত হইয়াছে যে “কামাখ্যা”
 প্রাচীন তীর্থ নহে—জগন্নাথদেবের প্রাচী-
 নতা-গৌরব কণ্ঠ্যনের অধিকার নাই ।
 গ্রন্থকার মুক্তকণ্ঠে শালগ্রামশীলা, সাম্প্র-
 দায়িক অঙ্গরাগ ও তুলসীস্কন্ধের গুণ-
 কীর্ত্তন করিয়াছেন । এবং এসমস্ত যে আধু-
 নিক বৈষ্ণব সম্প্রদায়ীদিগের অনুষ্ঠান
 তাহাবলা বাহুল্য । অনেক স্থলে, ভাগ-
 বৎপুরাণের বিষয় উল্লিখিত হইয়াছে ।
 এতদ্বারা ইহা অনুমিত হয় যে, এই পুরাণ

ভাগবৎপুরাণের পরে প্রকাশিত হয় ।
 সূর্য্যবংশাবলী কীর্ত্তন ব্যতিরেকে ইহাতে
 অত্র কোন রাজবংশের বিষয় উল্লেখনাই,
 এবং স্মৃতিখণ্ডের সহিত যে এই ভাগের
 সাদৃশ্য আছে তাহাও সন্দেহের স্থল ।
 পদ্মপুরাণের সমস্ত খণ্ডগুলি যে বৈষ্ণব
 সাম্প্রদায়িক গ্রন্থ তাহা একপ্রকার বর্ণিত
 হইল । প্রথমখণ্ডে পুষ্করতীর্থের ও ব্রহ্মার
 প্রাধাত্য স্বীকৃত হওয়ায় তাহা সম্পূর্ণতঃ
 সাম্প্রদায়িকতা দোষ বিবর্জিত । কিন্তু
 তিন খণ্ডই বিষ্ণুর প্রাধাত্য সংস্থাপনের
 জন্ত লিখিত হইয়াছে, এবিষয়ে তিন-
 খণ্ডের মতই একপ্রকার এবং তিনখণ্ডেই
 শ্রীরাম নায়ক । তিনখণ্ডই একসময়ে
 রচিত হয় তাহার অনেক প্রমাণ
 আছে । রামানুজ ও মাধবাচার্য্য নামা
 বৈষ্ণব ধর্মপ্রচারক দ্বয়ের মতাবলম্বী
 লোকদিগের দ্বারা যে এই পুরাণ রচিত
 হয় তাহা বিলক্ষণ অনুভূত হইতেছে ।
 এই দুইব্যক্তি ১১১৩ খৃঃ অর্ধে দক্ষিণ-
 ভারতবর্ষে বৈষ্ণবধর্ম প্রচার করিতেন ।

পূর্বেও খণ্ড বিবর্ণিত ধর্মনীতি ও
 ধর্মবন্ধনগুলি যে রূপে মাধুর্য্যভাবে লিখিত
 হইয়াছে, উত্তরাখণ্ডে তদসমুদয় একেবারে
 পরিত্যক্ত হইয়াছে । এবং শ্রীকৃষ্ণও শিব
 ব্যতিরেকে অপর কোন দেবের পূজা
 একেবারে নিষিদ্ধ হইয়াছে । এইখণ্ড
 কখনই পুরাণ পদবাচ্য হইতে পারেনা ।
 ইহা একখানি প্রকৃত উগ্রভাবাপন্ন
 সাম্প্রদায়িক গ্রন্থ । অধিকাংশই প্রবাদে
 পরিপূর্ণ—একমাত্র বিষ্ণুর পূজা প্রচার,
 বৈষ্ণব সম্প্রদায় বিজ্ঞাপক বিশেষ অঙ্গ-

রাগ ব্যবহার এবং বিষ্ণুর প্রলাদলাভ জগৎ কালবিশেষের পবিত্রতা সংস্থাপন এতদসমুদয়ের মুখ্য উদ্দেশ্য। কার্তিক ও মাঘ মাসদ্বয় শুদ্ধ বিষ্ণুপূজার প্রকৃষ্ণ কাল। এই বর্ণনাতেই এইখণ্ড পরিপূরিত।

এইখণ্ডের প্রকৃত মর্ম ও ইহার বর্ণিত প্রবাদ সমূহের অভিনয় স্থলদ্বারা এইখণ্ডের রচনা বিষয়ক কালের সীমা নির্দেশ করা যাইতে পারে। যেকালে বৈষ্ণব ও শৈবেরা ভারত প্রায়োদ্বীপে আপনাপন আধিপত্য সংস্থাপনজগৎ ভয়ানক বিবাদ আরম্ভ করে—সেই কালে যে এই খণ্ড রচিত হয় তাহা বিলক্ষণ উপলব্ধি হইতেছে। দ্রাবিড় দেশের জনৈক নরপতির রাজ্যবর্ণন প্রবাদ পাঠে অবগত হওয়া যায় যে, সেই রাজা ধর্মত্যাগিদিগের (শৈবদিগের) ধর্মনীতি শ্রবণে বিষ্ণুর মন্দির সকল ভূমিসাৎ করিয়া তন্মধ্যস্থিত বিষ্ণুমূর্তিগুলিকে সমুদ্রে নিক্ষেপ করিয়াছিলেন। তপ্তমুদ্রা*—বৈষ্ণবদিগের একটি প্রধান কর্তব্য কর্ম বলিয়া বর্ণিত আছে। কিন্তু এ অনুষ্ঠানটি অত্যন্ত আধুনিক। অষ্টম কি নবম শতাব্দী পূর্বেই ইহার উল্লেখ দেখা যায়। শ্রীরঙ্গ ও বিষ্ণাতাদ্রী বা ত্রিপতি নগরেই শুদ্ধ বিষ্ণু পূজার মন্দির ছিল। ত্রিপতি নগর প্রচলিত প্রবাদে এরূপ কথিত আছে যে, রামানুজের সময়ে এই স্থানে একটি শিবমন্দির ছিল। রামানুজ বৈষ্ণবদিগের জগৎ এই মন্দিরটি অধিকৃত করেন, সুতরাং

* তপ্তমুদ্রা—উত্তপ্তলোহ শলাকা দ্বারা সর্বদা হরিনামাস্কৃত করা।

উত্তরাখণ্ড এই ঘটনার ও দ্বাদশ শতাব্দীর পরে রচিত হইয়াছিল। দাক্ষিণাত্য প্রদেশেই এইখণ্ড বিবর্ণিত ঘটনাগুলি সংঘটিত হয়। টঙ্গভূদ্রানদী তীরস্থ “হরিপুর” তন্মধ্যে সর্বপ্রধান। এইস্থানই আবার অত্র স্থলে ‘হরিহরপুর’ বলিয়া কথিত হইয়াছে। এই “হরিপুর” যে হরিহর রাজবংশীয় নরপতিবর্গ কর্তৃক নির্মিত “বিজয়নগর” তাহার বিন্দুমাত্র সন্দেহ নাই। বিজয়নগর চতুর্দশ শতাব্দীর প্রথমে সংস্থাপিত হয়। পূর্বোক্ত কারণগুলি দ্বারা ইহাই প্রমাণিত হইতেছে যে, এইখণ্ড কখনই অধিক পুরাকালে রচিত হয় নাই। বোধ হয় পঞ্চদশ শতাব্দীতেই ইহা বিরচিত হয়। ‘কুয়াযোগসার’ উত্তরাখণ্ডের অনুরূপ প্রতিবিশ্ব। সুতরাং ইহা উত্তরাখণ্ডের পরে রচিত হয়। শুদ্ধ জগন্নাথক্ষেত্র ও গঙ্গার মাহাত্ম্য রচনার পরিপূরতি থাকায় ইহার আধুনিকতা প্রকৃষ্টরূপে দৃশ্যমান হইতেছে। উৎকল কিম্বা বঙ্গদেশীয় কোন ব্রাহ্মণ বোধ হয় ইহার প্রণেতা। দাক্ষিণাত্য প্রদেশবাসীরা এইভাগের অস্তিত্ব বিষয়ে সম্পূর্ণরূপে অনভিজ্ঞ।

হৃদয় কাহার ভূমি ?

“হৃদয় কাহার ভূমি ?

দেহ-কুঞ্জে বাস কর, বিবিধ প্রকৃতি ধর,
কখন তরল কখন পাষাণ,
কখন জ্বলন্ত অনল প্রমাণ,
ভূমি কি বিশ্বাস ভূমি ?

জন্মিয়া অবধি কিবা দিন রাত্তি,
এক সাথে বাস হয় বার মাস,
জানি মোর অনুগত,
তবে কেন পর রত ?

তবে কি সেজন প্রকৃত পর,
নাহি অধিকার যাহার উপর,
যাহার লালসা হবেনা সফল,
এরূপে দহিবে অনন্ত কাল ;
তাজিব জীবন খাইয়া গরল
যুচাব জঞ্জাল ডাকিয়া কাল।
লোক লাজ ভয় পরাণে কি সয় ?
কলঙ্ক গঞ্জনা স্বজন লাঞ্ছনা
যুচাব দেহ নাশে পরিণামে।”

এই কথা বলি অবনি উজলি,
চলিল ভাবিনী দ্বিরদ-গামিনী
অঞ্চলে মুছিয়া নয়ন-জল।
বদন মলিন মুদিত নলিন,
অতি দীন হীন সে চাক শোভা ;
এলায়ে কবরী রূপের মাধুরী,
চলিল সুন্দরী ভুবন-লোভা ;
চরণ যুগল পাড়ি ধরাতল
যুগল কমল ফুটিল তায় ;
উদিল সত্বর কত শশধর,
যে দিকে মৃগাক্ষি ফিরিয়া চায়।

পীন পয়োধর, ভূধর-শেখর,
কাঁপে থর থর গমন-বেগে ;
মেদিনী কাঁপিল, তনু শিহরিল,
হিমাদ্রি অচল হইল শোকে।
ভুরু শরাসন, করি দরশন,
ইন্দ্রচাপ নভে প্রবেশে লাজে ;
সুগুণ নিতম্ব, ক্ষীণ কটি দন্ত,

তাহে হেম কাঞ্চি মরি কি রাজে ;
হেলিয়া তুলিয়া, ভুবন মোহিয়া,
কণক প্রতিমা ধীরি ধীরি গিয়া,
নয়ন-রঞ্জন উদ্যান মাঝারে
পশিল বিরলে প্রাণ ত্যজিবারে—
স্থির সৌদামিনী এভব ধামে।

হায়রে বিধাতা, নাহিক মমতা !
গন্ধর্ব, কিন্নর দেবতা-পূজিতা
এ হেন তুলভ রমণী রতন
রূপের মাধুরী করিয়া স্বজন
হুঃসহ ষাৎনা লিখিলি ভালে !
অথবা বিকচ কমল মৃগালে,
কণ্টক রোপণ কর কুতূহলে ;
অমল বিমল শশীর বদন
কলঙ্ক রেখায় দিল দরশন,
যবে তা ভাতিল কিরণ-জালে।

চলিল রূপসী ভাবনা ভরে ;
উষার সদৃশ রূপে মনোহরা
ভ্রমিছে উদ্যানে ভূপতিত তারা ;
উন্মাদিনী এবে কাহার তরে ?
সেই সুভাজন, হইবে কেমন,
যাহার বিরহ করিছে দাহন
কুসুম সদৃশ কোমল প্রাণ ?
সরসীর তীরে নয়নের নীরে
ভাসিয়া প্রমদা, অতি ধীরে ধীরে,
তিলেক চিতের দাক্ষণ যাতনা
লাঘব করণে করিয়া বাসনা,
অশোকের মূলে বসিতে যান।
জ্বলিল দ্বিগুণ বিরহ অনল
সরসী অনিল হইল গরল ;

বিহগ সঙ্গীতে চিত্ত বিচলিত,
সরোজ-সৌরভে হয়ে আকুলিত,
অধীর হইল তরুণী-প্রাণ।

শোকের আবেশে রঞ্জিল কপোল,
কুঞ্চিত হইল অধর যুগল,
আঁখি শতদলে হীরক মণ্ডল
ঈষৎ কম্পিত সরসী বায়।

জানুর উপরে অবনত গিরে
মগ্ন শশিমুখী ভাবনা-তিমিরে ;
অবস্থিত চিত্র পুতলী প্রায়।

এসোহে ভাবুক ! যদ্যপি বাসনা
হেরিতে অবনী তুলত রচনা,
যাহার রূপের নাহিক তুলনা,
বিজলী জিনিয়া তনুর ছটা।

অছে চিত্রকর ! মেলিয়া নয়ন
দেখ একবার ললিত গঠন,
যুচিবে সন্তাপ জুড়াবে জীবন,
লিখ লিখ চিত্র করিয়া যতন।

এ হেন চিত্রের বিচিত্র ঘট।
কোথাহে ভাস্কর ! হের নিরখিয়া
বিরাজে কে রামা ভুবন মোহিয়া !
শিখ এ চাকতা খোদিতে উপলে,
দিবে এই ভাব বদন কমলে,
কচির কপোলে, নয়ন যুগলে,
তবে সে শিষ্য নিখুত হবে।

এসহে কবি ! কাব্যের কানন
করিতে উজ্জ্বল নারীর সৃজন !
গগন-সুধাংশু সরসী-কমল
এ সব তুলনা হইবে বিফল।
পলক-বিহীন নয়ন যুগল,
চারি যুগে রবে সম কুতূহল ;

তবু না তৃপ্ত হবে মনস্কাম ;
বারেক হেরিলে এরূপ ধাম।

কোমল বসনে বদন ঝাঁপিয়া,
অঞ্চলে অধর ঈষৎ চাপিয়া,
যন যন বহে শ্বাস, প্রিয়জনে অভিলাষ,
নবনী পুতলী শোকের সাগরে,
মগনা, হায়রে ! মগনা কাতরে !
দশ দিশ শূন্য দেখি, হত জ্ঞান বিধুমুখী

গুমরে গুমরে ফুলিয়া ফুলিয়া
চম্পক কলিকা করাঙ্গুলি দিয়া
কম্পিত অধর যুগল চাপিয়া,
নয়ন সলিলে তনুয়া ভাসিয়া,
ত্রেয়াগি বিজনে লাজের ভীতি,
গাহিলা সরলা ককণ গীতি।—

“হায়রে বিধাতা, জগতের ত্রাতা,
নাহিক পরাণে তিলেক মমতা,
আয়স লেখনী বিষে কাল ফণি,
তাহার তীব্রতা করিয়া বাছনি
অসীম দুঃস্বপ্ন বিচ্ছেদ যাতনা।
লিখিলি এভাবে পুরিয়া বাসনা ;

যাবত জীবন দহিব বলে।

রহিল জগত রহিল সংসার,
রহিল জনক জননী আমার,
যেরেছে যখন দুঃখ-পারাবার,
কিছুতে এবার নাহিক নিস্তার,
জুড়াব এ জ্বালা সরসী-জলে !”

কুসুম-হৃদয় বাঁধিয়া পাষাণে
অসীম সাহস ধরিয়া পরাণে,
অই কথা বলি চলিল মোহিনী,

আলু খালু বাস যেন পাগলিনী,
সরসী-জীবনে ত্যজিতে প্রাণ।
তীরদেশে তার হয়ে সমাগত,
নিরখি বারেক জনমের মত,
আকাশ অবনী আর চরাচর,
পুনরায় সতী হইয়া কাতর
গাহিল মৃদুল মধুর গান।—

“কেথায় প্রাণেশ, হৃদয় বল্লভ !
ত্যজিয়া ধরণী ত্যজিয়া বিভব,
চলিল অধিনী আজু লোকান্তর ;
ভাঙ্গিয়া কঠিন এদেহ পিঞ্জর।
জনমের মত হইল বিফল
জীবনের আশা ভরসা সকল
উছছ মিটল প্রণয় সাধ।
হৃদয়-রঞ্জন ! মানস-মোহন !
জীবনের ধন ! কমল-বদন !
আর কি পাইব তব দরশন,
জুড়াতে নয়ন জুড়াতে শ্রবণ ;
যুচাতে প্রণয় পিপাসা যাতনা,
আর কি হে সখে ! পাবনা পাবনা
নিষ্ঠুর বিধাতা সাধিলে বাদ ;

“কোথায় প্রাণেশ ! প্রেমিক-হৃদয় !
হুখিনীর ভালে হইলে নিদয় !
অন্তিমে বারেক হৃদয়-রতন !
দেখে যাই তব সুধাংশু বদন—
কই প্রিয়তম ! এখনো এলেনা ?
শেষ দেখা বুঝি কপালে হলো না।
নাহোক—এখন জনমের মত
হইল অধিনী পরলোক-গত ;
তাই করপুটে করি নিবেদন,

তুরিত বিদায়ে করছে তারণ ;
তবে হে যুচাই সব বিবাদ।”

“কি কর কি কর, গতি পরিহর,
জীবন নিধনে কেন অগ্রসর ?
কি দুঃখ তোমার অবনি-মণ্ডলে ?
গৃহ অভিমুখে চললো সরলে !
জগন্মোহিনি এসো লো ফিরে !”

চমকি অমনি ফিরিয়া কামিনী
হেরিল জনৈক কুসুম-মালিনী
দাঁড়িয়ে পিছনে করে ফুল-সাজি,
কোঁশের বসনে মনোমত সাজি,
অঙ্গের সৌরভে পুরিয়া কানন,
অনিমেঘে তাঁরে হেরিছে সেজন ;
ভাসিছে কপোল নয়ন-নীরে।

“কে তুমি সহসা আসি এ বিজনে
দিলে বাধা মোর সঙ্কল্প সাধনে ?
এ পোড়া পরাণ করিতে শীতল
তাও কি পাবনা, হায়রে কপাল !!
প্রাণেশে বঞ্চিত হয়েছি যখন
সব সুখ গেছে জেনেছি তখন ;
ছুটিছে অন্তর রুতান্ত-সদনে
আশু প্রতিকার তথায় গমনে,
সেই মাত্র মম শীতল ঠাই !”

“বালাই ওকথা এনো না বদনে,
আর তা শুনিতো পারিনি শ্রবণে,
এসো প্রাণধন ভিতরে যাই !”
বলিয়া মালিনী, এ মধুর বাণী
মৃগাল সদৃশ সে ভুজ দুখানি
ধরিল মোহাঙ্গে সমীপে ধায়।

আরক্ত হইল বদন-মণ্ডল,
ভুরু আকুঞ্চিত, নয়নে অনল
ভাতিল কিরণে কোপ হতাশনে ;
গুলাব অধর কাঁপিল সঘনে।—
নেহারি এভাবে দাক্ষণ কাতরে
কুসুম-মালিনী কহিছে সাদরে
ধরিয়া কণ্ঠে হেমভূজ দাম।—
ভূতলে ত্রিদিব সুখের ধাম।—

“দেখলো প্রেয়সি, সম্বর-সুদন
করেছে অধির তোমারে যেমন,
তার শতগুণে পুড়ে মনঃ প্রাণ,
কুসুম সায়কে নাহি পরিত্রাণ !
দংশিছে সতত বিরহ ফণী।”
ই কথা বলি খুলিল কাঁচলি,
লুকাল সুদীর্ঘ চিকুর আবলী,
মদম জিনিয়া রূপ মনোহর
বিরাজে কাননে পুরুষ-শেখর
সুজিলা বিধাতা রূপের খণি।

বিস্ময় মানিয়া পলক-বিহীনা
মানন্দে তাহারে নিরখে নবীনা,
বদনে বচন না হয় স্ফুরণ,
করিতে গমন না চলে চরণ,
দাঁড়য়ে পাষণ মুরতি প্রায় ;
হায় কি প্রেমের বিষম দায় !

“তবে কি বিধাতা হয়ে অনুকূল
ভুখের সাগরে মিলাইলা কুল ;
তবে কি আবার আশার অঙ্কুর
ভুখিনীর ভালে হইল প্রচুর ;
অথবা কেবল সুখের স্বপন

ভূলাতে ক্ষণেক হইল স্বজন ;
এই কি বিধির ছলনা তবে ?

“জীবনের ধন ! হৃদয়-রতন !
হলো কি কৰুণা শুনিয়া রোদন !
তাই কি অন্তিমে দিয়া দরশন
জুড়ালে পরাণ রাখিলে জীবন !
রাখিলে হে নামে কীর্তি ভবে !!”

মধুর ভারতি, কহিয়া যুবতী
নাথের চরণে ধরিয়া স্মৃতি
গাহিল এবার সুখের গান।—
“যে দিনে হেরেছি ও চাক বয়ান
সঁপেছি জীবন সঁপেছি পরাণ।
তবে কেন নাথ ! এত প্রতিকূল,
দাসীর মিনতি হও অনুকূল,
পাই যেন চির চরণে স্থান !!”

ধরিয়া চিবুক করিয়া চুষন
কছিল সোহাগে রমণী-মোহন।—
“প্রাণের ললিত ‘অনঙ্গ-মোহিনি’ !
সুচাক-হাসিনি ! ফুল কমলিনি !
জীবন যৌবন লহ উপহার,
কাহার এদেহে নাহি অধিকার,
ক্ষম অপরাধ কৰুণা বিতরি
চরণে ধরিয়া এ বিনতি করি ;
সঁপিনু তোমারে জীবন প্রাণ।”

অপূর্ব সহবাস ।

দ্বিতীয় পরিচ্ছেদ ।

প্রথম স্তবক ।

সহসা গৃহদ্বার উন্মুক্ত হইল, সম্মুখেই
পূর্ণকান্তি পূর্ণিমার শশধর অমল চন্দ্রখণ্ডে
বিনির্মিত কামিনীর কমলীয় মূর্তি।—মহা-
রাজ উদয়সিংহের সহধর্মিণী প্রতাপ
জননী দেবী বসুন্ধরা, পবিত্রবেশে পবিত্র
যুগচর্মে আসীন রহিয়াছেন। সমস্ত দিবস
অনাহার, ব্রোতোপবাসে অঙ্গ সাতিশয়
জ্বৰ্বল। তথাপি লাভ্য চ্ছটায় মগ্নিময়
দীপনিখার দীপ্তি ও যেন মলিন মলিন
বোধ হইতেছে। দেবীর গলে পটাঞ্চল
কর—কমল অঞ্জলিবদ্ধ, নয়ন মুদ্রিত।
স্থির মনে স্থির ভাবে দেবদেবের আরা-
ধনায় নিমগ্ন রহিয়াছেন, দক্ষিণে পুষ্প-
পাত্র, ধূপ ও দীপাধারে ধূপদীপ প্রজ্বলিত
হইতেছে, বামে স্বর্ণথালে নানাবিধ
পূজোপকরণ। সম্মুখে স্বর্ণকুণ্ডে রত্নময়
শিবলিঙ্গ বিরাজমান। পত্রপুষ্পে দেব-
দেবের অক্লান্ত আচ্ছন্ন। অবশিষ্ট ভাগ
দীপালোকে উদ্ভাসিত হইতেছে। সঙ্গ
গললগ্নী রুতবাসে অগ্রে দেবদেবের নম-
স্কার করিয়া পরে দেবীকে নমস্কার করি-
লেন। মুদ্রিত নয়ন উন্মিলিত হইল,
নিদ্রিত হৃদয় জাগরিত হইল। সঙ্গার
অভিমুখে দৃষ্টিপাত করিয়া বলিলেন,
“বোন্! যথার্থ রাজপুত্রকূলে জন্মগ্রহণ
করিয়াছিলে, যথার্থ পতিব্রতধর্মে দিক্ষিত
হইয়াছিলে, এই নশ্বরদেহ ধারণ করিয়া

যাহা করিবার করিয়াছ, যতদিন পৃথিবী
থাকিবে ততদিন কিছুতেই তোমার এই
কীর্তি বিলুপ্ত হইবে না। এক্ষণে ঠৈশলে-
শ্বর সমীপে এই প্রার্থনা করি, ভগবান
ভবানীপতি তোমার প্রতি প্রসন্ন হইয়া
তোমাকে, অনুরূপ একটা পুত্ররত্ন প্রদান
করুন”।

সঙ্গার নয়ন, জলে আবরিত হইল, কষ্টে
মনোবিকার সংবরণ করিয়া বলিলেন,
“দেবী! ঈশ্বর প্রতাপকে দীর্ঘজীবী করুন।
তাহা হইলেই আমার পুত্রজন্ম সকল কষ্ট
দূর হইবে। আমার পুত্রে কায নাই, প্রতাপ
আমার নির্বিষয়ে জীবিত থাকিয়া রাজ-
সিংহাসনে উপবেশন করুক, তাহা হইলে
আপনার গায় আমিও রাজার মাতা বলিয়া
সর্বসমক্ষে শ্লাঘা করিতে পারিব”।

দেবী। “প্রতাপ জীবিত থাকিয়া
নির্বিষয়ে যে পিতার সিংহাসনে উপ-
বেশন করিবে, আমরা যে আবার
রাজার মাতা হইয়া সুখ স্বচ্ছন্দে কাল-
যাপন করিব, একথা স্বপ্নের অগোচর।”

সঙ্গা। “দেবি! আমরা মনে জ্ঞানেও
এমন কোন অধর্ম করিনাই যাহাতে
আমাদিগকে ঐ আশায় বঞ্চিত হইতে
হইবে। প্রতাপ অবশ্য রাজসিংহাসনে
উপবেশন করিবে, আমরাও রাজমাতা
হইয়া মনের সুখে কালযাপন করিব”।

দেবী। দীর্ঘনিশ্বাস পরিত্যাগ করিয়া
বলিলেন, “প্রতাপ এক্ষণে কোথায়”?

সঙ্গা। “আমার গৃহে।”

দেবী। “আজ তবে এখানে পাঠাইয়া
দিও। বোধ হয়, আজ মহারাজ তোমার

গৃহে যাইতে পারেন”।

সঙ্গ। “এরূপ কল্পনা ছিল বটে, কিন্তু শুনলাম, মতিবিবী নাকি মহারাজকে সেলাম দিরাছেন”।

দেবী। “মহারাজকি এককালে অন্ধ হইয়া উঠিলেন”?

সঙ্গ। “হউন তাহাতে ক্ষতি নাই, কিন্তু শেষে আর কোন ভূষণনা না ঘটিলেই মঙ্গল”।

দেবী। “পদে পদে সম্ভব। কি আশ্চর্য্য একটা কুলটার মায়ার মুগ্ধ হইয়া এককালে জ্ঞানশূন্য হইয়া পড়িয়াছেন। আত্মীয় অনাত্মীয় বোধ নাই, কাহারমুখে যুগাক্ষরে মতিবিবীর নিন্দাবাদ শুনিলে আর উপায় থাকে না, এককালে খজা হস্ত। শুনলাম প্রধান প্রধান আমীর গণও নাকি রাজার উপর বিলক্ষণ বিরক্ত হইয়াছেন”।

সঙ্গ। “না হইবার বিষয় কি? একে কুলটা, তার যবনী, তার প্রাধাত্য, কে সহ করিবে? বিশেষ রাজকোষে যাহা কিছু মহারাজ্য বস্তু ছিল, সমুদয় মতিবিবীর আগ্রহে উহার গৃহে উঠিয়াছে। আমার বোধ হয় উহার ভিতরেও উহার নিশ্চয় কোন ভূরভিসন্ধি আছে”।

দেবী। “তার আর সন্দেহ নাই। নতুবা উহাতে উহার অত আগ্রহ হইবে কেন? উহার বলেইত বিজয়ের বল, না হইলে বিজয় কি সাহসে মহারাজের সহিত যুদ্ধে প্রবৃত্ত হয়? আকবর যে বিনা স্বার্থে বিজয়ের জন্ত অর্থ ও বল ক্ষয় করিতেছে এরূপ বোধ হয় না। মতিবিবীর নিকট

হইতে অনেক বস্তুই বিজয় আত্মসাৎ করিয়াছে। সখি! এক কুলের বিনাশ অত্র কুলের বৃদ্ধি বেগবতী নদীর স্তম্ভসিদ্ধ স্বভাব। তাহাতে নদীর ইচ্ছানিষ্ঠ কিছুই নাই, বরং আপন জলকেই কলুষিত করিয়া থাকে। ভাল যুদ্ধস্থলে বিজয়ের সহিত তোমার সাক্ষাৎ হয় নাই?”

সঙ্গ। “না, শুনলাম, বিজয় মহারাজের বন্দীকর্তা আকবরের নিকটে সম্বাদ দিবার জন্য আকবরের শিবিরে গিয়াছে—কই রাত্রি মধ্যেত আর তাহার দেখা পাই নাই। কেবল পৃথিবীরাজ ছিলেন, কিন্তু তিনি আমার বিবন্ধে তাদৃশ যুদ্ধ করেন নাই, বরং কোশলে মহারাজকে বাহির করিয়া দিরাছেন”।

দেবী। “আকবর কি সে কথা শুনিয়াছে?”

সঙ্গ। “জানি না, কিন্তু পৃথিবীরাজের কোশল আমি ভিন্ন আর কেহই বুঝিতে পারে নাই। নাগুখাঁ অনেকক্ষণ যুদ্ধ করিয়াছিল, কিন্তু উহার সেনাগণ যুদ্ধে একান্ত অপটু ছিল, আকার প্রকার দর্শনে খঞ্জের গ্রায় বোধ হইয়াছিল”।

দেবী। “তাহা হইলে এই জয়লাভ পরাজয়েরই কারণ হইতেছে”।

সঙ্গ। “আমারও সেইরূপ বোধ হয়”।

দেবী। “মহারাজকে সে কথা কিছু বলিয়াছিলে”?

সঙ্গ। “বলিয়াছিলাম, কিন্তু বোধ হইল মহারাজ তাহাতে কর্ণপাত করেন নাই, কারণ আমার যাহা বক্তব্য, সমুদায় শেষ হইলে তিনি ঐ বিষয়ের কোন কথা উত্থাপন না করিয়া কেবলমাত্র মতিবিবীর

কথাই জিজ্ঞাসা করিলেন। আমি ক্ষান্ত হইলাম। তাহার পর রাজপুরীতে প্রবেশ করিয়া অবধি সমস্তদিনের মধ্যে আর তাহার দেখাপাই নাই”।

দেবী। “ইন্দ্রিয়দেবীর রাজ্য রক্ষা অত্যন্ত কঠিন, তাঁর প্রবল পরাক্রান্ত আকবর বৈরি”।

সঙ্গ। “উহাতেই ভয়। মহারাজের উদ্ধার বার্তা শুনিলে কখনই সে নিশ্চিত থাকিবে না”।

দেবী। “উদাসীনের অরণ্যই বাসস্থান”।

সঙ্গ। “মতিবিবী যার উপাস্য দেবতা, তাঁর পক্ষে অরণ্যও যে স্মৃথের হয় এরূপ বোধ হয় না। বিশেষ কোন অত্যাহিত না ঘটিলেই রক্ষা”।

দেবী সজল নয়নে বলিলেন, “বোন এ হতভাগিনীদের অদৃষ্টে যে বিধাতা কত কষ্ট লিখিয়াছেন, বলিতে পারিনা? যাও এক্ষণে গৃহে যাও, রাত্রিতে সাবধানে থাকিও, বোধহয় এই রাত্রিমধ্যেই শত্রুরা নগর আক্রমণ করিবে”।

সঙ্গ। “সম্ভব! প্রতাপ আমার নিকটেই থাকুক, যতক্ষণ প্রাণ থাকিবে ততক্ষণ উহার কোন ভয় নাই”।

দেবী। “আমি সেজন্ত ভাবিতেছি না, দ্বাদশ বৎসর বয়ক্রমকালে যে রাজপুত সম্ভান আত্ম রক্ষায় সক্ষম না হইবে, তাহার জীবন মরণ উভয়ই সমান”।

সঙ্গ। আপন গৃহাভিমুখে গমন করিলেন।

তার পুনরায় বৃদ্ধ হইল।

হককথা।

শিক্ষা বিভাগ ও কেশল সাহেব।

বঙ্গদেশে লেখা পড়ার বড় ধুম লেগে গেল, হাড়ি, ডোম, চণ্ডাল, বাগ্‌দী, শেকুরা, সোণারবেগে, তাঁতি, প্রভৃতি সব জাতির লোকেই লেখাপড়া শেখবার তরে মন দিলে, ছেলে পুতে দিগকে স্কুলে ভর্তিকোরে দিতে লাগল, উচ্চ শিক্ষার প্রতি সকলেরই উচ্চ দৃষ্টি, উচ্চ শিক্ষার জন্তে লোকের বড়ই শক, কলেজে আর ছাত্র ধরেনা, মুটে, মজুর, মুদি, ময়রা, কাঁশারীরা পর্য্যন্ত এমে, এ পাশ করতে লাগল, হাটে, মাঠে, সামান্য পল্লিতে সব স্কুল বসতে লাগল, সোনাউল্লা গাজি পাণ্ডিতের সঙ্গে মাসে ২০ সের ধান দেওয়ার বন্দবস্ত করে গোয়াল ঘরে এক স্কুল বসালে, হরি কবিরাজ, তার তেঁতুল গাছের তলায় এক স্কুল খুলে পড়াতে লাগলেন, সোণা নাগে স্কুলের পাণ্ডিত পেয়ে, কেবল রবিবার দিন নিজ ব্যবসা চালাতে লাগল আর ছয়দিন পাণ্ডিত কতে লাগল, কোন কোন সোম শুক্রবার প্রাতে “অপসনাল” রূপে নিজ ব্যবসা চালাতে লাগল।

পাড়াগাঁয় এত স্কুল হয়ে পড়লো যে তার হিসাব রাখে কে? স্কুলের সর্ব উপরি কর্তা, সে অতি বড়লোক, নাম দস্তখৎ করাই তার কাষ, রোজ দশটার জায়গায় বারটা নাম সহ কতে হলেই প্রাণান্ত, স্কুলের বড় গণ্ডগোল দেখলে পাহাড়ের গুহায় গিয়ে লুকায় থাকেন,

কাষ দেখবার জন্ত বড় বড় কর্মচারী কয়েকজন রাখা হলো, তাদের উদর সামান্য নয়, রোজ ১০।১২ মন আহার না হলে ক্ষুধা বারণ হয়না, একজন হতভাগী জাতি, (এদেশী)। বিদেশীদিগের মধ্যে এক জন বড় পুরণ ঘাগী, শিক্ষার বিষয়ে কোন একটা কথা হলেই অমনি লেজ ফুলিয়ে সেদিকে দৌড়োন, পাঠক! এর বুদ্ধির কথা শুনলে আশ্চর্য্য হবে, ঢাক অপেক্ষাও মোটা, এতবড় পেটের ভিতরে ও ভালরূপ ধরেনা, কোন খানে যেতে হলে কাষেকাষেই সেই বুদ্ধি বাড়ীতে রেখে যেতে হয়, কেবল “কোন মিটিংয়ে লেকচার” দিতে যেতে হলে সেই বুদ্ধি দশজন মুটে দিয়ে বইয়ে নেযান। শুনেছি ষাট বছর পরে সেই বুদ্ধি পাকতে আরম্ভ করেছে, এতকাল কাঁচাই ছিল।

আর একটা কর্মচারীর তত্ত্বাবধান বড় চমৎকার, অত্রেরা ছাত্রগণের এবং মাফ্টারদিগের তত্ত্বাবধান করেন, কিন্তু ইনি মাফ্টারদিগের “ওয়াইফ” পর্যন্তের খোঁজ নেন।

আর একটা সাদা রঙ্গের মহাত্মার কথা শুনলে আশ্চর্য্য হবে, ইনি এক পুস্তক পাঠকোরে জানতে পাল্লেন, তাঁদের বংশ সাদা বানরের জাত, সে অবধি, পৈতৃক স্থান জঙ্গলের প্রতিই অধিক ভালবাসা জন্মিল, এক প্রকাণ্ড তেঁতুল গাছের উপরে গিয়ে আফিস খোলা হলো, কেরানীরা সব তেঁতুলের ডালে ঝুলে ঝুলে কাষকর্ম কর্তে লাগল, হঠাৎ দেখলে বোধ হয় যেন কেরানী নয়—

বাহুড়। ‘রোফ্ট’ ‘কাটলেটের’ পরিবর্তে কচু শাক, পাত, ধরা হলো, এতে আরো উপকার আছে,—কি? ঢের টাকা বাঁচে। গাছে গাছে বেড়ান, গাছের পাতা কুড়ান বৈ রাতদিন আর কোন কর্মনাই। দেখলাম, এর শরীরটা কিছু বিবর্ণ হয়েছে, আর সব লোম উঠে যাচ্ছে, কারণ জিজ্ঞাসা কোরে জানতে পাল্লেম ইনি আদা ভেবে বিষ খেয়েছিলেন। এদেশী কর্মচারীটির বিষয় শুনুন, ইনি আগে তেলা পোকা ছিলেন, বঙ্গদেশের বিধাতাকে অনেক স্তবস্তুতি কোরে সম্প্রতি ভ্রমর হয়ে গুণ গুণ কোরে উড়ে বেড়াচ্ছেন, যে স্তবের প্রভাবে এরূপ পদ পেয়েছেন, পাঠক! তা শুনবে? তবে শুন—হে বঙ্গ বিধাতঃ তোমার রূপাতেই বঙ্গদেশের এত মঙ্গল, উড়ি-ষাতে হুর্ভিক্ষে যে এত লোকের মৃত্যু হয়েছে সে তাদের কপালের দোষ, রুখা তোমার উপরে সেই দোষারোপ হয়েছে

তুমি আছবলে উড়ে ছু চারিজন লোক আজও দেখতে পাওয়া যায়, তুমি না থাকলে উৎকল একেবারে জনশূন্য মক-ভূমি হত। আমি যেন জন্মে জন্মে তোমার মত প্রভু পাই। গদাযুদ্ধে কোমর ভাঙ্গা হুর্যোগ্যধনের মত নিজ বাড়ীর সিংহাসনে বসেই সর্বদা সিংহনাদ করেন, আর বাড়ী থেকে বেরতে হয় না। স্কুলের তত্ত্বাবধান অপেক্ষা নিজ বাড়ীর কুটনো বাটনার তত্ত্বাবধানেই অধিক মনোযোগ।

যাদের কথা বলা হলো, তারা বড় লোক, সুখের শরীর, শকের প্রাণ, তাদের

দ্বারা, রোদ্দে পুড়ে, বিক্ষিতে ভিজে, সর্বদা ঘুরে ফিরে পাড়াগোঁয়ে স্কুল দেখা হয়না। ফলতঃ একাষ মানুষের দ্বারা হয়ে উঠবার নয়, এজন্ত একরূপ জন্ত সব ধরে আনা হলো।

সে জন্তগুলির বিষয় কি বলব? যখন জলে চরে, তখন বোধ হয় জলচর, যখন ডাঙ্গায় চলে তখন স্থলচর, বলতে কি-ঘোড়া, উট, এদের কাছে কোথা লাগে? যেসকল জায়গাতে কতক হেঁটে যেতে হয়, কতক নৌকায় যেতে হয়, সেস্থলে উভচর, কোন কোন পল্লীগ্রামে এত-সুপরি বাগান আছে, যে মাটি দিয়ে হেঁটে যাওয়ার পথনাই, কাষে কাষেই সুপরি গাছের উপর দিয়ে বানরের মত লাফিয়ে লাফিয়ে যেতে থাকে, তখন তাদিগকে লক্ষচর বলা যায়, কখন কখন এত ছুটে দৌড়তে হয় যে মাটিতে বড় পা পড়েনা, তখন তাদিগকে খেচর বলা যায়। বড় বড় কর্মচারীদিগের বিষয় যে পূর্বে বলা হয়েছে সেই কর্মচারী এক একটীর অধীন এরূপ আট দশটা জন্ত আছে, প্রত্যেক জন্তর নাকে ছেঁদা করে দড়ি বেঁধে সেই দড়ি প্রধান কর্মচারী ধরে রেখেছে, জন্তরা যতদূর যাক না কেন দড়ি ছাড়াবার জো নাই, কর্মচারীদের যখন ইচ্ছে, তখন জন্তদিগকে টেনে লয় এত শাসন তবু জন্তরা জব্দ হয়না। পাঠক! এদের সোজা পথে চলবার অভ্যাস নাই, কিছু বাঁকা হয়ে চলে। হুই চারিটা জন্ত ভালও আছে, তাদের ওরূপ রোগনাই। যে পল্লিতে যখন সেই

জন্ত উপস্থিত হয়, তখন সে পল্লীর লোক সব তটস্থ হয়, মেয়েরা সব কলসী ফেলে, ষাটখেকে ছুটে পালায়, কেউ বলে দারোগা, কেউ বলে কনেফবল, কেউ বলে জমাদার,—যখন দেখে গরুর ঘরের একপাশে পাঠশালায় ঢুকতে তখন তাদের কাক ভয় ভাবনা থাকেনা, মনেকরে—পণ্ডিতদিগের রাখাল। জন্তটা ঘরের ভিতর ঢুকে ঘরের চারিদিক ৮।১০ বার চেয়ে স্কুলের খাতাপত্র দেখে, ছেলে গুণে, ৫ মিনিটের মধ্যে বেরিয়ে যায়। কোন কোন জন্তর আবার “পণ্ডা” খুঁজে দেখবার রোগ আছে। “পণ্ডা” আছে বলেই যারা ছেলে পড়ায়—তাদিগকে পণ্ডিত বলে থাকে। কোন কোন মহাত্মা স্কুলে এসে কেবল হাত দিয়ে দিয়ে “পণ্ডা” খুঁজে বের করেন, কোন কোন টীকীধারীর ১৫।২০ সের পণ্ডা বেরিয়ে পড়ে।

বৎসরের শেষে যখন ছেলেদের “এক-জামিন” হয়, তখন সেই জন্ত-বাবুদিগের বড় গোলোযোগ—ঠিক যেন পিতৃশ্রাদ্ধ, সামান্য শ্রাদ্ধ নয় দানসাগর, ১০ দিন পূর্বহতেই তারি আয়োজন, পালে পালে সব পণ্ডিত উপস্থিত হতে থাকে, কেউ ভোগ নৈবিদ্বি সাজায়, কেউ রেও বিদায়ের ভার নেয়, কেউ ফলারের “বেঞ্চ” সাজায়। সেই বাবুটা কখন কখন হাত জোড় করে এসে বলেন, আমার কি সাধ্য আপনাদের দশজনের চেষ্টা ও উদযোগ। সব প্রস্তুত হলে, শ্রাদ্ধদিনে নিজে উচ্চুগের ষাঁড় মেজে এক জায়গায় দাঁড়িয়ে থাকেন।

সেই সময় ইনি দুচার দিন রাজা বিক্রমাদিত্যের পদ পান, বিক্রমাদিত্য যেরূপ আর্টজন পণ্ডিত নিয়ে নবরত্নের সভা করেন, ইনিও সেরূপ ১৮জন পণ্ডিত নিয়ে নবরত্নের সভা করেন। সম্প্রতি এদের উপর আর একটি কাজের ভার পড়েছে,—ছেলেদের দাড়ি গোঁপ প্রভৃতি উঠেছে কি না তারি অনুসন্ধান কতে হয়।

যেখানে যাওয়া যায় সেখানেই স্কুল, যে স্কুলে ঢোকে সেই বাবুহয়ে বেরায়। যারা একবার স্কুলে পড়েছে তাদের দ্বারা আর সংসারের কোন কর্মই হয়না, চামার ছেলেরা চাম বাস ছেড়ে চাকরির চেষ্টা কতে লাগল, ছুতোরের ছেলেরা একেবারে কাট কাটা ভুলেগেল, স্কুমারের ছেলেরা হাঁড়ি গড়ান অপমান বোধ কতে লাগল, মাছধরা, মাটিকাটা, নোঁকাগড়ন, একেবারে বন্দ হওয়ার উপক্রম—সব স্কুলের ছোঁড়াদের আর কর্ম নাই, কেবল সর্কধুতি ও পিরান পরে, ইংরাজি জুতো পায়ে দিয়ে লম্বাচোঁড়া টেড়ি বাগিয়ে এখানে ওখানে বাবুমেজে ঘুরতে লাগল, আর হা চাকরি হা চাকরি কতে লাগল। ছোটলোকের অকুলন হওয়াতে দেশের সকল কাযকর্ম বন্ধ, জন মজুর প্রায় পাওয়া যায়না। ভদ্রলোকের মরণ, দেশে দুর্ভিক্ষ উপস্থিত, হায়! শিক্ষার গতিকে দেশ উচ্ছন্ন যায়, “গুণ হয়ে দোষ হল বিছার বিছায়” এখন শিক্ষা না থামলে আর মঙ্গল নাই। বিধাতা অনেক রকম চেষ্টা কলেন কিছু-

তেই বঙ্গদেশের শিক্ষা কমাতে পাগলেননা। অনেক ভেবে চিন্তে এক উপায় স্থির করে ফেলেন, সেই উপায়দ্বারা অবশুই বঙ্গদেশের শিক্ষা বিনাশ হবে, উপায় এই—বিধাতা বঙ্গদেশে এক সয়তান পাঠাইলেন।

“কেশল নামেতে এক ভীষণ অসুর* শক্তিমান ধাতা তার পদযুগ ধরি নিক্ষেপি ফেলিল। বঙ্গ ভীষণ নরকে, যথায় দারিদ্র্য অগ্নি জ্বলে ধক্ ধক অধীনতা কুমিজাল বিচরে আবারি, কোটি কোটি পাপী তাপী নিবসে নিয়ত, কুলঙ্গার কুলীন কুলের কুলঙ্গনা, বিধবা, দরিদ্রবধু আর শিশু ভাৰ্যা, অবিরত ছুট্ ফটি করে হাহাকার, তেজোরবি ঐক্য চন্দ্র নাহি উদে কভু, ক্লেশ দরশন উপযোগী মন্দআলো, জ্ঞানালোক শিখাভাসে মাত্র আলোকিত এষোর নরক মাঝে কেশল বলজা, † পড়িল হইয়া স্বর্গ হারা মহাবীর, ভীম পৃষ্ঠদেশে বিরাজিল মহাচাল, “গালিলিয়” যেন দূরবীক্ষণ সাধনে, হেরিল বিশাল শশধর গিরি শিরে। পোতধ্বজ দণ্ড জিনি করে যক্ষিবর, মস্তক উন্নমি নিরখিল চারিদিগ, নারকীয় গণ সব ভয়ে বিমোহিল।”

সেই অসুরের প্রথম একটি বিছালয়ের প্রতি নজর পড়ল, তার ভিতর প্রবেশ করে দেখে কতকগুলি টীকিধারী ভট্টাচার্য্য হাত নেড়ে নেড়ে পড়াচ্ছে, তা দেখে তার মনে বড় ভয় হতে লাগল, ভাবতে

* Milton's Paradise Lost Book I.
† Beëlzebub.

লাগল এই “কলেজটা” সমুদয় অনর্থের মূল, এটা উঠাতে পাগলে ক্রমে ক্রমে সব উঠিয়ে ফেলা যাবে। যখন মুসলমানেরা এদেশের পুস্তক পুড়িয়ে লেখা পড়া বিনাশ করে ছার খার করেছিল, তখন এ ভট্টাচার্য্য বেটারাই অনেকগুলি পুথি লুকিয়ে রেখে বিপদ ঘটিয়ে রেখেছে, তা নাহলে কোন দিন লেখাপড়া পুড়ে— ছাই ভস্ম হয়ে উড়ে যেত।

অতএব আগে ভট্টাচার্য্যই তাড়ান উচিত, তারপর অধিক পড়ার নিয়ম উঠিয়ে দেওয়া হবে, তাহলে ক্রমে ক্রমে অল্প পড়া আপনা আপনি লোপ হয়ে যাবে। সেই অসুর দেখতে পেলে তার পক্ষে কেউ নাই, তাকে একাকী সমুদয় কাজ কতে হচ্চে, সমুদয় লোকেরই তার বিপক্ষ এই নিমিত্ত কতকগুলি নিজ সহচর সৃষ্টিকল্লে। সেই জীবগুলি বড় অদ্ভুত।

গীত।

সুর বাউলে।

বঙ্গদেশে নূতন সৃষ্টি দেখ ভাই।

কেশল যেন বিশ্বামিত্র,

সৃষ্টি তারসব বিচিত্র,

বালাই নিয়ে মরে যাই।

হাতে চোক, কোমরে লেজ,

কম্পাস আর শিকল,

মাঠে মাঠে চরে ফিরেভোগে কর্মফল,

আবার পশু হয়ে ঘোড়ায় চড়ে

এমন কখন দেখি নাই।

মাথায় পাগড়ি গায়েতে চাপকান,

কত করব পোশাকের বাখান,

নহে কখন নিমক হারাম,

হুজুরের করে আরাম।

লম্বা সেলাম, বন্দা গোলাম,

এমন আর কোথায় পাই।

সমালোচনা।

বিজ্ঞান বিষয়ক প্রবন্ধ*।

প্রবন্ধকার ভাষা ও অলঙ্কারের প্রতি যেরূপ মনোযোগ করিয়াছেন, বর্ণণীয় বিষয়ে তাহার শতাংশও নয়, কতকগুলি সমাস, বিশেষণ, ও সংস্কৃত অপ্রলিত শব্দ ব্যতীত আর কিছুই নাই, যে সময়ে বাঙ্গালা ভাষায় কাদম্বরী, বেতালপঞ্চ-বিংশতি, প্রভৃতি প্রথম প্রকাশিত হয়, তখন বাঙ্গালাভাষায় এরূপ প্রবন্ধ প্রকাশিত হইলে আদৃত হইতে পারিত, সন্দেহ নাই। বিশেষতঃ বিজ্ঞান বিষয়ে প্রবন্ধ লিখিতে হইলে বিজ্ঞানের উৎপত্তি প্রকৃতি, প্রয়োজনীয়তা, সমুন্নতি এবং তদ্বিষয়ক গ্রন্থাদির বিষয় বর্ণনা করিতে হয়, কোন্ কোন্ বিজ্ঞান ভারতবর্ষে উৎপন্ন হইয়া ইদানীং ইউরোপীয় পণ্ডিতগণের যত্নে উন্নতিলাভ করিয়াছে তদ্বিষয় বর্ণনা আবশ্যিক, কি উপায় অবলম্বিত হইলে ভারতবর্ষে বিজ্ঞানশাস্ত্রের সমুন্নতি হইতে পারে তাহার পথ প্রদর্শন করিতে হয়। এই প্রবন্ধ সম্বন্ধে বাবু প্যারিচরণ সরকার যে মত প্রকাশ করিয়াছেন তাহা উক্ত প্রবন্ধের বিজ্ঞাপন হইতে উদ্ধৃত হইল।

“১ম। লেখাটী উৎকৃষ্ট হইয়াছে, এখানি অলঙ্কার ইত্যাদি দ্বারা অলঙ্কৃত করিতে গ্রন্থকার বিলক্ষণ প্রয়াস পাইয়া-

* তমোলুক ইংরাজি বিছালয়ের প্রধান পণ্ডিত শ্রীতারানাথ চক্রবর্তী কর্তৃক প্রণীত। মূল্য ১২ বাল্লীকি যন্ত্র।

ছেন, তাহা করিয়াও তুলিয়াছেন, এখানি বাঙ্গালা সাহিত্য মধ্যে পরিগণিত হইতে পারে। এই গ্রন্থের “বিজ্ঞানশিক্ষা” নাম দেওয়া হইয়াছে বটে, কিন্তু বিজ্ঞানশাস্ত্রের কোন কথাই উল্লেখ নাই; কেবল বিজ্ঞান শিক্ষা করা উচিত এ বিষয়ে একটি প্রবন্ধ লেখার মত হইয়াছে। ইহাতে বিজ্ঞান শাস্ত্রের কিছু কথা থাকিলে ভাল হইত। দুই একটা স্থানে অত্যাতি তাহে। ফলতঃ গ্রন্থখানিতে গ্রন্থকার নিজের বাঙ্গালা লিখিবার ক্ষমতা প্রদর্শন করিয়াছেন মাত্র। বাঙ্গালাটা ভালও হইয়াছে।”

ভাষা মন্দ হয়নাই বটে, কিন্তু ওরূপ ভাষা এসময়ের উপযোগী নহে, কতিপয় পংক্তি উদ্ধৃত হইল পাঠকবর্গ অনায়াসে দোষ গুণ বিচারে সমর্থ হইবেন।

“তাহারা অপার চিন্তা সমুদ্রে চিরভাসমান হইয়া অনন্ত দুঃখরাশি অতিক্রম করিয়া বিজ্ঞান বিভাকরের উজ্জ্বল জ্যোতিতে জগৎ উদ্ভাসিত করিয়া গিয়াছেন, এবং প্রকৃতি শাস্ত্রের বিশৃঙ্খল, অশুদ্ধ ব্যাখ্যা দর্শনে পরিতাপিত-হৃদয় হইয়া অলোক-সামাগ্র্য বুদ্ধি-প্রভাবে ঐশ নিয়মের নিগুঢ় তাৎপর্য অবগত হইয়া লোক মণ্ডলীতে প্রচার করিয়া গিয়াছেন, কেহবা মর্মান্তিক পরিশ্রমে ক্লান্ত-শরীর হইয়া চিরাগত ভ্রান্তি নিরসন পূর্বক বিজ্ঞানোপদেশের জটিল, সংকীর্ণ পথ সুখ-গম্য করিয়া বিজ্ঞান সরিতের অবরুদ্ধ প্রবাহ সংশোধিত করিয়া দিয়াছেন; কেহবা প্রমাদপূর্ণ অরিফটল প্রভৃতি পণ্ডিতগণের ভ্রান্ত মত বিশোধিত করিয়া

পৃথিবীর অনন্ত উপকার সাধন করিয়াছেন। কেহবা অনংখ্য গজবাজি-সাধ্য কার্য, অচেতন ধাতু-সাধ্য করিয়া কি অত্যদ্ভুত বুদ্ধি-নৈপুণ্যই প্রকাশ করিয়া গিয়াছেন; কেহবা বাষ্পের প্রকৃতির প্রতি লক্ষ্য করিয়া যন্ত্রসমূহের জীবন্তাস সম্পাদন করিয়া গিয়াছেন। কেহবা ভাস্কর হুঃসহ প্রভাবতী বিদ্যুতের অমোঘ শক্তি পরিজ্ঞাত হইয়া তাড়িত বার্তাবহ যন্ত্রের সৃষ্টি করিয়া মহাক্রোশ দূরস্থিত মিত্রকে নিরন্তর প্রণয়-সন্তোষণ প্রেরণের প্রশস্ত উপায় আবিষ্কৃত করিয়া অনুভূত-পূর্ব অচিন্তিত পূর্ব বিস্ময় দ্বারা মানব-কুলকে হর্ষক্লিন্ন করিয়া গিয়াছেন, এইরূপ মনোবেগ-শালী বাষ্পীয়রথ, বাষ্পীয়-তরণি, অতীন্দ্রিয় পদার্থ গোচর অণু-বীক্ষণ, দূরবীক্ষণ প্রভৃতি বহুবিধ আশ্চর্য্য বোধক যন্ত্র নিরীক্ষণ করিলে যে অসম্ভব বুদ্ধিশক্তি-সম্পন্ন সভ্য জাতি পরম্পরা হইতে এই পরম হিতকর বিষয় পরম্পরার সম্যক উন্নতি হইয়াছে ও হইতেছে, তাহাদিগকে মানব বংশ-সমুদয় বলিয়া বলিতে লজ্জিত হইতে হয়, সন্দেহ কি? অনুধাবন করিয়া দেখিলে প্রতীয়মান হইবে, ইউরোপ আমেরিকা মহাদেশের অধিকাংশ স্থানেই বিজ্ঞান শিক্ষার্থ সুচারু বৈজ্ঞানিক বিদ্যালয় সমূহ প্রতিষ্ঠিত রহিয়াছে, যথায় তদদেশীয় বালকগণ সুখে পদার্থ বিজ্ঞা প্রভৃতি স্মকঠিন শাস্ত্র সকলের মর্মান্বগত হইয়া বয়োবৃদ্ধি সহকারে অধীত ও আয়ত বিষয় নিবহে নৈপুণ্য লাভ করিয়া পাঠিত বিষয়ের

উত্তরোত্তর উপায় করিতেছে, যখন এই সকল বিষয়ে মনোনিবেশ করা যায়, তখনই আমরা ধিকৃত হইয়া থাকি। অধুনা ভারতবর্ষে বিজ্ঞানশিক্ষার যাদৃশ উন্নতি লক্ষিত হইতেছে, তাহাতে আমাদের এরূপ আশা করা অসম্ভব নয়, বাহাতে সর্বপ্রকার বিদ্যালয়ের বিজ্ঞার্থীগণ বিজ্ঞান-শাস্ত্রাশ্রমাদনে অধিকারী হইয়া দেশের মলিন হীন-কান্তি মুখশোভা সম্পাদন দ্বারা শিক্ষার্থীর রক্ষা বিষয়ে ব্যগ্রভাব প্রদর্শন করেন, কিন্তু এই বিষয়ে কিছু বলিতে গেলে বর্তমান শিক্ষাপ্রণালীকে নিতান্ত নির্দোষ বলিয়া বোধ হয় না, কেবল সাহিত্য, ব্যাকরণ, পুরাতত্ত্ব অলঙ্কার, ব্যবহারিক, ভূগোলাদি পাঠ দ্বারা পৃথিবীর উপকার অতি অস্পাংশই সাধিত হইয়া থাকে।”

পণ্ডিত মহাশয় যে এরূপ হিতকর ব্যাপারে হস্তক্ষেপ করিয়াছেন, এই নিমিত্ত আমাদের ধন্যবাদার্থ সন্দেহ নাই, কিন্তু যে ব্যক্তি যে বিষয়ের বিশেষ মর্মেজ্ঞ নহে, তাহার সে বিষয়ে হস্তার্পণ অনুচিত। আমরা অনুরোধ করি প্রবন্ধকার ভবিষ্যতে কাব্য, নাটক, গল্পাদি লিখিতে চেষ্টা করিয়া লোকরঞ্জন করিবেন। যাহাদের কণ্ঠস্বর একান্ত নীরস ও কর্কশ, তাহাদের যন্ত্রে সঙ্গীত শিক্ষা করা উচিত।

দীপ্ত শীরা।

Oh ye woods, spread your branches apace
To your deepest recesses I fly,
I would hide with the beasts of the chase
I would vanish from every eye.
Shenstone.

দেবে
উদাসীন যোগী বেসে সাজারে আমার!
পারিনে পারিনে আর, যদি হলো ছারখার,
অনন্ত জ্বলন্ত জ্বালা সহ্য নাহি যায়!

তবে
উদাসীন যোগী বেশে সাজারে আমার!

কে বলে দুঃখের পরে সুখের উদয়!
কে বলে দুঃখের দিন চিরদিন নয়!
কইরে শোকের নদী এঅবধি সুখালনা
এখনো যে নিরবধি অশ্রু ধারা বয়!
এখনো যে চারি ধার, ঘন ঘটা অন্ধকার,
আশার বিজলি ছটা প্রকাশে না তায়!

তবে
উদাসীন যোগী বেশে সাজারে আমার!

মনে করি কাঁদিব না, মন দুঃখ রটিব না,
মরমের ব্যথা মম মরমেই ঢাকিব।
বাণ বিদ্ধ বাজ সম, হৃদয়ের শেল মম,
পাখার অন্তর দেশে লুকাইয়া রাখিব ॥
কইরে কইতা পারি, আপনি যে অশ্রুবারি,
পূর্ণ-উৎসইতে উঠে অনন্ত ধারায়।
মন ভোরে না কাঁদিলে, মুচ্ছাপ্রায় পলেং,
দেহের বাঁধুনি যেন খসে খসে যায়!
তাই যে রে কাঁদি শোকে, তবে কেন হাঁসে
লোকে,

তবে কেন হানে বিষ বাক্যবাণ তায়?
তবে
উদাসীন যোগী বেশে সাজারে আমার!

নাহি আর প্রয়োজন, গৃহ ধর্ম পরিজন,
মিটেছে অন্তরে ছিল যত সাধ আশা।
সংসার গরল পানে, জ্বরে আছি দেহে প্রাণে
নাহি আর সন্নিপাত হুরন্ত পিপাশা;
সুখ্যাতি শিখরে রব, ভক্তির ভাজন হব,
দাপটে স্নমেক ফেটে হবে চূর্ণ মান—
নাহি রে সে অভিনাষ, সকলি হয়েছে নাশ,
মস্তকে উঠেছে বিষ যায় যায় প্রাণ!
প্রণয় গরল তীব্র পিব নারে আর।
খেয়েছি জেনেছি যত যাতনা তাহার,
যারে করি প্রাণ পণ, করি প্রাণ সমর্পণ,
সেই যে রে করে দ্বेष প্রাণের উপর,
সেই যে স্মৃতিক্ষু শেলে বিদরে অন্তর।
করিয়ে মণির লোভ, পেয়েছি দারুণ ক্ষোভ,
অহির জ্বলন্ত বিষে জ্বলিছে শরীর,
শীরে শীরে বহে বিষ বিষাক্ত কধির।
আর কিরে জেনে মনে, স্নজলন্ত হতাশনে,
পড়িরে প্রমত্ত হয়ে পতঙ্গের প্রায়?

তবে

উদাসীন যোগী বেশে সাজারে আমার!

—একিরে যাতনা ঘোর ঘেরেছে আমারে!
স্তিমিত শরীর মন, দৃষ্টিহীন হুরনন,
শূন্যময় দশ দিক আচ্ছন্ন আঁধারে!

সর্বদা শোণিত যেন মিলি একতরে
তরঙ্গিছে, আক্ষালিছে বিদরি অন্তরে!
গেল ফেটে গেল বুক, বেঁধে দেরে একটুক,
—ছেড়েদে ছেড়েদে, ফেটে যাক্ রে হৃদয়,
শূন্য হোক বক্ষঃস্থল আর নাহি সয়!
দারুণ মরম জ্বালা কারে বা জানাই।
—কেনই বা কারে কব, বিক্রপ আঙ্গুদ হব,
চাইনে গরল ভরা লোকের শাস্তনা।
চাইনে রে “আহা” “উহু” লোকের ছলনা!

আমার হৃদয় শোক, কেন তা জানিবে লোক,
ফাটুক বা থাক্ বুক, কব না কাহার!

তবে

উদাসীন যোগী বেশে সাজারে আমার!

ওরে হুরন্ত মায়া রাক্ষসী হুর্জয়!

এখনো দলিতে সাধ দলিত হৃদয়!

যা রে যা রে নিশাচরি, ধরাধাম পরিহরি,

অনন্ত অনল দীপ্ত নরক গহ্বর রে।

প্রেত ভূমে প্রেত মনে, অবাধে আপন মনে,

যা খুসি করিবি তাই কে তোরে নিবারে।

হুর্ভেদ শৃঙ্খল দিয়া, বাঁধিয়ে বিক্ষত হিয়া,

দশনে দংশন কেন করিস পামরি,

পারিস তো কর্ প্রাস, তাহে কিছু নাহি

ত্রাস,

জিয়ন্তে যাতনা আর সহিতে না পারি।

একিরে ভীকতা মোর এত যে যাতনা ঘোর,

তবুও কি কফে স্ফেট সকলি সহিব—

নত শিরে রাক্ষসীরে এখনো সেবিব?

কখন কখন নয়, পামরিব সমুদয়,

হানিব অব্যর্থ বজু পিশাচী মাথায়,

দেরে

উদাসীন যোগী বেশে সাজারে আমার

সমাজ সংস্কার বিষয়ক প্রসঙ্গ।

আমাদের সমাজের মধ্যে যে সকল
ব্যবহার দেখা যায়, বিশেষরূপ অনুসন্ধান
করিতে পারিলে, সে সমুদায়ের উপ-
যোগিতা প্রতীয়মান হয়। শ্রাদ্ধোপলক্ষে
ব্রাহ্মণকে দান ও ভোজন করান ইহার

একটি দৃষ্টান্ত স্থল। যেকালে ব্রাহ্মণগণ
নানা শাস্ত্র আলোচনা করিয়া ভারতের
মুখোজ্জ্বল করিয়া ছিলেন, যে কালে
তঁাহারা কয়েক বর্গের উপদেষ্টা হইয়া,
ধর্ম ও নীতি শিক্ষা প্রদান করিতেন এবং
যে কালে তঁাহারা আধ্যাত্মিক গুণে দেব-
তার স্বরূপ প্রতীয়মান হইতেন সেই
কালেই এই পদ্ধতি প্রবর্তিত হইয়াছিল
সন্দেহ নাই। সে সময়ে ব্রাহ্মণগণ কোন
বিষয় কার্যে ব্যাপ্ত থাকিতেন না—
সংসার নির্বাহের ও কোন চেষ্টা করি-
তেন না। ভূপতি বা ধনী ব্যক্তিগণ,
যজ্ঞ, শ্রাদ্ধ বা অপর কার্যোপলক্ষে,
তঁাহাদের আহ্বান করিয়া, প্রচুর ধন ও
খাদ্য দ্রব্য প্রদান করিতেন। ইহার দ্বারা
অন্যায়সেই তঁাহাদের সাংসারিকব্যয় নির্বাহ
হইত। সেই রীতি পূর্বাবধিই চলিয়া
আসিতেছে, এবং তদনুসারে ব্রাহ্মণ-
গণেরও যথাযোগ্য সমাদর করা হইতেছে।
কিন্তু পূর্বাপেক্ষা এখন যে কত পরিবর্তন
হইয়াছে, তাহার প্রতি কাহার ও লক্ষ্য
নাই; এবং পুরাকালে যাহা সম্যকরূপে
উপযোগী বলিয়া প্রতীয়মান হইত, এখন
যে তাহা বিপরীত ভাব ধারণ করি-
য়াছে, তাহা প্রায় কেহই অনুধাবন করিয়া
দেখিতেছেন না। এখন ব্রাহ্মণগণ আর
সে উচ্চ পদবীতে স্থান পাইতে পারেন না
তঁাহারা একেবারে স্ব স্ব কর্তব্য কর্ম অব-
হেলা করিয়াছেন—অনেকেই মসীজীবী
হইয়া অর্থোপার্জন করিতেছেন। অতি
অল্প ব্রাহ্মণেই শাস্ত্রালোচনায় কালযাপন
করিয়া থাকেন। সমাজের এরূপ বিরূপ

অবস্থায়, কি ব্রাহ্মণমাত্রকেই পূর্বকার
ন্যায় সম্মান করা, এবং ধনী ও নিধন
নির্বাচনা না করিয়া, দান করা কর্তব্য?

আজ্জ কাল শ্রাদ্ধ বা কোন মঙ্গলিক
কার্যোপলক্ষে, “দলস্থ” ব্রাহ্মণগণকে ভো-
জন করান, এবং সঙ্গতি থাকিলে, তঁাহা-
দের দক্ষিণা, প্রদান অথবা তৈজসাদি
বিতরণ করিবার পদ্ধতি প্রচলিত আছে।
কিন্তু ইহার দ্বারা প্রকৃত উদ্দেশ্য সংসা-
ধিত হইতেছে না। ধনী ব্যক্তিদিগের
বার্চীতে, সমারোহের সহিত ক্রিয়া কলাপ
হইলে, অধ্যাপকগণ নিমন্ত্রিত হইয়ন বটে,
এবং সম্মানস্বরূপ কিছুং প্রাপ্তও হইয়ন,
সন্দেহ নাই। কিন্তু, ইহার দ্বারা, তঁাহা-
দের অভাব কোন প্রকারেই দূর হইতে
পারে না। এরূপ সমারোহ সর্বদা হয়
না—সুতরাং বৎসরের মধ্যে, তঁাহাদের
অতি অল্পই উপার্জন হইয়া থাকে।
আমাদের পুণ্যভূমি ভারতবর্ষেতে, ছাত্র-
গণকে শিক্ষা দিবার যে প্রকার রীতি,
এপ্রকার কোথাও নয়নগোচর হয় না।
শ্রোপার্জিত ধন ব্যয় করিয়া, স্বীয়
সাংসারিক অভাব সত্ত্বেও, কোন্ স্থানের
অধ্যাপক, তঁাহার ছাত্রদিগকে ভরণ-
পোষণ করাইয়া বিনা ব্যয়ে তাহাদের
শিক্ষা প্রদান করিয়া থাকেন? এরূপ
নিঃস্বার্থভাবে পরোপকার, পৃথিবীর কোন
স্থলেই নয়নগোচর হয় না। কিন্তু, দুঃখের
বিষয় এই যে, এমন স্মৃচাক পদ্ধতি লোপ
পাইবার উপক্রম হইয়াছে। কোন
বিদ্যার্থী আগমন করিলে, অধ্যাপক মহা-
শয় সমাদরের সহিত তাহার সমুদয় ভার

গ্রহণ করিয়া থাকেন। এবং ছাত্রের সংখ্যা যত অধিক হয়, ততই আপনাকে ধন্য বিবেচনা করেন। কিন্তু, আক্ষেপের বিষয় এই যে, নিতান্ত অর্থাভাবপ্রযুক্ত, অনেক অধ্যাপককে আন্তরিক হুঃখের সহিত নবাগত ছাত্রগণকে বিদায় দিতে হইতেছে। ইহা অপেক্ষা ভারতের শোচনীয় বিষয় আর কি হইতে পারে? আমাদের রত্নপ্রসূ প্রদেশে ধনীর অভাব নাই। তাঁহারা মনে করিলে, অনায়াসেই অধ্যাপকদিগের অভাব সকল বিদূরিত করিতে পারেন এবং যাহাতে পূর্ব প্রচলিত সংস্কৃত অধ্যাপনা-কার্য অপ্রতিহত ভাবে চলিয়া যায় তাহার ও উপায় ধার্য করিতে পারেন। কিন্তু, ধনীদিগের নিকট হইতে সে প্রত্যাশা করা বিফল। তাঁহারা আপন আপন অভিলষিত আমোদ প্রমোদে উন্মত্ত—সামান্য অধ্যাপকদিগের হুঃখে কেনই বা হুঃখিত হইবেন? এবং নানাপ্রকার সুখজনক ব্যাপারে অর্থ ব্যয় না করিয়া, চতুষ্পাঠী সংরক্ষণ জন্য কেনই বা কোষ শূন্য করিবেন? মধ্যবিত্ত ব্যক্তিগণের উপরই আমাদের আশা নির্ভর করিতেছে, এবং আমরা অনুরোধ করি, তাঁহারা আমাদের কথায় কর্ণপাত করেন। আমরা পূর্বে কহিয়াছি যে, শ্রাদ্ধ বা অগ্ন্যুৎসব উপলক্ষে, ব্রাহ্মণমাত্রকেই ভোজন করান হয় এবং তাঁহাদিগকে তৈজসাদি বিতরণ করাও হয়। কিন্তু, অতি অল্প ব্যক্তিই অধ্যাপকগণকে আস্থান করিয়া তাঁহাদের সম্মান রক্ষা করিতে সক্ষম হইলেন। যে সকল ব্রাহ্মণ

বিষয় কার্য করিয়া থাকেন, তাঁহাদের ভোজন করান, অথবা তৈজসাদি দান করা নিষ্ফল বলিতে হইবে। যেহেতু তাঁহারা স্ব স্ব কার্য পরিত্যাগ করতঃ ব্রাহ্মণ পদ হইতে বিচ্যুত হইয়াছেন তাঁহাদের ভোজনাদি করাইলে, অথবা দান করিলে, শ্রাদ্ধের উদ্দেশ্য সুসিদ্ধ হইতে পারে না। যাহারা শাস্ত্র ব্যবসায়ী এবং চতুষ্পাঠীর অধ্যাপক, তাঁহাদেরই ভোজন করান ও দক্ষিণা প্রদান করা কর্তব্য। তাহা হইলেই প্রাচীন উদ্দেশ্য সুসিদ্ধ হয়। আমাদের বিবেচনায়, অধিক সংখ্যক ব্রাহ্মণ ভোজন না করাইয়া ও তাঁহাদের দক্ষিণাদি না দিয়া, প্রত্যেক প্রধান কার্যোপলক্ষে, অধ্যাপকগণকে আস্থান করিয়া তাঁহাদিগকে অর্থের দ্বারা আনুকূল্য করা উচিত। মধ্যবিত্ত ব্যক্তিগণের মধ্যে ক্রিয়া কলাপ সর্বদাই হইয়া থাকে, সুতরাং এরূপ নিয়ম ধার্য হইলে তাঁহাদের অভাব মোচন হইবার সম্ভাবনা, এবং তাহা হইলে তাঁহারা চতুষ্পাঠী রাখিতে সহজেই সক্ষম হইবেন।

উল্লিখিত প্রস্তাব পাঠ করিয়া পাঠকগণ এরূপ বিবেচনা করিবেন না যে, সময়েই তাঁহারা যে বিবিধপ্রকার উপাদেয় সামগ্রী আহাৰ করিতে পান, আমরা সে সমুদয় হইতে তাঁহাদিগকে বঞ্চিত করিবার উপায় স্থির করিতেছি—অথবা আত্মীয় স্বজনসহ আমোদ প্রমোদ করিতে বাধা দিতেছি। এরূপ কখনই হইতে পারে না, কারণ তাহা হইলে আমাদেরও কোন না সে সমুদয় হইতে বঞ্চিত হইতে হইবে? এবং

আমরা হঠাৎ সে আমোদ উপেক্ষা করিতে পারি? কোন কার্যোপলক্ষে ৩৪ শত ব্রাহ্মণ ভোজনের ব্যাপার সামান্য নহে। অন্য ব্যক্তিগণকে প্রস্তুত করিতে করিতে অপরাহু হইয়া পড়ে, এবং সে সময়ে আহাৰ করিয়া পরিতৃপ্ত হওয়া দূরে থাকুক, বরং স্বাস্থ্য বিষয়ক ব্যাঘাত হইবার সম্পূর্ণ সম্ভাবনা। এই নিমিত্ত অনেকে এরূপ ভোজনানুমোদন করেন না, এবং অনেককে এ সমারোহে যোগ দিতে দেখা যায় না। মধ্যে মধ্যে পল্লীগ্রাম সমূহে যে পীড়ার প্রাচুর্য হইয়া থাকে, এরূপ অসময়ে ভোজন তৎপক্ষে সহায়তা করে সন্দেহ নাই। আমরা এবম্বকার আমোদের প্রতিবাদ করি, এবং ইহার পরিবর্তে আত্মীয় স্বজনকে লইয়া আহাৰ করিবার এবং অধ্যাপকদিগকে মুদ্রা ও তৈজসাদি বিদায় স্বরূপ দিবার পদ্ধতি প্রবর্তিত করিতে সম্পূর্ণ অনুরোধ করি।

আমরা এস্থলে আর একটা বিষয়ের উল্লেখ না করিয়া প্রস্তাব শেষ করিতে পারিনা। সমাজের অনুরোধে, সামান্য ব্যক্তিগণকেও পিতামাতার শ্রাদ্ধোপলক্ষে প্রচুর ব্যয় করিতে হয়। অনেকে প্রতিবাসী গণের অনুরোধ রক্ষা করিতে হইয়া, এরূপ ঋণ জালে জড়িত হইলেন যে, তাঁহাদিগকে যাবজ্জীবন তাহার নিমিত্ত ব্যতিব্যস্ত হইতে হয়। এবং জীবনান্তে তাঁহাদের পুত্রগণকেও তাহার জন্ম দায়ী হইতে হয়। ইহা অপেক্ষা শোচনীয় অবস্থা আর কি হইতে পারে? তুচ্ছ লোক নিন্দার আশঙ্কায় ধর্মবি-

গর্হিত কার্যকে সমাদর করা, সামান্য মুঢ়তার কর্ম নহে। এবং আশ্চর্যের বিষয় এই যে, এবম্বকার ব্যাপারে জ্ঞানি ব্যক্তিগণকেও জড়িত হইতে দেখা যায়। ঋণ হইয়া থাকা অপেক্ষা আর পাপের কার্য কি আছে? উত্তমর্ণের উত্তেজনায় কেনা ব্যতিব্যস্ত হইলেন, এবং তাহাতেই অব্যাহতি পাইবার জন্ম কেনা নিজে ক্লেশ স্বীকার করিতে এবং পরিজন গণকে বিবিধ সুখ হইতে বঞ্চিত করিতে বাধ্য হইলেন? ইহা সামান্য অধর্ম নহে। আর ঋণ রাখিয়া পরলোক গমন করিলে ও ধর্মের চূড়ান্ত হইয়া উঠে। কিন্তু, স্বজনের অনুরোধ উপেক্ষা করা, অনেকের পক্ষে অসাধ্য বলিয়া প্রতীয়মান হয়। এস্থলে কি করা কর্তব্য? সমাজতন্ত্র বিজ্ঞ জনগণ এবিষয়ে হস্তক্ষেপ না করিলে, কোন উপায় হইবার সম্ভাবনা নাই। উত্তর পশ্চিম প্রদেশে, বিবাহ উপলক্ষে প্রচুর ব্যয় হয় বলিয়া তথাকার প্রধান প্রধান ব্যক্তিগণ ঐক্য হইয়া তাহা হ্রাস করিবার প্রকৃষ্ট উপায় উদ্ভাবন করিয়াছেন। ব্যক্তিগণের অবস্থানুসারে, ব্যয়ের নিয়ম নির্দ্ধারিত করিয়া দিয়াছেন। আমাদের বিজ্ঞাভিমानी ও সত্যতাভিমानी বড় বড় ব্যক্তিগণ কি একবাক্য হইয়া কোন নিয়ম স্থির করিতে পারেন না? আমাদের সমাজের যেসকল শোচনীয় অবস্থা হইয়াছে ও দিন দিন হইতেছে তাহাতে শীঘ্র ইহার প্রতিকারের চেষ্টা না করিলে আমাদের উপায়ন্তর নাই। “মান

রক্ষা" করাই আমাদের সমস্ত অনিষ্টের মূল হইয়াছে। "মান" রক্ষা করিতে গিয়া আমরা সর্বস্বান্ত হইতেছি মানের অনুরোধে ধর্ম বিগর্হিত কার্য করিতেছি, মান রক্ষার জন্ত আপনাদের অনভিমত হইলেও কতশত কার্য করিতেছি তার ইয়ত্তা নাই। কিন্তু প্রকৃত মান কিসে হয় আর কিসে যায় তাহা আমরা জানিনা—সত্য বটে মান রক্ষার জন্ত ব্যক্তি মাত্রেরি প্রাণপণে চেষ্টা করা উচিত। কিন্তু তাহা বলিয়াই কি মানের দায়ে আপনাদিগকে বিপদে নিপতিত করিব। কোন বিদেশী আসিয়া আমার পরিবারের অবমাননা করিল আমি ভিন্ন স্বভাব বশতঃ অজ্ঞান বদনে সেই অপমান সহ করিলাম। কোন ছুরাত্মা আসিয়া আমার সমক্ষে আমার বন্ধুকে প্রহার করিল—পাছে আমার সেই দশা ঘটে বলিয়া আমি, তক্ষরের স্থায় তথা হইতে প্রস্থান করিলাম। অথচ পিতৃশ্রদ্ধে ব্রাহ্মণ ভোজন, পুত্রের অন্নপ্রাশনে ব্রাহ্মণ ভোজন, পুত্রের বিবাহে তৈজস বিতরণ করিতে পারিনা বলিয়া আপনাদিগকে একেবারে অপমানিত বোধ করি। এই জন্তই আমাদের এরূপ দুর্দশা হইতেছে—এই জন্তই আমাদের দেশের এত অমঙ্গল ঘটতেছে। আমাদের এস্থলে ইংরাজদিগের অনুকরণ করা উচিত। তাঁহারা যেমন স্বথা অর্থব্যয় করেননা আমাদেরও সদৃ সদৃ বিবেচনা করিয়া অর্থব্যয় করা উচিত। "আমাদের বারমাসে আঠার পার্বণ" আছে বলি-

য়াই আমাদের এত অর্থব্যয় হইয়া যায়। সাধারণ দান আমাদের দেশে একটা হুতন ব্যাপার। যদিও কোন কোন মহাত্মা সময়ে সময়ে কোন সাধারণ হিত-কর কার্যে প্রচুর অর্থব্যয় করিয়াছেন ও করিতেছেন, কিন্তু তাঁহাদের সংখ্যা অতি অল্প। যদি সকলে স্বথা ব্রাহ্মণ ভোজন "কাজালী ভোজন" "কাজালী বিদায়" প্রভৃতি নিরুফ দান ত্যাগ করিয়া প্রকৃত সাধারণ হিত কর কার্যে দান করিতে কৃত সংকল্প হইলে তাহাই হইলে আমাদের এত অনর্থক অর্থব্যয় হয়না ও আমরা যথাসাধ্য দেশের প্রকৃত মঙ্গল সাধন করিতে পারি! মনে করুন একজন ব্যক্তি ৪৫ শ টাকা ব্যয় করিয়া ৮৯ শ দরিদ্র ব্যক্তিকে অর্ধসের পরিমাণে তণ্ডুল বিতরণ করিল সে অর্ধসের তণ্ডুলের দ্বারা দরিদ্রের দৈন্ত্যতা দূর হইলনা—তজ্জন্ত তাহার কিঞ্চিৎমাত্র উপকার হইলনা অথচ উক্ত ব্যক্তির ৫ শত টাকা ব্যয়িত হইল। আমরা এক্ষণে জিজ্ঞাসা করি এই পাঁচশত টাকা কি যথার্থ সংকার্যে ব্যয়িত হইল? কখনই না—বরং যদি সেই ৫০০ শত টাকা দ্বারা একটা কোন মূলধন করা যায় যাহার সুখ হইতে অন্যন মাসে মাসে ২ টাকা পাওয়া যায় তাহাই হইলে সেই দুই টাকা হইতে একটা দরিদ্রের কথঞ্চিৎ জীবনোপায় হইতে পারে। যতদিন আমাদের দেশে এরূপ দানের প্রথা প্রচলিত নাহয় ততদিন আমাদের দেশের কোন মঙ্গল নাই।

হালিসহর পত্রিকা।

(পাক্ষিক পত্রিকা।)

২য় খণ্ড]

ভাদ্র মন, ১২৭৯ সাল

[৯ম সংখ্যা]

মুদ্রায়ত্ত্ব বিষয়ক বক্তৃতা।

(পূর্ব প্রকাশিতের পর)

হস্তলিপির উদ্ভাবনে জ্ঞানালোচনার এক প্রকার পথ পরিষ্কৃত হইল। এরূপ কিম্বদন্তি অতি প্রাচীন কালে ভারতবর্ষে যখন মুনি ঋষিরা গিরিগুহায় ও বনে বনে ভ্রমণ করিতেন, তখন শিষ্যদিগের জ্ঞানোন্নতির নিমিত্ত সময়ে সময়ে শ্লোকাদি রচনা করতঃ অপরিষ্কৃত স্বরূপে নখ অথবা শলাকা দ্বারা চিহ্নিত করিয়া দিতেন। কিন্তু এইরূপ লিপি শীঘ্র বিলুপ্ত হইবার আশঙ্কায় শিষ্যেরা ক্রমে তালপত্রে লোহময় লেখনী সংযোগে লিখন প্রণালী প্রচার করিয়া জ্ঞানালোচনায় প্রবৃত্ত হইতেন; এই জন্তই

বোধ হয় অত্য়াবধি পুস্তকের এক এক "ফর্দ" কাগজ পত্র শব্দে উক্ত হইয়া থাকে। এক্ষণে উড়িষ্যাদেশস্থ অনেক ব্যক্তি পাল্কির আড়ায় বসিয়া পূর্বোক্ত প্রকারে তালপত্রে লিখনকার্য সমাধা করিয়া থাকে, ইহা বোধ হয় সভ্য মহাশয়েরা অনেকেই দৃষ্টিগোচর করিয়া থাকিবেন। তালপত্রে লোহ শলাকা দ্বারা লিপিবদ্ধ করাতে পূর্বোক্ত অনেক দিন স্থায়ী হইল বটে, কিন্তু উহা পাঠ কালে বিলক্ষণ অস্ববিধা ঘটতে লাগিল। কারণ পত্র ও লিখন উভয়েরই এক বর্ণ, সুতরাং শীঘ্র শীঘ্র পাঠ করিবার পক্ষে অনেক ব্যাঘাত জন্মিতে লাগিল। এইজন্য তাৎকালিক লোকেরা লিখিত তালপত্রের উপরে গোরিমার্টি অথবা অঙ্গার চূর্ণ ঘর্ষণ করিতেন। তদ্বারা অক্ষর সকল রক্ত ও কৃষ্ণ বর্ণে রঞ্জিত ও সুস্পষ্ট হইয়া পূর্বোক্ত পোক্ষা পাঠের বিস্তর সুবিধা হইয়া উঠিল।

কিন্তু মনুষ্যবুদ্ধি কখন এরূপ সামান্য উন্নতিতে নিরস্ত থাকিবার নহে। মানবজাতি ক্রমে ক্রমে এক উন্নতি হইতে অপর উন্নতির সোপানে অধিরোহণ করিতে লাগিল। অবশেষে ত্রেটপত্র, লেখনী ও মসী এই তিন বস্তু সংযোগে লিখন-প্রণালীর আবিষ্কার হইল। এতদ্বারা যে কীদৃশ উন্নতি সংসাধিত হইয়াছে তাহা বলিয়া শেষ করা যায় না। কি সাহিত্য, কি বিজ্ঞান, কি জ্যোতিষ, কি ভূগোল সমুদয় বিষয় এতদসাহায্যে আলোচিত হইতে লাগিল। ভারতবর্ষে সেই দিন অবধি মৌভাগ্য সূর্যের উদয় হইল।

সভ্যগণ! পূর্বোক্ত ত্রেটপত্র কিরূপ তাহা বোধ করি আপনারা অনেকেই দৃষ্টিগোচর করেন নাই, এতন্নিবন্ধন আমি উহা সংগ্রহ করিয়াছি। উহা তিন প্রকার হইয়া থাকে; তাহা এইরূপ। (প্রদর্শন।) ইহা কাগজ অপেক্ষা স্থায়ী। কাগজে জল লাগিলেই গলিয়া যায় এবং পোকায় সহজে নষ্ট করে, কিন্তু এই ত্রেটপত্র শীঘ্র বিনষ্ট হইবার নহে। ইহা অল্পেও বহুকাল স্থায়ী হয়। এদিকে যেমন ত্রেট পত্রের প্রচার হইল, অপর দিকে আবার তদুপযুক্ত মসীরও সৃষ্টি হইল। এক্ষণে যাহারা এক মাত্র ইংরাজি মসীর স্থায়িত্বের বিষয় প্রশংসাবাদ করিয়া থাকেন, তাহাদের অবগতির নিমিত্ত পূর্বতন প্রাচীন হিন্দুদিগের মসী প্রকরণ হইতে এস্থলে একটা উদ্ধৃত হইল, যথা—

“তিন ত্রিফলা করি মেলা,
ছাগ ভুঞ্জে দিয়া ভেলা,
লোহাতে লাহা ঘষি
জলে ঘষিলে না উঠে মসি।”

এই মসীর এরূপ চমৎকারিত্ব যে বহুকালেও উহা বিবর্ণ হয় না, বরং বারি প্রয়োগে দ্বিগুণতর উজ্জ্বলতা প্রাপ্ত হইতে থাকে। আপনাদের গোচরার্থ উল্লিখিত মসীদ্বারা লিখিত একখানি প্রাচীন গ্রন্থের পত্রও এস্থানে আনয়ন করিয়াছি। (সভ্যগণের হস্তে প্রদান ও সকলের দৃষ্টি)। ইহা প্রায় দুই শত বৎসর অতীত হইল লিখিত হইয়াছে, কিন্তু উক্ত মসী কিঞ্চিৎ-মাত্র বিবর্ণ হয় নাই, যেমন তেমনই আছে।

সভ্যগণ! আপনারা প্রত্যক্ষ দৃষ্টি করিলেন যে প্রাচীন ভারতবর্ষীয়েরা কিরূপ মসী ব্যবহার করিতেন এবং তাহা কিরূপ বুদ্ধি কোশলে প্রস্তুত করা হইত। একদিকে যেমন লিপিবদ্ধ প্রণালী পরিশুদ্ধরূপে চলিল, অপরদিকে আবার তদনুরূপ নানা-প্রকার উন্নতির শ্রোতও প্রবাহিত হইতে লাগিল। এক এক ব্যক্তি অস্মান বদনে রুহং রুহং পুঁথি পরিষ্কার ও পরিচ্ছন্ন-রূপে লিপিবদ্ধ করিতেন, তাহা এক্ষণে স্মরণ করিলে অবাক হইতে হয়, এবং তাহাদের অপারিসীম ধৈর্য গুণের ভূয়ঃ ভূয়ঃ প্রশংসাবাদ না করিয়া ক্ষান্ত থাকা যায় না। কেহ কেহ এরূপ ক্ষুদ্র ক্ষুদ্র ও স্পর্শাক্ষরে লিখিতে পারিতেন যে রামায়ণ কিম্বা মহাভারত একখানি পত্র মধ্যে সমাপ্ত করিয়া সেই সকল লিপি মাহুলী অথবা কবজ মধ্যে স্থাপন করতঃ কণ্ঠে

কিম্বা বাহুতে ধারণ করিতেন এইরূপ নানাবিধ বিষয় পর্যালোচনা করিলে ইহা এক প্রকার সপ্রমাণিত হয় যে তৎকালে যদিও মুদ্রাযন্ত্রের সৃষ্টি হয় নাই, তথাপি ভারতবর্ষীয় লেখকগণ একমাত্র লেখনীদ্বারা জ্ঞানালোচনা যত দূর হইতে পারে, তাহার যে শেষ সীমা অতিক্রম করিয়াছিলেন, ইহা কেনা স্বীকার করিবেন? (এস্থলে শ্রীযুক্ত বাবু মৌরীন্দ্র-মোহন চাকুর কর্তৃক কতকগুলি প্রাচীন গ্রন্থের লিখন পারিপাট্য প্রদর্শন ও সকল-কার আঙ্কাদ ও আগ্রহ প্রকাশ।)

অনন্তর হস্তলিপি প্রচারের অব্যবহিত পরেই মোহরাদি দ্বারা ছাপ প্রচলন ও পুস্তকাদিতে চিত্র করা প্রচলিত হয়, কিন্তু তাহা ঠিক কত কাল পরে তাহার কোন স্থিরতা নাই। উচ্চশ্রেণীস্থ ব্যক্তিগণ অথবা রাজকর্মচারী ভিন্ন অপর কেহ তাহা ব্যবহার করিতে পারিতেন না। এইরূপ দুইটা প্রাচীন পিতলের মোহর অত্যাধিক “ব্রিটিশ মিউজিয়াম” নামক চিত্রশালায় এবং “নিউ-কাস্টলস্থ ‘এন্টিকোয়েরিয়ন্’ নামক সমাজে স্থাপিত আছে। একটা গ্রীক ভাষায় অপরটা রোমকীয় ভাষায় খোদিত। অস্বদেশীয় অনেকানেক রাজা অঙ্গুরীতে আপন আপন নাম খোদিত করাইয়া পত্রাদিতে মুদ্রিত করিতেন। পূর্বোক্ত মোহর নিম্ন-লিখিত অনুসারে বিশেষতঃ ব্যবহৃত হইত। প্রথমতঃ যে সকল উচ্চপদবীস্থ ব্যক্তি বিবিধ কর্মে লিপ্ত থাকিতেন, অথচ তাহারা আপনাদের বিষয় কার্যের ভার লাঘব করিবার মানস করিতেন; দ্বিতীয়তঃ যাহারা লিখিতে জানিতেন না, অথচ

যাহাদের বিবিধ কাগজ পত্রে স্বাক্ষর করিতে হইত। অতঃপর পুস্তকাদি চিত্রিত প্রথা, ছবি ও খেলিবার তাম মুদ্রিত করণ উপায় এবং অক্ষর সম্বলিত মুদ্রা প্রস্তুত করিবার পন্থা প্রচলিত হইয়া ক্রমে ক্রমে মুদ্রাক্ষর সম্বন্ধীয় বিবিধ প্রকার সামান্য সামান্য উন্নতি পৃথিবীর চতুর্দিকে ব্যাপ্ত হইয়া পড়িল।

চীনদেশে মুদ্রাক্ষরের প্রথম সূত্রপাত হয়। ইহা কোন্ সময়ে কি প্রকারে এবং কোন্ ব্যক্তি কর্তৃক আবিষ্কৃত হয়, তাহার কোন স্থিরতর সীমাংসা প্রাপ্ত হওয়া যায় না। তবে চীনদেশীয় একটা সুবিখ্যাত প্রাচীন প্রবাদবাক্য পাঠে এইমাত্র অবগত হওয়া যায় যে বাদসাহ ভেন ভং জম্মাইবার খ্রীঃ ১১২ বৎসর পূর্বে কোন একটা বস্তু খোদিত করেন, তদ্বিষয় ঘটিত এরূপ বর্ণনা আছে যে, মসী * যেমন খোদিত অক্ষরকে কৃষ্ণ-বর্ণ করিয়া ফেলে এবং কখন কালেও শুভ্রবেশ ধারণ করে না সেইরূপ যে হৃদয় একবার পাপরূপ মসীতে অঙ্কিত হইয়াছে তাহা চিরকালের নিমিত্ত তদবস্থাপন্ন থাকিবে। এতদ্ভিন্ন আর কোন নিদর্শন প্রাপ্ত হওয়া যায় না যদ্বারা উক্ত বিষয়ের সিদ্ধান্ত হইতে পারে। চৈনদিগের অক্ষর পূর্ব-কথিত হাইরোগ্লিফিক সদৃশ। উহার অক্ষর সংখ্যা ৮০,০০০ হইতে ১,০০,০০০ পর্যন্ত। কিন্তু ডাক্তার মরিসনের অভিধানে ৪০,০০০ মাত্র বর্ণিত আছে। যে যে জাতির মধ্যে প্রথমাবস্থায় হাইরোগ্লিফিক লিপি প্রচলিত ছিল, তাহারা সকলেই কাল সহকারে উক্ত লিপির পরিবর্তন ও উন্নতি সাধন করিয়াছেন, কিন্তু এতদ্বিষয়ে চৈন

* “As the *me* (ink) which is used to blacken the engraved characters can never become white, so a heart blackened by vice will always retain its blackness.”

দিগের কোন উন্নতি দৃষ্টিগোচর হয়না। তাহারা আপনাদিগের আদিম হাইরোগ্লিফিক লিপির কিছুমাত্র পরিবর্তন না করিয়া তাহাতেই এক অপূর্ব সংস্কার করণান্তর চালাইয়া আসিতেছেন। চৈন-দিগের মুদ্রাঙ্কন-অক্ষর ও হস্তাক্ষর উভয়ই সমান। চীনদেশে আদৌ মুদ্রাঙ্কনের সৃষ্টি হয়, এজন্ত তাহাদের মুদ্রাঙ্কন প্রণালী অবগত হইবার নিমিত্ত আমাদের পাঠকবর্গের স্বভাবতঃ কোঁতুক জন্মিতে পারে, এজন্ত এস্থলে তাহা সংক্ষেপে বর্ণনা করা যাইতেছে। চৈনেরা যেসকল বিষয় মুদ্রিত করিতে অভিলাষ করে, প্রথমতঃ তাহা একখানি পাতলা স্বচ্ছ কাগজে লিপিবদ্ধ করিয়া অতি নমনশীল কাঠোপরি উলটাইয়া বসাইয়া দেয়। কাগজ অতি পাতলা ও স্বচ্ছ বলিয়ালিখিত কাগজের অপর পৃষ্ঠা সুস্পষ্টরূপে দেখা যায়। পরে সেই সকল লিপিক্ষোদিত করিয়া মুদ্রাঙ্কনের উপযুক্ত হইলে তদুপরি একখানি ব্রুস সংযোগে মসী প্রয়োগ করণান্তর ছাপিবার কাগজ বসাইয়া দিতে হয়। অতঃপর আর একটা নরম লোম-বিশিষ্ট ব্রুস উক্ত কাগজের উপরিভাগ দিয়া এরূপ কোঁশলে টানিয়া লইতে হয় যে তাহাতে কাগজের কোনরূপ হানি না হইয়া অপর পৃষ্ঠায় মুদ্রাঙ্কন কার্য সুচারুরূপে সম্পন্ন হয়। ডচদেশস্থ ডিউ হাল্ডী নামক জর্নৈক পর্যটক এরূপ বর্ণনা করেন যে উক্ত প্রকারে চৈনেরা সমস্ত দিনে ১০,০০০ তা কাগজ মুদ্রিত করিতে পারে, কিন্তু

উহা পাঠে আমার অত্যন্ত অসঙ্গত বলিয়া বোধ হয়। কারণ যখন বর্তমান সুপ্রণালীসিদ্ধ মুদ্রাযন্ত্রে সমস্তদিনে উৎকৃষ্টরূপে ছাপিত হইলে পাঁচশত কাগজ দুই পৃষ্ঠা ছাপা স্বকঠিন হইয়া উঠে, তখন পুরোক্ত অসুবিধা-জনক প্রণালী অনুসারে কি প্রকারে উক্ত সংখ্যক কাগজ ছাপা হইতে পারে। অতএব তাহার সে বর্ণনা যে বিষম অশুদ্ধ তাহার আর সন্দেহ কি? আমার হিসাবে চৈনেরা সমস্তদিনে ৭০০ বা ৮০০ কাগজ এক পৃষ্ঠামাত্র ছাপিতে পারে। উল্লিখিত মুদ্রাঙ্কন বহুব্যয়সাধ্য ও তাহাতে বিস্তর সময় আবশ্যিক করে, এজন্ত তদ্বারা পৃথিবীর বিশেষ উপকার দর্শে নাই। যে মহাত্মা স্বতন্ত্র স্বতন্ত্র অক্ষর প্রস্তুত করিয়া তদ্বারা পুস্তকাদি মুদ্রিত করিবার উপায় উদ্ভাবন করিয়াছেন, তিনিই যথার্থ এই অদ্ভুত শিল্প বিজ্ঞাকে মানবজাতির মহোপকারিণী করিয়া তুলিয়াছেন। বোধ হয় এরূপ রীতিও প্রথমে চীনদেশে উদ্ভাবিত হইয়াছিল। “ফ্যানিসলাম্ জুলিয়েন” নামে এক ইউরোপীয় পণ্ডিত এবিষয়ে যে সমস্ত প্রমাণ সংগ্রহ করিয়াছেন, তাহা পাঠ করিয়া দেখিলে প্রতীত হয়, খৃষ্টীয় শকের ১০৪১ অবধি ১০৪৮ পর্যন্ত ৭ বৎসরের মধ্যে কোন সময়ে চীনদেশীয় জর্নৈককর্মকার দক্ষ মৃত্তিকায় নির্মিত কতকগুলি অক্ষর ব্যবহার করিয়াছিল।

কিন্তু ইদানীং ইউরোপে এবিষয়ের হুতন সৃষ্টি হওয়াতে যেরূপ উপকার দর্শিয়াছে তাহা বর্ণনা করিয়া শেষ করা

যায় না। ১৪৩৬ খৃষ্টাব্দ অবধি ১৪৩৯ খৃষ্টাব্দ পর্যন্ত ৩ বৎসরের মধ্যে কোন সময়ে ট্রানবুর্গ নামক নগরনিবাসী গটেনবুর্গ এবং হায়েল্‌ম নগরনিবাসী কোস্টার এই দুই ব্যক্তি স্বতন্ত্র স্বতন্ত্র মুদ্রাবিজ্ঞার উদ্ভাবন করেন। কোস্টার উল্লিখিত হায়েল্‌ম নগরের নিকটবর্তী এক বন মধ্যে পর্যটন করিতেছিলেন, তদসময় কোঁতুকলাক্রান্ত হইয়া এক বৃক্ষের কণ্ঠকণ্ডলি অক্ষর খুঁদিয়া তাহা কাগজে মুদ্রিত করিলেন। সামান্য মসীতে মুদ্রিত করিতে গেলে কাগজ আর্দ্র ও অক্ষর সকল অপরিষ্কৃত হয়, ইহা দেখিয়া তিনি এক প্রকার ঘন মসী প্রস্তুত করিলেন, এবং এক এক কাষ্ঠফলকে বহুশব্দ একত্র খুঁদিয়া একেবারে এক এক পৃষ্ঠা মুদ্রাঙ্কিত করিতে লাগিলেন। যে মহোপকারী যন্ত্রদ্বারা ভূমণ্ডলে জ্ঞান ও ধর্ম প্রচার এবং সুখ স্বচ্ছন্দ্য সংবর্দ্ধন বিষয়ে যুগান্তর উপস্থিত হইয়াছে, এইরূপে দুই এক মনুষ্যের কোঁতুকাবেশ হইতে তাহার সূত্রপাত হয়।

গটেনবুর্গ ও কোস্টার উভয়েই প্রথমে কাষ্ঠফলকে অক্ষর খুঁদিয়া মুদ্রিত করিতেন। পরে স্বতন্ত্র স্বতন্ত্র কাষ্ঠময় অক্ষর নির্মাণ করেন। পরিশেষে যখন শেফার নামে এক শিল্পকুশল বুদ্ধিমান ব্যক্তি ধাতুনির্মিত অক্ষর প্রস্তুত করিলেন, তখন এ বিষয়ের সমধিক শ্রীবৃদ্ধি হইয়া উঠিল।

বহুকাল পর্যন্ত কাষ্ঠনির্মিত মুদ্রাযন্ত্রই ব্যবহৃত হইয়া আসিতেছিল, সেই যন্ত্রের

নাম “বেউস যন্ত্র।” উইলেম্ জসেন বেউস নামক জর্নৈক বিচক্ষণ শিল্পকুশল ব্যক্তি এমেস্টার্ডাম নগরে কাষ্ঠযন্ত্রের প্রকৃত উন্নতি সাধন করেন, এইজন্ত উক্ত যন্ত্র তাহার নামেই আখ্যায়িত হইয়াছে। কথিতযন্ত্রের আকৃতি কিরূপ, বোধ হয়, সভ্যগণ সকলেই তাহা দেখিয়া থাকিবেন। অতএব এস্থলে এবিষয় বর্ণনা করিবার কোন প্রয়োজন নাই। সুত্যাধিক ১৫১৬ বৎসর অতীত হইল এই মহানগরী কলিকাতার বটতলা নামক স্থানে উক্ত কাষ্ঠনির্মিত যন্ত্রের অতিশয় প্রাদুর্ভাব ছিল। তৎকালে যাহা কিছু ছাপিবার প্রয়োজন হইত উক্ত প্রকার যন্ত্রে তৎসমুদয় মুদ্রাঙ্কিত করা হইত। উল্লিখিত কাষ্ঠযন্ত্র অছাবধি কোন কোন মুদ্রাযন্ত্রালয়ে “প্রফপ্রেস” স্বরূপে ব্যবহৃত হইয়া থাকে। উহাতে মুদ্রাঙ্কন কার্য সুচারুরূপে সম্পন্ন হয় না। পরে ফ্যানহোপ নামে এক শিল্পনিপুণ বিচক্ষণ ব্যক্তি লোঁহযন্ত্র নির্মাণ করত মুদ্রাকার্যের পথ অপেক্ষাকৃত পরিষ্কার করিয়া দিলেন। ঐ যন্ত্র ফ্যানহোপ মুদ্রা-যন্ত্র নামে খ্যাত। তদনন্তর “এলবিয়ন্,” “ইম্পিরিয়ল” এবং “কলম্বিয়ন নামক লোঁহযন্ত্রের সৃষ্টি” হয়। তন্মধ্যে কলম্বিয়ন অর্থাৎ যাহাকে চিলেপ্রেস কহে তাহা সর্বাপেক্ষা উৎকৃষ্ট। পরিশেষে বিবিধ প্রকার বাষ্পীয় মুদ্রাযন্ত্রের সৃষ্টি হইয়া মনুষ্যসমাজের যে কতদূর জ্ঞানোন্নতির পথ পরিষ্কৃত হইয়াছে তাহা বলিয়া শেষ করা যায় না।

সভ্যগণ! আপনারা পৃথিবীর আদীম কাল

ইহাতে ক্রমাগত মুদ্রাক্ষরের কীদৃশ শ্রীকৃষ্ণ সাধন হইয়াছে, তাহা একপ্রকার সংক্ষেপে শ্রবণ করিলেন। এক্ষণে ভারতবর্ষের প্রতি দৃষ্টিপাত করুন। যে ভারতবর্ষ অতি প্রাচীন কাল হইতে সভ্যতা পদে আরোহণ করিয়াছে; যে ভারতবর্ষ এক সময়ে অতি প্রতাপাবিত ও গৌরবান্বিত রাজপুত্রদিগের নিবাসভূমি ছিল; যে ভারতবর্ষে মহান মহান জ্ঞানচূড়ামণি জন্মগ্রহণ করিয়া ভারতের মুখোজ্জ্বল করিয়া গিয়াছেন এবং যাহার জ্যোতি অত্যাধিক জাজ্বল্যমান রহিয়াছে; সেই ভারতবর্ষে মুদ্রাক্ষর প্রচলিত ছিল কিনা তদ্বিষয়ে একবার আলোচনা করা যাউক।

সভ্যগণ! আপনারা সকলেই বিশেষরূপে জ্ঞাত আছেন যে ভারতের যথাযথ প্রাচীন ইতিহাস সংগ্রহ করা সুকঠিন। কেবল রমাঙ্গণ, মহাভারত, রাজতরঙ্গিণী কাশ্মীরের ইতিহাস, মনুসংহিতা প্রভৃতি কয়েকখানি পুস্তকে ভারতবর্ষের যৎকিঞ্চিৎ প্রাচীন বিবরণ প্রাপ্ত হওয়া যায়, নচেৎ ভারতবর্ষের প্রাচীন ইতিহাস সংগ্রহ করিবার আর অন্য কোন উপায় নাই। কিন্তু আরো হৃৎখের বিষয় এই যে এতাদৃশ গ্রন্থ সকল সত্ত্বেও তন্মধ্যে মুদ্রাক্ষর সম্বন্ধীয় কোন কথার উল্লেখ দৃষ্টিগোচর হয় না। এতদ্ব্যতীত অত্যাধিক এক খানিও অতি প্রাচীন কালের মুদ্রিত সংস্কৃত গ্রন্থ কাহারও নয়ন পথে পতিত হয় নাই।

সকলেই পূর্বকার হস্তলিখিত পুঁথি দেখিয়া আসিতেছেন। স্মরণ্য এ বিষয়ের কিরূপে মীমাংসা হইতে পারে। অত-

এব এই কারণে এরূপ স্থির করিয়াছি যে প্রাচীন ভারতবর্ষ যখন তৎকালে সকল জাতিকে সভ্যতা ও আর আর বিবিধ বিষয়ে অতিক্রম করিয়াছিলেন, তখন যে ভারত মধ্যে কোন প্রকার মুদ্রাক্ষরের সৃষ্টি হয় নাই, ইহা কখনই সম্ভবপর নহে। তৎকালে কোন না কোনরূপ মুদ্রাক্ষর প্রচলিত ছিল ইহা অনেক কারণেই উপলব্ধি জন্মে। বিশেষতঃ তৎকালে যেরূপ বিজ্ঞাচর্চা ছিল, যেরূপ উৎকৃষ্ট উৎকৃষ্ট সংস্কৃত গ্রন্থ সকল বিরচিত হইয়াছিল যাহা অত্যাধিক আমাদের নয়নপথে দেদীপ্যমান রহিয়াছে, এবং তৎকালের লোকদিগের যেরূপ বুদ্ধিকৌশলের পরিচয় প্রাপ্ত হওয়া যায়, তাহাতে যে তাহার মুদ্রাক্ষর করিতে পারেন নাই, কি করেন নাই, ইহা আমার কখনই বিশ্বাস জন্মে না।

ভগ্ন মনোরথ ।

.....Thus with a kiss I die"
Rom. and Jul.

চালায়ে মহান বিশ্ব অচিন্ত্য কোশলে
ঘুরিছে অনন্ত কাল বেগে অনিবার;
ঘুরিয়া শরদধ্বতু আসিল ভূতলে
কপালে বিমল শশী জ্বলিছে যাহার।

নামিল সোণার চাকা; রবি তেজোহীন
দাঁড়াইল ক্ষণ যেন অনিচ্ছুক গমনে;
বসুধার মুখ যেন—এবেরে মলিন,—
ক্ষেপিল চরম দৃষ্টি সজল নয়নে।

বহিল মলয় বায়ু মন-কুতূহলে
নাচাইয়া পত্রিকারে গেয়ে মৃদুস্বরে :
কুসুমের কাণে কাণে মাগে পরিমলে
বিনিময়ে মধু, মুখ চুষি প্রেমাদরে।

কে মোরে কহিবে বল এমত ভবনে
পারদ পাহাড় কেন তুলা রাশি প্রায়,
কেমনে বা, ভাসিয়াছে সুনীল গগনে?—
তুষারে লেপিত কিষা, কিবা শোভা পায় :

দেখ ওই বাহিরিল সুর নারিগণ
হেম পথে সায়ন্তন সমীর সেবনে,
শ্বেত রক্ত যবনীতে ঢাকিয়া গগন—
না পড়ে ওরূপ যেন মানব নয়নে।

লোহিত কোমল করে সুরবালাদলে
মেঘের মরাল মালা বিবিধ বরণ
ভাসাইছে নভোদেশে অতি কুতূহলে :
হায়রে শৈশবখেলা স্মৃতির সদন !

স্বমেধ সমান কত হেম জলধর
সহসা ঢাকিল আসি পশ্চিম অশ্বরে :
সাজায় যৌবনমদে যেন কলেবর
হেরে বিশ্ব কাদম্বিনী স্বচ্ছ সরোবরে।

হায় নিশি ঈর্ষা করি মসিমাখা হাতে
ঘুছিল রে ব্যোমচিত্র শোভার ভাণ্ডার !
দূরে গেল পীতপ্রভা শ্বেত রক্ত তাতে ;
প্রকৃতির রূপরাজি রহিল না আর !

ঈশের প্রতিমা নভঃ মেলিয়া নয়ন
চেয়ে আছে স্নেহভরে শুপ্তশিশুগণে ;
বিস্তারি অনিল-হস্ত স্নিগ্ধ বিমোহন
শীতল করিছে শান্তি দানে শ্রান্ত জনে।

এমন সময়ে শশী ভুবনমোহন
দেখাইলা শ্বেতচক্র পূর্ব আকাশে ;
হাসিল জগৎ স্মৃতে, হাসিল গগন ;
ভুলিল বিহগ তৃষী শশীর স্মৃহাসে !

স্বমন্দ শীতল বায়ু সেবিয়া উষায়
ডুবিতেন অনিচ্ছ যে ভাব-সাগরে
কেন যে শরদ শশী নিরখি তোমায়
উথলিল সেই ঢেউ আমার অন্তরে ?

দেখিয়াছি কতবার, কহিব কেমনে,
বিমল রজত-কান্তি তব কলেবর,
ষোড়শ স্মৃতে কিংবা শোভা মনোহর ?
কভুত এমন ভাব উঠে নাই মনে।

হেরিয়াছি অর্ধচন্দ্র গিরিবর শিরে
শোভিয়াছে, হীরা চূড়া, শিবের যেমতি ;
কিষা রোপ্য খালাখান সাগরের নীরে
খেলিয়াছে তুলিয়াছে ঢেউর সংহতি।

কভু তোমা হেরি নাই হেন মধুময় :
এত হর্ষ, এত হাসি আজ কি কারণ ?
কেনইবা সুধাদানে এতই সদয় ?
আনন্দে মাতিল মোর দেহ প্রাণ মন !

কহ শশী, তুমি কিহে সে সরদ শশী—
উজ্জ্বল জীবন মম যাহার কিরণে—
ফুটালে প্রেমের কলি, মনঃ সরে পশি
বিরাজে যে সৌম্যমূর্তি সে চাক জীবনে ?

মূর্তিমতি সরলতা সম দরশন,
ক্ষীণা, নীল বাসে ঢাকা, মেঘে তব প্রায় :

ভ্রমে যে নয়ন পথে সম অনুক্ষণ,
ছায়াপথে তুমি যথা,—মধুময় কায়!

ভূতলে অতুল সেই ভব-মনোহর,
তরল সোণার বর্ণ বিমল শরীর :
শোণিতে কোমল ত্বক ভেদি সূক্ষ্মতর
পদ্মরাগ আভা যেন হ'তেছে বাহির,
ভেদি যথা প্রভাতের হেম মেঘমালা
প্রকাশে অরুণ ভাতি ভুবনে উজালা!

আহা ক্ষুদ্র মুখখানি কেমন সুন্দর,
নাহি যাহে এক বিন্দু, অতি সুকোমল !
দ্বিগুণিত গৌর কান্তি দোলে রম্যতর
গুটিকত মুক্ত কেশ কপালে বিমল,
মিশায়ৈ ভ্রুয়ুগে মন কালিমা আপন
তারাও শৈশব খেলা খেলিছে যেমন!

কিংশুক-লোহিত মৃদু-অধর যুগল :
আবার নয়ন দুটী কেমন চঞ্চল,
লুকায়ে যৌবন যাহে চাহে উকি দিয়া—
নাহিক সাহস আজো আসে বাহিরিয়া !
যৌবনের পূর্বক্ষণ বড় মনোহর
প্রভাতে অরুণ যথা নব কলেবর।

ওই যে অসংখ্য তারা তোমারে দেখিয়া—
অপমানে যেন শশী, সজল নয়ন,
অধোমুখে রহিয়াছে ভূমি নিরখিয়া—
জানিবে অবলাকুল গঞ্জিত তেমন।

অথবা কথায় মোর কে করে প্রত্যয় ?
জানিহে প্রেমের চক্ষু স্রুচাক দূরবীন্
যাতে ক্ষুদ্র তারাটীও বড় অতিশয়

যার কাছে প্রিয় শশী হইবে মলিন !
ধরায় কোথায় বল তাহার উপমা,
রূপের গরিমা সেই প্রেমের প্রতিমা!

তুমি যদি সেই মম হৃদয় রতন
তবে কেন কলঙ্কে অঙ্কিত কলেবর
কেমনেহে কুল লজ্জা দিয়ে বিসর্জন
দেখাইছ সবারকারে দেহ মনোহর ?

হে শশীক তব সনে কি কাজ বিবাদে ?
শোভে সে শোভন শশী অন্তর আকাশ,
যে রূপের নব কলি নিরখি বিবাদে
সুখায় শরীর নাকি তব অর্দ্ধ মাস ?

কেবলে সুধাংশু তুমি বড় মধুময়
রসিছ বরষি সুধা বসুধার মন ?
উজলি সুহাস জালে জগত-আলয়
নবীন চকোরে সেকি তোষেনি তেমন ?

কোথাহে কোঁমুদ শশী হৃদ নিবাসিনী
ভাসমানা রাজহংসী মানস সরসে
মেঘের হৃদয়ে কিম্বা স্থির সৌদামিনী ?
অথবা এক্রুপে ডাকি কেমন সাহসে ?

কি কানন কি নগর কি গিরিশিখর
যথা যাই কতবার কতই জতনে
মধু মাখা নাম তব মধুর স্রস্বনে
ডাকিয়া বিকল-কণ্ঠ মনঃ-পিকবর।

কতবা বিনতি বাক্য কহিনু পবনে
কহিতে তোমার কাছে এমোর বারতা ;
গেল চলি সমীরণ শুনিলনা কাণে,
শুনিবে বা কেন মেঘ অভাগার কথা ?

হৃদয়ের গূঢ়তম অন্তরে মহান
জ্বলিছে প্রবল শিখা কে করে বারণ ?
কে করে ? কেহকি তার পায় পরিমাণ ?
কে বুঝে প্রেমিক বিনা প্রেম জ্বালাতন।

উগ্র সুরা আর রূপ নয়ন রঞ্জন
মানব হৃদয়ে করে সম ফলোদয় ;
উভয়ে অধীরপ্রায় মানুষের মন
দূরে দৃষ্টি ক্ষেপিতে দুর্বল অতিশয়।

রূপের কুলুকে হেন ভুলেনা যে মন
কেন স্বতঃ তবপানে নিমেষ বিহীন ?
বহিছে হৃদম বেগে দিকতী জীবন
বিমল প্রেমের স্রোতঃ হৃদয়ে নবীন।

কেন রে অবোধ প্রাণ এতই চপল ?
প্রেমারণ্যে প্রেম অশ্রু ত্যজিলে বিফল ?
প্রেমঝড়ে মহার্ভের শুনিয়া রোদন
কঠোর কুরীতি দুর্গ খোলে কি কখন ?

এ নহে সুসভ্য সেই দেশ সুখময়
যার জন্তে কাঁদ সে যে বুঝিবে রোদন ;
কিন্তু সে বুঝিত যদি, জানিবে নিশ্চয়—
সে দেশীয়া হইতে—যাইত গলি মন।

বিবাদ বচন মম করিতে শ্রবণ
সে করিল স্রভগের-প্রতিমা সোণার ?
কে করিল হেন হৈম হৃদয় ভবন
নিবাসে জ্ঞানের দীপ সতত অঁধার ?

কাহার কঠিন হৃদি গঠিল পাষণ ?
কে বাঁধিল সে বিহগে পিঞ্জরে লোহার ?
উড়িতে অক্ষম আহা! আকুল পরাণ!
দেশাচার তুই বিনা কেহ নাই আর।

নিরাকারে নিরখিতে মানস নয়ন ;
বিফল হইলে তাহা পাপের ধূলায়,
কেমনে হেরিব সেই অনাদি কারণ
এবিশ্ব আলোক ময় যাহার প্রভায় ?—

সে হেতু হেরিতে তাঁরে যুগল নয়নে
মানবে উদ্বাহ-সূত্র করিছে বন্ধন ;
কিন্তু হায় ! ভারতের দুঃখের কারণে,
একচক্ষু দেশাচার করিল যাতন।

বিমল প্রেমতে বাহি জীবন তরণী
যাইতে সে প্রেমময় স্রুখের সদন,
যথা হোতে বহিতেছে প্রেমের তটিনী,
বাস যোগ্য করি ভবে—দুঃখের কানন,

তুষ্টিতে নিকটে বসি দুঃখের সময়ে,—
মুছিতে নয়ন জল সজল নয়নে,
স্রুখে দুখে সমভাগ নিতে স্রুহৃদয়ে
মানব আবদ্ধ যেই স্বর্গীয় বন্ধনে—

পাত্রাপাত্র নাজানিয়া দাম্পত্য যোজনে
পিতার কর্তব্য কভু—সাধিত নাইয় ;—
মিলন অবশ্যস্তা বি জানিলে কেমনে
এতভিন্ন দেখ কবে মানব হৃদয় ?

কোথায় প্রণয়—যদি না মিলিল মন ?
কোথায় জীবন-এক্য প্রণয় বিহনে ?
অনৈক্য একত্র বাস ঘটে কি কখন ?
ঘটে কি দাম্পত্যভাব বারি হতাশনে ?

কে কবে পেয়েছে স্বাদ পরের জিহ্বায় ?
কোথা পাবে প্রতিনিধি প্রণয় কারণ ?
কি সাহসে হেন ভাব করিছ গ্রহণ
বিশেষতঃ সন্তানের—কি বলিব হায়।

খেলছে বঙ্গীয় জন স্বেচ্ছা অনুসারে,
যে পর্যন্ত নহে লোক বিষতের প্রায়!
পরের আদরে, কহ কে আদরে কারে?
সাজে কি এ খেলা নিতে জীবন সহায়?

যখন এ সব হয় মানসে উদয়—
কত যে অশুভাশঙ্কা—আসে আর যায়!
কিন্তু সে মনের কথা মনে পায় লয়—
সাগরের ঢেউ যথা সাগরে মিশায়।

কে করিল অপবিত্র এহেন বিবাহে
আলিঙ্গি প্রেমের ভ্রমে ভোগ বাসনায়?
কে বহায় অশ্রুপথে জীবন প্রবাহে
প্রেমের সরল পথ ছাড়িয়া হেলায়?

শিশু বিহারের ক্ষুদ্র লোঁহ পাছুকার
প্রকৃত পদের বৃদ্ধি কে করিল হ্রাস?
সতেজ উন্নতি বীজ চাপিয়া গোড়ায়
ঘটাইল দেশাচার হেন সর্বনাশ!

হে বঙ্গ নিবাসী এই সাজে কি তোমায়—
বালক বালিকা লয়ে হেন ব্যবহার?
স্বেচ্ছামত পরাইছ প্রণয়ের হার
শৈশবে মেয়েটা যথা পুতলী খেলার।

চোক বেঁধে ছুঁজনারে দেও ভাষাইয়া,
মিলিলে মিলুক নহে কি যাবে তোমার
মেয়ে দিয়ে হাত ধোও, কহ কি ভাবিয়া
কি ফল ফলিবে তাহে ভাবিলেনা আর?

বঙ্গদর্শনের পঞ্চমখণ্ড

ও

উত্তরামচরিত সমালোচনার অভিনয়।

সংস্কৃত ভাষার যতই বিলোপ দশা
হইয়া আসিতেছে, ততই এই সকল
মহাত্মাদিগের মতও মতের মধ্যে গণ্য হই-
তেছে, আজ কাল দুই একখানি ইংরাজি
পুস্তকের শুদ্ধ নাম করিতে পারিলেই
তাহার উপর লোকের আর প্রকার সীমা
পরিসীমা থাকে না। কিন্তু বোধাবোধের
বিষয় কেহই দেখিতে চান না। যে দুপাত
ইংরাজী পড়িয়াছে, সে পৃথিবীস্থ সমস্ত
ভাষায় এককালে কৃতবিদ্ব হইয়া উঠি-
য়াছে, একথা বলিলে কেহ অবিশ্বাস
করিতে চান না, কিন্তু সেই ইংরাজীতেই
বা সমালোচকের মত লোক কতদূর প্রবিষ্ট
হইয়াছেন, তাহাও বিবেচনার স্থল। সমা-
লোচক উত্তরামচরিত যেমন বুঝিয়াছেন,
ইংরাজীতেও তাই হার সেইরূপ ব্যুৎপত্তি?
ভবভূতির স্থায় সেক্সপিয়ার প্রভৃতি
উত্তম উত্তম ইউরোপীয় কবিগণও ত
সমালোচকের হস্তে হাবু ডুবু খাইতেছেন?
পরিণামে যে ভাবার এরূপ ভূগতি হইবে,
ইহা স্বপ্নের অগোচর, যে রত্ন সিংহাসন
বিক্রমাদিত্যের বসিবার জন্ত নির্মিত
হইয়াছিল, কালগতিকে কি বহু পুলিশের
বসিবার আসন হইল? কে কি বলিবে?
ইচ্ছা স্বাধীন, পুস্তকও সুপ্রাপ্য, সমা-
লোচক ঘরে বসিয়া পুস্তকের প্রতি পত্র

উলটাইতেছেন, ও যেরূপে পারেন আপ-
নার মনকে চিত্রিত করিতেছেন। যদি এই
অবৈধ আচরণের জন্ত রাজদণ্ড প্রতিষ্ঠিত
থাকিত, তাহা হইলে নিশ্চয়ই এরূপ
ভাবজ্ঞ সমালোচক কারাগারের সর্ব
প্রথম আসন অধিকার করিতেন।

প্রসঙ্গক্রমে আমাদের একটি কোঁতু-
কাবহ গম্পা মনে পড়িল, তাহা পাঠক-
গণের গোচর না করিয়া থাকিতে পারি-
লাম না।

এক গৌঁসাই বাংলা হাতে লেখা
একখানি ভাগবত পাঠ করিতেছিলেন,
শিষ্যগণ কৃতাজলিপুটে শুনিতেছিল, এক
স্থলে “সকল কারণ তুমি তুমি সে কারণ”
লেখা আছে, গৌঁসাই বুঝিতে না
পারিয়া “মকল কাবল ভুসি ভুসি সে
কাবল” পড়িলেন। পড়িবামাত্র গৌঁসাই-
এর দুই চক্ষুদিয়া অবিরতধারে জলধারা
পড়িতে লাগিল, শিষ্যগণের অর্থবোধ
হইল না, কাষেই উহার ব্যস্তসমস্ত হইয়া
বলিল, প্রভু! কাঁদিতেছেন কেন? কে
উত্তর দেয়! প্রভু কেঁদেই অস্থির। অব-
শেষে অনেক পীড়াপীড়িতে বল্লেন,
বাপুহে! কি বলিব, এমন ভাব কখন
দেখি নাই!

শিষ্য। যদি রূপা হয় ত অমধদিগকে
বুঝাইয়া দিন।

গৌঁসাই। বাপুহে! কি আর বলব,
একটি ওলের কোঁড়া!

আমাদের সমালোচক মহাশয়ও ঠিক
সেইরূপ, নিজে কিছুই বুঝিতে পারেন না,
অথচ কেঁদেই অস্থির।

সমালোচক মহাশয় পঞ্চম খণ্ডের সমা-
লোচনে উত্তর চরিতের এক স্থলের অর্থ
করিয়াছেন।

“অশ্বিনেব লতাগৃহে ভ্রমভবন্তুর্গদতে-
ক্ষণঃ সা হংসৈঃ কৃতকৌতুকা চিরমভূ-
দ্বোদাবরীসৈকতে। আয়াস্ত্যা পরিভূর্ম-
নারিতমিব ত্বাং বীক্ষ্য বদন্তুয়া কাতর্যা-
দরবিন্দ কুটমলনিভো মুঞ্চঃ প্রণামা-
ঞ্জলিঃ।” (১)

“সীতা গোদাবরী সৈকতে হংস লইয়া
কোঁতুক করিতে করিতে বিলম্ব করিতেন ;
তখন তুমি এই লতাগৃহে থাকিয়া তাহার
পথ চাহিয়া রহিতে। সীতা আসিয়া
তোমাকে বিশেষ দুর্মনায়মান দেখিয়া,
তোমাকে প্রণাম করিবার জন্ত পদ্মকলিকা
তুল্য অঙ্গুলির দ্বারা কি সুন্দর অঞ্জলিবদ্ধ
করিতেন।”

পাঠকগণ সমালোচকের ভাবুকতা
দেখুন, অর্থ করিতেছেন “পদ্ম কলিকাতুল্য
অঙ্গুলি দ্বারা” কি সুন্দর উপমা (মূলে
অঙ্গুলির নাম গন্ধ নাই) কবিবর নিজের
ভাবুকতা দেখাইতে গিয়া অঙ্গুলির আ-
রোপ করিয়াছেন। পরিণামে ভবভূতির
যে এমন সর্বনাশ ঘটবে, ইহা স্বপ্নের
অগোচর, একি দন্ত দ্বারা স্বর্ণময় হার
চর্কণের স্থায় হয় নাই? পদ্মের কলিকার
মত যদি কোন কামিনীর অঙ্গুলি হয়,

(১) সীতা যে অঞ্জলিবদ্ধ করিয়াছিলেন,
সেইটি পদ্ম কলিকা তুল্য। দুইটি হস্তে
অঞ্জলিবদ্ধ করিলে পদ্মকলিকার অনুরূপ
দেখায়। কবি সেই জন্তই এরূপ উপমা
দিয়াছেন।

তাহা হইলে দেখিতে কিরূপ ভয়ঙ্কর দেখায়, ভাবুকবর বোধ হয় সীতাকে অধিক রূপবতী করিবার মানসে আপনার প্রণয়িনীর মূর্তি কল্পনা করিয়াই অঙ্গুলির আকার নির্দেশ করিয়াছেন।

কোন পণ্ডিত বলিয়াছিলেন, “না বুঝিতে পারাও বুঝির কর্ম” কিন্তু আমাদের সমালোচকের তাহাও নাই। বোঝা না বোঝা উভয়ই সমান।

২। লব লক্ষ্মণপুত্র চন্দ্রকেতুর সৈন্য সহিত যুদ্ধ করিতেছিলেন, এমন সময় চন্দ্রকেতু যুদ্ধার্থ তাহাকে আহ্বান করাতে তিনি চন্দ্রকেতুর অভিমুখে উপস্থিত হইলেন। সেই স্থলে,

“সুতনয়নু রবাদিভাবলীনামবমর্দাদিব
দৃশুসিংহশাবঃ।”

“যেমন মেঘের শব্দ শুনিয়া, দৃশু সিংহশিশুও হস্তি বিনাশ হইতে নিবৃত্ত হয়, সেই রূপ!”

পাঠক ইহার ভাবার্থ বুঝিতে পারিলেন? যদি ঠিক অর্থ করাই উদ্দেশ্য, ভাবার্থ লিখিবার আবশ্যিক নাই, এরূপ হয়? তাহা হইলে দৃশু সিংহশিশুও এরূপ লিখিবার আবশ্যিক কি? সিংহশিশুও, “ও” টীত মূলে নাই, সমালোচক কোথায় পাইলেন? “ও” টী দিয়াই ঐ বাক্যটির অর্থ ছার খার করিয়াছেন, “ও” শব্দটি থাকাতে এইরূপ বোধ হয় যে, সিংহত মেঘের শব্দে হস্তি পরিত্যাগ করেই থাকে, সিংহশিশুও বালক হইয়া সেইরূপ করে। এখানে যদি ওরূপ ভাবের আভাসমাত্রও পাওয়া যায়,

তাহা হইলেও ভবভূতির মস্তকে বজ্রাঘাত করা হয়। (২)

“পাতালোদর কুঞ্জপুঞ্জিততমঃশ্যামৈর্ন-
ভোজুস্তকৈকুতপুস্কুরদারকুটকপিসজ্যো-
তিজ্বলদীপ্তিভিঃ। কল্পাক্ষেপকঠোর
তৈরবমকুদ্যন্তৈরবস্তীর্ষ্যতে মীলনেষ তড়ি-
ৎকড়ারকুহরৈর্বিদ্যাদ্রিকুটৈরিব।” (৩)
অর্থ, ‘পাতালাভ্যন্তরবর্তী কুঞ্জমধ্যে রাশী-
রূত অন্ধকারের আয় কক্ষবর্ণ এবং উত্তপ্ত
প্রদীপ্ত পিতলের পিঙ্গলবৎ জ্যোতিবি-
শিষ্ট জুস্তকাস্ত্র গুলির দ্বারা বিক্ষিপ্ত এবং
মেঘমিলিত বিদ্যুৎ কর্তৃক পিঙ্গলবর্ণ এবং
গুহায়ুক্ত বিদ্যাদ্রিশিখর ব্যাপ্তবৎ দেখা-
ইতেছে।

‘পাতালাভ্যন্তরবর্তী কুঞ্জমধ্যে ইহার অর্থ
কি? পাতালে সূর্যের আলোক প্রবিষ্ট হয়
না, কাষেই পাতালতল গাঢ়তমসচ্ছন্ন তা-
হাতে কুঞ্জর মধ্য ও বাহির কি? অন্ধের
নিকট দিবারাত্রির তারতম্য কি? “উত্তপ্ত
প্রদীপ্ত পিতলের পিঙ্গলবৎ জ্যোতিবি-

(২) দৃশু সিংহশাবক মেঘশব্দে হস্তি-
সমূহের সহিত সংগ্রাম হইতে সেই মেঘের
প্রতি বদ্ধলক্ষ্য হয়, সেই রূপ।

(৩) পাতালোদররূপ কুঞ্জে একত্রিত
অন্ধকার তুল্য শ্যামবর্ণ, অথচ গলিত অত-
এব প্রদীপ্ত পিতলের পিঙ্গলবর্ণ জ্যোতির
আয় প্রজ্জ্বলিত দীপ্তি বিশিষ্ট জুস্তকাস্ত্র
সকল প্রলয় কালীন কঠোরভয়ঙ্কর বায়ু-
চালিত এবং রাশীরূত মেঘ বিদ্যুৎ
প্রছোতিত পূর্ণ কুহরবিশিষ্ট বিদ্যাদ্রিশি-
খর আয় নভোমণ্ডলে আকীর্ণ হইয়াছে।

শিষ্ট” অর্থ কি বুঝিতে পারিলাম না, যদি
বৎ অর্থ ছায় হয়, তাহা হইলে পিতলের
পিঙ্গলের আয়, জ্যোতিবিশিষ্ট জলদীপ্তি
কোথায়? আর কাহার সহিতই বা অর্থ
হইবে কিছুই বুঝিতে পারিতেছি না। সং-
স্কৃতজ্ঞমাত্রই এই স্থলটি একটু বিশেষ লক্ষ্য
করিয়া দেখিবেন, সমালোচক কি বাতু-
লের আয় বকিতেছেন। “বিদ্যাদ্রিশিখর
ব্যাপ্তবৎ দেখাইতেছে” সামান্য মানব
বুদ্ধির অগম্য, মূলে কি, অর্থে কি? কিছুই
ত বুঝা যায় না, অথচ সমালোচক ভাবে
গদগদ।

এই পঞ্চম খণ্ডে উত্তররাম চরিতের
অতি অল্প অংশ মাত্র উদ্ধৃত হইয়াছে,
এই জন্য অভাবেই আমাদের কাছে ক্ষান্ত
হইতে হইল। এক্ষণে সমালোচকের মতা-
মত সম্পর্কে দুই একটি কথা বলা বিশেষ
আবশ্যিক বোধ হইতেছে। কারণ এই
বঙ্গদেশের মধ্য দিয়া একখানি মুর্খতার
নোকা গর্কের পাইল উড়াইয়া চলিয়া
যাইবে অথচ নোকার মাথায় “এই দেখ”
বলিয়া যে স্পর্শাক্ষরে লেখা থাকিবে,
ইহা কোন মতেই সহ্য হয় না। সংস্কৃতজ্ঞ
মাত্রই বাতুলতা বলিয়া উহাতে হাসিতে
পারেন, কিন্তু যাহাদিগের তাহা বুঝিবার
ক্ষমতা নাই, তাহাদিগের অন্তরে কেন
মকুভূমির প্রতি সমুদ্রজ্ঞান সঞ্চার হয়?

বিদ্যাসাগর মহাশয় বলিয়াছিলেন যে,
“নাটকে প্রকাণ্ড সমস্ত পদ দুষণীয়,”
(কিন্তু সমালোচক যেরূপ ভাষায় বিদ্যা-
সাগর মহাশয়ের ঐ কথাটি তুলিয়াছেন,
নিশ্চয়ই তাহা বিদ্বৈষ বুদ্ধিতেই ব্যবহৃত

হইয়া থাকিবে। নচেৎ ওরূপ ভাষা ব্যবহৃত
হইত না।) যাহা হউক, অভিনয়কালে
যাহা একবারের অধিক দুইবার উচ্চারিত
হইবে না, তাহার অর্থবোধের জন্য
কাগজ কলম ও ব্যাকরণ খুলিয়া
বস। কিরূপে সম্ভবে? রেলওয়ের
শিকটমালা বেগে চলিয়াছে, তাহার
মধ্য হইতে অভীষ্ট ব্যক্তিকে নির্বাচন
করিয়া লওয়া যদি কঠিন না হয়, তাহা
হইলে সমালোচকের মত কতক অংশে
গ্রাহ্য হইতে পারে। ভাল, সমস্ত পদ-
গুলি সুন্দরভাবেই পূর্ণ, স্বীকার করিলাম,
কিন্তু এক জন নির্দিষ্ট ব্যক্তিকে দেখাইবার
জন্য আড়ম্বরশালী রেলওয়ের আবির্ভাবে
আবশ্যিক কি? কৃতবিদ্ব সমালোচক
বিদ্যাসাগর মহাশয়কে মুর্খরূপে প্রতি-
পন্ন ও আপনাকে পণ্ডিত রূপে দেখাইবার
জন্ত সাধ্যমত চেষ্টার ক্রটি করেন নাই;
কিন্তু প্রথম এইটাই বিবেচ্য, যে সংস্কৃত
সমালোচন বিষয়ে কোন্ মুর্খ ঐ রূপ
আত্মপ্রাণী বর্ণজ্ঞান হীন ধ্বংসের কথা গ্রাহ্য
করিবে, যাহার মর্ত্যলোকে অবতারণা কেবল
ভাঁড়ামির জন্ত, সে যদি নীতি শাস্ত্রের
উপদেশ দিতে আইসে, তাহা হইলে
তাহার অদৃষ্টে কি ফল ফলিতে পারে?

আমরা সমালোচককে অনুরোধ করি-
তেছি, তিনি যে কয়টি সমস্ত পদের উল্লেখ
করিয়া দাপটে স্মৃষ্টির শৃঙ্খল অবধি কম্পিত
করিয়াছেন, সেই কয়টির নিজে অর্থসঙ্গতি
করিতে পারিয়াছেন? কখনই না, আমরা
নিশ্চয় বলিতে পারি কখনই না। পেঁড়োর
মন্দির কখন দূরবীক্ষণ লক্ষ্য ক্ষুদ্রতম

পরমাণুদ্বারা নির্মিত হইতে পারে না। এক ফুট অপেক্ষা বৃহৎ ইষ্টকই উহার উপ-করণ। ভাল জিজ্ঞাসা করি, কি জন্ত উনি এই বিষয়ে হস্তক্ষেপ করিলেন? “আমি কেমন বাহবা লেখা পড়া শিখিয়াছি, তোমরা দেখ।” এই জন্ত? এটা উহার বুদ্ধির অনুরূপ কার্যই হইয়াছে।

সমালোচকের লেখার ভাব দৃষ্টি বোধ হইতেছে ইহার আবার রত্নাবলীও (বোধ হয় বাঙ্গালা) পড়া হইয়াছে। যাহা হউক, সমালোচক যে স্থলে সমস্ত পদ লইয়া লাফালাফি করিতেছেন, সেই স্থলের কিয়দংশ তুলিয়া আমরা পাঠকের সম্মুখে দিতেছি, ভাল মন্দ উহারাই বিবেচনা করিবেন।

“শ্রীযুক্ত ঈশ্বর চন্দ্র বিদ্যাসাগর মহাশয় লিখিয়াছেন যে ভবভূতির কাব্যের “মধ্যে সংস্কৃতে এবং প্রাকৃতে এমত দীর্ঘ সমাস ঘটতি রচনা আছে, যে তাহাতে অর্থ বোধ ও রসগ্রহ সম্বন্ধে ব্যাঘাত ঘটয়া উঠে।” ভবভূতির অসাধারণ! দোষ নির্বাচনকালে বিদ্যাসাগর মহাশয় এই কথা বলিয়াছেন।

আমরা পূর্বে যাহা উত্তরচরিত হইতে উদ্ধৃত করিয়াছি, তন্মধ্যে এই রূপ দীর্ঘ সমাসের অনেক উদাহরণ পাওয়া যাইবে। এই বিক্ষুব্ধ মধ্যে ঐ রূপ দীর্ঘ সমাসের বিশেষ আধিক্য। আমরা কয়েকটা উদ্ধৃত করিতেছি, যথা পুষ্পস্বষ্টিঃ—

“অবিরলললিতবিকচকনককমলকমনীয়-সন্ততিঃ অমরতরুতরুণমুকুলনিকরমকরন্দ-সুন্দরঃ পুষ্পনিপাতঃ

পুনশ্চ, বাণস্বর্ষ অগ্নি ;—

“উচ্চগুবজ্রখণ্ডাবক্ষোপটপটুতরক্ষুলিঙ্গ-বিকৃতিঃ উত্তালতুমুললেলিহানজ্বালাসন্তা-রভৈরবো ভগবান্ উষর্কুধঃ”

পুনশ্চ, বাণগাত্র স্বর্ষ মেঘ ;—

“অবিরলবিলোলধুমন্তবিজ্জুলদাবিলা-সমগুদেহিং মত্তমোরকণসামলেহিং জল-হরেহিং।”

এবং তৎকালে স্বষ্টির অবস্থা ;—

“প্রবলবাতাবলিক্ফোভগস্তীরগুণগুণায়-মানমেঘমেজুরান্নকারনীরন্দ্রনিবন্ধম্ এক-বারবিশ্বগ্রননবিকচবিকরালকালকণকণ-ন্দরবিবর্তমানমিব যুগান্তযোগনিদ্রানি-কল্পসর্বদ্বারনারায়ণোদরনিবিষ্টিমিব ভূত-জাতং প্রবেপতে।”

ঈদৃশ দীর্ঘ সমাস যে রচনার দোষ মধ্যে গণ্য, তাহা আমরা স্বীকার করি। যাহা কিছুতে অর্থ বোধের বিষয় হয়, তাহাই দোষ। ঈদৃশ সমাসে অর্থ বোধের হানি, স্মরণ্য ইহা দোষ। নাটকে ইহা যে বিশেষ দোষ, তাহাও স্বীকার করি, কেন, ইহাতে নাটকের অভিনয়োপযোগিতার হানি হয়। (৪) এ সকল কথা স্বীকার করিয়াও আমরা বরং উত্তরচরিতের অনেক সর-লাংশ পরিত্যাগ করিতে পারি, তথাপি এই সমাস গুলিন ত্যাগ করিতে পারি না। কেন পারি না? যিনি এ কথায় উত্তর জানিতে চাহেন, তিনি এই সমাস গুলিন ত্যাগ করিয়া সরল পদে তন্নিবিষ্টি ভাব

(৪) সন্নিসীঠাকুরের রাগটুকুও আ-সুখ টুকুও আছে।

ব্যক্ত করিতে যত্ন করুন। দেখুন, কয় পৃষ্ঠা লাগে। দেখুন, তাহাতে রসের হানি হয় কি না। (১) যদি হয়, তবে ভবভূতির দীর্ঘ সমাস নিন্দনীয় নহে। ভবভূতির এই কয় সমাসের মধ্যে যে কবিত্ব শক্তি আছে, রত্নাবলী নাটকের একটি সমগ্র অঙ্ক মধ্যে তাহা আছে কি না, সন্দেহ।”

পাঠক ঐ স্বর্ষ সমালোচকের সর্বজ্ঞতার পরিচয় দিবার জন্য আমরা এস্থলে রত্নাবলীরও কিয়দংশ তুলিয়া দিলাম, উত্তর চরিতের ঐ কয়টা সমস্ত পদ ও রত্নাবলীর এই কয়টা স্থল পাঠ করিয়া দেখুন, হৃদয় কিসে আর্দ্র হয়?

সাগ। তা অহংপি ইমেহিং কুম্মেহিং ইহ ট্ঠিদি জ্জেক্ভ ভাবতং কুম্মাউহং পূঅ-ইস্মং। ইতি কুম্মানি প্রক্ষিপতি। নমো দে ভাবং কুম্মাউহ, সুভদংসণো মে ভবিস্মসি, দিট্ঠং জং দট্ঠবং; অমোঘদং-সণো মে ভবিস্মসি। ইতি প্রণমতি। অচ্চ-রীঅং! দিট্ঠোবি, পুণো পেক্খিদক্খো, তা জাব ণ কোবি মং পেক্খদি দাব জ্জেক্ভ গমিস্মং।

উদয়গিরিতটান্তরিতমিয়ং প্রাচী স্চয়তি দিঙ্কিনিশানাথম্। পরিপাণুনা মুখেন প্রিয়মিব হৃদয়স্থিতং রমণী।

সাগ। হিঅঅ! পসীদ, পসীদ, কিং ইমিণা আআসমেত্তফলেণ হুম্মহজ্জণপ্যাথণা-

“(১) সেই আশঙ্কায় আমরা এই কয়েকটা পদের অনুবাদে প্রবৃত্ত হই নাই, অন্যের রূত অনুবাদও গ্রহণ করি নাই।” পারি না বলিয়া নয়।

গুবন্ধেণ। অগ্গং। জেণ এক দিট্ঠেণ দে ঈদিসো সন্তাবো ণং বট্ঠদি, তং জ্জেক্ভ পেক্খিছুং অহিলসমিতি? অহো দে মূঢ়দা। অই নিসংস হিঅঅ! জম্মদো পুহুদি সহ সংব্ভট্টিঅং ইমং জনং পরিচ্চ-ইঅ, ক্খণমেত্তদংসণপরিচ্চিদং জ্জং অণু-গচ্ছন্তো ণ লজ্জেসি? অহবা কো তুহ দোসো, অণংগসরপড়ণভীদেন তুএ একং অজ্জ ব্যবসিদং। ভোহু দাব, অণংগং উবালহিস্মং। সামর্ষম্। ভাবং কুম্মা-উহ! নিজ্জিদসঅলসুরাসুরো ভবিঅ, ইথি-আজ্জং পহরন্তো কধং ণ লজ্জেসি?। অহবা অণংগোহসি। সন্ধ্যা মম মন্দভা-ইনীএ ইমিণা হুম্মিমিত্তেণ মরণং জ্জেক্ভ উব-ট্ঠিদং। তা জাব ইহ ণ কোপি আঅচ্ছদি, দাব আলেক্খসমপিপিদং তং অতিমদং জ্জং পেক্খিঅ, জহা সমাহিদং তহা করিস্মং। সাবচ্ছত্তমেকমনা ভূত্বা নাট্টেন ফলকং গৃহীত্বা নিশ্চম্যা। জইবি মে অদি-সদ্ধমেণ বেবদি অঅং অতিমেত্তং অগ্গং-হত্তো, তহপি তস্ম জ্জংস্ম অণো দংসণো-বাতো গাথিত্তি, তা জহা তহা আলিহিঅ ণং পেক্খিস্মং।

সাগ। সহি! অবণেহি ইমাইং গলিণী-পতাইং মুণালবলআইং অ; অলং এদিণা, কীস অআরণে অন্তাণং আআসেসি ণং ভণামি।

হুম্মহজ্জণাণুরাতো; লজ্জা গুহুই পর-বসো অপ্পা।

পিঅসহি! বিসমং পেস্মং, মরণং সরণং গবরিঅমেক্কেং।

হিয়া সর্বম্যাগ্রে নয়তি বিদিতাস্বীতি বদনম্
দ্বয়োদৃষ্টিলাপং কলয়তি কথামাত্মবিষয়াম্
সখীষু শ্বেয়াসু প্রকটয়তি বৈলক্ষ্যমধিকম্
প্রিয়া প্রায়োণাস্তে হৃদয়নিহিতাতঙ্কবিধুরা।

সন্ধ্যা কৃষ্ণাবশিষ্টস্বকয়রপারিকরৈঃ

স্পৃষ্ট হেমারপংক্তি

ব্যাক্ষ্যাবস্থিতোস্তক্ষিতভূতি

নয়তীবৈষ দিক্চক্রমর্কঃ ॥

অধানং নৈকচক্রঃ প্রভবতি

ভুবনভ্রান্তিদীর্ঘং বিলজ্য

প্রাতঃ প্রাপ্তুং রথো মে পুন-

রিতি মনসি শ্রুস্তচিত্তাতিভারঃ।

যাতোহস্মি পদ্ববদনে সময়ে মঠমব

সুপ্তা মঠেব ভবতী প্রতিবোধনীয়া।

প্রত্যায়নাময়মিতীব সরোকহিগ্যাঃ

স্বর্ঘ্যোহস্তমস্তকনিবিষ্টকরঃ কয়োতি।

আকৃহ্য শৈলশিখরং

ত্বদনাপহতকান্তিসর্বস্বঃ।

প্রতিকর্তুমিবোধকরঃ স্থিতঃ

পুরস্তান্নিশানাথঃ।

মাগ। উপস্থ্য। তা জাব ইমাএ মাহ-
বীলদাএ পাসং বিরইঅ ইহ জ্জেকব অসো-
অপাদবে অপ্পাণঅং উব্বন্ধিঅ, বাবা-
দেমি। ইতি লতাপাশং রচয়ন্তী। হা
তাদ! হা অস্ব! এমা দাগিং অহং অণাধা,
অসরণা, বিবজ্জামি মন্দভাইনী।

সুসং। সকরুণম্ নিশ্বস্য। হা পিঅসহি
সারিএ! হা লজ্জলএ! হা সহীগণবচ্ছলে

হা উদারসীলে! হা সোম্মদংসণে! কহিং
গদা দাগিং তুমং মএ পেঞ্চিদক্বা। ইতি
রোদিতি। উর্ধমবলোক্য নিশ্বস্য চ। হংহো
দেক্বহদঅ! অকরুণ! অসামণঞ্চরুঅসোহা
তাদিসী তুএ জই গিম্মিদা, তা কীস উণ
ঈদিসং অবণ্ণত্তরং পাবিদা। ইয়ঞ্চ রঅণ-
মালাবি, জীবিদগিরাসাএ তাএ, কস্মবি
বন্ধগম্ম হথে পড়িবাদেসুত্তি ভণিঅ, মম
হথে সমপ্পিদা; তা জাব বন্ধগং অণে-
সামি। নেপথ্যাভিমুখমবলোক্য। অএ
কহং এসো কখু বন্ধগে বসত্তো ইধ জ্জেক্ব
আঅচ্ছদি; তা ইমস্মিংএষপড়িবাদেমি।
বিদু। গৃহীত্বা, নিরুপ্য সবিস্ময়ম্।
ভোদি! কুদো উণ ইদিসম্ম অলঙ্কারম্ম
সমাগমো?।

সুসং। অজ্জ! মএবি কোদুহলেণ
পুচ্ছিদং জ্জেক্ব।

বিদু। তদো তাএ কিং ভণিদং?

সুসং। তদো সা উদ্ধং পেঞ্চিঅ, দীহং
গিম্মিদিঅ, সুসঙ্গদে কিং দাগিং তুহ ইমাএ
কথাএত্তি ভণিঅ, রোইত্তুং পউত্তা।

রত্নাবলি! উদয়নের জীবনসর্বস্ব
মাগরিকে! পরিণামে কি তোমার এই
দশা ঘটিল? নলগেহিণী দময়ন্তী অব-
শেষে কি ব্যাধের হস্তে পতিত হই-
লেন! কি স্বদেশে কি বিদেশে এত কাল
যে তুমি সকলের যারপরনাই আদরের পাত্র
বলিয়া পরিগণিত হইতে, সেই তোমার কি
এই অবস্থা ঘটিল? যে একেবারের জন্যও
তোমার অঙ্গ স্পর্শ করিয়াছে, সেই আপ-
নাকে ধন্য বলিয়া মানিয়াছে, সেই তুমি
আজ কাহার করে নিষ্কিণ হইয়াছ, জানি-

তেছ না। তোমার কোমল অঙ্গ লোহ
নির্মিত হয় নাই বলিয়া “বঙ্গদর্শনের”
সমালোচক তোমার পৃষ্ঠে কঠিন বেত্রাঘাত
করিতে উদ্যত হইয়াছেন। হে বঙ্গসমাজ!
তোমরা ঐ মহাত্মাকে ক্ষান্ত হইতে বল,
রত্নাবলীর এ হৃদশা আর চক্ষে দেখা
যায় না।

প্রাপ্ত

কার্ডিনেল উলজি।

উপরোক্ত মহাত্মার জীবন রত্নান্ত পাঠে
যে রূপ প্রীতি ও জ্ঞানালোক প্রাপ্ত হওয়া
যায়, এরূপ আর কোন জাতীর কোন
ব্যক্তির জীবনচরিত বা পুরাণত সমস্ত
আলোচনায় প্রাপ্ত হওয়া যায় না। উলজি
যেমন নীচ বংশোদ্ভব কিন্তু সময়ানুক্রমে
তেমনি উচ্চ পদাভিষিক্ত এবং আবার
কালের কুটীল গতিতে পক্ষান্তরে ততোধিক
হৃদশাগ্রস্ত হইয়াছিলেন। যখন তিনি
পৃথিবীর একটি সুসভ্য বুদ্ধিমান স্বাধীন
জাতির শাসন ভার স্বহস্তে প্রাপ্ত হইয়া-
ছিলেন, তখন কত শত বিজ্ঞ, অভিজ্ঞ ও
বহুদর্শী ভূপালেরা যে তাঁহাকে সম্যকরূপে
কতদূর প্রশংসা করিতেন তাহার আর
ইয়ত্তা নাই। কার্ডিনেল উলজির জীবন
ইতিহাস পাঠে বিলক্ষণ অবগত হওয়া যায়
যে জগতের সম্মান, সুখ্যাতি ও প্রশংসা
কোন একটি ভীষণ প্রবাহিত তরঙ্গিনীর
বালুকা বাঁধের স্থায়, এ সকল জানিয়াও
অজ্ঞ লোকেরা মনুষ্যকে মনুষ্য বলিয়া জ্ঞান
করে, উহাই অত্যাশ্চর্য্য।

উলজি ১৪ ৭১ খ্রীষ্টাব্দে উলউইচ নামক
স্থানে কোন একটা সামান্য বংশে
জন্ম পরিগ্রহ করেন। তাঁহার পিতা
তাদৃশ শ্রেষ্ঠব্যাপারী ছিলেন না; কিন্তু
উলজি শৈশবাবস্থাতেই অনির্বচনীয় বুদ্ধি-
মত্তারও তীক্ষ্ণতার পরাকাষ্ঠা প্রদর্শন করায়
তাঁহার পিতা তাঁহার শিক্ষার বিষয়ে
সমধিক যত্নবান হইলেন। অনন্তর উলজি
স্বীয় বিচার প্রভাবে ডরসেটের মারকু-
ইসের নিকট পরিচিত হইলে তিনি
তাঁহাকে নিজ বাটার শিক্ষকের পদে
নযুক্ত করেন। এইরূপে উলজি অনেক-
সম্ভ্রান্ত লোকের সহিত পরিচিত হইলে
তখনকার ইংলণ্ডের সম্রাট সপ্তম হেনরির
অনুকম্পায় তাঁহার প্রধান পুরোহিতের
পদে নিযুক্ত হইলেন। হেনরি উলজির দক্ষ-
তার সহকার্য্যকলাপ সমাধা সন্দর্শনে কি
পর্যন্ত যে আনন্দিত হইয়াছিলেন তাহা
তিনিই বিশেষরূপে জানিতেন। কিন্তু
অনির্বচনীয় অনুতাপের বিষয় এই যে, ঐ
নগরের রাজ কারাগারে নিষ্কিণ হইলেন,
সুতরাং উলজির সুপ্রসন্ন ভাগ্য (ভাগ্য
ফলতি) কিছু কালের জগ পশ্চান্মার্গে
ধাবিত হইল।

কিছু দিন অন্তে ফক্স নামক উইনচেস-
টারের বিসাপ (ধর্ম্যাধ্যক্ষ) দ্বারা উলজি
রাজকুমারের নিকট পরিচিত হইলেন।
অষ্টম হেনরি সরের “আর্লকে” সাতিশয়
অনুগ্রহ করিতেন, ফক্স তাহা ভাল বাসি-
তেন না, সুতরাং তিনি বিদ্রোহ পরতন্ত্র
হইয়া সরের “অর্লের” সমুদায় কার্য্য ভার
উলজির উপর গ্রহণ করিতে পরামর্শ দিলেন।

আজ্ঞাদের বিষয় এই যে ইহাতে তিনি রক্তকার্য হইয়াছিলেন। উলজি স্বাভাবিক আগ্রহাতিশয় সহকারে ভূপতিকে এমন সন্তুষ্ট করিয়াছিলেন যে, বিসাপ পরে উলজির প্রতি ঈর্ষা প্রকাশ করিয়াছিলেন কারণ—ফকস কখন কুত্রাপি আশা করেননাই, এমন ঘটনা সকল উলজির দ্বারা সংঘটিত হইবে।

উলজি ক্রমশঃ সত্রাতের সাতিশয় প্রিয় হইয়া উঠিলেন এবং রাজার সমভিব্যাহারে অনুক্ষণ কাল হরণ করিতেন। যে সময় কোন কর্মকাষ না থাকিত উলজি নানা-বিধ উপহাসজনক গল্প ও আমোদজনক ক্রীড়ায় ভূপতির মনোরঞ্জন করিতেন। ক্রমাগত অক্ষম হেনরি উলজির প্রতি এত অনুগ্রহ প্রকাশ করিলেন যে তাঁহাকে সভাসদের পদ হইতে একেবারেই সচিবের পদে নিযুক্ত করেন। বস্তুতঃ উলজি যদিও একজন প্রসিদ্ধ সুরাসিক ছিলেন, কিন্তু রাজকার্য সমগ্ররূপে বুঝিতেন, স্মরণে দিন দিন রাজার সমধিক প্রণয়ভাজন হইতে লাগিলেন।

উলজি লিনকনের ধর্মাধ্যক্ষের পদ পরিত্যাগ করতঃ ইউরোপের প্রধান ধর্মাধ্যক্ষের পদে অধিষ্ঠিত হইলেন। ক্রমাগত তিনি ডরহেম, উইনচেস্টার ও ইউরোপের ধর্মাধ্যক্ষ হইয়া পড়িলেন। এরূপ কিম্বদন্তী আছে উলজি ইংলণ্ডের প্রিয়পাত্র হওয়াতেই ‘পোপ’ তাঁহাকে ‘কার্ডিনেলের’ উপাধি প্রদান করিলেন। তৎকালে উলজির যেরূপ সম্মান ও গৌরব দেশ বিদেশে ব্যাপ্ত হইয়াছিল এমত

আর কুত্রাপি লক্ষিত হয় না। প্রায় অষ্টশত লোক তাঁহার পারিষদ ও সমভিব্যাহারী ছিল, ইহার মধ্যে অনেকেই নাইট উপাধি ধারী ইংলণ্ডের ভদ্রলোক। তাঁহারা উলজির পরিবারের মধ্যে সন্তান সন্ততীরন্দকে বিদ্যাজ্ঞানের জ্ঞ প্রেরণ করিতেন। বস্তুতঃ তাঁহারা মনে করিতেন যে বিদ্যালয় অপেক্ষাকৃত উলজির পরিজনবর্গের সহবাস অত্যুক্তি। উলজি স্বভাবতঃ এমন দয়াজ্ঞিত ছিলেন যে তিনি বড়লোকদিগের সন্তান অপেক্ষা মধ্যবিত্ত লোকদিগের সন্তানের বিদ্যাশিক্ষা বিষয়ে বিশেষ আস্থা প্রকাশ করিতেন এবং কার্যেও তাহা পরিণত হইয়াছিল। ইংরাজদিগের মধ্যে স্বর্ণের ও রৌপ্যের ব্যবহার উলজির সময় হইতে প্রারম্ভ হয় এরূপ জনশ্রুতি অদ্বাবধি প্রচলিত আছে। তিনি কেবল তাঁহার পরিধেয়ে উপরোক্ত ধাতু সকল ব্যবহার করিতেন না, তাঁহার অশ্ব সজ্জায়ও স্বর্ণ ও রৌপ্য সূক্ষ্মজিত ও শোভিত করা হইত। তিনি যখন বায়ু-সেবনার্থে রাজপথে বাহির হইতেন তখন এক জন দীর্ঘকায় যাজক রৌপ্যের “ক্রুশ” লইয়া তাঁহার অগ্রে অগ্রে গমন করিত। বর্ণিত সজ্জা অপেক্ষা তিনি আরো অনেকাধিক বাবুগিরি সন্তোগ করিয়াছেন, ইংরাজী পুস্তকাদি পাঠে এরূপ পরিচয় প্রাপ্ত হওয়া গিয়াছে।

উলজির ক্ষতি ও উপভোগ এই স্থানেই নিঃশেষিত হয় নাই। উলজির এবম্বিধ প্রাধান্য অবলোকনে তাঁহার সহযোগীরাও

বিদ্বেষ পরতন্ত্র হইয়া অনেকে রাজসভা পরিত্যাগ করিয়াছিলেন। বিশেষতঃ নরফোকের ডিউক, ও সফোকের আর্ল প্রভৃতি সম্রাট লোকেরা ক্রোধাক্ত হইয়া রাজভবনে আগমন পর্যন্ত ত্যাগ করিয়াছিলেন। তাঁহার মহত্ব, ‘অসীম ক্ষমতা, বিশ্বাস এবং অনিবার্য্য, গৌরব কেবল যে ইংলণ্ডময় ব্যাপ্ত হইয়াছিল এরূপ নহে, ইউরোপের অত্রান্ত নরপতি-রাও তাঁহার যথোচিত প্রশংসা ও সূখ্যাতি করিতেন। কার্ডিনেল যদিও বিলক্ষণ বুদ্ধিমান ও সূচতুর ছিলেন, কিন্তু তিনি আপন মুখে এরূপ প্রকাশ করিতেন যে হেনরি তাঁহা অপেক্ষাও চতুর ছিলেন।

(ক্রমশঃ)

ভারতবর্ষের সাধারণ ভাষা।

অনেকে ভারতবর্ষকে পৃথিবীর অনুরূপিত স্বরূপ বর্ণন করেন, ভারতবর্ষে যে কত বিভিন্ন প্রকার আচার, ব্যবহার, রীতি, পদ্ধতি প্রচলিত আছে তাহা বর্ণন করিয়া শেষ করা যায় না। এরূপ বহু-প্রকৃতিময় দেশে যে বহুপ্রকার ভাষার প্রচলন হইবে বলা বাহুল্য। বঙ্গীয়, উৎকলিক, প্রাগ্-জ্যোতিষীয়, বৈহারিক, পঞ্জাবীয়, সৈন্ধবীয়, কাশ্মীরীয়, মহারাষ্ট্রীয় পোর্কোপ কুলিক প্রভৃতি অনেক প্রকার ভাষা অত্ৰাপি ভারতবর্ষে বিদ্যমান আছে। বিশেষ বিবেচনা করিয়া দেখিলে সংস্কৃত-কেই ভারতবর্ষীয় সমুদয় ভাষার মূল

বলিয়া প্রতীয়মান হইবে, ভারতবর্ষীয় সমুদয় ভাষারই ভাব, তাৎপর্য্য ও অলঙ্কার কোশল এবং পদ-যোজনার প্রণালী বিভক্তি প্রয়োগপদ্ধতি সমুদয়ই প্রায় সংস্কৃতানুযায়ী, বাঙ্গালা ভাষার সহিত সংস্কৃতের এত নিকট সম্বন্ধ যে বিভক্তির রূপ ভেদ ব্যতীত পরস্পর কিছুই বিভিন্নতা নাই। কোন কোন স্থলে অতি দীর্ঘ বাক্যে কেবল অনুস্মর কি বিসর্গের বিভিন্নতা মাত্র লক্ষিত হইয়া থাকে, “নবীন দুর্বাদলপূর্ণদেশে” এই বাক্যটি হস্ত দীর্ঘানুযায়িনী আয়ত্তি দ্বারা সংস্কৃত হইবে, অত্রথা বাঙ্গালা বলিয়া সকলেই সহজে অনুমান করিতে পারিবেন, “সখে পুণ্ডরীক” এই বাক্যটিতে সংস্কৃত ও বাঙ্গালার কোন বিভেদ নাই।

সংস্কৃত ভাষার অনভিজ্ঞদিগের মধ্যে যঁাহারা বাঙ্গালা ভাষা ভালরূপ জানেন তাঁহারা কিঞ্চিদভিনিবেশপূর্বক দেখিলেই অনায়াসে অনেকদূর প্রাঞ্জল সংস্কৃত বুঝিতে পারেন। ২০ বৎসর পূর্বে যেরূপ বাঙ্গালা ব্যবহৃত হইত, তাহার সহিত সংস্কৃতের অতি অল্পই সংস্রব ছিল, ইদানীং ক্রমে ক্রমে বাঙ্গালা ভাষা সংস্কৃতের নিকটবর্তিনী হইতে চলিয়াছে প্রাগ্-জ্যোতিষীয় (আসামী) ও উৎকলিক (উড়ে ভাষা) বাঙ্গালা হইতে অধিক বিভিন্ন নহে কিঞ্চিৎ চেষ্টা করিলেই তিন দেশের এক ভাষা হইতে পারে।

হিন্দী ভাষা প্রদেশ বিশেষে কিঞ্চিদংশে বিসদৃশ হইলেও মূলতঃ পৃথক নহে। আর্য্যাবর্তে প্রায় সমুদয় স্থলেই

হিন্দীর প্রচলন দৃষ্ট হইয়া থাকে। দাক্ষিণাত্যে নানাপ্রকার কথ্য ভাষা প্রচলিত থাকিলেও সাধারণ ভাবে হিন্দী ব্যবহৃত হইয়া থাকে, হিন্দীকে ভারতবর্ষের সাধারণ ভাষা বলিলে অত্যুক্তি হয় না। হিন্দী অনেক আরবী ও পারশী শব্দের সহিত মিশ্রিত হইয়া “উর্দু” এই নাম ধারণ করিয়াছে। মুসলমানদিগের রাজত্ব সময়ে ভারতবর্ষের অধিকাংশ স্থলে উর্দু দ্বারা রাজকার্য্য নির্বাহিত হইয়াছে, ইংরাজেরাও অনেক বৎসর পর্য্যন্ত ভারতবর্ষের বিচারালয় প্রভৃতিতে ইহা অপরিবর্তিত রাখিয়াছিলেন। উর্দুতে বিদেশীয় ভাবাদি সমাবেশিত থাকিলেও বহুকালের ব্যবহারে ভারতবর্ষীয়দিগের নিকট তাহা ভিন্ন দেশীয় বলিয়া বোধ হয় না, যাহা হউক উর্দু ও হিন্দীকে, আমরা এক ভাষা বলিয়া বর্ণন করিতেছি, বস্তুতঃ অতি অল্পমাত্র বিভিন্নতায় পৃথক্ নাম দেওয়া বিধেয় নহে, বর্ণিত উভয় ভাষা “হিন্দী” নামে অভিহিত হইল।

সংস্কৃত ও হিন্দী ভাষা ভারতবর্ষের সর্বত্র প্রচলিত, কিঞ্চিৎ চেষ্টা করিলে বাঙ্গালা ভাষা, বাঙ্গালা, আমাম, উড়িয়া ও বেহারের কিয়দংশে সাধারণ্যে ব্যবহৃত হইতে পারে। বঙ্গভাষা হিন্দীর ত্রায় অধিক পরিধিব্যাপিনী না হইলেও সংস্কৃতের সাহায্যে ভারতবর্ষের সমুদয় উপভাষা হইতে শোধিত, পরিমার্জিত ও বিস্তৃত হইয়া আসিয়াছে।

সংস্কৃত, হিন্দী, ও বাঙ্গালা, ভারতবর্ষীয় এই প্রধান ভাষাত্রয়ের বিষয় বর্ণিত

হইতেছে। সংস্কৃত অতি প্রাচীন ভাষা অনেকের মতে এই ভাষা পৃথিবীর সমুদয় ভাষা অপেক্ষা শ্রেষ্ঠ।

সংস্কৃত ভাষা, বৈদিক, পৌরাণিক, কাব্যময়, এই তিন প্রধান ভাগে বিভক্ত হইতে পারে। বৈদিক সংস্কৃত আধুনিক কাব্যময় সংস্কৃতের সহিত অনেকাংশে বিসদৃশ, এমন কি সহসা এক ভাষা বলিয়া বোধ হয় না। নিতান্ত অপ্রচলিত, দুর্কোধ্য ও অব্যবহার্য্য বলিয়া তৎ সমালোচনা পরিত্যক্ত হইল।

পৌরাণিক সংস্কৃত অনেকাংশে প্রাঞ্জল ও বঙ্গভাষার অনেক সদৃশ, মনুর রচনাই এই পৌরাণিক প্রণালীর আদর্শ স্বরূপ। অভিনিবেশপূর্বক মনুর রচনা-সমালোচন অনুধাবন করিলে, বৈদিক সংস্কৃতের কিয়দংশে সদৃশ বলিয়া অনুমিত হইবে। সমুদয় পুরাণ “ব্যাস” প্রণীত বলিয়া কথিত হইয়াছে, কিন্তু পুরাণ সকলের রচনার বিসদৃশতা, ভাবের বিভিন্নতা, ও সময়ের অসামঞ্জস্যতা দৃষ্টে এক লেখনী মুখ নিঃসৃত বলিয়া কোন রূপেই অনুমিত হইবার নহে। “রামায়ণ” মহাভারতাদি অপেক্ষা অনেক পুরাতন বলিয়া ভারতবর্ষীয়দিগের মনে দৃঢ় সংস্কার আছে, কিন্তু “ভূইলার” সাহেব রামায়ণ অপেক্ষা মহাভারতের প্রাচীনতা বিষয়ে অনেক গুলি যুক্তি প্রদান করিয়াছেন, বস্তুতঃ অনেক অংশে সঙ্গত বলিয়া বোধ হয়। এবিষয় মীমাংসা করা এ প্রস্তাবের উদ্দেশ্য নহে, যাহা হউক মহাভারতের রচনা যে সমস্ত আয়ুর্বেদ, জ্যোতিষ, তন্ত্র, স্মৃতি

প্রভৃতির আদর্শ স্বরূপ, তাহাতে আর সন্দেহ নাই। এই প্রণালীতেই অধিকাংশ সংস্কৃত বিজ্ঞানাঙ্গ প্রণীত হইয়াছে।

রামায়ণ যদিও কাব্য হউক, কিন্তু ইহার রচনাপ্রণালী পৌরাণিকী। কাব্যময় সংস্কৃত কাহার কর্তৃক প্রথম ব্যবহৃত হয়, তাহার কোন নিশ্চয়্যাক প্রমাণ নাই।

কবিকুলচূড়ামণি—কালিদাসকেই আমরা এতদ্রীতি প্রবর্তক বলিয়া নির্দেশ করি, কালিদাস প্রথম কোন পুস্তক প্রণয়ন করেন তাহার নিশ্চয় নাই, “মেঘদূত” ভিন্ন সমুদয় প্রণীত কাব্যই একরূপ প্রাঞ্জল পুরাণের কিঞ্চিৎ সদৃশ। অনেক পুরাণ অতি আধুনিক, অনেক কালিদাসের কাব্য হইতে সংগৃহীত হইয়াছে। “পদ্মপুরাণ” যে “রঘুবংশ” দৃষ্টে রচিত হইয়াছে তাহাতে আর সন্দেহ নাই। “শিবপুরাণ” অংশতঃ “কুমারসম্ভবের” অনুরূপ, অনেক গুলি পুরাণ ও তন্ত্র কতিপয় কাব্যের পরে প্রণীত হইলেও তাহার বিরচন-রীতি কাব্য অপেক্ষা অনেক পুরাতন। “ভবভূতি” কালিদাসের অনেক পরে কাব্য প্রণয়ন করেন, তাহার রচনাপ্রণালী কিঞ্চিৎ প্রগাঢ় ও তেজস্বিতাসম্পন্ন। “ভারবির” রচনা উহা অপেক্ষাও প্রগাঢ় দুর্কোধ্য। “মাঘ” ইহাদের অপেক্ষা জটিলরূপে সংস্কৃত ব্যবহার করিয়াছেন। “নৈষধকার” ত্রীহর্ষপণ্ডিত মাঘ অপেক্ষাও অধিকাংশ স্থলে ভাষাগত জটিলতা ব্যবহার করিয়াছেন, “কাদম্বরী,” “দশকুমারচরিত” ও “বাসবদত্তার” রচনাও প্রাঞ্জল

নহে, বিশেষতঃ সমালোচনা করিয়া দেখা যায় সংস্কৃত ভাষা ক্রমে অসরল হইয়া আসিয়াছে, ইদানীন্তন লোকেরা যে সংস্কৃত শ্লোক কিম্বা গদ্য রচনা করেন, তাহা নিতান্ত কর্কশ ও দুর্কোধ্য হইয়া পড়ে। সম্প্রতি সংস্কৃত ভাষার যেরূপ অবস্থা হইয়াছে ইহা কোনরূপেই ভারতবর্ষের সাধারণভাষা হইতে পারেনা, আর্ঘ্যরাজাদিগের সময়ে সংস্কৃত ভাষা দ্বারা রাজকার্য্য ও দেবকার্য্য নির্বাহিত হইত, অত্য়াপিও ভারতবর্ষীয়েরা সমুদয় দেবকার্য্যে সংস্কৃত ব্যবহার করিয়া থাকেন, দেব-স্তোত্রাদির অর্থগ্রহ হউক আর নাই হউক, সংস্কৃত ভাষা ব্যবহার না করিলে চিত্তশুদ্ধি হইবার নহে। “এখানে এস” স্থলে “ইহাগচ্ছ” বলিতে হইবে। “গ্রহণকর” স্থলে “গৃহাণ” না বলিলে দেবতা কর্তৃক গৃহীত হইবার নয়, এরূপ সংস্কার অত্য়াপি ভারতবর্ষীয়দিগের অন্তঃকরণে দৃঢ় নিবদ্ধ আছে। অনেক কাল ভারতবর্ষে সংস্কৃত দ্বারা রাজকার্য্য নির্বাহিত হইয়াছে, আবেদন, নিষ্পত্তি ও নানারূপ লেখ্য আজ্ঞা নিয়োগ পত্র এবং চরমলেখ প্রভৃতি সংস্কৃত দ্বারা লিখিত হইত। এই নিমিত্তেই বোধ হয় এত বিপ্লবেও সংস্কৃত দীপ এককালে নির্বাপিত হয় নাই। কিন্তু সংস্কৃত কোন কালেই জনসাধারণের কথ্যভাষা ছিলনা, তাহার অনেক প্রমাণ বিদ্যমান আছে। বিশেষতঃ “সংস্কৃত” এইনাম দ্বারাই এতৎ পোষকতায় যথেষ্টরূপে সপ্রমাণ হইতেছে। যাহা হউক ইদানীং কাব্যে যেরূপ সংস্কৃত ব্যবহৃত

হইয়া থাকে এরূপ সংস্কৃত কোনরূপেই রাজকার্যের উপযোগী নহে, পূর্বে অতি প্রাঞ্জল পৌরাণিকী রীতির সংস্কৃত রাজকার্যে নিয়োজিত হইত।

মুসলমানদিগের রাজত্ব কাল হইতেই হিন্দী ভাষার বিশেষরূপে প্রচলন আরম্ভ হয়, ক্রমে ক্রমে বিচারালয়ে প্রবেশ করিয়া রাজ্যগণের শ্রদ্ধা ভাজন হইয়া উঠে। হিন্দীভাষায় পূর্বে কোন উৎকৃষ্ট গ্রন্থ ছিলনা। আকবর বাদসাহের উৎসাহে অনেক পুস্তক পারশী ও সংস্কৃত হইতে হিন্দীতে অনুবাদিত হয় “আইন আকবরী” প্রভৃতি দু'একখানি মূল গ্রন্থও প্রণীত হয়। বাহাছরনামা, কয়েকখানি সাহিত্য মূলগ্রন্থ প্রণয়ন করেন। হিন্দীর অভুদয় কালেই দেশের জীবংশ হওয়ার উন্নতির স্রোত বন্ধ হইল। বাহাইউক ইদানীং অনুসন্ধান করিয়া দেখিলে হিন্দী ভাষাকে অত্যন্ত অসম্পন্ন বোধ হইবে না, যদিও মূলগ্রন্থ সংখ্যা অল্প হউক, কিন্তু অনুবাদদ্বারা অনেকদূর অভাব দূরীভূত হইয়াছে। পারশীতে এরূপ পুস্তক নাই, বাহা হিন্দীর অনুবাদে গৃহীত না হইয়াছে, আরবীরও অধিকাংশ সাহিত্য অনুবাদিত হইয়াছে। ইতিহাস, বিজ্ঞান, দর্শন সম্বন্ধীয় গ্রন্থ সমুদয় অনুবাদিত হইবার সময় উপস্থিত হইয়াছে। পূর্বে হিন্দীতে আরবী পারশী শব্দ অধিক ব্যবহৃত হইত, ইদানীং দেশীয় শব্দ অধিক ব্যবহৃত হইতে চলিয়াছে। আধুনিক হিন্দী যেরূপ সরল, গাভীর্যব্যঞ্জক, সেইরূপ ওজোগুণসম্পন্ন, কোন কোন স্থলে পার-

শীও সংস্কৃতের স্থায় মধুর, কোন কোন স্থলে জারমানও ইংরাজি ভাষার স্থায় তেজস্বী।

হিন্দী ভাষার শ্রীবৃদ্ধি হইলে ভারতবর্ষীয়দিগের অমূল্য মহারত্ন লাভ মনে করা যাইতে পারে। ভারতবর্ষের সর্ব প্রদেশ বাসীরাই অতি অস্পার্যাসে হিন্দী ভাষায় পারদর্শিতা লাভ করিতে পারে। যে পরিমাণ সময়ে ইউরোপীয় কোন ভাষা শিক্ষা করা যাইতে পারে, তাহার অর্ধেক সময়ে ভারতবর্ষীয়েরা, পারশী কি সংস্কৃত অভ্যাস করিতে সমর্থ হয়। হিন্দীভাষাতে এতদপেক্ষাও অল্প সময়ে অতি সূচাকরূপে পাণ্ডিত্য লাভ করিতে পারে, এমনকি বিশেষ মনোযোগ সহকারে অধ্যয়ন করিলে এক বৎসর কালের অধিক সময় ব্যয়িত হয় না। অধুনা বিজ্ঞান চর্চার সময়; কতকগুলি ভাষা লইয়া কালক্ষেপের কাল অতীত হইয়াছে। হতভাগ্য ভারতবর্ষীয় লোকেরা পরকীয় ভাষা অভ্যাস করিতেই জীবনের অর্ধেক সময় অতিবাহন করিয়া ফেলে; বিজ্ঞানাদি শিক্ষা করিবার আর অবকাশ থাকেনা, হিন্দীভাষা সম্পন্ন হইলে ভারতবাসীদিগের পক্ষে যে কত সুবিধা বিধান হয়, তাহা বর্ণন করিয়া শেষ করা যায়না।

পাঁচশত বৎসরের অনধিক কালমধ্যে বাঙ্গলাভাষা সংশোধিত হইয়া প্রধান প্রধান ভাষার সমকক্ষ হইতে চলিয়াছে। প্রথমে বাঙ্গলাভাষাতে অধিকাংশ হিন্দীময় পদ্য মাত্র ব্যবহৃত হইত, পরে একরূপ

বিশুদ্ধ গদ্য প্রচলিত হয়। পরে সংস্কৃতাদিক দীর্ঘসমাসিত জটিল বিশুদ্ধ ভাষা প্রচলিত হইল, ক্রমে ইদানীং বিশুদ্ধ প্রাঞ্জল বাঙ্গলা ব্যবহৃত হইতেছে। পূর্বে প্রায় ওজোগুণ দৃষ্টি হইত না এখন অনেকাংশে সে অভাব নিরাকৃত হইয়াছে। ইহা সাহস করিয়া বলা যাইতে পারে, কোন দেশের কোন ভাষাই ললিত রচনা বিষয়ে বঙ্গভাষাকে পরাস্ত করিতে পারেনা। সম্প্রতি নানা বিজ্ঞান, ইতিহাস, দর্শন প্রভৃতি অনুবাদিত হইতেছে, দুই একখানি মূল গ্রন্থও রচিত হইতেছে। এই ভাষা বাঙ্গলা, আসাম ও উড়িষ্যা এই তিন প্রদেশে সাধারণতা লাভ করিতে পারে, কিন্তু আক্ষেপের বিষয় এই, বর্ণিত প্রদেশ ত্রয়ে এক ভাষার পরিবর্তে তিন প্রকার ভাষা প্রচলিত হইতে চলিয়াছে। আসাম ও উড়িষ্যার লোকেরা বাঙ্গালীদের অপেক্ষা কিঞ্চিৎ ক্রেশ করিলেই বাঙ্গালীদের সদৃশরূপে বাঙ্গলা ভাষায় পারদর্শী হইতে পারে।

উড়িষ্যাবাসী লোক দ্বারাই প্রথম বাঙ্গলা গদ্য গ্রন্থ প্রণীত হয়। আসামের লোকেরা কোন নূতন স্বতন্ত্র ভাষার প্রতি সচেষ্টি না হইয়া বাঙ্গলার প্রতি মনোযোগী হইলে অল্পকাল মধ্যে বিশুদ্ধ সাধু বাঙ্গলা তাহাদের মাতৃ ভাষা হইতে পারিত। সংস্কৃত, হিন্দী ও বাঙ্গলার বিষয় উল্লিখিত হইল। সংস্কৃত অপ্রচলিত হইয়া গ্রন্থে নিবদ্ধ হইয়া রহিয়াছে কখনই ভারতবর্ষের সাধারণ ভাষা হইতে পারে না। জ্ঞানচর্চার অনুরোধে সংস্কৃত

অভ্যাস করিতে হইবে, সাধারণ কথাবর্তা কি বক্তৃতা কি রাজনীতি বিষয়ক চর্চা করিতে হইলে অগ্রতম ভাষার আবশ্যক। বাঙ্গলা ভাষা সম্যক ভারতবর্ষে সাধারণরূপে প্রচলিত হইবার যোগ্য নহে। বাঙ্গালী ভিন্ন ভারতবর্ষের কোন প্রদেশীয় লোকই বাঙ্গলা দ্বারা প্রকৃতরূপে মনের ভাব ব্যক্ত করিতে—কি বিশুদ্ধরূপে উচ্চারণ করিতে সমর্থ নহে। হিন্দী ভাষা, ভারতবর্ষীয় সমুদয় লোকের পক্ষেই সমান উপাদেয় ও আশু শিক্ষণীয়। “ফেঞ্চ” ভাষা যেরূপ ইউরোপের সমুদয় প্রদেশেই প্রচলিত, এরূপ হিন্দীভাষাও ভারতবর্ষে সর্বত্র প্রচলিত ও সকলের বোধ যোগ্য। বিশেষ এই যে, ফেঞ্চ ভাষা বুঝিতে ও ব্যবহার করিতে, ইউরোপের অগ্রাগ্র প্রদেশীয় লোকের যতদূর আয়াসকর হয়, ভারতবর্ষীয় কোন প্রদেশীয় লোকেরই হিন্দী শিক্ষা করা ততদূর আয়াসসাধ্য ব্যাপার নহে। উপরোপীয় কোন মহাত্মা ব্যাখ্যা করিয়াছেন, এমিয়ায় কোন ভাষাই হিন্দীর স্থায় সহজ শিক্ষণীয় ও ওজোগুণসম্পন্ন নহে। হিন্দী বক্তৃতা দ্বারা ইংরাজি অপেক্ষাও অধিক উত্তেজনা হইতে পারে, সংশোধিত ও বিশুদ্ধ হইলে হিন্দী পৃথিবীর মধ্যে সর্বপ্রধান ভাষা হইতে পারে সন্দেহ নাই। বঙ্গদেশে যে সকল পত্রিকা ইংরাজি ও বাঙ্গলাতে প্রচারিত হইয়াছে তৎপরিবর্তে যদি হিন্দী ভাষায় প্রয়োজিত হইত তাহা হইলে এত দিনে কিছু কার্য হইত সন্দেহ নাই। সকলেই মুক্তকণ্ঠে স্বীকার

করিবেন যে এইক্ষণ ভারতবর্ষীয়দিগের স্বাধীনতাই সর্বাপেক্ষা অধিক প্রার্থনীয়। স্বাধীনতা লাভের যতগুলি কারণ আছে তাহার মধ্যে, সাধারণ ভাষা প্রচলন যে প্রধানতম তাহাতে আর সন্দেহ নাই। পরস্পর মনোগত ভাব প্রকাশিত না হইলে কোনরূপেই ঐক্যতা স্থাপন হইতে পারে না।

ঐক্যতার সাহায্য ব্যতীত কোন দেশেই স্বাধীনতা রত্ন আহত হয় না, জাতিভেদের ঞ্চায় ভাষা ভিন্নতা ভারতবর্ষে ঐক্যতার অন্তরায় হইয়া রহিয়াছে। বাঙ্গালীদিগের সহিত পঞ্জাবীদিগের আলাপ সম্ভাষণ করিতে হইলে বিষম বিপদ উপস্থিত হয়। কাশ্মীরীয় লোকের সহিত আবার মহারাষ্ট্রীয় লোকের, অযোধ্যার লোকের সহিত মহীশূরস্থ লোকের এবং উড়িষ্যাবাসীদিগের সহিত সিকিম নিবাসীগণের পরস্পর মনোগত ভাব বিকাশন পূর্বক প্রণয় স্থাপন করা অত্যন্ত দুষ্কর ব্যাপার। বিহার হইতে পঞ্জাব পর্যন্ত সমুদয় স্থানীয় লোকদিগের অনেক দূর পরস্পর ঐক্যতা দেখায়, কিন্তু উহার বাঙ্গালীদিগের এককালে বিভিন্ন দ্বীপস্থ জাতির ঞ্চায় মনে করে। বাঙ্গালীরা যে রূপ পশ্চিমাঞ্চলীয় লোকদিগকে নিরোধ মেডুয়াবাদী বলিয়া তুচ্ছ করে, উহারও আবার বাঙ্গালীদিগকে ধূর্ত প্রতারক বাঙ্গালী বলিয়া শতগুণে প্রতিবিশেষ প্রকাশ করে।

বাঙ্গালীদিগের মধ্যে ঐহার পাংশী ও হিন্দী জানেন, তাঁহাদিগের সহিত

পশ্চিম ভারতবর্ষীয়গণের সহিত কিঞ্চিদংশে ঐক্যতা সংঘটন হইয়া থাকে। পরস্পর ভাষার বৈষম্য যে এরূপ অনৈক্যের প্রধান কারণ, তাহা সকলেই মুক্তকণ্ঠে স্বীকার করিবেন। পূর্বে যে সময়ে ভারতবর্ষীয় লোকেরা পাংশী ভাষায় অভিজ্ঞতা লাভ করিতে লাগিল তখন হইতে মুসলমানদিগের সহিত বিদ্বেষভাব ক্রমে শিথিল হইয়া আসিতে লাগিল, দেখা যায় এইক্ষণে ও যে হিন্দুরা পাংশী ভাষা জানেন তাহাদের সহিত মুসলমানদের অপেক্ষাকৃত অনেকাংশে ঐক্যতা ও আত্মীয়তা জন্মে। মুসলমান ও হিন্দু জাতির পরস্পর আত্মীয়তা ও ঐক্য স্থাপনের কারণেই আকবর বাদশাহ ভারতবর্ষে উর্দু ভাষা সর্বত্র প্রচলনের চেষ্টা পাইয়াছিলেন। যতপ্রকার দেশ সংস্করণ আছে তাহার মধ্যে ইহাই সর্বপ্রধান। ইংলণ্ড, আয়রলণ্ড ও স্কটলণ্ডের ভাষাতে বিভেদ দিন দিন দূরীভূত হইতেছে—জার্মানির নানা প্রদেশের নানা প্রকার ভিন্ন ভিন্ন ভাষা সম্প্রতি এক রূপ ধারণ করিতেছে। যে রাজ্য বিস্তৃত রাজ্যে নানা প্রকার বিভিন্ন ভাষা প্রচলিত থাকে, একটা সাধারণ ভাষা প্রচলিত করাই সেই রাজ্যের প্রধান কর্তব্য, তাহা না হইলে কোনরূপেই লক্ষ্মী দীর্ঘকাল অচলা থাকেন না। আমাদের রাজ্যস্বরূপ ব্রিটিশ গবর্নমেন্ট ভারতবর্ষে একটা সাধারণ ভাষা প্রচলন করিবার চেষ্টা করা দূরে থাকুক, ভাষা বিষয়ে সাধারণতা লোপ করিবার চেষ্টা করিতে

ছেন, এমন কি বাঙ্গালী, উড়িষ্যা ও আসাম প্রদেশে এক বাঙ্গালী প্রচলিত। উড়ে, আসামী ও বাঙ্গালার সহিত অতি সামান্য প্রভেদ, এই প্রভেদ অতি অল্প দিনে ও অতি অল্প আয়াসে তিরোহিত হইতে পারে।

যাহাতে এই তিন ভাষার চিরবিচ্ছেদ হয়, সম্প্রতি তাহারই চেষ্টা হইতেছে। ভারতবর্ষে এইরূপ ভিন্ন ভিন্ন খণ্ডে ভিন্ন ভিন্ন ভাষা থাকিলে কোন কালেই পরস্পর ঐক্যতার সম্ভাবনা নাই। পরস্পর ঐক্যতা না হইলে মনুষ্যত্ব লাভের আশা করা যাইতে পারে না। ভারতবর্ষের প্রজাগণ দীর্ঘকাল অনৈক্যভাবে থাকিলে রাজ্য চিরনিষ্কণ্টক থাকিবেক—এই আশায় যদি এরূপ কোশল-জাল প্রসারিত হইয়া থাকে, তাহা হইলে কোশলকারী বড় ভ্রমে পতিত হইয়াছেন সন্দেহ নাই। যখন এ দেশে “রেইল ওয়ে” হওয়াতে সর্বত্র অল্প সময়ে অনায়াসে গমনাগমনের সুবিধা হইয়াছে তখন স্বতঃই কালে ভাষা—সাধারণতা উপাদিত হইবেক, কেবল প্রতিবন্ধকগণ কুশোভাগী হইয়া চিরকলঙ্কিত থাকিবেন। গবর্নমেন্টের মুখ প্রেক্ষী হইয়া আমাদের নিশ্চেষ্ট থাকা উচিত নয়, গবর্নমেন্টের এবিষয়ে ইচ্ছা থাকুক আর না থাকুক, সে বিষয় অনুসন্ধানের বিশেষ প্রয়োজন কি?

ভারতবর্ষের বিশেষ বিশেষ সংস্করণ বিষয়ে আমাদের অগ্রসর হওয়া কর্তব্য।

হে ভারতবাসীগণ! আলস্য নিদ্রা ত্যাগ কর। আর স্বাধীন সময় ক্ষেপের

সময় নাই। পর-নির্ভরতার কাল অতীত হইয়াছে আত্ম নির্ভর ব্যতীত উপায়ান্তর নাই।

বিজ্ঞান, শিক্ষা, নৌবিদ্যা, যুদ্ধশাস্ত্র প্রভৃতি চর্চার সময় অত্যাধিক উপস্থিত হয় নাই।

পরস্পর ঐক্যতারই নিত্য আবশ্যিকতা অনুমিত হইতেছে। ঐক্যতার মূল, ভাষা—সাধারণতার প্রতি দৃষ্টিই তোমাদের প্রথম কর্তব্য সন্দেহ নাই।

আমরা উচ্চৈশ্বরে সমুদয় বঙ্গদেশীয় হিতৈষীদিগকে অনুরোধ করিতেছি তাঁহারা আমাদের কথায় কর্ণপাত করুন।

এস্থলে ইহা বক্তব্য যে আমরা সংকল্প করিয়াছি এই **হালিসহর পত্রিকার** কিয়দংশ হিন্দী ভাষায় পরিণত ও পরিবর্তিত করিয়া জনসমাজে উপস্থিত করি, কতদূর পূর্ণমনোরথ হইতে পারি বলিতে পারি না।

আমাদের আশা ভরসা কেবল হিতৈষী বিদ্যোৎসাহীদিগের রূপা ও উত্তমের অধীন।

হক কথা।

কলকাতার শকবাজি।

একটা প্রশ্ন এই—**হক কথা** খুদী হন কে? এ শকের জলপান নয় যে ছোট ছোট ছেলেপুলেরা মড় মড় করে চিবায়ে আর রস পাবে, হিরে কাটা সোণার বালাও নয় যে সোণার চাঁদমুখীদিগের

মন ভুলাবে। ব্রহ্মসঙ্গীত বা নিধুর টপ্পা নয়, যে ভক্ত রসিক বা সাধু রসিকদিগের মন হরণ করিবে। এ যদি শনিবারের বাগানবাড়ী বা—বোতল হতো—তাহলে হাজার হাজার বাবু লোকের মন কেড়ে নিতে পারতো।

আমাদের **হুকু কথা** কাগজে লেখা, লেখা পড়ে আমোদ পেতে কেউ এগোয় না, লেখা-পড়ার নামে ভয় হয়। বড়ই সৌখীন বাবুদিগের লেখা পড়ার নামে গায়ে জ্বর আসে, চূণ খেয়ে একবার মুখ পুড়েছে, এ-দুই দেখতে ও ভয় হয়। আমরা সব সৌখীন বাবুদিগকে অনুরোধ করে বলি এতে বড় মজা আছে একবার পড়ে দেখুন।

“এম্টি হার্টসের” উড়ে বেহারারা যে যাওয়ার জন্তে বাবুদিগকে অনুরোধ করে তাতে বাবুরা তাদের কথায় আগে বিশ্বাস করেন না, পরে একবার ঘরের ভিতর ঢুকে বুঝতে পারেন * * * একবার টের পেলে আর ভুলতে পারা যায় না। আমরা ও সেরূপ বলি একবার **হুকু কথা** “টেস্ট” করে দেখুন। কলিকাতাতে অনেক রকম শকবাজী দেখা যাচ্ছে, যাদের শক নাই, কলিকাতাতে তারা মানুষের মধ্যে গণ্য নয়। যাদের এক খানি বাগানবাড়ী নাই, তাদের সংসারে কিছুই নাই, (যথারণ্য তথা গৃহং) ফার্ষ্ট ক্লাশ শক—রূপ লাভ্য থাক আর না থাক বাবুর পেট মোটা চাই, ঘরের গিল্লীর সঙ্গে শকের সম্পর্ক অতি অল্প—একটি হলে পুরো শকবাজী হয় না।

এক জাত হলে ও চলেনা ইহুদী সর্ব-প্রধান। কাশ্মিরী তার পর। বিলিতি হলে ভাগ্যের পরিসীমা থাকে না, ইয়ার, মোসাহাব, দুপাঁচ জন সর্বদাই সঙ্গে সঙ্গে মন যুগিয়ে ফেরে। দিনের অধিক সময় ঘুমিয়ে কাটাতে হয়, রাতের বেলা নিশাচর হতে হয়।

বাবু স্বয়ং গান বাজনা জানুন আর না জানুন, বুঝুন আর না বুঝুন, গাওনা বাজনার মজলিস সরগরম রাখতে হবে, যদি বল ফার্ষ্ট ক্লাশ শকে আনন্দ কোথায়? আনন্দ আমোদ প্রমোদ সব বোতলের ভিতর, বোতলের কাঙ্খুলে আনন্দ বের কোরে নিতে হয়। সব বোতলে সমান আনন্দ মেলে না, বোতলের ভিতর কতক গুলি-পলাশপুষ্প, দেখতে সুন্দর গন্ধ নাই, অর্থাৎ খেতে মিষ্টি, দর অধিক, আনন্দ অল্প, কতকগুলি কেতকী ফুল—পাপড়িতে কাঁটা, দেখতে তত সুন্দর নয় কিন্তু বেশ গন্ধ আছে, অর্থাৎ—খেতে মিষ্টি নয়, নাকে চোখে গলায় যা মারে, কিন্তু অপার আনন্দ, কতকগুলি নিমের ফল, আগে তেতো, পরে মিষ্টি, অর্থাৎ জিহ্বায় তেতো লাগে, চোখে মিষ্টি লাগে। এক এক জন “অগস্ত্যমুনি” রাখতে হয় যে এক চুম্ভুড়িতে একটা সহুদ্র শুষ্তে পারে। পাঠক মহাশয়! বিক্রমাদিত্যের নব-রত্নের কথা শুনে থাকবেন, ফার্ষ্ট ক্লাশের বাবুরাও নবরত্ন গুচিয়ে সভা করেন। যিনি সর্বদা কাছে থেকে মন যুগিয়ে জল উঁচু নীচু বলেন, তিনিই সেই সভার **কালিদাস**! অথেরা যাই শুনুক এরকথা

বাবুটির কাণে কালিদাসের কবিতার শ্রাব। বাবু স্বয়ংই প্রধান রত্ন, রত্নমালার মধ্যে মণি। বরাহ মিহির প্রভৃতি অপর কয়জনের, কেহ বাগানবাড়ীর মেনেজার; কেহ চাঁদমুখী-বাগানবাসিনী-প্রেয়সীর খবর বাতী ও সমাচার দাতা; কেহবা বাই, খেমটা মহলের কর্তা; কেহ গায়ক, কেহ বাদক, কেহ কেহ বা সুরসিক বিদুষক। বৈঠকখানাতে তাশ, পাশা, দাবাখেলার উন্নয়ন রাবণের চিতার শ্রাব রাত দিন জ্বলছে।

ইচ্ছা হলো—লাক টাকা জলে ফেলতে হবে, তাই কচ্ছেন, ইচ্ছা হলো ছেলের হাতের সন্দেশ, জিলিপি কেড়ে খেতে হবে, তাতে তিলমাত্র বিলম্ব নাই। এদিগে অনেক দূর সাহেবী আছে, এদিগে প্রথম সেনের (বল্লাল সেন) সামাজিক নিয়মাদি রক্ষা করা আছে, আর দিগে দ্বিতীয় সেনের (উইলসেন) হোটলে গিয়ে খাওয়ার অভ্যাসও আছে। অত্য়দিগে তৃতীয় সেনের (কেশব সেন) গিরজায় মাঝে মাঝে যাওয়ার রীতি আছে। পাঠক মহাশয়! তিন সেন হাতে আছে, এর সঙ্গে আর এক সেন জুটতে পালে এক **হন্দর** মারা হয়। ফার্ষ্ট ক্লাশের সৌখীন লোক আজ কাল কলিকাতায় বড় নাই দুই এক জন আংশিক রূপে আছে। কলিকাতার শকবাজীর দুরবস্থা দেখে **সিন্ধী দাদা** মহা কুন্তীপাক থেকে মাথা উঁচু কোরে উকি মেরে দীর্ঘ নিঃশ্বাস ছাড়ছেন, আর মুচকে হাঁসছেন।

সেকেণ্ড ক্লাশের শকবাজী—দুচার জন

মোসাহাব ও আছে দু এক খানি বাগান-বাড়ীও আছে “ফকীর ও খালি নয় জঙ্গল ও খালি নয়”। যখন বাগান আছে তখন সব আছে, গান বাজনা ও নাচ উপলক্ষে সর্বস্ব খরচ কতে প্রস্তুত। ফার্ষ্ট ক্লাশের সৌখীন বাবুরা কলিকাতা ছেড়ে কোন জায়গায় স্নানযাত্রা কি রথযাত্রায় যাননা। কিন্তু সেকেণ্ড ক্লাশের বাবুরা কোন বিদেশে পর্কের নাম শুনলে অমনি রণ মুখো বীর ও মধু মুখো ভোমরার শ্রাব ছুটে যান, **দাদা** মহাশয় বলেছেন “টাকা কড়ির অকুলন হলে কেবল সূঁ প্রেমে মজে হতভাগী নিরক্ষণের বেটীরা সঙ্গে যায় না বাড়ীর মাসী কি পিসীকে সাজিয়ে নিতে হয়” আজ কাল আর সেদিন নাই ওতে শক-বাজী হয় না ওরূপ কল্পে অধিক বাহবা মেলেনা এখন, আর এক “ফেসন” হয়েছে ফ্রেণ্ডের সহিত বদল কোরে শকবাজী কতে হয়।

থার্ড ক্লাশের শকবাজী—টাকা কড়ির অভাবে ফার্ষ্ট ক্লাশে ঢুকতে যে না পারে, অথচ সেকেণ্ড ক্লাশে যেতে ও ইচ্ছে হয় না তারাই মনের দুঃখে শরীরের জ্বালায়, বিবেকী উদাসীন হয়ে এই ক্লাশে প্রবেশ করেন। এই ক্লাশের এমনি গুণ, ভাল ভাল সাজ পোষাক কতে ইচ্ছে হয় না, পমেটম দিয়ে টেডি বাগান হয় না, আতর গোলাপ, ও ল্যাভেণ্ডার মাখতে ইচ্ছে হয় না, কোন এক জায়গা ঠিক কোরে খবরের কাগজে বিজ্ঞাপন দিয়ে, আর নিমন্ত্রণ পত্র বিলি কোরে কতকগুলি ছোঁড়া জুটিয়ে লিখে, মুখে “লেকচার”

দেওয়া হয়। বাল্য বিবাহ, বিধবা বিবাহ, জাতিভেদ প্রভৃতি লক্ষ্য কোরে কাঁদতে হয়। ছেঁড়া জুতো, ছেঁড়া কাপড় পরে, চুল এলিয়ে, নাকে চসমা দিয়ে ফিল-জফার সেজে রাস্তায় বেড়ান হয়। ওই পল্লীতে এপিডেমিক হয়েছে, অমুক জায়গায় লেখা পড়ার চর্চা নাই, অমুক জায়গায় নাইট স্কুল কলে ভাল হয়-এসব কথা নিয়ে রাত দিন জ্যেঠামি পাকামি। এই গলিতে পাদরি সাহেবদের সঙ্গে ঝগড়া ওই মেলাতে “কসারভেটিব” ব্রাহ্ম মতের পোষকতা, রামমোহন রায় কিছু নয়, বিদ্যাসাগর কিছু নয়, দেশে কিছু হচ্ছে না, এসব কথা নিয়ে সর্বদা গুমর করা হয়। বিনা পরসায়—“চেরেটিতে” লুকিয়ে চুরিয়ে না করা হয়, এমন কুকর্ম সংসারে অতি অল্প আছে। এদের মধ্যে ও অনেক মত ভেদ আছে, কেহ কেহ খ্রীষ্টকে অবতার বলে মানেন। মাতা পিতা ভাই বন্ধু সকলের সঙ্গে সম্পর্ক রাখতে পাপ বোধ করেন। গলার পৈতে ছিঁড়ে ফেলে বাহ্যিক পৌত্তলিকতা হতে মুক্তি লাভ করেন। কেহ কেহ বাড়ীর মায়াও ছাড়েন না, পৈতেও ছেঁড়েন না, হিন্দুরা বোঝে হিন্দুওয়ানীতে বিশ্বাস আছে অনেকে আবার বিশ্বাস নাই বলে জানে। কেহ কেহ আবার এর কিছুই মানে না ঈশ্বর উপাসনা মানেন—ঈশ্বর মানে না। স্ত্রীপূজা, মেয়েপূজা প্রভৃতির প্রতি ভক্তি, এরা এই ক্লাশের মধ্যে ইদানীং বড় প্রধান হয়ে উঠেছে, এদের শক বড় অদ্ভুত, এই ক্লাশে আজ কাল অনেক ছেলে ছোঁড়াকে ঢুকতে

দেখা যায়, হঠাৎ এগুলি শিখতে পারা যায় না। গোপনে নির্জনে জ্যেঠামির তালিম দিতে হয়, আগে বেশ কোরে পাকাম শিখতে পাল্পে পরে প্রকাশ্যে খার্ড ক্লাশের শকবাজি করা যেতে পারে। সেই ছেলেদের জ্যেঠামি তালিম দেওয়ার সভাকে “মঙ্গত” বলা যায়। যাত্রা, পাঁচালি, আখড়াই প্রভৃতি গানের তা-লিমে যেমন একজন অধিকারী অর্থাৎ গুরু থেকে সব শিক্ষা দেয়, সেরূপ মঙ্গতে ও এক এক জন গুরু থেকে ছোঁড়াগিকে আন্তরিক, বাহ্যিক, পারিবারিক, দাম্পত্য বিষয়ক প্রভৃতি বেশ কোরে শিখিয়ে দেয়।

ফোর্থ ক্লাশের শক—যত পাজি পাজরা, সব এই ক্লাশের মধ্যে। এরা পরসায় না থাকার গতিকে মদ কিনে খেতে পায় না, তাড়ি খেয়ে পিত্তি রক্ষা করে। গাঁজা, গুলি, চরস ও সিদ্ধিতে সর্বদা ভক্তি, রোজ ঘাটে পথে লোকের সঙ্গে দাঙ্গা। মাছ ধরা, কুকুর পোষা পিস্তল দিয়ে পাখী শিকার করা, দাঁও, পেঁচ, কুস্তি, ডন্ অভ্যাস কতে বদমাএসদের আড্ডায় ফেরা, আজ সোণাগাজির অমুক জায়গায় বাপান্ত হয়েছে, তারি মুখে ডাঁড়িয়ে * * * হবে, কাল মেছো বাজারের অমুক জায়-গায় চৌদ্দ পুরুষের মুখে পিণ্ডিদান হয়েছে তারি জন্তে গুণ্ডা জুটিয়ে দাঙ্গা কতে যাওয়া হবে। কোথা খেতে হয় কোথা শুতে হয়, কখন খেতে হয়, কখন শুতে হয়, কখন চলতে হয়, কখন বিশ্রাম কতে হয় তার কিছুই ঠিক ঠিকানা নাই।

অনেক কাল পূর্বে ফোর্থ ক্লাশের সোখী-নেরাই হাতীতে চড়ে বন্দুক নিয়ে হরিণ বাঘ শিকার কতে সুন্দর বন প্রভৃতি জায়-গায় যেতো, আজ কাল সেরূপ শকের গুমর নেই বলে তারা এখন ওরূপ শক “এবলিস” করে দিয়েছে। ফোর্থ ক্লাশের হতভাগারাই পাখী শিকার করে করে বন্দুক পিস্তলের মান রেখেছে। এদের গান বাজনার শক নাই, যাত্রা পাঁচালী শুনতে না গিয়ে ডন্গিরের লড়াই ও গুণ্ডার বদমাএসী দেখতে যায়—কখন শক কোরে চুরি, ডাকাতি করে।

ফিফ্থ ক্লাশের শক—এই ক্লাশে যত স্কুল বয় দেখতে পাওয়া যায়। সেই সতী লক্ষ্মীর ঘরের ছেলে গুলিকে ঈশ্বর নিজ হাতে বানিয়েছেন। মাথায় লম্বা টেড়ি, হাতে ছ চার খানি কেতাব, টেকে পরসায় ও পানের খিলি, চোখ ছুটি লাল, দেখলে বোধ হয় যেন পেটের ভিতর স্পিরিটের বাবা ঢুকেছে, প্রত্যহ দশটার সময় প্রায়ই স্কুল ঘর অপবিত্র কতে যাওয়া হয়। “ফ্রেণ্ড” দিগের উপর এত প্রেম যে মেছো বাজারে যাওয়ার আর অবকাশ হয় না। এ ক্লাশে গান বাজনা শিক্ষা হয়ে থাকে। ডন্, কুস্তি, দাঁও পেঁচ, অভ্যাস হয়ে থাকে, কখন টাকা কড়ির অভাব হলে বাপ খুড়োর সিন্দুক, বাকস, ভেঙ্গে না বলে টাকা ধার করা হয়, ছেলের ফ্রেণ্ডদের দৌরায়ে মা বাপের বাড়ী টেকা ভার। ভাল কাপড় চোপড় না দিলে গলায় দড়ি দিয়ে মরবার ভয় দেখান হয়।

সিক্স ক্লাশ—এই ক্লাশে যুবক প্রায় দেখা যায় না, সমুদয় “ওল্ড” হিন্দু। এদের কোন হিন্দুয়ানী পর্ব দিনেই শক একবারে গঙ্গার জোয়ারের মত ফুলে উঠে। নাচ, গান ও আর আর তামাসার প্রতি শক যায় না, কতকগুলি গরিব, হুঃখি, কাণা, খোঁড়া, বৈরাগী, ভাট, রেও, আর ছ চারি ধামা চাল নিয়ে হুড়োহুড়ি, মারামারি, পেটাপিটি, দাঙ্গাদাঙ্গী। এক মুঠো চাল ছড়িয়ে দেয় আর হাজার কেঙ্গালী হুড়োহুড়ি করে খুন জখম হয়ে যায়। কাঁক চোক কানা হয়, কাঁক নাক ভেঙ্গে যায়, কাঁক মুখে রক্ত ওঠে।

শকের বিষয় বিস্তারিত লিখতে গেলে অনেক লিখতে হয়, অনেককে চটাতে হয়, আজ লেখবার সময় নাই, মছেপে কিছু বলা হলো অবকাশমতে ভাল কোরে বিস্তারিত বলা হবে।

গীত।

সুর বাউলে।

হুনিয়া দারি ভোজের বাজি।
তাতে নার কেবল শক বাজি ॥ ধুয়া।
শক নাই যার সেই মরা,
সোখীনের নাই মৃত্যু জরা,
শকের নোকায় সুখেরই ভরা,
হয়গো তাতে সোখীন মাঝী।
শক এমন চিজ, সাধনের বীজ, এক-
বারে মন ঠাণ্ডা করে। গুণা গুণা মণ্ডা
মতিচূর যেন মন্টা করে ॥

শক বিনা কি জুড়ায় প্রাণ, শকে মুক্তি
শকে ভ্রাণ, শকের সিদ্ধি পিঠস্থান হাড়-
কাটা আর সোণাগাজি।

হায় মরি হায়, দিন বয়ে যায়, শক কর
এই বেলা। রস ছড়িয়ে, ভাব গড়িয়ে,
খেলাও শকের খেলা ॥

শকের দিকে ঝুঁকে ঝুঁকে, নেচে বেড়াও
তাল চুঁকে, বাপের টাকা দেও ফুঁকে,
মোমাহেবের সঙ্গে সাজি।

ওরে মন পাজি, শকে হও রাজি,
শোনরে আজি, দয়া করবেন গুরু আর
গাজি। শকে মজ, শকে ভজ রসিকের
এ কার সাজি।

সমালোচনা।

রাজস্থানের ইতিবৃত্ত।*

রাজতরঙ্গিনীই ভারতবর্ষ মধ্যে এক-
খানি ঐতিহাসিকগ্রন্থ। কিন্তু রাজ-
তরঙ্গিনী শুদ্ধ কাশ্মীর প্রদেশের ইতিবৃত্ত
মাত্র স্মরণ্য তাহাকে সমস্ত ভারতবর্ষের
ইতিহাস বলিয়া পরিগণিত করা যাইতে
পারে না। ভারতবর্ষের সমস্ত প্রদে-
শের ইতিহাস সমগ্ররূপে পরিজ্ঞাত
হইতে হইলে অষ্টাদশ পুরাণকেই আমা-
দের সমস্ত ইতিহাসের মূল বলিয়া স্বীকার
করিতে হইবে। কিন্তু দুঃখের বিষয় এই
যে এই একমাত্র ঐতিহাসিক গ্রন্থাবলী এত

* মহাত্মা লেফটেনেন্ট কর্নেল টড প্রণীত
রাজস্থানের ইতিবৃত্ত হইতে সংকলিত।
মিবার প্রথম সংখ্যা। নূতন বাঙ্গালা যন্ত্র
মূল্যচারি আনা।

অসম্ভব বর্ণনায় পরিপূর্ণ যে তাহাকে
কোন প্রকারে ইতিহাস বলিয়া গণনা
করা যাইতে পারে না। কাল ও সময়
নির্দেশই ইতিহাসের ভিত্তি স্বরূপ। সময়
নির্ণয় করিতে পারিলে কোন ঘটনার
যথার্থতা কথঞ্চিৎরূপে সপ্রমাণ করা
যাইতে পারে। যখন অষ্টাদশ পুরাণে
কালের কোন নিদর্শন নাই সেস্থলে পুরাণ
বর্ণিত ঘটনাবলীকে কি প্রকারে সত্য
বলিয়া গ্রহণ করা যাইতে পারে। আমা-
দের ভারতবর্ষের কোন বিশ্বাস যোগ্য
ইতিহাস না থাকাতেই পুরাকালের সমস্ত
ঘটনাই লুপ্ত প্রায় হইয়াছে। মহাভারত
ও রামায়ণ বর্ণিত ঘটনাবলী এত দূর
পরিমাণে অত্যাঙ্কি জালে আবর্তিত যে,
তাহা হইতে সত্য নিষ্কাশন করা অতি
দুরূহ কার্য। ব্যাস ও বাল্মীকি যদি
কিঞ্চিদংশে প্রকৃত স্বভাবের প্রতি দৃষ্টি
রাখিয়া নিজ নিজ গ্রন্থ প্রণয়ন করিতেন
তাহা হইলে আমরা কখনই এই কালে
ঐহাদের গ্রন্থ লইয়া তর্ক বিতর্ক করিতে
পারিতাম না। প্রকৃত ইতিহাসের সহিত
সংশ্লিষ্ট থাকাতেই “হোমর” বর্ণিত ট্রয়ের
যুদ্ধ সত্য বলিয়া পৃথিবীতে গৃহীত হই-
য়াছে। কে বলিতে পারে যে রামায়ণ
বর্ণিত লঙ্কার যুদ্ধ ও হোমর বর্ণিত
ট্রয়ের যুদ্ধ এক মানস সম্ভূত। গ্রিক-
দেশের ইতিহাস বর্তমান আছে বলিয়া
অনেকে অনুমান করেন যে বাল্মীকি
হোমর দৃষ্টি রামায়ণ রচনা করেন।
আমাদেরও যদি কোন ইতিহাস থাকিত
আমরাও তাহা হইলে স্পর্ধা করিয়া

বলিতে পারিতাম যে হোমর বাল্মীকির
গ্রন্থ দৃষ্টি ঐহাদের গ্রন্থ রচনা করিয়াছেন।
ইংরাজেরা ভারতবর্ষের ইতিহাস সমুদ্র
মস্থন করিয়া নানা রত্ন আহরণ করিতে-
ছেন আমরা জড়ের ন্যায় সেই পরকীয়
পরিশ্রমের ফলভোগ করিতেছি। পূর্বেই
কথিত হইয়াছে ভারত বর্ষের প্রকৃত ইতি-
হাস কিছুই নাই। মিল, ফুয়ার্ট, এলফিন-
ফর্টন, মরে, মার্সমান, টামসন, গেরেট
প্রভৃতি মহাত্মারা ভারতবর্ষের যে ইতিহাস
রচনা করিয়া দেশ বিদেশে যশোময়ী হই-
য়াছেন তৎসমুদায়ই অসম্পূর্ণ। মিল ইং-
রাজদিগের বিষয়ই অধিক লিখিয়া গিয়া-
ছেন। ফুয়ার্ট বঙ্গদেশের ইতিহাসই বিস্তীর্ণ
রূপে বিবৃত করিয়াছেন। এলফিনফর্টন
হিন্দুদিগের ও মুসলমানদিগের বিষয়
বিশেষ রূপে লিখিয়াছেন। মরে সমস্ত
বিষয়ই কিছু কিছু লিখিয়াছেন। মার্সমেন
ইংরাজদিগের বিষয় লইয়াই ব্যস্ত। টামসন
পাঠানদিগের ইতিহাস মাত্র লিখিয়াছেন,
তাহা ও নিতান্ত অসম্পূর্ণ, গেরেটের
ইতিহাস মিল ও ফুয়ার্ট, প্রণীত ইতিহাস
সমূহের অনুরূপ মাত্র। স্মরণ্য কোন
ব্যক্তিই কোন প্রদেশের বিশেষ ইতিহাস
লিখেন নাই।

লেফটেনেন্ট কর্নেল টড সাহেব প্রায়
সাত বৎসর কাল পর্যন্ত রাজপুত্র
দেশের “পলিটিকেল এজেন্টের” পদে
অভিষিক্ত ছিলেন। রাজপুত্র দেশের
প্রকৃত ইতিবৃত্ত উদ্ভাবন করাই বোধ হয়
ঐহাদের জীবনের একমাত্র উদ্দেশ্য ছিল।
রাজকার্যের গুরুভারে ঐহাদের মস্তক

সর্বদাই অবনত থাকিত। বিশেষতঃ তৎ-
কালে রাজপুত্রগণ সাতিশয় দুর্দমনীয় ছিল,
স্মরণ্য সে সময়ে সেই দেশের-সেই পূর্ব-
তন ক্ষত্রীয়-বংশ-সম্ভূত রাজপুত্রদিগের
দুর্ভেদ্য মনোভূগ মধ্যে ইংরাজ শাসন,
ইংরাজ রাজনিয়ম সংস্থাপন করা নিতান্ত
অপ্যায়স সাধ্য কার্য ছিলনা। মৃত
মহাত্মা এসমস্ত কার্য করিয়া যে সাবকাশ
পাইতেন বোধ হয় সেই সময়ে এই বিস্তীর্ণ
রাজ্যের ইতিবৃত্ত সংগ্রহ করিতেন। ভারত-
বর্ষের সমস্ত প্রদেশের মধ্যে রাজস্থানের
ইতিবৃত্ত অতীব প্রয়োজনীয়। রাজপুত্র-
গণ অনেকেই সেই পূর্বতন ক্ষত্রীয়দিগের
সন্তান সন্ততি। সেই যুধিষ্ঠির, অর্জুন,
ভীম, দুর্ভোজন, দুশ্যাসন, কর্ণ, ভীষ্ম,
প্রভৃতি বিখ্যাত নামা ক্ষত্রকুল তীলকদি-
গের শোণিত অদ্যাবধি অধুনা তমর জ-
পুত্রগণের শরীরে বহমান রহিয়াছে।
রাজপুত্রদেশ সমস্ত ভারত বর্ষের আকর।
রাজপুত্রগণ পুরুবর কাল হইতে অদ্যা-
বধি সমস্ত জাতীয় সেনানী কার্যে নিবিষ্ট
আছে। পূর্বকালীন রোমক জাতীয়দিগের
যেরূপ দিথিয়া, এথিনিয়ন জাতীয়দিগের
যেরূপ স্পাটা—গ্রিক জাতীয়দিগের যে-
রূপ ফিনিসিয়া মাদিডোনিয়ানদিগের
যেরূপ থিবস্ অধুনা তন ইংরাজদিগের
যেরূপ আরলেণ্ড, কমিয়ানদিগের যেরূপ
পোলেণ্ড জার্মানদিগের যেরূপ ব্যাভে-
রিয়া ভারতবর্ষেরও সেইরূপ রাজ-
পুত্রদেশ সৈন্য নিবেশের স্থল। রাজ-
পুত্রগণ অসীম সাহসী, অক্ষুর রণদক্ষ,
নিতান্ত বিশ্বাসী। বোধ হয় তাহাদের

ন্যায় বিধানের পাত্র আর কুত্রাপি নাই।

টউ সাহেবের ইতিহাসের বিষয় (মূলের) আমরা কিছুই বলিতে ইচ্ছা করিনা। অনুবাদক মহাশয়কে আমরা দুই একটা কথা না বলিয়া এই প্রস্তাব শেষ করিতে পারিলাম না।

টউ সাহেব একজন বিদেশী, এতদেশীয় লোকদিগের আচার ব্যবহার ও প্রকৃতি তিনি যে সম্যকরূপে উপলব্ধি করিয়াছিলেন তাহা আমরা স্বীকার করিনা। তাঁহার কতকগুলি অসুবিধা ছিল। তিনি একে বিদেশীয়, তৎকালে রাজপুত্র দেশের অবস্থা অতীব বিশৃঙ্খল, ভারতবাসীরা স্বভাবতঃ তত্ত্ব জুগুপ্সু স্মতরাং তথ্যানু-সন্ধান ও ইতিহাস সংগ্রহ বিষয়ে তাঁহার যৎপরোনাস্তি পরিশ্রম হইয়াছিল। একারণেই তদ্রচিত গ্রন্থে যে কিছু দোষ দেখা যায় তৎসমুদয়ই মার্জ্জনীয়। কিন্তু, অনুবাদকের সেই সমস্ত অসুবিধা কিছুই নাই। তাঁহার সমুখে টউ সাহেবের বিস্তীর্ণ ইতিহাস—টউ সাহেবের পরেও অনেক মহাত্মা ভারতবর্ষের অনেক ইতিহাস লিখিয়াছেন এসমস্ত সুবিধার স্থলে গ্রন্থকার যে শুদ্ধ টউ সাহেবের গ্রন্থ দেখিয়া রাজস্থানের ইতিহাস প্রকটন আরম্ভ করিয়াছেন তাহা অত্যন্ত দুঃখের বিষয়। টউ সাহেবের গ্রন্থের দোষও আছে গুণও আছে যথার্থীতিক অন্ধের ন্যায় সেই সমস্ত অনুবাদ না করিয়া স্থানেই নিজমত সহকারে ও পারসিক প্রভৃতি অন্যান্য ইতিহাস দৃষ্টে রাজস্থানের

ইতিহাস লেখাই দেশহিতৈষি মাত্রেয় প্রধান কার্য। আমরা ভরসা করি অনুবাদক ভবিষ্যতে কিঞ্চিৎ পরিশ্রম স্বীকার করিয়া রাজস্থানের অপরাপর স্থানের ইতিহাস রচনা করিবেন। অনুবাদকের বিষয় আর কিছু না বলিয়া তাঁহার গ্রন্থ হইতে কিয়দংশ উদ্ধৃত করিয়া দিলাম পাঠক বর্গ তাঁহার রচনার দোষগুণ বিবেচনা করুন।

“বাপ্পার বাল্যকাল সম্বন্ধে অনেক আশ্চর্য্য প্রবাদ প্রচলিত আছে। বাপ্পা যদিও সূর্য্যবংশীয় রাজপুত্র, তথাচ অবশ্য-নুরোধে প্রতিপালক ব্রাহ্মণগণের গোচ-রণ করিতেন। কথিত আছে, একদিন শরৎকালে গোচারার্থে কানন মধ্যে গমন করিয়া বাপ্পা এককালে ছয় সাত কুমারীর পাণিগ্রহণ করিয়াছিলে। হিন্দু-স্থানের বালক বালিকাগণ শিশু-দোলায় আরূঢ় হইয়া ঝুলনা খেলা করিত থাকে। তদনুসারে নাগেন্দ্র গণের শোলাকী বংশীয় রাজপুত্র রাজার কুমারী কন্যা তথাকার অস্থান্য বালিকাগণের বন মধ্যে ঝুলনা খেলিতে আসিয়াছিলেন। কিন্তু ঘটনাক্রমে তাঁহাদের দোলা বান্ধিবার রজ্জু ছিল না। বাপ্পাকে দেখিয়া কন্যাগণ তাঁহার নিকট রজ্জু প্রার্থনা করিলে বাপ্পা কহিলেন, অগ্রে তাঁহার সহিত “বিবাহ খেলা” না খেলিলে রজ্জু দিবেন না। বালিকাগণের নিকট সব ক্রীড়ার তুল্য সমাদর; স্মতরাং তৎকালে বাপ্পার ইচ্ছানুসারে বিবাহ খেলা বলিতে আরম্ভ করিল। রাজকন্যাগণ বাপ্পার পরিধেয় বসন গ্রন্থি-বন্ধন করিয়া কুমারীগণ হাত ধরাধরি করিয়া প্রথানু-সারে বাপ্পাকে সাতবার প্রদক্ষিণ করিল।

হালিসহর পত্রিকা।

পাঞ্চিক পত্রিকা।

১৯৩০]

ভাদ্র মন ১২৭৯ সাল

[১০ম সংখ্যা]

মহাযন্ত্র বিষয়ক বক্তৃতা।

(পূর্বে প্রকাশিতের পর)

তবে এরূপ হইতে পারে যে সংস্কৃত অতি দুর্লভ ভাষা, এবং তৎকালে সর্ব-সাধারণ মধ্যে তাহার তাদৃশ আলোচনা হইত না। স্মতরাং মুদ্রাযন্ত্রেরও আবিষ্কার হইত না। কিন্তু ইহা কে না মুক্ত-বুদ্ধি করিবেন যে ভারতবর্ষে তৎকালে হইতে “ছিত” ছাপিবার আবিষ্কার হইত। এরূপ জ্ঞান-প্রদায়ক যন্ত্র, সত্যসংগ বলিরাজা অধি-

শাসন করিতেন।

হউন প্রমাণিত করা যাইতে প

হিন্দু

হইয়াছেন তাহার যে সকল প্রমাণ প্রযুক্ত হইয়া থাকে, তন্মধ্যে তাহাদিগের শিল্প-নৈপুণ্য এক প্রধান প্রমাণ বলিয়া গণ্য হয়। দুই সহস্র বৎসরেরও পূর্বে সুবিখ্যাত রোমীয়দিগের উন্নতি-সময়ে তাহারা ঢাকাই বস্ত্রের প্রশংসা করিত। ছীট বিষয়েও পূর্বে হিন্দুদিগের এই প্রকার গরিমা ছিল। ভারতবর্ষীয় ছীট পৃথিবীর সর্বত্র ছীটের আদর্শ বলিয়া বিখ্যাত হইত।* অতএব ইহাতে স্পষ্ট প্রতীয়মান হইতেছে যে ছিপিখানা অতি প্রাচীন কালাবধি আমাদের দেশে প্রচলিত আছে। ছিপিখানার সহিত ছাপাখানার সৌমাদৃশ্য থাকা প্রযুক্ত ইহাকে তৎকালোদ্ভব বলিয়া প্রতীতি হয়। অপিচ ছাপাখানা যে আমা-
'দেশে ইংরাজ রাজত্বকালের অনেক

* বিবিধার্থ-সংগ্রহ, ৪র্থ পর্ক, ৪৫ খণ্ড, ১৯৩ পৃষ্ঠা।

পূর্বে ছিল তাহা নিম্নে প্রকাশ করা যাইতেছে:—

প্রথমতঃ, মনে করুন আমরা এক স্থানে ব্যক্তিচতুর্নয় উপবেশনান্তর আমোদ প্রমোদ করিতেছি, এমত সময় সহসা অপর এক ব্যক্তি তথায় উপস্থিত হইয়া আমাদের সহিত বাক্যালাপে প্রবৃত্ত হইলেন। আগন্তুক ব্যক্তি প্রথম ব্যক্তিকে জিজ্ঞাসা করিলেন, “মহাশয়, আপনার নাম কি? কি কাজ কর্ম করা হয়।” তিনি উত্তর করিলেন, “আমার নাম ‘—’ আমি রবার্টসেন্ হারপারের দোকানে রাইটরগিরি করিয়া থাকি।” দ্বিতীয় ব্যক্তিকে এইরূপে জিজ্ঞাসা করাতে তিনি বলিলেন, “আমার নাম ‘—’ আমি রবার্টসেন্ কোম্পানির জুতার দোকানে কাজ করি।” তৎপরে তৃতীয় ব্যক্তি জিজ্ঞাসিত হইয়া উত্তর করিলেন, “আমার নাম ‘—’ আমি রেলওয়ে কোম্পানির আপিসের রাইটর।” অবশেষে আগন্তুক ব্যক্তি চতুর্থ ব্যক্তির সহিত বাক্যালাপে প্রবৃত্ত হওয়াতে তিনি এইরূপ উত্তর করিলেন, “মহাশয়, আমার নাম ‘—’ আমি ছাপাখানায় কাজ করিয়া থাকি।” সভ্য মহাশয়গণ! যেমন তিনি ছাপাখানা শব্দ উল্লেখ করিয়াছেন— যেমন সেই বাক্য জিজ্ঞাসু ব্যক্তির প্রতি- বিবরে প্রবেশ করিয়াছে—অমনি তাঁ অস্তঃকরণে তুচ্ছতাচ্ছল্যের উদয় হইল। অমনি তিনি এক প্রকার মুখভঙ্গি করিলেন—“ছা-পা-খা-না!” স এক্ষণে আপনারা বিবেচনা করি-

ছাপাখানা বলিবামাত্রই সে ব্যক্তির হৃদয়- ভাবতরে এতদূশ ভাব সঞ্চারের মূলীভূত কারণ কি? মুদ্রাযন্ত্র-বিষয়ক জ্ঞান কি এত হীন, এত নিরুফ, যে তাহা শিক্ষা করিতে বিছা বুদ্ধির লেশমাত্রও প্রয়োজন করে না? তবে “ছাপাখানা” শব্দটী একবার উচ্চারিত হইলে আর তাহাতে গুরুত্ব থাকে না কেন? মুচির দোকানে রাইটরগিরি এবং গাড়োয়ানের নিকট দাসত্বশৃঙ্খলে বদ্ধ থাকি অপেক্ষা কি ছাপাখানার কার্য এত হেয়?

সভ্যগণ! পূর্বোক্ত কারণে আ- মার এরূপ বোধ হয় যে ছাপাখানা এদেশে হৃতন নহে, উহা ইংরাজে ভারতবর্ষে আগমন করিবার বহুকাল পূর্বে প্রচলিত ছিল। সময়ে কো- প্রকার উপপ্লবে তাহা বিলুপ্ত হই- গিয়াছে; কিন্তু ছিপিখানা আজমক- বর্তমান থাকাতে ছাপাখানার যে- মহাত্ম্য তাহা তাহাতেই বিলীন হই- য়াছে। এজন্ত সর্বসাধারণে ছাপা- খানার কার্যকে অতি হেয় জ্ঞান করিয়া রাখিয়াছেন। বস্তুতঃ ছাপাখানায় যদি অনেক সামান্য সামান্য লোক কার্য করে বটে, কিন্তু রেলওয়ে, রবার্টসেন্ স্মেমেকা- ও রাইটরগিরি বলিলেত স্বভাবতঃ কাহারো মনে তাদূশ ভাবের সঞ্চার হইতেছে।

ইতি-
র-নিকট
শা-দর

রতবর্ষে

মুদ্রাযন্ত্র ছিল তাহার একটী অখণ্ড প্রমাণ এস্থলে উদ্ধৃত করা গেল—গত ১লা মার্চের **জেণ্টেলম্যানস্ মাগ্যাজিন** নামক ইংরাজি পত্রিকাতে প্রকাশিত হইয়াছে যে সহস্র বৎসর পূর্বে ভারতবর্ষে মুদ্রাযন্ত্রের ব্যবহার প্রচলিত ছিল। ওয়ারেন হেষ্টিং- মের ভারতবর্ষের রাজ্যকালীন বারানসী জেলার এক স্থলে দেখা যায় যে মৃত্তিকার কিছু নিম্নে পশমের গায় অংশাল একরূপ পদার্থের একটী স্তর রহিয়াছে। মেজর বেক তথায় উপস্থিত হন এবং সে স্থান খনন করিয়া দেখা যায় যে তথায় একটী খিলান রহিয়াছে এবং খিলানের মধ্যে অনুসন্ধান দ্বারা প্রকাশ হয়, যে তথায় একটী মুদ্রাযন্ত্র ও স্বতন্ত্র স্বতন্ত্র অক্ষর ও অক্ষরাবলি মুদ্রাঙ্কনের নিমিত্ত সাজান রহিয়াছে। মুদ্রাযন্ত্র ও অক্ষর পরীক্ষা দ্বারা সিদ্ধান্ত হয় যে, সে সকল একালের নয়, অন্যান্য সহস্র বৎসর পূর্কের হইবে।

সভ্যগণ! এক্ষণে আপনারা শুনিলেন যে জননী ভারতভূমী মধ্যে এক সময়ে মুদ্রাযন্ত্র ছিল। যদিচ পুরাকালের কোন মুদ্রিত গ্রন্থ দৃষ্টিগোচর হয় না; কোন গ্রন্থে মুদ্রাযন্ত্রের নাম গন্ধও নাই, এবং অবগতির নিমিত্ত অত্র কোন উপায়ও ছিলনা; কিন্তু একমাত্র গবেষণা দ্বারা তাহা প্রকাশিত হইল, অতএব এই- রূপে ভারতবর্ষীয়েরা এক সময়ে কীদূশ সুখ সৌভাগ্যশালী ছিলেন, তাহার ভূরি ভূরি প্রমাণ প্রাপ্ত হওয়া যাইতে পারে তাহার আর বিচিত্র কি?।

এক্ষণে দুঃখের বিষয় এই যে আমরা

মাতৃসম্পত্তি তিলান্ধ ও প্রাপ্ত হই নাই। আমরা যে বর্তমান মুদ্রাযন্ত্র ও মুদ্রাযন্ত্র সম্পর্কীয় নানাপ্রকার উপকরণ সম্ভোগ করিতেছি তৎসমুদায় ইংরাজেরেরা আমাদের দেশে আনয়ন করিয়াছেন; এবং যে বাঙ্গালা ও সংস্কৃত মুদ্রাঙ্কর আমরা ব্যবহার করিতেছি তাহাও তাঁহাদের আনুকুল্যে সৃষ্টি হইয়াছে। ১৭৭৮ খ্রীষ্টাব্দে সর্বপ্রথম আমাদের দেশে বাঙ্গলা মুদ্রাঙ্কর ব্যবহার হয়। মার্চার এনড্রুস্ নামক জর্নৈক পুস্তক-বিক্রেতা হুগলীতে একটী মুদ্রাযন্ত্র স্থাপিত করেন, তথায় হেলহেড্ সাহেবের বাঙ্গালা ব্যাকরণ প্রথম মুদ্রিত হয়। ইতি- পূর্বে বাঙ্গালা মুদ্রিত পুস্তকাদি কিছুই ছিলনা, এবং বাঙ্গালা মুদ্রাঙ্কর কিরূপে প্রস্তুত করিতে হয় তাহাও কেহ অবগত ছিলেন না।* অতঃপর মার্চার উইল- কিন্স (যিনি সার্ চারলস্ নামে খ্যাত) সাহেব বহুযত্ন সহকারে বাঙ্গালা মুদ্রাঙ্কর প্রস্তুত করিবার দ্বারোদ্ঘাটন করিয়া বঙ্গ- দেশের অপরিমিত উপকার সাধন করিয়া গিয়াছেন। অতএব সেই মহাত্মাকে বাঙ্গালা মুদ্রাঙ্করের আদি সৃষ্টিকর্তা বলিয়া অবশ্য স্বীকার করিতে হইবে। তিনি এক জন সামান্য ব্যক্তি ছিলেন না ইতিহাস কো- ম্পানির সিবিল সার্ভিস পরীক্ষার এক জন মেম্বর ছিলেন, এবং এতদেশীয়-বিবিধ ভাষায় পারদর্শিতা লাভ করিয়াছিলেন। তাৎকালিক গবর্ণমেন্টে ওয়ারিন্

* See the Life and Times of Carey, Marshman, and Ward. Vol. I., p. 70.

হেক্টিংস সাহেবের আনুকুল্যে তিনিই প্রথমতঃ সংস্কৃত ভগবৎগীতা ইংরাজিতে অনুবাদ করিয়া ইউরোপের বিজ্ঞসমাজে প্রচার করেন। বাঙ্গালা সাহিত্যের উন্নতি কল্পে তিনি এতাদৃশ আগ্রহ ও যত্ন প্রকাশ করিয়াছিলেন যে ছয় সাত বৎসর কাল এতদেশে অবস্থিতি করণানন্তর স্বয়ং মুদ্রাক্ষরের ছেনী প্রস্তুত করিতে অভ্যাস করিয়া স্বহস্তে এক সেট বাঙ্গালা মুদ্রাক্ষর প্রস্তুত করেন। অতঃপর সোপা-জিত ছেনী প্রস্তুত পন্থা এতদেশীয় পঞ্চানন কর্মকার নামে এক ব্যক্তিকে শিক্ষাইয়া দেন। এই ব্যক্তি বাঙ্গালা-মুদ্রাক্ষর-প্রস্তুত-বিদ্যা স্বপ্নকাল মধ্যে সুচারুরূপে শিক্ষা করিয়া বঙ্গদেশের যে কি পর্যন্ত উপকার সাধন করিয়া গিয়াছেন তাহা এক মুখে ব্যক্ত করা সুদূরপর্যায়। তিনি উক্ত বিদ্যা শিক্ষা করাতে বাঙ্গালা মুদ্রাক্ষরের আর অসম্ভাব রহিল না। সুতরাং বাঙ্গালা ভাষার উন্নতি-শ্রোত একেবারে চতুর্দিকে প্রবাহিত হইতে লাগিল। মাফটার হেল-হেডের বাঙ্গালা ব্যাকরণ মুদ্রিত ও প্রকাশিত হইবার অব্যবহিত পরেই সার্. ইলাইজা ইম্পী লিখিত ইংরাজি ব্যবস্থা সকল মাফটার জনেখন ডনকেন* দ্বারা বাঙ্গালা ভাষায় অনুবাদ হইয়া ১৭৮৫ খ্রীঃ অঃ “কোম্পানীর প্রেস” নামক যন্ত্রে মুদ্রিত হয়। কিন্তু এতাবৎকাল

* ইনি অতঃপর বোম্বাই নগরে গভর্ণ-রের পদে অধিবক্ত হইলেন।

অর্থাৎ বাঙ্গালা মুদ্রাক্ষর সৃষ্টির দিবস হইতে সাত বৎসর কাল বাঙ্গালা মুদ্রাক্ষরের কিঞ্চিৎ উন্নতি দৃষ্টিগোচর হয় নাই। অতঃপর যখন কণওয়ালিসের ১৭৯৩ সালের ব্যবস্থা মাফটার ফর্টর সরল ও চলিত বাঙ্গালায় অনুবাদ করিয়া যে গ্রন্থ উপরোক্ত যন্ত্রে মুদ্রিত করেন, তাহাতে যে সকল অক্ষর ব্যবহৃত হয়, তাহা পঞ্চানন নূতন এক সেট ছেনী নির্মাণ করিয়া প্রস্তুত করেন। সেই মুদ্রাক্ষর তৎকালে উৎকৃষ্ট বলিয়া সকলের নিকট আদরণীয় ছিল। অবশেষে বাঙ্গালা মুদ্রাক্ষরের যতদূর উন্নতি তাহা শ্রীরামপুর নামক স্থানে সংসিদ্ধ হইয়াছে। আমরা এপর্যন্ত সেই উন্নতিরফল সম্বোধন করিতেছি। (সীসক গলাইয়া সভ্যগণের বর্তমান মুদ্রাক্ষর ঢালাই প্রথা প্রদর্শন ও সকলের কোঁতুহল প্রকাশ।)

বাঙ্গালা মুদ্রাক্ষরের সৃষ্টি হইলে পর ১৮০৩ খ্রীষ্টাব্দের প্রারম্ভে দেবনাগর মুদ্রাক্ষরের সৃষ্টি হয়। যে ভাষার সমান সুমধুর ভাষা ভূমণ্ডলে আর কুত্রাপি দৃষ্টিগোচর হয় না—যে ভাষা ঈশ্বর প্রদত্ত বলিয়া খ্যাত—এমন উৎকৃষ্ট ভাষা মুদ্রাক্ষরাভাবে অন্ধের শ্রায় অবস্থিতি করিতেছিল। পরে যখন শ্রীরামপুরস্থ মিসনারিগণ এতদ্বিষয়ে সচেষ্টি হইয়া দেবনাগর মুদ্রাক্ষর সৃষ্টি করাইলেন, তখন যে কি পর্যন্ত ভারত-বর্ষের উপকার সাধন করিলেন তাহা বলিয়া শেষ করা যায় না। ১৮০০ খ্রীষ্টাব্দে মিসনারিগণ প্রথমে শ্রীরামপুরে মুদ্রাযন্ত্র স্থাপিত করেন। সে যন্ত্র অজ্ঞাবধি বর্তমান রহিয়াছে। উক্ত যন্ত্র স্থাপিত হইলে

বৎসর কাল পরে সার্. চার্লস ওয়েল-কিনসের শিষ্য পঞ্চানন কর্মকার এক্ষণে উল্লিখিত মিসনারিগণ মহাশয়দিগের ছাপাখানায় কার্য করিবার মানসে উপস্থিত হন। সুবিখ্যাত পাদরি কেরি সাহেব সেই সময়ে এক খানি সংস্কৃত ব্যাকরণ আহরণ করিয়া মুদ্রাক্ষরাভাবে প্রযুক্ত করিয়া তৎকার্য সংসিদ্ধ হইবে এইরূপ চিন্তা করিতে ছিলেন। ইত্যবসরে তিনি পঞ্চাননের আগমন সন্দর্শনে পুলকিত হইয়া তৎক্ষণাৎ তাঁহাকে তৎকার্যে নিযুক্ত করিলেন। পঞ্চানন স্বপ্নকাল মধ্যে অল্পেই ছেনী প্রস্তুত করিয়া ফেলিলেন, কিন্তু দেবনাগর একটা সামান্য ভাষা নহে, ইহাতে স্বতন্ত্র স্বতন্ত্র ৭০০ শতাধিক ছেনী আছে; এবং সেই সকল ছেনী এক জনের দ্বারা প্রস্তুত করিতে হইলে বহুকালের আবশ্যিক। এজন্য তাঁহার জামাতা মনোহর কর্মকারকে উক্তকার্যে প্রবর্তিত করা হয়। এই যুবা এতদকার্যে বিশেষ শি্পনৈপুণ্য প্রকাশ করেন। মিসনারিগণ তৎপরে তাঁহাকে শ্রীরামপুরস্থ মুদ্রাযন্ত্রে একেবারে চত্বারিংশৎ বৎসর কাল নিযুক্ত করিয়া রাখিয়াছিলেন। মুদ্রাক্ষরনির্মাতা মনোহর বাঙ্গালা, দেবনাগর, পারস্য, আরবি, চিনে ও নানাবিধ মুদ্রাক্ষর প্রস্তুত করণানন্তর বঙ্গদেশের বহুল মুদ্রাযন্ত্রে যোগাইয়া যে কি পর্যন্ত উপকার সাধন করিয়া গিয়াছেন তাহা বলা বাহুল্য মাত্র। বঙ্গদেশ এক প্রকার তাঁহার নিকট কৃতজ্ঞতা পাশে বদ্ধ আছেন, অবশ্য স্বীকার করিতে হইবে। তাঁহাকে আমাদের দেশের কেম্-

লন বা ফিগিন্স বলিলেও হয়।

এদিকে যেমন বাঙ্গালা ও দেবনাগর মুদ্রাক্ষরের সৃষ্টি হইল, অমনি তৎসঙ্গে বাঙ্গালা সংবাদ পত্রেরও প্রচার আরম্ভ হইতে লাগিল। ১৮১৮ খ্রীষ্টাব্দের এপ্রিল মাসে শ্রীরামপুরে প্রথমতঃ মিশনারি মার্শমান সাহেব কর্তৃক “দিগদর্শন” নামক এক খানি বাঙ্গালা মাসিক সংবাদ পত্র প্রকাশিত হইয়াছিল। উহাতে ঐতিহাসিক প্রবন্ধ ও নানাবিধ সংবাদ প্রকটিত হইত। ঐ দিগদর্শনের দুই সংখ্যা বহির্গত হয়। পরে উহা “সমাচারদর্পণ” নামে সাপ্তাহিক পত্ররূপে পরিণত হইয়াছিল।*

“সমাচারদর্পণ” বহির্গত হইবার কিছুকাল পরে “তিমিরনাশক” নামক আর একখানি সংবাদ পত্র কলিকাতায় প্রকাশিত হয়। এক জন এতদেশীয় ব্যক্তি উহার প্রচার করেন। ঐ পত্র স্বপ্নকাল মাত্র জীবিত ছিল।

কিয়ৎকাল পরে “সমাচার চন্দ্রিকার” প্রচার আরম্ভ হয়। উক্ত প্রাচীনতম সংবাদ পত্র দেশের হিতসাধনোদ্দেশ্যে সকল বিষয় বিপত্তি অতিক্রম করিয়া এপর্যন্ত বন্ধে জীবিত রহিয়াছে। স্বর্গীয় ভবানীচরণ বন্দ্যোপাধ্যায় উহার জন্মদাতা। অধুনা বিদ্যালোচনা এবং সংবাদ পত্রাদির এত উন্নতি হইয়াছে যে, পূর্বের সাহিত্য এক্ষণকার অবস্থা তুলনা করিলে যুগান্তর বলিয়া বোধ হয়।

* See The Life and Times of Carey, Marshman, and Ward., Vol. II., p. 163.

সভ্যগণ! এক্ষণে আপনারা মুদ্রায়ন্ত্রের কেমন উন্নতির অবস্থা দর্শন করিতেছেন। এক্ষণে আর সে অসম্ভাবের কাল নাই। এক্ষণে মাসে মাসে, সপ্তাহে সপ্তাহে এবং দিনে দিনে কত শত বাঙ্গালা পুস্তক ও সংবাদ পত্রাদি মুদ্রিত হইয়া প্রকাশিত হইতেছে। এক্ষণে ইংলণ্ড হইতে আমাদের দেশে পর্যাপ্ত পরিমাণে মুদ্রায়ন্ত্র, মসী, কাগজ এবং মুদ্রায়ন্ত্র সম্পর্কীয় বিবিধ প্রকার দ্রব্য সামগ্রী আসিতেছে। আমরা তাহার যথাযথ মূল্য প্রদান করিয়া তদ্বারা আমাদের মুদ্রাঙ্কন কার্য এক প্রকার সুচারুরূপে সম্পন্ন করিতেছি। আমাদের আর তজ্জ্ঞ কোন প্রকার আয়াস স্বীকার করিতে হইতেছে না, মস্তিষ্ককেও বিলোড়ন করিতে হইতেছে না এবং তজ্জ্ঞ কোন উদ্ভাবনী-শক্তিরও প্রয়োজন নাই। ইংরাজেরেরা আপনাদের মার্জিত বুদ্ধিকৌশলে মুদ্রায়ন্ত্র সম্পর্কীয় বিবিধ প্রকার উপকরণের চূড়ান্ত উন্নতি সংসাধন করিয়া রাখিয়াছেন। কেবলমাত্র আমাদের তাহা ব্যবহার করিলেই হয়। কিন্তু সভ্যগণ! ইহা আমাদের বিষম ভ্রম। কারণ ইংরাজদিগের মুদ্রায়ন্ত্র সম্পর্কীয় যাহা যাহা প্রয়োজন তৎতৎবিষয়ে তাঁহারা অপরিদীম সংস্কার ও উন্নতি সাধন করিয়াছেন, যথা, মুদ্রায়ন্ত্র, বিবিধ রঙের মসী, কাগজ, অস্থায়ী মুদ্রায়ন্ত্র সম্পর্কীয় উপকরণ, ইত্যাদি; কিন্তু যাহাতে তাঁহাদের বিশেষ প্রয়োজন নাই, তাহার উন্নতি কেপ কেন তাঁহারা হস্তক্ষেপ করিবেন? যেমন বাঙ্গালা মুদ্রাঙ্করের আবশ্য-

কীয় সংস্কার ও তদুপযুক্ত “কেশ” অর্থাৎ অক্ষরাধার।

এস্থলে কেহ কেহ বলিতে পারেন বাঙ্গালা মুদ্রাঙ্করের আবার উন্নতি কি? বাঙ্গালা মুদ্রাঙ্কর ত বিবিধ প্রকার রহিয়াছে। ডবল গ্রেট প্রাইমার, ডবল পাইকা, গ্রেট প্রাইমার, ইংলিস, পাইকা, এম্মল পাইকা, বর্জেস এবং ত্রিভিয়া। অবয়ব ভাগ সংযোজন করিবার নিমিত্ত ইংলিস, পাইকা এবং এম্মল পাইকা রহিয়াছে। টিকার জন্ত ছোট ছোট অক্ষর অর্থাৎ বর্জেস ও ত্রিভিয়া রহিয়াছে এবং শীরনামের জন্য দোভাষি এবং গ্রেট রহিয়াছে। উপাধি পত্র (Title page) সাজাইবার জন্য ৫।৬। প্রকার অক্ষর রহিয়াছে। তবে আবার বাঙ্গালা মুদ্রাঙ্করের জন্য ভাবনা কি? আর দেখা যাইতেছে কোন একটি বিষয় রচনা করিয়া মুদ্রায়ন্ত্রে প্রেরণ করিলেই অচিরকাল মধ্যে তাহা পুস্তকাকারে প্রকাশিত হইয়া থাকে। তবে আবার আমাদের দেশের মুদ্রাঙ্কন বিষয়ে কিসের অসম্ভাব?

সভ্য মহাশয়গণ! ইহা সত্য বটে, আপনারা নানা পুস্তকের চাকচিক্য দর্শনে এক প্রকার বিমোহিত হইয়া রহিয়াছেন, কিন্তু যতপি আপনারা একবার ইহার অন্তরসারের প্রতি দৃষ্টিপাত করেন, তাহা হইলে বুঝিতে পারিবেন যে আমাদের মুদ্রাঙ্কর ও অক্ষরাধার (Case) এ উভয়ই কীদৃশ হীনাবস্থাপন্ন হইয়া রহিয়াছে। ইহার জন্ত আমাদের কতদূর শারীরিক ও মানসিক পরিশ্রম স্বীকার

করা কর্তব্য—ইহার জন্ত কতদূর উদ্ভাবনী শক্তির প্রয়োজন। এক্ষণে যেরূপ প্রণালীতে বাঙ্গালা মুদ্রাঙ্কর প্রস্তুত হইতেছে ও যেরূপ প্রণালীতে অক্ষর সকল ‘কেশে’ সাজান হয়, তাহা যে নিতান্ত বিশৃঙ্খল ও অশুদ্ধ, ইহা কোন্ ব্যক্তি না মুক্ত কণ্ঠে স্বীকার করিবেন? পৃথক পৃথক মুদ্রায়ন্ত্রাণয়ে ভিন্ন ভিন্ন প্রকার অক্ষর রাখিবার ধারা। কাহার সহিত কাহার ঐক্যতা নাই—নানা প্রকার পার্থক্য, একে ইংরাজি মুদ্রাঙ্কর রাখিবার ঘরে বাঙ্গালা মুদ্রাঙ্কর রাখিবার প্রথা চলিয়া আসিতেছে, তাহাতে আবার অক্ষরাধারে অক্ষর রাখিবার একটা সর্ববাদী সম্মত সুপ্রণালীসিদ্ধ নিয়ম নাই। অপর অক্ষর-নির্মাণ প্রণালীতেও অনেক অপরিশুদ্ধতা বিদ্যমান রহিয়াছে। এতন্নিবন্ধন অস্বদেশীয় মুদ্রাঙ্কন বিষয়ে যে কীদৃশ প্রতিবন্ধক জন্মিয়া রহিয়াছে, তাহা কেহ লক্ষ্য করিতেছেন না। পূর্বকথিত মার্স চার্লস্ উইল্কিন্স মহোদয় যেরূপ তৎকালোপস্থিত কার্যগত অসংস্কৃত প্রণালী প্রদর্শন করিয়া গিয়াছেন, তাহাই আবহমান কাল চলিয়া আসিতেছে। যন্ত্রাধ্যক্ষেরা কিরূপে স্ব স্ব মুদ্রায়ন্ত্রাণয়ে লাভ হইবে তাহার প্রত্যাশায় বিব্বল হইয়া রহিয়াছেন, কিন্তু কাহাকেও অস্বদেশীয় অপরিপক্ক মুদ্রাঙ্কনের সংস্কারের প্রতি দৃষ্টিপাত করিতে দেখিতেছি না। ইহা কি সামান্য পরিতাপের বিষয় যে অনেকে চিন্তা করেন না ও জানেন না যে পূর্বোক্ত বিষয়দ্বয়ে কতদূর উন্নতি সাধন করা আবশ্যিক। যন্ত্রাধ্য-

ক্ষেরা যতপি এতৎসম্বন্ধে দৃঢ়পারিকর না হইয়েন, তবে আর কে হইবে? বাঙ্গালা গ্রন্থকর্তাদিগেরও এতৎসম্বন্ধে উদাস্য প্রকাশ করিলে চলবে না; কারণ উভয় পক্ষের সংযোগ ব্যতিরেকে এই সুমহৎ কার্য সংসিদ্ধ হওয়া সুকঠিন।

সভ্যগণ! আমাদের দেশের বর্তমান মুদ্রাঙ্কনের অবস্থায় কোন প্রকার গুরুতর কার্য সুসম্পন্ন হইতে পারে কি না, আলোচনা করিয়া দেখুন। অধুনাতন যাহারা মাতৃভূমির উন্নতি করিয়া বিব্রত, তাঁহারা যদিও কোন এক দিন “ইংলিসম্যান” অথবা “ডেলিনিউস” নামক ইংরাজি পত্রিকা সদৃশ বহুদাকারের প্রাত্যহিক বাঙ্গালা সংবাদ পত্র প্রকাশ করিতে উচ্ছত হন তাহা হইলে আমার পূর্বোক্ত বাক্যের সারমর্ম গ্রহণ করিতে পারিবেন। আমাদের দেশে টাকার অসম্ভাব নাই, লেখকেরও অসম্ভাব নাই, দৈনিক পত্রিকার যাহা কিছু প্রয়োজন তৎসমস্ত আয়োজন হইলেও কেবল বর্তমান মুদ্রাঙ্কর এবং অক্ষরাধারের (Case) বিশৃঙ্খলতা দোষে তৎসমুদায়ই বিফল হইবে। কারণ কেসের প্রত্যেক ঘরে অক্ষর রাখিবার কোন ঐকমত্য নিয়মবদ্ধ প্রণালী না থাকা প্রযুক্ত সময় বিশেষে নিশাকালে অপর মুদ্রায়ন্ত্রালয়স্থ অক্ষর সংযোজকগণ (Compositor) দ্বারা উক্ত পত্রিকার কার্য নির্বাহ করিতে হইলে, কিরূপে নির্দিষ্ট প্রত্যুষ সময়ে পত্রিকা প্রকাশিত হইবে? কারণ তাহারা নিশীথ সময়ে কোন্ দিকে আঙ্কর মাট, কোন্ দিকে

আক্ষর সাট, কোথায় স্ত, কোথায় প্র, কোথায় দ্, ইত্যাদি হাতড়াইতে থাকিবে? না শীঘ্র শীঘ্র বাহাতে অক্ষর সংযোজন-কার্য (Compose) নির্বাহ হয় তাহাই করিবে? একে রাত্ৰিকাল তাহাতে আবার এইরূপ খুঁজিয়া খুঁজিয়া কাজ করিতে হইলে স্বভাবতঃ কিরূপ বিরক্তি জন্মেও কত সময় আবশ্যিক করে তাহা ব্যক্তি মাত্রেই অবগত হইতে পারেন। বিশেষতঃ অত্যুৎপন্ন ব্যয়ে স্বপ্ন কাল মধ্যে অধিক কার্য সম্পন্ন করাই সংবাদপত্রের জীবন শুদ্ধ সংবাদপত্রের কেন সাধারণ মুদ্রাক্ষণের প্রধান রীতি। কিন্তু পূর্বেকাল সুবিধা আমাদের বাঙ্গালা মুদ্রাক্ষণের কোথায়? এতদ্বিষয়ে ইংরাজদিগের কি এক অপূর্ব সুশৃঙ্খলবদ্ধ প্রণালী দেখিতে পাওয়া যায়। কি ইংলণ্ডে, কি আমেরিকায়, কি ভারতবর্ষে, যেখানে ইংরাজি ভাষা প্রচলিত সেই স্থানেই একরূপ অক্ষরাধার ও একরূপ অক্ষর সংস্থাপন ধারা, সুতরাং কার্য সুলভ যতদূর হইতে পারে, তাহার চূড়ান্ত সুসার হইয়া রহিয়াছে। কিন্তু আমাদের মুদ্রাক্ষণ বিষয়ে সেরূপ কিছুই নাই। ইহা ভিন্ন ভিন্ন মুদ্রায়ত্ত্রে বিভিন্ন প্রকার আকার ধারণ করাতে যে কতদূর কার্য-সৌকর্যের ব্যাঘাত জন্মিয়া রহিয়াছে তাহা বলা বাহুল্য মাত্র।

উপসংহার কালে কেবল মাত্র আমার এই বক্তব্য যে আপনারা যতপি মাতৃভূমির উন্নতি করিবার অভিলাষ করেন; আপনাদের মধ্যে যতপি কাহার লেশমাত্র স্বদেশানুরাগ-প্রিয়তা থাকে, তাহা

হইলে অবিলম্বে বাহাতে বাঙ্গালা “কেশ” ও বাঙ্গালা মুদ্রাক্ষণের উৎকর্ষ সাধন হয়, তৎপ্রতি যত্নবান হউন। ইহাতে শুধু মুদ্রায়ত্ত্র সম্পর্কীয় উন্নতি হইবে এমত নহে বাস্তবিক ইহার উপর আমাদের সমস্ত বঙ্গদেশের ও বাঙ্গালা ভাষার প্রকৃত উন্নতি নির্ভর করিতেছে।

রামায়ণ।

সংস্কৃত ভাষায় কাব্যপ্রণালী বাল্মীকি কর্তৃকই প্রথম প্রকাশিত হইয়াছে, এমন কি অনেকে ইহাকে পৃথিবীর মধ্যে সর্ব-প্রথম কাব্য প্রণেতা বলিয়া স্বীকার করেন। বাল্মীকি ও হোমারের কৃতি সোঁসাদৃশ্য দেখিয়া অনেকে অনুমান করেন এক অচ্যুতরের অনুরূপ ব্যতীত নহে, বস্তুতঃ নিরবচ্ছিন্ন কল্পনা দ্বারা এরূপ সম্যক সাদৃশ্য সম্ভাবনা কোথায়? পূর্বে গ্রীশ দেশের সহিত যে ভারতবর্ষের বাণিজ্য কাজ সম্পাদিত হইত তাহার অনেক নিদর্শন বিদ্যমান আছে। ভারতবর্ষের অভ্যুদয়ের প্রারম্ভ সময়ে যে বাল্মীকি রামায়ণ প্রণয়ন করেন তাহাতে আর সন্দেহ নাই। ভারতবর্ষের উন্নতি লক্ষ্মীর চঞ্চলাবস্থার সময়ে গ্রীশ দেশের অভ্যুদয় আরম্ভ হয়, সেই সময়ের পূর্বে কখনই হোমার জন্মগ্রহণ করেন নাই। এই সকল নিদর্শন দ্বারা স্পষ্ট প্রতীত হইতেছে যে হোমার রামায়ণ অবলম্বন করিয়া হেলেন রত্নান্ত সংগ্রহ করিয়াছিলেন এতদনুরূপ পক্ষে আরও নানারূপ সময় নিরোপক

নিদর্শন প্রাপ্ত হওয়া যায়। “হোমার” প্রণীত গ্রন্থই ইউরোপীয় কাব্য শাস্ত্রের মূল স্বরূপ, এরূপ স্থলে বাল্মীকি প্রণীত কাব্য ইউরোপীয় সমগ্র কাব্যশাস্ত্রের মূল বলিলে অন্যায় হয় না। আমেরিকার সভ্য লোক সমূহ অতি অভিনব। ইউরোপীয় অতি নূতন ভাষা ও কাব্যই তাঁহাদের নিকট পুরাতন। চীন, আরব্য ও গ্রীশের এই তিন দেশ ভারতবর্ষের অনেক পরে উন্নতি লাভ করিয়াছিল। সেই সকল দেশে পুরাতন মূল কাব্যগ্রন্থও কিছু দৃষ্ট হয় না, এতদ্ব্যতীত পৃথিবীর অত্রান্ত দেশের বিষয় উল্লেখ করা যথ। এইরূপ নানা নিদর্শনের সমালোচনা দ্বারা মহাত্মা বাল্মীকিকে পৃথিবীর কাব্যবিষ্কর্তা বলিয়া নির্দেশ করা যাইতে পারে। কালিদাস, ভারবি, ভবভূতি, মাঘ, শ্রীহর্ষ-দেব, বাণভট্ট, সাদী, ফরতুসী, হাফেজ, ডাণ্টে, মীলটন, সেক্সপিয়ার, বায়রণ প্রভৃতি পৃথিবীর সমুদয় কবিগণই বাল্মীকির প্রচলিত মতানুবর্তী।

ভাষাই মনুষ্যের প্রধান গুণ—কাব্যদ্বারাই ভাষার এতদূর উৎকর্ষ সাধিত হইয়াছে। কাব্য হইতে দর্শন, জ্ঞান, ধর্ম, মনস্তত্ত্ব প্রভৃতি সমুদয় ঔপপাত্তিক শাস্ত্র উৎপন্ন হইয়াছে, ঔপপাত্তিক সংস্কার হইতে যে সমুদায় বিজ্ঞানাদি প্রত্যক্ষ সিদ্ধ বিষয় গুলি প্রকাশিত হইয়াছে তাহা বলা বাহুল্য। কাব্য শাস্ত্র যদি আমাদের সমুদয় বিজ্ঞান মূল স্বরূপ হইল, তবে কাব্যের আবিষ্কর্তা যে কত দূর কৃতজ্ঞতা ভাজন ও পূজনীয় তাহা বর্ণনা করিয়া শেষ করা

যায় না। যাহারা গ্রহ নক্ষত্রগণ, পৃথিবীর গতিবিধি, মাধ্যাকর্ষণ, আলোকের গুণ-ধর্ম, এবং দূরবীক্ষণ অনুবীক্ষণ প্রভৃতি আবিষ্কার করিয়াছেন, তাঁহাদের অপেক্ষা ইনি সহস্রগুণে অধিকতর কীর্তিমান। বিশেষ বিবেচনা করিয়া দেখিলে, যিশুখ্রীষ্ট অপেক্ষা ইহার মাহাত্ম্য অধিকতর রূপে প্রতীয়মান হইবে সন্দেহ নাই। বাইবেলের কতকগুলি নীতিময় উপদেশ দর্শনে অনেকে তাহার অলৌকিকতা স্বীকার করিয়া চরণাবনত হইয়া থাকেন। মহাত্মা বাল্মীকি স্বপ্রণীত কাব্যখানি নীতি রত্ন-হারে সুশোভিত করিয়া রাখিয়াছেন। রামায়ণে যেরূপ পিতৃভক্তি, ভ্রাতৃপ্রেম, অকৃত্রিম দাম্পত্যপ্রণয়, প্রকৃত মৈত্র্যভাব, নিঃসার্থ প্রভুভক্তি, অলৌকিক সতীত্ব প্রভৃতি দৃষ্টান্ত দ্বারা অতি বিশদ রূপে বর্ণিত হইয়াছে, সেরূপ আর কুত্রাপি দৃষ্ট হয় না। বাইবেলে “পর-দ্বার করা পাপ” এই একটি বাক্য মাত্র উল্লিখিত রহিয়াছে, রামায়ণে একদিগে সীতা ও অপর দিগে শূর্ণপথার প্রস্তাব বর্ণন দ্বারা তদপেক্ষা অধিক কৃতকার্যতা প্রকাশ হইয়াছে। রামায়ণের জ্ঞান প্রতিজ্ঞা পালনের দেদীপ্যমান উপদেশ, কোনদেশের কোন ধর্ম গ্রন্থে প্রাপ্ত হওয়া যায় না। রাম, খ্রীষ্ট মহম্মদ, এই ব্যক্তি ত্রয়ের চরিত্র তুলনা করিয়া দেখিলে শ্রীরামকে অপেক্ষাকৃত উদার, শান্ত, ধার্মিক, প্রিয়দর্শন, সত্যপ্রিয় বলিয়া বোধ হইবে। রামায়ণানুভিজ্ঞ কুতর্কিকগণ অনেকে রামের প্রতি সীতাত্যাগ, বৈর-নির্ঘাতন ও পশুহত্যা প্রভৃতি করেকর্তী

দোষারোপ করিয়া থাকে, কিন্তু রামায়ণের প্রস্তাব সমাবেশ দেখিলে কেহই আর এরূপ আপত্তি উত্থাপিত করিতে প্রস্তুত হইবেন না। বিশেষতঃ বাল্মীকি কখনই মেরীন্দনের স্থায় ঈশ্বরপদলোলুপ নহেন, ঈশ্বরমত্ৰ গর্ভিত ব্যক্তি কিরূপে বাল্মীকি সদৃশ নিরহঙ্কৃত লোকের তুল্য ভক্তিভাজন হইতে পারেন। খ্রীষ্ট নিজের বাক্য প্রমাণ দ্বারা নিজেই ঈশ্বরাবতার সজ্জিত হইয়াছেন, বাল্মীকি অজ্ঞ জন সমাজের ধর্মোদ্দীপনানুরোধে অপরের প্রতি ঈশ্বরত্ব সমারোপ করিয়াছেন।

বাল্মীকি রাম জন্মবার বর্ষসংখ্যক বৎসর পূর্বে রামলীলা বর্ণন করিয়াছেন, খ্রীষ্ট অলৌকিক শক্তি দ্বারা একটুকু ঋটির অংশ দ্বারা সহস্র লোকের উদর পূর্তি করাইয়াছেন, ইত্যাদি অদ্ভুত ঘটনা আজ কাল বিজ্ঞসমাজের বিশ্বাস যোগ্য নহে। এই রূপ নানা বিষয়ে তুলনা করিয়া দেখিলে বাল্মীকিকে বাইবেল প্রণেতা অপেক্ষা অনপ্প উপকারক বলিয়া বোধ হইবে। খ্রীষ্টের সহিত বাল্মীকির তুলনা করা এই প্রস্তাবের উদ্দেশ্য নহে।

বাল্মীকি ভারতবর্ষের কোন্ প্রদেশে কোন্ সময়ে প্রাত্তন হন তাহার কোন নিশ্চয়ত্বক প্রমাণ নাই। দাক্ষিণাত্য প্রদেশে তন্নিসবতির কতিপয় চিহ্ন প্রাপ্ত হইয়া সেই প্রদেশ তাঁহার নিবাস ভূমি বলিয়া অনেকে অনুমান করেন, বাল্মীকি পর্বত অত্মপি বিজ্ঞমান আছে, সেই স্থানে বাল্মীকি তপস্যা করিতেন বলিয়া অত্মপি কিম্বদন্তী প্রচলিত আছে এবং

আরও কতকগুলি গ্রহণ যোগ্য প্রমাণ প্রাপ্ত হওয়া যায়। বাল্মীকি রামলীলা সমকালীন লোক বলিয়া রামায়ণে নির্দেশ আছে, এমন কি ইনি স্বয়ং স্বপ্রণীত কাব্যের এক অভিনেয় ব্যক্তি রূপে বর্ণিত হইয়াছেন। দশরথ হইতে কুশী লবের উত্তরাধিকারিগণ পর্যন্ত রামলীলার ব্যাপক কাল অন্ততঃ এক শতাব্দীর কতিপয় বর্ষ অধিক হইবে, এতকাল এক ব্যক্তি প্রকৃতাবস্থা থাকিয়া তদনুলীলা সম্পাদন করা কোনরূপেই সম্ভাবিত নহে। ঐতিহাসিক প্রমাণানুসারে বাল্মীকি কখনই রামলীলার সমকালীন লোক বলিয়া প্রতীতি জন্মে না। অত্মীয় কবিগণ যেরূপ অতীত ঘটনা লইয়া কাব্য রচনা করিয়াছেন, ইনি ঠিক সেইরূপ পথের যাত্রিক হইয়া গিয়াছেন সন্দেহ নাই। জনসাধারণের বিশ্বাস দৃঢ়ীকরণ মানসেই বোধ হয় এরূপ বর্ণন করিয়া থাকিবেন, কোন কিম্বদন্তী কিম্বা গ্রন্থ অবলম্বিত হইয়া রামায়ণ রচিত হইয়াছে কিনা এ বিষয় মীমাংসা করা অত্যন্ত কঠিন ব্যাপার। বাল্মীকি-রামায়ণ অপেক্ষা পুরাতন গ্রন্থে রামলীলার প্রসঙ্গ কোত্রাপি দৃষ্ট হয় না। কেহ কেহ বলেন শিব প্রণীত এক রামায়ণ ছিল তাহা অবলম্বন করিয়া বাল্মীকি গ্রন্থ প্রণয়ন করিয়াছেন। হইলার সাহেব বলেন : রামায়ণ মহাভারত অপেক্ষা আধুনিক, মহাভারতীয় বনপর্বের রামলীলা অবলম্বন করিয়া বাল্মীকি রামায়ণ সংগ্রহ করিয়াছেন। মহাভারত অপেক্ষা রামায়ণের আধুনিকতার বিষয়ে হইলার সাহেব কর্তৃক যে কয়েকটি যুক্তি

প্রদত্ত হইয়াছে, তাহা এই স্থানে সংক্ষেপে উল্লিখিত হইতেছে।

প্রথম—ঋগ্বেদই সর্বাপেক্ষা পুরাতন সংস্কৃত গ্রন্থ। ঋগ্বেদের অনেকপরে অত্মীয় বৈদিক গ্রন্থ রচিত ও প্রচারিত হইয়াছে। সমুদয় বৈদিক সংস্কৃত প্রায় একরূপ। বৈদিক ভাষার সহিত মহাভারতের ভাষার অনেকাংশে সাদৃশ্য আছে, বৈদিক ভাষা ও ব্যাকরণ ক্রমে সংশোধিত হইয়া অপর সংস্কৃত ভাষা ও সংস্কৃত ব্যাকরণ সজ্জাটিত হইয়াছে, বৈদিক সংস্কৃত অত্যন্ত জটিল, ক্রমে প্রাঞ্জল হইয়া লোকের আশু-বোধ ও ব্যবহারোপযোগী হইয়াছে, মহাভারতের ভাষা অপেক্ষা রামায়ণের ভাষা অনেকাংশে প্রাঞ্জল ও আশুবোধ-নীয়, ভারতবর্ষীয় আধুনিক কথ্য ভাষা সমূহের অনেক সদৃশ।

দ্বিতীয়—আদিম সময়ে মনুষ্যের আচরণ, রীতিনীতি ও ব্যবহার অত্যন্ত স্থগিত, লজ্জাকর ও বিশৃঙ্খল ছিল, ক্রমে মনুষ্য সমাজের জ্ঞান ও ধর্মোন্নতির সঙ্গে সঙ্গে সমুদয় বিষয় সংশোধিত হইয়া আসিয়াছে, আদিম সময়ের লোকেরা দাম্পত্য ব্যভিচার প্রভৃতি দোষগুলিকে পাপ বলিয়া বোধ করিত না, অনার্যসে এক স্ত্রী অনেক পুরুষ বৈধভাবে গ্রহণ করিত, ক্রমে ক্রমে সময়ের প্রভাবে উল্লিখিত দোষগুলি পাপ বলিয়া প্রতীয়মান হইতে লাগিল, দাম্পত্য ব্যভিচার ক্রমশঃ তিরোহিত হইতে লাগিল। মহাভারতে বর্ণিত হইয়াছে কুন্তী সতী নিজ পতির বিদিতমারে ইন্দ্র, যম, বায়ু, অশ্বিনীকুমারদ্বারা পঞ্চপুত্র উৎপাদন

করিয়া লইয়াছিলেন। দ্রৌপদী সতী পঞ্চ জনের নিকট পত্নী স্বীকার করিয়াও কুশোভাগিনী হইয়েন নাই। এই সকল প্রস্তাব কাব্যনিক হইলেও লেখকের অভিকৃতির দ্বারা সে সময়ের লোক সাধারণের প্রকৃতি ও আচার পদ্ধতি অবগত হইতে পারা যায়। মহাভারতীয় ঘটনাবলী সত্য হউক আর কাব্যনিক হউক, কুন্তী ও দ্রৌপদীর প্রস্তাব দ্বারা, সে সময়ে দাম্পত্য ব্যভিচার যে নির্দোষ বলিয়া গৃহীত হইত তাহা সন্দেহরূপে প্রমাণিত হইতেছে। এদিগে সীতা দেবী দীর্ঘকাল পরগৃহে ছিলেন, তদাশঙ্কায় অগ্নিপরিশুদ্ধি-কাণ্ড বর্ণিত হইয়াছে, তাহাতেও প্রজাগণ উঁহাকে রাজ্ঞী বলিয়া গ্রহণ করিতে সম্মত হইল না, অতি সামান্য কলঙ্কস্পর্শ দোষের আশঙ্কায় বনবাস পর্যন্ত কথিত হইয়াছে। রামায়ণ কল্পিত প্রস্তাব হইলেও, কবি কখনই সাময়িক আচার ব্যবহার রীতির ব্যত্যয় ঘটাইয়া কল্পনা করেন নাই। এই রূপ পরম্পর আচার ব্যবহার তুলনা করিয়া হইলার সাহেবের মতে মহাভারত, রামায়ণ অপেক্ষা আদি বলিয়া প্রতীত হইতেছে।

তৃতীয়—মহাভারতীয় বনপর্বের রামায়ণ বর্ণিত হইয়াছে, তাহার রচনা মহাভারতের অত্মীয় অংশের রচনার সহিত একত্র হয় না। মহাভারত অপেক্ষা রামায়ণকে পুরাতন বলিয়া জনসমাজে প্রতীয়মান করিবার নিমিত্ত পূর্বতন ব্রাহ্মণ দিগের অত্যন্ত যত্ন ছিল, ভারতবর্ষীয় লোকেরা হুতন মত ও ব্যবহার অপেক্ষা পুরাতন মত ব্যবহার

প্রভৃতির প্রতি অধিক ভক্তি প্রকাশ করিয়া থাকে, নূতন বিষয় অতিউৎকৃষ্ট হইলেও নিঃসন্দেহ রূপে ভক্তি সহকারে ভারতবর্ষীয়েরা গ্রহণ করে না। মহাভারত অপেক্ষা রামায়ণের আচার ব্যবহার, রীতি নীতি বিশুদ্ধ ও পবিত্র, মহাভারত অপেক্ষা রামায়ণ পুরাতন বলিয়া প্রতীত হইলে ভারতবর্ষীয়েরা মহাভারত অপেক্ষা ইহার প্রতি অতিশয় ভক্তি প্রকাশ করিবে সন্দেহ নাই তাহা হইলে অপেক্ষাকৃত ভারতবাসীদিগের আচার ব্যবহার সংশোধনের অধিক সম্ভাবনা— এই অভিপ্রায়েই বোধ হয় ব্রাহ্মণগণ এরূপ উপকারক কোশল প্রকাশ করিয়া থাকিবেন। এতদ্ভিন্ন আরও কতকগুলি যুক্তি প্রদর্শিত হইয়াছে, তাহা সামান্য ও জটিল বলিয়া উল্লিখিত হইল না।

হুইলার সাহেবের এই কয়েকটি যুক্তি দ্বারা কোন রূপেই লক্ষ্য প্রতিপাদিত হইবার নহে। যুক্তি দ্বারা প্রতিপন্ন করিতে পারিলেও ভারত বাসীদিগের চিরসংস্কার অপনীত হইবেক না। আমরা সংক্ষেপে তাঁহার যুক্তিগুলির সমালোচনা করিতেছি। সংস্কৃত ভাষা ক্রমে সরল হইয়াছে কি দুর্কোধ্য হইয়াছে এবিষয়ে অনেক সন্দেহ বিজ্ঞমান আছে। বৈদিক সংস্কৃত ইদানীন্তন লোকের অপেক্ষাকৃত অধিক দুর্কোধ্য তাহাতে আর সন্দেহ নাই। বৈদিক ইদানীন্তন লোকের ভাষার সহিত অনেক ভাষা বিভিন্ন ও চর্চার অতীত হইয়া পড়িয়াছে বলিয়াই এরূপ বোধ হয়, বস্তুতঃ বৈদিক ভাষার প্ররচন প্রণালী অতি

প্রাঞ্জল, অল্প সমাদিত পদাবলী, অনলঙ্কৃত বাক্য সমূহ, তार्কিকতা শূন্য ভাব সকল দৃষ্টি, বৈদিক ভাষা কখনই দুর্কোধ্য বলিয়া বোধ হয় না। বাঁহারা বেদ শাস্ত্রের চর্চা করিয়া থাকেন তাঁহারা যেরূপ অপঠিত বৈদিক গ্রন্থ অনায়াসে বুঝিতে পারেন, দর্শন ও কাব্য সমালোচকগণ কখনই সেরূপ সমর্থ হইবেন না।

কালিদাসের ভাষা অপেক্ষা ভবভূতির ভাষা কিঞ্চিৎ দুর্কোধ্য, ভবভূতি অপেক্ষা ভারবির, ভারবি অপেক্ষা মাঘ ও নৈষধের রচনা দুর্বলগাহ, জটিল প্রণালীতে প্রযোজিত, এরূপ প্রকৃতি পরিবর্তন দ্বারা স্পষ্ট দেখা যাইতেছে যে সংস্কৃত ভাষা ক্রমে দুর্কোধ্য ও জটিল হইয়া আসিয়াছে। কালিদাসের ভাষা অপেক্ষা মহাভারতের ভাষা কিঞ্চিৎ প্রাঞ্জল, মহাভারত অপেক্ষা রামায়ণ অনেক সরল, এরূপ পরিবর্তন প্রমাণ দ্বারা মহাভারত অপেক্ষা রামায়ণকে পুরাতন বলিয়া বোধ হয়।

ভারতবর্ষীয় সমুদয় ভাষা ক্রমে সরলতা ত্যাগ করিয়া দুর্কোধ্য হইয়া আসিয়াছে। কৃত্তিবাস যেরূপ সরল বাঙ্গালা ব্যবহার করিয়াছেন কাশীরামদাস আর সেরূপ সরল বাঙ্গালা ব্যবহার করেন নাই, ভারত চন্দ্র রায় তাহা অপেক্ষা কিঞ্চিৎ প্রগাঢ় ভাষা ব্যবহার করিয়াছেন, তৎপর মদনমোহন তর্কালঙ্কার ঈশ্বরচন্দ্র গুপ্ত প্রভৃতি কবিগণ তদপেক্ষাও জটিল বাঙ্গালা প্রচার করিয়াছেন, মাইকেল মধুসূদন দত্ত তদপেক্ষাও প্রগাঢ়তম ভাষা সংযোগ করিয়াছেন। বর্তমান সময়ের পণ্ড লেখক গণ প্রগাঢ়ত

বিষয়ে মাইকেলকে অতিক্রম করিতেছেন, হিন্দী প্রভৃতি অত্যাঢ় ভাষাও এইরূপ। এস্থলে ইহা বক্তব্য যে গল্পের পরিবর্তন রীতি গল্পের স্থায় নহে, গল্প প্রথম কিছু অপ্রাঞ্জল দুর্কোধ্য জটিল থাকে, পরে সরল প্রসাদগুণ বিশিষ্ট হইয়া আইসে, কেবল গল্প প্রণালীর প্রতি অন্ধ লক্ষ্য থাকতেই উক্ত মহাত্মার এরূপ সংস্কার জন্মিয়াছে। মহাভারত ও রামায়ণ গল্প নহে, নিরবচ্ছিন্ন পণ্ড কাব্য, আদিম সময়ে মনুষ্যের মনোরমিত্তি সমুদয় সরল ও অল্প কার্যে ব্যাপ্ত থাকে, বিষয় ব্যাপারেরও অধিক বাহুল্য থাকে না, তদনুসারে ভাষাও প্রাঞ্জল ও নিরলঙ্কৃত থাকে, যতই মনুষ্যের কার্যকলাপ, বৈষয়িক ব্যাপার ও নানারূপ পার্থিব সম্বন্ধ বৃদ্ধি পাইতে থাকে, ততই তদনুযায়িনী ভাষাও অসরলতা, বহুভাব প্রকাশতা ও পরিণাম পরিদর্শকতা অবলম্বন করিতে থাকে। রামায়ণের রচনা অপেক্ষা মহাভারতের রচনার চাতুর্য্য, যুক্তি কোশল, অনেক গুণে গরিষ্ঠ, লক্ষা সমর কালে স্মৃত্তী ব অঙ্গদ জম্বুবান প্রভৃতির পরম্পর যুদ্ধ কোশল বিষয়ক মন্ত্রণার সহিত কুরুক্ষেত্র যুদ্ধ কালে ভীষ্ম দ্রোণ কর্ণ অশ্বখামার রাজনীতি বিষয়ক সমালোচনার তুলনা করিলে মহাভারত অনেক নূতন বলিয়া বোধ হইবে এমনকি শ্রীকৃষ্ণের রণ মন্ত্রণা চাতুরী অনেক স্থলে ক্রসিয়ান মন্ত্রিবর বিস্মার্কের কোশল অপেক্ষা নূন বোধ হয় না, রামায়ণের সেতুবন্ধন ও মহাভারতের জতু গৃহ দাহ, পরম্পর তুলনা করিয়া দেখিলেই লেখকের কল্পনা

কোশল তুলনা করা যাইতে পারে, সাগর বন্ধন ব্যাপার আত্মোপান্ত অলৌকিক অসম্ভবত কল্পনাতে পরিপূর্ণ, আধুনিক লোক সমূহের ভাব সংস্কার হইতে অনেক ব্যবহিত। জতুগৃহ দাহ কাব্যনিক হইলেও লৌকিক ঘটনায় সম্পূর্ণ সদৃশ, কুন্তকর্ণের বীরত্ব সমালোচনা করিয়া দেখিলে কোন রূপে লৌকিক বলিয়া বোধ হয় না, ভীমের বীরত্ব বর্ণন শ্রবণ করিলে আধুনিক মহাবীর দিগের অপেক্ষা কিঞ্চিদধিক বলিয়া মাত্র বোধ হয়, সকলেই মুক্তকণ্ঠে স্বীকার করিবেন যে মনুষ্যের বুদ্ধি ক্রমে পরিমার্জিত ও চিন্তাশীল হইয়া আসিয়াছে আদিম সময়ের লোক অপেক্ষা আধুনিক লোকদিগের সমুদয় কার্যেই বুদ্ধিকোশল প্রকাশ পাইয়া থাকে, ধনুর্ভঙ্গ অপেক্ষা মৎস্য লক্ষ্য ভেদ অনেক গুণে বুদ্ধি কোশল বিশিষ্ট। কোশল্যা ও সীতা অপেক্ষা কুন্তী ও দ্রৌপদীর চরিত্র কলুষিত রূপে বর্ণিত হইয়াছে সত্য বটে, কিন্তু এতবড় বিস্মৃত গ্রন্থ দ্বয়ের মাত্র দুই চারিটি স্ত্রী চরিত্রের দ্বারা এইরূপ গুরুতর মীমাংসার প্রমাণ হইতে পারে না, মহাভারতের সাবিত্রী ও চিন্তাদেবী, সীতার স্থায় নির্মল রূপে অতি পবিত্রভাবে বর্ণিতা হইয়াছেন, ধ্রুব ও প্রহ্লাদ চরিত্রের ধর্ম ও ভক্তিভাব রামলীলা অপেক্ষা অনেক গুণে গরিয়াণ, হুইলার সাহেব বলেন, “দ্রৌপদীর পঞ্চ পতি বরণ, সে সময়ের লোকেরা দোষ বলিয়া হৃদয়ঙ্গম করিতে পারে নাই” এইটা সাহেব মহোদয়ের সম্পূর্ণ ভ্রম, দ্রৌপদীর একাধিক পতি গ্রহণ দোষ পরিহারের

নির্মিত ব্যাস দেব নানা প্রকার যুক্তি কৌশল সঙ্কলন করিয়াছেন। “গাভীর শাপ” “শিবের পঞ্চবার বর প্রদান” পঞ্চদেবতার নিকট অঙ্গীকার প্রভৃতি অনেক গুলি দোষ দোষশোধনীয় মার্জ্জনীয় ঘটনার উল্লেখ পাওয়া যায়, পূর্বতন লোকেরা শাপ ও বর সমুৎপন্ন দোষে দুঃখিতদিগকে প্রকৃতপক্ষে নির্দোষ মনে করিত, বস্তুতঃ অশক্তীকৃত কি অনিন্দ্য জাত দোষ, দোষ মধ্যে পরিগণিত হইতে পারে না, রামের বালিবধ অপেক্ষা, যুদ্ধিরের “অশ্বখামা হত ইতি গজঃ” অধিক দোষাশ্রিত বলিয়া অনুমিত হয় না, বনপর্কের রাজনীতি ও গাইশ্ব নীতি, ভীষ্মপর্কের যোগ সশস্ত্রীয় ভগবতুপদেশ, শান্তিপর্কের, ধর্ম সশস্ত্রীয় শান্তি উপদেশ প্রভৃতি সমালোচনা করিয়া দেখিলে চমৎকৃত হইতে হয়।

আদিপর্কের অনেক আদিম সময়োচিত ব্যভিচার ময় আচার ব্যবহার দৃষ্ট হইয়া থাকে, মহাভারতীয় আদিপর্ক সৃষ্টির আদি সময়ের ঘটনাবলীতে পরিপূর্ণ বলিয়া মহাভারতে কথিত আছে, এখন যদি কোন কবি সৃষ্টি প্রকরণ বর্ণন করে, তাহা হইলে কি তাঁহার সেই পুস্তককে পুরাতন বলা যাইবে? আদিপর্কের শেষাংশ হইতে মহাভারতের প্রস্তাব আরম্ভ হয়। অনেকে আবার, মহাভারতকে একব্যক্তির প্রণীত বলিয়া স্বীকার করেননা, ভিন্ন২ সময়ে ভিন্ন২ ব্যক্তি কর্তৃক সংগৃহীত হইয়াছে বলিয়া অনুমান করেন, এবিষয়ের সত্যতা নিরূপণের উপায় অতি সক্ষীর্ণ ও এপ্রস্তাবের প্রধান উদ্দেশ্য নহে।

বনপর্কের রামলীলা পরে সংযোজিত হইয়াছে কি বনপর্কের রাম চরিত দৃষ্টে বাল্মীকি রামায়ণ রচনা করিয়াছেন এ বিষয়ের স্থির সিদ্ধান্ত করিবার কোন উপায় নাই হইলার সাহেবের এতৎ সশস্ত্রীয় যুক্তি গুলি অত্যন্ত দুর্বল ও সামান্য, তদ্বারা এই গুরুতর মীমাংসা হইতে পারে না, মহাভারত অপেক্ষা রামায়ণে কবিত্ব ও কল্পনা অধিক প্রকাশ পাইয়াছে, মহাভারত অপেক্ষা রামায়ণের প্রস্তাব অধিক হৃদয় গ্রাহী সন্দেহ নাই, বিশেষ বিবেচনা করিয়া দেখিলে মহাভারতকে প্রকৃত কাব্য বলিয়া বোধ হইবে না, মহাভারতের কবিত্বে প্রতিপাদন করা গ্রন্থকারের উদ্দেশ্য ছিলনা মহাভারতকে নীতি ও দর্শনময় ভারতখ্যান বলা যাইতে পারে, অনেক স্থলে বীর ও করণা রস প্রকাশ পাইয়াছে সন্দেহ নাই। অংশতঃ রসাত্মক বর্ণনা আছে বলিয়া কখনই ইহাকে সম্পূর্ণ কাব্য বলা যাইতে পারে না, ভারত প্রেণেতা যে একজন কবি তাহাতে আর অণুমাত্রও সন্দেহ লক্ষিত হয় না, কিন্তু কাব্য উদ্দেশ্যে মহাভারত প্রণয়ন করেন নাই।

সংক্ষেপে কয়েকটি যুক্তি দ্বারা হইলার সাহেব মহোদয়ের ভ্রমাত্মক মত কতদূর নিরাকৃত হইল তাহা পাঠক বর্গই বিবেচনা করিতে পারেন। এইক্ষেণে রামায়ণের বিষয় কিঞ্চিৎ আন্দোলন করা যাউক।

সপ্তকাণ্ডময় রামায়ণের প্রস্তাব বর্ণনা ভারতবর্ষীয় প্রায় সমুদয় লোকের মনে মুদ্রিত হইয়া রহিয়াছে তদ্বিষয় বিস্তারিত

বর্ণন নিশ্চয়োজন। রামায়ণের নায়ক, প্রতিনায়ক, প্রধান নায়িকা প্রভৃতি ভারতবাসী কাহারই অপরিচিত নহে। পৃথিবীতে এপর্যন্ত যত কাব্য নাটক প্রচারিত হইয়াছে প্রস্তাব কল্পনা, রসাত্মক বর্ণনা প্রভৃতি বিষয়ে রামায়ণ সর্বোৎকৃষ্ট। কোন দেশের কোন কবিই আমাদের বাল্মীকির ছায় যশোভাজন হইতে পারেন নাই, ইহাকে বিশুদ্ধ ধর্ম পুস্তক বলা যাইতে পারে। রামের সদৃশ পবিত্র বীর-নায়ক বোধ করি আর কোন দেশের কোন কাব্যে কি গ্রন্থেই প্রাপ্ত হওয়া যায় না। রামকে, কবির একরূপ শান্ত সুধীর, পরম রূপবান, অদ্বিতীয় পিতৃভক্ত, মাতৃ সেবক, সত্য পরায়ণ, পাপপরাঙ্কুখ, হিংসাদ্বেষবিহীন, লোক প্রিয় করিয়া বর্ণন করিয়াছেন তাহা পাঠ করিলে কি অভিনয় দর্শন করিলে কোন ব্যক্তি না মোহিত ও চমৎকৃত হন? সীতার ন্যায় রূপবতী পতিপরায়ণা বিশুদ্ধাত্মীর স্তম্ভান্ত জ্ঞতি গোচর হয় নাই। লক্ষ্মণের ন্যায় অনুগত ভ্রাতার বিবরণ আর কোথা প্রাপ্ত হওয়া যায়? রাবণের ছায় উদ্ধত মহাবল পরাক্রান্ত পাপীয়ান প্রতি নায়ক অতি অল্পই জ্ঞত হইয়া থাকে। রাম সীতার দাম্পত্য প্রেম, যেরূপ পবিত্রভাবে বিশুদ্ধ ভাবে, অনাড়ম্বর ভাবে, অনাদি-রসাত্মক ভাবে বর্ণিত হইয়াছে এরূপ আর অত্র প্রাপ্ত হইবার আশা করা যাইতে পারেনা। মীর্টন যেরূপ মানব বর্গের আদি মাতা পিতাইভ ও আদমের দাম্পত্য প্রেম অতি নির্মল ভাবে বর্ণন করিয়াছেন,

বাল্মীকি তদপেক্ষা অধিক নৈপুণ্য ও মাধুর্য্য প্রকাশ করিয়াছেন। শকুন্তলা হুম্বন্ত, রত্নাবলী বৎসরাজ, মালতী মাধব, কাদম্বরী চন্দ্রাপীড়, রোমীয় জুলীয়ট, ইসফ জেলেখা, বিছামুন্দর, প্রভৃতির দাম্পত্য প্রেমের সহিত সীতা ও রামের দাম্পত্য প্রেম তুলনা করিলে স্বর্গ মর্ত্য বিভেদ বোধ হইবে। বাল্মীকি, সীতা রামের বন বিহার, জল বিহার, মনাবিরহ, বিশস্ত আলাপ প্রভৃতি প্রেমের উপাদয় বস্তু সমুদয়ই বর্ণন করিয়াছেন, কিন্তু কি আশ্চর্যের বিষয় তাহাতে কিছুমাত্র অলীল দোষ প্রবেশ করিতে পারে নাই। জানকী রাঘবের প্রেম বর্ণন পাঠ করিয়া আদিরস অবতরণ করিবার অবকাশ প্রাপ্ত হওয়া যায় না, মনে একরূপ পবিত্র প্রণয়ভাবের উদ্বেক হইয়া থাকে। রাম বনবাস, সীতা বনবাস, লক্ষণবর্জন এই স্থল ত্রয় পাঠ কি অভিনয় দর্শন দ্বারা কোন ব্যক্তি অত্র স্মরণ করিতে পারে? অত্যন্ত পাষণ হৃদয়ের ও অন্তঃকরণ বিগলিত হইয়া যায়। লক্ষা সময়ের বীর রসের বিষয় উল্লেখ করাই বাহুল্য, কুশীলবের প্রস্তাব বর্ণন দ্বারা বাৎসল্য রসের পরাকাষ্ঠা প্রদর্শিত হইয়াছে। রামায়ণের ঘটনা বাস্তবিক কি কল্পনাসম্মত তাহা নিশ্চয় করা বড় দুষ্কর। পুরাকালে ভারতবর্ষে রাম নামে যে একজন প্রভাব-শালী হৃপতি ছিলেন তাহার কতিপয় প্রমাণ পাওয়া যায়, এমন কি রাম নামের মুদ্রা পর্যন্ত দেখা গিয়াছে, সেই রাম রামায়ণ বর্ণিত রাম কি না এবিষয়ে অনেক

সন্দেহ আছে, লক্ষ্মীতে রাবণালয়াদির কিছু মাত্র চিহ্ন দৃষ্ট হয় না, লক্ষ্মী বাসী লোকেরা রাবণাদির নাম মাত্রও অবগত নহে, লক্ষ্মী দেশীয় ভাষায় এতদ্বিষয়ক কিছুই নাই, সে দেশে রামায়ণ প্রচারিত নাই। যদিও দেশে বিজ্ঞা চর্চার অভাবে লিখিত পুস্তকাদি বিদ্যমান না থাকুক কিন্তু এরূপ প্রসিদ্ধ ঘটনার কিম্বদন্তী অবশ্যই দেদীপ্যমান থাকিবার সম্ভাবনা। সে দেশীয় লোকেরা, রাম, রাবণ, সীতা, লক্ষ্মণ, কুম্ভকর্ণের বিষয় বিন্দু বিসর্গ ও জানে না, এসব ঘটনা শুনিবামাত্র মুক্তকণ্ঠে কাণ্পনিক বলিয়া উঠে। রামায়ণে যে প্রস্তরময় মহা সেতুর উল্লেখ পাওয়া যায় ভারতবর্ষে ও লক্ষ্মীদ্বীপের ব্যবহৃত মান্নার প্রণালীস্থ মগ্ন পর্বত শ্রেণী দেখিয়া অনেকে সেই সেতুর সত্যতা স্বীকার করিয়া থাকেন। কিন্তু তত্ত্ববিদ পণ্ডিতগণ বলেন, সেতুর যেরূপ প্রকৃতি হওয়া উচিত তাহাতে সেই সকল গুণ ও ধর্ম কিছুই লক্ষিত হয় না, পুরাতন ভারত বর্ষায় লোকদিগের এরূপ রীতি ছিল যে, কোন নূতন বিষয় কল্পনা করিতে হইলে কোন কোন ভৌতিক পদার্থ অবলম্বন করিয়া স্বকার্যে প্রবৃত্ত হইতেন, যুধিষ্ঠির প্রভৃতির গয়ায় পিণ্ড দানকালীন ভীমের জামুছিন্ন ও দত্ত গো বৎসাদির চরণ চিহ্ন প্রভৃতির অত্যাপি বিদ্যমানতা যে অসম্ভব তাহা সকলে স্বীকার করিবেন। কিন্তু ভারতবর্ষীয় দেবলীলা ভক্তগণ কতকগুলি কৃত্রিম চিহ্ন দেখিয়াই বিশ্বাস স্থাপন করিয়া থাকেন। অনেক স্থলের

উষ্ণপ্রভবগকে সীতা কুণ্ড অর্থাৎ সীতার অগ্নি পরীক্ষা কাণ্ডের অংশ বিশেষ বলিয়া কল্পিত হইয়া থাকে। বিজ্ঞানসুন্দরের ঘটনা কল্পনা মূলক ব্যতীত নহে, অত্যাপি অনেক স্থলের বিবরণ বিশেষ বিজ্ঞানসুদৃষ্ট বলিয়া বর্ণিত হইয়া থাকে, লোকেরা বিবরণ দেখাইয়া বলে এই পথ দ্বারা সুন্দর মালিনীর বাড়ী হইতে বিদ্যার মন্দিরে যাইতেন।

মেঘদূতের প্রস্তাব কল্পনাতে অনেক প্রকৃত স্থল যথাক্রমে বর্ণিত হইয়াছে। অযোধ্যা নগরীতে যে প্রাচীন হর্ম্যাদির ভগ্নাবশেষ দৃষ্ট হয় তাহা কোন্ রাজার সময়ের কত কালের তাহার নিশ্চয়রূপ প্রমাণ পাওয়া যায় না। বাল্মীকির রচনা যত পুরাতন বলিয়া বোধ হয় সেই সকল অট্টালিকা তদপেক্ষা অনেক নূতন অনুমিত হইয়া থাকে।

ঐতিহাসিক প্রমাণ দ্বারা রামায়ণের সত্যতা স্থির করিবার উপায় নাই। প্রস্তাবটী অভিনিবেশ পূর্বক দেখিলে অলীক বলিয়া প্রতীতি জন্মে, কিন্তু ভারত বর্ষীয় লোকেরা রামায়ণকে কাণ্পনিক প্রস্তাব বলিয়া স্বীকার করিতে নিতান্ত কল্প বোধ করিয়া থাকে। বস্তুত কবির এমনি কল্পনা কোঁশল, এমনি বর্ণনা চাতুর্য যে, সহস্র জাজ্বল্য মানসত্য বলিয়া প্রতী-
য়মান হয়। অভিনয় কালে প্রত্যক্ষ ঘটনা বলিয়া বোধ হইয়া থাকে। যাহার প্রতিভা ময়ী কল্পনা হইতে রামলীলা সদৃশ প্রস্তাব আবির্ভূত হইয়াছে, তিনি যে কীদৃশ অলৌকিক ক্ষমতা শালী লোক তাহা

বর্ণনা করিয়া শেষ করা যায় না।

রামায়ণের ভূমিকাতে লিখিত আছে পূর্বে, ক্রোঞ্চ মিথুন হনন কালে বাল্মীকির মুখ হইতে সহস্র এক অনুষ্টি পৃচ্ছন্দের কবিতা নির্গত হয়। ভারতবাসীদিগের দৃঢ় বিশ্বাস যে, সেই প্রথম কবিতা, ইহার পূর্বে সংস্কৃত ভাষায় কি অত্র কোন ভাষায় কবিতা ছিল না, মন্ত্রে কতিপয় বৈদিক ছন্দের অস্তিত্ব বিষয়ে প্রমাণ পাওয়া যায়, বস্তুতঃ সে সমুদয় কবিতার মধ্যে পরিগণিত হইতে পারে না, এইটী অতি গুরুতর বিষয়, ইহার মীমাংসা অনায়াস সম্ভব নহে, মনুর শ্লোকংশ ও শ্লোকভাব রামায়ণে উদ্ধৃত হইয়াছে মনুস্মৃতি গ্রন্থ সমুদয় অনুষ্টি পৃচ্ছন্দে প্রয়োজিত, এরূপ স্থলে মনুর প্রণীত গ্রন্থ রামায়ণের পূর্ব সময় জাত, অনুষ্টি পৃচ্ছন্দ তৎপূর্ব হইতে প্রচারিত বলিয়া স্বীকার করিতে হইবে, বাল্মীকি ছন্দের আবিষ্কর্তা ইউন আর নাই ইউন, রমায়ণক ব্যক্তি তাহারই লেখনীর মুখ হইতে প্রথম নিঃসৃত হইয়া থাকিবে, রামায়ণের পূর্বে যে পৃথিবীতে কোনরূপ প্রকৃত কাব্য ছিল তাহার কোন প্রমাণ প্রাপ্ত হওয়া যায় না, রামায়ণ নিরবচ্ছিন্ন শ্রব্য কাব্য নহে, কথিত আছে রামায়ণ প্রণীত হইলে ভারত যুনি অঙ্গরা দিগের সহিত স্বর্গে তাহা প্রথম অভিনয় করিয়াছিলেন কুশী-
লব যে নানা রাগ রাগিনী সহকারে বীণাস্বরসংযোগে রাম রাজার সভায় রামায়ণ গান করিয়াছিলেন, তাহা সকলে-
রই বিদিত আছে, বাল্মীকিকে এককালে

কাব্য, নাটক, ও গীতময় কাব্যের আবিষ্কর্তা বলিলে অত্যুক্তি হয় না এই নিমিত্তেই বোধ হয় বাল্মীকির কবিত্ব ও পাণ্ডিত্য দৈব প্রসাদ লব্ধ বলিয়া প্রসিদ্ধি আছে, এই নিমিত্তেই বোধ হয় বাল্মীকিকে কবিগুরু বলিয়া ভারতবর্ষীয়েরা অশেষ ভক্তি প্রকাশ করিয়া থাকে।

আধুনিক আলঙ্কারিক দিগের লক্ষণানুসারে রামায়ণ মহা কাব্য মধ্যে পরিগণিত নহে, বিশেষ বিবেচনা করিয়া দেখিলে বর্ণিত মহা কাব্যসমুদায় অপেক্ষা রামায়ণ অনেকাংশে গৌরবান্বিত, পৃথিবীর মধ্যে যত গুলি কাব্য গ্রন্থ আছে তাহার মধ্যে বাল্মীকি, হোমার মীলটন প্রণীত প্রসিদ্ধ কাব্য ত্রয়ই প্রধান আদরণীয় ও জগৎবিখ্যাত। একটী মূল বিষয় অবলম্বিত হইয়া আত্মোপাস্ত সম্ভাষিত হইবে, সর্ব প্রধান রূপে ধর্মভাব প্রকাশিত থাকিবে, গ্রন্থ বহু বিস্তৃত হইবে, ধর্মের প্রাধান্য রাখিয়া বীর কৰুণাদি নানারস বর্ণিত হইবে, ইত্যাদি রূপে গ্রন্থ প্রণীত না হইলে তাহাকে মহা কাব্য বলা আলঙ্কারিকগণের অনুরোধ রক্ষা ব্যতীত আর কিছুই নয়, সংস্কৃত আলঙ্কারিকেরা রঘুবংশ কুমার সম্ভব, কিরাতা-
উজ্জ্বলী, শিশুপালবধ প্রভৃতিকে মহাকাব্য নাম ধারণের অধিকারী করিয়াছেন। এই সমুদয় গ্রন্থ রামায়ণের সঙ্গে তুলনা করিলে অতি বৎসামাত্র বোধ হইয়া থাকে। রঘুবংশ ব্যতীত প্রায় সমুদায় সংস্কৃত মহাকাব্যই এক মূল বিষয় লইয়া রচিত হইয়াছে বটে কিন্তু, ধর্ম বর্ণনার

অভাব ও ক্ষুদ্র কলেবরতা বশতঃ সেই সমুদয় গ্রন্থের আদর কালে তাদৃশ স্থায়ী হইবার সম্ভাবনা নাই। শ্রীমদ্ভাগবত বিশেষ রসাত্মক রূপে বর্ণিত হইলে, তাহাকে মহান কাব্য গ্রন্থ বলা যাইত। বস্তুতঃ সংস্কৃত অপরাপর কাব্য সমুদায় মহাভারত ও রামায়ণের আংশিক প্রতি-বিশ্ব ভিন্ন নহে।

বাল্মীকির অদ্ভুত কল্পনার আশ্রয় গ্রহণ না করিলে ভবভূতি তাঁহার উত্তর-রামচরিতকে এত মনোহর করিতে পারিতেন না।

সকলেই কালিদাসের অলৌকিক প্রতি-ভায় কবিত্ব শক্তি স্বীকার করিয়া থাকেন বিশেষ বিবেচনা করিয়া দেখিলে দেখা যাইবে কবির অনেক গুলি ভাব বাল্মীকি হইতে গ্রহণান্তর নানালঙ্কারে ও নানারূপ শব্দ কোশলে বিভূষিত করিয়া প্রচারিত করিয়াছেন। কবিকুলতিলক কালিদাসের, প্রতিভা অপেক্ষা সজ্জী করণ শক্তি অধিকতর ছিল, কালিদাসের বর্ণনা ও রচনা শক্তি যে অদ্বিতীয় ছিল তাহাতে আর সন্দেহ নাই। প্রস্তাবকল্পনাশক্তি বাল্মীকি অপেক্ষা নূনতম স্বীকার করিতে হইবে, বাল্মীকির রচনাতে কালিদাস প্রভৃতির ন্যায় শব্দাঙ্কুর অলঙ্কার চাতুর্য্য, ছন্দ কোশল কিছুই দৃষ্ট হয় না; স্থানে স্থানে পুনরুক্তি, রথা বিশেষণ প্রয়োগ প্রভৃতি অনেক দোষ দৃষ্ট হইয়া থাকে, কিন্তু যখন বাল্মীকির কল্পনা ও প্রতিভা শক্তি স্মরণ করা যায়, তখন উল্লিখিত সামান্য দোষ গুলি আর দোষ

বলিয়া গ্রহণ করিতে শ্রদ্ধা হয় না। যিনি সর্ব প্রথম কাব্যপ্রনয়ন করিয়াছেন, তাঁহার রচনা কালে সংস্কৃত ভাষাতে কোন রূপ কোশল প্রদর্শন করিবার উপায় ছিল না, তাঁহার গ্রন্থ যে কয়েকটি আদিম সময়ো-চিত দোষ লক্ষিত হইবে বলা বাহুল্য।

অভিজ্ঞান শকুন্তলা ভিন্ন কালিদাসের অত্রাণ কৃতি সমূহের প্রস্তাব কল্পনা তাদৃশী চমৎকারিনী নহে। অভিজ্ঞান শকু-ন্তলের প্রস্তাবটি মহাভারত হইতে গৃহীত হইয়াছে বটে, কিন্তু তাহার রস-সমাবেশ কোশলাদি রামায়ণ হইতে সংকলিত বলিয়া প্রতীয়মান হইয়া থাকে। গর্ভবতী সীতার নির্কাসন, কতিপয় কাল মুনির তপোবনে জানকীর অবস্থিতি কালে চক্রবর্তী লক্ষণাক্রান্ত সন্তান প্রসব, পরে আবার রামের সীতারজ্ঞান অনুতাপ ও বিলাপ, এই সকল প্রস্তাবদ্বারা বাল্মীকি যেরূপ কল্পনা রসের অবতরণা করিয়াছেন কালিদাস ও অভিজ্ঞান শকুন্তলে কল্পনা-রস সঞ্চারার্থ সেরূপ ইহার অবিকল অনুকরণ করিয়াছেন। যথা—গর্ভবতী শকুন্তলার নির্কাসন, তপোবনে কতিপয় কাল অব-স্থিতি কালে চক্রবর্তী লক্ষণাক্রান্ত সন্তান প্রসব, পরে শকুন্তলার জ্ঞান হৃদয়ান্তর অনু-তাপ ও বিলাপ রামের সহিত তপোবন-পালিত তৎপুত্রের সহিত পরিচয়, আর হৃদয়ান্তর সহিত তৎপুত্রের সহিত পরিচয়, পরস্পর তুলনা করিয়া দেখিলে কালিদাস যে রামায়ণ হইতে মূল গ্রহণ করিয়া সিদ্ধ-কাম হইয়াছেন তাহা সকলেই স্বীকার করিবেন। কালিদাস স্বীয় কবিত্ব ও

অসাধারণ বর্ণন পরিমার্জন শক্তি প্রভাবে এরূপ অলক্ষিত ভাবে নিপুণতর রূপে রামায়ণ হইতে ভাব গ্রহণ করিয়া স্বয়ং-ব্যবহার করিয়াছেন যে, তাহা সহসা অনুভবনীয় নহে। অভিজ্ঞান শকুন্তলের যে যে অংশ গুলি অত্যন্ত হৃদয়গ্রাহী-মনোহর, তৎসমুদয়ই রামায়ণ হইতে পরিগৃহীত হইয়াছে সন্দেহ নাই। বাল্মীকির কল্পনার সহায়তা গ্রহণ না করিলে কালিদাস তাঁহার শকুন্তলাকে এত মনো-হর ও সর্বদেশে আদরনীয় করিতে পারিতেন না।

ভবভূতি বাল্মীকির আশ্রয় গ্রহণ করিয়াই পৃথিবী-ব্যাপ্ত কবি-কীর্তি লাভ করিয়া গিয়াছেন। মহাত্মা বাল্মীকি রাজা-ধিরাজ স্বরূপ, তাঁহার দ্বারে ভিক্ষা লাভ করিয়া কত ব্যক্তি রাজা হইয়া গিয়াছে তাহা বর্ণন করিয়া শেষ করা যায় না, মেঘনাদবধ রচয়িতা প্রভৃতি তৎদৃষ্টান্তের অত্রতম স্থল।

নানা দেশীয় নানা প্রস্তাব এপর্যন্ত অভিনীত হইয়া আসিতেছে, কিন্তু রাম লীলার স্থায় কিছুই চিত্র হরণে সমর্থ হয় না। রামলীলার কি চিত্রহারিণী শক্তি, যখন শ্রবণ ও অভিনয় দর্শন করা যায়, তখনই হৃদয় ও শুকুমার বোধ হয়। রামায়ণ দ্বারা যেরূপ লোকের স্বভাব পরিমার্জিত হইবার সম্ভাবনা এরূপ জগতে আর দ্বিতীয় নাই। যদি কাহার ও ভারতবর্ষীয় অমূল্য রত্ন দর্শন করিবার ইচ্ছা থাকে, যদি কাহার ও সংস্কৃত কাব্য শাস্ত্রের মূল জানিবার ইচ্ছা থাকে, যদি কাহার ও সং

পুরুষ স্ত্রী, মাধু ভ্রাতা, অকৃত্রিম মিত্র ও সেবকের প্রকৃতি দেখিবার ইচ্ছা থাকে তবে আদ্যোপান্ত বাল্মীকি প্রণীত রামা-য়ণ পাঠ করুক, তাহা হইলে অনায়াসে বাঞ্ছা সিদ্ধ হইবে ॥

কুমারসম্ভবম্ ।

নবম স্বর্গঃ ।

সস্তাব্য মধুবৎ বিষং
সসৈন্তঃ সহ ভার্য্যায়া
বিনি রত্ন হরস্তম্ভাৎ
যর্ষো ব্রহ্ম পুরং প্রতি ।
স্ফটিক স্বচ্ছকীলালং
পাটল গন্ধি মাৰুতম্
অযত্ন শশ্বদ ভূমিং
যজ্ঞেন্দ্র মোচিতানলম্ ।
চন্দ্রকান্ত মণে দীপ্ত্যা
নিত্যমা লোকিতং নিশি
সূর্য্যকান্তে দিবা কান্তং
প্রদীপ্ত যাতপাদুতে ।
সপ্রসূন লতা গুল্ম
মবহ্ন্য বন পাদপম্
বসন্ত নির্বিশেষেণ
প্রকুজৎ কোকিলং সদা ।
দিবা রজত ভেদেন
ফুল কুমুদ পঙ্কজম্
স্বেচ্ছা সাদিত সম্ভোগ
মযাচিত সুখ প্রদম্ ।
মৃদুধনিত কল্লোল
মন্দাকিনী তট স্থিতম্

সৌবর্ণের বেষ্ম মালং
 রত্নাভি সজ্জিতান্তরম্ ।
 কালিষ বিষসংস্পর্শ
 বিবর্জিতা মরপ্রজম্
 প্রবিবেশো ময়া সার্কং
 ব্রহ্মলোক মুমাপাতিঃ ।
 প্রবিশু ভবনং স্তোকং
 পদ্ম যোনে মহেশ্বরঃ
 স্মোথানাহিত মর্যাদ
 মালিলিঙ্গ প্রজাপতিম্ ।
 বিদিত মপি রত্নান্তং
 প্রমোত্তরৈঃ পরস্পরম্
 সংলাপং চক্রতুঃ প্রেম্না
 পুনরুক্ত মিবোভয়ো ।
 গান্ধীর্ষ্য বত্তয়া ধীরান্
 মাধুর্যেণ বিলাসিনঃ
 ভস্মাজিনাদি ভূষাভি
 ভোগ বিরাগিনঃ সুরান্ ।
 যোগ শাস্ত্র সমাল্যপৈ
 যোগ ধ্যান পরায়নান্
 শিবঃ সংমোহয় মাস
 ব্রহ্মলোক নিবাসিনঃ ।

বিষ্ণুকে মৃত্ত মধুর সস্তাষণ পূর্বক
 বিষ্ণুলোক হইতে বিনিবৃত্ত হইয়া মহাদেব
 ভার্যাসহ সর্দৈত্তে ব্রহ্মলোকাভিমুখে
 যাত্রা করিলেন । যে স্থানে—সলিল স্ফটিক
 সদৃশ স্বচ্ছ ; মাকত পাটল গন্ধ ময়, যত্ন
 ব্যতিরেকে ভূমি হইতে অনর্গল নানা শস্য
 উৎপন্ন হইয়া থাকে, যজ্ঞ ও বন্ধন ব্যাপারেই
 অগ্নির দাহিকা শক্তি ব্যাপৃত আছে ;
 রজনী চন্দ্র কান্ত মণি বিভায় সর্বদা
 সমভাবে আলোকবতী, সূর্য মণি জাল

কিরণে দিবস সর্বদা আলোকিত বটে
 কিন্তু সাধারণ দিনের ছায় উভাপ কর
 আতপ শালী নহে ;

লতা গুল্ম সমূহে সর্বদা কুসুম জাল
 বিকসিত হইয়া রহিয়াছে : বন তরু সকল
 নিয়ত অবক্ষ্য ভাবে ফল প্রসব করিতেছে
 কোকিল কুল বসন্ত নির্বিশেষে সর্বদা
 গান করিতেছে ;

দিবা রাত্রি অভেদে পদ্ম কুমুদ দাম
 প্রফুল্লভাবে বিরাজ করিতেছে ইচ্ছা মাত্র
 সম্ভোগ সম্পাদিত হইতেছে এমন কি
 অঘাচিত রূপে স্বয়মগত হইতেছে ;

মৃদুধনিত কল্লোল ময়ী মন্দাকিনীর
 তট স্থিত সৌবর্ণ ভবন মঙ্গল শোভা
 পাইতেছে, অভ্যন্তর ভাগ নানা রত্নে
 সুসজ্জিত রহিয়াছে ।

প্রজাগণ পাপ সংস্পর্শ রহিত হইয়া
 অমর ভাবে বসতি করিতেছে । সেই
 ব্রহ্মলোকে উমাপতি উমাসহ উপস্থিত
 হইলেন ।

ক্রমশঃ গমনান্তর ব্রহ্মার ভবনে
 প্রবেশ করিলে ব্রহ্মা তাঁহাকে দেখিয়া
 সমস্ত্রমে গাত্রোস্থান করিলেন মহেশ্বর ও
 পদ্ম যোনিকে আলিঙ্গন করিলেন !
 উভয়ের সমগ্র রত্নান্তই উভয়ে অবগত
 আছেন, তথাপি যথা পদ্ধতিক প্রমো-
 ত্তর দ্বারা পরস্পর পুনরুক্তির ছায় যেন
 আলাপ সস্তাষণ করিতে লাগিলেন ।

প্রভু শিব সেই স্থলে গান্ধীর্ষ্য দ্বারা
 গান্ধীর প্রকৃতি দিগকে, মাধুর্য গুণে
 বিলাসি গণকে ভস্মাজিন প্রভৃতি ভূষণ
 দ্বারা ভোগ বিরাগী সমূহকে যোগ

শাস্ত্র আলাপ দ্বারা যোগ ধ্যান পরায়ণ
 যোগি গণকে পরমাহ্লাদিত ও বিমো-
 হিত করিতে লাগিলেন ।

সময়ে কি না হয় ।

(৭ম সংখ্যার পর)

হরনাথ আস্তে ব্যস্তে কাছারি গৃহে
 প্রবেশ করিলেন । হরনাথ চলিয়া
 গেলেন তাঁহার গৃহের দ্বারটা খোলা
 রহিল ।

হরনাথ কাছারি গৃহে যাইয়া দেখেন
 নায়েব মহাশয় গৃহে নাই ।
 ভাবিলেন নায়েব মহাশয়রাত্র “বাহিরে”
 গিয়াছেন । তবে শব্দ কিসের ? নায়েব
 মহাশয় কি কোন বিপদে পড়িলেন ? এই
 ভাবিয়া তিনি পুনরায় নিজ গৃহে যাইয়া
 এক গাছি লাঠী লইয়া কাছারির প্রাঙ্গনে
 আগমন করিলেন । চারিজন আপাদ
 মস্তক বজ্রায়ত লোক আসিয়া হঠাৎ
 তাঁহাকে আক্রমণ করিল । হরনাথ কিছুই
 করিতে পারিলেন না । এক মুহূর্তের
 মধ্যে তাঁহার হস্ত পদাদি বন্ধন করিয়া
 কোথায় লইয়া গেল । চক্ষু দুইটি
 ও মুখ এক খানি বস্ত্রের দ্বারা বন্ধন
 করিয়া তাঁহাকে অনেক দূরে লইয়া গেল ।
 তিনি কোথায় যাইতেছেন, তাঁহার
 অদৃষ্টে কি আছে কিছুই জানিতে পারি-
 লেন না । বোধ হইল যেন তাঁহাকে একটা
 ক্ষুদ্র গৃহে লইয়া যাইয়া তাহার দ্বার
 বন্ধ করিয়া তাঁহাকে তথায় রাখিয়া
 গেল । হরনাথ সেই স্থানে রহিলেন ।

নায়েব মহাশয় কাছারি বাড়িতে
 প্রবেশ করিয়াই দেখেন তাঁহার বন্ধন
 শালায় অগ্নি লাগিয়াছে । ধুধু করিয়া
 জ্বলিতেছে দ্রুত গমনে সেই দিগে গেলেন ।
 কেন হঠাৎ এরূপ অগ্নিকাণ্ড উপস্থিত
 হইল তাহারই অনুসন্ধানে গেলেন ।
 ভাবলেন ব্রাহ্মণের অমনোযোগেই এরূপ
 হইয়াছে । হলধর ও তাঁহার সহিত ছিল ।
 হলধর দেখিল নায়েব মহাশয় পুনরায়
 কাছারি গৃহাভিমুখে গমন করিতে
 উদ্ভত, কি ভাবিয়া সজোরে তাঁহার
 পৃষ্ঠে একঘা লাঠী মারিল । নায়েব মহাশয়
 “বাপরে” বলিয়া ভূতলশায়ী হইলেন
 হলধর ও সেই অবকাশে প্রস্থান করিল ।
 হলধর কোথায় গেল ? হরনাথের গৃহ-
 দ্বার খোলা ছিল চারিজন লাঠিয়াল
 আসিয়া সেই গৃহে প্রবেশ করিল ।
 কাছারি গৃহে প্রবেশ করিবার উপক্রম
 করিল, যেমন আস্তে ২ সেই ঘরে প্রবেশ
 করে, সেই সময় এক জন প্রহরির শয্যার
 উপর যাইয়া পড়িল প্রহরির নিদ্রাভঙ্গ
 হইল প্রহরী “কোন্ হ্যায়” বলিয়া চিৎকার
 করিল, এক জন লাঠিয়াল অমনি এক
 গাছি সড়কী লইয়া তাহার বক্ষঃস্থল বিদীর্ণ
 করিয়া ফেলিল, দর দর ধারে রক্ত পড়িতে
 লাগিল, প্রহরী রক্ত নির্গমে ক্ষীণ বল
 হইয়া ভূতলে পতিত হইল । মরিল না-
 অচেতন হইয়া রহিল । লাঠিয়ালেরা
 ক্রমে গৃহে প্রবেশ করিয়া কোন স্রযোগে
 একটা আলো জ্বালিল । গৃহস্থিত সমস্ত
 বস্তুই তাহাদের সম্মুখে উপস্থিত । এক
 জন একটা মশাল জ্বালিয়া নায়েব মহা-

শয়ের “পোষাকের সিন্ধুকের” দিগে গেল, এক পদাঘাতে সিন্ধুকের ডালা ভাঙ্গিয়া ফেলিল। এটা নায়েব মহাশয়ের আসবাবের সিন্ধুক কয়েক খানি হেয়ার ব্রস কয়েক খানি চিরুনী, একখানি আয়না কয়েকটা পমেটমের বাক্স, এক ডজন হাফমোজা, একটা গাঁটরীতে তোয়ালে বাঁধা কতকগুলি বস্ত্র, সমুদায়ই প্রায় শান্তিপুরে ও ঢাকায় দুই এক খানি বিছামাগর পেড়ে কাপড় ও ছিল। আর একটা বোঁচকায় কতকগুলি চাদর শান্তিপুরে, কলমে, ঢাকায়। কয়েকটা নানা প্রকার কামিজ রং বে রং। একটা গাঁটরীতে এক খান নামাবলী একটা গরদের জোড়। একটা ছোট বাস্কে চার পাঁচ রকমের বিলিতি “এসেন্স” ৭৮ রকম আতরের শিশি, এক কোণে কতকটা তুলো, গুটীকত মাথায় তুলো বাঁধা খড়কে। আহা! নায়েব মহাশয় অনেক যত্নে অনেক টাকা খরচ করিয়া এসমস্ত আয়োজন করিয়া ছিলেন, লাঠিয়াল নির্দয় চিত্তে তাহাতে অগ্নি দিল বস্ত্রগুলি ক্রমে সব পুড়িয়া ছাই হইয়া গেল। আতর এসেন্সের শিশিগুলি চূর্ণ করিল। গন্ধে গৃহ আমোদিত হইল। নায়েব মহাশয় যে গরদের ধূতি পরিধান করিয়া, যে নামাবলি গাত্রে দিয়া সঙ্ক্যা করিতেন লাঠিয়াল তাহা ছিন্ন করিয়া মশাল করিল। অগ্নির প্রতাপে হরিনাম গুলি দগ্ধ হইয়া গেল। দস্যুরা ক্রমে নায়েব মহাশয়ের সর্বস্ব নষ্ট করিল। কিছুই লইলনা, খাজানার সিন্ধুকটা স্পর্শ ও করিল না। লাঠিয়ালেরা কাছারি বাড়ীর

সমস্ত ঘরে প্রবেশ করিয়া সমস্ত নষ্ট করিল। চারি দিগে ভাঙ্গা ঘটা, ভাঙ্গা থালা ভাঙ্গা হাঁড়ি, ভাঙ্গা জালা, চাল ছড়ান, ডাল ছড়ান, তৈল যুতাতির সহিত মিশ্রিত হইয়া সমস্ত জল প্রাঙ্গনে আসিতে লাগিল। হলধর নায়েব মহাশয়কে অচেতন রাখিয়া ডাকাতদের দলেগিয়া মিশিল। হলধর এটা দেখে ওটা দেখে ক্রমে সকল জিনিস দেখিল কিছুই মনোমত হয়না শেষে নায়েব মহাশয়ের একটা রূপার পানের ডিবে লইয়া আস্তে ২ প্রস্থান করিল।

হলধরের একটা প্রণয়িনী ছিল, নাম চাঁদি। চাঁদি পূর্বে এক জন জমাদারের স্ত্রী ছিল; কাষেই চাল চুলনী কিছু লম্বা ছিল। বয়স ৩০/৩৫ রংটা মন্দনয়, উজ্জ্বল শ্যাম বর্ণ বলিলে ও বলা যাইতে পারে। চাঁদির বরাবর একটু শক ছিল, ভাল কাপড় পরবো, ভাল বিছানায় শোবো ভাল সাজগোজ হবে চাঁদির এসবের দিগে ভারি নজর ছিল। জমাদার সাহেবের সময় তার একটা রূপার পানের ডিবে ছিল, কিন্তু জমাদারের মৃত্যু কালীন সেটা বাঁধা পড়ে, শুদে আসলে অধিক টাকা হওয়াতে সেটা বিক্রীত হইয়া যায়। চাঁদির সেই অবধি একটা পানের ডিবার জন্ত ভারি ভাবনা ছিল, হলধরকেও তার জন্ত সর্বদা উত্তেজনা করত। হলধর আজ ডিবেটা পাইয়া ভারি আনন্দিত হইল। ভাবিল যে এডিবেটা দিলে চাঁদি ভারি খুসি হবে। আমাকে অধিক ভাল বাসবে। কিন্তু চাঁদির গৃহ কুটী থেকে প্রায় পাঁচ ফ্রোশ, এতরাত্রে সেখানে যাও

য়া, সম্ভব নয় কি করি এই ভাবতে ভাবতে কুটীর বাহিরে আসিয়া পদ্মার ধার দিয়া চলিতে লাগিল। কিঞ্চিৎ দূর যাইয়া একটা গৃহস্থের বাটা দেখিল। হলধর ভাবিল, এ গৃহস্থের সঙ্গে আমার আলাপ আছে, আচ্ছা এর কাছে কেন ডিবেটা রেখে যাইনে। এই ভাবিয়া গৃহস্থের উঠানে প্রবেশ করিল। গৃহিনী বাহিরে আসিয়াছিল, কুটীর দিগে অগ্নিকাণ্ড দেখিয়া অনেক খন বাহিরে দণ্ডায় মানা ছিল এক্ষণে হলধরকে হঠাৎ সম্মুখে দেখিয়া ভয়ে দ্রুতবেগে গৃহে প্রবেশ করিয়া দ্বার বন্ধ করিল। হলধর আস্তে ২ গৃহস্থের দ্বারের নিকট যাইয়া অনুচ্চস্বরে গৃহস্থকে ডাকিতে লাগিল। অনেক ক্ষণ পরে গৃহস্থ সচকিত ভাবে দ্বার খুলিয়া জিজ্ঞাসা করিল।

“কেও?”

“আজ্ঞে আমি হলধর”

“এত রাত্রে কেন? ব্যাপার কি? আর কুটীর দিগে ও রূপ ভয়ানক অগ্নি জ্বলিতেছে কেন?”

“আজ্ঞে ভারি কাণ্ড হচ্ছে, আপনি একবার চকমকি খানা বাহির করুন সব বলছি, গৃহস্থ গৃহে প্রবেশ করিয়া এক ছিলিম তামাক সাজিয়া আনিলেন, আপনি দুই এক টান টানিয়া হলধরকে কলিকা দিলেন। হলধর হুচারবার কেশে চার পাঁচবার থু থু ফেলে শেষে বলে।

“বামণ ঠাকুর আজ কুঠিতে সর্বনাশ হয়েছে ডাকাতি!!!

নায়েব মহাশয়কে বোধ হয় মেরে

ফেলেছে, রান্না ঘরে আগুন দিয়েছে সব জিনিস পত্র তছরূপ করেছে, কিছু আস্ত রাখেনি। শুনগে আমি চললাম। কাল সকালে সব বলবো” বলিয়া ডিবেটা গৃহস্থের হস্তে দিয়া বলিল।

“মশাই এটা নায়েব মহাশয়ের শকের জিনিস, তিনি এটা ঢাকাথেকে ফরমাস দিয়ে এনেছিলেন, বেটারা এটা ভাঙ্গতে পারেনি আমি তাই এটা নিয়ে এইছি আজ রাত্রে কোথায় রাখব আপনার কাছে থাক কাল নিয়ে জাব” বলিয়া এক লক্ষ বাহিরে আসিয়া দ্রুত বেগে কুটীর দিগে চলিল।

এদিগে লাঠিয়ালেরা নায়েবের সমস্ত দ্রব্যাদি নষ্ট করিয়া এক্ষণে তাঁর অনুসন্ধান বহির্গত হইল। চারিদিগে খুঁজে কোথায় আর দেখা পায় না, শেষে সকলে যেমন হতাশ হইয়া যাইবে এমন সময়ে এক জনের পায়ে একটা কি ঠেকিল সে তখন চিৎকার করিয়া বলিল “ওরে জলুদি আলো নিয়ে আয় একটা মানুষ পড়ে আছে” লাঠিয়ালেরা তৎক্ষণাৎ সকলে সেই স্থানে উপস্থিত হইল ও সকলে একস্বরে বলিয়া উঠিল “ওরে পেয়েছি, শালাকে পেয়েছি, এ যে শালা নায়েব পড়ে আছে দেখ দেখি শালা বেঁচে আছে কিনা!” একজন যাইয়া নায়েব মহাশয়ের কলপ দেওয়া গোঁপে মশাল ধরিল, পড় পড় করিয়া গোঁপ পুড়িয়া গেল, নায়েব মহাশয়ের কিছুই নাড় নাই। লাঠিয়ালেরা ভাবিল নায়েব মহাশয় পঞ্চত্ব প্রাপ্ত হয়েছেন। একজন বলিল

“ভাই একাষকে কল্পে আমরাত কেউ করিনি, বোধ হয় হল। শালাই একাষ করেছে। যাহোক, শালা ভারি যোগাড়ে, কেমন শালাকে এখানে মেরে ফেলে গিয়ে আমাদের কাষ হাঁষিল করবার সুবিধা করে দিয়েছে। যাহোক শালাতো মেরে গেছে, এস এখন এইখানেই শালার শেষ কাষটা করে যাই”।

সকলে তারি যোগাড় করতে লাগল। লাঠিয়ালেরা কতক গুলি পাট লইয়া নায়েব মহাশয়ের সর্কাজ আন্নত করিল তার পর কতকটা “কোল টার” লইয়া তার উপরে ঢালিয়া দিল। সমস্ত প্রস্তুত অগ্নি দিলেই হয়, এক জন একটা মশাল লইয়া যেমন নায়েব মহাশয়ের গায়ে লাগাতে যাবে এমন সময়ে কোথা থেকে একটা ভয়ঙ্কর মূর্তি লোক আসিয়া সজোরে লাঠিয়ালের হস্ত হইতে মশালটা লইয়া দূরে নিক্ষেপ করিল ও গভীর স্বরে কহিল।

“বেটারা এখনি পালা-না হলে তোদের সকলকে যমালয়ে পাঠাব”

লাঠিয়ালেরা যেন স্তম্ভিতের ন্যায় দণ্ডায়মান রহিল। হঠাৎ দূরে নাগরার শব্দ হইল লাঠিয়ালেরা চকিতের ন্যায় সকলে প্রস্থান করিল।

ভয়ঙ্কর মূর্তিটি কার পাঠক ইহাকে চিনিতে পারিয়াছ ইনি সেই সন্ন্যাসী। সন্ন্যাসী আস্তে ২ নায়েব মহাশয়ের সমস্ত বন্ধন মোচন করিয়া তাঁহাকে ক্রোড়ে করিয়া কাছারি গৃহে লইয়া গেলেন। অনেক যত্নে নায়েব মহাশয়ের চেতনা

হইল। অপর্যব মধ্যাস

আলোকময় স্তম্ভের উপরিভাগে কাহার এই সুধাধবলিত, মনোহর পুরী বিকাশ পাইতেছে? পুরী কি স্বপ্নে কল্পিতা?—অমরাবতীর প্রতিকৃতি? না প্রকৃতই মর্ত্যলোকে নব সৃষ্টির নূতন আবির্ভাব! যাহা নয়নে দেখি নাই, এক মুহূর্তের জন্ম কল্পনাও করি নাই, তাহা কি সহসা স্বপ্নে উদ্ভূত হইতে পারে? না সূক্ষ্ম দর্শনের বিপরীতভূত হয়? পুরীর এক ভাগে দৃষ্টি নিক্ষেপ করিলে অন্য ভাগ যখন জ্ঞানের সিন্ধু হইতে স্বতন্ত্র হইয়া পড়ে, তখন ঐ নির্মাণ-পরিপাটী কি রূপে স্বপ্নময়ী কল্পনাতে বিরচিত হইবে? নয়ন মুদ্রিত করি, শুভবৎ জড়পিও মাত্র; নয়ন উন্মীলন করি, সেই পুরী, একবার—বারংবার যাহা দেখিয়াও তৃপ্তি বোধ হয় না; সেই পুরী অগ্রে পরিদৃশ্যমান,—এই বিজ্ঞান কাননে স্বচ্ছ সরসীর বিমল বক্ষে কাহার এই বিচিত্র অট্টালিকা বিকাশ পাইতেছে প্রশ্নের উত্তর নয়?—যুদ্ধ ধ্বনি!—বেণু,—বীণালয় মিলিত মুরজ ধ্বনি? সঙ্গে বাঘা স্বর!—তান নয় পরিশুদ্ধ বাঘার কঠনিঃসৃত সঙ্গীত-ধ্বনি, এই বিজ্ঞান কাননে এই পুরী-মধ্যে কাহার এই সুস্বর স্বর লহরী বিকীরণ করিয়া অমৃতোপম সমীরণকে অগ্নিবিধ অমৃতে রঞ্জিত করিতেছে?—কি ষোড়শী! পূর্ণর্যোবনা ষোড়শী কান্তি সুন্দর! লোকে জন্ম জন্ম তরুণ বয়েসে যে সকল পুণ্য কার্যের অনুষ্ঠান করিয়াছে,

বিধাতা এই স্থলেই কি তাহার ফলের পরিণাম একত্র সঞ্চয় করিয়া রাখিয়াছেন সুন্দর অতি সুন্দর; তরুণিমা সার্থক জন্ম পরিগ্রহ করিয়াছিল, যে এলন আকারেও আশ্চর্য লাভে অধিকারী হইয়াছে। ষোড়শী পূর্ণকান্তি!—করে ভিন্ন ভিন্ন যন্ত্র, বাজিতেছে, কণ্ঠস্বরের সহিত মিলিয়া বাজিতেছে। আঃ—আজি যাহা শুনিব?—ইলাম, যাহা দেখিবার দেখি?—ত আর কি আছে যে ইহা করিয়া তাহা দেখিব?—যাহার বটে, সুন্দর কারুকার্যে রত্নাসন। উপরে?—কি?—মানবাকার!—নারি মূর্তি! দেখিলাম!

চাক্ষুণ্য নয়নে ভাসিতেছে, জ্ঞানে উপলব্ধি হইতেছে না। কি সুন্দর! বিধাতার সৃষ্টি! লাবণ্য জলে দিগ্ধিত কল্পনালতার একমাত্র বিকসিত কুসুম! বিধাতার নির্মাণচতুরতার উপমাস্থল উপমের স্থল! কি দেখিলাম! লক্ষ্মীর মূর্তি কল্পনাময়, রতির মূর্তিও কল্পনায় গঠিত। কিন্তু যাহা দেখিতেছি, ইহা কল্পনার নয়, প্রকৃতই সৃষ্টি পদার্থ—রমণী-মূর্তি! কল্পনার নয়, রমণীর মূর্তি! ইন্দ্র যদি তখন এরূপ উপকরণ পাইতেন, তাহা হইলে কি দেবদেবের তপস্যা ভঙ্গের জন্মই অনঙ্গ সাহায্য আবশ্যক হইত। হইলেও এমোহিনী মূর্তি সম্মুখে থাকিতে কি হরনেত্র হইতে দাহিকা শক্তির উদ্ভব হইতে পারিত। ভাষী সুন্দর! তুমি কে? সত্যই কি মর্ত্যকাননের

প্রফুল্ল কল্পলতিকা? না ইন্দ্রাণীর সর্বা-জনিত শাপে স্বর্গভ্রষ্টা সৌন্দর্যময়ী সৃষ্টির পরাকাষ্ঠা? সুন্দর! বল, সত্য পরিচয় দেও, তুমি কে! কি জন্য এই তুচ্ছ মর্ত্য ভূমে অবতীর্ণ হইয়াছ! কেনই বা এই বিজ্ঞান কাননে আসিয়া বাস করিতেছ? জগতে কি এমন কোন্ ভাগ্যবান পুরুষ বিদ্যমান আছেন? যাহার অঙ্কে এই এই চপলাকান্তি বিকাশ পাইতে পারেও যদি থাকেন, তাঁহার!—পরিচয় দেও, শুনি, মর্ত্য-লোকে কে এমন সার্থক জন্ম পরিগ্রহ করিয়াছেন? যাহার করে এই অঙ্গও সমর্পিত হইয়াছে!

লজ্জামুকুলিত উর্ধ্বশীর করকলিত বীণাযন্ত্রে উত্তর হইল।

“মতিবিবী, উদয় সিংহের উপভোগ্য দাসী।”

এই সৌন্দর্যের কি সেই আচরণ!—জানিলাম জগতে সর্কাজসুন্দর বস্তুর অভাব কখনই ঘুচিবে না!

গৃহ পার্শ্বে পদধ্বনি হইল, মতিবিবী উঠিয়া গৃহ মধ্যে প্রবেশ করিলেন, কবাট বন্ধ হইল।

গৃহমধ্যে বিজয় সিংহ, মতিবিবী সাদরে বিজয়ের কর ধারণ পূর্বক আপন পর্য্যঙ্কে বসাইয়া বলিলেন;

“বিজয়! কি করিয়া এমন সময় এই নগরে প্রবেশ করিলে?”

“দূতের বশে।”

“কেহ চিনিতে পারে নাই?”

“সে বেশ পরিধান করিলে তুমিও

চিন্তিতে পারিতে না, তা অন্যে কিরূপে চিনবে? মতি! কপটীর কাপট্য সহজে হৃদয়ঙ্গম হওয়া দুষ্কর।”

মতি, “ভাল আমিষে পত্র খানি দিয়াছিলাম, তাহাত আর কাহারও হস্তে পড়ে নাই?”

বিজয়। “না, এককালে আমার হস্তেই পড়িয়াছিল, কার্যেও সেইরূপ করিয়াছিলাম, কিন্তু অনবধাতনা দোষে সমুদায় বিফল হইয়াছে! যাহা হউক, সে এক প্রকার মঙ্গলই হইয়াছে।”

মতি “কেন?”

বিজয়। “আজ আকবরের সহিত কথায় কথায় তোমার কথা উঠিয়াছিল, তাহাতে আকবরের কথার আভাসে স্পর্শ বোধ হইল যে, তোমার উপর ঐ পামরের বিশেষ লক্ষ্য!”

মতিবিনী প্রফুল্ল বদনে বলিলেন “কেন,—আমার কথা উঠিয়াছিল কেন?”

বিজয় আদ্যোপান্ত সমুদায় বলিলেন!

মতি “তবে এক্ষণে উপায়?”

বিজয়। “সেই জন্যই আসিয়াছি। এই রাত্রিতেই মহারাজের সহিত তোমাকে পলায়ন করিতে হইবে।”

মতি বিনী বদন বিষন্ন হইল, বলিলেন “কেন?”

বিজয়। “মতি! আর কি দেখিতেছ!—এতদিনের আশা পূর্ণ হইল! আজ রাত্রিশেষে চিতোরের অধিষ্ঠাত্রী ভগবতী কাত্যায়নী শশানকালীর মূর্তি পরিগ্রহ করিবেন। এই রাত্রি মধ্যেই নগরী প্রেতভূমি হইবে, এই আনন্দ প্রাতে হাহা

রবে পরিণত হইবে। এই সকল সুখ পূর্ণ অট্টালিকারও নামমাত্র থাকিবে না,—সমুদায় ভূমিসাৎ হইবে। আমি তোমাকে সাবধান করিতে আসিয়াছি। রাত্রিতে নিদ্রা যাইও না, গোলোযোগ শূন্যমাত্র মহারাজের সহিত পলায়ন করিও। পরে যেরূপ হয় করিব, আমার কথায় তাচ্ছিল্য করিও না। আকবর দলবল সমেত দক্ষিণ দ্বার দিয়া করিয়া বদিয়া আছে।

ত্রিশূল করে স্বয়ং সা

নিস্তার নাই। যেরূপ

তাহাতে বিনাক্রমে

প্রবেশ করিবে।”

মতিবিনী বদন স্তান হইল, ককণ্ঠস্বরে বলিলেন “কোথায় পলায়ন করিব?”

বিজয়। “মহারাজ যখন তোমার সঙ্গে থাকিবেন, তখন তোমার সে বিষয়ে চিন্তা কি? প্রাণসত্ত্বে তিনি তোমাকে পরিত্যাগ করিয়া কোথাও যাইবেন না। মহারাজ আজ এখানে আসিবেন?”

“হাঁ।”

বিজয়। “তবে আমি চলিলাম, কুলপালিকার গৃহেও একবার যাইতে হইবে, কুলপালিকা পরিণীতা পরী বটে, সে যদি যবনের হস্তগত হয়, তাহা হইলে আমার বিশেষ অপমান। অতএব আর অধিক বিলাপ করিব না এক্ষণে চলিলাম, কিন্তু সাবধান!”

মতি! আমার শরীর মাত্র বাহিরে রহিল কিন্তু জীবন যেখানে থাকিবার সেই খানেই রই।

মতি। “ওমরাও যে ঝালোর রাওর বাটীতে নিমন্ত্রণে গিয়াছে।”

বিজয়। তাহার রক্ষায় আমি রহিলাম, নেজ্ঞ চিন্তা নাই। কিন্তু তুমি যেন আত্মসাবধানে তাচ্ছিল্য করিও না। আমি চলিলাম, বাজ গীত বন্দ করিয়া দেও, পলায়নের চেষ্টা দেখ। সাবধান একথা যেন প্রকাশ না হয়।” বিজয় সত্বর পদে বাটী হইতে বহির্গত হইলেন।

অভিমান।

কোন পণ্ডিত কহিয়াছিলেন, আমরা কোন বিষয়েই গর্ভ করিতে পারি না। যদি বিজ্ঞার গর্ভ করি, তাহা হইলে আমাদের স্মরণ রাখা উচিত যে, শিক্ষকের উপদেশ ব্যতীত আমরা বিজ্ঞা লাভ করিতে পারিতাম না, যদি রূপের গর্ভ করি, ঈশ্বর কর্তৃক যে তাহা প্রাপ্ত হইয়াছে, ইহা আর্দ্র হৃদয়ঙ্গম করা কর্তব্য। আমরা এস্থলে বলিতেছি যে, বংশমর্যাদার জন্তুও আমরা অহঙ্কার করিতে পারি না যে হেতুক আমাদের মহাভাগ্য পূজনীয় পূর্বপুরুষগণ হইতেই আমরা এ মর্যাদা প্রাপ্ত হইয়াছি। কিন্তু, অভিমান, সকল জাতির মধ্যেই লক্ষিত হইয়া থাকে, এবং সকলকেই স্বয়ং প্রাধান্য রক্ষা করিবার জন্তু ব্যগ্র দেখা যায়। ইহার দ্বারা যে কি পর্যন্ত অনিষ্ট উৎপাদন হয়, অভিমান মদে উন্নত হইয়া কেহ তাহা উপলব্ধি করিতে

সক্ষম হইবেন না। এই অভিমান আমাদের কতদূর অনিষ্ট সাধন করিতেছে, প্রস্তাবে, তাহার সমালোচনা করিতে প্রয়াস হওয়াগেল। কি বৈষয়িক কি সামাজিক উভয় প্রকার অভিমানই, উন্নতির অন্তরায় হইয়াছে।

আজকাল বৈষয়িক সাম্রাজ্যে যে প্রকার বিপ্লব উপস্থিত, তাহা পাঠক বর্গের অবিদিত নাই। কিন্তু ইহা অবলোকন করিয়াও কাহাকে সতর্ক হইতে দেখা যাইতেছে না। “চাকরিই” সকলের উপজীবিকা হইয়াছে। বিদ্যালয়ের শিক্ষক, কিম্বা কেরানী হইতে পারিলেই, তাঁহার আপনা আপনি ধন্যবাদ করেন। এতদিন নিদ্রিত রেইলওয়ে কোম্পানির রূপায় কেরানী ও অত্যাগত কর্মচারীদের কোন চিন্তা ছিল না। কিন্তু সম্প্রতি তাঁহার ‘শয়ন’ হইতে গাত্রোথান করাতে সমূহ বিশ্ব উৎপাদিত হইতেছে। কেরানীগণের মধ্যে মহা বিপ্লব উপস্থিত। কে কোথায় যাইবেন এবং কৈকি করিবেন, এই ভাবনার সকলে ব্যাকুল। বেতন অস্পষ্ট হইতেছে, তথাপি সাধের “কেরানীগিরি” পরিত্যাগ করিতে সক্ষম হইতেছেন না; কর্মচ্যুত হইতেছেন তথাপি স্থানান্তরে অনুরূপ কর্মের চেষ্টা করিতেছেন না। প্রভু কর্তৃক সামান্য বিষয়ের জন্তু শ্রুতিকটু বাক্য শুনিতেন, কিন্তু তাহা তাঁদের নিকট পুষ্প-সৃষ্টি বলিয়া প্রতীয়মান হইতেছে। কবি, বাণিজ্য প্রভৃতি তাঁহাদের নিকট অপমান সূচক; কিন্তু প্রভুর পক্ষ বাক্য তাঁহাদের অভয় স্বরূপ।

যদ্বারা মনুষ্য সর্বকালে সমৃদ্ধিশালী, ও গণ্য হইলেন, তাহা তাঁদের নিকট অমর্যাদাকর প্রতীয়মান হইল অথচ স্বাধীনতাকে বিক্রয় করিতে কিঞ্চিৎমাত্র সঙ্কুচিত হইলেন না। আমি ব্রাহ্মণ, আমা কর্তৃক কি কৃষি কিসা শিল্প কর্ম নিরীহ হইতে পারে? ইত্যাকার অহঙ্কার সূচক বাক্য প্রয়োগ করিতে তাঁহারা বিলক্ষণ তৎপর। কিন্তু এবম্প্রকার অহঙ্কার যে আর তাঁহাদের শোভা পায় না, তাহা ক্ষণকালের নিমিত্তও বিবেচনা করেন না। তাঁহারা কি ব্রাহ্মণোচিত কার্য করিতেছেন যে এরূপ জাতি গৌরব সংরক্ষণে কৃতসঙ্কল্প হইয়াছেন? “শ্রেষ্ঠ জাতির” দাস্য-বৃত্তি করিয়া এ প্রকার স্পর্ধা প্রকাশ করা ভাল দেখায় না। দাসের আবার জাত্যভিমান কি? ব্রাহ্মণ বলিয়া পরিচয় দিতে যে তাঁহারা লজ্জাবোধ করেন না ইহাই বিচিত্র এতদ্বারা তাঁহারা ব্রাহ্মণ কুলে কলঙ্ক আরোপ করিতেছেন, কিন্তু আশ্চর্যের বিষয় এই যে, ইহা তাঁহাদের একবারও হৃদয়ঙ্গম হইতেছে না। ব্রাহ্মণদিগের এক্ষণ হইতে মতর্ক হওয়া উচিত। কৃষি বাণিজ্য ও শিল্প প্রভৃতির প্রতি অনুরাগ প্রকাশ করা কর্তব্য। আমরা যেমন ব্রাহ্মণদিগকে এবম্প্রকার পরামর্শ দিতেছি জতি-সম্বন্ধে তাঁহাদের উপরিউক্ত স্বাধীন-বৃত্তি অবলম্বন করিয়া কাল তিপাত করা উচিত, তাঁহারা যে তৎ সমুদায় পরিত্যাগ করিয়া চাকরী ব্যবসায়ী হইতে আরম্ভ করিয়াছেন, ইহা অতীব অক্ষিপের বিষয়। কর্মকার, সূত্রধর প্রভৃতি স্ব স্ব জাত্যুচিত কার্য

উপেক্ষা করিয়া ইংরাজী ভাষায় সামান্য ব্যুৎপত্তি লাভ করতঃ কেরানীগিরির প্রসাদে সভ্যের পদবীতে পদার্পণ করিয়াছেন ইহা অপেক্ষা ভারতবর্ষের শোচনীয় অবস্থা আর কি হইতে পারে? কোথায় পাশ্চাত্য জ্ঞান প্রভাবে, আরও স্বদেশীয় কৃষি বাণিজ্য ও শিল্প প্রভৃতির উৎকর্ষতা সংসাধিত হইবে, কোথায় ভারত-সত্ত্ব নগণ উদ্যোগী হইয়া উৎকৃষ্ট প্রণালী সকল শিক্ষা করত ক্রমে ক্রমে স্ব স্ব বৃত্তিতে পারদর্শিতা লাভ করিবেন, না সভ্যতাভিমानी হইয়া সমুদায় বিস্মৃত হইতেছেন। কিছুকাল এইরূপ ভাবে অতিবাহিত হইলে, আমাদের যে কি ছুদ্ধশা হইবে, তাহা এখন উপলব্ধি করা যায় না। কেরানীগিরির উপর লোকের অনুরাগ এরূপ বৃদ্ধি হইয়াছে যে, তাহারা মাসিক ১০ টাকা বেতনের কর্ম করিতেও প্রস্তুত তথাপি কৃষি, বাণিজ্য প্রভৃতি দ্বারা তাহার দ্বিগুণ বা চতুর্গুণ উপার্জন করিতে উদ্যোগী নহে। এবম্বস্থা অতীব শোচনীয় এবং ইহা অনুধাবন করিয়া ভারতের হিত-চিকীর্ষু ব্যক্তিগণের তুষ্টিস্তাব অবলম্বন করিয়া থাকা বিধেয় হইতেছে না। কেরানীগিরিকে সকল উন্নতির অন্তরায় বিবেচনা করিয়া তাহা হইতে অব্যাহতি পাইতে যত্নবান হওয়া উচিত। এবং স্বাধীন বৃত্তির উচিত মত গৌরব রক্ষা করা শ্রেয়স্কর।

অভিমান সমাজ মধ্যে অল্প বল প্রকাশ করে না—ইহা অগ্নিস্কুলিঙ্গের স্থায় সমুদায় দগ্ধ করিতে কৃতসঙ্কল্প

হইয়াছে। আমি শ্রেষ্ঠ কুলে উদ্ভব অপর সকল আমাপেক্ষা নীচ, ত্রই অভিমান রূপ অনল প্রজ্জ্বলিত হইয়া দিগ-দাহ আরম্ভ করিয়াছে। এবং এই অনলে ধর্ম ইন্ধন-স্বরূপ হইয়া ভস্মাবশেষ হইয়া যাইতেছে। এই অভিমান হইতেই ভূপতিগণ স্ব স্ব প্রাধান্য সংস্থাপন জন্ত, সমর প্রাজ্ঞনে উপস্থিত হইয়া, ভীষণ—সংগ্রামে প্রবৃত্ত হইতেছেন,—সুচাম-সম্পন্ন নগর সমদায় লুণ্ঠন, সুরম্য হর্ম্য-নিচয় নিপাতিত, পুস্তকালয় দক্ষীভূত এবং সমস্ত উন্নতি চিহ্ন উন্মূলিত করিতেছেন, নর-রক্তে পৃথিবী প্লাবিত হইতেছে, এবং মানবজাতি দেব ভাবাপন্ন হইয়া পশুর স্থায় কর্ম করত অতীব হীন রূপে প্রতীয়মান হইতেছেন। ভূপতির কথা দূরে থাকুক, সামান্য মানব মণ্ডলীর মধ্যে অভিমানের কার্য সামান্য নহে—ইহা জাতি মধ্যে কলহ উপস্থিত করিতেছে, এবং তাহার সঙ্গ উভয় পক্ষের উন্নত ভাব অবগত হইতেছে। আমি কোন বিষয়ে নিরুচ্ছ, ইহা কেহই সহজে স্বীকার করিতে চাহেননা। শ্রেষ্ঠতার ভার সকলেরই অন্তঃকরণে নিহিত রহিয়াছে। ব্রাহ্মণ ক্ষত্রিয়কে, ক্ষত্রিয় বৈশ্যকে এবং বৈশ্য শূদ্রকে নিরুচ্ছ বিবেচনা করিয়া যুগা করিতেছে এবং যেখানে এবম্প্রকার শ্রেষ্ঠতার অভিমান বিদ্যমান সেখানে মোহাদ সংস্থাপন কোন মতেই সম্ভব নহে। এই অভিমান কুলীনগণকে সামান্য উত্তেজিত করিতেছেন। তাঁহারা শ্রোত্রীয় বা বংশজগণকে কি সামান্য তুচ্ছ জ্ঞান করিতেছেন? তাহাদিগকে

পদতলে বিদলিত করিয়াও স্মৃতির হইতে পারিতেছে না। বংশ-গৌরব রক্ষা করা সামান্য অধর্মের কার্য নহে। যে প্রকার উচ্চ বংশোদ্ভব, তৎবংশোচিত গুণগ্রামে বঞ্চিত হইয়া অপরকে হেয় জ্ঞান করা, অল্প স্পর্ধার কার্য নহে? ইহা মুর্থতার ফল ব্যতীত আর কিছুই নহে। বংশ বা জাতি সত্ত্ব মর্যাদার উপর নির্ভর করিয়া, এবং নিজে সেই মর্যাদার যোগ্য না হইয়াও, শ্রেষ্ঠতার ভাগ করা মূঢ় ব্যক্তিকেই শোভা পায়। কদাচারী ব্রাহ্মণের ব্রাহ্মণ বলিয়া আত্ম স্লাঘা, এবং নবগুণ শূত্র কুলীনের কুলগৌরব হান্যকর ব্যতীত আর কিছুই নহে। এই অভিমানের যতই ন্যূনতা হইবে, ততই আমরা মনুষ্য নামের গৌরব রক্ষা করিতে অক্ষম হইব। কিন্তু অভিমানকে পরিত্যাগ করা সামান্য অধ্যবসায়ের কার্য নহে? যদিও জাত্যভিমান, হিন্দুদিগের মধ্যে বিশেষ আধিপত্য প্রকাশ করিতেছে তথাপি ইহা যে, অগ্র জাতির মধ্যে বিদ্যমান নাই এরূপ বলা যাইতে পারে না। যখন সভ্যতম ইংলণ্ড দেশে, ইহার প্রকৃষ্ট প্রবলতা পরিদৃশ্যমান হইতেছে, তখন আর অগ্র জাতির কথা কি উল্লেখ করিব? ইংরাজ গণ এতদেশের জাতিভেদের প্রবলতা অবলোকন করিয়া আমাদিগকে অসভ্য বলিয়া অভিহিত করিতেছেন, কিন্তু তাঁহাদের মধ্যে ইহা যে অলক্ষিত ভাবে অসীম ক্ষমতা প্রকাশ করিতেছে, তাহা অনুধাবন করিতেছেন না। আমাদের মধ্যে, বংশ মর্যাদা অনুসারে জাত্যভি-

মান লক্ষিত হইয়া থাকে, তাঁহাদের মধ্যে পদও অবস্থা অনুসারে অভিমানের কার্য প্রকাশ পায়। আমাদের শাস্ত্রীয় শাসন অনতিক্রমণীয় বলিয়া, আমরা জাতি ভেদ রক্ষা করিতে বাধ্য হই। কিন্তু আশ্চর্যের বিষয় এই যে ইংরাজমধ্যে সে শাসন অবর্তমানেও, তাঁহারা পরস্পর ভেদ ভাব রক্ষা করিয়া থাকেন। তাঁহারা অতি নিরুফ্র ব্যক্তি কর্তৃক প্রস্তুত খাদ্য দ্রব্য, অনায়াসে আহাৰ করিতেছেন, কিন্তু, তাঁহার অপেক্ষা সামান্য অবস্থার ব্যক্তির সহিত একত্রে বসিয়া আহাৰ করিতে অগ্রসর হইতেছেন না। আমাদের মধ্যে ব্রাহ্মণগণ কোন প্রকারেই শূদ্রের প্রস্তুত অন্ন, ভক্ষণ করিতে সক্ষম হয়েন না, অথচ প্রকাশ্য স্থানে অতি সামান্য, নিম্ন ব্রাহ্মণের সহিত অনায়াসে একত্রে ভোজন করেন। ইংরাজদিগের মধ্যে একজন উচ্চপদস্থ ব্যক্তি একজন একবংশ সম্ভূত নিম্ন ব্যক্তির সহিত সহসা বৈবাহিক সম্বন্ধে আবদ্ধ হইতে অগ্রসর হইতে পারেন না, কিন্তু আমাদের মধ্যে একজন প্রবল ধনী বা উচ্চপদস্থ ব্রাহ্মণ অনায়াসে একজন দরিদ্র কুলীন ব্রাহ্মণকে নিজ হুহিতাকে সমর্পণ করিতেছেন।

জাত্যভিমান যে সর্বত্রই বিদ্যমান আছে, ইহা আমরা দর্শাইলাম বটে, কিন্তু ইহা যে প্রকার প্রবলরূপে আমাদের উপর আধিপত্য করিতেছে, এবং আমরা তাহার বশীভূত হইয়া যে প্রকার কলুষিত হইতেছি, এরূপ আর কুত্রাপিও

নয়নগোচর হয় না। কুলীনদিগের মধ্যে এই অভিমানের আবির্ভাব হওয়াতে, কত কুলীন কণ্ঠা যোগ্য বংশ সম্ভূত পাত্রভাবে অনুচাবস্থাতে জীবন অতি-বাহিত করিতেছে, কত কুলীন কণ্ঠা স্বল্প পতি লাভ করিয়া মনের দুঃখে কালযাপন করিতেছে, কত কুলীন কণ্ঠা সপত্নী কলহে জর্জরীভূত হইতেছে, এবং কত কুলীনকণ্ঠা স্বল্পপতি বিয়োগান্তর পূর্ণযৌবনাবস্থায় বা যৌবন কালের পূর্বে বৈধব্য-দশায় নিপতিতা হইয়া যন্ত্রণার একশেষ সহ করিতেছে। এবম্প্রকার বিসদৃশ বৈবাহিক সম্মিলন হইতে যে, কুলীন কণ্ঠাগণের কেবল যন্ত্রণার আধিক্য হইতেছে এমন নহে—কত কুলীন কণ্ঠা যৌবন সুলভ চপলতায় দোহুল্যমান হইয়া, পাপ পরে নিমগ্ন হইতেছে পরপুরুষ সহ সহবাস করতঃ আপনাদিগকে কলুষিত করিতেছে ও পবিত্র কুলে কলঙ্ক রোপ করিতেছে, এবং বলিতে কি অভিমানের বেগ এরূপ প্রবল যে, পাছে বংশ গৌরব হ্রাস হয় এই আশঙ্কায়, এবম্প্রকার প্রণয় প্রচ্ছন্ন ভাবে রাখিবার জন্ত কুলীন কণ্ঠাগণ, জগৎ-হত্যা পর্যন্ত করিতেও শঙ্কুচিত হইতেছে না।

অস্ফল্যের বিষয় এই যে, ক্রমে ক্রমে অনেক সুশিক্ষিত কুলীন কুল-গৌরবকে অকিঞ্চিৎকর এবং নানা প্রকার পাপের আকর হৃদয়ঙ্গম করিতে সক্ষম হইয়াছেন। কিন্তু তাঁহাদের সংখ্যা বৃদ্ধি না হইলে, আশানুযায়িক ফল পাইবার কোন লক্ষণ দেখা যাইতেছে না।

সঙ্গীত

রাগিনী বেহাগ—তাল একতাল।

ওমা ভারত ভূমি ছিমা একেমন ধারা,
বুক ফেটে যায় মা দুখে দেখে তোর
চোখে দুখের ধারা।—ধূয়া।

মায়ের নয়নে বারি যদি ঝরে,
অমনি সহস্র শররূপ ধরে,
আসিয়া স্মৃতির হৃদয় বিদরে,
মাতোর অশ্রু বিন্দু পাষণ বিদারী,
কঠোর হৃদে ও সহিতে না পারি,
নয়নে ঝাঁদের নাহিএসে বারি,
স্মৃত নয় স্মৃত নয় গো তাঁরা—১।

সিন্ধু ব্রহ্মপুত্র গঙ্গা যমুনায়ে,
কল কল রবে সদাজল ধায়,
আমি ভাবি তব অশ্রু বহে তায়,
আকাশে গরজে কভু কাদষিণী,
আমি ভাবি তোর রোদনের ধনি,
যে দুখ তোর গো অন্তরে জননী,
বুঝিবে স্মৃজন তনয় ঝাঁরা—২।

অন্নের কাঙ্গালী হইলে সন্তান,
মায়ের স্মৃখের নিশীঅব সান,
স্নেহময় মুখ সদা রয় স্নান,
ভিখারিণী বেশে ফিরি দ্বারে দ্বারে,
অন্নদেন মাতা তনয় সবারে,
সে দশা তোর কি হলো মা এবারে,
দুঃখী তনয় মোরা লক্ষ্মীছাড়া—৩।

কি অভাব তোর বল্ গো জননী,
ও ভাঙারে কত রতনের খনি,
শস্য রাজি যেন বিরাজিত মণি,

বিদেশী কাঙ্গালী মাগরেতে ভাসি,
ধনলোভে তোর রাজ দ্বারে আসি,
ভিক্ষা করি নেয় ধন রাশি রাশি,
মহা রাণী রূপে দরিদ্রতা হরা—৪।

ছিল পূর্বকালে আহা মরি মরি,
অযোধ্যা দ্বারকা মথুরা নগরী,
যার শোভাযশঃ এজগত ভরি,
কোথা গেল সব কালের ছলনে,
তাই বুঝি সদা ভাবিতেছ মনে,
কিহবে কিহবে গতানু শোচনে ;
খসিয়াছে সেই সুখময় তারা—৫

রাম যুধিষ্ঠির আদি বীর জন,
বশিষ্ঠ বাল্মীকি আদি তপোধন,
কালিদাস আদি যত কবিগণ,
বিক্রম আদিত্য বিক্রম তপণ,
শমন শাসনে হয়েছে নিধন,
ফিরে পাইবে কি সেসব রতণ,
কপাল গুণেতে হয়েছে হারা—৬।

তব স্মৃত গণ পর অনুরাগে,
পর দ্বারে যেয়ে সদা ভিক্ষা মাগে,
এই দুখ বুঝি মনে তোর জাগে,
স্বথা কথা কেন সদা মনে কর,
প্রবোধ বচনে ধৈর্য ধর,
রোদন সম্বর তাপপরি হর,
তোর দুখে মাগো ভেবে হনু সারা—৭।

রয় চির দিন সমান কাহার,
পৃথিবীতে ক্রমে আলো অন্ধকার,
এসে যায় সুখ দুখ বার বার,

ছুখেতে কেবল ঘাবে নাকো দিন,
জগদীশ পুনঃ দিবেন সূদিন,
দয়া ময় তিনি অদিনের দিন,
অন্ধেরি সুন্দর নয়ন তারা—৮।

সমালোচনা।

দারোগো মহাশয়।

হালিসহর নিবাসি শ্রীহরিগোপাল

মুখোপাধ্যায় প্রণীত

কলিকাতা গুপ্তপ্রেস।

মূল্য ১৮

মফঃসলে দারোগা (পুলিস সবইন্স-
পেকটর) দিগের অত্যাচার বর্ণন করা
এই গ্রন্থখানির প্রধান উদ্দেশ্য। গ্রন্থ-
কার নিজে একজন পুলিস দারোগা ;
প্রায় ৫১৩ বৎসর পুলিসে কর্ম করিয়া
নিজে যে সমস্ত বিষয় চাক্ষুষ দেখিয়াছেন
তাহাই এই ক্ষুদ্র নাটকখানিতে বিস্তৃত
করিয়াছেন। সুতরাং এখানি যে
দারোগাদিগের অত্যাচারের প্রকৃত
অনুকৃতি তাহা বলা বাহুল্য। কলিকা-
তায় এত কঠিন নিয়ম সত্বেও যখন পুলিস
কর্মচারিরা সর্বদা অনেক বিধিবিহিত
কার্য্য করিয়া থাকেন, তখন মফঃসলে—
যেখানে জানালোকের কণামাত্র প্রবেশ
করিয়াছে কিনা সন্দেহ, যেখানে লোকেরা
রাজনিয়মাদির বিষয়ে সম্পূর্ণ অনভিজ্ঞ,
বিধি প্রভৃতির নাম পর্য্যন্ত শ্রবণ করে
নাই, সেখানে পুলিসের কর্মচারিরা যথেষ্ট

ব্যবহার করিবেন তাহা বলা বাহুল্য।
নিরীহ নির্দোষী লোকেরা যে সর্বদা
তাহাদের উৎপীড়নে জর্জরিত তাহা
অনেকেই বিদিত আছেন।

লেখক যথা সাধ্য সেই সমস্ত বিষয়
গ্রন্থস্থ করিয়া সাধারণ সমীপে উপস্থিত
করিয়াছেন। এই ক্ষুদ্র পুস্তকখানি একখানি
দর্পণ স্বরূপ। ইহাতে পুলিসের লোক-
দের গোপনীয় অত্যাচার স্পষ্টরূপে
প্রতিবিম্বিত হইয়াছে। লেখা মন্দ হয়
নাই। মধ্যে মধ্যে উত্তম রচনা চতুর্থ্য আছে
পদ্য গুলিও উত্তম হইয়াছে। গ্রন্থে
অনেক গুলি উত্তমোত্তম গীত দেওয়া হই-
য়াছে তৎসমুদায়ও উত্তম। কিন্তু দুঃখের
বিষয় এই যে গ্রন্থে ককণ রসের সম্পূর্ণ
অভাব দৃষ্ট হইল। গ্রন্থকার একজন
নূতন লেখক, এটা তাঁর প্রথম উদ্যম
ভরসা করি তিনি ভবিষ্যতে উত্তমোত্তম
পুস্তক প্রণয়ন করিয়া সাধারণ মনোরঞ্জন
করিবে।

কারিয়াই চক্ষু মুদিত করিলেন। তাহাই
যথেষ্ট। দারোগা মহাশয় তাঁর রূপ
দেখিয়া চমৎকৃত হইলেন। তাহার
মস্তক ঘুরিয়া গেল। চক্ষুদিয়া অগ্নি
ক্ষু লিঙ্গ নির্গত হইতে লাগিল হস্তপদ
অবশ প্রায় হইয়া পড়িল সুতরাং
তাঁহার করাল গ্রাম হইতে রংগীর হস্ত
পরিত্রণ পাইল। রংগী পুনর্বার অব
গুণন বতী হইয়া গৃহের এক পাশ্বে
গিয়া বসিলেন দারোগা মহাশয় অনেক
ক্ষণ নিস্তব্ধ ভাবে থাকিয়া বলিলেন।
“এদের দুজনকে কুঠীতে লইয়া এস
আজ সেখানেই আহারাদি হইবে।”

দারোগা মহাশয় জগ্রে অগ্রে
চলিলেন ক্রমে সকলে কুঠীতে যাইয়া
উপস্থিত হইল।

ভগ্নমনোরথ।

(পূর্ব প্রকাশিতের পর)

শশিবে: তোমার রূপে হোয়েবিগোহিত
অদীবে বারিপি তোমাচুষ্টিবারে ধায় ;
তেমতি এ পোড়া মন হোয়ে উচ্ছ্বসিত
পাইল শরদশশি চুষ্টিতে তোমায়।

আমিল শরদ যদি, কেননা ভুবন
হামিবে শশাঙ্ক তব প্রেমের সুহাসে
প্রেমের জলধি হব অভাগার ধন
না হেরি অভাগা মাত্র মজিনু হতাশে।

খণির তিমির গর্ভে হিরকের প্রায়

কত আর প্রিয় শশী কাঁদবে আমার
নাহি কি এমন কেহ নাহি কি সহায়
অন্ধকার হোতে তারে করিতে উদ্ধার!

বল হে কৌমুদ শশি হৃদয় রতন
ধরায় আদরে তোমা নাহি ছেন জন?
শিক্ষার আলোকে দীপি ওমন অন্ধার
দলিবে যে পদতলে পাপ দেশাচার।

তবে কি নীরবে তুমি থাকিতে অন্তরে?
শোভিত না মুক্তা বিন্দু ও নেত্র কমলে
নয়ন ভাসিত কি হে নয়নের জলে?
জাগিত না প্রতি ধ্বনি প্রতি প্রতীক?

হারে এমন দিন হবে কি আবার,
আর কি দেখিব ওই মধুর বয়ান?
জুড়াব মনের জ্বালা জুড়াবে পরাণ!
গিয়াছে সেদিন হায়! ফিরিবে কি আর?

নাজানি সেদিন আমি যাপিনু কেমনে
অনঙ্গে লইয়া কোলে সরল গমনে
পড়িলে গোহিলে যবে নানে আবার!
গিয়াছে মুখের দিন ফিরিবে না আর

গিয়াছে মুখের দিন ফিরিবে কি আর?
গিয়াছে নদীর জল আমিছে জোয়ার;
পড়িছে গাছের ফুল ফুটিবে আবার;
আমি কেন কাঁদি বলি ফিরিবে না আর;

সৌরভে আমোদি দিকি যুতু মন্দ বায়
ফুটে যে কুসুম রত্ন প্রেমের উদ্যানে

অবচরি কেহ যদি লয়ে তারে যায়।
বিমূঢ় দুর্বল মন প্রবোধ কি মানে ?

কি হেতু অস্থির এত রে বিমূঢ় মন,
বাঁধা সে তোমার সহ যে দৃঢ় বন্ধনে
ছিঁড়িবারে পারে তাহা কে আছে এমন?
কি শক্তি মানব ধরে সে পাম ছেদনে?

করিলে অনেক শক্তি ছুরন্ত শমন
পড়িয়া লইবে আর যা কিছু নখর;
কিন্তু সে শব্দ ইন্দু অনন্ত রতন
ভিবে অপ্ সরাযথা মনঃ সরোবর;

এ রূপে মগন হোয়ে গভীর চিন্তায়
সুপ্রসন্ন প্রাজ্ঞনেতে করি নু শয়ন
হাসিছে অনন্ত নভঃ ফুল্লচঞ্জি কায়,
জ্যোৎস্নাসাখা পত্রগুলি তারার মতন।

আছারে শব্দশশী বড় মনোহর!
এই ত সুহাস্য রসে জগতে ভাষায়,
জ্ঞাবার "মঙ্গলিন" রূপ মেঘ সৃষ্ণুতর
টানিয়া কোঁতুকে মুখ লুকাইতে চায়!

রজনী গভীর এবে; নীরব ধরণী;
তরুচ্ছায়া সুরক্ষিত খন্দোতের শ্রেণী
হাসে দেখি হিম করে স্নান অন্যদল,
শরীরে প্রকৃতি বস্ত্র কাঁপিছে চঞ্চল।

য়ে

নিদ্রাতে চাপিল নেত্র, পড়িল যবনী;
অন্তরে অগ্নি খোলে নব রঙ্গ স্ত্রী;

কিকুক্ষণে প্রবেশিল একটা রহণী,
নিবাইলে কাম্পনার চাকদীপাবলী।

উজলি অঁধার গৃহ রূপের ছটায়
দাঁড়াইলা হেমাঙ্গিনী স্তম্ভিত আনন।;
জিজ্ঞাসা না করিতেই কে তুমি হেথায়
গস্তীরে জাগিল ধনি "তুমি কি জানন!"

"বাড়াতে অন্তিম জ্বাল। বিরহিত জনে
"প্রিয়সঙ্গ রঞ্জে আমি হাসাই রঞ্জিনী;
"কাঞ্চন উদ্যান সম বঞ্চিতা নয়নে
"সন্তোষে অস্থিরে, যথা হেম কাদম্বিনী!

"যে মূর্তি জাগিছে সদা অন্তরে তোমার
"কেটে বুক কাল তাহা করিবে হরণ
"খেয়েছো আশার মধু ভুগরে এখন
"নিরাশার ছুরি কায় আছে কত ধার!

"পড়িছে শব্দ ইন্দু দেখরে চাহিয়ে
"ছাড়ায় হিমের রাজ্য কৈলাস গহ্বরে
"বড়ই আনন্দ আজি সে গিরির ঘরে
"আসিছে প্রসন্ন ভায় হাতে চাঁদপেয়ে

"উজ্জ্বল কৈলাস চূড়া, ফুল্ল পরিবার
"হাসে দেখ উপত্যকা, হাসে গুহা চয়,
"কেন না প্রসন্ন মুখে দিবে হে সঁতার
"ওই শুন জয়ঢাক বাজে জয় জয়!"

নীরবিল দৈববাণী; হৈল বজ্রপাত
থব থরি দিগ্গুণ্ডল, গগন, মেদিনী!

কল্লোলিল পয়োনিধি, লাগিল আঘাত
শীহরিয়া ঘোরনাদে জাগি নু অগ্নি।

কি কহিলিবে স্বপন বল রে আবার!
অস্থির পরাণ ঘোর শুনিতোর কথা!
সংশয়ের শৃঙ্গে বিঁধি কেন দিস ব্যথা?
বল রে স্বপন, বল শুন পুনর্বার!

কি কহিলিবে স্বপন আবার আবার!
"কেটে বুক কাল তাহা করিবে হরণ?
চিরাপেক্ষী প্রেম গিরি করি পরিহার
থগ্নলোভে তথায় কি হইল পতন!

কে শুনিবে ঘোর কথা—অভাগা মানব
আকাশের গুণমাত্র আকাশে মিশিল!
চৌদিগে নিরখিমনে ভয় উপজিল,
পূর্বের সমস্ত ভাব হলে তিরোভব!

যমদূতা কৃতিমেঘ ঢাকিল গগন,
তৈরব পুঙ্করাবর্ত্ত প্রলয়ে যেমনি!
আকাশে মুদিল চক্ষু ভয়ে তারাগণ!
ক্রমশঃ তিমিরে ঘোর ডুবিল অবনী।

অন্তরীক্ষে চারিদিক করি নিরীক্ষণ
শোভিতচন্দ্রমা আর দেখিতে নাপাই!
কোথা সেই জ্যোৎস্নিকার উজ্জ্বল বদন
কোথা এই কাল মুখ ভেবে মরে যাই!

চমকি চাহি নু ফিরে অন্তর আকাশ,
না দেখে নয়নমণি পাই নু তরাশ;
ভীষণ নৈরাশ মেঘে ছন্ন দিশ পাশ,
থেকে থেকে হাসে আশা-বিদ্যুতের হাস

দেখাতে নারিলে যদি পথিকের পথ
রে আশা! চঞ্চল দ্রুতআলে কেতোমার
দ্বিগুণি অঁধার কেন বাড়াও বিপৎ
লুকাইল প্রিয় শশী দেখিব না আর!

কত যে পরাণ ঘোর উতলার প্রায়
না দেখে নয়নচাঁদে কাঁদেবো বিষাদে,
হায় আর কারে কই? কে বুঝে ধরায়
কেন যে কাঁদিছে প্রাণ মসি অবসাদে?

শূন্য শূন্য দেখিয়েন যে দিকেতে চাই
শূন্যময় এ সংসার শূন্য সর্ব ঠাই
নীরম ভীষণমক দেখিবারে পাই!
জীবজন্তু তরু নীর বিলুপ্ত সবাই!

একাকী রয়েছি আমি কোথায় পড়িয়া
একাকী কাঁদিতে দুঃখ সাগরে ডুবিয়া
শোকের প্রলয় সূর্য্য তাপতে তাপিয়া
যাবৎ না যায় চক্ষু অশ্রুতে গলিয়া।

আহা কেথা পড়িলাম একি মকপ্রায়?
হেথাকে ফেলিল ঘোরে হেন নিরুপায়
মরি মরি রীচিকা ভাঁড়িল আশায়,
নিরাশার বালুকায় বুক ভেঙ্গে যায়!

কিকুক্ষণে হেরিলাম, ভাল বাসি যাবে
চিরদিন, কুক্ষণে বা কহিব কেমনে?
সেই ত কুক্ষণ, যবে হেরি নাই তাবে,
কাঁদিয়াছি বাস্পাকুল দিন চুনয়নে,

ভালই নয়ন যদি না থাকিত ঘোর
এখন যাদের দোষে যায় যায় প্রাণ!

কেমনে ছুঁবি মন নিতান্ত কঠোর,
ছুঃখ মুখ ভাগী কোথা তাদের সমান?

কবে কি তোমার ছুখে কাঁদেনাই তারা
তাহারাই দেখায়েছে তোমার মে ধন
জগতের সেই এক আনন্দ বন্ধন,
কেনা চাহে পেতে যার ক্ষণ দরশন
হেতে হয়, হয়ে মর্ত্তে সর্বমুখ হারা?

হায়রে আমার সম ছুখী কোথ আর,
আমার ছুখের কি হে আছে পরিমাণ,
অন্যান্য ছুখের মত কিম্বা প্রতিকার?
জীবনের মহ যদি হয় অবসান!

হায়রে মনের কথা কয় আর কবে?
কহিলে নির্ঝঞ্জন আশ্রি উঠে জলিয়া!
কি ক্রমশোক মনোমধ্যে থাকিত কি পারে
উচ্ছ্বসিত ব্যারি প্রায় যায় বাহিরিয়া!

(ক্রমশঃ)

বহুকাব্যরদস্তের প্রতি।

কি সুখে তোমার গত হয়হে সময়,
অঙ্গ অমৃত ধারা বহে শ্রুতি পথে,

মুপ্রসাদ মূলমিত,

আহা কি বাধু কি গীত,

শুনি পূর্ণ কর মনোরথে

সদা কত দেখ কবিকুল অভিনয়।

দেখায় তোমারে কবি কমল লোচন,
নব নীল কমলজ—দল—শ্যাম—রাম,
শিরে জটা করে ধনু,

নাতি ক্ষীণ পৌনতনু

কার না নয়ন অভিরাগ?

অধরে মধুর হাসি সীতাবিনোদন।

কি ভীষণ ঘোর মূর্ত্তি পাও দেখিবারে,
নীলাচলোপম বপুঃ সময়ের সাজে,

দশ মুখ ভীষ্মকার,

শিরে ঘন কেশ ভার,

কিরীটেতে চপলা বিবাজে,

সুরাধুর ভয়ে থর থর একে বারে।

বিংশতি মদিয়ারকু বিশাল লোচন,

নীল নভস্তলে যেন শোভে তারাদল

বিংশতি বিশাল কর অস্ত্রে শস্ত্রে ভয়ঙ্কর

ভারে ধরা হেন টল টল,

শত গজ নাদ নিন্দি ভঙ্কার গজ্জন।

আবার দেখিলে শক্তি ঘাতে প্রাণ হারা
শুয়েছে লক্ষ্য শোণিতাদ্র পরাতলে

চারিদিকে সেনাগণ, মহামোহে বচেন্তন

আবরিলে শোকদেহ দলে,

প্রবাহিল দেবনর পশু অশ্রুধারা।

দেখিলে জাহ্নবী তীরে জনক নিন্দিনী

সহসা শুনিয়া বল্লভের অনুমতি

দাঁড়াইল সংজ্ঞাহীন নয়ন স্তিমিত দীন

ঠিক যেন পাষণ মুরতি

কার না বিদরে হিয়া শুনিএ কাহিনী?

দেখিলে সময়স্থলে রঘুকুলমণি

বালক যুগল পানে চাহিয়া রহিল,

মরি কিবা অভিরাগ, ঘনশ্যাম একরাম

যেন ছুই দর্পণে বিম্বিল,
বৎসল কক্ষণ রমে ভাসিল ধরণী।

দেখাইল ব্যাসদেব ভোমারে আবার

চক্রবাহে মপ্তরাধি বালক ঘেহিল,

দৃঢ় পণ দৃঢ় প্রাণ, দৃঢ় করে ধনুর্বাণ

দৃঢ় পদে মধো দাঁড়াইল,

ছুই চক্ষুঃ সপ্তদিকে সপ্ত শতবার।

দেখিলে দ্রোপদী স্বয়ম্বর সভাস্থল,

উদ্ধ কর ধরি ধনু প্রয়োজিত গুণ

নীলবপুঃবিশালাখি অধোদিকে মুখরাখি

বাণে লক্ষ্য ভেদিল অর্জুন

অব্যাপি শুশুনি যেন সেই কোলাহল।

কালিদাস ভারত কমল বন অলি,

গাইল ভোমার কাণে গুণ গুণ স্বরে,

কত যে প্রণয়ের গীত, মান কেহিল

(বিলসিত,

মধুবর্ষে ভারুক অন্তরে,

উঠে রসিকের রস-তরঙ্গ উর্ধ্বল।

দেখিলে মে লতা গৃহে কণ্ডুপোবনে

নির্ঝঞ্জনে অধোমুখে বসিছে সুন্দরী

রাজা পরি তুলে মুখ, শঙ্ক লঙ্ক হাসি

(সুখ,

বদনে বিবাজে আহা মরি

ধিক দুঃখান্তের কাষ্ঠ বিরচিত মনে।

আবার দেখিলে রাজা বসি সভা স্থানে

বিস্ময়েতে অঙ্গুরীয় দেখিতে চাহিল,

বিফল হইল ফলে, ছুঃখিনীরে মঙ্গলদলে

একাকিনী ফেলিয়া চলিল,

চাহিল মঙ্গল নেত্রে গৌতমীর পানে।

শুনিলে নেপথ্যে অনুরাগ বাহী গীত,

চত মঞ্জুরীরে আগে কত ভাবামি

পাইয়া নলিনী মধু, তারে কি ভুলিলে

(বধু?

মধুকর নব অভিলষী

শুনি চমকিল যত বিরহীর চিত্ত,

দেখিলে হে স্বয়ম্বর সভাতে সুন্দরী

অনেক ভ্রমিয়া এক স্থানে বিরগিল

মন বুঝি সহচরী, বলে পরিহাস কর

চল চল সময় বহিল

অসুয়া কুটিল বিলোকল কুশোদর

আবার দেখিলে যক্ষ বিরহ বিকর,

বিফল মলিন মানুগত মেঘে কয়

আমার বচন পর হইব সন্দেশ হব

হাও প্রাণ প্রিয়া আলায়,

আকাশেতে মেঘ বিরহীরনেত্রে জল,

বারিধর নিজ সহ করিও তুলন,

তব সম সেই হর্ম্মা মণিতে শীতল,

তব নাদ মনগণি, তাহাতে মুবজ ধনি

সৌদামিনী রূপে বা দল,

তব ইন্দ্র চাপ সম বিচিত্র বোণ।

দেখিলে জটিল যোগিবর ত্রিলোচন,

সতী শোকানল তাপে তপস্যায় রত

কামহানিফুলবাণ বিধিল তাহার প্রাণ

কোপানলে হইল নিহত

বতীর রোদন স্বরে মোহিল তুবন।

পুন দেখিলে হে পুরু রবা বশোধন

প্রেমসরে হারাইয়া পবিত্র কাননে,
কাঁদি কাঁদি বার বার, জিজ্ঞাসিল সনাচার
পশু পক্ষী তরঙ্গতাগণে,
হায়! বিরহীর কথা কে করে শ্রবণ?
রাজাকবি দেখাইল আবার ভোগায়,
বসিয়া কদলী গৃহে দাসী রত্নাবলী
যে রূপ হৃদয়ে জাগে, চিত্তিলতা অনুরাগে
পটেতে পড়িছে অশ্রু গলি
বিন্দু বিন্দু স্বেদ যেন রসিকের গায়।
ভবভূতি দেখাইল চিত্তি রাগায়ণ
অপূর্ব আলেখ্য পটে, দেখিলে আবার
বালু কি আপন ধামে, সাজায় দেখায়

(রামে,

আত্মহত্যা গভিনী সীতার।

বজ্র বিদ্যারিল যেন সে পাষণ মন।
রাক্ষস খাইছে সব দেখিলে হে ফিরে
টানি ছিঁড়ি তুলি উপরের মাংসলেশ,
দন্তগুলি প্রকটায়, মধ্যে দেখে উঁকি দিয়া
কচ কচ করি সব শেষ
দৃঢ় হাড় কড়গড়ি চিবাইছে ধীরে।

ভারবি ভোগায় দেখাইল বীর কেলি
ব্যাপ বেষণ ভস্মারত মহেশ আশ্রমে
ক্রোধাল্পতি ঢালি ঢালি, ঘন দিয়া বাছ

(তালি

টঙ্কারিল পার্থ ধনুগুণে
হাসিলেন ভোলানাথ তিন আঁখি-
(মেলি।

মাঘ দেখাইল কত রচনা কৌশল
ভর্তৃহরি কহিল ছাড়রে মোহমায়া
বিবেকের পন্থাধর, কন্থাবুলি সারকর

তাজ ভাই বন্ধু মৃত জায়া
প্রবহিল শাস্ত্ররস ধারা অনর্গল
কেহ দেখাইল ভীম সেন ক্রোধাকুল,
কুক্কৃত অপমান তাপে জা জর,
বিকটাক্ষ খর খর, করেতে কচালে কর,
ত্রিশিরা ভ্রুকুটি ভয়ঙ্কর,
যশালয় দ্বারে যেন অঙ্কিত ত্রিশূল,
সাজাইল কবি এক দেহে দুইরূপ,
একবার জটা চীর ধনুর্ঝান ধারী
আবার মুরলীধর, পুচ্ছ চূড় পীতাম্বর

গোপীরম নিকুঞ্জবিহারী
রামলীলা মানো শ্যাগলীলা অপরূপ

* জয়দেব কহে ব্রজ রসগুণ শংসী,
যমুনা পুলিনে বিলসন রসশালী
নব রসিক রঞ্জন, নবজলন গঞ্জন
নবনীপ তলে বনমালী

শিখিপুচ্ছ শিরে করিবিল সত বংশী
শুনিয়া মুরলী, বিচলিত কুল বালী,
দহিলে দহিলে বলি বলি চলিয়ায়ে
মধু অম্বর নাশন, পিক মধুর ভাষণ,
রূষ ভাণু মৃত্যুগুণ গায়ে
রসিকে জপিছে হরি রস জপমালা।

হরিসে হরিবে বিহরিভ মধুকুঞ্জে
ললনা সকলে বিচরিত্বন দেশে
হর মনস লাগিনী, মধু সরস হাসিনী
ব্রজগোপ বধূ নব বেশে
মধুপে নলিনী মধু মধু মধু ভুঞ্জে

* ইহার আত্মতি গীত গোবিন্দের
ন্যায় হইবে।

লইয়া মহিলা, করিত সলিল খেলা,
হরিয়া বসনে বিহরিভ ক ভূনীপে
ভব ভবন হেলন, বন ভবন খেল
বন শোভিত রেকর দীপে
স্মরিয়া গহিমা কর ভব অবহেলা

শুনিলে হে কোন গোপী পদাঙ্কে কহিল
রাজকুলে থাকি কেহ স্মরে কি রাখাল
বসি রাজসিংহাসনে বন কীরে পড়ে মনে
কোথা গজ, কোথা ধেনুপাল
সরঙ্গা আগরা, তারে কুঁজি জড়াইল।

শুনিলে কহিল হংস কাঁদিবার বার
জরাতুরা, জননী আশা বিনা নাই—
মণি নই মুক্তা নই, তবে কেন ধৃত হই
হংস তুমি বুঝ নারে ভাই?
মেধনের কাছে মণি মুক্তা কোন ছার?

দেখিলে ধনীর এক আলায় মলিন
চারি দিকে মূলে ভেদ করিয়াছে বটে
শূন্য শূন্যময় বাটী, আসন শয়ন মাটী
শিশু খেলে মাটীর শকটে
বড়ই শোচনা হায় ধনী যদি দীন।

দেখিলে হে সত্য মানো কাল একবটু
রাজ কৃত অপমানে গজিঁয়া উঠিল
কোপে বুক ধিকি ধিকি,
খুলি দোলাইল টীকি,
ভয়ঙ্কর প্রতিজ্ঞা করিল।

প্রতি হিংসা গত মন কালকট কটু

দেখাইল বাণ ভট্ট যার মধু ভাষা
দেবালয়ে বসি এক তাপসী নবীন।
বীণাতে ধরিয়া তান, করিছে বিরহগান
বিরহিণী কোন তপে লীনা?
বিরহীর তপজপ, আসা আসা আশা।

ভট্ট কবি দেখাইল প্রভাতের বেলা,
মন্দ মন্দ মগীরণে দোলছে নলিনী.
বাসতে না পেয়ে অলি, মাধে যেন কত বলি
বোধ হয় যেন সে মানিনী,
মাথানাড়ি নিসোধছে কিবা প্রেমখেলা।

আবার ভারত, শ্রিয়া যার বঙ্গভাষা
দেখাইল মালিনীরে কাব্যে অক্ষপাতি
বাগড়ায় জাগে পাড়া, ঘন ঘন হাতনাড়া
হাটে যায় করিতে বেসতি,
হে বিদেশী! নেবে নাকি এর বাড়ীর বাসা?

দেখাইল কোন কবি দ্বিতীয় সীতারে
দ্বিতীয় মহিলা চুরি অদ্ভুত ঘটন
দ্বিতীয় নগর দাহ, বীর রস শ্রোতবাহ
দ্বিতীয় বিপক্ষ নির্ধাতন,
এ দ্বিতীয় অদ্বিতীয় ঘোষিল সংসারে

দেখাইল কত শোভা কোন গুণধর,
কত যে মধুর কথা কহি হাসাইল
জন্মাইল কতু ক্রোধ, কতু বা বিস্ময়বোধ
কতু দুঃখ শ্রোত ভাসাইল
আহা প্রকৃতির কেলি কিবা মনোহর।

কোন কবিবর দেখাইল বৃন্দীপাকে
নীলাভ অনল চিরোজ্জ্বল যেখানে
পাপিকুল হাহাকার করিতেছে অনিবার
জ্বলে অঙ্গ নাহি মরে প্রাণে,
পবকাল স্মরি নর চিন্তেছে বিপাকে।

শুনিলে হৃদয় ভেদী হাফেজ বিরাগ
অপূর্ব মূর্তি ধারা বর্ধিলেন সাদি
আরো কত কত কবি, দেখাইল কত ছবি
কত শুনাইল চিত্ত হুাদি
হউক সংসারে কবি ভায় অনুরাগ।

কবিবর গুণাকর ভারতচন্দ্র
রায়ের রচনা।

বিদ্যাপতি, কৃত্তিবাস, কবিকঙ্কন,
কাশীরাম দাস, প্রভৃতি পূর্বতন কবিগণ,
বঙ্গীয় কবিতার একরূপ ভিত্তি স্থাপন
করিয়া গেলে গুণাকর ভারতচন্দ্র রায়
শুভক্ষেণে লেখনী ধারণ করেন।
ইদানীন্তন শিক্ষিত বঙ্গবাসী মাঝেই
রায় গুণাকরের জীবন রত্নান্ত অবগত
আছেন, ইনি যে নবদ্বীপাধিপতি
কৃষ্ণচন্দ্র নৃপতির সমুৎসাহে ও প্রযত্নে
কয়েক খানি কাব্য প্রণয়ন করিয়া
অসাধারণ কবিকীর্তি লাভ করিয়াছেন,
তাহা বোধ করি কাহারই অবদিত
নাই। সত্যপীরের পাঁচালী, অনন্যমঙ্গল
বিদ্যাসুন্দর, মানসিংহ রত্নমঞ্জরী এবং
চণ্ডী চরিতের কিয়দংশমাত্র প্রণয়ন
করিয়াছেন, আরো কিছুকাল জীবিত
থাকিতে পারিলে, বঙ্গীয় কবিতার

ভাণ্ডারে আরো কতকগুলি রত্ন সঞ্চিত
রাখিয়া যাইতে পারিতেন, বঙ্গ য
কবিতার কিঞ্চিৎমান রূপে হিন্দী এবং
সংস্কৃত ভাষাতে কবিতা লিখিতে
পারিতেন, চণ্ডী ও নাগাষ্টক প্রভৃতির
রচনা তাহার সুন্দর পরিচয় প্রদান
করিতেছে।

কবিবর যদি বঙ্গভাষার পরিবর্তে
সংস্কৃত বা হিন্দী অবলম্বন করিয়া
কাব্য প্রচার করিতেন, তাহাই হইলে
কখনই এতদূর অশানুরূপ কৃতকার্য
হইতে পারিতেন না, বিজাতীয়
ভাষাতে কখনই মাতৃ ভাষার সদৃশ
রূপে অধিকার জন্মে না, বিশেষতঃ
অমাত ভাষাতে কবিতা প্রণয়ন
প্রত্যাশা বিড়ম্বনা ব্যতীত আর কিছুই
নহে। ভারতচন্দ্র রায়ের পূর্ববর্তী
বঙ্গীয় কবিগণ উঁহার ন্যায় বাঙ্গলা
রচনা বিষয়ে যশোলাভ করিয়া যাইতে
পারেন নাই। ইনি পারস্য ও সংস্কৃত
ভাষার সাধুর্য্য আহরণ করিয়া বাঙ্গ-
লাতে সম্মিলিত করিয়াছেন। বস্তুতঃ
ইঁহার কাব্যের অনেক স্থল পাঠ ক-
রিতে নিদাঘ কালীন অপরাহ্ন শীতল
সর্গীর সেবার ন্যায় সুখানুভব হইয়া
থাকে। তৎপূর্ব কবিগণ কবিতার মি-
ত্রাকরতা মন্বন্ধে অনেক বিশৃঙ্খলা
ঘটাইতেন, ইনিই তাহার সংশোধন
করিয়া প্রথম প্রচার করেন, বাঙ্গলাতে
ভুজঙ্গ প্রয়াত প্রভৃতি কতকগুলি

সংস্কৃত ছন্দ ইঁহার দ্বারা ই প্রথম
প্রবর্তিত হইয়াছে, ইঁহার যেরূপ রচনা
শক্তি ও সহদয়তা ছিল, সেইরূপ
কম্পনা শক্তি থাকিলে, বাল্মীকি
হোমার কালিদাস, মেকমপীয়র মী-
লটন প্রভৃতির ন্যায় কবিশ্রেণীর
প্রধান সোপানস্থ হইয়া পৃথিবী বি-
খ্যাত হইতে পারিতেন। ইনি কোন
প্রস্তাব কি নূতন ভাব কম্পনা করিতে
সমর্থ হইতেন না, পরকীয় ভাব তাৎ-
পর্য্য কিম্বা প্রস্তাব পাইলে স্বভাষাতে
অতি মনোহর রূপে সঙ্কলন ও বিকাশ
করিতে পারিতেন। কোন কোন স্থলে
কম্পনা এবং প্রতিভাশক্তির ও পরি-
চয় পাওয়া গিয়া থাকে। তৎকৃতি
সমুদয়ের সমালোচনাতেই বিদিত হই-
তেছে। প্রথমতঃ ভক্তি প্রধান কাব্য
অন্নদা মঙ্গল অবলম্বিত হইল। এই
গ্রন্থ দেবভাগনের বন্দনান্তর রাজপরি-
চয় ও দক্ষ যজ্ঞ হইতে আরম্ভ হইয়া
অন্নপূর্ণার ভবানন্দ ভবনে গমন পর্য্যন্ত
রত্নান্ত দ্বারা নিঃশেষিত হইয়াছে,
আরতন বৃহৎ নহে।

এই গ্রন্থ খানি বন্দনা পরিচয়,
দক্ষ যজ্ঞ, শিববিবাহ কাশীর রাজস্ব-
হরিহোড়ের রত্নান্ত এবং ভবানন্দ
ভবনে গমন, এই সাত প্রধান অংশে
বিভক্ত হইতে পারে।

বন্দনা—গণেশ, শিব, সূর্য্য, বিষু,
কৌম্বিকী লক্ষ্মী সরস্বতী, অন্নপূর্ণা।
এতদষ্ট দেবতার বন্দনা গ্রন্থের পূর্ব

ভাগে নিবেশিত হইয়াছে, গণেশ বন্দ-
নাটি বড় সুন্দর হইয়াছে তাহা হইতে
একটি কবিতা উদ্ধৃত হইল,— যথা—

“হেলে শুঁও বাড়াইয়া
সংসার সমুদ্র পিয়া
খেলা ছলে করহ প্রলয়।
ফৎকারে করিয়া রক্ষি
পুনঃ কথ বিশ্ব সৃষ্টি
ভাল খেলা খেল দয়াময়।”

এই কবিতাটি দ্বারা কবির ভাব প্রশ-
স্ততা চিত্ত বিস্তারকতা ও কম্পনার
পরিচয় প্রাপ্ত হওয়া যাইতেছে, সামা-
ন্য হৃদয় হইতে এরূপ কবিতা নিঃসৃত
হইবার নহে, এতদান্যোলনে কালি-
দাসের একটি কবিতা স্মৃতি পথে
উদিত হইল।

“অমুং যুগান্তোচিত যোগনিদ্রঃ
সংস্রব্য লোকান্ পুষ্কযোধিশেষে।
অনুবাদ।

যে সময়ে ঘটে মহা প্রলয়ের কাল।
সংহার করিয়া চতুর্দশলোকপাল।
যুগান্ত উচিত যোগনিদ্রার আবেশে।
শুইলেন মহাবিশু এইসিন্দুদেশে।
মীলটন কৃত কবিতাংশ সাদৃশ্য
প্রদর্শনার্থ উদ্ধৃত হইল।

“—Thou from the first
Was present, and with mighty wings
out spread;
Dove-like sat'st brooding on the vast
abyss
And madest it pregnant : —”

Par. Lost Book I

অনুবাদ ।

অনাদি অনন্ত তুমি চিরবর্তমান,
ঘোর অন্ধকারময় অসীম ভীষণ,
অগাধ অতলস্পর্শ আকাশ সাগরে
বিস্তারি বিশাল পাখা কপোতরূপেতে
সমুষ্ণ করিতেছিলে ব্রহ্মাণ্ড বিপুল,
জীবের জীবন হেতু সৃষ্টির কারণে
তাহে প্রসবিল সৃষ্টি সুন্দর অতুল ।

এই বিভিন্ন ভাষাজাত কবিতা
ত্রয়ের ভাব অর্থ ও তাৎপর্য পরস্পর
বিভিন্ন ও বিসদৃশ হইলে ও গুণ ও
চিত্তসংস্কারগত অনেকাংশে সাম্য
লক্ষিত হইতেছে ।

শিববন্দনাটিতে কাব্যোচিত বি-
শেষ কিছুই বর্ণিত হয় নাই। শিবের
বর্ণনা এক এক স্থলে একরূপ চমৎকার
রূপে নিম্পন্ন হইয়াছে। যে পাঠ মাত্রে
হৃদয় মোহিত ও ওজোগুণে বিস্ফারিত
হইতে থাকে। পরে প্রদর্শিত হইবে,
সূর্য বন্দনাটি কবি যে তাদৃশ মনো-
যোগ করেন নাই তাহা স্পষ্টই লক্ষিত
হইয়া থাকে, সূর্যমণ্ডল যেরূপ প্র-
কাণ্ড, তেজঃপুঞ্জময়, তৎসম্বন্ধীয় সূক্ষ্ম
ভ্রমণ প্রভৃতি শাস্ত্রীয় কল্পনা যেরূপ
অদ্ভুত, পৃথিবীস্থ সমুদয় লোকের
বিশেষতঃ ভারতবর্ষীয়দিগের তৎস-
ম্বন্ধে যেরূপ ভাব ও সংস্কার, তদনু-
যায়িনী বর্ণনা কোন মহা কবির প্রশস্ত
অন্তঃকরণ হইতে নিঃসৃত হইলে যে,

সহৃদয় মনোহারিণী ও চিত্ত বিস্তারিণী
হইবে বল! বাহুল্য ।

বিষ্ণুবন্দনাতে কবির যে ভক্তি
প্রকাশ করিয়াছেন তাহাতে অণুমাাত্র
সংশয় নাই, তাহার একটি কবিতা
উদ্ধৃত হইল ।

“পরিধান পীতাম্বর,
অধর বাসুকীবর,
মুখ সুধাকরে সুধাহাস।
সঙ্গে লক্ষ্মী সরস্বতী,
নাভিপদ্মে প্রজাপতি
রূপে ত্রিভুবন পরকাশ ।”

চন্দ্র ও সুধার সহিত মুখ ও মৃত্ত
হাস্যের সাদৃশ্য কি চমৎকার ও মনো-
হর রূপে সজ্জাটিত হইয়াছে ।

কৌষিকী বন্দনাটি আশানুরূপ
হয় নাই তাহা হইতে বেশ রৌদ্ররস
প্রকাশ হইতে পারিত, স্থানে স্থানে
অনেক রচনা কৌশল প্রদর্শিত হই
য়াছে ।

সিন্দূর চন্দন, ভালে সুশোভন
রবি শশী এক ঠাঁই ।
কেবা আছে সমা, কি দিব উপমা
ত্রি ভুবনে হেন নাই ।
শিরে জটা জুট, রতন মুকুট,
অঙ্গ শশী ভালে শোভে ।
মালতী মালায়, বিজলী খেলায়,
ভ্রমর ভ্রময় লোভে । ২

সিন্দূর চন্দনের সহিত রবি শশীর
সাদৃশ্য উত্তম হইয়াছে, শেষ কবিতার
প্রথমার্ধে ওজোগুণ সহকারে রৌদ্র

বসাত্মক প্রকাশ হওয়াতে মনোহর
হইয়াছে। লক্ষ্মী বন্দনাতে কোন রূপ
ভাব ও অসঙ্গারিক চমৎকারিত্ব না
থাকিলে ও প্রসাদ গুণ ও পদ যোজনা
কৌশল প্রকাশ পাইয়াছে স্বরসতী
বন্দনাটির আদ্যোপান্ত মনোহর হই-
য়াছে। কালিদাস যেরূপ কোন বিষয়ের
বর্ণন কালে আনুষঙ্গিক অনেক বিষ-
য়ের অভিজ্ঞতা চাতুর্য প্রকাশ করি-
য়াছেন, ভারতচন্দ্র রায় ও ঠিক সেই
রূপ নৈপুণ্য প্রকাশ করিতে ক্রটি করেন
নাই ।

“ষড়্জ সম্বাদিনীঃ কেকা
দ্বিধা ভিন্না শিখাণ্ডিতঃ”

ময়ূরগণের কেকা নাদ বর্ণন
কাল তাহাতে যে স্বপ্ত স্বরের আদি
ও মূল ষড়্জস্বরপরিষ্কৃত হইয়া থাকে
তাহা প্রকাশিত হইয়াছে, ইহা দ্বারা
কালিদাসকে সঙ্গীতশাস্ত্রাভিজ্ঞ বলিয়া
অমলুতি হইতেছে ।

“ছত্রিশ রাগিণী মেলে,
ছয় রাগ সদা খেলে ।
অনুরাগ যে সব রাগিণী,
স্বপ্তস্বরে তিন গ্রাম,
মুচ্ছনা একুশ নাম ।
শ্রুতি কলা সতত সঙ্গিনী ॥”
(সরস্বতী বন্দনা হইতে)

এই কবিতাটি দ্বারা ভারতচন্দ্র
রায়ের ঔপপত্তিক সঙ্গীতাভিজ্ঞতার
পরিচয় প্রাপ্ত হওয়া যাইতেছে।
ভারতবর্ষীয় সঙ্গীতে কতকগুলি স্বরা-

বলীর রূপ কল্পিত হইয়াছে, সে সমু-
দয় “রাগ রাগিণী” নামে কথিত হইয়া
থাকে মূলছয়রাগ উপরাগ বা অনুরাগ
এবং ছয়ত্রিশ রাগিণী হইতে শত শত
রাগিণী উৎপত্তা হইয়াছে, তৎসমুদয়ের
মনোহারিতা ও কৌশল বড় চমৎকার
জনক; ষড়্জ স্বপ্ত প্রভৃতি সাতস্বর,
উদরা মুদরা, তারা এই তিন গ্রাম,
আরোহ বা অবরোহক্রমে এক স্বর
হইতে স্বরান্তরে গমন জাত স্বর প্র-
ক্রিয়াকে মুচ্ছনা বলি যায়। প্রাকৃত
বা যাবনিক ভাষায় উহা “মীর”
নামে কথিত হইয়া থাকে। মুচ্ছনা
অনেক প্রকার হইতে পারে প্রধানতঃ
যে একবিংশতিবিধ তাহাতে আর
সন্দেহ নাই ।

প্রধান স্বরদ্বয়ের মধ্যগত উপ
স্বর সমূহকে শ্রুতি (সুরত) বলি যায়
তীব্র বা কোমল (তীউর) (কোমাল)
প্রক্রিয়া দ্বারা শ্রুতি বিকাশিত হইয়া
থাকে, গমক গিটখিরিকে আর্ষেরা
কলা বলিয়া অভিধান করিয়াছেন ।

“শিশুপাল বধের” প্রথম সর্গের
দশম শ্লোকে মুচ্ছনাটির বিষয় উল্লি-
খিত হইয়াছে। আরো অনেক কাব্যে
তৎসমুদয় বর্ণিত হইয়াছে, রায় গুণাকর
যে কেবল কাব্য মাত্র পাঠ করিয়া
সঙ্গীতশাস্ত্রের কতকগুলি শব্দ ব্যবহার
করিয়াছেন একরূপ বোধ হয় না। অল্প
পূর্ণার বন্দনাটি বিস্তৃত ও সুললিত হই-
য়াছে, কিন্তু অশ্লীলদোষ কলুষে তাহার

সমুদয় প্রশংসা আচ্ছন্ন করিয়া ফেলি
য়াছে।

“কটি অতি ক্ষীণতর
নাভি মুখা সরোবর
উচ্চ কুচ মুখার কলস,
কণ্ঠকণ্ঠ রাজ রাজে।
নানা অলঙ্কার মাজে
প্রকাশে ভুবন চতুর্দশ।”

এই একরূপ বর্ণনা দ্বারা পরিষ্কটরূপে
আদিরস প্রকাশ পাইতেছে। কবিবর
কাবীর প্রধানা নায়িকা অনন্যপূর্ণাকে
মাতৃরূপে বর্ণন করিয়াছেন, বস্তুতঃ
ভারত বর্ষীয়েরা ভগবতী অনন্যপূর্ণাকে
মাতৃতুল্য বোধ করিয়া অকৃত্রিম ভক্তি
প্রকাশ করিয়া থাকে। মাতৃ রূপ বর্ণন
স্থলে আদিরস অবতরণ করা নিতান্ত
অনুচিত। বিদ্যার কুচ, নিতম্ব, কটি, উচ্চ
নাভি প্রভৃতির বর্ণনাতে কাহারই আ-
পত্তি নাই। কিন্তু দুর্গার বর্ণনাতে
এ বিষয়ে সাবধান হওয়া কর্তব্য ছিল
অলঙ্কারিকগণ এ বিষয়টী অতি দূষিত
বলিয়া নিবেদন করিয়াছেন বস্তুতঃ যে
মাতৃবরণ ঘটত আদিরস লইয়া
কোন ভঙ্গ ব্যক্তি হাস্য পরিহাস
কৌতুক করিতে পারে? একরূপ নিল-
জ্জকে আছে যে অকুণ্ঠিত চিত্তে
মাতার কুচ, নিতম্বের বর্ণন করিতে
পারে, ভারত চন্দ্র রায়েরই বর্ণিত
দোষ দৃষ্ট হইয়াছে একরূপ নহে
কবিকুল চূড়ামণি কালিদাসের ও
এ বিষয়ে বিলক্ষণ ক্রটি দেখা যায়

তাঁহার কুমার সম্ভবের অনেক স্থল
বর্ণিত দোষে দূষিত হইয়া রহিয়াছে।

“মধ্যন মাবেদি বিলম্বমধ্যা
বলিত্রয়ং চাকবভার বাল।
আরোহণার্থং নবযৌবনেন,
কামসা সোপানমিব প্রযুক্তম্।”

অনুবাদ।

ক্ষীণ মধ্যা মধ্যভাগে ধরেছে ত্রিবলি,
রসিক মদন তাহে যাইবারে চলি।
নবীন যৌবন যেন রচিল সোপান,
আরোহিবে মহাসুখে হয় অনুমান।

ভারতচন্দ্র রায় অনেক স্থলে অ-
নিচ্ছু হইয়া আদিরস বর্ণন করিয়া
ছেন সন্দেহ নাই। ইনি কাব্য রচন
বিষয়ে সম্পূর্ণ স্বাধীন ছিলেন না
রাজ কৃষ্ণচন্দ্র রায়ের অভিকচির অ-
ধীন হইয়া অনেকাংশে চলিতে হইত
কৃষ্ণচন্দ্র রায় অত্যন্ত আদিরস প্রিয় সুব-
সিক ছিলেন, সর্বদাই আদিরস ঘটিত
পরিহাস কৌতুক ভাল বাসিতেন,
এমনকি অনেক স্থলে সম্পর্ক রীতি
উল্লেখন করিয়া পরিহাস কৌতুক
করিতেন, তাঁহার কতকগুলি তৎসম্ব-
ন্ধীয় গল্পের কিম্বদন্তী অদ্যাপি বঙ্গ-
দেশে সর্বত্র প্রচলিত আছে। বিশে-
ষতঃ ইদানীন্তন লোক দিগের নিকট
প্রকাশ্যতঃ আদিরস ঘটিত বর্ণনা যে-
রূপ অনুচিত বলিয়া বোধ হয়, সেই
সময়ে যদি ইহার শতাংশের একাংশ
ও অনুমিত হইত, তাহা হইলে কখনই
ভারতচন্দ্র রায় একরূপ ভাবে অনন্যপূর্ণার

কুচাদি বর্ণন করিতেন না। রূপ বর্ণন
কালে কুচ প্রভৃতি বর্ণন ব্যতীত বর্ণনা
অসম্পন্ন বোধ হইলে অতি গভীর ভাবে
পবিত্র রূপে আদিরস বিন্দুর অসংশ্রবে
অন্যায়্যাসে বর্ণন করিতে পারা
যায়। যথা—

পিপাসিত হেরিয় সবায়,
তনু মধ্যা জননী
স্তন দুটী তুঙ্গ শির
যেন ক্ষীর বিন্দু বরে তায়।

এস্থলে কিছুমাত্র আদিরস প্রকাশ
পায় নাই। বাৎসল্য রসের আভাষ
লক্ষিত হইতেছে কোন দেশের কোন
কাব্যেই এত বন্দনার আড়ম্বর নাই,
সংস্কৃত কবির গ্রন্থ প্রারম্ভে বস্তু নিবেদ-
নের ন্যায় কোন দেবতা বিশেষের
বন্দনা করিতেন, কিন্তু এককালে এত
দেবতার বন্দনা কুরাপি দৃষ্ট হয় না,
তাঁহার পূর্ববর্তী বঙ্গীয় কবিগণ অনেক
বন্দনার আড়ম্বর করিয়া গিয়াছেন,
ভারতচন্দ্র রায়ের পরে ও মদনসোহন
তর্কালঙ্কার প্রভৃতি কবিগণ নানা প্রকারে
দেবতা নমস্কারের ঘটনা প্রচার করি-
য়াছেন। ইদানীং অনেকাংশে সংশোধ-
ন ও পরিবর্তন হইতে চলিয়াছে,
কোন মূল হইতে বাঙ্গলা ভাষাতে
এতদূশ নমস্কারের ঘোরতর আড়ম্বর
ঘটা আবির্ভূত হইয়াছে তাহা নিবেদন
করা সহজ নহে। বোধ হয় কোন পুরাণ
বা তন্ত্রের নমস্কার। দর্শ অবলম্বন
করিয়া এই অস্বাভাবিক রীতি প্রবর্তিত

হইয়া থাকিবেক। তখনই রাজ
সেবা, পরানুকরণ প্রিয় বঙ্গদেশে
বর্ণিত রীতি যে সহজে প্রচারিত
ও সাদরে পরি গৃহীত হইবে বলা
বাহুল্য।

গ্রন্থ মুচনাতে লিখিত হইয়াছে।

অন্যপূর্ণা ভগবতী মূর্তি পরিয়া
স্বপনে কহিল। মাতা শিয়রে বসিয়া
শুন রাজাকৃষ্ণচন্দ্র না করি হ ভয়,
এই মূর্তি পূজা কর দুঃখ হবে ক্ষয়,
আমার মঙ্গল গীত করহ প্রকাশ,
কয়ে দিল। পদ্ধতি গীতের ইতিহাস,
চৈত্র মাসে শুক্লপক্ষে অষ্টমী নিশায়,
করহ আমার পূজা বিধি ব্যবস্থায়,
সভাসদ তোমার ভারতচন্দ্র রায়,
মহা কবি মহা ভক্ত আমার কুপায়,
তুমি তারে রায় গুণাকর নাগ দিও
রচিত্তে আমার গীত সাদরে কহিও
আমি তারে স্বপ্ন কব তার মত বশে
অষ্টাহ গ তের উপদেশ সবিশেষে।
সেই আজ্ঞা মত কবি ষয়গুণাকর,
অন্যদামঙ্গল কহে নব রস তর।

ভারতবর্ষীয় জনগণের একরূপ চিরন্তন
প্রথা যে বিশেষ দৈবানুগ্রহ ব্যতীত
কোন মহৎ ব্যপার সম্পাদিত হইতে
পারে না, লৌকিক প্রক্রিয়ার প্রতি
ভারতবাসীদিগের তাদৃশ বিশ্বাস ও
শ্রদ্ধা জন্মে না। প্রায় সমুদয় সংস্কৃত
গ্রন্থের অবতরণিকাতেই অলৌকিক
ঘটনার সংটন দৃষ্ট হইয়া থাকে।
অন্যদামঙ্গলের প্রতি সাধারণের বিশ্বাস

ও শ্রদ্ধা স্থাপন উদ্দেশ্যে কবি এরূপ
কল্পনা করিয়াছেন।

কৃষ্ণচন্দ্রের সভা বর্ণন কালে,
কৃষ্ণচন্দ্রের গুণ ব্যাখ্যা অতি মনোহর
ও চমৎকার জনক হইয়াছে।”
তাহতে শ্লিষ্ট পদাবলীর ব্যবহার
যার পর নাই নুকৌশলময় চাতুর্য
পরিপূর্ণ হইয়াছে।

“চন্দ্র সবে যোল কলা” ইত্যাদি—

বংশাবলীর পরিচয় তাদৃশ হৃদয়
গ্রাহী হয় নাই, অনেক গুলি সামান্য
লোকের রূখা পরিচয় দেওয়াতে নীর-
সতার উৎপাদন হইয়াছে, উল্লিখিত
স্থল পাঠে পাঠকগণের বিরক্তি ভিন্ন
আর কিছুই উৎপাদিত হয় না। বোধ
হয় পরাধীন জীবিকার অনুরোধেই
কবির এরূপ শুষ্ক বর্ণনাতে প্রস্তুত
হইয়া থাকিবেন।

গীতারস্ত্রে অল্পপূর্ণার স্তবটী বড়
হৃদয় গ্রাহী হইয়াছে, তাহা হইতে
একটি কবিতা উদ্ধৃত হইল—

যথা—“অচক্ষু সর্বত্র চান,
অকর্ণ শুনিতে পান,
অপদ সর্বত্র গতাগতি
কর বিনা বিশ্ব গড়ি,
মুখ বিনা বেদ পড়ি
সবে দেন কুমতি সুমতি।”

এই বর্ণন দ্বারা সুন্দররূপে নিরাকার
ব্রহ্মের স্বরূপ মুদ্রিত হইয়াছে। এই
মূল সংস্কার হইতেই বোধ হয় পৌত-
লিকতার আবির্ভাব হইয়া থাকিবেক,

এই কবিতার মূল ভাব, ভারতচন্দ্রের
প্রতিভা হইতে সত্ত্বত হয় নাই।
“আপনি পাঁচো জবনোগৃহীতা” এই
প্রাচীন কাব্য অবলম্বন করিয়া ভারত
চন্দ্র বায় বর্ণিত কবিতা প্রণয়ন করি-
য়াছেন সন্দেহ নাই। যাহা হউক ভাব
গ্রহণ করিয়া থাকিলেও সুকৌশল
রূপে স্বভাষায় আনয়ন জন্য কবি যে
ধন্যবাদাহ তাহাতে সন্দেহ নাই।

দক্ষালয়ে গমন কালে শিব,
অসম্মত হইলে তাহাকে ভয় প্রদর্শনার্থ
গৌরী দশবিদ্যার রূপ ধারণ করিয়া
ছিলেন, এ বিষয় তন্ত্রে বর্ণিত হইয়াছে,
ভারত তন্ত্রসারের বর্ণনা অবলম্বন
করিয়া কালী প্রভৃতির রূপ বর্ণন করি-
য়াছেন, বর্ণনা গুলি এরূপ চমৎকারিণী
হইয়াছে যে বঙ্গ ভাষাতে এ পর্যন্ত
এরূপ আর প্রায় দৃষ্ট হয় না, পাঠক
বর্গের গোচরার্থ উদ্ধৃত হইতেছে।
যতবন সতী শিব না দেন আদেশ,
ক্রোধে সতী হৈলা কালী ভয়ঙ্কর বেশ ॥
মুল্লকেশী মহামেঘ বরণা দন্তুরা।
শবারুঢ়া করকণ্ঠী শববর্ণ পুরা ॥
গলিত কধির ধারা মুণ্ড মালা গলে
গলিত কধির মুণ্ড বাম করতলে।
আর বাম করেতে রূপাণ খরশাণ।
দুই ভুজে দক্ষিণে অভয় বরদান।
লোল জিহ্বা রক্তধারা মুখের দুপাশে
ত্রিনয়ন অন্ধচন্দ্র ললাটে বিলাসে।
দেখি ভয়ে মহাদেব ফিরাইল মুখ,
তারারূপ ধরী সতী হইলা সম্মুখ ॥

নীল বর্ণা লোলজিহ্বা করাল বদনা।
সর্প বান্ধা উদ্ধ একজটা বিভূষণা ॥
অন্ধচন্দ্র পাঁচখানি শোভিত কপাল,
ত্রিনয়ন লম্বোদর পরাবাঘ ছাল।
নীলপদ্ম খড়্গ কাতি সমুণ্ড খর্পর,
চারিহাতে শোভে আরোহণ শিবোপর
দেখে ভয়ে পলাইতে চান পশুপতি,
রাজ রাজেশ্বরী হয়ে দেখা দিল সতী
রক্তবর্ণা ত্রিনয়ন। ভালে সুধাকর।
চারি হাতে শোভে পাশাক্ষুশ ধনুঃসর
বিধি বিষু ঈশ্বর মহেশাক্রম পঞ্চ ॥
পঞ্চপ্রোত নিঃশিত বসিবার মঞ্চ ॥
দেখিয়া শঙ্কর ভয়ে মুখ ফিরাইলা।
হইয়। ভুবনেশ্বরী সতী দেখা দিলা।
রক্তবর্ণা স্তম্ভূষণা আসন অম্বুজ।
পাশাক্ষুশ বরাভয়ে শোভে চারি ভুজ ॥
ত্রিনয়ন। অন্ধচন্দ্র ললাটে উজ্জ্বল,
মণিময় নানা অলঙ্কার বলমল ॥
দেখি ভয়ে মহাদেব গেলা এক ভিতে।
ভৈরবী হইয়া সতী লাগিলা হাসিতে ॥
রক্তবর্ণা চতুভূজা কমল আসন।
মুণ্ডমালা গলে নানা ভূষণ ভূষণ ॥
অক্ষমালা পৃথী বরাভয় চারি কর।
ত্রিনয়ন অন্ধচন্দ্র ললাটে উপর ॥
দেখি ভয়ে বিশ্বনাথ হইলা কম্পিত।
ছিন্ন মস্তা হৈলা সতী অতি বিপরীত
বিকসিত পুণ্ডরীক কর্ণিকার মাজে।
তিনগুণে ত্রিকোণ মণ্ডল ভাল মাজে ॥
বিপরীত রতেরত রতিকামোপরি।
কোকনদ বরণা দ্বিভূজা দিগম্বরী ॥
নাগ যজ্ঞোপবীত মুণ্ডাস্থি মালা গলে

খড়্গে কাটি নিজ মুণ্ড ধরিকর তলে ॥
কণ্ঠ হৈতে কধির উঠেছে তিন ধর,
এক ধারা নিজ মুখে করেন আহার।
দুই দিগে দুই সখী ডাকিনী বর্ণিনী।
দুই ধারা পিয়ে তার শব আরোহিণী
চন্দ্রসূর্য্য অনল শোভিত ত্রিনয়ন।
অন্ধচন্দ্র কপাল ফলকে সুশোভন ॥
দেখি ভয়ে ত্রিলোচন মুঁ দিলা লোচন।
ধূমাবতী হয়ে সতী দিলা দরশন ॥
অতি রক্ত বিধবা বাতাসে দোলে স্তন।
কাকধ্বজরথা রুঢ়া পূমের বরণ ॥
বিস্তার বদনা কৃশা ক্ষুধায় আকুলা,
এক হস্ত বম্পমান আর হস্তে কুলা ॥
ধূমাবতী হেরি হর সভয় হইল।
হইয়া বগল মুখী সতী দেখা দিলা ॥
রত্নগৃহে রত্নসিংহাসন মধ্যে স্থিত।
পীতবর্ণা পীতবস্ত্রাভরণ ভূষিত ॥
এক হস্তে এক অম্বুবের জিহ্বা ধরি !
আর হস্তে মুদগর ধরিয়া উর্দ্ধকরি।
চন্দ্রসূর্য্য অনল উজ্জ্বল ত্রিনয়ন।
ললাট গণ্ডলে চন্দ্রখণ্ড সুশোভন ॥
দেখি ভয়ে ভোলানাথ যান পলাইয়া।
পথ আগুলিলা সতী মাতঙ্গী হইয়া ॥
রত্নপদ্মাসন। শ্যামা রক্তবস্ত্র পরি,
চতুভূজ খড়্গ চর্ম্ম পাশাক্ষুশ ধরি।
ত্রিলোচনা অন্ধচন্দ্র কপাল ফলকে ॥
চমকিত বিশ্ব বিশ্বনাথের চমকে।
মহাভয়ে মহাদেব হৈলা কম্পমান ॥
মহাক্ষ্মী রূপে সতী কৈলা অধিষ্ঠান।
সুসর্গ সুবর্ণ বর্ণ আসন অম্বুজ
দুই পদ্ম বরাভয়ে শোভে চারি ভুজ ॥

চতুর্দশ চারি শ্বেত বারণ হরিষে।
বহু ঘটে অভ্যেকে অমৃত বরিষে ॥
ভারত কহিছে মাগো এই দশ রূপে।
দশদিগে রক্ষাকর কুম্ভচন্দ্র ভূপে।

এই অংশই অন্নদা মঙ্গলের সর্বোৎকৃষ্ট এই রূপ বর্ণন গুলি পাঠ করিবার সময় হৃদয় মুলুমুলুঃ রৌদ্ররমে উচ্ছাসিত হইতে থাকে। বোধ হয় যেন বর্ণিত মূর্তি সকল সন্মুখে দণ্ডায়মান আছে, এই অবস্থায় শিব যে ভীত হইয়া নিজ অনভিপ্রেত বিষয়ে সম্মত হইবেন আশ্চর্য্য নহে। এই দশবিধরূপ যদিও ভারতচন্দ্রের প্রতিভা পরি-
কল্পিত না হউক, তথাপি বাঙ্গলাতে রসাত্মক রূপে প্রকাশ করাতে যথেষ্ট প্রশংসার কার্য হইয়াছে। কিঞ্চিৎ কিঞ্চিৎ মত ভেদানুসারে ন না তস্তে এইরূপ গুলি বর্ণিত হইয়াছে গুণাকর তাহার অবিকল অনুবাদ করিয়াছেন। প্রশংসার বিষয় এই যে অনেক মূল মূল উপেক্ষাও উৎকৃষ্ট হইয়াছে। গোচরার্থ একটা মাত্র সংস্কৃত বিবচিত রূপ উদ্ধৃত হইল অনুবাদের সহিত তুলনা করিয়া দেখিলেই অনুমিত হইবে।

বরাংকুশাপাশমভেতি মুদ্রাং
করৈব হস্তীং কগলাসনস্থাঃ
বালার্করুপাং মণিরতু বেষাং
ধ্যায়ে ত্রিনেত্রাং ভুবনেশ্বরীং তামা
দশবিধরূপ কল্পনার মধ্যে ছিন্ন
মস্তা মূর্তি, সমধিক ভয়ঙ্করী, ভারতচন্দ্রের
বর্ণনা ও তদনুযায়ী নাই হইয়াছে।

তদ্রমতে এই দশ মহাবিন্যাস
শান্ত বর্ণের প্রধান উপাসা, এতদশ
রূপ কল্পনা দ্বারা ধর্ম প্রয়োজকদিগের
ধর্ম প্রচার ও নীতি শাসনের উত্তম
পরিচয় প্রাপ্ত হওয়া ঘাইতেছে, ভয়
প্রদর্শন দ্বারা যেরূপ উদ্ধত স্বভাব
অমুব প্রকৃতি মানুষের নীতি শাসন
সাম্পাদিত হইতে পারে শান্ত ভাবে
সেরূপ কখনই হইবার নহে সদাচারভ্রষ্ট
কতকগুলি অমুব স্বভাব মানুষের ধর্ম
শোধনের নিমিত্ত একরূপ উগ্রমূর্তি সমূহ
উপাসনার পদ্ধতি প্রচারিত হইয়া
থাকিবে, মুশিষ্ট বচিত কালী মূর্তি
দর্শন করিয়া অনেক বিদেশীয় লোক
কেবা তচ্চরণাবনত হইয়াছে, ভয় দ্বারা
ও পরে ভক্তির উদ্রেক হইয়া থাকে।

দক্ষ, সভাস্থলে যে শিব নিন্দা ক-
রেন তাহার দ্বার্থ পদ সমায়েস বড়
চফৎকার জনক হইয়াছে, কিন্তু ভাবের
তাদৃশ গাঙ্গুলীয়া দুই হয় না ইহার বচন
দ্বারা যেরূপ কর্ণ বিমোদন হইয়া থাকে
সেরূপ চিত্তব্রঞ্জন হইবার সম্ভাবনা নাই
নিন্দা বর্ণন কালে একরূপ সকল তীব্র
ভাব ও বাক্য সমাবেশ করা আব-
শ্যক যে তৎশ্রবণে তৎপ্রিয় ভক্ত কি
পক্ষপাতী ব্যক্তি মাত্রেই স্মৃতা তুল্য
ক্লেশ জনক বিরক্তি উৎপাদিত হইয়া
থাকে।

ক্রমশঃ

কর নিদ্ধারণ।

ইদানীন্তন অসুদেহে কর লইয়া
যেরূপ নানা প্রকার আন্দোলন
হইতেছে কি রাজ দ্বারে, কি সভায় কি
বন্ধু মণ্ডলীতে, কি পরিবার গৃহে, কি
কৃষি জমিদারদের মধ্যে—যখন সকল
লোকের মুখেই রাজ করের অত্যাচা-
রের বিষয় শ্রবণ করা ঘাইতেছে সে
সময়ে কর সম্বন্ধীয় কোন প্রসঙ্গ যে
সাধারণ পাঠক মণ্ডলীর হৃদয়গ্রাহী
হইবে না এমত নহে। আগরা দুই
তমটী প্রস্তাবে কর সম্বন্ধে বিখ্যাত
বাজনৈতিজ্ঞদিগের মতামত প্রকাশ
করিব।

কর নিদ্ধারণ বিষয়ে কয়েকটি
বিশেষ নিয়ম আছে :

(১) প্রত্যেক রাজ্যের প্রজাব-
র্গকে রাজকোষ পূরণার্থ সাহায্য
প্রদান করা উচিত। কিন্তু এইটী
প্রত্যেক প্রজার আয়ভাগিন হওয়া
উচিত। যে ব্যক্তি যে পরিমাণে
রাজ্যের ভূমি সম্পত্তি সম্ভোগ করেন
তাঁহার সেই সম্পত্তির আয় অনুসারে
কর প্রদান করা কর্তব্য। প্রজার
অবস্থা বা আয় অনুসারে কর নিদ্ধারণ
কেনায়ায়কর তদ্বিপরীত হইবে ই অন্যায়
কর বলা যায়।

(২) প্রত্যেক ব্যক্তির যে কর প্রদান
করা উচিত তাহা নির্দিষ্ট হইবে।
কখন অনির্দিষ্ট হওয়া বিধেয় নহে;
কোন সময়ে কর প্রদান করিতে
হইবে; কি পরিমাণে কর দিতে হইবে;
কর দাতাকে এ বিষয় গুলি স্পষ্ট রূপে
জ্ঞাত করা উচিত।

অপর সাধারণকেও এবিষয়ে অভিজ্ঞ
করা কর্তব্য; অন্যথা হইলে প্রত্যেক
কর প্রদাতাকে কর গ্রাহীর ক্ষমতাধীন
হইতে হয়। কারণ উপরিউক্ত বিষয়ে
অনভিজ্ঞ থাকিলে কর গ্রাহক অন্য-
য়াসে অত্যাচার পূর্বক অধিক কর
গ্রহণ বা নিজে উৎকোচ গ্রহণ করিতে
পারে। অনির্দিষ্ট কর গ্রহণ দ্বারা যে
সকল ব্যক্তি অন্যত্র সর্বদা ভদ্র বলিয়া
পরিগণিত হন তাঁহারাও কার্যা গতিকে
অত্যাচারী উৎপীড়ক ও অপকারক
হইয়া পড়েন। অনির্দিষ্ট কর দ্বারা
যে দাতা ও গৃহীতা উভয়েরই অনেক
অনিষ্ট হয় তাহা সকল দেশে সকল
লোক দ্বারা স্বীকৃত হইয়া থাকে।

(৩) কর দাতার সময়ানুসারে ইচ্ছা
বা সুবিধানুসারে কর গ্রহণ করা
বিধেয়। যে সময়ে প্রজারা ক্ষেত্র
হইতে ধান্যসংগ্রহ করত গৃহে আনয়ন
করে কিম্বা যে সময়ে তাঁহার জমিদা-
রকে রাজস্ব প্রদান করে সেই সময়ে
তাঁহাদের নিকট কর গ্রহণ করা অন্য-
য়াস সাধ্য কার্য্য। যে সময়ে দাতার
কর প্রদানের উপায় আছে সেই সম-

য়েই কর গ্রহণ করা কর্তব্য। আহাৰ্য্য ও বাবহাৰ্য্য বাত ত অন্যান্য অনাবশ্যকী মুখ বন্ধক দ্রব্যাদির উপর কর যথা সময়ে গৃহীত হইয়া থাকে। ক্রেতার যেরূপ ক্রমে ক্রমে সেই দ্রব্যাদির আবশ্যক হয়, সে সমস্ত দ্রব্যের উপর কর ও তিনি ক্রমে ক্রমে প্রদান করিতে থাকেন। অনাবশ্যক দ্রব্য ক্রয় করা ক্রেতার ইচ্ছাধীন, প্রয়োজন হইলে ক্রয় করিতে অন্যথা ক্রয় না করিতে পারেন। সুতরাং অনাবশ্যক দ্রব্যাদির উপরে যে কর নির্দ্ধারিত করা হয় তাহা প্রদান জন্য তাঁহার যদি কোন যত্ননা সহ্য করিতে হয় কিম্বা কোন কষ্ট পাইতে হয় সেটী তাঁহার নিজের দোষ বলিতে হইবে।

(৪) এমত পরিমাণে কর গ্রহণ করা কর্তব্য যে সংগৃহীত কর দ্বারা কর সংগ্রহের ব্যয় নির্বাহ করিয়া রাজকোষের কিছুৎ উপকার হয়, প্রজার ও অনিষ্ট সংঘটন না হয়। এক্ষণে হইতে পারে যে কর দ্বারা রাজ কোষের কিছুমাত্র উপকার হইল না। অথচ প্রজার অনর্থক অর্থ ব্যয় হইয়া যায়। যথা:—

১ কর আদায়ের জন্য এত অধিক সংখ্যক লোকের আবশ্যক হয় যে তাহাদের বেতন দিতেই সমস্ত কর নিশেষিত হইয়া যায় এবং সেই সকল কর্মচারীদিগের উদর পূরণার্থ প্রজাদিগের উপরে আর একটা স্বতন্ত্র

কর গৃহীত হইয়া থাকে।

২। ইহা দ্বারা সাধারণ পরিশ্রম ও অর্থ এক সামান্য বিষয়ে ব্যাপ্ত থাকে।

৩। যে সকল হতভাগ্য লোকেরা কর গ্রাহীদিগের করাল গ্রাস হইতে মুক্ত হইবার জন্য কোন নিকৃষ্ট উপায় অবলম্বন করে, তাহারা অন্য কোন উপায় দ্বারা প্রথমে কর গ্রাহকের চক্ষে ধূলি প্রদান করে কিন্তু পরে তাহাদের ধূর্ততা ও কাশ হইলে তাহারা দ্বিগুণ কর প্রদান কর না দেওয়ার জন্য অর্থ দণ্ড দ্বারা একেবারে জর্জরীভূত হইয়া পড়ে। এমন কি অনেকে সর্বস্বান্ত হইয়া পড়ে। কিন্তু তাহাদের দ্বারা ও তাঁহাদের অর্থ দ্বারা সাধারণের যে উপকার হইত তাহা একেবারে নষ্ট হইয়া যায়। অন্যায় কর নির্দ্ধারণে অনেক জুয়াচুরি ও শঠতা উৎপাদিত করিয়া থাকে।

৪ কর সংগ্রাহকেরা প্রজা দলের অবস্থাসুদ্ধান জন্য সর্বদাই তাঁহাদের বাগীতে গমন করিয়া থাকে সুতরাং তাহারা সর্বদাই কর আদায় কারীদিগের দ্বারা উত্তেজিত ও উৎপীড়িত হইয়া থাকে। তাহাদের অত্যাচার নিবারণের জন্য প্রজাদিগের মধ্যে অর্থ ব্যয়ও হইয়া থাকে।

এ সমস্তের উপরে আরও একটা ভয়ঙ্কর উৎপাত আছে। বাণিজ্য দ্রব্যাদির উপরে কর নির্দ্ধারণ বিষয়ক

বিধি গুলি এত কঠিন যে তদনুসারে কার্য্য করা সামান্য ক্লেশজনক ও ও ব্যয় সাধা ব্যাপার নহে। সুতরাং তদ্বারা উপকার হওয়া দূরে থাকুক বাণিজ্যের বিশেষ অনিষ্টই ঘটিয়া থাকে।

সাধারণতঃ কর নির্দ্ধারণের বিশেষ নিয়ম। এক্ষণে এ বিষয়ের সাংলোচনায় প্রবৃত্ত হওয়া উচিত।

প্রত্যেক রাজ্যের সমস্ত কার্য্যই একটি নিয়মানুসারে চলি উচিত। প্রত্যেক লোকের প্রতি রাজ্যের অধিকার সমান সুতরাং কর বিষয়ে কোন বিভিন্নতা করা অন্যায়। প্রত্যেক লোকের নিকট সম পরিমাণে কর গ্রহণ করা উচিত অর্থাৎ প্রত্যেক কেই কিয়ৎ পরিমাণে ভাগ স্বীকার করা কর্তব্য। এবং এক্ষণে কর গ্রহণ দ্বারা সকলকে অসম্পূর্ণ পরিমাণে ভাগ স্বীকার করিতে হয়। যদি কোন কোন ব্যক্তি কিয়ৎ পরিমাণে অসম্পূর্ণ ক্ষতি স্বীকার করিয়া সাধারণ ভয়ের অসম্পাংশ বহন করে তাহা হইলে অন্য এক জন ব্যক্তিকে সেই পরিমাণে অধিক ক্ষতি সহ্য ও অধিক ভার বহন করিতে হইবে সন্দেহ নাই। এবং এই জন্য একের অসম্পূর্ণ ক্ষতি সহিত অন্যের অধিক ক্ষতির তুলনা হইতে পারে না। সমকর গ্রহণ ক্ষমতা সমক্ষতি বা সমভ্যাগ স্বীকার অবিহিত হইয়া থাকে। প্রত্যেক ব্যক্তির

দান হইতে রাজ্যের ব্যয় নির্বাহিত করা বিধেয়, কিন্তু সেই আয়টী এক্ষণে হওয়া উচিত যে প্রত্যেক লোক যেন অন্যের অপেক্ষা অধিক ক্লেশ ভোগে ক্ষতি প্রাপ্ত না হয়। যদিও এই নিয়মটী সম্পূর্ণরূপে কার্য্য পরিণত করা কঠিন তথাপি সাধ্যানুসারে এই নিয়মানুযায়ী কার্য্য করা প্রত্যেক রাজ্যের কর্তব্য মধ্যে পরিগণিত করা উচিত।

কেহকেই এই মত সম্বন্ধে আপত্তি উত্থাপিত করেন। তাঁহারা বলেন যে প্রত্যেক ব্যক্তি যে পরিমাণে কর প্রদান করিবে তাহাকে তৎপরিবর্তে সেই পরিমাণে উপকার প্রাপ্ত হওয়া উচিত। অর্থাৎ একজন যত কর দিবে তাহার ততটুকু সুবিধা হওয়া উচিত। শাসন কর্তাদিগেরও এ বিষয়ে মনোযোগী হওয়া উচিত। তাঁহারা আরো বলেন যে লোকের আয় অনুসারে কর লওয়া উচিত। কারণ যাহার অধিক আয় আছে, তাহার সম্পত্তি বক্ষার্থে রাজ্যের অধিক সহায়তা আবশ্যক সুতরাং তাহার জন্য রাজ্যের অধিক কষ্ট হইল তাহাকে অধিক কর দেওয়া উচিত। যাহারা ইহা স্বীকার করেন যে শুদ্ধ প্রজাব সম্পত্তি বক্ষার্থে রাজ্য সংস্থাপিত তাঁহারা বলেন যে শরীর ও সম্পত্তি এই দুইটিরই সংরক্ষণ ও তদ্ব্যবধান আবশ্যক, সুতরাং শরীর বক্ষার্থে

প্রত্যেক লোকের নিকট সম কর গ্রহণ করা অন্যায় নহে। সম্পত্তি রক্ষার জন্য সম্পত্তির অবস্থানুসারে স্বতন্ত্র কর গৃহীত হওয়া উচিত। এই মতটী যে নিতান্ত ভ্রমাত্মক তাহা বিলক্ষণ প্রতীত হইতেছে এবং সামান্যতঃ তাহা খণ্ডন করা যাইতেছে, শরীর ও সম্পত্তি রক্ষা রাজার এক মাত্র কার্য্য ও উদ্দেশ্য নহে। সামাজিক বন্ধনের ন্যায় রাজার উদ্দেশ্য অধিক তরত্ব বিস্তার। সাধারণ হিত সাধন, সমস্ত দোষ সংশোধন, সর্ব-প্রকার বিপদোদ্ধার করাই প্রত্যেক রাজার প্রধান কার্য্য।

দ্বিতীয়তঃ অনির্দিষ্ট বিষয়ের উপরে নির্দিষ্ট কর নির্ধারণ প্রথা অতীব অন্যায়। ইহা কেহই স্বীকার করিবেন না যে অধিক সম্পত্তির জন্য অধিক পরিমাণে কর দিলে অধিক পরিমাণে সেই সম্পত্তি সংরক্ষিত হইবে না। দশ সহস্র মুদ্রার সম্পত্তি জন্য দুই শত শান্তিরক্ষকের বেতন স্বরূপ কর দিলে কখনই দুইশত শান্তিরক্ষকের সাহায্য পাওয়া যায় না।

যদি এরূপ অনুসন্ধান করা যায় যে রাজার দ্বারা কোন শ্রেণীর লোকে অধিক উপকৃত হয় তবে দেখা উচিত রাজা যাইলে কোন ব্যক্তির অধিক ক্ষতি গ্রহণ হয়। ইহা স্পষ্টই প্রকাশ হইবে যে যাহারা স্বভাবতঃ

অজ্ঞ হীন বল ও অর্থ বিহীন তাহারা অধিক বিপদ গ্রস্ত হইবে। পাথের ভিকারিরাই এই শ্রেণীর লোক। তাহারা নিরুপায়, অর্থ বিহীন উপায় হীন, বাঙ্কব হীন, রাজ্য ব্যতিরেকে কে তাহাদের রক্ষণা বেসন করিবে। এই মতে যাহাদের জন্য রাজ্যের অধিক ক্লেশ হয়, অধিক অর্থ ব্যয়িত হয় যাহারা আত্ম রক্ষণে নিতান্ত অক্ষম ও যাহারা এক দণ্ড রাজ্যের সহায়তা ভিন্ন চলিতে পারে না তাহাদিগের নিকট হইতে অধিক কর লওয়া উচিত। এইমতে ভিকারিরাই তবে অধিক কর দান করিবে। কিন্তু ধর্ম্ম ন্যায়পরত' দয়া উচ্চৈঃস্বরে বলিতেছে "দরিদ্রকে রক্ষা কর দিন হীন জনকে অর্থ দেও, উপায় হীনকে সাহায্য কর, রোগীকে ঔষধ দেও, ও বিধবার চক্ষের জল মোচন কর।"

রাজা সাধারণের বস্ত্র—সুতরাং কোন ব্যক্তি ইহাতে অধিক সন্দেহ আছে তাহা অনুসন্ধান করা অপ্রয়োজনীয়। যদি কোন শ্রেণীর লোক কিয়ৎ পরিমাণে অল্প উপকার প্রাপ্ত হইয়া এই আপত্তি উপস্থিত করে যে-আমারা যে রূপ কর দিতেছি সে পরিমাণে উপকার পাইতেছি না আমরা তাহাদিগকে বলি, যে অন্য কোন দাগ কোন অর্থ ব্যয় আছে সুতরাং কর গৃহীত অর্থের সম্ভায় হয় না

কর কমাইবার চেষ্টা না করিয়া উল্লিখিত দোষ সংশোধনের চেষ্টা করা উচিত। কোন সাধারণ হিতকর বিষয়ে দান ও এরূপ সকলে যথাসাধ্য দান করিয়া পরিতৃপ্ত থাকে। অর্থাৎ সাধারণ হিতকর কার্য্যের জন্য সকলে কিছু কিছু ক্ষতি স্বীকার করিল। এবং এই নিয়মেই করগ্রহণ করা উচিত।

যখন ইটী স্বীকৃত হইল যে, প্রত্যেক কেই কিছু কিছু ক্ষতি স্বীকার করিতে হইবে, তখন আমাদের দেখা উচিত যে প্রত্যেক ব্যক্তির আয়ের উপর শতকরা কিছু কিছু কর লইলে এই মত কার্য্যে পরিণত হইল কিনা। অনেকে বলেন যে এরূপ করিলে অত্যাচার হইল। যে ব্যক্তির দশ টাকা আয় তাহার নিকট ১ টাকা ও যাহার ১০০ শত টাকা আয় তাহার নিকট ১০ টাকা লইলে বিচার হইল না পনের কিছুই হইল না অথচ দরিদ্র একেবারে ধারা গেল। এবং এই জন্যই আয় অনুসারে কর গ্রহণ করা উচিত।

পূর্বোক্ত বিষয়টী প্রগাঢ় অভিনিবেশ পূর্বক দেখিলে প্রতীয়মান হইবে যে, উপরের লিখিত নয়মতীর এই কারণ দেওয়া যাইতে পারে। এই করটী দুই প্রকার—অনাবশ্যক দ্রব্যাদির উপরে কর, আর জীবন ধারণোপযোগী দ্রব্যাদির উপর কর নিষ্কারণ।

যে ব্যক্তি বৎসরে ১০ সহস্র মুদ্রা উপার্জন করে তাহার নিকট হইতে বৎসরে সহস্র মুদ্রা লইলে তাহার কিছুই ক্ষতি হয় না, ইহা দ্বারা কোন বিষয়ে তাহা কোন অসুবিধা ঘটে না, জীবন ধারণ দ্রব্যাদি হইতেও বঞ্চিত করে না। কিন্তু অপর দিকে যে ব্যক্তির আয় বৎসরে ৫ শত মুদ্রা, তাহার নিকট পঞ্চাশত মুদ্রা লইলে তাহার ক্ষতি অধিক ও তাহার ক্ষতির সহিত প্রথম ব্যক্তির ক্ষতি ও ক্লেশ তুলনা হইতে পারে না। কর বিষয়ে এই বৈশ্যমতা বিচারের একটা প্রকৃষ্ট উপায় আছে। যাহার নিকট কর গ্রহণ করা হয় প্রথমে দেখা উচিত যে করগ্রহণান্তর যে অর্থ অবশিষ্ট থাকে তাহারা তাহার সংসার নির্বাহ হয় কিনা।

যদি ৫ শত টাকা এক ব্যক্তির সংসার নির্বাহ জন্য আবশ্যিক হয় তাহা হইলে সেই ৫ শত মুদ্রা যদ্বারা অনাবশ্যক দ্রব্যাদি হইতে বঞ্চিত থাকিয়া সামান্য গ্রামাচ্ছাদন চলিতে পারে তাহার উপর কর গ্রহণ করা বিধেয় নহে। যদি ৫ শত টাকাই এক জন লোকের নিতান্ত আবশ্যিক স্থিরীকৃত হইল তাহা হইলে ৫ শত টাকার অধিক আয়ের উপর কর গ্রহণ করা উচিত। কিন্তু কর এরূপ হওয়া উচিত যে ব্যয় বাদে যে অর্থ জমা হয় তাহার উপরেই কর গ্রহণ করা

উচিত। এখনও যাহার ৩ শ টাকা আয় হয় তাহাইইলে ৫ শত টাকা বাদে অবশিষ্ট এক শত টাকায় তাহার আয় স্বরূপ বলিতে হইবে, সুতরাং যদি শত করা ১০ টাকা কর ধাৰ্য্য করা হয় তাহাইই সেই ১ শত টাকার উপরেই দশ টাকা কর লওয়া উচিত। আর যাহার দশ সহস্র মুদ্রা আয় তাহার ৫ শত টাকা বাদে ৯৫০০ টাকার উপরেই কর লওয়া কর্তব্য। এরূপ হইলে প্রত্যেকে এক নির্দিষ্ট কর দিতে অথচ সেই কর তাহার সংসার খরচের মধ্য হইতে না দিয়া তাহার উদ্বৃত্ত অর্থের উপর গৃহীত হইল। ৫ শত টাকার অনধিক আয়ের উপর কখনই দৃষ্টিতঃ কিন্তু প্রকারভেদে কোন কর লওয়া উচিত নহে। কারণ যখন ইহা স্বীকৃত হইল যে ৫ শত টাকা এক জনের গ্রামাচ্ছাদনের জন্য ব্যয়িত হয় তখন তাহার উপর কর ধাৰ্য্য করিয়া কোন মতেই সেই পাঁচ শত টাকা ন্যূন করা উচিত নহে। এই কারণে অনাবশ্যক দ্রব্যাদির উপরে কর গৃহীত হওয়া আবশ্যিক হয়। কারণ যে ব্যক্তি নিজ সংসার প্রতি পালন উপেক্ষা করিয়া অনাবশ্যক দ্রব্যাদিতে অর্থ ব্যয় করে, তাহাকে দূতরাঃ অপর সাধারণের ন্যায় অনাবশ্যক দ্রব্যজাত মুখ সম্ভোগ করণ জন্য রাজকোষ পূরণার্থ যৎকিঞ্চিৎ কর দেওয়া উচিত। অনেক গুলি দ্রব্য

আছে যাহা আমরা ক্রয় করিতে পারি নাও পারি। তামাক, মাঝান, মদ, চুরট, প্রভৃতি অনেক দ্রব্য আছে যাহা আমাদের না কিনিলেও চলে সুতরাং যদি এ সমস্ত দ্রব্যের উপর কর লওয়া হয় তাহা হইলে আমাদের বিশেষ ক্ষতির সম্ভাবনা নাই। কিন্তু চাউল, ডাল তৈল ঘৃত লবন প্রভৃতি দ্রব্য যাহা ভিন্ন আমাদের এক দিন চলে না তাহার উপর কর লওয়া অত্যন্ত অনায়াস। অনেকে বলেন যে পুস্তকাদির উপরে কর গ্রহণ করা অন্যায় নহে কারণ পুস্তক পাঠ না করিলে যে জীবন ধারণ হয় না এরূপ নহে। কিন্তু আমাদের মতে চাউল প্রভৃতি যেরূপ শরীর ধারণোপযোগী দ্রব্য পুস্তকও সেইরূপ অন্তর-রক্ষণোপযোগী বস্তু। তাহার ব্যতিরেকে যেরূপ পঞ্চভূত শরীর ধ্বংস হয় শিক্ষা ব্যতিরেকে সেইরূপ অন্তর নষ্ট হয়।

কেহ কেহ বলেন যে পারিমাণিক কর দ্বারা অধিক আয়ের লোক পোষণ অল্প আয়ের লোকের অধিক ক্ষতি হয়। কারণ যে ব্যক্তি অধিক কর দেয় সমাজ মধ্যে তাহার কিছুই হয় না। কিন্তু যে ব্যক্তি অল্প কর দেয় সমাজে তাহার অনেক মান হানির সম্ভাবনা আছে। অর্থই যখন মান মর্যাদার মূল স্বরূপ হইল, তখন যে ব্যক্তি অল্প কর দেয় সে ব্যক্তি

সমাজে অপদার্থ বলিয়া পরিগণিত হইবে এরূপ ভয় অনেকের আছে। যদিও এই মতটী মত হয় তাহাইইলেও এবি-ষয়েরাজ্য করা দৃষ্টিপাত বিধেয় নহে কারণ ইহা কখনই সম্ভব নহে যে, অর্থ বা ব্যয় অনুসারে লোকের সমাজের পদবী নির্ণয় হইয়া থাকে, ধনীরাই যে সমাজ শ্রেষ্ঠলোক ইহা কখনই কেহ স্বীকার করিবেন না। কারণ প্রধানতঃ নগরে অনেক ভাগ্যবান ব্যক্তি আছেন, ধন ব্যতিরেকে সমাজ মধ্যে পরিগণিত হইবার তাঁহাদের অনেকেই বিশেষ গুণ নাই। কিন্তু এদিকে অনেক নিম্নব্যক্তি আপনাপন বিদ্যা বুদ্ধি, সাধা-রণ হিত কারিতা ও দেশ হিতৈষিতা প্রভৃতি গুণে সর্ব সাধারণের মান্য ও গণ্য হন। মূল্যানুসারে সমস্ত দ্রব্যের উপরে কর গ্রহণই সকল রাজ্যের কর্তব্য এবং সেই জন্য ধন দ্বারা যে সমস্ত অনাবশ্যক দ্রব্য আকৃত হইতে পারে সেই সমস্ত দ্রব্যের উপরে কর লওয়া উচিত মধ্যবিত্ত লোক মাত্রই স্বীয় নিধনতা গোপন মানসে আয় তালিকাতে কৃত্রিম আয় দেখাইয়া থাকেন কিন্তু গবর্নমেন্টের তাহা বিশ্বাস না করিয়া সেই সকল ব্যক্তির যথার্থ আয় কি তাহা নির্ধারণ করা উচিত। লোকে মুখ সম্ভোগার্থে যে অর্থ ব্যয় করিয়া থাকে গবর্নমেন্ট তাহারই কৃতান্ত গ্রহণ করিয়া থাকেন কিন্তু যাহার আপন ইচ্ছানুসারে

আয় গোপন করিয়া বর রাজস্বের ভান করেন তাঁহাদের হুঁহাং কৃতি-বায়াধিকোর জন্য অধিক কর দিতে হইবে।

অনেক রাজনৈিকেরা ধন সম্পত্তির সমান অংশ করবার মানসে পুঙ্খ পরম্পরাগত একটি কর গ্রহণ করিতে অনুরোধ করেন। সম্পত্তি বা ভূম্য দিব উপর এই কর লওয়া উচিত, কিন্তু আমাদের মতে এটি অন্যায় কারণ সমান অংশে সম্পত্তি বন্টন যদিও কোন কোন অংশে প্রয়োজনীয় হইতে পারে কিন্তু তাহা বলিয়া অপরিমিত ব্যয়ীর সুবিধার জন্য মিত ব্যয়ীর ক্ষতি করা অনায়াস। অতি সামান্য আয়ের অপেক্ষা বিপুল আয়ের উপরে অধিক কর নির্ধারণ করা অসম ও মিতব্যয়িতার উপরে কর গ্রহণ করা ভিন্ন অন্য কিছুই নহে। ইহা দ্বারা যে ব্যক্তির অন্যাপেক্ষা অধিক পরিশ্রমের দ্বারা অর্থ সঞ্চয় করিয়াছে, তাহাদের সেই পরিশ্রমের জন্য দণ্ড দিতে হইল।

সঞ্চিত ধনের সাধারণতঃ করিয়া যে ধন সঞ্চিত হইতেছে তাহারই সীমা বদ্ধ করা প্রজা হিতৈষি রাজ্যের কার্য। অপরিমিত ব্যয়ে উৎসাহ না দিয়া ধন সঞ্চয়ের পক্ষে সুবিধা করিয়া দেওয়াই উচিত। প্রত্যেক ব্যক্তিকেই সমান উপকরণ লইয়া কার্য ক্ষেত্রে প্রতিষ্ঠিত হইতে দেওয়া কর্তব্য। কিন্তু

অলস ও অপরিমিত ব্যয়ীর অবিশ্বাস-
কারিতা নিবন্ধন ক্ষতিপূরণার্থ কৰ্ম্মঠ
শিতাবয়ীর ও পরিণামদর্শীকে বিপদ
শ্রমকরা বিধেয় নহে। যে উপায়ে অন্ত
সামান্য আয়স স্বীকার করতঃ কত
কার্য্য হয় হয়ত অপর এক ব্যক্তি
অধিক চেষ্টা করিয়া তাহাতে অকৃত
কার্য্য হয়। কিন্তু এটি গুণের তার
তমাসুসারে যতেনা সুবিধার ন্যূনাধি-
ক্যের জন্যই ঘটিয়া থাকে। কিন্তু যদি
রাজা উৎকৃষ্ট রাজবিধি দ্বারা ও রাজ
নীতিজ্ঞের। সদুপদেশ দ্বারা এই
সুবিধার তারতম্যসমীকৃত করিতে
পারেন তাহা হইলে কখনই আয়
বিষয়ে আর বৈষম্য দৃষ্টিচর হয় না।
সাধারণ হিত সাধনার্থ পৈতৃক
সম্পত্তি দানের উপরে কর গ্রহণ করা
কর্তব্য। অর্থাৎ একজন সম্পন্ন ব্য-
ক্তির মৃত্যুকালে দানপত্র দ্বারা নিজ
সম্পত্তি দান করিবার ক্ষমতা থাকিলে
তাহাকে সেই ক্ষমতার জন্য কর দে-
ওয়া উচিত। বস্তুতঃ সেই করদাতার
নিকট গৃহীত হয় না যে ব্যক্তি বিন
আয়াসে বিপুল ধন সম্পত্তি প্রাপ্ত
হইল সে ব্যক্তি কি জন্য না সাধারণ
উপকারার্থে কিঞ্চিদংশে রাজের
উপকার করিবেন। কিন্তু এ বিষয়েরও
একটি নিয়ম বদ্ধ করা উচিত। একজন
মধ্যবিত্ত লোক তাহার পিতার মৃত্যু
কালে কিঞ্চিৎ সম্পত্তি প্রাপ্ত হইলে
তাহাকে কখনই কর দেওয়া উচিত

নহে। কিন্তু যে ব্যক্তি এক কালে
এক রাজ্যের সম্পত্তি পাইলেন তাহার
নিকট অবশ্যই কর গৃহীত হইবে।
অনেকে বলেন যে, যদি কোন ব্যক্তি
মৃত্যুকালে নিজ সম্পত্তি সম্বন্ধে কোন
দানপত্র না করিলেন তাহা হইলে
সেই সম্পত্তি রাজকোষে সাৎ হইয়া
যাওয়া উচিত। আমাদের মতে
এটি অন্যায় এরূপ স্বার্থপরতা ত্যাগ
করিয়া রাজ্য যদি পূর্বোক্ত রূপে
সম্পত্তির উপরে কর গ্রহণ করেন
তাহা হইলে যথেষ্ট রাজ্যের অকুলান
পূরণ হইতে পারেও প্রজাবর্গের কোন
মর্মান্তিক ক্রেশ হইতে পারে না। এবং
এই জন্য অধিক সম্পত্তির উপরে অ-
ধিক করনা লইয়া তাহা প্রাপ্তকালে
উত্তরাধিকারির নিকটেই সম্পত্তির
মূল্যানুসারে কর গ্রহণ করা উচিত ॥

(ক্রমশঃ)

মিতব্যয়িতা।

ধনী ব্যক্তির। সর্বদা নিপন
ব্যক্তিদিগকে মিতব্যয়ী হইতে অনু-
রোধ করেন এবং তাহার। ইহাতে
এক প্রকার প্রীতি লাভ করেন।
মহাসভায় প্রতি বৎসরের প্রাককালে
এ বিষয়ে এক একটি উপদেশ
প্রদান করা সমস্ত দেশহিতৈষিণ
কর্তব্য কর্ম্মের মধ্যে পরিগণিত করেন
নিরুপায় নিরক্ষয় গ্রাসাচ্ছ দন

বিহীন লোকদিগকে সর্বদাই এই উপ-
দেশ দেওয়া হয় যে তোমরা মিতব্যয়ী
হও যথা সাধ্য সম্বয় কর তাহা হই-
লেই তোমরা দরিদ্রতার করাল গ্রাস
হইতে পরিত্রাণ প্রাপ্ত হইবে। যে
সকল ব্যক্তিদের মিতব্যয়িতা বিষয়ে
জ্ঞান লাভ বা উপদেশ গ্রহণের
অত্যাঙ্গ আবশ্যিক হয় কিনা আছে
তাহারাই শুদ্ধ এ বিষয়ের উপদেশ
শ্রবণ করে। কৃষিজীবীদিগের নিকট
মিতব্যয়িতার উপদেশ প্রদান করা
যথা বাকজাল বিস্তার ব্যতিরেকে
অন্য কিছুই নহে। যাহারা দিন যা-
মিনী অপরিমিত পরিশ্রম স্বীকার
করত, শ্রীম্মকালের তীব্রতর মূর্খ্য কীরণ
বর্ষাকালের অবিরত জল ধারা, শিত
কালের মর্মান্তিক—কারী হিম ও শিত
উপেক্ষা করিয়া যথা কথঞ্চিৎ উপা-
র্জন করিয়া সংসার যাত্রা নির্বাহ
করে তাহাদিগকে মিতব্যয়ী হইতে
বলা যথা ও হান্যকর।

অনেক কৃতবিদ্য যুবক সদাই
সাধারণ লোক সমাজে মিতব্যয়িতার
উপরে ভূরি ভূরি বক্তৃতা প্রদান
করেন। কিন্তু আশ্চর্য্য বিষয় এই যে
যাহাদিগকে উপদেশ দেন তাহার।
তাহাদের অপেক্ষা সহস্রগুণে মিতব্যয়ী
ও সহস্রাংশে তাহাদের অপেক্ষা
উত্তমের উত্তমজন্য অঙ্গ উত্তেজিত
হইয়া থাকে। আশ্চর্য্য নহে আগাদের
দেশের বড়লোকদের মনে এই একটি

বিষয় ভ্রম আছে যে মিতব্যয়ী হওয়া
অতীব মান হানিকর কার্য্য। ভ্রম-
লোকের। কি প্রকারে মিতব্যয়ী হই-
বেন। মিতব্যয়ী হইতে গেলে তাহা
দিগকে সামান্য লোকের সহিত সমতুল্য
হইতে হইবে। ইহা সকলেই স্বীকার
করেন কিন্তু সুভাগ্য বশতঃ কেহই এই
নিয়ম প্রতিপালন করেন না। যে
আঙ্গ অপেক্ষা অধিক ব্যয় করা অত্যন্ত
অন্যায় বিস্তীর্ণ দেশও প্রদেশাধিপতি
সম্রাট হইতে পণ শয্যাশায়ী দরিদ্র
পর্যন্ত সকলেই এই বিষয়ের স্বার্থতা
স্বীকার করিয়া থাকেন। কিন্তু এ
বিষয়ের আন্দোলন এ প্রস্তাবের উ-
দ্দেশ্য নহে। যদি আয় অনুসারে ব্যয়
করাকেই মিতব্যয়িতা বলা যায় তাহা
হইলে দ্বারের ভিকারীদিগের ন্যায়
মিতব্যয়ীলোক আর কেহই নাই। কারণ
তাহাদের কিছুই আয় নাই মৃতরাং কিছু
ব্যয় নাই। মিতব্যয়িতা এরূপ নহে।
ইহা অপব্যয় ও কুপণতার মধ্যবর্তী
ননেকে ইহাকে শুদ্ধ একটি সামান্য
কর্তব্য কর্ম্ম বলিয়া বিবেচনা করেন
কিন্তু বাস্তবিক তাহা নহে মিতব্যয়িতা
যে আগাদের সমস্ত মুখের আকর ইহা
দ্বারা যে আগাদের স্বভাব ও চরিত্র
বিশুদ্ধ রূপে পরিবর্তিত হয় তাহা
অদ্যাবধি কেহই উপলব্ধি করিতে
পারেন না। আত্ম বঞ্চনা বা আত্ম
শাসনই মিতব্যয়িতার ভিত্তি স্বরূপ
অনাবশ্যিক বিষয়ে অর্থ ব্যয় না করাই

আজ্ঞা শাসন। কিন্তু এ দুইটি প্রকৃত
গুণকে সাধারণ লোকে নিকট বলিয়া
গণ্য করে। আমরা সর্বদা শুনিত
পাই যেখানে যাই সেখানেই শুনিত
পাই যে অর্থ অকিঞ্চিৎকর, সামান্য
পদার্থ, সমস্ত অনিষ্টের মূল, মুখে
অন্তরায় সূতরাং আমাদের যে মিত-
ব্যয়ী হওয়া উচিত আমরা এককালে
তাহা বিস্মৃত হইয়া যাই এবং শুদ্ধ
প্রমজীবীদিগের উপরেই মিতব্যয়িতার
ভার নিক্ষেপ করি।

অনেকেই যে অর্থ সঞ্চয়কে মিত-
ব্যয়িতা বলেন কিন্তু অনেকে এরূপ
আছেন যে তাহারা প্রচুর অর্থসম-
সত্তেও এক কপর্দকও সঞ্চয় করিতে
পারেননা অথচ তাহাদিগকে মিত-
ব্যয়ী বলা যাইতে পারে। যে ব্যক্তির
আট দশটি পরিবার অথচ মাসে ৫০
টাকা ব্যতিরেকে অন্য আয় নাই
সেই ব্যক্তি যদি সেই সমস্ত টাকাই
খরচ করেন আমরা কি তাহাকে
মিতব্যয়ী বলিব না। অনেকে আবার
এরূপ আছেন যে তাহাদের পরিবার
অল্প, খরচ অল্প, অন্যায় খরচ কিছু
নাই। অথচ তাহারা সর্বদাই অর্থের
জন্য ব্যতিব্যস্ত এমন কি মধ্যে সামান্য
অর্থের জন্য বিষম বিপদে পতিত
হন। এ প্রকার লোকই অধিক।
মধ্যবিত্ত লোকেরাই এই শ্রেণীভুক্ত
শিক্ষক, কেরানী সরকার প্রভৃতিরাই
এই শ্রেণীর মুখোজ্জ্বল করিয়া আছেন।

অল্প আয় অধিক ব্যয় ডাংনে আনতে
বাঁয় কুলায় না পীড়া হইলে বিষম
বিপদ প্রাপ্ত, উত্তমণের নিকট অধিক
শুদ দিয়া অর্থ কঙ্ক করিতে হয় শুদ
দিতে দিতে তাহাদের প্রাণান্ত হইয়া
সহ্য যদি কোন উপায়ে কিছু অর্থ
সঞ্চয় করিতে পারেন উত্তমণের উদয়
পুঁজি করিতে করিতে সেই অর্থ বলিয়া
যায় অথচ যে দেনাতেই নাই থাকে।
ইহাদের কি কোন উপায় নাই অনেকে
আমাদিগকে রুখা আন্দোলন করী।
মনে করিতে পারেন। তাহারা কখন
আরা তাহাদের কথায় কণপাত
করি না মধ্যবিত্ত লোকেরাই সমাজের
এমন কি দেশের ভিত্তি সরূপ। যত
অধিক পরিমাণে মধ্যবিত্ত লোকের
সংখ্যা বৃদ্ধি হইবে যত তাহারা মুখে
কাল যাপন করিবেন ততই আমাদের
দেশের উন্নতি হইবে। এই সকল অব-
স্থাপন্ন ব্যক্তিদিগকে আমরা মিতব্যয়ী
হইতে বলি। কিন্তু এ সকল ব্যক্তির
কি প্রকারে মিতব্যয়ী হইবেন তাহারা
কখনই মিতব্যয়ী হইতে পারিবেন না।

আমাদের দেশের ধনী ব্যক্তিদি-
গকে মিতব্যয়ী হইতে বলা যায় রুখা।
তাহারা স্বভাবতঃ এত অপরি মিতব্যয়ী
যে মিতব্যয়িতার নাম শুনিলে তাহারা
চমৎকৃত হন। অনেকে আবার এরূপ
আছেন যে মিতব্যয়ীতা কাহাকে বলে
তাহারা তাহা জানেন না। শৈশব-
কাল হইতে সমৃদ্ধির ক্রোড়ে প্রতি-

পালিত হইয়া তাহারা যৌবনকালের
প্রাক্কালেই অপব্যয়ের বস্ত্রে দীক্ষিত
হন। যৌবন সুলভ অবিমূষা কারি-
তার সহিত তাহারা অপব্যয় শিক্ষা
করেন। তাহাদের প্রাচীন পিতা
মাতার অল্প হইয়া তাহাদের অপব্য-
য়ের সহকারিণা করেন। যাহাই চ্ছা
হইতেছে—যখন যদিকে মনোবেগ
ধারণ করিতেছে নায় কার্যেই হউক
আর অন্যায় কার্যেই হউক তাহারা
স্বচ্ছন্দে তাহা পূর্ণ করেন।

এক একটা “বড়লোকের” পুত্রের
জন্মাবধি যৌবনকাল প্রাপ্ত পর্যন্ত যে
সমস্ত অর্থ অপরিমিত রূপে ব্যয়িত
হয় তাহা সমষ্টি করিলে সহস্র সহস্র
অনাধা উপায় হীন ব্যক্তিদের প্রাণা-
চ্ছাদনের উপায় হয়। আমরা তাহা-
দিগকে শারীরিক কট সহ্য করিয়া
অথবা আত্মবঞ্ছন করিয়া অর্থ সঞ্চয়
করিতে বলি না—কেমন না তাহারা মুখ
মৌভাগ্য দোলায় আরুচ থাকিয়া
কি প্রকারে দরিদ্রের ন্যায় দিন যাপন
করিবেন। আমরা তাহাদিগকে মিত-
ব্যয়ী হইতে অনুরোধ করি, কারণ
কোন কবি বলিয়াছেন “অভ্যাসই
দ্বিতীয় প্রকৃতি” অর্থাৎ যে ব্যক্তি যে
বিষয়ে অভ্যাস হইয়া পড়ে কালে সেই
অভ্যাসটি প্রকৃতি রূপে পরিণত হইয়া
থাকে। কোন ধর্মাত্মা ব্যক্তি প্রথমে
কোন ছুদ্ধিয়ার কল্পনা করিলে নানা
প্রকার মনো বেদনা উপস্থিত হয়।

হৃদয়স্থি হিতাহিত জ্ঞান বার বার
তাহাকে সেই কার্য হইতে বিরত
হইতে বলে। সমাজ, রাজন্যম ও
অনেক বাধা আসিয়া উপস্থিত হয়।
তিনি অনেক চিন্তা করেন, অনেকবার
আন্দোলন করেন। কিন্তু একবার
সেই কল্পনাটি কার্যে পরিণত হইলে
আর সেইরূপ হৃদয়বিদারক বলিয়া
প্রতীয়মান হয় হয় না। প্রথমবার
দ্বিতীয়বার তৃতীয়বার পর্যন্তও সে
কার্য করণে কিঞ্চিৎ মনোকষ্ট হয়
কিন্তু বার ২ করিতে গেলে ক্রমে সেই
কার্যটি অভ্যাস হইলে আর সেটি ছুদ্ধিয়া
বলিয়া বোধ হয় না, তখন সমাজের
চিৎকারধ্বনি রাজদস্তের ভয়ানক বিতী-
ষিকা ধর্মের দূচ বন্ধন তেহিত জ্ঞানের
অনুচ্চ নিষেধ আর কোন কার্য কারক
হয় না। সেই কার্যটি আর পাপ-
কার্য বলিয়া বোধ হয় না। সেই
যেন প্রকৃতিস্থ বলিয়া পরিগৃহীত
হয়। তাহার নিদ্রা প্রভৃতি ব্যন গুলি
যে রূপ শরীরক্ষণার্থে প্রয়োজনীয়, সেই
কার্যটিও ক্রমে সেইরূপ প্রয়োজনীয়
স্বভাবভিত্তিক হইয়া পড়ে। অপরিমিত
ব্যয়ও সেইরূপ। যদি যৌবনকালের
প্রারম্ভে তাহার হস্ত হইতে মুক্ত হই-
বার চেষ্টা না করা হয় তাহা হইলে
আর মুক্তির উপায় নাই। আমরা
সেই জন্য বলি যে ধনীদিগের সম্ভান-
দিগকে শৈশব বধিই মিতব্যয়িতার
উপকারিতার বিষয়ে ডুরি ডুরি উপদেশ

দেওয়া উচিত। এরূপ অনেক দৃষ্টান্ত
দেওয়া যাইতে পারে যে অনেক ধনী।

পূর্ব প্রকাশিতের পর।

অপূর্ব মহবাস।

দ্বিতীয় পরিচ্ছেদ।

প্রথম স্তবক।

বালোররাও মহারাজ উদয়সিংহের
প্রধানা মহিষী দেবী বসুমতীর ভ্রাতা,
মাড়োয়ার দেশের একটা ক্ষুদ্র রাজ্যের
অধীশ্বর। আকবরের জায়গীরদার
নানুখাঁ বলপূর্বক উঁহার রাজত্ব
অপহরণ করেন। উদয়সিংহ ঐ
রক্তান্ত অবগত হইয়া নানুখাঁকে
তাঁহার নিজ অধিকার হইতে বিচ্যুত
করেন ও তাঁহার প্রিয়তমা মতিবিবীর
সৌন্দর্য্য দর্শনে মোহিত হইয়া মতি
বিবীকে নাশত আপনার দাসী করিয়া
আপন রাজ্যে আনয়ন করেন।
মতিবিবী ব্রাহ্মণ কন্যা, মাড়োয়ারের
অন্তঃপাতী জনমানবহীন কোন ক্ষুদ্র
পর্বত শিখরে এক ব্রাহ্মণ যুবা নিজ
প্রেয়সীর সহিত নিরন্তর আনন্দে
কাল যাপন করিতেন; মতিই ঐ যুবক
দম্পতির প্রণয় কুসুমের একমাত্র ফল।
যখন মতির অনুমান দশ বৎসর বয়স্ক,
সেই সময় নানুখাঁ এক দিবস মৃগয়া

প্রসঙ্গে সেই স্থলে গমন করেন, ও ব্রাহ্মণ
পত্নীর অলৌকিক রূপ লাভ্য দর্শনে
মোহিত হইয়া উঁহার প্রতি গর্হিত
আচরণে প্রবৃত্ত হন। ব্রাহ্মণকুমার
ঐ দুর্ভাগ্য যবনের হস্ত হইতে নিজ
পত্নীকে রক্ষা করিবার জন্য সাধ্যমত
চেষ্টা করেন, অবশেষে ঐ পামরের
হস্তে নিজ প্রাণ অবধি বিসর্জন দেন;
ব্রাহ্মণ পত্নী স্বচক্ষে পতির দুর্দশা
দেখিয়া অধীর চিত্তে আত্ম হত্যায়
জীবন পরিত্যাগ করেন। দুর্ভাগ্য
নানুখাঁ ঐ পাপ আশায় নিরাশ হইয়া
কেবল মাত্র মতিকে লইয়াই স্বরাজ্যে
প্রত্যাবৃত্ত হন এবং মতি বয়স্কা হইলে
উঁহাকে আপন পত্নীত্ব অঙ্গীকার করেন।
যুবতীর রক্তপতি রূপবতীর কুরূপ স্বামী
ও নবীন্য দুর্দান্ত পতি চক্ষের
শূলই হইয়া থাকে, বিশেষ মতিবিবী
আপন পিতামাতার প্রতি নানুখাঁর
আচরণ স্বচক্ষে প্রত্যক্ষ করিয়া
ছিলেন, বলিয়াই উনি এক দণ্ডের
জন্যও নানুখাঁর মহবাস বাসনা
করিতেন না; সর্বদাই বিজনে সময়
যাপন করিতেন, মনে মনে মনোমত
পুরুষ কল্পনা করিতেন ও মনে মনে
তাঁহার করেই আত্মসমর্পণ করিয়া
চিত্তকে প্রফুল্লিত করিতেন। সখী-
গণের মুখে উপন্যাস শ্রবণ, চিত্র দর্শন
ও মনোমত পুস্তক পাঠেই যার পর
আনন্দ পাইতেন। স্বামীর নাম
শ্রবণেও তাঁহার হৃদয় শুষ্ক হইত ও

প্রফুল্ল মন জলে আবরিয়া
আসিত। নানুখাঁ রক্ত-যুবতীপতি।
এইজন্য পত্নীর প্রতি সর্বদাই সন্দিগ্ধ
চিত্ত থাকিতেন, এবং যবনদিগের
অবরোধ গৃহ কাবাগার হইতেও
ভয়ঙ্কর, মতিবিবীর বয়সও তাদৃশ
অধিক হয় নাই। এই সকল কারণেই
মতিবিবী অন্যাপি পর পুরুষের
অক্কাশয়িনী হইতে পান নাই। কিন্তু
যখন উদয়সিংহ নানুখাঁকে পরাস্ত
করিয়া মতিবিবীকে আপনার
প্রণয়িনী করিতে চাহেন, তখন
উদয় সিংহের পূর্ণযৌবন ও
উঁহার অলৌকিক রূপলাবণ্য
দেখিয়া সহজেই উঁহার প্রস্তাবে
সম্মত হন ও পঞ্চদশবর্ষ বয়স্ক
কালে রাজার সহিত চিত্তোরে
আগমন করেন। আসিবার
অব্যবহিত পরেই মতিবিবীর গর্ভ-
সঞ্চার হয় ও প্রতাপের এক বৎসর
বয়স্ক কালে মতিবিবীর গর্ভে ওমরা-
য়ের জন্ম হয়। ওমরাও ও প্রতাপ
দুই মায়ের গর্ভে জন্ম গ্রহণ
করিয়াছিলেন বটে, কিন্তু আকৃতিতে
উভয়ের অনেক মৌসাদৃশ্য ছিল
বলিয়াই নগরস্থ প্রধান প্রধান ব্যক্তিগণ
রাজারই ঔরসজাত বোধ করিয়া ওম-
রায়ের প্রতি তাদৃশ ঘৃণা করিতেন না।
প্রতাপও ওমরাও সর্বদাই একত্র থাকি-
তেন, এবং বিদ্যা ধনুর্বিদ্যে ও অশ্বশিক্ষা
উভয়ে একত্রই করিতেন। ওমরাও যব-

নীর গর্ভজাত বলিয়া প্রতাপ একদিনের
জন্যও ভ্রাতার প্রতি তাচ্ছিল্য বা অ-
শ্রদ্ধা করিতেন না বরং ওমরাও
রাজার প্রিয়পাত্র ও রাজা উঁহার
মাতাকে ভাল বাসিতেন বলিয়া অত্যন্ত
গর্হিত ছিলেন, জ্যেষ্ঠ বলিয়া প্রতাপকে
একদিনের জন্যও মান্য করিতেন না।
আভিজাত্য বিষয়ে প্রতাপ উঁহা-
পেক্ষা শ্রেষ্ঠ ছিলেন বলিয়া প্রতাপের
প্রতি উঁহার সাতিশয় বিদ্বেষ ছিল।
এবং প্রতাপ বয়োবৃদ্ধ বলবিক্রম ও বুদ্ধি
কৌশলে রাজ্যস্থ অপরাপর সমবয়স্ক
হইতে শ্রেষ্ঠ ছিলেন বলিয়া ও ওমরায়ের
ঈর্ষার আর সীমা ছিল। ওমরাও
ভয়ঙ্কর গর্হিত ও দুর্ভাগ্য ছিলেন। অত
অপ্যবয়েসেও সকলকেই তুচ্ছ জ্ঞানও
কটু কাটব্য বলিতেন। কেহ কোন
কথা বলিলে তাহার আর নিস্তার
থাকিত না। রাজা সমুদায় শুনিতেন, কিন্তু
মতিবিবীর ভয়ে একদিনের জন্যও উঁহাতে
কিছু বলিতে পারিতেন না। অধিক কি
উনি মতিবিবীর অনুরোধে প্রতাপসঙ্গে
ঐ পুত্রকেই রাজ্য প্রদান করিবেন
বলিয়া অঙ্গীকার করেন। বালোররাও
নিজ পত্নীর মুখে ঐ কথা শুনিতেন
পান। বালোররাওর পত্নীর সহিত দেবী
বসুমতীর তাদৃশ আন্তরিক প্রণয়
ছিল না, সেই জন্য মতিবিবীর সহিতই
বালোররাওর পত্নীর অকপট সৌহার্দ
সঞ্চার হয়। তাহাতে বসুমতী আপন
এক পরিচারিকা দিয়া বালোররাওর

নিকট বলিয়া এই কথা পাঠান যে, "ভাই ক্ষুধা হইও না ভক্তি ক্ষোভই আমার মুখ দিয়া এই কথা বাহির হইতেছে। তুমি ভাই, আমি ভগ্নী, উভয়েই এক পিতার গুণে এক মাতার গর্ভে জন্মিয়াছি, একত্র বর্দ্ধিত হইয়াছি, জন্মাবধি একত্র বাস একত্র আহার একত্র খেলা করিয়াছি। তোমার চক্ষু জল দেখিলে আমার চক্ষে জল আসিয়াছে, আমার কান্না দেখিলে তুমিও কাঁদিয়াছ। কিন্তু ভাই আজ আমাদের সেই চিরদিনের প্রণয় কোথায় রহিল? বয়স হইলে কোথায় বাড়িবে না হইয়া কপাল গুণে কি তাহার বিপরিত ফল ফলিল? ভাই বল দেখি কি জন্য এই হতভাগিনীর অহরহ নয়ন জলে বক্ষ ভাসিতেছে? কেনই বা আজ রাজবাণী হইয়া পথের কাঙালিনী হইলাম? যত্ন সে দোষ আমি তোমাকে দিতে চাহি না, যখন অত্যাচারী কপালে বিধাতা বিগ্ণ হইয়াছেন, তখন তুমি কি করবে? কিন্তু ভাই তোমার পত্নীর একরূপ আচরণে অনুমোদন করা কি তোমার কর্তব্য? মতিবিবী মবনী, তোমারই শত্রুপত্নী; আমাদের মুখাপেক্ষা না করিয়া তাহার সহিত তোমার পত্নীর একরূপ আশ্রয় প্রমোদ করা কি উচিত হয়? অধিক আর কি বলিব, এক্ষণে মরণ হইলেই সমুদাই জ্বালা বস্ত্রগার হাত হইতে মুক্ত হই।" বালোর ভগ্নীর

কথা শুনিয়া যার পর নাই ক্ষুভিত হইয়াছিলেন, কিন্তু এক্ষণে আর ক্ষোভ করিয়া কি করিবেন! মূল ছিন্ন হইয়াছে, মস্তকে জল সিঞ্জন করিলে আর কি সে বক্ষ জীবিত হয়! পরে যে এমন ঘটবে, বালোররাও একবারের জন্য স্বপ্নেও এরূপ কল্পনা করেন নাই, পূর্বে জানিতে পারিলে নিশ্চয়ই তিনি নিজ রাজ্য রক্ষার জন্য অন্য উপায় অবলম্বন করিতেন, কদাচই ভগ্নীর নিশ্বাসের পাত্র হইতেন না। কিন্তু এক্ষণে ভগ্নীর কথায় ক্রুদ্ধ বা ক্ষুব্ধ হইয়া অবলম্বিত উপায় পরিত্যাগ করা নতান্ত কাপুরুষতার কর্ম্ম স্থির করিয়া নিজ পত্নীকে মতিবিবীর সহিত অপ্রণয় করতে বলেন নাই, কারণ মতিবিবীর আন্তরিক অভিপ্রায় সমস্ত জানিবার এমন সছুপায় আর কিছুই ছিল না। বসুমতী সেজন্য ভ্রাতার প্রতি সাতিশয় বিরক্ত হইয়াছিলেন, একথা উহার পত্নীর মুখে মতিবিবী প্রতিনিয়তই শুনিতেন, এবং বিজয়ের সহিত মতির যে গোপনে প্রণয় সঞ্চার হয়, বালোররাও তাহা জানিতে পারিয়াও বিশেষ আশ্রয় ভিন্ন কখনো বিদ্রোহ ভাব প্রকাশ করেন নাই। এই সকল কারণে বালোররাও প্রাতি মতিবিবী ও বিজয়ের ভক্তির আর পরিসীমা ছিল না।

কিন্তু বালোররাও কৌশল

স্বতন্ত্র ছিল। মতিবিবীকে রাজ্য হইতে দূরীকরণই একৌশলের প্রধান উদ্দেশ্য। যদি কোন রূপে তাহা করতে পারেন, তাহা হইলে রাজ্যও প্রকৃতিস্থ হইবেন এবং এক বস্তুর দুইজনের অভিল্যম্ব জন্য স্বভাবতই যে একটু আন্তরিক অপ্রণয় ঘটিয়া থাকে, মতিবিবী স্থানান্তরিত হইলে ভ্রাতৃত্বের সেই অপ্রণয়ও যে প্রণয়ে পরিণত হইবে, বালোররাও ইহাও এক প্রকার স্থিরনিশ্চয় করিয়া গোপনে গোপনে মতিবিবীকে স্থানান্তরিত করিবার চেষ্টা করিতেছিলেন। কনিষ্ঠ হইয়া জ্যেষ্ঠের উপভোগ্য বস্তুরে আকাঙ্ক্ষা বিজয়ের পক্ষে অত্যন্ত গর্হিত কার্য হইয়াছিল সন্দেহ নাই, কিন্তু যেরূপে হউক মতিবিবীর উপর রাজ্যের বিরাগ উৎপাদন করা বালোররাও একমাত্র উদ্দেশ্য ছিল বলিয়া উহাতে উনি কখনো কখনো নাই, বরং বিজয়ের সহিত মতির প্রণয় বন্ধ মূল করিবার জন্য বালোর উভয়কেই এই বিষয়ে উৎসাহিত করিতেন। কিন্তু এ বিষয়ে কেহ পথে বালোররাও উপর এইরূপ দোষারোপ করিয়াছিল, যে, বালোররাও আপন ভাগিনেয় ভ্রাতাপকে নিঃসপত্ত্ব রাজ্য প্রদানের জন্য তখন বিজয়কে এই কুৎসিত বিষয়ে উৎসাহিত করিয়াছিলেন কিন্তু বালোররাও বস্তুরে সেরূপ অভিপ্রায় ছিল না। কেবল রাজ্যকে

মতিবিবীর কুহক হইতে কোনরূপে নিরস্ত করিবার জন্যই বিজয়কে এই বিষয়ে উৎসাহিত করেন। কারণ সেসময় রাজ্য এক মতিবিবীর কুহকে পড়িয়া এগনি অন্ধ হইয়াছিলেন, যে, তাহার উহার জন্য কিছুতেই অসাধ্য বোধ ছিল না, নিন্দা ভ্রাতরণ, নীচপথে পদার্থ, অকার্য্য কার্য্য জ্ঞান, ও কর্তব্য কার্য্যে সর্বদাই তাচ্ছল্য করিতেন, বালোররাও গোপনে নানা চেষ্টা করিয়াছিলেন কিন্তু কিছুতেই কৃতকার্য্য হইতে না পারিয়া অশেষে বিজয়ের পক্ষ অবলম্বন করিয়া মতিবিবীর সহিত বিলক্ষণ সদ্ভাব সংস্থাপন করেন, ও কল্পিত প্রশংসাদি দ্বারা মতিবিবীকে যার পর নাই গর্হিত করিয়া তুলেন। বিজয়ের প্রতি মতিবিবীর যে প্রণয় সঞ্চার হয়, রাজ্য তাহা শুনিয়াছিলেন বটে, কিন্তু কিছুতেই তাহার মন এই বিষয়ে বিশ্রাম করিতে চায় নাই। আত্মীয় স্বজনগণ রাজ্যকে এই ঘণিত ব্যবসায় হইতে নিরস্ত করিবার মানসে সময়ে সময়ে উহাকে নানা উপদেশ প্রদান করিতেন, তাহাতে কেবল বন্ধু বিচ্ছেদই ঘটিয়া উঠিল, ফলে আর কিছুই ঘটিল না। বালোররাও উহাকে এইকুৎসিত বিষয় হইতে ক্ষান্ত করিবার জন্য প্রকাশ্যে কোন কথা বলেন নাই বলিয়া উহার সহিতই শুদ্ধ রাজ্যের সদ্ভাব ছিল। নতুবা অন্যান্য সকলের সহিতই

উহার চিরবিচ্ছেদ সংঘটিত হয় প্রকৃত হিতাকাঙ্ক্ষী হইয়া বালোররাওর ঐ বিষয়ে ওরূপ নিরপেক্ষ থাকিবারই বা কারণ কি? এ বিষয়ে বিশেষ বিবেচনা করিয়া দেখিলে এই মাত্র অনুভূত হইবে যে, উদয়সিংহ বালোররাওর অসময়ে সেই সেই উপকার করিয়াছিলেন এফণে শুদ্ধ এক প্রকাশ্য উপদেশ প্রদান বা এই অসময়ে উহার সহিত বিরোধ উপাদান করিয়া উহাকে পরিত্যাগ করা কি তাঁহার কর্তব্য?

দ্বিতীয় স্তবক।

উদয়সিংহ কর্তৃক নাম্নু খাঁ পরাজিত হইবার পর বালোররাও পুনরায় আপন সিংহাসনে অধিরূঢ় হইলেন, কিন্তু নাম্নু খাঁ গোপনে গোপনে সৈন্য সংগ্রহ করিয়া পুনরায় উহাকে সিংহাসন চ্যুত করেন। এইরূপ উভয়ের জয় পরাজয়ে প্রায় চারি বৎসর কাল অতিবাহিত হয়। পরিশেষে বালোররাও নিজ রাজ্য প্রাপ্ত হন বটে, কিন্তু উদয়সিংহের আগ্রহেও নিরন্তর যবনদিগের অত্যাচার ভয়ে সপরিবারে চিত্তোরে আসিয়া বাস করেন। শেষ পরাজয়ের পর নাম্নু খাঁ এককালে হতসর্কস্ব হইয়া আকবরের শরণ গ্রহণ করেন। সর্বপ্রথম পরাজয়ের পর নাম্নু খাঁর

আকবরের শরণ গ্রহণ না করিবার বিশেষ কারণ এই যে নাম্নু খাঁ আকবর দত্তজায়গীর ভোগকরিতেন বটে, কিন্তু এখন যবন রাজ্যেও উহার ন্যায় অত্যাচারী আর দ্বিতীয় ছিল না; সর্বদাই পরের সর্বস্বলুণ্ঠন, বলপূর্বক পরস্বত্বাহরণ ও নিরীহ নিরীকরোধী প্রজার গৃহ দাহন প্রভৃতিদ্বারা উনি একমাত্র লোকের কষ্ট প্রদ হইয়া উঠেন। আকব লোক পরম্পরায়তাহা শুনিতে পাইতেন, কিন্তু বিশিষ্ট প্রমাণ না পাওয়াতে ও নাম্নু খাঁর সহিত বিশেষ একটা সম্পর্ক থাকিতে স্পষ্টত উঁাকে কিছু বলিতে পারিতেন না, অথচ মনে মনে উহার উপর এতদূর বিরক্ত ছিলেন যে, সর্বপ্রথম উদয়সিংহ কর্তৃক নাম্নু খাঁর জয়াজয় বার্তা শুনিয়া আকবর উদয়সিংহকে খেলোয়াত অবধি প্রদান করেন, নাম্নু খাঁ তাহা জানিতে পারিয়া প্রথমত আকবরের শরণগ্রহণ করিতে সাহস করেন নাই। কিন্তু এককালে অবশেষে নিকপায় হইয়া মজল নয়নে আকবরের পদধারণ করিয়া উদয়সিংহ কর্তৃক আপন পত্নী হরণ প্রভৃতি অত্যাচারের বিষয় কীর্তন করেন। তাহা শুনিয়া আকবরের অন্তরে দয়ার উদ্বেক হয় এবং উহার রাজ্য ও পত্নী উহাকে প্রতিপ্রদান করিবার জন্য উদয়সিংহকে পত্র লিখেন। উদয়সিংহ আপন মন্ত্রীবর্গ ও বালোররাওর কথা তথ্য করিয়া তাহাতে

অস্বীকৃত হন। আকবরের দূত দেশে প্রত্যগমন করিলে আকবর দূতের মুখে আনুপূর্বিক সমস্ত ঘটনা শুনিয়া এককালে ক্রোধে প্রজ্বলিত হইয়া উঠেন এবং ষেক্রপে হউক উদয়সিংহকে রাজ্যচ্যুত করিবার সংকল্প করেন। উদয়সিংহও একজন সামান্য নরপতি ছিলেন না। মহজে তাঁহার রাজ্য আক্রমণ করা নিতান্ত বঠিন। অথচ ষেক্রপে হউক চিত্তোর হস্তগত করিতে হইবে। আকবর কয় বৎসর ধরিয়া ঐ বিষয়ে নানা উপায় চিন্তা করিতে লাগিলেন। কিন্তু কিছুতেই কৃতকার্য হইতে না। পারিলেন না অবশেষে মাড়োয়ার দেশীয় মল্লদেবের সহিত ষড়যন্ত্র করিয়া নাম্নু খাঁ ও পৃথি রাজকে সর্ব প্রধান সেনাপতি পদে অভিষেকপূর্বক যুদ্ধার্থে অগ্রসর হন। ক্রমে সেনাগণ চিত্তোরের নিকটে উপস্থিত হইলে বালোররাওর রাজার আগ্রহে দূতের বেশে সন্ধির প্রার্থনার আকবরের নিকট গমন করেন। আকবর বালোররাওর আকার প্রকার এবং কথা বার্তায় উপহাস রসিকতা ও সরলতা দর্শনে পরম সন্তুষ্ট হইয়া পূর্বকার প্রস্তাবেই সন্ধি করিতে প্রস্তুত হন। কিন্তু বালোররাওর রাজার কথানুসারে কেবল মতিবিবী ভিন্ন আর সমুদায়েই স্বীকৃত হইলেন। আকবর তাহাতে অস্বীকৃত হইলে বালোররাও নিজ শত্রু নাম্নু খাঁর অনিষ্ট বাস-

নার অন্যান্য কথা বার্তায় আকবরের সহিত বিশেষ যনিষ্ঠতা করিয়া মতিবিবীর আলৌকিক রূপলাবণ্য, গুণজ্ঞতা, মঙ্গলদয়তা প্রভৃতির কম্পিত ও প্রকৃত কতকগুলি প্রশংসা করিয়া বলে।

“ধর্ম্মাবতার! অধিক আর কি বলিব, যে, মতিবিবীকে একবারের জন্যও দেখিয়াছে তাহার জাতী ধর্ম্ম ও রাজত্ব পরিত্যাগ করা বড় কঠিন ব্যাপার নহে। না হইলে উদয়সিংহ মহামান্য সূর্য্যবংশে জন্ম গ্রহণ করিয়াছেন, অবরোধ মহিলারও অভাব নাই, এবং স্বয়ং অসীম রাজার অধীশ্বর, নিরীকরোধ নহেন, তথাপি কি জন্য সমুদায় পরিত্যাগ করিতে উদ্যত হইবেন। মতিবিবীকে দেখিলে আপনিও রাজার উদ্দেশ্যে কখনই নন্দাবাদ করিতে পারিবেন না। যদি তাঁহাকে আপনি দেখিতে চাহেন বরং গোপনে দেখাইতেও চেষ্টা করিতে পারি। আপনি অভ্যস্ত সুপুরুষ শুনিয়া আপনাকে দেখিবার জন্য মতিবিবীরও ইচ্ছা আছে। অতএব আগ্রহের অনুরোধে মহারাজের এই অবিময়িতাটি ক্ষমা করুন। ইহা ভিন্ন আপনি যাহা তাদেশ করিবেন, তাহাতেই তিনি প্রস্তুত আছেন।”

আকবর এই সমস্ত কথা শুনিয়া।
“যাহ হয় বিবেচনা করা যাইবে।”
বলিয়া বালোররাওকে বিদায়

করেন। ও গোপনে গোপনে যুদ্ধার্থে প্রস্তুত হন। রাজার নিকট প্রথমতঃ আকবরের সহিত সন্ধি বিষয়ক যেরূপ কথা বার্তা হয় তাহা কীর্তন করিলেন পরে ঝালোরাও রাজ্যে প্রত্যাগত হইয়া আকবরের সেবা বাছল। ও যুদ্ধের আয়োজন সমস্ত প্রকৃত অপেক্ষা কিঞ্চিৎ অধিক করিয়া বলেন, রাজা কিছুতেই মতিবিবীর পরিত্যাগে সম্মত হইলেন না, ইহাতে দেশস্থ যুবতীয় প্রধান ব্যক্তিগণ রাজার উপর যার পর নাই বিরক্ত হইয়া উঠেন। কিন্তু কেহই উহাকে ঐ ঘৃণিত ব্যবসায় হইতে ক্ষান্ত করিতে পারেন নাই।

বিজয়সিংহ এই সুযোগ পাইয়া আপনাকে ও মতিবিবীকে রাজার হস্ত হইতে স্বাধীন করিবার মানসে শেষ রক্ষা বিষয়ে মতিবিবীর সহিত পরামর্শ করিয়া রাজার সহিত একটি কম্পিত বিবাদ উপস্থিত করেন, অবশেষে তাহাই উপলক্ষ্য করিয়া আকবরের সহিত মিলিত হন।

মতিবিবীকে স্থানান্তর করিতে না পারিলে রাজ্যের যে এইরূপ সর্বনাশ ঘটিবে, ঝালোরাও পূর্বেই অস্থির করিয়াছিলেন। ওমরাও ও প্রতাপের অন্তরে এইক্ষণ হইতেই বিবাদের সূত্রপাত হইয়াছিল, সময়ে মেটী ও যে ভয়ানক মুক্তি পরিগ্রহ করবে তাহাও ঝালোরাওর অবি-

দিত ছিল না। আর উপায় কি? বিধি কৃত নির্বন্ধ কিছুতেই নিবারিত হইবার নহে। না হইলে এমন পুণ্যের সংসারে কি জন্য এই কালসাপিনীর প্রবেশ হইবে! এবিধে ঝালোরাওই দোষী, রাজা যদি তাহার উপকার করিতে না বাইতেন তাহা হইলে কখনই রাজার ক্ষেপে এই উপদেবতার অবিভাব হইত না, ইতর সাধারণ সকলের মুখেই এই কথা। কিন্তু ঝালোরাও লোকের কথায় দৃকপাত করিতেন না কি সে এই ভয়া নক বিপদ হইতে রাজা ও রাজ্য মুক্তি পাইবে, সর্বদা, সেই চিন্তাই করিতেন কিন্তু কোন দিকে কোন উপায় নাই। যদি কোন রূপে মতিবিবীকে আকবরের হস্তে নিক্ষেপ করিতে পারা যায় তাহা হইলেই কিয়ৎ পরিমাণে মঙ্গল নতুবা আর কিছুতেই উপায় নাই। মতিবিবীর উপর আকবরের লালসা উপাদান করিবার জন্যই ঝালোরাও দৌত্য কার্যস্বীকার ও আকবরের সম্মুখে উপস্থিত হন।

আজ রাজার শত্রু হস্ত হইতে উদ্ধার হওয়াতে রাজার আজ্ঞায় নগরের সর্বত্রই আনন্দপূরক নানা প্রকার কার্যকলাপ সংস্থাপিত হইতে ছিল; ঝালোরাও ও বাহ্যিক আনন্দ প্রকাশ জন্য বাটীতে একটি ভোজের আয়োজন করিয়া রাজবাটীর সমস্ত লোককে নিমন্ত্রণ করেন, আহারাণি

সম্পন্ন হইবার পর সকলে গমন করিলে ঝালোরাওর আপনাতঃ ভাগিনেয় ও প্রতাপ ও ওরাওকে লইয়া বাসিয়া গাছেন, এমন সময় একজন অনুচর আসিয়া গোপনে তাহাকে কি কথা বলিল; ঝালোরাওর অনুচর সঙ্গে তৎক্ষণাৎ সেই গৃহ হইতে অন্য গৃহে গমন করিলেন।

জাতীয় নাট্যশালা।

দ্বিবিধ অভিপ্রায়ে সমস্ত নাটক রচিত হয়।

১। সমাজের কোন জাজ্জ্বলমান দোষ সংশোধন জন্য।

২। সাধারণ তুষ্টি বর্দ্ধন জন্য।

সমাজেতে কোন দোষ—মদ্যার। সমাজের বিশেষ অনিষ্ট হয় মূল লিত রচনা হারে সেই সমস্ত বিষয় সন্দীপ্য মান করণ জন্য যে সমস্ত নাটক রচিত হয়, তাহাতে কোন কোন লেখক ককণ রসের আধিক্য—কেহ কেহ বা হাস্য-রসের আধিক্য বর্ণনা করিয়া নাটক রচনা করেন।

ককণ রস বর্ণনের দুইটি প্রথা আছে। ককণ রসদ্বারা নাটকের অবসান করা, অথবা নাটক মধ্যে ককণ রস বিবৃত করিয়া শেষে নাট্যোল্লিখিত ব্যক্তিদিগের দুঃখের অবসান বর্ণন করা। দেশকাল ভেদে নাটক রচনার অনেক বিভিন্নতা দৃষ্ট হইয়া থাকে।

শীত-প্রধান দেশের লোকেরা স্বভাবত মবল কৰ্ম্মঠ সাহসী ও দুঃখ সহিষ্ণু হইয়া থাকে, সামান্য বিষয়ে তাহাদের মন বিচলিত করিতে পারে না। সামান্য দুঃখেও তাহাদের নয়নবারি বিমলিত হয় না। দুঃখ সহিষ্ণু তাহাদের প্রকৃতি বরষম সাহাদের প্রত্যেক শীরায় বহমান, তাহারা কি সামান্য স্ত্রী বিয়োগ, শিশু মৃত্যুর প্রাণ হত্যা, বিষয় অভিনীত দেখিয়া অশ্রুপাত করিয়া থাকে? কখনই না। তাহারা দুর্বল, কলস, ভীক, শ্রম, বিমুখ-তাহারাই কেবল সামান্য বিষয়ের আলোচনায় পরিতৃপ্ত হইতে পারে। তাহারা শুদ্ধ সামান্য দুঃখ ব্যাপার অভিনীত দেখিয়া অশ্রুধারি সম্বরণ করিতে পারে না। এই কারণেই ইউরোপের উত্তর-পূর্ব-পুলীয় হিম-প্রধান দেশ সমূহে ককণ ও বীরষম পরিপূরিত নাটকের অধিক সমাদর দেখিতে পাওয়া যায়। ইংলণ্ড ভয়ানক হিম প্রধান দেশ, প্রকৃতি সত্যি সেই স্থানে নিজ স্বাভাবিক ত্যাগ করিয়া ভীষণ বন, অনুর্বর ভূমি, উচ্চ অথচ দৃক পর্বত, শ্রেণী দ্বারা তথাকার লোকদিগের প্রতি ক্রোধ কটাক্ষ নিক্ষেপ করিয়া থাকেন। যেখানে লোকেরা অধিক পরিশ্রমে, ঐকান্তিক যত্নব্যতিরেকে একথণ্ড ভূমি হইতে এক কণামাত্র শস্যোৎপাদন করিতে পারে না, সে স্থানের লোকেরা যে আশ্রয় বিমুখ

হইবে তাহা বলা বাহুল্য। সেই কারণেই বোধ হয় অদ্বিতীয় নাটক প্রাণেতা সেক্সপিয়ার তাহার অধিকাংশ নাটক গুলি করণ রস দ্বারা অবমান করিয়াছেন। যাক বেথ হ্যামলেট রোমিও জুলিয়েট, ওথেলো এনটনি এবং ক্রিট্রিপেট্রা জুলিয়ামসিজার, প্রভৃতি উক্তমোতম নাটক গুলিই করণ রসদ্বারা অবমান করিয়াছেন। কোন পাষণ্ড স্বয়ং ব্যক্তি অভিনেতা যুবরাজ হ্যামলেটের কাতো রক্তি শ্রবণে, - মৃত শয্যায় অভিনেত্রী ডেসডিমোনার প্রাণ ভয়ে ব্যাকুলতার অভিনয় দর্শনে, অশ্রু নিবারণ করিতে পারে। ইংলণ্ড অপেক্ষা ফ্রান্সদেশের জলবায়ু তত্বেই প্রধান নহে সুতরাং ফ্রান্সদেশের কবিগণ অধিক করণ রসপ্রিয়নন। ইটালির জলবায়ু ভারতবর্ষের ন্যায় সুতরাং সে দেশের নাটকনদিতে করণ রসের আবির্ভাব হইয়াছে।

ভারতবর্ষের কবিদিগের নাটক রচনা প্রথা ইউরোপীয় কবিদিগের হইতে সম্পূর্ণ বিভিন্ন। কালিদাস, ভারবি ভবভূতি, শ্রীহর্ষদেব প্রভৃতি কবি চূড়া দানরা দেশের অবস্থা ও দেশীয়দিগের প্রকৃতি অনুসারে নিজ নিজ গ্রন্থ প্রণয়ন করিয়াছেন। অভিজ্ঞান শকুন্তল রত্নাবলী উক্তরচিত প্রভৃতি নাটকে করণ রসের বিলক্ষণ আভাস দৃষ্ট হয় বটে কিন্তু এ সমস্তই সুখে

অবমান করা হইয়াছে। অস্বদেশীয়গণ নত্রে প্রকৃতির লোক, তাহার সুতরাং কোন নায়ক কি নায়িকাকে বিপদ গ্রস্থ রাখিয়া নাটকের অবমান দেখিতে ইচ্ছা করেন না। কবিরা বোধ হয় অরুরোধে নিজ নিজ নাট্যোল্লিখিত নায়ক নায়িকাদিগকে বিপদ হইতে উদ্ধার করিয়া নাটকের অবমান করিয়াছেন। কালিদাস, ভবভূতি, শ্রীহর্ষদেব যে, সেক্সপিয়ার ডাণ্টের ন্যায় করণ রস দ্বারা তাহাদের নাটকের অবমান করিতে পারেন নাই এরূপ কখনই সম্ভব নহে।

এক্ষণে দেখা উচিত যে উপরি উক্ত দুই প্রকার নাটক মধ্যে কোন প্রকৃতির নাটক অধিক চিত্তাকর্ষণ করিতে পারে। প্রসিদ্ধ পাণ্ডুরো কছেন যে, সুখ দ্বারায় নাটকের অবমান না করিয়া তুঃখ দ্বারা নাটকটির শেষ করিলে শ্রোতা ও পাঠকদিগের মনে এক প্রকার স্থায়ী ভাব জন্মিতে পারে। এক জন নায়ককে নাটক মধ্যে নানা বিপদে পতিত করিয়া শেষে তাহাকে সুখের ভাগী করতঃ নাটকের শেষ করিলে অভিনয় দর্শকদিগের মনে কিঞ্চিৎমাত্র স্থায়ী ভাবের আভাব হয় না। রাগকে বশে প্রেরণ করতঃ দশরথের স্ত্রী শর্বাঙ্গু লিখিয়া বাল্মীকি যদি রাগায়ণের শেষ করিতেন, তাহা হইলে তাহার গ্রন্থের অধিক চমৎ-

কারিত্ব হইত। শকুন্তলা প্রথমে, অবলা সরলা বলা রূপে বর্ণিত হইয়াছে, পরে দুঃস্বপ্নের সহিত মিলন বর্ণন করিয়া তাহার সুখের আতিশয্য বর্ণিত হইয়াছে ক্রমে অদৃষ্টের ফল সন্দর্শনার্থ দুঃস্বপ্ন কর্তৃক তাহার পরিভ্রমণ বর্ণিত হইয়াছে। দুঃস্বপ্ন যখন সমাপ্ত হইলে শকুন্তলাকে নিজ পরিণীতা ভাগ্য বিনিয়া অস্বীকার করিলেন সেই সময়ে শকুন্তলার আক্ষেপ ও কাতোরোক্তি শ্রবণ ও তাহার অভিনয় দর্শন করিয়া কোন পাষণ্ড স্বয়ং না, তুঃখে ভ্রবীভূত হইয়া যায়। সেই স্থানেই যদি কালিদাস তাহার নাটকের শেষ অঙ্ক পরি সমাপ্ত করিতেন, তাহা হইলে অদ্যাবধি সমস্ত রংগীই শকুন্তলার তুঃখে অশ্রুপাত ও দুঃস্বপ্নকে বার বার তিরস্কার ও তাহাকে আন্তরিক ঘণা করিতেন। কিন্তু পুনর্মিলন বর্ণন দ্বারা সে রস উজ্জ হইয়াছে। কোন ব্যক্তি এখন আর শকুন্তলার জন্য নয়-বারি নিক্ষেপ করে? ভবভূতি সীতা বর্জ্জন ব্যাপারটি বিলক্ষণ পটুতার সহিত বর্ণন করিয়াছেন। সকলেই দশ মাস গর্ভবতী, অকলঙ্কিত অসহায় সীতার তদানীন্তন অবস্থা বর্ণন শ্রবণ করিয়া অশ্রুপাত করিয়া থাকেন, কিন্তু আবার যখন রামের সহিত সীতার মিলন বর্ণন বিষয় পাঠ করা যায় তখন মনে কিঞ্চিৎমাত্র ও স্থায়ী ভাবের উদয় হয় না যাহাতে মনে কেন স্থায়ী

ভাবের উদয় হয় এরূপ গ্রন্থাদি প্রণয়ন করাই মূলতঃ কর্তব্য কর্ম্ম। যদি কোন ধর্মোপদেশ শ্রবণ করিয়া ধর্ম্মমন্দির ভাগ করণ মাত্র সে সমস্ত উপদেশ স্মৃতিপথে উদয় হইল না তাহা হইলে ধর্ম্ম মন্দিরের যাওয়া না যাওয়া উভয়ই সমান।

অস্ব দেশে সমাজ সঙ্ঘর্ষীয় কোন দোষ সংসোধনার্থে প্রায় কোন নাটকই রচিত দেখা যায় না। কালিদাস প্রভৃতি কবিরা সাধারণ তুষ্টি-সাধন মানসেই নিজ নিজ নাটক রচনা করিয়া গিয়াছেন। সেকালে সমাজে যে কোন জাজ্জ্বল্য মান দোষ ছিল না তাহা বলিতে পারা যায় না, কিন্তু সংস্কৃত কবিরা কি জন্য সে বিষয়ে কোন নাটক রচিত করেন নাই তাহাও স্থির সিদ্ধান্ত করা কঠিন ব্যাপার। কিন্তু কোন একটি বিশিষ্ট কারণ নির্দেশ না করিয়াও নিশ্চিত থাকি উচিত নহে। সত্য সে কাল সভ্যতার আমনে অধিশ্রুত ছিল, সত্য সে সময়ের লোকেরা সকলে ধর্ম্মনিষ্ঠ ন্যায়পরায়ণ ও সত্য প্রিয় ছিলেন। কিন্তু সেই সময় সভ্যতার প্রাক্কাল, লোকের বুদ্ধি মাজ্জিত না হইলে কোন কার্যের দোষ গুণ বিচারে সক্ষম হয় না, তখন পাশ্চাত্য সভ্যতার দ্বারায় আমাদের সমাজ এত কলুষিত হয় নাই, হিন্দুরাই সেই সময়ের রাজা ছিলেন, তাহাদের প্রজাবর্গের কোন বিশেষ অনিষ্ট

হইলেও তাহার কখনকোন মর্মান্বিতিক বেদনা প্রাপ্ত হইয়া নাই। রাজাও প্রজার মধ্যে কোন বিশেষ বিদ্বেষ-ভাব লক্ষিত হইত না, নুর পান বেশ্যাগমন প্রভৃতি দোষ থাকিলেই তখন এস স্ত্র দোষ এত ভয়ঙ্কর মূর্ত্তি ধারণ করিয়া সমাজ ছিন্ন ভিন্ন করে নাই। সুতরাং মেকালে "নীল-দর্পনের" ন্যায় নাটকের প্রয়োজন ছিল না। বিসবার বিবাহ তখন নীতি বিকল্পও ধর্ম বিকল্প বলিয়া অভি-হিত হইত, কায়েই তখন কেহ বিধবা দিগের দুঃখ বর্ণন করিয়া কোন নাটক রচনা করিলে তাহা জনসমাজে আদরণীয় হইত না।

কালে দেশের অবস্থা অতীব ভয়ঙ্কর হইয়াছে। সুরাপান, বেশ্যা-গমন বিসবাদের চিরবৈধবা, কদাচার কুলীনদিগের অত্যাচারে দেশ কম্পিত হইতেছে। যেদিগে দৃষ্টিপাত করা যায়, সেই দিগেই এই কয়েকটি সামাজিক দোষের বিষয় ফল দেখিতে পাওয়া যায়। পুস্তক পাঠাপেক্ষা-পুস্তক পাঠ শ্রবণ করিলে অধিক উপকার হয়। শ্রবণ অপেক্ষা কোন বিষয়ের অভিনয় দেখিলে আরও অধিক উপকার হয়। এই অভিপ্রায়েই নাটক অভিনয়ের সৃষ্টি হইয়াছে।

সাধারণ তুষ্টি-বন্ধন জন্য প্রায় সমুদয় নাটক লিখিত হইয়াছে। আমাদের আর আমাদের সময় নাই,-সে

কাল অতীত হইয়া গিয়াছে। বস্তুতঃ এক্ষণে বাহাতে সমাজ সংস্করণে রুতকার্য্য হইতে পারি একরূপ চেষ্টা করা দেশহিতৈষি মাত্রেয়ি কর্তব্য মতো পরিগণিত করা উচিত। আন্দোলনের সময় অতীত হইয়াছে বলিয়াই আমরা একরূপ বলি না যে আমাদের দিব্য বাহিনী সমাজ লইয়া অশ্রুপাত করিব একরূপ নহে মধ্যে ২ নির্দোষ আন্দোলন করিলে বিশেষ ক্ষতি লক্ষিত হয় না।

সঙ্গীত বেকরূপ আশু-লোকের চিত্ত হরণ করিতে পারে একরূপ কিছুই নহে। বিশুদ্ধ তানলয়-মিশ্রিত সুমধুর গীত শ্রবণ করিলে কার মন না আন্দ হইয়া যায়?

কথিত আছে যে পবিত্র পথাদি পর্য্যন্ত গীত শ্রবণে বিমোহিত হইয়া যায়। এক্ষণে "তুর্ভাগ্য ও লারাও" বং শাহনি দ্বারা মর্পদিগকে বিমোহিত করিয়া রাখেন। সঙ্গীতের একরূপ চিত্ত হারিণী শক্তি থাকিতে ও তুর্ভাগ্য বশতঃ এদেশে সঙ্গীতের ভাদৃশ আদর নাই। যাত্রাওয়ালারাই যৎকিঞ্চিৎ সঙ্গীতের মান রাখিয়াছে। উৎসাহ অভাবে সে সমুদয়ও ক্রমে ক্রমে অন্তর্ধান করিতেছে। তবে আমাদের উপায় কি? নাটক অভিনীত হইলে কথঞ্চিৎ রূপে সে অভাব মোচিত হইতে পারে। কয়েক বৎসর গত হইল, কলিকাতার নাটক অভিনয়ের অভ্যন্ত প্রাচুর্য্য হইয়াছিল। প্রত্যেক গলিতেই

নাটক অভিনয়ের সভা, সকলেই নাটকে লইয়া ব্যস্ত, যে স্থানে যাওয়া যায় সেই স্থানেই নাটক কর কথা।

আমরা পদ্মাবতী, নন্দনায়ন্ত্রী, শর্শ্বী, কুম্ভকুমারী, শ্রী বৎসচিন্তা, প্রভৃতি নাটকের অভিনয় দেখি যাই, সমুদয় গুলিরই অভিনয় উত্তম হইয়াছিল, কিন্তু দুঃখের বিষয় এই যে নাটক অভিনয়ে কাহারও কোন বিশেষ উপকার হয় নাই। উক্ত নাটক সমূহের অভিনয় প্রায়ই কোন কোন সম্ভ্রান্ত ব্যক্তির বটিতে হইয়াছিল, সাধারণে যে তাহা দেখিতে পায় নাই তাহা বল বাহুল্য। যাঁহারা পাইয়াছিল তাঁহারা অনেক কক্ষে অনেক বয়ে দুই এক ভদ্রলোকের অনুগ্রহে।

আমাদের বিলক্ষণ স্মরণ আছে।— আমাদের কোন আত্মীয় এক ভদ্র লোকের বাটীতে কোন নাটকের অভিনয় দেখিতে যান। তুর্ভাগ্য বশতঃ তিনি নির্দোষ সময়ের কিছু বিলম্বে যাইয়াছিলেন। তাঁহার নিকট এক খানি টিকিট ছিল, তিনি অনেক দূর হইতে যাইয়া ছিলেন কিন্তু তিনি যখন যাইয়া দেখিলেন যে বাটীর ভিতরে প্রবেশ করিতে পারিলেন না সুতরাং বলপূর্বক প্রবেশ করিতে চেষ্টা করিলেন, অমনি সার্জেন্ট আসিয়া সজোরে তাঁহার পৃষ্ঠে বেত্রাঘাত করিল তিনি পৃষ্ঠের যাতনায়

আস্থুর হইয়া বাটী প্রত্যাগত হইলেন। তিনি সে অবধি প্রতিজ্ঞা করিয়াছেন যে কখন আর দেশীয় নাটক অভিনয় দেখিতে যাইবেন না। কয়েক বৎসর পর্য্যন্ত নাটক অভিনয়ের আর অধিক প্রাচুর্য্য নাই। রাজা যতীন্দ্রমোহন ঠাকুর বাহাদুরই দেশীয় নাটকের মান রাখিয়াছেন। তিনি মধ্যে মধ্যে নিজ ব্যয়ে নাটক রচিত করাইয়া নিজ বাটীতে তৎসমুদয়ের অভিনয় করান কিন্তু তাঁহার বাটীর স্থান সংকীর্ণতার জন্য অনেকেই তাঁহার নাটক অভিনয় দর্শন করিতে পারে না। আমরা এক বার তথায় যাইয়া পরম প্রীতি লাভ করিয়াছিলাম। সকল বিষয়ই শৃঙ্খলা বদ্ধ ছিল, কোনদিগে কোন গোলযোগ হয় নাই। উক্ত দশোদয়ের বাটীতে নাটক অভিনয় দর্শন করিয়া আমাদের একরূপ আনন্দিক ইচ্ছা হইয়াছিল যে, যদি একটা দেশীয় নাট্যশালা সংস্থাপিত হয় তাহা হইলে অনেকেই তথায় যাইয়া, অল্প ব্যয়ে অভিনয় দর্শন করিতে পারে না। কলিকাতার নিকটস্থ অনেক পল্লী-গ্রাম আছে, সে স্থানের অনেকে অদ্যাবধি নাটক অভিনয় দর্শন করা দূরে থাকুক কখন কোন বঙ্গভূমি পর্য্যন্ত দর্শন করেন নাই। আমরা অনেকবার "লুইথিয়েটার" দর্শন করিয়া মনে করিতাম আমাদের যদি একটা নাট্যশালা থাকিত, তাহা হইলে আমরা

তথায় দেশীয় নাটকাদির অভিনয় দর্শন করিয়া গর্ভ করিতে পারিতাম। নাটক অভিনয় কর নিতান্ত সহজ ব্যাপার নহে। ইহাতে অর্থবল ও লোকবল বিলক্ষণ আবশ্যিক। যাহা যতীন্দ্র মোহন ঠাকুর ব্যক্তিরে অপর কোন ধন ব্যক্তিরই নাটকাদির প্রতি বিশেষ যত্ন নাই। এক জনের যত্ন কি হইতে পারে? আমরা পূর্বোক্ত কারণে যখন সমস্ত সাময়িক পত্রে জাতীয় নাট্যশালা স্থাপনের বিজ্ঞাপন দেখিলাম, তখন আনন্দে আমাদের মন নৃত্য করিতে লাগিল। এত দিনে যে আমাদের দেশে একটা সত্বনষ্ঠানের উদ্যোগ, হইয়াছে ইহা ভাবিয়া আন্তরিক আশ্লা দিত হইলাম। জাতীয় নাট্যশালা দ্বারা যে সাধারণের অনেক উপকার হইবে তাহা বলা বাহুল্য।

আমরা সমুৎসুক চিত্তে প্রথমেই যাইয়া “নীলদর্পনের” অভিনয় রাত্রি নাট্যশালা বাটীর দ্বারে উপস্থিত হইলাম। কিন্তু সে রাত্রির কথা মনে পড়িলে এখন স্তম্ভিত হই। আমরা বাঙ্গালী, আমরা যে কখন কোন কার্য্য মুশৃঙ্খল রূপে নির্বাহ করিতে পারিব এরূপ কখনই বোধ হয় না। যাহা হউক অনেক কষ্ট অনেকবার তাড়িত হইয়া আমরা এক খানি টিকিট লইয়া অভিনয়ের স্থলে প্রবেশ করিলাম। একজন ভদ্র ব্যক্তি আমাদের হস্তে

‘প্রোগ্রাম’ দিলেন কিন্তু দুর্ভাগ্য বশতঃ আলোকের অভাবে চমকা দ্বারা ও তাহার এক বর্ণ পড়িতে পারিলাম না। সুতরাং অন্ধের ন্যায় বসিয়া রহিলাম রঙ্গভূমি দেখিয়া অত্যন্ত দুঃখিত হইলাম। রঙ্গ ভূমির সম্মুখেই একখানি বিজাতীয় যবনিকা দোতুল্যমান রহিয়াছে। জাতীয় নাট্যশালায় বিজাতীয়কে নবস্ত দেখিলেই মনে দুঃখ ব্যক্তিরে অার কি উপস্থিত হইতে পারে? তৎপরে যখন দেখিলাম যে কতকগুলি ফৈরাজ আসিয়া একতান বদ্য করিতে আরম্ভ করিল তখন আমাদের দুঃখ দ্বিগুণিত হইল। মনের দুঃখ মনে রাখিয়া আমরা একাগ্র চিত্তে অভিনয় দর্শন করিতে লাগিলাম। “নীলদর্পণ” নাটক অভিনয় “সাময়িক ও অপ্রয়োজনীয়। যৎকালে রেতেরেও লংসাহেব নীলদর্পণ অনুবাদ করণা পর্যাধে কারাবদ্ধ হন সেই সময়েই নীলদর্পনের অভিনয় উপযুক্ত হইত সেই সময়ে নীলদর্পণের অভিনয় করিলে নীলকরদিগের অভ্যাচার জাজ্জল্যমান রূপে দর্শকদিগের মনে প্রতীত হইত। নীলদর্পণে এমন কোন চমৎকারিত্ব নাই, যে পুরাতন হইলেও তাহার অভিনয় হৃদয় প্রোহী হইবে। নীলদর্পণ পুস্তকের সমালোচনা করা আমাদের উদ্দেশ্য নহে। যবনিক উত্তোলিত হইল। নট আসিয়া উপস্থিত, নটকে অভিনেতৃ গণের

রূপ গুণ দুইই আবশ্যিক একের অভাব হইলে চলে না। কিন্তু দুঃখের বিষয় নটের দুইয়েরই অভাব ছিল রূপ ও ছিল না গুণ ও অধিক দৃষ্ট হইল না। উচ্চঃস্বরে চিৎকার করিলেই যদি গান গাওয়া হইত, তাহা হইলে রজকবাহন অপেক্ষা গীত বিষয়ে নিপুণ কেহই নহে। নট একটী বক্তৃতা করিয়া চলিয়া গেলেন, বক্তৃতা তার ভাবটী মন্দ হইল। প্রথম অঙ্কের অভিনয় আরম্ভ হইল। গোলোক বমুর অভিনয় উত্তম হইয়া ছিল, কিন্তু তাহার স্বরটী অত্যন্ত কর্কশ না হইলে ভাল হইত। সাধু চরণের অভিনয় মন্দ হয় নাই। কিন্তু সাধু চরণ জতি অপ্রস্তুত ভাবে বাক্যাদি না কহিলে আরও উত্তম হইত।

দ্বিতীয় অঙ্ক। সৈরিক্তী সরলা ও আতুরীর প্রবেশ।

সরলা যুবতী, সুন্দরী রূপে বর্ণিত হইয়াছে, কিন্তু অভিনেত্রী সরলার কোন সৌন্দর্য্যই দৃষ্ট হইল না। সরলা নবযুবতী, পতি সোহাগিনী, বুদ্ধিমতি, রসিক, চতুরা, কিন্তু অভিনেত্রী সরলা দেখিতে যেন মেছোবাজারের ষারেণ্ডা শোভিনী, বিগত কাষ্টী, গত যৌবনা, অকাল রন্ধা, রাত্র জাগরণে কোটরাফী, অন্তরে দুঃখ অথচ বাহ্যে হাব ভাব বিলামিনীর ন্যায় দৃষ্ট হইল। সৈরিক্তী “পাড়াগেয়ে মেয়ে” কিন্তু পল্লীগামে কি কেহ সুন্দরী নাই?—তবে কি কারণে

অভিনেত্রী সৈরিক্তী কে এক জন “হুঁ ডার” ন্যায় সাজান হইয়াছিল। আতুরি নির্বোধ, “হাবাগোবা” কাজেই তাহাকে সেরূপ সজ্জীত করা উচিত, কিন্তু অভিনেত্রী আতুরী এরূপ কদর্য্য হইয়াছিল যে তাহাতে দর্শক গণের মনে এক প্রকার ঘৃণা উৎপাদিত হইয়াছিল। কিন্তু সৈরিক্তী সরলা ও আতুরির অভিনয় উত্তম হইয়াছিল বিশেষতঃ সরলা চমৎকার অভিনয় করিয়াছিল।

তৎপরে রাইচরণ, সাধুচরণ, নায়ের, চাপরাসি প্রভৃতির প্রবেশ।

রাইচরণ মন্দ হয় নাই নায়ের আরো কিছু বেয়াড়া গোছের হইলে ভাল হইত, নায়েরকে টিক যেন কোন পল্লীগামের পণ্ডিতের ন্যায় বোধ হইল। রাইচরণের অভিনয় অস্বাভাবিক হইয়াছিল। রাইচরণ যাত্রা ওয়ালাদের ভগ্ন দূতের ন্যায় হইয়াছিল।

আমরা ভাবিয়া ছিলাম প্রত্যেক অঙ্কের অভিনয়ের সমালোচন করিব। কিন্তু তাহা হইলে প্রস্তাব অত্যন্ত দীর্ঘ হইয়া পড়ে সুতরাং প্রত্যেক অভিনেতা ও অভিনেত্রীর বিষয় বলিয়াই ক্ষান্ত হইব।

উড সাহেব ও রোগ সাহেব ভাল হয় নাই। নীলকর সাহেবেরা কৃষ্ণবর্ণ নহে সুতরাং তাহাদিগকে কৃষ্ণবর্ণ রূপে সজ্জীত করা ভাল হয় নাই। সরলার

স্বামীর পত্রপাঠ ও স্বগত বিলাপ মনো
হর হইয়া ছিল। সরলার বিলাপ
শ্রবণে সকলের নয়নেই জলআসিয়া
ছিল। এস্থলটী ভিন্ন সরলা কোন
স্থলেই একরূপ চমৎকার অভিনয় করে
নাই। কিন্তু নবীনমধবের অভিনয়
মধ্যে ২৫ ক্রম্ভট হইয়াছিল। ক্ষেত্রমনির
সহিত রোগ সাহেবের কথোপোথন
উত্তম হইয়াছিল কিন্তু ক্ষেত্রমনি
কিঞ্চিৎ মুস্তির ভাবে অভিনয়
করিলেই ভাল হইত। পদীময়রাণী
মন্দ হয় নাই, চারিটি বালকের নৃত্য
অভিনয়টী উত্তম হইয়াছিল। রাই-
চরণকে যখন কুণ্ডিতে লইয়া মাইবার
উপক্রম করিল। সে সময়ে রাইচরণের
কম্পন নিতান্ত কৃত্রিম বলিয়া বোধ
হইয়াছিল। ক্ষেত্রমনির কাতোরোক্তি ও
বিলাপ নিতান্ত জঘন্য হইয়াছিল।
তোরাপ প্রভৃতির কাবাগারের
অভিনয়টী উত্তম হইয়াছিল, তোরা-
পের বেশ ভাল হয় নাই, তোরাপ যেন
এক জন চাটগেয়ে মাজির ন্যায়
প্রতীয়মান হইয়াছিল।
পিতার মৃত দেহ বক্ষে করিয়া বিন্দু
মধবের রোদন ও বিলাপ উত্তম
হইয়াছিল, কিন্তু অভিনেতার স্বর
কিঞ্চিৎ গভীর ও স্পষ্ট হইলে ভাল
হইত।

উডসাহেবের বাজাল হইতে ক্ষেত্র-
মনির উদ্ধার অভিনয়টী উত্তম হইয়াছিল,
কিন্তু সাহেবের একেবারে চুপ করিয়া

থাকা নিতান্ত অপ্রাকৃতিক হইয়াছিল।
এন্থে একরূপ বর্ণিত থাকিলেও অভি-
নেতাদিগকে সে দোষ সংশোধন
করিয়া লওয়া উচিত ছিল। অগ্রে
যাইয়া সাহেবের হস্ত বন্ধন করা
উচিত ছিল।

যখন নবীন মধবকে সভায় আনয়ন
করিল, তাহার আহত ক্ষত বিক্ষত
মস্তক হইতে অজস্র রুধিরপাত দেখি-
য়া দর্শকদিগের অন্তকরণে বিস্ময় ও
অদ্ভুত ভাবের আবির্ভাবও শরীরে
মূর্ছামূর্ছ রোগরূষ হইয়াছিল। এ অব-
স্থাতে নীলকর দিগের প্রতি যে
স্বভাব সিদ্ধ ঘৃণা উৎপাদিত হইবে
তাহা বলা বাহুল্য, কিন্তু সৈরিক্কীর
বিলাপ প্রকৃতি বহির্ভূত হইয়া
ছিল।

ক্ষেত্রমনির মৃত্যুশয্যা উত্তম
হইয়াছিল, কিন্তু সাধুচরণের স্ত্রীর
ক্রন্দনে সব মাটি করিয়াছিল। সাধু
চরণ এক জন সাগামা অথচ ভক্ত
কৃষীজীবী লোক বলিয়া বর্ণিত
হইয়াছে। এ অবস্থায় আপন পুত্র
কন্যা কি সহোদর ভ্রাতার মৃত্যু কালে
কখনই বীরজনোজিত ধৈর্য ও সাহস
অবলম্বন করিয়া মুক্ত কণ্ঠে বক্তৃতা
প্রদান সাধুচরণের পক্ষে নিতান্ত
অপ্রাকৃতিক বোধ হয়। যদি এক জন
রজপুত্র কি কোন ইউরোপীয়ান রাজ
বংশীয় বীর পুরুষের প্রকৃতি বর্ণিত
হইত। তাহা হইলে এ অবস্থায় একরূপ

বক্তৃতা শোভাপাইত সন্দেহ নাই।
সাধুচরণের পক্ষে বক্তৃতা প্রদান দূরে
থাকুক ধৈর্য্যাবলম্বনই মুসঙ্গত প্রতীয়-
মান হয় না। এ বিষয়ে অভিনেতাদি-
গের কিছুই অপরাধ নাই। গ্রন্থকারই
এ বিষয়ের ত্রুটি অনুভব করিতে
পারেন নাই।

মাজিষ্ট্রেটের কাছারিতে বিচারটীর
অভিনয় উত্তম হইয়াছিল, কিন্তু
কাছারি গৃহটী উত্তম রূপে সজ্জীত হয়
নাই। আরও কতকগুলি ইংরাজোচিত
উপকরণ থাকিলে ভাল হইত।
গোলকবমুর জবানবন্দি ভাল হয়
নাই কিন্তু নিলকর সাহেবের মোক্তা-
রের বক্তৃতা উত্তম হইয়াছিল।
সে সময়ে মাজিষ্ট্রেট সাহেবের মুখ
ভঙ্গী দেখিয়া কেহই হাস্য সম্ভরণ
করিতে পারেন নাই। গোলক বমুর
উদ্বন্ধন অভিনয়টী উৎকৃষ্ট হইয়াছিল,
অভিনেতা কি কৌশলে অতক্ষণ
লম্বমান হইয়াছিলেন তাহা আমরা
অনুভব করিতে পারি নাই।

কৃত্রিম উদ্ভাদভাব প্রকাশ করা
অতি দুর্কর ব্যাপার। অন্তকরণ
বিকল অবসন্ন আচ্ছন্ন না হইলে
সে সমস্ত ভাব আরোপিত করিয়া
প্রকাশ করা অত্যন্ত মুগ্ধ স্বভাব
দর্শনের আবশ্যিক। নবীন মধবের
মাতা সাবিত্রী উন্মত্ত হইয় যেরূপ অভি-
নয় করিল তাহাতে অনেকাংশে ত্রুটি
হইলেও মার্জ্জনীয়। গ্রন্থকার অত্যন্ত
করণ রসের স্রোত উদ্ভাদরূপে প্রবল

ভাবে প্রবহন জন্যই সাবিত্রীর দ্বারা
তৎপুত্র বধু সরলার মৃত্যু সংঘটন
করিয়াছেন। কিন্তু শোকোন্মাদের
প্রকৃতি একরূপ নহে, সহসা আপন পুত্র
বধুকে গ্রীষ্মতে পদাঘাত করিয়া
ঘিনাশ করিতে পারে না বিশেষতঃ
সাবিত্রী রজাক্তী, সরলা অপেক্ষা
অনেক অংশে দুর্বল প্রকৃতি তাহা
দ্বারা নিরস্ত্র ভাবে হঠাৎ সরলার
প্রাণ হনন কোন রূপেই প্রকৃতি
সঙ্গত অনুচিত হয় না। পরিশেষে
বিন্দুমধবের পদ্য ছন্দে বিলাপোক্তি
নিতান্ত অস্বাভিক শ্রুতি গোচর
হইয়াছিল। দুঃখের সময়ে স্বভা-
বতঃ বাক স্ফূর্তিই হয়না তখন
কবিতা পাঠের সময় নয় দুঃখে অত্যন্ত
বিনুগ্ধা হয় কখন কখন সঙ্গত বিশৃ-
ঙ্খল রূপে বিবর্নিত হইয়া থাকে
পদ্যের পরিবর্তে যথোচিত সঙ্গীত
প্রযোজিত করিলে কথঞ্চিৎ সঙ্গত
হইত।

অভিনয়ের বিশেষ বিশেষ অংশ
সমালোচন করিয়া প্রকাশ করিলে
অনেক লিখিতে হয় সংক্ষেপে কতি-
পয় অংশ বর্ণিত হইল।

সাধারণ রূপে নাট্য সমালোচনা
সংক্ষেপে প্রকাশ না করিয়া ক্ষান্ত
থাকিতে পারিতেছি না।

নাট্যে এই কয়েকটি দর্শন (scene)
প্রদর্শিত হইয়াছিল।

প্রথম গোলক বমুর বাহির বাটী।

নদিয়া জিলাস্থ মধ্যবর্তী হিন্দু ভদ্রলোক
দিগের বাহিরবাটী যেরূপ হওয়া উচিত।
তদনুকূলি সেরূপ হইয়াছিল কি না
তদ্বিষয় আলোচনীয়, তথাবিধ লোকের
বাহির বাটীতে এক পাশে গোশালা,
অন্য দিগে-হয়ত গুরুমহাশয়ের পাঠ-
শালা। হয়ত-কখন কখন সামান্য ভাবে
কোন দেবদেবী পূজার আয়োজন,
চণ্ডিমণ্ডপ কাঁচা ঘর, এক পাশে জবা
প্রভৃতি সামান্য ফুলের বাগান থাকি-
বার অনেক সম্ভাবনা আছে। কিন্তু
অভিনয় দর্শনে ইহার কোন একটি
উপকরণই দৃষ্ট হইল না।

দ্বিতীয় বাইচরণের মাঠে হইতে গৃহে
অগমন ইহাতে অনেকগুলি উপকরণের
অভাব দৃষ্ট হইল যথাঃ

সঙ্গে সঙ্গে কি পাশে দুইচারিটি গরু
বাইচরণের হস্তে ছাঁক কলিকা ও
একটি পল ধরণ কিম্বা অগ্নি রাখিবার
অন্য কোন আধার প্রদর্শিত হওয়া
উচিত ছিল।

তৃতীয় গোলক বম্বুর অন্তঃপুর।

পল্লীগ্রামের স্ত্রীলোকেরা কখন
সঙ্কারণ প্রাকালে অলস ভাবে
অবস্থিতি করে না, হয়ত কেহ প্রদীপ
সাজাইতে, কেহ ঘরবাঁট দিতে, কেহ
শয্যা প্রস্তুত করিতে ব্যস্ত থাকে।
গৃহ গুলিও একেবারে সহরের গৃহের
ন্যায় হয় না প্রাচীরে “আলিপনা”
দেওয়া থাকে, কিন্তু অভিনয়ে তাহার
কিছুই দৃষ্ট হইল না।

চতুর্থ নীলকুটীর কাচারিবাটী।
কোন নীলকুটীর কাচারি যদিও এক
কালে নীলকুটীর ক্রোড়স্থিত নাইউক,
তথাপি এত দূর ব্যবহৃত থাকিতে
পারে না যে-সেই নীলকুটীর কোন
রূপ কনরব ও ‘হাঙ্গাম’ কাচারিবাটী
হইতে প্রবনগোচর না হয়। বর্ণিত
কাচারি হইতে নীলকুটীর অস্তিত্বের
কোন রূপ পরিচয় পাওয়া যায় নাই। দূর
হইতে পার্শ্বদর্শনের কোশলের ন্যায়
দূর হইতে নীলকুটীর একদিগের
কোন এক অংশ প্রদর্শন করান
উচিত ছিল। এ বিষয়ে অভিনয়ে
তাদিগের তাদৃশ দোষ নাই, কারণ
এদেশের শিল্পী চাতুর্য্য এত উন্নত
হয় নাই যে তদ্ব্যবায় প্রস্তাবিত বিষয়
সুসম্পন্ন রূপে সম্পাদিত হইতে পারে।
দ্বিতীয় ভক্ত বেগন বেড়ের কুটীর
গুদাম ঘর।

নিষ্ঠুর নীল করাদর গুদাম ঘর
যে কি রূপ ভয়ঙ্কর স্থান তাহ
নগরের পাঠক মণ্ডলী কখনই অনুভব
করিতে পারিবেন না। যাহার চক্ষু
সম্মুখে নীল কুটীর গুদাম ঘর দেখিয়া-
ছেন, তাহারাই তাহার ভয়ঙ্করতা
অনুভব করিতে পারেন। আগাদের
শাস্ত্রাদির বর্ণনানুসারে নরক যেরূপ
ভয়ানক ও কদর্য্য স্থান নীল কুটীর
গুদাম ঘর কি জমিদার দিগের চুনের
ঘর তাহা অপেক্ষা সহস্রাংশে নিকৃষ্ট
ও কদর্য্য, সুতরাং তাহা সেই রূপ

ভয়ানক ও কদর্য্য রূপেই প্রদর্শিত
হওয়া উচিত ছিল। চারিদিগে আব
জ্ঞান কোনদিগে গোটাকত বিছা,
কোনদিগে কতকগুলি কেবুই, প্রাচীর
সমুদায় ধূম্রবর্ণ ও অপরিষ্কার, ভিত্তি
অপরিষ্কার রূপে প্রদর্শিত হওয়া উচিত
ছিল। গুদাম ঘর দেখিয়া পাঠক মণ্ডলীর
মনে এক প্রকার বিভৎস রসের উদ্বেক
হওয়া উচিত। কিন্তু অভিনিত গুদাম
ঘর দেখিয়া কাহার মনে সে ভাবের
উদয় হইয়াছিল। যদি কোন কদর্য্য
স্থান দর্শনে তৎপ্রতি ঘৃণা উৎপাদিত
না হইল, তাহা হইলে সে স্থানের
কদর্য্যতা প্রতিপন্ন করিবার সম্ভাবনা
কোথায়?

দ্বিতীয় ভক্ত—দ্বিতীয় গর্ভাঙ্ক

বিক্রমাবের শয়ন ঘর; এ দর্শনে অভি-
নেতার অনেক অভাব দূর করিয়াছিলে-
ন। ইহাতে আলোক দ্বারা নিকরানো-
নাথ করিয়া দর্শনের (Scene) চমৎ
কারিতা প্রদর্শিত হইয়াছিল। কিন্তু
শয়ন গৃহের সজ্জাটি তত ভাল হয়
নাই, অনেক গুলি উপকরণের অভাব
ছিল, অর্থাৎ একটি পরিষ্কার শয্যা,
গৃহ পাশে একটি কাঠের কি কড়ির
আনলা দুই চারিটা সিংস্কুক একদিগে
একটি তৈজসাধার তাহাতে কতক
গুলি ঘটি বাটী ইত্যাদি।

তৃতীয় গর্ভাঙ্ক শরপুরের তেমাথা পথ।
শরপুর পল্লীগ্রাম সুতরাং পল্লীগ্রামের
তেমাথা পথ যে রূপ হওয়া আবশ্যিক

প্রদর্শিত তেমাথা পথ সেরূপ হয় না।
তৃতীয় ভক্ত প্রথম গর্ভাঙ্ক বেগুন বেড়ের
কুটীর দপ্তর খানা—
নীল কুটীর কাচারি বাটীর বিষয়ে
পূর্বেই লিখিত হইয়াছে এস্থলে তাহার
পুনরুক্তি অনাবশ্যিক। তাহার
দ্বিতীয় গর্ভাঙ্ক নবিনমাপবের শয়ন
ঘর এদর্শনটি মন্দ হয় নাই। সরলার
শয়ন ঘরের ন্যায় এ শয়ন ঘরটিতে
ও অনেক গুলি উপকরণের অভাব
ছিল।

তৃতীয় গর্ভাঙ্ক রোগ সাহেবের কাঁচা
ছুঃখের বিষয় এই যে, প্রতিদ্বন্দ্ব স সাহে
বদিগের সঙ্গে একত্রে থাকিয়া আশা
সুন্দর রূপে তাহাদের গৃহের প্রতি
রূপ চিত্রিত করিতে পারিনা।
সাহেব দিগের কাঁচা ঘর বিশেষতঃ
মফসলের হর্তীকর্ত্ত নীলকর সাহেব
দিগের কাঁচা ঘর চুনাগলির কোন
মহাত্মার ঘরের ন্যায় সামান্য উপক-
রণ বিহীন এ রূপ নহে। সাহেবেরা
এ দেশে আসিয়া আগাদের অপেক্ষা
দশগুণ বারু ও সৌখিন হন। সুতরাং
আগাদের গৃহাদির আসবাব অপেক্ষা
তাহাদের কাঁচা আসবাব অনেক অধিক
হইবে। কাঁচার মেজে কারপেট
কি অন্য কোন বস্ত্রে আবৃত থাকা
উচিত। চারিদিগে “চেয়ার” মধ্যে
মধ্যে প্রাচীরে ভাল ভাল আয়না,
একদিগে পুস্তকাধারে পুস্তক একটি
টেবিলে দুই একখানি সংবাদ পত্র,

হয়ত একটি ক্ষুদ্রকার্য। কুরুর বাথ কর্তব্য
চতুর্থ অঙ্ক ফেজদারি কাছারি।
কাছারি না হইয়া প্রদর্শিত কাছারি
কোনবেইল ওয়েকোম্পানির 'পারসেল'
ওজন করিবার স্থানের ন্যায় হইয়া-
ছিল। হাফিদিগের আসন অনেক
উচ্চ হওয়া আবশ্যিক টেবিল চেয়ার
প্রভৃতি উপকরণ গুলি ও সীতিমত
হওয়া উচিত, নীলদর্পণের বর্ণিত
ঘটনাবলীর ঘটনাকালে মাজিস্ট্রেট
সাহেবেরা কি রূপ বাবু ছিলেন তাহা
অনেকেই জানেন, তাহাদের সম্মুখে
একটা ভাঙ্গা বাক্স ছুতার শিল্পীদের
একটা ভাঙ্গা টেবিল ও দুইখানা
সামান্য চেয়ার রাখিয়া এই দর্শনটি
(Scene) গঠি করিয়া ফেলা হইয়াছিল।
তৃতীয় গর্তাঙ্ক জেলখানা।
জেলখানা দর্শন (Scene) ভাল হয় নাই।
প্রদর্শিত দর্শনে জেলের কদর্যতা
কোথায়? জেল ঘর ও বাসর দুই
স্থান কদর্য ও অপরিষ্কার ও ভাঙ্গর।
প্রদর্শিত জেলখানা সামান্য গৃহ
বলিয়া বোধ হইয়াছিল। জেলখানা
চিত্রিত করিতে গেলে অনেক গুলি উপ-
করণের আবশ্যিক। সমস্ত মেসে সে-
মেতে অপরিষ্কার ও ধূলি পরিপূর্ণ
হওয়া উচিত। একদিনে একটা ভাঙ্গা
কলসী, তার কাছে একটা মল মুতাদি
ভাগ করিবার আধার রাখা কর্তব্য।
জেল গৃহটি নিতান্ত কদর্য ও ভয়ঙ্কর
রূপে প্রদর্শিত হওয়া উচিত ছিল।

সে সময়ে বঙ্গ ভূমির অনেক গুলি
আলোক কিরান করা উচিত ছিল।
তাহা হইলে কথঞ্চিৎ রূপে কার্য্যসিদ্ধি
হইত। জেলে গোলক বম্বুর মৃত দেহ
দর্শনটি অতীত লোমহর্ষকর ব্যাপার,
একজনের মৃত দেহ দেখিলে দর্শক
দিগের মনে যেকুপ দুঃখ ও ভয়োৎ-
পাদিত হয় অভিনীত মৃত দেহ দর্শ-
নে দর্শক দিগের মনে কি সে
ভাব হইয়াছিল?।
পঞ্চম অঙ্ক। নবীনগাধবের শয়ন ঘর
এই দর্শনটি মন্দ হয় নাই। কিন্তু প্রদ-
র্শনে গভীরতার অভাব ছিল। তৃতীয়
গর্তাঙ্ক। সাধুচরণের ঘর।
সাধুচরণ একজন সামান্য গৃহস্থ।
তাহার গৃহটি উত্তম রূপে চিত্রিত
হয় নাই। সাধুচরণের গৃহ ও বসুদের
গৃহ এক রূপ হওয়া উচিত নহে।
সাধুচরণের গৃহ চালসরই হওয়া
উচিত। সাধুচরণের কন্যার মৃত্যু
উপস্থিত সে সময়ে সমস্ত দ্রব্যাদি
শৃঙ্খলা বদ্ধ হওয়া উচিত নহে। এক-
দিনে একটা শয্যা পতিত, একদিনে
একটা খোলা বাক্স অমাদিগে একটা
ঘটি কি বাটী গড়াগড়ি যাইতেছে,
সমস্ত বিশৃঙ্খল সমস্ত অসম্পূর্ণ রূপে
চিত্রিত করা উচিত ছিল। গৃহে একটা
পেতেন, একটা চালিতে কতকগুলি
বালা, দেওয়ালে আলিপনা, একটা
শিকা প্রভৃতি সামান্য গৃহের উপযোগী
উপকরণগুলি রাখা কর্তব্য ছিল।

চতুর্থ গর্তাঙ্ক গোলোক বসুর বাটীর
দরদালান। দর্শনটি উত্তম হইয়াছিল।
কিন্তু দরদালানে অনেক গুলি উপকরণ
এক প্রকার বাটীর কর্তে 'রুকোদর মদূশ
নবীনগাধবের' তদানিন্তন অবস্থ
দর্শনটি প্রদর্শিত করা নিতান্ত সহজ
ব্যাপার নহে। যাহা হউক অভিনয়ভাগ
এটিতে অনেক কৃতকার্য হইয়াছিলেন।
আমরা সংক্ষেপে সমস্ত বিবয়ের সমা-
লোচনা করিলাম। অভিনয়ের দোষ
গুণ বলিলাম। এক্ষণে নাট্যশালার
অধ্যক্ষদিগের দুই একটি উপদেশ
দিয়া এ প্রস্তাবটি শেষ করিব।

জাতীয় নাট্যশালার অধ্যক্ষগণ যে
একটি মহৎ অভাব পূরণের অনুষ্ঠান
করিয়াছেন তাহা সকলেই মুক্তকণ্ঠে
স্বীকার করিবেন। তাহারা এজন্য
প্রত্যেক ব্যক্তির ধনাবাদের পাত্র।
একটি চিরস্থায়ী নাট্যশালা সংস্থাপন
করা সামান্য ব্যাপার নহে। অন্যে
যাহা বলুক আমরা কখনই ইহাকে
সামান্য ব্যাপার বলিয়া স্বীকার
করিতে পারিবনা। বিদ্যার চর্চা
আরম্ভ হওয়াতে অনেকে অনেক, না-
টিকাদি রচনা করিতেছেন, অনেকে
আবার অর্থাভাবে নিজ নিজ গ্রন্থ
মুদ্রিত করিতে পারেননা। জাতীয়
নাট্যশালা যদি ক্রমে সমস্ত নাটকের
অভিনয় করেন, তাহা হইলে। অনেক
গ্রন্থকারগণ উৎসাহ বঞ্চিত হন ও

আর আর মূর্খ নাটক রচনা করিতে
উৎসাহিত হন।
অন্যকার চর্চা হইলেও আরা
নাট্যশালার অধ্যক্ষ দিগকে একটি
কথা জিজ্ঞাসা করিতে ব'ধ্য হইলাম।
“টিকিট বিক্রয় করিয়া যে অর্থ সংগৃ-
হীত হইতেছে সমস্ত খরচ দিয়া যদি কি
ছু উদ্ধৃত থাকে তাহা হইলে সেই টাকা
কি রূপে ব্যয়িত হয়?। যদি নাট্যশা-
লার উন্নতি সাধন মানসে সে অর্থ
জমা রাখা হয় তাহা হইলে তাহার
সদ্ব্যয় করা উচিত। যে সকল গ্রন্থ-
কারের গ্রন্থ অভিনয় করা হয় তাহা-
দিগকে কিছু কিছু অর্থ দেওয়া কর্তব্য।
যে সমস্ত গ্রন্থকার অর্থাভাবে নিজ
নাটক মুদ্রিত করিতে পারেননা
তাহাদিগকে উক্ত পুস্তক মুদ্রাক্ষের
জমা সাহায্য করা উচিত।
আমাদের সকলের উৎসাহ কখন
সমভাবে থাকেনা। সুতরাং এক্ষণ-
কার অভিনেতারা যে বহুকাল
সমাবে সমউৎসাহে উৎসাহিত হইয়া
জাতীয় নাট্যশালার উন্নতি ত্রতে ত্রতী
থাকিবেন একরূপ বোধ হয়না। এইজন্য
যাহা কতকগুলি লোকে ইহাতে
অনন্য কর্ম্ম হইয়া নিযুক্ত থাকেন
এরূপ করা কর্তব্য।
কতক গুলি বেতন ভোগি অভিনেতা
নিযুক্ত করা কর্তব্য। সেই ব্যক্তির
সর্বদাই অভিনয়ের উন্নতি সাধনে
তৎপর থাকিবেন। একটি কার্য্যাধ্যক্ষ

নিযুক্ত করা কর্তব্য। আমরা অবৈ-
তনিক কার্য কারক দিগের বিষয়
বিশেষ জানি এই জন্য বলি যে প্রত্যেক
ক অভিনেতার স্বীয় পরিশ্রমের জন্য
কিছু কিছু উপকার প্রাপ্ত হওয়া উচিত
যখন একাকালি দেখিলেন এটি তার
কর্তব্যাকর্ম তিনি ইহার জন্য কিঞ্চিৎ অর্থ
পাইতেছেন তখন তিনি অন্যায়সেই
সে কার্যের সম্পূর্ণতা বিষয়ে দায়ী
হইতে পারেন। তাহা না হইলে
চিরকাল “হতের বেগার” খাটিলে চলে
না। আমরা অনেক লোককে জানি
যাঁহারা কিঞ্চিৎ অর্থ পাইলেই অন্য-
য়ামে জাতীয় নাট্যশালায় যোগদিতে
ইচ্ছুক আছেন। অনেক কৃত্যবিদ্যা
লোকের সাহায্য প্রাপ্ত হইলে যে
নাট্যশালায় উন্নতি হইবে তাহা
কেনা স্বীকার করিবেন। নাট্য-
শালায় অধ্যক্ষ গণ যদি একটি সংবাদ
পত্রে বিজ্ঞাপন দিয়া লোক দিগকে
আহ্বান করেন তাহা হইলে আমরা
নিশ্চয় বলিতে পারি অনেকে তাহা-
দের সহিত একত্রে কার্য করিতে
প্রস্তুত হইবেন জাতীয় নাট্যশালায়
উপযুক্ত রূপবান ব্যক্তির অভাব
আছে, নাটকে, অভিনেতা দিগের যে
রূপ গুনই দুই চাই তাহা কেনা স্বীকার
করিবেন ॥ কার্যার্থক দিগের অভাব
মোচন করা কর্তব্য। আমাদের
দেশের অবস্থা এরূপ উন্নত হয় নাই
যে আমাদের স্ত্রীলোকেরা যাইয়া

অভিনয় করবে কিন্তু স্ত্রীলোকে
স্ত্রীলোকের ‘পাট’ আদর্শলে ওয়া উচিত,
তাহা হইলে অভিনয় সর্বঙ্গীন সুন্দর
হয়। স্ত্রীলোক পাওয়া যায় না বলিয়া
আমরা এরূপ বলি। যে কতক গুলি
বাংলা আনিয়া নাট্যশালায় অভিনে-
তৃসংখ্যা বৃদ্ধি করা উচিত, কিন্তু
যাহাতে কোন উপায়ে শিক্ষিতা
স্ত্রীলোক দিগকে জাতীয় নাট্যশালায়
মধ্যে নিযুক্ত করা যায় এরূপ চেষ্টা
করা উচিত। পরিশেষে অভিনেতা
দিগকে ঐ বক্তব্য যে তাঁহারা তাঁহা-
দের দোষ প্রদর্শন জন্য আমাদের
প্রতি অসন্তুষ্ট না হন। আমরা সহ-
দয়তার সহিত পূর্বোক্ত সমালোচ-
নাতে প্রস্তুত হই। তাঁহাদের নিন্দা
করা কি তাঁহাদের পথে কষ্টকনিক্ষেপ
করা আমাদের উদ্দেশ্য নহে। আমরা
তাঁহাদিগকে আর একটি কথা বলিতে
বিস্মিত হইয়াছি নাটক নির্বাচন
বিষয়ে তাঁহাদের কিঞ্চিৎ সাবধান
হওয়া উচিত। আমাদের রাজপুত্র
দিগের অনুগ্রহের উপর আমাদের
সমস্ত বিষয়ই নির্ভর করে। যাহাতে
দর্শকশ্রেণী মধ্যে অধিবংশ সাহেবরা
আসেন এরূপ চেষ্টা কর্তব্য। ইহার
একটি উপায় আছে। অনেক গুলি
দেশীয় নাটক ইংরাজিতে অনুবাদিত
হইয়াছে। তাহার মধ্যে দুই এক খানি
নাটকের অভিনয় করা আবশ্যিক।
অভিজ্ঞান শকুন্তল তম্বোধো সর্বোৎকৃষ্ট

বিধি।

মনিয়ার অন্তত গল্প।

সাহারান পুরের প্রসিদ্ধ গনী ফি-
রোজ খাঁর বাটীতে অদ্য রাতে অত্যন্ত
সমারোহ। নগরের সমস্ত সম্ভ্রান্ত
ব্যক্তিব। আগত হইয়াছেন। যত
রূপবতী, গুণবতী, যুবতি নর্তকির
হাব ভাব সহকারে সভাগৃহ আলো
করিয়া রহিয়াছে। ফিরোজখাঁ এক
জন ভারি সৌখিন লোক। গৃহের
সমস্ত উপকরণ গুলি যথাবিধি মনোজ্ঞ
শত শত বর্তিকার নীল, শেত, রক্ত
প্রভৃতি বর্ণের আলোকে গৃহীত দিব-
সের নায় আলোকিত, প্রাচীর সমু-
দয় রহদক'য় দর্পণ ও চিত্রপট দ্বারা
অরুত, গৃহ কুর্টীয়ে একখানা চমৎকার
কারপেটে বিস্তৃত, মধ্যস্থলে এক
খানি কিংখাবের চাদর, চারিদিকে
অপূর্ব বালর, এক প্রান্তে দশ বারটী
উত্তম “ত কিয়ে” নানা বর্ণের স্বা ও
বজ্রত নির্মিত সটকা আলপোলা
ও মস্তকোপরে বজ্রতের কলিকা
বজ্রতের “আগপোষ” হইতে অপূর্ব
“জিনজির” দুল্লামান হইতেছে
স্বর্ণপাত্রে মিস্তি তাম্বুল, আতর দান
প্রভৃতিতে স্টাম্বুল পরিপূর্ণ রহিয়া
ছে। নিমন্ত্রিত ব্যক্তিব। ইচ্ছানুসারে
কেহ ধূম্রপান করিতেছে, কেহ তাম্বুল
চর্ষণ করিতেছে, কেহ আতর গ্রহণ
করিতেছে। রসিক আছত ব্যক্তিব।
নর্তকিদিগের সহিত প্রমালাপ করি-

তেছে। কেহ বা তানপুরা কেহ বা
পাখওয়াজ কেহ বা সেতার লইয়া
বাদন করিতেছে।
ফিরোজখাঁ অতি ব্যগ্রতা সহকারে
বয়োজ্যেষ্ঠ দিগকে দণ্ডায়মান হইয়া
অভ্যর্থনা, সমবয়স্ক দিগকে হস্ত ধারণ
পূর্বক প্রতি সম্ভাষণ ও বয়োনিষ্ঠ
দিগকে শীর সঞ্চালন দ্বারা অভিবাদন
করিতেছেন।

ক্রমে আহাবের আয়োজন হইল।
নিমন্ত্রিত ব্যক্তিব। সকলেই আহাব
সমাপন করিয়া বসিলেন। সুরা—
নানাবিধ মুমিষ্ট, তিক্ত কষায় অল্প
অবারিত ভাবে চলিতে লাগিল
নর্তকিরা নৃত্য করিতে লাগিল। কেহ
কেহ কোকিল বিনিমিত স্বরে গীত
আরম্ভ করিল। সকলেই সেই সময়ে
তুঃখ বিষ্মরণ করিয়া আনন্দ
শ্রোতে ভাসমান হইতে লাগিল।
আনন্দে, সুরাপানে, নর্তকিদিগের
প্রমোদিত লাবন্য, ভাবভঙ্গি, দেখিয়া
সকলের অন্তঃকরণে মত্ততা-বিকার
উপস্থিত হইতে লাগিল চারিদিগে
আনন্দ চারিদিগে আমোদ।
সকলেরই মন আনন্দে নৃত্য করিতে
লাগিল। এমন সময়ে হঠাৎ দ্বারের
দিগে একটা ভয়ানক গোলাঘোষণা
উপস্থিত হইল। সকলের মন সেই
দিগে আকৃষ্ট হইল। একজন বৃদ্ধ
ভৃত্য দিগের বারণ অবজ্ঞা করিয়া গৃহ
মধ্যে উপস্থিত হইল।

আগন্তকের সঙ্গে কৃষক-ব্যবহা-
বোচিত পরিচ্ছদ। মস্তকে একটা
সামান্য টুপি। কেশ গুলি সমস্তই
পক্ষ। গভীর চক্ষুদ্বয়, উন্নত ও বিস্তৃত
ললাট, মুক্তি সবল ও ভয়ঙ্কর।
আগন্তক নির্ভয় চিত্তে নিমন্ত্রিতদিগের
মধ্যে উপস্থিত হইয়া গভীর স্বরে
বলিল।

“আমি ফিরোজখাঁর সহিত কথা
কহিতে চাই।”

ফিরোজখাঁর গণ্ডদ্বয় আবিষ্কৃত
হইল। হৃদয় কম্পিত হইল এক দৃষ্টে
আগন্তকের দিগে চাহিয়া রহিলেন,
কিঞ্চিৎ গর্ভতার সহিত বলিলেন।

“আমার নাম ফিরোজ খাঁ। আমার
নিকট তোমার কি প্রয়োজন?”

“সদ্বিচার।”

আগন্তক কঠোর স্বরে এই কথা
বলিল।

“কাহার নিকট?”

“তোমার নিকট।”

আগন্তক দ্বিগুণিত কল্পনা স্বরে
এই কথা বলিয়া বলিতে লাগিল।

“তুমি জান আমি কেন এখানে
এসেছি? আমাকে চেনেন এ কথা
বলিলে আমি তোমাকে ছাড়িব না।”

নিমন্ত্রিত ব্যক্তিদিগকে সম্বোধন
করিয়া বলিল।

“মহাশয়েরা এই যুবা ব্যক্তি
আমার ভয়ানক অনিষ্ট করিয়াছে।
মনুষ্য অপরা একজন ব্যক্তির যত

অনিষ্ট করিতে পারে ইনি আমার
তত দূর অনিষ্ট করিয়াছেন। আমি
একজন সামান্য কৃষিজীবী লোক,
এই বাটীর অদূরে ঐ যে রুহৎ বন
আছে সেই বনের নিকট আমার
কুটীর। আমার নাম মুজা জাতিতে
মুসলমান এই জগতে আমার একমাত্র
অমূল্য নিধি ছিল একটা মাতৃহীনা—
কন্যা একটা যুবতী ও সরলা বালিকা
বয়সক্রমে ১৭ বৎসর অসামান্য রূপবতী—
একজন বলিল।

“মেয়েটা তবে যোদ্ধাকারের উ-
পায়।” মুজা এ কথায় কর্ণবাত না
করিয়া বলিল।

“ফিরোজ খাঁ একদিন শিকারে
যাইবার সময় আমার কন্যাটিকে
দেখিয়াছিলেন। দেখিয়া মাত্র অগ্নি
প্রলোভন জাল বিস্তার করিলেন
ক্রমে নিজ ঐচ্ছ্যের চাকচিক্য
প্রদর্শন করাইয়া সেই অবলাসরলাব
মন হরণ করিল, পরিশেষে তাহার
সর্বনাশ করিয়া তাহাকে পরিত্যাগ
করিয়া চলিয়া আসিল।”

রুদ্ধ নিস্তব্ধ হইল, তুঃখে তাহার
কণ্ঠাবরোধ হইল, হৃদয়ভেদকারি অশ্রু-
জলে নয়ন উচ্ছসিত হইল। শ্রোতা
দের নিকট একটা সামান্য বালিকার
সতিত্ব নাশ সামান্য ব্যাপার বলিয়া
প্রতীয়মান হইল। একজন বলিল।

“তোমার কন্যাকে কেন গৃহে আ-
বদ্ধ করিয়া রাখ নাই? তুমি কি

জাননা যে আমার যেমন বন্য শিক-
রাদি শিকার করিয়া থাকি তাহার
সঙ্গে ২ অমহায়া হরিণীও শিকার ক-
রিয়া থাকি?”

সকলেই এই কথা শুনিয়া উচ্চৈঃ-
স্ববে হাস্য করিয়া উঠিল।

ফিরোজ বলিলেন।

“তুমি এখন চাও কি? কতটাকা
দিলে তোমার মর্মা বেদনা দূর হয়?”
“কি বলিলে! “টাকা” টাকাতে কি
আমার অন্তরের বেদনা যাইবে?
তুমি কি মনে কর যে আমরা সামান্য
পশুর ন্যায় অর্থের দ্বারা বিক্রীত
ও ক্রীত হইতে পারি?”

“কেননা? তুমি কি সামান্য
পশু আপেক্ষা কোন অংশে উৎকৃষ্ট
তুমি আমার প্রজা এ কথা যেন স্মরণ
থাকে।”

“আপনি বিষয় ভ্রমে পতিত
হইয়াছেন আমি স্বাধীন আমি
আপনার ভূমি রাখি আপনি আমার
নিকট তাহারই খাজনা চাহিতে পারেন
আপনার সহিত এই সম্পর্ক আর কি?”
একজন বলিল।

“মুজা সত্য কথা বলিয়াছেন।
কালে সব হবে, আর দুদিন বাদে
অশ্বের অনুমতি লইয়া তাহার পৃষ্ঠে
উঠিতে হইবে।”

ফিরোজ খাঁ বলিলেন।

“আমি স্বীকার করিলাম যে
আমি তোমার অনিষ্ট করিয়াছি, এখন

বল তুমি কি লইয়া সন্তুষ্ট হইবে?”

“একটা উপায় আছে।”

“সে উপায়টা কি?”

“তুমি মনিয়াকে বিবাহ কর,
ফিরোজ খাঁর বদন উজ্জল হইল
হাস্য করিয়া বলিলেন।

“কি বলিলে আমি তোমার কন্যা-
কে, একজন সামান্য চামার মেয়েকে,
একজন পরিত্যক্ত প্রাণয়িনীকে বিবাহ
করিব?”

“তুমিই তার সর্বনাশের কারণ
যতদিন তোমার সহিত তাহার সা-
ফাৎ না হইয়াছিল ততদিন তাহার
সমস্তই ছিল, তুমি তার সর্বনাশ করি-
য়াছ, এক্ষণে নয় তাহাকে বিবাহ কর
না হয় আপনার প্রাণ দিয়া নিজ
পাপের প্রায়শ্চিত্ত কর।”

ফিরোজ খাঁ এক লক্ষ্মে আসন
পরিত্যাগ করিয়া ক্রোধ বিকম্পিত
বদনে বলিলেন।

“পাজি তুমি আমাকে ভয় দেখা-
ইতেছিস?”

নিজ অনুচর দিগকে বলি-
লেন।

“তোমরা এই ছুরাকাকে এই
দণ্ডে গৃহ হইতে দূর করিয়া দেও
এ যেন আর এখানে আমিতে
না পায়।”

অনুচর বর্গ মুজাকে ধৃত করিয়া
লইয়া গেল, মুজা যাইবার কালে
বলিয়া গেল।

“ফিরোজ খাঁ! মনে করও না যে তোমার পদ তোমাকে রক্ষা করিতে পারিবে, তুমি জানিবে এক সর্বসাধারণ বিচারালয় আছে, যেখানে ধনী ও নিরদীন সকলেই জনায়াসে যাইতে পারে, আমি সেই গুপ্ত বিচারালয়ের বিচারপতিব নিকট যাইয়া নালিশ করিব, সেখানে সামান্য ব্যক্তি হইতে রাজা পর্য্যন্ত কেহই তুচ্ছিয়া করিয়া নিষ্কৃতি পান না”।

সমারোহ শুধু হইয়া গেল ফিরোজ খাঁ শমন করিলেন। মুরার উন্নততা গুণে প্রগাঢ় নিদ্রায় অভিভূত হইলেন। কিন্তু একটা আশ্চর্য্য সপ্ন দেখিলেন। তাঁহার বোধ হইল যেন একজন আপাদ মস্তক কৃষ্ণবর্ণ বস্ত্রাচ্ছাদিত লোক আসিয়া তাঁহার গৃহে প্রবেশ করিল ও গভীর স্বরে তাঁহাকে বলিল।

“ফিরোজ খাঁ! আমি তোমাকে গুপ্ত বিচারালয়ে যাইতে আহ্বান করিতেছি, শীঘ্র ঐ বনে যাইবে— নাযাইলে তোমার প্রাণ সংশয় সপ্না বশেষ হইবা মাত্র তাঁহার নিদ্রা ভঙ্গ হইল, তখন সূর্যোদয় হইয়াছে, ফিরোজ গাত্রোথান করিলেন।

ইথাৎ একটা আশ্চর্য্য বস্তুর উপরে তাঁহার দৃষ্টিপাত হইল, গৃহ মধ্যস্থিত কাষ্ঠাসনের উপর রুহৎ রজ্জু সংলগ্ন একখানি স্মৃতিক্ষুচুরিকা রহিয়াছে, চুরিকার নিকটে একখানি

ছিন্ন কাগজে এই কয়কটা কথা লিখিত রহিয়াছে।

“ফিরোজ খাঁ! আমি তোমাকে গুপ্ত বিচারালয়ে যাইতে আহ্বান করিতেছি, শীঘ্র ঐ বনে যাইবে না যাইলে তোমার প্রাণ সংশয়।

ফিরোজ সপ্নে যা দেখিয়া ছিলেন জাগ্রত অবস্থায় তাহাই দেখিলেন। সেই সমস্ত কথা সেই গুপ্ত বিচারালয় সেই বনে। ফিরোজ পাপী, পাপাত্মার নানা মুখ ভোগি হইলেও হৃদয়স্থিত শাসন কর্তার তাড়নায় সর্বদা উত্তেজিত হইয়া থাকে। এই ঘটনাটীতে ফিরোজের আন্তরিক ভয় হইল, কিছুতেই উদ্বেগ ও ত্রাস দূরহইলনা বার বার মুরাপান নর্তকি দিগের প্রেমালাপ, বন্ধুদিগের প্রবোধনাক্য কিছুতেই তাঁহার হৃদয়ের অক্লকার দূর করিতে পারিলেন। ফিরোজ সেই দিন হইতে মূলোৎপাটিত লতিকার ন্যায় দিন দিন ত্রিয়-না ও শুষ্ক হইতে লাগিলেন। সমস্ত নিরানন্দ, আনন্দদিপ নির্কাপিত হইলে আর প্রায় পুনর্জীবিত হয়না ফিরোজ কিছুতেই আর সজ্ঞ হন না যখন নয়ন মুদ্রিত করিতেন তখনই সেই চুরিকা ও রজ্জু আসিয়া তাঁহার সম্মুখে দোতুল্যমান হইত।

কিয়দিবস পরে ফিরোজ আত্মীয় বর্গসহিত সাহারাণপুরের নিকটস্থ বনে শিকার করিতে গেলেন। সকলেই এক

এক পশু লক্ষ্য করিয়া তৎপ্রতি ধাবিত হইলেন। ফিরোজ ও একটা নেকড়ে বাঘের পশ্চাৎ পশ্চাৎ গমন করিলেন। কিয়দূর যাইয়া বাঘ অদৃশ্য হইল ফিরোজ ভঙ্গ পুষ্ট হইতে ভতলে পতিত হইলেন। ক্ষণকাল সজ্ঞাশূন্য হইয়া রহিলেন। যেমন চেতনা প্রাপ্ত হইয়া নয়ন উন্মীলন করিলেন তখনই মগ্ন দৃষ্ট কৃষ্ণবর্ণ পুরুষ আসিয়া সম্মুখে উপস্থিত হইল, হস্তে সেই রজ্জু সংলগ্ন চুরিকা ফিরোজ সাহসে ভয় করিয়া বলিলেন।

“তুমি কে?”

“তোমার হস্ত! তুমি গুপ্ত বিচারালয়েব আজ্ঞা অমান্য করিয়াছ। কিন্তু তুমি উহার শাস্তি হইতে পরিত্রাণ পাইবেনা তোমার বিচার হইয়াছে তোমার প্রাণ দণ্ডের আজ্ঞা হইয়াছে। তুমি একাবে তোমার সৃত্য হইতে পারে এই লম্বব ন রজ্জু দ্বারা, কিম্বা শাণিত চুরিকা দ্বারা, তুমি ভদ্রকুলোদ্ভব স্মৃতবাং চুরিকাই তোমার উপযুক্ত, তুমি অদৃষ্টের লিখনে আমার হস্তে প্রাণ হারাইবে, আমি ও তোমার প্রাণ লইতে কৃতপ্রতিজ্ঞ হইয়াছি পরমেশ্বরকে স্বরণ কর তোমার সময় উপস্থিত হইয়াছে”।

“তুমি এই দণ্ডে অসহায় রূপে আমার প্রাণ নাশ করিবে?”

“অবশ্য—তুমি যে রূপে আমার

তোমার প্রাণ নাশ করিব”।

“তোমার মান নাশ?”

“তুমি আমাকে চিনিতে পারিয়াছ বলিয়া আগন্তুক মুখাবরণ মোচন করল ফিরোজ দেখিলেন মুজা তিন অমনি চিৎকার করিয়া উঠিলেন “হা! পরমেশ্বর আমাকে রক্ষাকর আমার প্রাণ যায়”।

“সত্য”।

এইবলিয়া মুজা সজোরে ফিরোজের বক্ষে চুরিকাঘাত করিল, চুরিকা মর্মে ভেদকরিয় কেলিল উদ্ধমুখে রক্তশ্রোত প্রবাহিত হইতে লাগিল। হৃদয় কম্পনের সহিত চুরিকা ও তৎসংলগ্ন রজ্জু কাঁপিয় উঠিল, রজ্জু যেন সর্পের ন্যায় বক্ষস্থলে দোতুল্যমান হইয়া রহিল। মুজা ফিরোজের রক্ত দ্বারা একখান কাগজে এই কয়টা কথা লিখিয়া চলিয়া গেল।

“মনিয়া এত দিনে তোমার অপায়ের প্রতিশোধ হইল, ঘটনা ক্রমে মনিয়া সেইবনে কাষ্ঠআহরণ করিতে আসিয়া লিছ তুরহইতে একটা মৃত দেহ দেখিয়া দ্রুত পদে ফিরোজের নিকট আসিয়া উপস্থিত হইল শব দেখবা মাত্র মনিয়ার সর্বোচ্চ শিহরিয়া উঠিল অশ্বফুটস্বরে বলিল।

“ইকি! এষে আমার প্রাণোপম ফিরোজের সৃতদেহকে এ সর্বনাশ করিল?”

মনিয়া আশ্বে আশ্বে ফিরোজের

বন্ধ হইতে ছুরিকা উত্তোলন করিল এবং নিজ পরিধেয় বস্ত্রের একত্বংশ ছিন্ন করিয়া আঘাতের ভিত্তর প্রবেশ করাইয়া দিল। রক্ত প্রায় বন্ধ হইয়া আসিল মনিয়া নিকটস্থ একগী কৃপা হইতে কঞ্চিং জল আনিয়া বিন্দু প্রমাণ ফিরোজের মুখে দিতে লাগিল ও বস্ত্র দ্বারা মুখে বিজন করিতে লাগিল। অনেক শুক্রবার পর ফিরোজের নয়নের পলক পাড়িল সরলা পতি প্রাণগতা মনিয়ার দন নৃত্য করিয়া উঠিল।

“প্রাণ নাথ এক্ষণ জীবিত আছেন এই বলিয়া ফিরোজের মুখে মুখ দয়া বার বার ডাকিতে লাগিল মনরায় কপাল ফিরিল তাহার ডাকে ফিরোজের চেহারা হইল দীর্ঘ নিশ্বাস ত্যাগ করিয়া বলিলেন।

“তুমি কে?”

“মনিয়া”

“তুমি কি আমার অপরাধ মার্জ্জন করিয়া আমার প্রাণ রক্ষা করবে?”

“করিব?”

ফিরোজের নয়ন সারি বিগলিত হইল। কাতর স্বরে বলিলেন “মনিয়া আমি তোমার নিকট যে গুরুতর অপরাধে অপরাধি আছি তাহাতে এরূপ বিশ্বাস হয় না তুমি আমার প্রাণ রক্ষা করিবে” “তুমি আপনার পাপম্ভ করিয়া বলিতেছি আমি

আপনার প্রাণ রক্ষা করিব দয়া করিলে চিরকাল আপনার পদ সেবা করিব” “তুমি আমার দস্তকের মণি হইয়া হৃদয়ের অপিন্যাত্রী দেবী হইয়া থাকিবে”

এই কথা বলিয়া ফিরোজ হস্ত বিস্তার করিলেন মনিয়া বাগতা সহকারে তাহার হস্ত ধারণ করিয়া বলিল “এক্ষণ উঠিবার চেষ্টা করিবেন না কি জানি পাছে রক্ত পড়ে ফিরোজ নিরস্ত হইলেন একদৃষ্টে মনন মনন মনয়ার মুখেবদিকে চাহিয়া রহিলেন মনিয়াও অনির্মম্ব নয়নে তাহার দিকে চাহিয়া রহিল উভয়ে অনেকক্ষণ এই অবস্থায় রহিল সন্ধ্যার প্রাক্কালে ফিরোজের সহচরেরা আসিয়া উপস্থিত হইল সকলে সেই রাত্রে তথায় রহিল পরদিন প্রাঃকালে ফিরোজ শিবিকা রোহণে বাটী বাইলেন মনিয়াও

শিবিকার সহিত চলিল যত দিন ফিরোজ পীড়িত রহিলেন মনিয়াসীরদ ন্যায় তাহার সেবা করিল। ফিরোজ আরোগ্য হইলেন। মনিয়া বাটী ঘাইবার অনুমতি চাইলে তিনি তাহাকে চক্ষে ধারণ করিয়া বলিলেন।

মনিয়া তাকে আর এক নখানে ঘাইতে হইবে না কন্যা তাকে বিবাহ করিব।

“আমার কপালে এত দুখ আছে” ফিরোজ অতি সগরোহ পূর্বক মনিয়ার পানিগ্ৰহণ করিলেন।

মুজাকে আপন বাটির তত্ত্বাবধায়ক রূপে নিযুক্ত করিলেন।

সমালোচনা।

ভক্তির কাব্য।

শ্রীবলদেব পালিত গ্রন্থ।

এই গ্রন্থের তৃতীয় সর্গ পর্যায়ে এই খণ্ডে প্রকাশিত হইয়াছে, মহাকাব্যে কি খণ্ড কাব্যে পরিণত হয়, তাহ গ্রন্থকরের আশাশ্রমে নিহিত।

পুস্তকের ভূমিকা খানি সুশৃঙ্খল, ও মনোহর হইয়াছে।

গ্রন্থকার যে এক সুনির্ণয় পদ্য লেখক তাহাতে আর সন্দেহ নাই।

বিশেষতঃ সংস্কৃত পদ্য পদ যোজনাতে উন্নত অধিকার অনুমিত হইতেছে।

গ্রন্থকার এই পুস্তক খানি সঙ্কলন করিতে অদ্ভুত আগ্রাস স্বীকার করিয়াছেন সন্দেহ নাই। সংস্কৃতঃ ছন্দে বাঙ্গলা ভাষায় এত বড় একখানি পুস্তক প্রণয়ণ করা নিতান্ত সহজ ব্যাপার নহে।

ভারত চন্দ্র রায় অতি অল্প পরিমাণ সংস্কৃত ছন্দ ব্যবহার করিয়াছেন, অনেকে এই প্রণালীতে ছুইচারি পংক্তির অধিক সংযোজন করিতে সাহসী হয়না। পালিত মহাশয় যে এরূপ জুরহ ব্যাপারে হস্তক্ষেপ করিয়াছেন তাহাতে তিনি আমাদের ধন্য বাদ্য। সংস্কৃত ছন্দঃ প্রণালী বাঙ্গলা ভাষায় কতদূর উপ-

যোগ তাহাই প্রথম ভাষাভাষী হৃদয় দীর্ঘায়ুসায় উচ্চারণই সংস্কৃত আন্তরিক্তির জীবন সংস্কৃত ভাষায় কি গদ্য। কি পদ্য সমুদয় আন্তরিক্তি হৃদয় দীর্ঘায়ুসায়িনী, সংস্কৃত ভাষায় রূপ উচ্চারিত হইলে অতিবিরসক্রম হইয়া থাকে।

সংস্কৃতের বিভিন্ন প্রত্যয়াদি ও তচ্ছন্দঃ সংযোজনানুযায়ী, সংস্কৃত ভাষায় সংস্কৃত ছন্দঃ সংঘটন অতি সহজ, বিশেষতঃ দূরানুসরণীতি অবলম্বিত হওয়াতে রচকের কোন আয়াসই অনুভূত হয় না।

বাঙ্গলা ভাষায় উচ্চারণ প্রকৃতি সংস্কৃতের অনেক বিভিন্ন। বিদ্যা পতি গোবিন্দদাস প্রথম যখন বাঙ্গলায় পদ্য রচনা করেন তখন তাহার সংস্কৃতের ন্যায় বাঙ্গলায় হৃদয় দীর্ঘায়ুসায়িনী আন্তরিক্তির রীতি প্রবর্তন করেন। সেই সব পদ্ধতি সাধারণের নিকট ক্রমশঃ কালে ক্ষতি কটু বোধ হওয়াতে পরিত্যক্ত হইয়াছে, বস্তুতঃ বাঙ্গলা ভাষায় যেরূপ প্রকৃতি তাহাতে বর্তমান পদ্য প্রণয়ন, হ্রস্বপযোগি বলিতে হইবে।

সংস্কৃত পদ্য প্রণালী কোন রূপেই ও বঙ্গভাষায় উপযোগি নহে, সাহেবী আহার ও সাহেবী পোষাক যেরূপ বাঙ্গলাীদের শোভা পায় না বাঙ্গলা ভাষাতে ও সেরূপ, সংস্কৃত পদ্য পদ্ধতি সুশোভিত হয় না। উক্ত উদাহরণ দ্বারা

পাঠকবর্গ অনায়াসে হৃদয়ঙ্গম করিতে পারিবেন।

উপজাতি।

পাত্রের আড়ে ভ্রূবের কাছে.
ছাপা কি থাকে কুম্ভের গন্ধ?
কতক্ষণ গ্রাসি সূধ্যংশু বিশ্ব
প্রবঞ্চনা রাত করে চকোর।

(ভর্তিহরিকাব্য)।

পয়ার।

অলি রন্দ ঘরে সদা খুঁজিয়া বেঙ্গায়,
সে কুম্ভ গন্ধ কভ পর্নে কি লুকায়?
চন্দ্রমুখ ঢাকি রাখি রাত কতকক্ষণ
সূধ্য লোভী চকোরে কবিবে বঞ্চন।

অমিত্রাক্ষর।

পয়ার।

কসম সৌরভ লোভী মধুপের কাছে,
কসম সৌরভ কভ পর্ণ পুঞ্জজালে
নাহি হয় আবরিত। হায় শশধরে
গ্রাসি রাত, কত ক্ষণ কবিবে বঞ্চন।
অমৃত পিপাসু সেই প্রেদিকচকোরে।

সংস্কৃত

পর্নের ভূজাভিগ বেষণীঃ
প্রচ্ছাদ্য তে কিং কুম্ভস্য গন্ধঃ
চকোর দুঃখা র্থমব্যপ্য চন্দ্রং
তিরস্ক য়োতি ক্ষণমেব রাহুঃ।

এক ভাব লইয়া চারিটি
কবিতা চারিপ্রকার রীতিতে প্রণীত
হইয়াছে। সংস্কৃত ছন্দে বঙ্গলা অপেক্ষা
সংস্কৃত কবিতা যে উত্তম হইয়াছে
তাহাতে আর সন্দেহ নাই, বস্তুতঃ
যাহার বাহা প্রকৃতি তাহাকেই তাহা
শোভা পায়।

পয়ার ছন্দে বাহা সংযোজিত হই-
য়াছে তাহাও অপেক্ষাকৃত মনোহর
হইয়াছে, তাহাি ত্রাক্ষর প্রণালীতে ও
একরূপ মন্দ হয় নাই, কিন্তু গ্রন্থের

উদ্ধৃত কবিতাটি যে নিতান্ত শ্রুতি
বিষম তাহা বোধ করি সকলেই মুক্ত-
কণ্ঠে স্বীকার করিবেন, গ্রন্থকারের
আয়াস ও যত্ন প্রকারান্তরে ব্যয়িত
হইলে অপেক্ষাকৃত অধিক ফল প্রদ
হইত সন্দেহ নাই, গ্রন্থকার। এত
মস্তিষ্ক বিলোড়ন করিলেন, কেহ
তাহা অনুভব করিতে পারিলেন। ইহা
কি অল্প দুঃখের বিষয়? না সামান্য
ক্ষোভের বিষয়? গ্রন্থের অধিকাংশ
স্থল প্রায় সংস্কৃত হইয়া রহিয়াছে,
অনেক স্থল সংস্কৃতের সহিত সম্পূর্ণ
অভিন্ন। “নিম্নোক্ত প্রচুর নিব্ব
বারি পূর্ণ আবা গৃহা গহন সঙ্কল
শৈল ভূমি” এই বাক্যটির শেষ ভাগে
মাত্র বিসর্গ যোজিত হইলে উত্তম
সংস্কৃত শ্লোকাদি বলিয়া পরিচিত
হইতে পারে।

ভারত চন্দ্র রায় এ বিষয়ে প্রয়াস
পাইয়াছিলেন কিন্তু তাহার যত্ন সমূহ
বিফল হইয়া যায়, ভারত চন্দ্র রায়ের
রচনার মধ্যে ভোটকাদি কতিপয়
সংস্কৃত ছন্দের রচনাই সর্বাপেক্ষা
অপকৃষ্ট।

বঙ্গলা ভাষায় সংস্কৃত ছন্দ প্রযোজিত
করিবার একান্ত অভিলাষ জন্মিয়া
থাকিলে জয় দেবীর রীত্যনুসারে
মাত্রা প্রণালী অবলম্বন করা বিধেয়,
আলোচিত গ্রন্থের দ্বিতীয় সর্গস্থ বন্দি-
কৃত বন্দনাটিতে অনেকাংশে বঙ্গলা
ভাষার প্রকৃতি রক্ষা পাইয়াছে।

“তিগিরি বিনাশন, অঘর ভূষণ,
যেমন দধিতি মালী।

হৃদয় তমোহর, সকল গুণাকর,
ভূমি নৃপ বিক্রম শালী।”

হালিসহর পত্রিকা।

পাক্ষিক পত্রিকা

২য় খণ্ড]

কার্তিক মন ১২৭৯ সাল

[১৩, ১৪শ সংখ্যা

সময়ে কি নাহয়।

ভূমি কে?

দারোগামহাশয় প্রভৃতি সকলে
কাছারি বাটীতেই স্নানাহার সমাপন করি-
লেন। হরনাথকে উদ্ধার করিয়া লইয়া
আসা হইয়াছে। ডিটুপাঁড়েকে হাঁস-
পাতালে পাঠান হইয়াছে। রমানাথ বাবু
তাহার চিকিৎসা করিতেছেন কিন্তু তাহার
জীবন সংশয়। নায়েব মহাশয় আহা-
দি করিয়া বসিয়া আছেন। নানা-
প্রকার ভাবনায় তাহার মন নিতান্ত
মগ্ন। ডিটুপাঁড়ের তাহার একজন অনু-
গত ভৃত্য তাহার মৃত্যু হইলে তাহার
মনেক ক্ষতি। দারোগামহাশয়ও বড়

সহজ লোক নন, হয়ত এই সামান্য ব্যাপার
লইয়া একটা বিষম গোল উপস্থিত করি-
বেন। আগন্তুক স্ত্রী পুরুষই বা কে?—স্ত্রী
লোকটি দেখিতে মন্দ নয় কোন জোঁড়া
করিয়া পুরুষটাকে কয়েদ করাতে পারি-
লেই—স্ত্রীলোকটাকে হাত করতে পারা যায়
ইত্যাকার ভাবনায় তাহার মন অত্যন্ত
বিচলিত। দারোগা মহাশয় তাহার
নিকটে আসিয়া বসিলেন। কাছারি
বাটী পুলিশের লোকে গিস্ গিস্
করতে লাগিল। দারোগা মহাশয়
নায়েব মহাশয়কে বলিলেন।

“নায়েব মহাশয় এ ডাকাতিটা বড়
সহজে মেটে এমন বোধ হয় না”

“এতে আবার গোল কি?” আজ্ঞে
ডাকাতি খুন ঘর জ্বালান এসব কি
মোজা ব্যাপার আমরা মনে করলে
তিলকে তাল করতে পারি এত একটা
ভয়ানক কাণ্ড”

“মহাশয় এ ব্যাপারটা অমনি অমনি

চোকে এমত করতে পারেন না?”

“মনে করলেই পারি, তবে কি জান্-
লেন মহাশয় আমরা পুলিশের লোক
আমাদের উদর মস্ত, অস্পে পোরেনা—
সহজেও ভরেনা, মকদ্দমা “সঙ্গীন, করা না
করা আমার এক্তার আপনার ক্ষমতাসীন
বলিলেও বলা যাইতে পারে। আপনি মনে
করলেই এটা অমনি অমনি চুকে যেতে
পারে অর্থাৎ আপনার উপরে কোন
ঝোঁক না পড়ে, পরে পরে চুকে যেতে
পারে”

“যাতে আমার উপর কোন ঝোঁক না
আসে আপনার এমন করতে হচ্ছে, আর
আপনাকে অধিক বলব কি, আপনিত
আমার আওহাল সব জানেন”

“আপনি বড় লোক, মিলকুটীর দাও-
য়ান আপনি ইচ্ছা করলেই এটা চুকে
যেতে পারে। যাহোক আমি এখন চল্লাম
যা ভাল বিবেচনা হয় করিবেন। দারোগা
মহাশয় গাত্রোথান করিলেন, নায়েব
মহাশয় ভয়ানক অস্থির হইয়া স্ত্রীলোক-
টার বিষয় বিস্মৃত হইয়াছিলেন এক্ষণে
তাহাকে সম্মুখে দেখিয়া দারোগা মহা-
শয়কে বসিতে বলিয়া বলিলেন।

“দারোগা মহাশয় আপনার সহিত
একটা গোপনে কথা আছে”

“কি কথা বলুন”

“বলছি কি ও মেয়ে মনুবাটা বেশ যে,
ওকে করবেন কি?”

“আমিত তাই ভাবছিলেম”

“একটা কাষ করলে হয়না”

“কি কাষ?”

“কোন রকমে পুরুষটাকে ফয়েদ করে
মাগীকে বাড়ী ফিরিয়ে দিলে হয় না?
মাগী তাহা হলেই একা পড়বে”

“ক্ষতি কি, কিন্তু আমি নিজে ওদের
বিষয়ে কিছু করতে পারিনে, যাহোক
যাহাতে স্ত্রীলোকটা খালাস পায় প্রাণ-
পণে তাহার চেষ্টা করবো, আর শর্মা চেষ্টা
করলে যে সফল হয়না এমনতো বোধ
হয়না, আমি এখন চল্লাম, আপনি কাল
সকালে একবার থানায় যাবেন”

“আমার আবার থানায় যেতে হবে?”

“হবেনা”

“কেন?”

“আপনি এ বিষয়ের প্রধান ব্যক্তি
আপনি না গেলে কি কোন কাষ হয়”

দারোগা মহাশয়, পুলিশের কর্মচারীরা,
স্ত্রী পুরুষ, হালধর চৌকিদার, প্রভৃতি সকলে
থানার অভিমুখে চলিলেন। নায়েব
মহাশয় অনেকক্ষণ নিস্তব্ধভাবে থাকিয়া
হরনাথকে বলিলেন।

“হরনাথ বাপু বেটার আক্কেলটা দেখলে
এত প্রণয় এত ভাব সব মৌখিক অনা-
য়াসে আমার নিকট ঘুস চেয়ে গেল”

“আপনি সব জেনে শুনে এমন কথা
বলেন এ ভারি আশ্চর্য্য, ওরা হলো পুলি-
সের লোক, বাপের কুপুত্র, কারে পেলে
আপনার বাপকে পর্যন্ত ছেড়ে কথা কয়
না, আপনার সঙ্গে দুদিনের আলাপ।
ওদের কি চক্ষুলজ্জা আছে তাই আপনার
নিকট ঘুস নিতে লজ্জা করবে। আপনি
যেমন ভাল লোক অপর সকলকেই
সেইরূপ ভাল ভাবেন। যাহোক এখন

ওর হাত থেকে নিষ্কৃতি পাবার
উপায় করুন”

“আমিত তাই ভাবছি, যখন আপন
মুখে ঘুমের কথা বলে গেছে তখন যে
অপ্প টাকায় সন্তুষ্ট হয় এমন বোধ হয়
না। বেটারা আমার সর্বনাশ করে
গেছে, সব নষ্ট করে গেছে, আবার সমুদয়
না কিনলে চলবেনা এত টাকাই বা কোথা
থেকে পাই। এদিকেত চার পাঁচ মাস
মাইনে পায় নি, বাবুকে চার পাঁচ বার
চিঠি লিখলাম ত রত একখানারও জবাব
দিলেন না কোনদিকেত একপয়সাও
আদায় হয় না, চিঠু প্যাঁড়ে এখন থাকলে
প্রজা বেটারদের কাছে থেকে দু পাঁচ টাকা
আন্তে পারতো, আচ্ছা তোমার আঁচটা
কি, দারোগা মহাশয় কত টাকা আঁচ
করেন।”

“আমার বোধ হয় তিনি দুই একশ
টাকায় যাড় পাতবেন না।”

“কি বললে তিনি দুই একশ টাকা
নিয়ে সন্তুষ্ট হবেন না?”

“আমারত এমনি বোধ হয় চারপাঁচশ
টাকার কম তিনি যে রাজি হন এমন
বোধ হয় না।”

“বাপু এবারেই আমি ধনে প্রাণে
গেলেম, কোথা থেকে এত টাকা দেব
তাই ভেবে আমার পেটের ভাত চাল
হয়ে গেল”

“মহাশয় আর ভাবলে কি হবে, এখন
যাতে এবিপদ থেকে উদ্ধার হতে পারেন
তারি চেষ্টা দেখুন। আচ্ছা মহাশয় এ
যে ব্রাহ্মণঠাকুরটা আপনার কাছে

প্রত্যহ আনাগোনা করেন তাঁরে বলে
কোন উপায় হয় না?”

“বাপু ব্রাহ্মণঠাকুরেরত আমার উপর
বেশ বিশ্বাস আছে, কিন্তু সেদিনকের
রাত্রে ব্যাপারটার পর যত্নপতি আমার
উপর ভারি রাগ করেছে, বেটা যেন
কেউটে সাপের মত গজরাতে লাগল?”

“মহাশয় আপনার নিজের দোষেই
আপনি আপনার সর্বনাশ ডেকে আনেন,
কোথার প্রতিবাসী সকলের সঙ্গে সম্ভাবে
চলবেন, না সকলের সঙ্গে বিবাদ”

“বাপু আর কাটা যায়ে লুনের ছিটে
দিওনা, যাহোক এখন সন্ধ্যা হল যাই
সন্ধ্যা আহিক করা যাক্গে”

ক্রমে সন্ধ্যাগত হইল। গগন মণ্ডল
ও ভূতল অন্ধকার আবরণে আবৃত হইল।
রাত্রে দুই লোকে তাঁহার সম্মুখে দুষ্ক্রিয়া
করিবে ভাবিয়া সূর্য্যদেব দ্রুতগমনে
লুক্কায়িত হইলেন। ক্রমে নভোমণ্ডলে
দুই একটা তারা প্রকাশ পাইতে লাগিল,
বোধ হইল যেন গগন প্রাঙ্গণের অন্ধকার
দূর করিবার মানসে জগৎপাতা দুই একটা
দীপ জালিয়া দিলেন। পদ্মা গঙ্গার জ্যেষ্ঠা
ভগিনী। হিমালয় পরিত্যাগ করণাবধি
নিজ স্বামী—শিরভূষণ—চন্দ্রকে বস্ত্রে
লুক্কায়িত করিয়া রাখিয়াছিলেন। মনে
এই আশা ছিল যে, চন্দ্রশেখর, শিরভূষণ
প্রাপ্তির আশয়ে তাঁহার নিকট আদি-
বেন কিন্তু এক্ষণে সে আশায় বঞ্চিতা
হইয়া ক্রোধভরে নিশানাথকে দূরে
নিষ্ক্ষেপ করিলেন। চন্দ্র বহুকাল অব-
মানিতের স্বায় পদ্মার ক্রোড়ে থাকিয়া

জীর্ণ শীর্ণ হইয়াছিলেন, এক্ষণে পুনরায় মুক্ত হইয়া দিগুণ শোভাধারণ করিয়া যুগুতিতে আকাশে উদিত হইলেন ও আরক্তিম নয়নে পদ্মার উপরে দৃষ্টি নিক্ষেপ করিলেন। কাঞ্চন কখন নিভৃত স্থলে থাকিলে শোভনীয় হয় না, সুন্দরী রমণীর বস্ত্রারত থাকিলেও রমণীর শোভা বর্ধন করেন, চন্দ্র এতকাল পদ্মার বস্ত্রারত থাকিয়া নিজে ত্রিয়মান ছিলেন, পদ্মারও কোন সৌন্দর্য্য বৃদ্ধি করেন নাই, এক্ষণে পদ্মার মলিন বদনে চন্দ্ররশ্মি পতিত হওয়াতে তাহা একরূপ নিরূপম সৌন্দর্য্য বিশিষ্ট হইল। পদ্মা ভাবিলেন যখন শশী ভবানীপতিরই শিরভূষণ তখন বোধ হয় তিনি অলক্ষিত ভাবে আসিয়া শিরভূষণ বিকাশ দ্বারা তাঁহার চিত্তবিনোদন করিতেছেন এই ভাবিয়া তিনি মলিন বদনেও হাস্য করিতে লাগিলেন। তাঁহার ক্রোড় মধ্য দিয়া নাবিকেরা নৌকা বহন করিয়া যাইতেছে, বোধ হইল যেন তাঁহার হাস্য লহরি খেলিতে লাগিল। দেখিতে দেখিতে পৃথিবী ভিন্নতার ধারণ করিল। কি ভাবিয়া চন্দ্র স্বস্থানে প্রস্থান করিলেন, গগণ মণ্ডল পুনরায় অন্ধকারাচ্ছন্ন হইল। হঠাৎ জোর বায়ু বহিতে লাগিল, ক্রমে বিষম ঝটিকা উপস্থিত হইল। পদ্মার মূর্ত্তি ভয়ঙ্কর হইল। সহস্র হিল্লোলে পদ্মার জল বিলোড়িত হইতে লাগিল, নাবিকেরা সামাল সামাল করিয়া নৌকা সব তীরে আনয়ন করিতে লাগিল। চারি দিকে অন্ধকার, টস্ টস করিয়া ঝুঁটি পড়িতে লাগিল, ক্রমে মুষল ধারে ঝুঁটি

পড়িতে লাগিল। চারিদিকে অন্ধকার মধ্যে মধ্যে বিদ্যুত ক্রীড়া করিতে লাগিল। গগণ যেন মেঘ গর্জনে প্রতিধ্বনিত হইতে লাগিল, কর্ণ বধির হইয়া যাইতে লাগিল। এই বিপদ সময়ে পাঠক! দেখ এক খানি নৌকায় একটা আলো জ্বলিতেছে। নৌকা দ্রুত বেগে, অসহায় ভাবে, যদ্‌চ্ছা রূপে তীরভিমুখে আসিতে লাগিল, তাহার গতির সহিত বাষ্পীয় শকটের গতির তুলনা হয় না। নৌকা হইতে একটা অগ্নি বয়স্ক ব্যক্তির ক্রন্দন ধনি তীর পর্য্যন্ত আসিতে লাগিল। নৌকায় আর কেহই নাই—বোধ হইতেছে ওটা বালক চীৎকার করিয়া ক্রন্দন করিতেছে। ক্রমে ক্রমে নৌকা তীরে আসিয়া লাগিল, অমনি জল মগ্ন হইয়া গেল। এক্ষণে স্পর্শ দেখা গেল সেটা বালক—নৌকার সঙ্গে জলমগ্ন হইল। বালক কি এত অগ্নিবয়সে মানব লীলা সম্বরণ জন্মই জন্মগ্রহণ করিয়াছিল? সেই দুস্তার মধ্যে কেহই কি ছিলনা যে তাহার প্রাণ রক্ষা করে। বালকটা যথার্থই মাতৃ ক্রোড় শূন্য করিয়া, পিতার হৃদয়ে নিদারুণ ছুরিকাঘাত করিয়া, নবীন বয়সে, দুস্তর জলগর্ভে, বিদেশে, বন্ধুবিহীন, আত্মীয় সজনের মুখ না দেখিয়া মৃত্যুর করাল গ্রামে পতিত হইল? কালের কি কিঞ্চিৎ দয়া নাই? নৌকা জলমগ্ন হইবার অব্যবহিত পরেই এক ব্যক্তি আসিয়া জলে লক্ষ প্রদান করিল। যে স্থানে বালকের অনুচ্চ ক্রন্দনধনি শেষ হইয়াছিল আগন্তুক সেইখানেই জল প্রবেশ করিল, মুহূর্ত্ত মধ্যেই বালকটির মধ্যদেশ

ধারণ করিয়া তীরে উত্তীর্ণ হইল, বালক মৃত প্রায়। আগন্তুক দ্রুত বেগে কুটীরদিগে ধাবমান হইলেন, কিঞ্চিৎদূর যাইয়া তিনি অত্যন্ত পরিশ্রান্ত হইয়া পড়িলেন। একে রাত্র কাল, তাহাতে রজনী ঘোর অন্ধকার, দিগ্‌নির্গয় করা কঠিন, জলমগ্ন দ্বারায় বালকটির উদরে জল প্রবেশ করাতে তাহার দেহ অধিক ভারি হইয়াছিল, সুতরাং সেই বন্ধুর পথ দিয়া এই ভার বহন করিয়া নৌকান বড় সহজ ব্যাপার নহে। আগন্তুক কিঞ্চিৎ পরিশ্রম করিয়া পুনর্বার দৌড়িতে লাগিলেন, এবারে কৃতকার্য হইলেন, একেবারে কুটীর দ্বারে আসিয়া প্রবেশ করিলেন। দুই তিনবার দ্বার খুলিবার জন্ত কুটীস্থ লোকদিগকে ডাকিলেন উত্তর না পাইয়া এক পদাঘাতে দ্বার ভগ্ন করিলেন ও নায়েব মহাশয়ের গৃহ দ্বারে উপস্থিত হইয়া উচ্চৈঃস্বরে ডাকিতে লাগিলেন, নায়েব মহাশয়ও সচকিত ভাবে দ্বার মোচন করিয়া বাহিরে আসিলেন। আগন্তুক কহিলেন।

“আমি পদ্মার ধারে গিয়াছিলাম গিয়া দেখি এই বালকটা এক খানি নৌকার সহিত জলমগ্ন হইল আমি তখন জলে পড়িয়া ইহাকে উদ্ধার করিয়া এখানে আনিয়াছি—ভাল করে সেবা কর বোধ হয় এখনও জীবিত আছে”

এই বলিয়া বালকটিকে আশু আশু রাখিয়া একলক্ষ চলিয়া গেলেন। পাঠক! আগন্তুক আর কেহই নহে তোমাদের চিরপরিচিত সেই সন্ন্যাসী ঠাকুর।

রাত্র প্রভাত হইয়াছে। সূর্য্যদেব

পুনরায় পূর্বদিগে উস্থিত হইয়াছেন। বালক চেতনা প্রাপ্ত হইয়াছে, কিন্তু অতিশয় দুর্বল। নায়েব মহাশয় প্রাতঃ-কৃত্যাদি সমাপনান্তর বালকটির নিকটে যাইলেন। বালকের চক্ষুদিয়া অবিরত জলধারা পড়িতেছে। নায়েব মহাশয় জিজ্ঞাসা করিলেন।

“বাপু তোমার নাম কি?”

“আজ্ঞে আমার নাম বিনোদ”

“তোমার বাড়ি কোথায়?”

“জানিনা”

“তোমার পিতার নাম কি?”

“জানিনা”

“তোমার পিতা মাতা আছেন?”

“জানিনা”

“তুমি এখন কোথা থেকে আসছ?”

“আমি ঢাকায় একজন ভদ্র লোকের নিকট ছিলাম, তাঁহার বাড়ী কলিকাতার নিকট কোন গ্রামে, তিনি ছুটা লইয়া বাড়ি আসুছিলেন সঙ্গে একজন চাকর আমি ও একজন দাসী ছিল। বাবুর ব্যারাম হওয়াতে তিনি বাড়ি যাচ্ছিলেন, পথে তাঁহার মৃত্যু হইয়াছে, দাসীও উলাউঠা রোগে মরিয়া গেছে, আমি চাকরের সঙ্গে বাবুর বাড়ি আসুছিলাম। কালরাতে পদ্মায় ঝড় হওয়াতে মাঝিরা ও সেই চাকর নৌকা ডোব ডোব হয় দেখিয়া জলে ঝাঁপ দিয়া পড়িল আমি একা রহিলাম,—তারপর আর জানিনে এখানে আছি”

“আচ্ছা বাপু তোমার বাবুর মুখে তোমার বিষয় কিছু শোনোনি?”

“আজ্ঞে না—তিনি এই মাত্র বলতেন যে তোমার বাপ মা ভূঁড়ি নিষ্ঠুর তোমাকে আমার নিকট রাখিয়া যাবার সময় বলে গেলেন যে শীঘ্র তোমাকে লইয়া যাবেন কিন্তু আট বছর হলো তোমার কোন খোঁজ নিলেন না”

“বাপু তুমি আমার কাছে থাক আমারত আর ছেলে পুঁলে কেউ নেয় যা আছে সবই তোমার থাকবে।”

“আমাকে দয়া করে এমন লোকত কেউ দেখতে পাইনে—তা আপনি যদি অনুগ্রহ করে আমাকে রাখেন আপনার নিকটেই থাকব আমার কিন্তু একটা ইচ্ছে আছে”

“কি”

“আমি কার ছেলে? আমার বাড়ি কোথায়? আমার বাপ মা আছে কি না? এসব জানতে ইচ্ছা আছে। আপনি আমার বাপ হইলেন যদি অনুগ্রহ করে এসব অনুসন্ধান করেন তা হলে বড় ভাল হয়”

“আচ্ছা তুমি এখানে থাক আমি ক্রমে ক্রমে সব অনুসন্ধান করবো।”

নায়েব মহাশয় কাছারি গৃহে যাইয়া বসিলেন হরনাথও আসিয়া তাঁহার নিকট বসিলেন। এক জন লোক আসিয়া উপস্থিত হইল। বস্ত্রের ভিতর হইতে এক খানি পুরাতন “জামিয়ার” বাহির করিয়া নায়েব মহাশয়ের সম্মুখে রাখিয়া বলিল।

“দারোগা মহাশয় আমাকে আপনার নিকট পাঠাইয়া দিলেন। তাঁর ছয় শত

টাকার আবশ্যক হইয়াছে, এই জামিয়ার খানি রাখিয়া ছয়শত টাকা দিতে বলিলেন”

নায়েব মহাশয় ও হরনাথ মুখ তাকাতাকি করিতে লাগিলেন। নায়েব মহাশয় অনেক ভেবে চিন্তে বলিলেন।

“আমি এত টাকা কোথায় পাব? তুমি শাল খানা রেখে যাও আমি আহালাদি করিয়া থানায় যাইতেছি”

“যে আজ্ঞে”

বলিয়া দারোগা মহাশয়ের লোকটা চলিয়া গেল। নায়েব মহাশয় বলিলেন।

“হরনাথ! বেটার হারামজাদকি দেখলে একখানা ছেঁড়া শাল রেখে ছয় টাকা চেয়ে পাঠিয়েছে।”

“মশায় ওকি আর শাল বাঁধা দেওয়া—তিনি সেই ঘুসের টাকা চেয়ে পাঠিয়েছেন আপনি এটা আর বুঝতে পারেননা?”

“না বাপু আমি অতশত বুঝতে পারি নে যাহোক এখন উপায়?”

“তাইত”

“টাকা দিতেই হবে?”

“তা আর একবার বলছেন”

“তা এখন এত টাকা কোথায় পাই”

“আপনিই বুঝুন”

“বুঝবো আর আমার মাথা মুণ্ড—বেটা যে পাজি সেকি একপয়সা কম হলে নেবে। যাহোক এইবারেই আমার দফা রফা হলো—ভেবে ছিলাম একটা দালান করবো আর আসছে বছর “মা” কে নিয়ে আসব আমার এমনি কপাল—যে কোথাথেকে একটা বিপদ উপস্থিত। এখন সব মাথায়

রইল এ বিপদ হতে উদ্ধার হতে পাল্লো বাঁচি। বেটা এখন এই ছয় টাকা নিয়ে ফান্ত হলে বাঁচি আবার না কোন একটা ফন্দি বার করে আর কিছু নেয়।”

“আবার কি ফন্দি বার করবে”

“নাহে বাপু ও বেটারে অসাধ্য কাষ নেয়”

নায়েব মহাশয় আহালাদি করিয়া হরনাথকে সঙ্গে করিয়া থানায় গমনোচ্ছত হইলে বিনোদ জিজ্ঞাসা করিল

“আপনারা কোথায় যাবেন?”

“আমরা থানায় যাব”

“আমিও যাব”

“তুমি ছেলে মানুষ কোথা যাবে?”

“একা থাকতে মনটা কেমন করে তাই বলি আপনাদের সঙ্গে গিয়ে বেড়িয়ে আসি”

“আচ্ছা এস। তুমি হেঁটে যেতে পার বেতো”

“তা পারবো”

তিনজনে থানায় গেলেন। দারোগা মহাশয় তাঁহাদিগকে যথেষ্ট সমাদরপূর্বক বসাইলেন। নায়েব মহাশয় দারোগা মহাশয়ের হস্তে চারিশত টাকার নোটের তাড়াটি দিয়ে আস্তে আস্তে বলিলেন

“মহাশয় আমার কাছে আর অধিক ছিলনা এতেই সন্তুষ্ট হতে হবে”

“আবার দুশ কম”

“তা মহাশয় কি করবো সর্বস্ব বাঁধা দিয়ে এই টাকা নিয়ে এসিছি”

“আচ্ছা তবে দিন, শাল খানা রেখেছেন কি?”

“না হরনাথ শালখানা নিয়ে এসেচেন হরনাথ শালখানি বাহির করিয়া দিলেন। দারোগা থানার একজন চাকরের হস্তে দিয়া তাকাম দিতে বলিলেন।

দারোগা মহাশয় তামাক খাইতে খাইতে জিজ্ঞাসা করিলেন—

“মহাশয় এ বালকটা কে?”

“কাল রাতে সেই সন্ন্যাসী ঠাকুর ইহাকে কুটীতে লইয়া আসেন। পদ্মায় এবালকটির নোঁকা ডুবি হয় সন্ন্যাসী ইহার প্রাণ রক্ষা করেন”

সন্ন্যাসী ঠাকুর যে সর্বস্বটেই আছেন”।

“সত্য কথা—যেখানে কোন কাষ হয় সন্ন্যাসী ঠাকুর সেই খানেই উপস্থিত থাকেন। আপনার এখানে তাঁর পদার্পণ হয়ে থাকে কি?”

“হয় বয় কি! কোন কোন দিন রাত্র দুপ্রহরের কোন দিন সন্ধ্যার সময় কোন দিন রাত্র শেষে তাঁহাকে দেখতে পাই। যাহোক তিনি এক জন আশ্চর্য লোক। কোথায় থাকেন কোথায় খান কিছুই ঠিকানা নাই, সাহস বল বিক্রম বড় সামান্য নয়, দয়া আছে, ধর্ম জ্ঞান আছে। এত অল্প বয়সে ইনি কি কারণে সংসার আশ্রম ত্যাগ করিলেন বলিতে পারি না”

“আমিত তাই ভাবি। সন্ন্যাসীকে যেন কোথায় দেখেছি এমন বোধ হয় এক এক বার মনে করি তাঁহার নিকটে তাঁহার জীবনোপাখ্যান জিজ্ঞাসা করি কিন্তু তিনি চকিতের স্থায় আসেন আর চকিতের স্থায় যান কাষেই তাঁহাকে কিছুই জিজ্ঞাসা করা হয় না”

“এ বালকটিকে কি করিবেন”

“আমার নিকটেই রাখবো”

“একে কি পালিত পুত্ররূপে রাখবেন”

“এম্নিত ইচ্ছে, তা জগদীশ্বরের যেমন মর্জি।”

“এ উত্তম পরামর্শ হয়েছে, আপনার ত আর সন্তানাদি হলোনা তা এবালকটিকে সন্তান স্বরূপ রাখুন”

দারোগা মহাশয় সকল লোকের এজেহার লিখিয়া লইতে আরম্ভ করিলেন। প্রথমে নায়েব মহাশয়ের, পরে হরনাথের, তৎপরে হলধরের শেষে গৃহস্থ ও গৃহিণীর এজাহার লওয়া হইল। গৃহিণী বালকটিকে দেখিয়া কিছু অস্থির হইলেন, বদন ম্লান হইল, চক্ষু দিয়া দুই একবিন্দু বারি নিসৃত হইল। বালক ব্যতিরেকে অপর কেহই তাহা দেখিতে পাইলনা। দারোগা মহাশয় হলধর ও গৃহস্থ গৃহিণীকে কুমারখালি চালানের হুকুম দিয়া নায়েব মহাশয়ের সহিত কুঠিরদিগে চলিয়া গেলেন।

পরদিবস প্রাতঃকালে, দারোগা মহাশয়, হলধর চৌকিদার, গৃহস্থ গৃহিণী ও নায়েব মহাশয় সকলে কুমারখালি অভিমুখে যাত্রা করিলেন। থানা হইতে কুমারখালি প্রায় ৩৪ ক্রোশ দূরে উত্তর পূর্বদিগে। বেলা ১০ টার সময় যাইয়া তাহারা সকলে তথায় উপস্থিত হইল। কুমারখালি গড়ুইনদীর তীরে। গড়ুই পদ্মার শাখা। “ইষ্টবেঙ্গল রেইলওয়ের” স্টেশন কুঠিয়া হইতে কয়েক ক্রোশ পূর্ব উত্তর দিগে। কুমারখালির পশ্চিম উত্তর

দিগে পদ্মানদী। আখ্যায়িকার কালে ইহা পাবনার অধিন ছিল, এক্ষণে নদিয়ার অন্তর্গত হইয়াছে। কুমারখালি একটা সামান্য নগর। এই নগরে অধিকাংশ বারেন্দ্র ব্রাহ্মণ ও তেলির বসতি আছে। অনেক গুলি তেলি বিলক্ষণ সমৃদ্ধিশালী, অনেকের কলিকাতায় আড়ত আছে। নিজ কুমারখালির পথ গুলি পরিষ্কার পরিচ্ছন্ন। কতকগুলি পথ পাকা। গ্রামের ভিতরের পথগুলি কাঁচা। এখানে চাউল তামাক যত সর্বদাই পাওয়া যায়। এখানে একজন আসিফাণ্ট মাজিস্ট্রেট একজন মুনসেফ আছেন। একটা ডাক ঘর একটা ইংরাজি বিদ্যালয় ও একটা বঙ্গ বিদ্যালয় আছে। ইংরাজি বিদ্যালয়টি উচ্চশ্রেণীর। প্রবেশিকা পরিক্ষা পর্যন্ত শিক্ষা দেওয়া হয়। খাছদ্রব্য সমস্ত মুলত ও সকল সময়েই পাওয়া যাইয়া থাকে।

দারোগা মহাশয় আহালাদি করিয়া কাছারিতে যাইলেন, হলধরের ও গৃহস্থের তিন মাস মেয়াদ হুকুম হইল, গৃহিণী বেকসুর খালাস পাইলেন। দারোগা মহাশয়ের প্রতি অত্যাচার চোর ধরিবার হুকুম হইল। গৃহিণী মৃতপ্রায় বাঁটা ফিরিয়া আসিলেন। নায়েব মহাশয়ও থানায় প্রত্যগত হইলেন। দারোগা মহাশয়ের সে রাত্রে কুঠিতে নিমন্ত্রণ হইল।

ভয়ানক অত্যাচার।

কাছারিতে অত্যাচারে ভারিধুম। নায়েব মহাশয় বেকসুর খালাস পাইয়া ছেন, গৃহস্থ কয়েদ হইয়াছে অথচ গৃহিণী বাঁটা প্রত্যগত হইয়াছেন। নায়েব মহাশয়ের মহা আনন্দ। আহালাদির আয়োজন হইতে লাগিল। ক্রমে রাত্র হইলে গোপনে “রকমওয়ারি” চলিতে লাগিল। দারোগা মহাশয় কথায় কথায় জিজ্ঞাসা করিলেন।

“নায়েব মহাশয় মেয়ে মানুষটাকে আপনার কিরকম বোধ হয়?”

“ওর যে লজ্জা আমিত কিছুই বুঝতে পারলেম না। যাহোক একবার চেষ্টা করে দেখতে হবে কোন সুবিধা করতে পারি কি না”

“আমার বোধ হয় একটু চেষ্টা কমেই হতে পারে। টাকার লোভ দেখালে কত সতী সাবিত্রী পর্যন্ত ভুলে যায়, তা ও একজন গরিব লোক”

“আমার সেরূপ বোধ হয় না, ওর যে প্রকার রকম সকম তাতে শুদ্ধ টাকার লোভ দেখালেই যে ভুলবে এরূপ সম্ভব নয়—কোন কোশল না করলে হঠাৎ কৃতকার্য হইতে পারা যাবে না’

“কোশল আবার কি?”

“এমন একটা উপায় করতে হবে—যাতে ওকে আপনাদের কায়দায় নিয়ে এসে যা ইচ্ছা তাই করতে পারা যায়”

“এখানে আনা বড় সহজ ব্যাপারনহে’

“আমিত তাই ভাবছি”

“আচ্ছা মাগিকে ধরে আনলে হয় না?”

“কোন গোল হবে না?”

“সে ভার আমার”

“আচ্ছা তবে তাই করুন, কিন্তু দেখবেন যেন অত্যাচার কেউ এর বিন্দুবিসর্গ টের না পায়।”

“আপনি নিশ্চিত থাকুন আমি সব এমনি ঠিক করবো যে কেহই এর কিছুই জানতে পারবে না”

“দেখবেন”

“ভাল”

হুরাছা দারোগা নিরীহ রমণীর সতীত্ব নষ্ট করিবার জন্ত মন্ত্রণা করিতে লাগিল। কি উপায়ে গৃহিণীকে কাছারিতে আনিবে তাহারই চিন্তায় মগ্ন হইল। অনেক ক্ষণ ভাবিয়া শেষ এই স্থিরীকৃত হইল যে, এক জন চৌকিদারকে গৃহস্থের বাঁটাতে পাঠান যাক্ চৌকিদার কোন কোশল করিয়া গৃহিণীকে আনিতে চেষ্টা করে তাহাতে কৃতকার্য না হইলে তাহাকে বল পূর্বক ধরিয়া আনিবে।

চৌকিদার আজ্ঞামত কার্য করিল। “দারোগা মহাশয় তোমার স্বামীর বিষয় কোন সৎ পরামর্শ দিবেন” এই ছলনী দ্বারা গৃহিণীকে কুঠিতে আনিবার জন্ত চৌকিদার তাহাকে অনেক অনুনয় বিনয় করিল। গৃহিণী প্রথমে তাহার কথায় বিশ্বাস করেন নাই, কিন্তু পরিশেষে ধূর্তের ধূর্ততায় বিমোহিতা হইয়া, পতি প্রাণগত্যা সরলা কামিনী সেই নিশীথ কালে একাকিনী চৌকিদারের সহিত কুঠিতে আসিলেন। তিনি যদি একবারও জানিতে পারিতেন যে, তাহার সর্বনাশের

জন্য নায়েব ও দারোগা বড়যন্ত্র করিয়াছে, তাহাই হইলে তিনি কখনই সেই দুঃখ রজনীতে কুঠিতে আসিতেন না। রমণী চির দুঃখিনী, এককালে সকলের আদরের সামগ্রী থাকিয়া এক্ষণে দুর্দশার করাল গ্রাসে পতিতা হইয়াছেন, যাহার আশয়ে, যাহার জন্য, যাহার উপরে সমস্ত নির্ভর করিয়া তিনি সেই জনহীন প্রান্তর মধ্যে বাস করিয়াও সহস্র দাস দাসী পরিবেষ্টিত, সুরম্য হর্ষোগ্যপরি পরিস্ফুট, সৌভাগ্যদোলায় দোলায়মানা মনে করিতেন, অদ্য সেই প্রাণোপম প্রিয়তম ব্যক্তি তিন মাসের জন্য কারাবদ্ধ হইয়াছেন। যখন তাঁহার স্বামীর প্রতি এই কঠোর রাজাজ্ঞা প্রদত্ত হয় গৃহিণী সেই সময় কাছারিতে ছিলেন। সেই নিদারুণ বার্তা শ্রবণমাত্র তিনি চেতনা বিহীন হইয়া পড়েন। অনেক শুশ্রূষা দ্বারায় তাঁহার চেতনা হয়। সেই অবধি তাঁহার নয়নদ্বয় হইতে অবিরত অশ্রুধারা নির্গত হইতেছিল। কোথায় যাইবেন, কি করিবেন, কিরূপে সংসার নির্বাহ হবে, স্বামী কারাগারে কি অদৃশ্য যন্ত্রণা ভোগ করিবেন, আমার অবস্থা ভাবিয়া তাঁহার মনের ভাব কিরূপ হইবে, আমি কিরূপে একাকিনী ঘরে থাকিব ইত্যাকার ভাবনায় গৃহিণীর মুখখানি স্নান হইয়া গিয়াছিল। যখন দুরাশ্রয় দারোগা প্রেরিত প্রেম-দূত তাঁহার বাটীতে গেল তখন রাত্র প্রায় দশ ঘটিকা। গৃহিণী সন্ধ্যাকালে যৎকিঞ্চিৎ আহার করিয়া ভীত মনে দ্বার বন্ধ করিয়া শূন্যপ্রান্তে বসিয়া

যুগ্মরে রোদন করিতেছিলেন। নয়ন-বারি নয়নে, গণ্ডে, পরিশেষে হৃদয়ে স্থান না পাইয়া বক্ষঃস্থল পর্যন্ত আগমন করিতেছিল, কাঁদিয়া কাঁদিয়া তাঁহার সেই অনুপম চক্ষুদুটি স্ফীত হইয়াছিল। নানা প্রকার ভাবনায় তিনি এরূপ অস্থির হইয়াছিলেন যে, তিনি কোথায় আছেন কিছুই জ্ঞান ছিল না। দিবসের ঘটনাবলী যেন সপ্নের ন্যায় তাঁহার স্মৃতিপথে আসিতেছিল। তিনি ভাবিতেছিলেন মার্জিস্ট্রেট সাহেব হয়ত তাঁহার স্বামীকে কারামোচন করিয়া দিবেন, অদ্য অধিক রাত্র হইল বলিয়া আসিতে পারেন নাই কাল নিশ্চয়ই আসিবেন। আহা! অবলা সরলা যদি জানিতেন যে রাজদ্বারে কিরূপ সূক্ষ্ম বিচার হইয়া থাকে, বিচারকেরা অধীনস্থ কর্মচারীদের দ্বারা কিরূপ সর্বদা প্রতারিত হন, তাহা হইলে কখনই এরূপ স্থখা আশায় মনকে প্রবোধ দিতে পারিতেন না। চৌকিদার যাইয়া তাঁহাকে ডাকিল, দুইবার, তিনবার ডাকিল তথাপি গৃহিণীর উত্তর নাই। নির্কোষ চৌকিদার! তুমি যদি একবার জানিতে কাহাকে ডাকিতেছ, কি জন্ত ডাকিতেছ, তাহা হইলে তুমি বার বার এরূপ চিৎকার করিতে না। গৃহিণী চৌকিদারের আহ্বানে কর্ণপাত করিলেন না। চৌকিদার যমদূত স্বরূপ, যমদূত অপেক্ষাও নির্দয়। গৃহিণী তোমার কর্ণবধির হইয়া যাক তুমি যেন পাপাত্মার পাপ বাক্য শ্রবণ করিতে না পাও। তোমার চক্ষু যেন কিছু দেখিতে না পায়। বার বার চিৎকারের

পর গৃহিণীর সংজ্ঞা হইল সঙ্গে সঙ্গে সর্বনাশের সূত্রপাত হইল। একমনে চৌকিদারের চিৎকার শুনিতে লাগিলেন, ভাবিলেন বুঝি তাঁহার স্বামী বাটী আসিয়াছেন, গদ গদ চিত্তে যাইয়া দ্বার মোচন করিলেন। মরীচিকা ভ্রান্ত পথিকের আয় চৌকিদারকে সম্মুখে দেখিয়া একেবারে বিসাদে মগ্ন হইলেন। চৌকিদার পুলিশের লোক, সহসা তাঁহার সহিত কোন কথা না কহিয়া দ্বার বন্ধ করিলে পাছে আবার কোন বিপদ ঘটবে—এই ভাবনায় তিনি দ্বারের এক পাশ্বে দাঁড়াইলেন। যখন চৌকিদার বলিল দারোগা মহাশয় তোমার স্বামীর জন্য কোন সত্বপায় করিবেন, তখন তাঁহার হৃদয় হৃত্য করিয়া উঠিল, পাগলিনীর আয় হইয়া তাঁহার পশ্চাৎ পশ্চাৎ চলিলেন, তিলান্ন বিলম্ব করিলেননা গৃহের দ্বার বন্ধও করিলেন না। যাইতে যাইতে মনে মনে কত আশা করিতে লাগিলেন, কতবার দারোগা মহাশয়কে ধন্যবাদ করিলেন, কত দেবতার কাছে “পূজা” মানিলেন, ক্রমে তাহার কাছারি বাটীতে আসিয়া উপস্থিত হইল। হরিণী জালে বদ্ধ হইল—এক্সণে নির্ভুর ব্যাধ আসিয়া তাঁহার হৃদয় বিদীর্ণ করিলেই হয়। গৃহিণীকে একটা ক্ষুদ্র গৃহে রাখিয়া চৌকিদার চলিয়া গেল। গৃহী কাছারিবাড়ীর প্রান্তভাগে, সেখানে প্রায় লোকজনের সমাগম ছিলনা। হরনাথ ডাকাতির রীত্রে এই গৃহে বদ্ধ ছিলেন। নায়েব

মহাশয়ের আজ্ঞায় গৃহীর অপূর্ব শোভা হইয়াছিল “পোয়ালের” পরিবর্তে একখানি চিক্কা গালিচা আনিয়া বিস্তার করা হইয়াছিল। একটা মেজে একটা বাতি জ্বলিতেছিল। ঘরটা নিতান্ত ক্ষুদ্র দুই তিনটি লোক ভিন্ন অপর কেহই বসিতে পারে না। গৃহিণী অনেকক্ষণ বসিয়া রহিলেন, প্রায় এক ঘণ্টার পরে দারোগা মহাশয় ও নায়েব মহাশয় আসিয়া উপস্থিত। উভয়েই উন্নত সুরাপানে উভয়ের নয়ন আরক্তিম—একে সুরা, তাহাতে সুন্দরী রমণীর সহিত সহ-বাস-আশা, দুরাশ্রয় উন্নত হইবে আশ্চর্য্য কি। দুইজনে গৃহে প্রবেশ করিল। দ্বার বন্ধ করিল। রমণীর শিরে বজ্রাঘাত হইল। রমণী তটস্থ হইয়া গৃহের এক পাশ্বে গিয়া বসিলেন। হৃদয় কাঁপিতে লাগিল, ভয়ে বিহ্বল হইয়া পড়িলেন, অলক্ষিত ভাবে অশ্রু বিনির্গত হইতে লাগিল। নির্ভুর নায়েব যাইয়া গৃহিণীর হস্ত ধারণ করিল, গৃহিণীর বক্ষে শেল বিদীর্ণ হইল। অবলা সরলা কি করিবেন কিছুই স্থির করিতে না পারিয়া, চিত্র পুতলিকার আয়, যাহু বিমোহিতের আয় আসিয়া তাঁহাদের সম্মুখে বসিলেন, গৃহিণীর মুখে কথা নাই, কেবল চক্ষুদিয়া বারি ধারা পড়িতেছে ও সর্বশরীর খর খর করিয়া কাঁপিতেছে। দারোগা যাইয়া তাঁহার হস্ত ধারণ করিল, দুরাশ্রয় নায়েব তাঁহার অবগুণ্ঠন মোচন করিল। তখনও গৃহিণীর সংজ্ঞা নাই গৃহিণী কি ভাবিতেছিলেন? দুরাশ্রয় মত্ত হইয়া যেমন

তাঁহার হৃদয় স্থিত অমূল্য ধন অপহরণ করিতে যাইবে, অমনি তাঁহার জ্ঞান হইল, চিৎকার করিয়া উঠিলেন, দূরে পদধ্বনি হইল, কে আসিয়া

“পাপাত্মা দোর খোল”

বলিয়া দ্বারে পদাঘাত করিতে লাগিল পদাঘাতে দ্বার ভগ্ন হইয়া গেল। সেই সন্ন্যাসী ঠাকুর আসিয়া উপস্থিত। হুরাঘারা রমণীর হস্ত ত্যাগ করিয়া উভয়ে স্তম্ভিতের ত্রায় বসিয়া রহিল, রমণী পরিত্রাণ পাইল কিন্তু চেতনা বিহীন হইয়া পড়িল। সন্ন্যাসী গভীর স্বরে বলিল।

“পাপাত্মা নায়েব তুই কতশত সতীর সতীত্ব নষ্ট করিয়া শেষে আপন রক্ত পান করিতে উদ্ভূত হইয়াছিস্, নরাধম তোর দিগবিদিক্ জ্ঞান নাই, চাহিয়া দেখ এ রমণী কে? চিনিতে পারিয়াছিস্, এ অবলা, কে? আমি না আসিলে তুই কি হুক্ৰিয়াই করিয়া বসিতিস্”।

সন্ন্যাসী রমণীকে ক্রোড়ে লইয়া পলায়ন করিল দারোগা মহাশয় ও নায়েব মহাশয় অনেক ক্ষণ নিস্তব্ধ ভাবে থাকিয়া আস্তে আস্তে কাছারি গৃহে গমন করিলেন।

সমর শায়িনী ।

প্রথম পরিচ্ছেদ

প্রথম গর্ভ পরিচ্ছেদ ।

“মানস মুপৈতি কেয়ং
চিত্রগতরাজহংসীবা।”

আহা কি মনোহর চিত্রপট! এরূপ মনোহারিণী মূর্তি কখন কাহারও নয়নাদর্শে

বিস্মিত হইয়াছে কি না সন্দেহ, এ প্রতি-রূপ, কল্পিত, না প্রকৃত, তাহা স্থির করা সহজ নহে, আকর্ষণ বিশ্রান্ত লোচন দ্বয়; অলৌকিক স্মৃগঠিত ভুজ; চরণ; অঙ্গুলি নিকর; অসাধারণ মনোহর আনন-শোভা; হেম-চম্পক-বিজয়ী বর্ণ; লোভ-নীয় যৌবনলী সন্দর্শন করিলে সহসা কোন সুরসিক শিল্পীর পরিকল্পনা বলিয়া অনুমিত হয়। কিন্তু রসজ্ঞ চিত্র বিজ্ঞানবিদ্যাগের এরূপ ভ্রম সম্ভাবিত নহে। মনুষ্যের কল্পনা এরূপ সর্বদা সূন্দর সূক্ষ্ম হইতে পারে না। শারদীয়-চন্দ্র-শোভা, বাসন্তী-কুসুম-বিলাস, মন্দ মলয়ানিল-হিম্মোল, নৈদাঘ-দিবস-পরি-ণাম, মকরন্দ-মধুরিমা, যাহার কল্পনা সম্ভূত, এই অপূর্ব রূপও তাঁহারই সঙ্কল্প-রচিত। বস্তুতঃ ইহা বিধাতার মানস সরোবরের স্বর্ণ-কমল বলিয়া বর্ণিত হইতে পারে।

অনেকে মনে করেন, নদ্রতা, উদারতা, মধুরালাপ, পবিত্রপ্রেম-ভাব, ও বিজ্ঞা প্রভৃতি নানা গুণই মনোহারিতার কারণ, আকৃতি, চিত্র-দ্রাবিতার তাদৃশ উপকরণ নহে।

কিন্তু বিশেষ বিবেচনা করিয়া দেখিলে অনুমিত হইবে, আকৃতি যেরূপ প্রেমিকের স্নিকুমার হৃদয়ের উপর আধিপত্য করিয়া থাকে, এরূপ কখনই অত্যাগু গুণের ক্ষমতা নাই। ইতর সাধারণের কথা যাহাই হউক-পৃথিবীর প্রভাবশালী প্রধান প্রধান উন্নত লোকেরা প্রায়ই রূপের পক্ষপাতী। প্রকৃতি অনুসন্ধান করিয়া দেখিলে ইহার শতশত

দৃষ্টান্ত প্রাপ্ত হওয়া যাইবে, ভারতবর্ষীয় কবিগণ পুরাকাল হইতে বর্ণন করিয়া আসিতেছেন, রবির সহিত নলিনীর চির-প্রণয় যোজিত আছে। রবি কি কখন পদ্মিনীর মধু-রসাস্বাদন বা শরীরের কোমলতা ও বিলাস কোনরূপ অনুভব করিতে পারিয়াছেন? পদ্মিনীই কি রবির উত্তাপ ভিন্ন আর কোন গুণের মর্ম গ্রহণ করিতে পারিয়াছে? কখনই নহে। তবে তাহাদের প্রেম সংঘটিত হইল কেন? যাহাদের প্রকৃত হৃদয় আছে, তাঁহারা আকৃতিতেই সমুদয় মনের ভাব প্রত্যক্ষ করিতে পারেন, কথা বলিবার প্রয়োজন কি? লোচনের ভাবভঙ্গি কি মন জানিবার পক্ষে যথেষ্ট নহে? যে চিত্রপট দ্বারা আকৃতির সঙ্গে সঙ্গে মনের সমুদয় ভাব, প্রকৃতি ব্যক্ত হইয়া থাকে, তাহা দেখিয়া যে হৃদয়ান্তরে অনুরাগ সঞ্চারিত হইবে আশ্চর্য্য নহে। এই চিত্রপটখানি কাহার কর্তৃক চিত্রিত হইয়াছে, তাহা জানিবার জ্ঞান কোনব্যক্তির কোঁতুল জন্মাক আর নাই জন্মাক, কোন্ কামিনীর রূপ চিত্রিত, তাহার পরিচয় জানিবার নিমিত্ত বোধ করি অনেকেরই ব্যগ্রতা হইতে পারে, এ বিষয় পরে প্রকাশ্য। এই চিত্রগতা কামিনীর রূপ লইয়া চারিজন রসিক পুরুষ যে আন্দোলন ও কথোপকথন করিতেছেন তাহাই প্রথমে বর্ণিত হইতেছে।

এই ব্যক্তি চতুর্দয়ের একতম সত্রাট আরঙ্গজীব, আর তিন জন তাঁহার প্রিয়-বয়স্ক, এক জনের নাম মীর হুসেন, অল্প জনের নাম, রোশন আলী, অপর ব্যক্তি

দেবদাসব্রহ্মা। সত্রাট আরঙ্গজীব ভারত-বর্ষের অধিকাংশ লোকের পরিচিত। তাঁহার চরিত্র, প্রকৃতি, প্রভাব ও সমৃদ্ধি ইতিহাস পাঠকদিগের অন্তঃকরণে স্পষ্ট-রূপে মুদ্রিত হইয়া রহিয়াছে। সত্রাট অতিক্রমে চিত্রপট হইতে নেত্র আর্কষণ করিয়া একবার চারি দিক্ দৃষ্টি নিঃক্ষেপ পূর্বক বলিতে লাগিলেন।

“এ উদ্ভান কি মনোহর! একবার অব-লোকনমাত্র নয়ন ও মন শীতল হয়। তবু গুণ্য লতারাজির হরিতিমা, নিবিড় পত্রা-বলীর স্নান্নিক্ষায়া স্থলে, স্থলে হরিদ্বর্ণ দুর্বা-ক্ষেত্র; কুমুম সমূহের, সৌরভ ওরূপ-শোভা; বিহঙ্গমগণের সুললিত গান, প্রভৃতির দ্বারা কাহার অন্তঃকরণ না বিমোহিত হয়? আমার পিতা পিতামহগণ অনেক যত্নে ও আয়াসে অনেক রত্ন সংগ্রহ করিয়া এ উদ্ভানটী সজ্জীভূত করিয়া রাখিয়াছেন, কিন্তু কিছুতেই এতকাল ইহার প্রকৃত শোভা ও বিজ্ঞান সম্পাদিত হয়নাই, অল্প বিধাতা তাহার সজ্জাপযোগী রত্ন মিলাইয়াছেন,”

দীর্ঘনিঃশ্বাস পরিত্যাগ পূর্বক মনে মনে বলিতে লাগিলেন।

“যদি এ প্রতিরূপ কল্পিত না হয়, যদি যাহার প্রতিরূপ-সে গুণবতী জীবিত থাকে, যদি বিধাতা একান্ত প্রতিকূল না হন, যদি অচিরকাল মধ্যে কাল কবলে প্রবিষ্ট না হই—তাহাই হলে একদিন সে বিলাসিনী অবশ্যই এ উদ্ভান শোভিনী এবং এ দক্ষ হৃদয়ানন্দদায়িনী হইবে সন্দেহ নাই।”

আবার চিত্রের দিকে গাঢ় মনোনিবেশ

পূর্বক বন্ধু ত্রয়ের সহিত বিশ্রদ্ধভাবে মধুরালাপ করিতে লাগিলেন।

“হুসেনা রোশন! দেবদাস! বলদেখি এ প্রতিরূপখানি তোমাদের নিকট কেমন বোধ হয়? সত্য কথা স্পষ্ট বলিতে গেলে কি, তোমরা এরূপ বলিবেনা? যে— “আমাদের মন এ চিত্রগতরূপ দ্বারা হত হইয়াছে।”

হুসেন। “মনত সকলের সমান নয়, কেহ সঙ্গীত প্রিয়, কেহবা কাব্যানুরাগী, কাহারওবা চিত্র দর্শনে সমধিক স্পৃহা, আলেখ্য সকলের নিকট তাদৃশ মনোজ্ঞ নহে, বিশেষ বিবেচনা করিলে দেখা যায়, চিত্রে এমন কি চিত্র রঞ্জন হইতে পারে। এচিত্র খানি কোন রূপবতীর অনুকম্পামাত্র, সেই রূপবতী সাক্ষাৎ উপস্থিত থাকিলে মনোযোগের বিষয় ছিল, সামান্য পটের প্রতি আর কি অধিক মনোনিবেশ করিব। মনে করুন—কোন আলেখ্য পটে কতকগুলি আহার্য পদার্থ চিত্রিত আছে, তাহা দেখিয়া কি আশ্বাদনে স্পৃহা জন্মে? যাহার ওরূপ বাঞ্ছা হয়, তাহার মানসিক বিকৃতি ভিন্ন কিছুই নয়। কোন ব্যক্তি, চিত্রিত কুমুম জানিয়া শুনিয়া তৎ সৌরভ গ্রহণে ব্যাকুল হয়? ভ্রমরগণ সর্বদা মধুলোভে মত্ত হইয়া কমল অন্বেষণ পূর্বক ভ্রমণ করে— কিন্তু কখনই ভ্রমবশতঃ চিত্রিত পদ্মে পতিত হয় না—কদাচিত পতিত হইলেও— তিলান্নকাল অবস্থিতি করে না। প্রভু! জানি না এ আলেখ্য পট কোনওগে আপনাদের উদার অন্তঃকরণে গ্রহণ করিয়াছে, যখন এ প্রতিরূপ আপনার অন্তঃপুরিকা

গণের কাহারও নয়, তখন এমন কি অসাধারণ রূপবতী হইতে পারে? জগতের সদমুয় রূপবতী রমণীর তু সংগৃহীত হইয়া দিল্লীর অবরোধে রক্ষিত হইয়াছে—এরূপ বলিলে বোধ হয় অত্যাক্তি হয় না।”

আরজ্জীব। “হুসেন! তুমি অত্যন্ত অরসিক, তোমার মত শুষ্ক হৃদয় আর কাহারও নাই, এরূপ রূপলাবণ্য তোমার নয়নে ও মনে স্থান প্রাপ্ত হইল না? হা মুক্তামালা! তুমি বানরের গলে পতিত হইলে, তোমার কি এই পরিণাম? তোমার হৃদয় এ পর্যন্ত তাদৃশ পরিমার্জিত ও কোমল হয় নাই, ইহার সৌন্দর্য্য বিষয় আমি মানবীয় বুদ্ধি ও রসনা দ্বারা কত দূর বর্ণন করিব, তুমি আমার নিকট এত কাল থাকিয়াও এ বিষয়ে সামাজিকতা লাভ করিতে পারিলে না।”

দেবদাস। “চিত্র বিষয়ে কিঞ্চিৎ অধিকার না থাকিলে প্রতিমূর্ত্তি দ্বারা চিত্রবিনোদন করা সহজ ব্যাপার নহে, এ চিত্রখানি বড় অদ্ভুত। চম্পক গৌর বর্ণ কেমন সুন্দর উদ্ভাসিত হইতেছে, তাহাতে আলোক ও ছায়ার * কেমন নৈপুণ্য প্রদর্শিত হইয়াছে। সমস্ত অবয়ব সমধরাতলপটে যথা নিবেশিত নিম্নোন্নত প্রতীয় মান হইতেছে। আহা! আরক্তিম অঙ্গুলিনিকরনবনীত সদৃশ কোমল বোধ হয়, পরিচ্ছদ অলঙ্কার ও কেশ বিলাস দর্শন করিলে চমৎকৃত হইতে হয়, লোচনে ও আননে মনোগত ভাব, পরিষ্কৃষ্টরূপে অনির্বাচনীয় রূপে প্রকৃত রূপে মুদ্রন করিয়া চিত্রকর কি অদ্ভুত নৈপুণ্য প্রকাশ

করিয়াছে, আননশ্রী ঈষৎ লজ্জা, সঙ্কোচ, কোন বিষয়ের চিন্তা, ও মনের কিঞ্চিৎ মদন বিকার পর্যন্ত প্রকাশ করিতেছে কামিনী যে পরম সুন্দরী তাহাতে আর সন্দেহ নাই, কিন্তু রমণীর রূপ অপেক্ষা চিত্রনৈপুণ্যের প্রশংসা অধিক।

“আরজ্জীব। কি! অপূর্ব রূপ অপেক্ষা চিত্রকরের প্রশংসা অধিক? তোমার রূপ-রসজ্ঞতা অতি অল্প। এরূপ চিত্রকর দুর্লভ নহে—কিন্তু এরূপ রূপবতী কামিনী অসাধারণ, পৃথিবীর সমস্ত লোকে মুক্তকণ্ঠে বোধ হয় স্বীকার করে যে আমার অন্তঃপুরে এই জগতের সমগ্র রূপলাবণ্য সংগৃহীত হইয়াছে, কিন্তু এরূপ রূপবতীর সমাগম কোথায়? চিত্র নৈপুণ্য দ্বারা কি মন প্রফুল্ল হইতে পারে? কোন ব্যক্তির জ্ঞান বুদ্ধি বা বিদ্যা কোণল লক্ষিত হইলে শত শত সাধু বাদ দেওয়া যাইতে পারে, কিন্তু হৃদয়ের শান্তি হইবার নহে, তোমায় স্পষ্ট বলিতেছি উপভোগই শান্তি ও সুখের নিদান। দেবদাস তুমি হিন্দু—নানা গুণে অলঙ্কৃত হইলেও জাতীয় দোষ হইতে এক কালে বিমুক্ত থাকিতে পার না, হিন্দুরা অনেক বিষয়ে অনভিজ্ঞ ও অসভ্য, ভোগ বিলাসের বিষয় কিছুই অবগত নয়, কেবল কতকগুলি শুষ্কশাস্ত্র শিক্ষা ও আন্দোলন করিয়া সময় যাপন করে। তোমাদের হিন্দুজাতির যে কত দূর সৌন্দর্য্যপ্রোহিতা তাহা সমুদয় দেব দেবীর রূপ কল্পনাতে প্রকাশ পাইয়াছে—কোনটার চারিহাত, কোনটার দশ হাত; কোনটার পাঁচমুখ, কোনটার বা চারিমুখ,

দশমুখ।

সত্ৰাটের কথা সমাপ্ত না হইতে হইতেই রোশন সহাস্য মুখে বলিতে লাগিল:

“রাজেশ্বর! চিত্রপটস্থ কামিনী দেখিয়া আমার অন্তঃকরণ একবারে বিমোহিত হইয়াছে, এরূপ রূপ এজন্মে এ নয়ন গোচর হয় নাই, আপনার অন্তঃপুরে প্রসিদ্ধ প্রসিদ্ধ প্রধান সুন্দরী দিগের অপেক্ষা সহস্রগুণে মনোহারিণী, জগদ্বী-শ্বরের নিকট আমার শত শত বার এই প্রার্থনা, যে এই কামিনী আপনার প্রণয়িনী হউক।”

আরজ্জীব। দীর্ঘনিঃশ্বাস, সহকারে বলিলেন রোশন! এরূপ দিন কি আর হবে? দেবদাস। স্বগত। “কি আশ্চর্য্য, একটা কাপ্পনিক স্ত্রীরূপ দেখিয়া ইহাদের অন্তঃকরণ একবারে বিমোহিত হইয়া গেল, অচেতন পদার্থের প্রতি কামপ্রবৃত্তি কি বিশ্বয়ের বিষয়, কি লজ্জার বিষয়, বিশেষতঃ একজন ভারতবর্ষাধিপতির এরূপ কাপ্পনিক বিষয়ে, এরূপ সামান্য বিষয়ে, এরূপ অনুচিত বিষয়ে, ইচ্ছাৎ চিত্র বিকার কি সামান্য ক্ষোভের বিষয়? কি জঘন্য জাতি! কি জঘন্য জাতি! এ পাপ জাতির সংশ্রব হইতে কবে পরিভ্রাণ পাইব? তবে কি না সত্ৰাট আমার বিশেষ অনুগ্রহ করেন, তাহাতেই স্থানান্তর গমন করি না।”

আরজ্জীব। “রোশন! তোমার সুরসিকতার পরিচয় পাইলাম, তোমার হৃদয়ে যে প্রেম প্রবল তাহাতে আর

সন্দেহ নাই। তোমাদের সকলকেই একটি প্রশ্ন জিজ্ঞাসা করিতেছি প্রকৃত উত্তর দিবে, লজ্জা বশতঃ ভাব গোপন করিবে না। প্রথম তুমি বল, স্ত্রীলোকের আকৃতি সম্বন্ধে তোমার অভিকৃতি কি রূপ ?”

রোশন। “প্রভু! আপনার মনের ভাব স্পষ্ট বুদ্ধিতে পারিলাম না—বিশেষ রূপে বলুন।

আরঙ্গজীব। “কামিনীর কিরূপ আকৃতি তোমার মনোজ্ঞ, কেহবা কুশাদী ভাল বাসে, কেহ বা সুলাদীর প্রতি অনুরাগ প্রকাশ করে, কাহারও চক্ষুবা—গৌর অপেক্ষা—কৃষ্ণবর্ণ প্রিয়; এইরূপে এতদ্বিষয়ে অনেক অভিকৃতি ভেদ লক্ষিত হইয়া থাকে, আমি তোমাদের অভিকৃতি জানিতে চাই।”

রোশন। “রাজেন্দ্র! যুবতী সুন্দরী হইলে সকল পুরুষেরই নিকট সমান রূপে প্রিয়দর্শন প্রতীয়মান হইয়া থাকে, গোলাপের সুগন্ধ, বীণার সুস্বর, কাহার নিকট অপ্রিয় বোধ হয়? আমার বিষয় এপর্যন্ত বলিতে পারি, আপনি যে প্রকার রূপে মুগ্ধ হইবেন, আমার হৃদয়ও তাহাতেই নিশ্চয় বিমোহিত হইবে, এ অন্তঃকরণ আপনকার প্রেম ও অনুগ্রহের সম্পূর্ণ অধীন। ভালবাসার অভিকৃতি যে, আপনার অনুকারী ও অনুযায়ী হইবে বলবাহুল্য।”

আরঙ্গজীব। স্বগত। “এব্যক্তি নিজেই নিজ হৃদয়ের মর্মজ্ঞ নহে, তোমামোদ ও স্বার্থ সাধন ভিন্ন আর কিছুই অবগত নয়। ফলতঃ সেবাজীবীদিগের স্বাধীন

ভাবে আত্ম হুমকানের অবকাশ কোথায়? হুসেনের দিকে দৃষ্টিপাত করা মাত্র হুসেন সহস্র বদনে বলিতে লাগিল, “রাজেন্দ্র! আপনি আগে আপনার অভিকৃতি ব্যক্ত করুন শুন।”

আরঙ্গজীব। “শুন, আমার অন্তঃকরণে কামিনী সৌন্দর্যের যেরূপ সংস্কার ধারণা ছিল, তাহা সম্প্রতি এ আলেক্ষ্য দ্বারা সম্পূর্ণ পরিবর্তিত হইয়াছে, এই আলেক্ষ্য-গতা কামিনীর রূপই আমার নিকট স্বভাবের পূর্ণমাত্রা বলিয়া বোধ হইতেছে, আর কিরূপ হইলেইহা অপেক্ষা প্রিয় দর্শন হয়, তাহা এইক্ষণে আমার কল্পনাও চিন্তার অতীত।”

হুসেন। “মহাত্মন! আমার অভিকৃতি স্বতন্ত্র, যে কামিনীর প্রণয়ে যখন এ হৃদয় মুগ্ধ হয়, তখন তাহারই রূপ আমার পক্ষে যরাপর নাই মনোহর হইয়া দাঁড়ায়, আমার মতে রূপ, প্রেমের অধীন, বস্তুতঃ যাকে ভালবাসা যায়, তাঁর রূপ প্রকৃতি সমুদয়ই রমণীয়, আমার মন যে কি দেখিয়া, কোন ব্যক্তির প্রতি প্রথম বিমুগ্ধ হয়, তাহা আমি স্থির করিতে সমর্থ নই। বিমুগ্ধ হইলে—আর কোন ক্রটি দৃষ্টি হয় না, সমুদয় দোষ গুণে পরিণত বলিয়া বোধ হইয়া থাকে, আমার চঞ্চল চক্ষু কখন সুলাদীর প্রতি ধাবিত হইয়াছে কখন বা কুশাদীর উপর পতিত হইয়াছে, অভিলাষ কখন বা প্রোঢ় বয়সের দিকে আকৃষ্ট হইয়াছে, এইক্ষণে আমার অভিকৃতির যেরূপ অবস্থা তাহা শুনিলে চমৎকৃত হইবেন এই চিত্রগত-রূপের সহিত সেই রূপ অনেক বিভিন্ন।”

আরঙ্গজীব দেব দাসের দিকে দৃষ্টি ক্ষেপ করিবামাত্র, দেবদাস কিঞ্চিৎ সলজ্জ-মুখে বলিতে লাগিল :

“রাজেন্দ্র! আমি এবিষয়ে কখনও চিন্তা করি নাই, এপর্যন্ত বলিতে পারি, যে স্ত্রীর সহিত যথা বিধি বিবাহ কার্য সম্পন্ন হইয়াছে, তাঁহার প্রেমেই মন নিবদ্ধ রাখা কর্তব্য। কখন অন্তঃকরণ বিপথগামী হইলে, নানারূপ শাসন প্রয়োগ দ্বারা তাহা প্রকৃত পথে আনয়ন করা উচিত, আমি তদনুসারে মন সর্বদা সহধর্মিণীর প্রতি সংযত রাখিয়াছি, কেহো দিন যে কোন পর নারীর রূপে মন বিচলিত হইয়াছে এরূপ স্মরণ হয় না, কাল গুণে পরে কিরূপ ঘটে বলিতে পারি না, আলাপ নাই, সম্ভাষণ নাই, কোন সম্পর্ক নাই, একবার দৃষ্টিমাত্র কিরূপ প্রেম সঞ্চার হইয়া অনুরাগ পীড়া উপস্থিত হয়, তাহা আমি অনেক চিন্তা করিয়াও বুঝিতে পারি না। বিশেষতঃ আলেক্ষ্য দেখিয়া লোকের অন্তঃকরণ কি রূপে মোহিত ও অনুরাগরত হয় তাহা আমার জ্ঞান ও বুদ্ধির অগোচর।”

সহসা একটা পরিচারিকা আসিয়া সত্রাটের হস্তে এক খানি পত্র অর্পণ করিয়া দণ্ডায়মানা রহিল, সত্রাট পত্রাবরণ উন্মোচন পূর্বক পাঠ করিয়া ঈষদ্রাস্য বিকাশ করিলেন, ক্ষণ কাল পরে বলিলেন “অদ্য নব রাজ্যের আশ্রয়ে নিশাচরিত্বের নিমন্ত্রণ, তৎস্বরণার্থ পত্র আসিয়াছে বেল প্রায় শেষ হইয়াছে আমাকে শীঘ্রই সেই প্রনয়িনীর হৃদয়ে হাজি হইতে হইবে।

এ প্রতিকৃতি কোন্ গুণ বতীর, তাহা

জানিবার জন্য আমার অন্তঃকরণ বড় ব্যাকুল রহিল, তোমরা অতি সত্বর গমন করিয়া সবিশেষ বিবরণ জানাইবে, আমি যথোচিত পুরস্কার দিতে প্রস্তুত আছি, এই বলিয়া সত্রাট চিত্রপট হস্তে অঞ্চারোহণ পূর্বক গমন করিলেন পরিচারিকাও দেবদাস প্রভৃতির যথা-ভিষ্ট স্থানে প্রস্থান করিল।

প্রথম পরিচ্ছেদে প্রথম গর্ভ পরিচ্ছেদ
সম্পূর্ণ।

দ্বিতীয় গর্ভ পরিচ্ছেদ।

“ক ইপিসতার্থস্থিরনিশ্চয়মনঃ
পয়শ্চ নিম্নাভিমুখং প্রতীপয়েৎ”

সত্রাট বেশভূষা দ্বারা সুসজ্জিত হইয়া, সন্ধ্যার অব্যবহিত পরক্ষণে নবরাজ্যের আশ্রয়ে উপস্থিত হইলেন। রাজ্যী প্রাণ নাথের শুভাগমন প্রতীক্ষা করিতেছিলেন, অবলোকন মাত্র স্বকীয় নয়ন, মন, শরীর, ও আশ্রয়, এককালে চরিতার্থ বোধ করিতে লাগিলেন। সখীগণের সহিত ব্রহ্ম ব্যস্ত হইয়া প্রাণ বল্লভের কর গ্রহণ পূর্বক, অতি মনোহর এক পুষ্প ময় আসনে বসাইলেন, এবং স্বয়ং এক পাশ্বে উপবেশন করিয়া সখীগণকে—সঙ্গে উপবেশন করিতে, পরিচারিকাদিগকে সেবা-নুষ্ঠান করিতে ইচ্ছিত দ্বারা আদেশ

করিলেন। সখীগণ ইঙ্গিত মাত্র অতি কোমল ভাবে চক্রাকারে উপবেশন করিল। পরিচারিকাগণ শ্রীমুকালোচিত উপভোগোপযোগী উপকরণ সকল যোগাইতে লাগিল। কেহ কেহ পুষ্পখচিত তালবৃত্ত, গোলাপজলে আর্দ্র করিয়া বীজন করিতে লাগিল, কেহ কেহ বা নানারূপ সুরভি-নলিন, সূক্ষ্ম পরিচ্ছদে অল্প অল্প প্রক্ষেপ করিতে লাগিল। নানারূপ পেয় দ্রব্য পরিপূর্ণ পাত্র, অশেষ বিধ ভোজ্য বস্তু পরিপূর্ণ পাত্র, বিবিধ তাম্বুল পূর্ণপাত্র হস্তে করিয়া, সেবিকাগণ সত্রাটের অভিনায় প্রতীক্ষায় চিত্রপুস্তলিকার স্থায় দণ্ডায়মান আছে। পুরোভাগে এক অপূর্ব মণিময় প্রদীপ, তৎপার্শ্বে এক নানা রত্ন-মরকত-খচিত-বিশুদ্ধ-হীরকের ধূত্র-পান্য-ধার অবস্থিত আছে।

সত্রাট একবার চারিদিক অবলোকন করিয়া সম্মিত বদনে বলিতে লাগিলেন : “প্রিয়ে—এই বিহার বাটিকার সাজ-সজ্জা, আড়ম্বর দেখিয়া বিস্মিত হইতে হয়। আমি অনেক বিহার বাটিকাতে গমন করিয়াছি কিন্তু, তুমি যেমন অল্প বিহার বাটিকা সজ্জীভূত করিয়া রাখিয়াছ, এরূপ আর কখনও নয়নগোচর হয় নাই, আহা! সমুদয়ই কুসুম ময়, নানা বর্ণ কুসুম নির্মিত “ঝাড়” সমূহে কেমন সুন্দর-সুশ্লিষ্ট-হরিদ্রণ আলো শোভা পাইতেছে, গৃহের অভ্যন্তর ভাগে আশীর্ষ পাদপীঠ এক কালে কুসুম জালে আবৃত রহিয়াছে, কুসুম মালা সকল ধরে ধরে দোহুল্যমান হইয়া রহিয়াছে, নান রূপ হরিজপা-বনলতা সকল বন্ধিম

ভাবে গৃহাভ্যন্তর প্রাচীর বেষ্টিত করিয়া কি অপূর্ব শোভাই ধারণ করিয়াছে, সৌরভে প্রমত্ত হইয়া ভ্রমরগণ চতুর্দিক ভ্রমণ করিতেছে, কুসুমের সুসৌরভে আতর প্রভৃতির সুগন্ধ অচ্ছন্ন হইয়া পড়িয়াছে, ক্ষুদ্র ক্ষুদ্র লতাকুঞ্জ সকল সর্ব্ব পেক্ষা মনোজ্ঞ বোধ হইতেছে, চারিদিকে অনেকগুলি গন্ধ মলিনপ্রভ্রবণ সজ্জিত রহিয়াছে, প্রিয়ে! আমি তোমার প্রণয়ানুরাগে শ্রীত হইলাম।”

নবরাজীর একমহচরী বলিতে লাগিল, “প্রভু! প্রণয় ও মমতার নিকট সমুদয় সুন্দর ও নির্দোষ বোধ হয়, আপনার স্থায় লোকের নিকট এ সকল আদর ও অভ্যর্থনা অতি সামান্য। বিশেষতঃ আপনি যে অতি সামান্য আদরে এক কালে এতদূর পরিতুষ্ট হইলেন—তাহাতেই আমরা চিরক্ৰীত হইলাম, প্রার্থনা—যেন চিরকাল অনুগ্রহ ও প্রেম, অপ্রতিহত থাকে”।

আর এক মহচরী। “রাজেন্দ্র! আমরা ও চরণের দাসী, আমাদের এমন কি গুণ আছে যে, তাহাতে আপনকার উদার প্রশস্ত চিত্ত আকর্ষণ করিয়া লইতে পারে। আপনার যাহা কিছু অনুগ্রহ ও দয়া সমুদয় নিজ গুণে, এপর্যন্ত বলিতে পারি—আপনকার চিরানুগ্রহ ও স্থির প্রণয় থাকুক আর নাই থাকুক, আমাদের অন্তঃকরণ, ও পাদ-পদ্মে চির ক্ৰীত হইয়াছে”।

আর এক সখী। “রাজেন্দ্র! সমুদায় ক্ৰীড়ার উপাদানই প্রস্তুত আছে, নিজ

অভিষ্টি অনুসারে আদেশ করুন, আমরা তৎপ্রতিপালনে প্রস্তুত হই”।

নবরাজী। “প্রাণনাথ! পূর্ণিমার চন্দ্রের স্থায় মাসান্তে একরাত্রি এ অভাগিনীর নয়ন ও মন রঞ্জন করা হয়, এই সময় যে আমাদের নিকট কত মূল্যবান তাহা এক মুখে বলিয়া শেষ করিতে পারি না, আমরা আপনার সুখ দুঃখের সম্পূর্ণ অধীন, আপনার বদন মলিন দেখিতে পাইলে সমুদয় জগত অন্ধকার ময় প্রতীয়মান হয়। অল্প আপনাকে কিঞ্চিৎ বিমর্ষ ও অগ্র মনস্ক দেখিতে পাই কেন?”

কিছু কাল সকলে নির্ঝাঁক গৃহ নিস্তন্ধ। পুনর্বার রাজী বলিতে লাগিলেন,

“প্রাণনাথ! আমার নিকট একটা কথা সত্য বলিতে হইবে, মিথ্যা বলিয়া প্রতারণা করিতে পারিবেন না,”

ইহা বলিয়া রাজী উত্তরের অপেক্ষায় সত্রাটের মুখপানে চাহিয়া রহিলেন, কতক্ষণ অপেক্ষা করা হইল, কিন্তু কোন উত্তরই প্রদত্ত হইল না। রাজী পুনর্বার কিঞ্চিৎ ভ্রস্ত ভাবে জিজ্ঞাসা করিলেন

“রাত্রি কি দ্বিপ্রহরের অধিক হইয়াছে?”

এক সখী উত্তর করিল

“বোধ হয় এক প্রহরের অধিক হয় নাই,”

সত্রাট নিবৃত্তর। রাজী আবার বলিলেন,

“দুরাত্মা শিবজি সম্বন্ধে কি কোন দুর্ঘটনার সম্বাদ আসিয়াছে?”

সত্রাট সহসা এক পরিচারিকার দিকে কটাক্ষপাত করিয়া বলিলেন,

“ওগো! আমার একটা কার্য সাধনে প্রস্তুত হও, আমার স্বায়ংকালীন ভজনা-লয়ের এক পার্শ্বে এক খানি আলেখ্য পট আছে তাহা অতি সত্বর লইয়া আইস”।

পরিচারিকা সত্রাটের আদেশ শ্রবণ মাত্র অভিবাদন পূর্ব্বক দ্রুত পদে গৃহ হইতে বহির্গত হইল। ক্ষণকাল পরেই ভজনালয়ে প্রবেশ করিয়া এক কলে কতক গুলি চিত্র পটের উপর দৃষ্টি পাত করিল, সারি সারি চিত্র পট অবস্থিত আছে, কোন খানি সত্রাটের অভি-প্রেত তাহা স্থির করা বড়ই দুষ্কর।

এই যে এক বীর পুরুষের প্রতিকৃতি চিত্রিত রহিয়াছে, হীরক খচিত সুবর্ণময় পরিচ্ছদে শরীর আবৃত, শিরোদেশে অপূর্ব কিরীট সুশোভিত, বাম কক্ষভাগে স্বর্ণকোষাবৃত অসি দোহুল্যমান, বাহন অশ্বের, গতি সংযমার্থ দুই হস্তে বল সহকারে বজ্র আকর্ষণ করিতেছে, ঘোটকবর গ্ৰীবা বক্র করিয়া তির্য্যকৃত লোচনে উল্লস্কন করিতেছে। কোন মহাপুরুষের এই প্রতিকৃতি? আমাদের প্রভুর আকৃতির অনেকাংশে আদৃশ্য আছে, আঃ এইযে পটের নিম্নভাগে “মাহ জ ন” এই নাম অঙ্কিত আছে, এই পট খানি কি প্রভুর অভিপ্রেত? কখনই নহে, কারণ আমাদের প্রভুর পিতৃ ভক্তির একান্ত অভাব।

পটান্তর অনুসন্ধান করি, আহা এ প্রতিকৃতি কোন মহাপুরুষের? আননে ও লোচনে-মাহস, বীর্য, ঔদার্য গান্ধীর্ষ্য

দয়া, দাক্ষিণ্য, ভক্তিভাব, স্পষ্ট লক্ষিত হইতেছে। রাজ পরিচ্ছদ পরিধান পূর্বক অসি ধারণ করিয়া অশ্রুপূর্ণ উপবিষ্ট আছেন, এই অকৃতি দেখিয়া আমার অন্তঃকরণে কেমন এক অনির্বচনীয় ভাবের আবির্ভাব হইতেছে, “অকবর” এই নামাঙ্ক দ্বারা পরিচয় প্রাপ্ত হইলাম, ইনিই মোগল বংশ চূড়ামণি, ভারতবর্ষীয় রাজ কুলতিলক, ইহার প্রতি প্রভুর তাদৃশ ভক্তিভাব নই, ইনি হিন্দু ধর্মের পোষকতা করিতেন বলিয়া প্রভু কিঞ্চিৎ আন্তরিক যুগ্ম প্রকাশ করিয়া থাকেন।

এ, চিত্রগত মহাত্মা কে? এক হস্তে গ্রন্থ অপর হস্তে অসি ধারণ পূর্বক অসংখ্য সেবক পরিবৃত্ত হইয়া দণ্ডায়মান আছেন, এই যে অলেখ্যের নিম্নভাগে “মহম্মদ ঈশ্বর প্রেরিত” এইরূপ লিখিত রহিয়াছে, আহা! ইনিইত আমাদের পরিব্রাজকের হেতু স্বরূপ ধর্ম প্রয়োজক, এই বলিয়া ভক্তিভাব সহকারে অভিবাদন করিল, এবং মনে মনে চিন্তা করিতে লাগিল।

এই পট খানিই প্রভুর অভিপ্রেত হইতে পারে, যেহেতু প্রভু ইহার অত্যন্ত ভক্ত, পট গ্রহণ করিয়া কিঞ্চিৎ কাল পরে আবার মনে মনে ভাবিতে লাগিল, সত্ৰাট এদময়ে বিহার মন্দিরে গমন করিয়াছেন, ভক্তি ভাবের সময় নয়, এখন যে সহসা প্রভুর ভক্তিভাব উদ্ভিত হইবে সম্ভাবিত নহে, বিশেষতঃ প্রভু কখনই বিহার বিলাসের সময়ে ধর্মচর্চা করেন না, সেই পট খানি ত্যাগ করিয়া

আর এক দিকে দৃষ্টি পাত করিল, মুখ কিঞ্চিৎ বিকৃত করিয়া বলিতে লাগিল, উঃ কি বিরূপ ভীষণ মূর্তি—চক্ষুদ্বয় সূর্য্য যুগল সদৃশ, মুখ প্রকাণ্ড বিকট, নাসা হইতে শ্বাস সহকারে প্রবল অগ্নিশিখা যেন অজস্র নির্গত হইতেছে, বিকট দন্ত গুলি দেখিলে রোমাঞ্চ উপস্থিত হয়, পৃষ্ঠ দেশে ঢাল, হস্তে এক প্রকাণ্ড লৌহ দণ্ড, এইভৈরব মূর্তিকে চারিজন বীর পুরুষ এক শৃঙ্খল দ্বারা বন্ধন করিয়া যেন কোন স্থানে লইয়া যাইতেছে, বোধ হয় সয়তান আর দিব্য দূতগণ কল্পিত হইয়া থাকিবে। বিহার ও বিলাসের সময়ে এসকল প্রতি-কৃতি নিশ্চয়োজন, দেখা যাক তদনুযায়িনী মূর্তি অনুসন্ধান করি,—একখানিও বিলাসোপযোগী পট দেখিতেছি না, এ ভজনালয়, এখানে বিলাস বস্ত্র থাকিবার তাদৃশ সম্ভাবনা কোথায়? আঃ এই যে একখানি সুন্দর আলেখ্য, নিশ্চয় বোধ হইতেছে, ইহার নিমিত্তই প্রভু আদেশ করিয়াছেন, আহা কি মনোহর রূপ চিত্রিত হইয়াছে, ইহা দ্বারাই প্রভুর অন্তঃকরণ আকৃষ্ট হইয়া থাকিবে, এই প্রতিকৃতি তাঁহার অভিলষিত না হইলেও, বিহারের সময়ে কখনই এককালে উপেক্ষিত হইবার নহে, যাহা হউক এই আলেখ্য খানি লইয়াই গমন করি, এই রূপ স্থির করিয়া পট গ্রহণ পূর্বক দ্রুতপদে সত্ৰাটের সমীপে উপস্থিত হইল।

সত্ৰাট সমীপস্থ পরিচারিকার হস্ত হইতে পট গ্রহণ পূর্বক মধ্যভাগে সকলের দর্শন-সুবিধানরূপে অব-

স্থিতি করিলেন, এবং সমুদয় সখী ও পরিচারিকা দিগকে সম্বোধন করিয়া বলিতে লাগিলেন—

“এরূপ রূপ লাভব্যবতী কামিনী কখন নয়ন গোচর করিয়াছ?” নবরাজী ও তাঁহার সহচরীগণ অবহিত চিত্তে চিত্র-গত রূপ নিরীক্ষণ করিতে লাগিল, কেহ বলিতে লাগিল

“ইহার হস্তও গ্রীবার সহিত আমাদের ভদ্রীর অনেকাংশে সাদৃশ্য আছে” কেহ বলিতে লাগিল—

“বোধ হয় যেন ইহাকে কোথায় একবার দেখিয়াছি। সত্ৰাট আবার বলিলেন ‘তোমরা এরূপ রূপ কখন দেখিয়াছ? দেখেদেখি কেমন মনোহর জায়গল, কেমন রক্তিম অধর, কেমন বক্ষিম কটাক্ষপাত কেমন রক্তিম গণ্ডদেশ’।

নবরাজী। “প্রাণনাথ! আপনি যে চিত্রপটের রূপমাগরে নিমগ্ন হইলেন, চিত্র দেখিয়াই এরূপ মনের ভাবও গতি, জীবিত মূর্তি দেখিলে নাজানি মনের কিরূপ অবস্থা হইত’

সত্ৰাট। “কোন পদার্থের কোন গুণ সন্দর্শন করিলে স্বভাবতই প্রশংসা করিতে ইচ্ছা হয়, এরূপ প্রশংসাতে কি কিছু হানি আছে?”

নবরাজী। “হানি কি? আপনি যাহা ভাল দেখিবেন তাহার প্রশংসা করিবেন, যাহা মন্দ বোধ হইবে মিন্দা করিবেন”

সত্ৰাট। “রাজী দেখ কেমন লাভ্য, বোধ হয় যেন হাশ্ব করিতেছে,

কেমন সলজ্জভাব। বোধ হয় যেন আমার দেখিয়া লজ্জিত হইয়াছে।”

রাজী। “আপনি এক মুখে আর কত প্রশংসা করিবেন,” সত্ৰাট দেখ! কেমন বিশাল লোচন দ্বয় কেমন ধনুকাকার জায়গল,”

রাজী। “মণিচূটা কিঞ্চিৎ পিঙ্গল-বর্ণ।”

সত্ৰাট। “কেমন রক্তিম অধর। তাহাতে ঈষৎ হাশ্ব, বোধ হয় যেন চন্দ্রে সুধা বিরাজিত হইয়াছে”

রাজী। “কিঞ্চিৎ প্রমাণাধিক সুল বোধ হয়।”

সত্ৰাট। “রক্তিম গণ্ড যুগলের তুলনা দিবার স্থান নাই”

রাজী। “অত্যন্ত স্ফীত বোধ হয়।”

সত্ৰাট। “গ্রীবা দেশ কেমন মনো-হর”

রাজী কিছু বলিতে উচ্চত হইয়া নিকত্তর:

সত্ৰাট। “প্রিয়ে! বক্ষঃস্থলের ভাব ভঙ্গির প্রতি একবার নেত্র পাত কর।”

রাজী, কিঞ্চিৎ বিরক্ত হইয়া

“অঃ কি বিপদ! একটা সামান্য চিত্রপট লইয়া এত গোলযোগ কেন? অন্য বিষয় আলাপে মনোযোগ করুন”

এই বলিয়া সত্ৰাটের হস্ত হইতে পট আকর্ষণ করিয়া দূরে নিঃক্ষেপ করিলেন, সত্ৰাট তৎক্ষণাতঃ ব্রহ্ম ব্যস্ত হইয়া পটখানি আনয়ন পূর্বক বলিতে লাগিলেন,

“প্রিয়ে! তুমি ওরূপ উদ্ধত ভাবপ্রকাশ করিলে কেন?”

“প্রিয়ে! তুমি ওরূপ উদ্ধত ভাবপ্রকাশ করিলে কেন?”

“প্রতিমূর্তির উপর সপত্নী ভাব প্রকাশ করা, একটি নৃতনবিধ কাণ্ড, ইহা কেহ কোন দিন দেখেও নাই শুনেও নাই, আজ প্রত্যক্ষ করিয়া বিস্মিত হইলাম,” রাজ্ঞী। “আমারমত লোকের আর সপত্নীর ভয় কি? কথায় কথায় সপত্নীর খেলা, পদে পদে সপত্নীর জ্বালা, যাদের নৃতন সপত্নী ঘটে তাহাদিগের ও বিষয় চিন্তার বিষয়, আমার সপত্নীর সংখ্যা করা ভার, এরূপ অবস্থায় আমার মন বিরক্ত হইবে কেন?”

দ্বারে আঘাত—পুনঃ পুনঃ দ্বারে আঘাত। সত্ৰাট ইঙ্গিত করিবামাত্র এক পরিচারিকা কর্তৃক দ্বার মুক্ত হইল। অমনি একটি প্রোঁতা স্ত্রী তাঁহার পশ্চাৎ পশ্চাৎ দুইটী যুবতী সমাগমন করিয়া সত্ৰাটের নিকটে দণ্ডায় মান হইল, বেশ ভূষা ও ভাব ভঙ্গি দ্বারা প্রোঁতাকে স্বামিনী ও অপর দুইটীকে পরিচারিকা বলিয়া বোধ হইল। প্রোঁতা সত্ৰাটের অত্যন্ত নিকটবর্তিনী হইয়া দাঁড়াইল, দেখিলেই বোধ হয় যেন কোন রূপ হৃদয় গত কোমল সম্বন্ধ না থাকিলে সত্ৰাটের নিকট এরূপ সাহস ও ধ্বংসতা জন্মিবার নহে। কেশ আলুলায়িত, ভূষণ পরিচ্ছদ অযত্ব বিন্যস্ত, লোচনদ্বয় লোহিত অশ্রু পূর্ণ, নিশ্বাস কিঞ্চিৎ প্রমাণাধিক দীর্ঘ, বাষ্প বিকৃত স্বরে বলিতে লাগিল—

“প্রাণ নাথ! এ অভাগিনীকে জন্মের মত এককালে ত্যাগ করিয়াছ, তুমি রাজাধি-রাজ যাহা কর, তাহাই শোভা পায়, আমি

তোমা ভিন্ন আর কাহাকে জানি না বৎসরাবধি তোমায় অন্বেষণ করিতেছি, কোন্ নিশিতে যে কোথায় বিহার কর, নিশ্চয় জানিতে পারি নাই, আমার সৌভাগ্য ক্রমে এই মাত্র জানিতে পারি য়াছি তুমি এখানে শুভ রাত্রি যাপন করিতেছ। ক্ষণ বিলম্ব না করিয়া উপস্থিত হইলাম, মাসে দুই দিবস আমার আলয়ে যাইবার নিয়ম ছিল, এই হিসাবে তোমার নিকট বিংশতি রাত্রির অধিক প্রায় প্রাপ্য হইয়াছে, তোমায় একতিল এখানে অবস্থিতি করিতে দিব না, তুমি দিগ্বিজয়ী হও আর যাই হও, আমার নিকট সেই সব বিক্রম কিছুই কার্যে লাগিবেন না। আমি বাদিনী, তুমি প্রতিবাদী, তোমার নামে বিচারপতি কামদেবের নিকট মকদ্দমা উপস্থিত করিয়াছি। বসন্তকালে প্রথম কোকিল, পরে ভ্রমরগণ শমন জারি করিয়া গিয়াছে, তুমি শমন অমাত্য করিয়াছ, সেই কারণ তোমায় ধরিয়। নেওয়ার জন্ত পঞ্চবাণ প্রেরিত হইয়াছে, আমি তোমার পরিচয় করিবার নিমিত্ত সঙ্গে আসিয়াছি। আমার আলয়ে বিচার স্থান নির্দিষ্ট হইয়াছে। চল, আর বিলম্ব করিবার প্রয়োজন নাই, এযাত্রা আবার আজ্ঞা অমাত্য হইলে যারপর নাই শাস্তি ঘটিবে”।

সত্ৰাট। “প্রিয়ে! শান্ত হও, এত ব্যস্ত কেন? আমি যাইতে স্বীকার করিলাম, এই প্রস্তুত হইতেছি। ক্ষণকাল অপেক্ষা কর।”

রাজ্ঞী। “না আর অপেক্ষা করিবার

সময় নাই।”

নবরাজ্ঞী। কিঞ্চিদগ্রনর হইয়া বলিতে লাগিলেন:

“অনেক দিন পরে আপনার সহিত সাক্ষাৎ হইল, কি মনে করিয়া অসময়ে অত্ন এখানে আসিয়াছেন?” রুদ্ধ রাজ্ঞী। “তোমার নিকট আসিনি, তোমার এবিষয় তত্ত্ব করিবার প্রয়োজন কি? তুমি একদিকে অপস্থত হও”। নবরাজ্ঞী। “আপনার স্বভাব এরূপ উগ্র কেন? মনে যাই থাক্ মৌখিক ভদ্রতা ত্যাগ করা ভদ্র কথার উচিত নয়”।

প্রোঁতারাজ্ঞী। আমরা ওরূপ স্বভাবের লোক নই যে মুখে ভদ্রতা, মনে অভদ্রতা।

মন অস্বস্থী থাকিলে স্বভাবতঃ স্বভাব উগ্র থাকে, মন যাঁর শান্ত আছে কিছুতেই কখন বিরক্তি জন্মে না। তুমি আমার অবস্থা কি জানিবে, তোমার সহিত আলাপ করিতে চাই না।”

নবরাজ্ঞী। “আপনি আমার দিকে চোক রাজ্জ্বাইবেন না, আপনি মন আপনার নিকট।” প্রোঁতারাজ্ঞী। “তোমার ঘরে আসিয়াছি বলিয়া আমার ধরিয়। মারিবে? মনে করিয়াছ। এই আমি দাঁড়াইলাম, তোমার যদি নিতান্ত ইচ্ছা হইয়া থাকে আমার পদাঘাত কর, আমার আর মানের ভয় কি? জগদীশ্বর যাঁহার মান হরণ করিয়াছেন, তাঁহার মান বজায় রাখিবার আশা করাই রাখা।”

নবরাজ্ঞী। “আপনি কি আমার সহিত কলহ করিবার মানস করিয়া

আসিয়াছেন?”

প্রোঁতারাজ্ঞী। “ইচ্ছা করিয়া কলহ করি না, প্রকৃতিই তোমার সহিত আমার কলহ ঘটাইয়াছে”

নবরাজ্ঞীর এক সহচরী। “নব-রাজ্ঞীর সহিত আপনার কি কলহ শোভা পায়? আপনি কি সম্পত্তির প্রভাবে নবরাজ্ঞীর সহিত বিবাদ করিতে উদ্বৃত হইয়াছেন, আপনার কি সেদিন আছে? না সে সময় আছে? না সত্ৰাটের সে অদর আছে?”

যৌবন ভাণ্ডারের অমূল্য রত্ন অপস্থত হইয়াছে, কৃত্রিম করিয়া আর কতকাল কেশগুলি কৃষ্ণবর্ণ রাখিবেন, শরীরের চর্ম যে ঈষৎ লোলিত হইতে চলিয়াছে, তাহার কি ঔষধ আছে? অন্যান্য বিষয় যাহাই হউক একটি বিষয়ের নিতান্ত অপ্রতুল”

এই বলিয়া সখী ঈষৎ হাস্য মুখে নীরব হইল।

নবরাজ্ঞীর আর এক সখী। “আপনি কতকগুলি বেশ ভূষা দ্বারা নিজ রুদ্ধ গুণ্ড রাখিতে রাখা অভিলাষ করিয়াছেন, গ্রীষ্মকালে সরোবর শুষ্ক হইয়াছে আর কি রাজ-হংস, কেলির অভিলাষে আগত হইবে? লতা ও গুল্মগণ, বীতকুম্ব হইলে ভ্রমরগণ কখনই আর আগমন করে না, আপনার আর বিহার রসভাবের সময় নাই। লোকের চির দিন সমান থাকে না, আপনাকে এক সংপরামর্শ দিতেছি, আপনি এই অসার সংসারের মায়া ত্যাগ করিয়া ধর্ম কর্মে রত হউন, এপাপ ময়

দিল্লী সাধুর উপযুক্ত স্থান নয়, মক্কা গমন করিয়া নয়ন ও আত্মা চরিতার্থ করুন। বেশভূষা আর স্বথ্যা, হাবভাব পরিহার করিয়া করে জপ মালা ধারণ করুন। সত্ৰাটের প্রেম, বাঞ্ছা না করিয়া তাঁহার মঙ্গল কামনা করুন, সত্ৰাটের মন রক্ষার জন্ত এত প্রাণপণে প্রয়াস করিবার প্রয়োজন কি? ঈশ্বরের মন রক্ষার প্রতি মনোযোগিনী হউন। নায়কের প্রতি আপানার যে রূপ ভাব আত্মা তাহার শতাংশের একাংশও যদি ঈশ্বরের প্রতি থাকিত তাহা হইলে আপনাদের পরকালের পরমোপকার হইত সন্দেহ নাই।

প্রোচরাজীর এক সঙ্গিনী বলিতে লাগিল, “তোমাদের কথায় উত্তর করিবার কোন প্রয়োজন ছিলনা তথাপি কিছু না বলিয়া ক্ষান্ত থাকিতে পারিলাম না, তোমারা কি আমাদের কর্তীকে স্বদ্ধা জ্ঞান করিয়াছ। সে দিন ইঁহার পীড়া হইয়াছিল, তাহাতেই শরীর কিছু বিরূপ দেখা যায়, তোমাদের ঈর্ষ্যার চক্ষে তাঁহার সহস্র গুণ অপকৃষ্ট দৃষ্ট হইয়া থাকে। ইঁহার বয়স কখনই যৌবন সীমা অতিক্রম করে নাই, যৌবন স্ত্রী যে কেবল বয়সের অনুগত তাহা নহে। কাহারও অতি অল্প বয়সে যৌবন গত হয় কাহারও অধিক বয়সেও যৌবন অক্ষুণ্ণ থাকে, আমি ইঁহার রূপের ব্যাখ্যা করিতে চাইনা দিল্লীর সমুদয় লোক এক বাক্য হইয়া ইঁহার লাভ্যের প্রশংসা করিয়া থাকে”।

সত্ৰাট স্বগত। একি বিপদ উপস্থিত আজ নাজানি কি একটা দুর্ঘটনা সংঘ-

টিত হয়, ক্রমেই বিবাদ, ঝড়ের ন্যায় বেগবান হইয়া উঠিতেছে। এখন প্রোচরাজীর মন রক্ষা না করিলে নিস্তার নাই। নব রাজীকে সহজে শান্ত করা যাইবে, আজ প্রোচরাজীর মন রক্ষা করাই কর্তব্য আমার দোষেই প্রোচরাজীর এরূপ হৃদয় ভঙ্গভাব ঘটয়াছে, আমার এবিষয় বিবেচনা করা উচিত, প্রকাশে রাজীর প্রতি

“প্রিয়ে! বিনীতভাবে তোমার পদানত হইয়া বলিতেছি, আজ আমার একটা ভিক্ষা দেও।”

“ভিক্ষা” এই—এইমাত্র বলিয়া আর কিছু বলিতে পারিলেন না। লজ্জায় অবনত হইয়া রহিলেন, নবরাজী কিঞ্চিৎ বিরক্ত হইয়া বলিলেন,

“আপনার মনোগত ভাব বুঝিতে পারিয়াছি কিনা বলিতে পারি না। আপনি প্রভু, যাহা ইচ্ছা করুন আমার নিকট শুদ্ধ অনুমতি গ্রহণের প্রয়োজন কি?”

“সত্ৰাট। এ যে বিষম বিপদ, হৃদিক রক্ষা করা বড় কঠিন, মাহউক প্রোচের গৃহে যাওয়াই এখন কর্তব্য।”

এই বলিয়া সত্ৰাট, সখীদ্বয় সমভিব্যাহারিণী রাজীর সহিত সেই গৃহ হইতে বহির্গত হইলেন।

প্রথম পরিচ্ছেদে-দ্বিতীয়গর্ভ পরিচ্ছেদ

সম্পূর্ণ।

বঙ্গদেশের অবস্থা

সামান্যতঃ দেখিতে গেলে—বঙ্গদেশের বর্তমান অবস্থা যথোচিত চাক-চিক্যশালী রূপে প্রতীয়মান হইবে। স্থূল দর্শকদিগের মনে এ ভাবের উদয় হইতে পারে। আমরা পূর্বাপেক্ষা সত্য হইয়াছি, উন্নত হইয়াছি, সাহসী হইয়াছি, যথোচিত বিদ্যোপার্জনও করিতেছি। বৎসর বৎসর বিশ্ব বিদ্যালয়ের পরীক্ষাতে শত শত যুবা কৃত বিদ্য হইয়া শীরে বিদ্যার জয়পতাকা বহন করিয়া গর্বের সহিত ইতস্ততঃ ভ্রমণ করিতেছে। শতং যুবা কৃতবিদ্য হইয়া রাজদ্বারে উত্তমোত্তম কার্যে নিয়োজিত হইতেছে। চারিদিকে নগরে, উপনগরে, গ্রামে, পল্লীগ্রামে, বিদ্যার জ্যোতি বিকাশিত—চারিদিকে বিদ্যার প্রত্যক্ষ ফল সকল লক্ষিত হইতেছে। আপামরসাধারণে বিদ্যার বিমল রসপানে বিমুগ্ধ। সকলেই বিদ্যানুশীলনে যত্নবান।

পূর্বের ছায় আর কিছুই নাই। ব্রাহ্মণেরা আর শিত কলের কুঞ্জটিকাময় প্রত্নবে সামান্য বস্ত্রাবরণে শরীর আবৃত করিয়া জাহ্নবী নীরে নিমগ্ন হন না-দিবসের শেষ ভাগে আহার সমাপন করেন না। সামান্য গ্রামাচ্ছাদন জন্ত তাঁহারা আর দ্বারেং ভিক্ষা করেন না। কায়স্থেরা আর পূর্বের ছায় মসীজীবী হন না। বৈত্ণেরা আর পূর্বের ছায় বনেং মাঠেং উদ্ভিজ্য অনুদন্ধানে প্রবৃত্ত হন না। কোন ব্যক্তির

পীড়া হইলে তাহাকে রোগমুক্ত করিয়া একটা মুদ্রা কি কোন তৈজস পাত্র লইয়া তাঁহাদিগকে পরিতৃপ্ত থাকিতে হয় না। তাঁহারা এক্ষণে অনায়াসে রাজ কার্যে নিযুক্ত হইয়া সুখসচ্ছন্দে জীবন যাপন করিতেছেন। শুদ্রেরা এখন কি আর পূর্বের ন্যায় সামান্য গ্রামাচ্ছাদনের জন্ত ব্রাহ্মণদিগের সেবায় নিযুক্ত থাকেন?—কখনই না। তাঁহারাও এক্ষণে চাকরী করিয়া অপরাপর উর্দ্ধতম শ্রেণীর লোকদিগের ছায় সুখে কালাতিপাত করিতেছেন। স্বর্ণবণিক দিগকে আর পূর্বের ছায় “রোকড়ের দোকান” খুলিয়া স্বর্ণ রৌপ্যের ব্যবসায় নিযুক্ত হইতে দেখা যায় না। সূত্রধারেরা আর প্রাতঃ কালে রেঁদা প্রভৃতি স্কন্ধে লইয়া ধনী ব্যক্তির ভবনে গমন করেনা। কর্মকরেরা আর অপরিপুষ্ট পরিশ্রম স্বীকার করতঃ জীবনোপায় সংগ্রহ করে না। তেলি, তামলি, গন্ধবণিক প্রভৃতি শ্রেণীর লোকেরা অনেকেই নিজ ব্যবসায় পরিত্যাগ করিয়া ভদ্রলোকের ছায় কালযাপন করিতেছে। রজক দিগকে আর মস্তকে বস্ত্র লইয়া কোন জলাশয়ে যাইতে হয় না। এক্ষণে দেখা যাইতেছে সকল দিগেই সুবিধা সকল বিষয়েই সুখসচ্ছন্দতা।

এক্ষণে অনেককেই প্রায় সুখ ভোগী দৃষ্ট হয়।

ইংরাজদিগের অভ্যুদয় কাল হইতেই আমাদের সমস্ত সুখের ভিত্তি সংস্থাপিত হইয়াছে। গ্রামেং বিদ্যালয়, পল্লীতেং বিদ্যালয়, বালকেরা এক্ষণে অনায়াসে

অপ্প ব্যয়ে ও অপ্প আয়াসে বিছা উপার্জন করিয়া রুত বিছা হইতেছে। চারিদিকে উন্নতি। উন্নতি জ্যোত ধনীদিগের প্রাসাদ হইতে কৃষিজীবীদিগের পর্ণ কুটির পর্যন্ত প্রবেশ করিয়াছে। যে দিকে দৃষ্টিপাত করা যায় সেই দিকেই উন্নতির লক্ষণ সকল দৃষ্ট হইতেছে। নগর সমূহের উত্তম রূপ সংস্করণ হইয়াছে, চারিদিকে উত্তমোত্তম প্রাসাদ রাজা, বিস্তীর্ণ প্রমত্ত পরিষ্কার দুর্গন্ধবিহীন রাজপথ সমূহ, দুই পাশ্বে আলোক মালা, পণ্যবীথি, মধ্যে মধ্যে বিস্তৃত জলাশয়, স্থানে স্থানে বিছামন্দির, চিকিৎসালয়, পাণ্ডু নিকেতন, অনাথ দিগের জন্ত হাসপাতাল, বিবিধযান, অপ্প ব্যয়ে সমস্ত দ্রব্যই বিক্রীত হইতেছে, লোকের কোন বিষয়েই অসুবিধা নাই। উপনগর ও পল্লীগ্রাম সমূহের অবস্থাও অপ্প উন্নত নহে। যে উপনগরে ও পল্লীতে দর্শন বৎসর পূর্বে একটি প্রকৃষ্ট রাজপথ দৃষ্টগোচর হইত না, সে সকল স্থান এক্ষণে শতঃ পরিষ্কার পরিচ্ছন্ন পথ দ্বারা পরিবেষ্টিত ও শতধা হইয়াছে। যে পল্লীগ্রামে পূর্বে সকল বিষয়ের অসুবিধা ছিল, এক্ষণে সে সমস্ত গ্রামের লোকেরা ইচ্ছানুসারে সকল দ্রব্য প্রাপ্ত হইতেছে। লৌহবর্তা, তাড়িত-বার্তাবহ দ্বারা আরও অনেক উপকার সংসাধিত হইয়াছে। বারানসী প্রয়াগ হ্রদাবন প্রভৃতি তীর্থ স্থান সকল আর পূর্বের তায় অগম্য স্থান নাই। বিংশতি বৎসর পূর্বে যদি কোন ব্যক্তি জীবনের শেষাবস্থাতে—অর্থাৎ ষোড়শ কাল গত হইলে কোন তীর্থ স্থানে

যাইতে মানস করিতেন তাহা হইলে তাঁহাকে একেবারে সংসারের মায়া ত্যাগ করিয়া দান পত্র দ্বারা নিজ বিষয় ও সম্পত্তির কোন একটা বিশেষ বন্দবস্ত করিয়া তত্তত স্থানে গমন করিতে হইত। এক্ষণে আর মেরুপ নাই। কাশী প্রয়াগ হ্রদাবন গয়া মথুরা এক্ষণে অনায়াস লব্ধ স্থান বলিয়া পরিগণিত হইয়াছে। তাড়িত বার্তাবহ দ্বারা আমরা এক মুহূর্ত মধ্যে ভারতবর্ষের এক প্রান্তে বসিয়া অপর প্রান্তের কোন আত্মীয়ের সংবাদ প্রাপ্ত হইতেছি।

বিদ্যালয় সংস্থাপন ব্যতিরেকে, বিছোপার্জনের আরও কতক গুলি প্রকৃষ্ট উপায় উদ্ভাবিত হইয়াছে। দিনে মানস বৎসর মুদ্রাযন্ত্র হইতে এত সংখ্যক কাব্য; নাটক ইতিহাস; দৈনিক, দ্বিমাণ্ডালিক, সপ্তাহিক পাক্ষিক, মাসিক পত্রিকা ও সংবাদ পত্র প্রকাশিত হইতেছে যে, এক ব্যক্তির পক্ষে সে সমস্ত পাঠ করা সামান্য ব্যাপার নহে।

সামাজিকত বিষয়েও অনেক উন্নতি লক্ষিত হইতেছে। অন্য কথা দূরে থাক—যখন বিলাত গমন পর্যন্ত শাস্ত্র নিবন্ধ নয় বলিয়া প্রমাণিত হইয়াছে তখন আর উন্নতি পক্ষে কোন অন্তরায় দৃষ্ট হয় না। স্থানেই ব্রাহ্মমন্দির, গ্রামেই প্রার্থনা সমাজ, সকলেই ধর্ম লইয়া ব্যস্ত সকলেই ধর্মার্জন জন্য ব্যাকুল। জাতিভেদ, বাল্যবিবাহ, বহুবিবাহ প্রভৃতি প্রায় তিরোহিত হইয়াছে। “বুদ্ধ চটে পাধ্যায় মহাশয়” আর পূর্বে ন্যায় কোন শুভ্রের সহিত একত্রে

মধ্যে বিদ্যালয়ের অধ্যক্ষদিগের উৎসাহ শীতল হইয়া পড়িল, বিদ্যালয়ের অবস্থা ক্রমে ক্ষুন্ন হইতে লাগিল। শিক্ষকেরা রীতি মত বেতন পান না, ছাত্রেরা রীতিমত শিক্ষা প্রাপ্ত হয় না, যথা সময়ে বিদ্যালয়েও আসে না। গভর্ণমেন্ট এ অবস্থা দেখিয়া সাহায্য দানে বিরত হইলেন বিদ্যালয়টি পরিশেষে অতীত ঘটনার মধ্যে পরিগণিত হইল। অধিকাংশ বিদ্যালয়ের অবস্থা এই রূপ। অর্থাৎ যে ইহার মূলভূত কারণ তাহা বলা বাহুল্য। অনেক গ্রামে দেখা গিয়াছে অর্থাৎ জন্ত একটি বিদ্যালয় উঠিয়া যাইতেছে, কিন্তু লোকদিগের তাহার প্রতি যত্ন নাই, ইহার কারণ কি? হিংসা, বা ঘেব ভাব ইহার প্রকৃত কারণ। আমাদের স্বভাব এই যে নিজে কোন সংকার্য করিব না, অথচ অপর কেহ কোন সদনুষ্ঠান করিলে অনুষ্ঠান পথে কণ্টক নিক্ষেপ করিব। সাধারণতা নাই বলিয়াই আমাদের এরূপ হইতেছে। যে গ্রামের লোকেরা মনে করিলে একটি উচ্চতর বিদ্যালয় কি একটি কালেক্টর সংস্থাপিত করিতে পারেন তথায় অর্থাৎ ভাবে একটী সামান্য বিদ্যালয় মরণোন্মুখ হইতেছে। অনেকে বলেন যে রাজ পুরুষদিগের দেশীয় লোকদিগের প্রতি আর তাদৃশ যত্ন নাই। এ বিষয়ের সত্যাসত্য প্রমাণ করা আমাদের প্রস্তাবের উদ্দেশ্য নহে। কিন্তু আমরা একটি কথা জিজ্ঞাসা করি, গভর্ণমেন্ট সাহায্য করেন না বলিয়াই কি আমরা কোন সদনুষ্ঠানে

প্রবৃত্ত হইতে পারিব না? মনে করণ রাজ পুরুষেরা এক কালে সমস্ত বিদ্যালয় উঠিয়া দিলেন, তাহা হইলে আমরা কি জড়ের ন্যায় অবস্থান করিব? রাজ পুরুষেরা কখনই আমাদের সর্বস্ব অপহরণ করিয়া লইতেছেন না যে, আমরা তাঁহাদের দ্বারা শিক্ষা না করিয়া কোন কার্য করিতে পারি না। আমরা যদি সকলে একত্রে হইয়া, একমন হইয়া, দৃঢ় প্রতিজ্ঞ হইয়া কোন সদনুষ্ঠান করি তাহা হইলে কি আমরা রুতকার্য হইব না? অবশ্যই হইব।

আমাদের দেশে পুস্তক লেখকদিগের সংখ্যা ক্রমেই বৃদ্ধি হইতেছে। প্রত্যেক দিনই এক একখানি নূতন গ্রন্থের জন্ম দিতেছে। প্রতি সপ্তাহেই একখানি নূতন পত্রিকা প্রকাশিত হইতেছে। কিন্তু সে সমস্ত পুস্তক বা পত্রিকা প্রকাশের উদ্দেশ্য কি? আমাদের দেশে বাক্যের কাল অতীত হইয়াছে পুস্তক প্রণয়ন দ্বারা আর কোন বিশেষ উপকার সাধিত হয় না। যে পুস্তক পাঠে লোকের কোন বিশেষ উপকার হইল না সে পুস্তক মুদ্রিত না হওয়াই ভাল। যদি সংবাদপত্র পাঠ করিয়া লোকের মন একেবারে সমাজগত দোষ সংশোধনের প্রতি প্রধাবিত না হইল, যদি সংবাদপত্র দ্বারা দেশীয় দিগকে প্রকৃত পক্ষে দেশহিতৈষি না করিল, যদি সংবাদপত্র লিখিত প্রত্যেক পংক্তি পাঠ করিয়া দেশের দুর্দশা অবলোকন করত পাঠক বর্ণের নয়নবারি বিগলিত না হইল, যদি সংবাদপত্র

দ্বারা দেশীয়দিগকে সাহসী উদ্যমশীল, দৃঢ়প্রতিজ্ঞ ও স্বাধীনতা প্রিয় না করিল তাহাই হইলে কি সংবাদপত্রের প্রকৃত উদ্দেশ্য সংসাধিত হইল? কখনই না প্রসিদ্ধ নামা-ভলট্যায়াবের পুস্তক পাঠে ফ্রান্স রাজ্য একেবারে কম্পমান হইয়াছিল, রাজ্যবাসীরা এক মনে এক উৎসাহে উৎসাহিত হইয়া রাজার অত্যাচার নিবারণ মানসে দৃঢ় প্রতিজ্ঞ হইয়াছিল। রাজপুত্রেরা অনেক বিষয়ে আমাদের উপরে অত্যাচার করিতেছেন। সংবাদ পত্রের সম্পাদকেরা কি মুকের ছায় কোন বিষয়েই বাৎনিষ্পত্তি করিবেন না তাহারা কি চিরকালই আলস্য শয্যায় শায়িত থাকিবেন। ক্রন্দন কর মহারাণী ইংলণ্ডেশ্বরী কখনই আমাদের ক্রন্দনে বধির হইবেন না। দুই একখানি সংবাদ পত্র ব্যতিরেকে অপরসমস্ত গুলিই ইংরেজদিগের তোবামোদ করিয়া থাকেন। আমরা এরূপ বলি না যে ইংরেজেরা কোন অত্যাচার করিলে প্রকাশ্য পত্রে তাহাদিগকে অযথা গালাগালি দিব। প্রকাশ্য রূপে, বিশেষ রূপে, তাঁহাদের দোষ অনুসন্ধান করিয়া তাহা সংশোধনের উপায় দর্শাইয়া দেওয়া উচিত। আমরা কোন বিষয়েই বাৎনিষ্পত্তি করি না বলিয়াই অনেক রাজপুত্রেরা মনে করেন যে আমরা সকল বিষয়েই সুখি, তাঁহাদের এরূপ অনুমান করা দস্তব। কারণ যদি চিকিৎসককে রোগের সমস্ত বিবরণ না বলিলাম তাহা হইলে চিকিৎসক কি কখন রোগ নির্ণয় করিতে

পারগ হন? আন্দোলন কর, আবেদন কর, দ্বারে আঘাত কর দশ বার শত বার সহস্র বার লক্ষ বার অবশ্যই দ্বার মোচিত হইবে। নিরাশ হইওনা একদিন না একদিন ভারতেশ্বরী অবশ্যই এ হতভাগ্য দিগের দুর্দশার দিগে ককনা কটাক্ষপাত করিবেন। যত দিন সংবাদ পত্র একটা প্রকৃত বল বলিয়া পরিগণিত হয় ততদিন দেশের কোন ইচ্ছের সম্ভাবনা কোথায়?

মানসিক উন্নতি। নিরবচ্ছিন্ন পুস্তকের কীট হইলেই মানসিক উন্নতি হয় না। যার মন আছে তাহার সমস্তই আছে, যার মন নাই তাহার কিছুই নাই। যার মন আছে তাহার সাহস, বল, বিক্রম, ধর্ম, জ্ঞান দয়া দেশ হিতৈবিতা সকলই আছে। মন আছে বলিয়াই মনুষ্য স্বদিকায় ভয়ঙ্কর হিংস্রক মাংসাশী পশুদি হইতে শ্রেষ্ঠ। মন আছে বলিয়াই ইংরেজেরা, সকল দেশের লোকেরা আমাদের অপেক্ষা অনেকাংশে শ্রেষ্ঠ, মন আছে বলিয়া রাজপুত্রগণ, ক্ষত্রীয়গণ মুসলমান গণ, মহারাষ্ট্রীয়গণ পারসীরা আরো বিয়ারা এমনকি উড়িশ্যা দেশ বাসীরা পর্যন্ত আমাদের অপেক্ষা অধিক সাহসী, দুঃখ সহিষ্ণু, স্থির প্রতিজ্ঞ, কর্মে অপরাধু ও পরিশ্রমী, মন নাই বলিয়াই আমাদের বল নাই সাহস নাই, তেজ নাই ক্রোধ নাই, দয়া নাই। আমরা বিদ্যোপার্জন করিতেছি, বৎসর ২ শত ২ পুস্তক প্রণয়ন করিতেছি বিদ্যালয় জন্য সমস্ত ত্যাগ করিয়া বিলাত যাইতেছি জাতিভেদে,

দেশাচার, বংশ মর্যাদার শীরে পদাঘাত করিয়া অনায়াসে সাহেব দিগের সহিত একত্রে আহার করিতেছি, সমাজকে তুচ্ছ করিয়া পরিবার দিগকে প্রকাশ্য সভায় লইয়া যাইতেছি। আমরা এ সমস্তই করিতেছি, আরও করিতেছি, সংবাদপত্রে দীর্ঘ প্রস্তাব দ্বারা, সমাজে বর্ত্ততা দ্বারা, প্রকাশ্য রূপে বর্ত্ততা দ্বারা, দেশের রীতি নীতি সংশোধন জন্য দেশীয়দিগকে উত্তেজনা করিতেছি, কিন্তু এ সমুদয়ের চরম ফল কি? আমরা বিলাত যাইতেছি, তথায় যাইয়া কি করিতেছি? দুই তিন বৎসর কাল অবস্থান করিয়া আপন কার্য সিদ্ধ করিয়া দেশে প্রত্যাগত হইতেছি। সামান্য অর্থের জন্য কি এ সমুদায় ত্যাগ করা হইল? যাহারা সামান্য অর্থের জন্য—পিতা, মাতা, ভ্রাতা, আত্মীয়, স্বজন, পরিত্যাগ করে তাহাদের ন্যায় অপকৃষ্ট লোক আর জগতে নাই। দস্যুরা যেরূপ সামান্য অর্থলোভে প্রাণী হত্যা করে, আমরাও সেইরূপ সামান্য অর্থের জন্য “সমাজ” হত্যা করিয়া থাকি। যাহারা ধর্মের জন্ত সমাজহত্যা করিয়া থাকেন তাহারা কখনই এ শ্রেণীভুক্ত নহেন তাহা বলা বাহুল্য। যদি “বিলাত” যাইয়া দেশের কোন হিতকার্য্যে ব্রতী না হইলাম, যদি কোন মহাদয় ব্যক্তিকে বঙ্গের দুঃখ-বারতা গোচর করাইয়া তাঁহাকে আমাদের দুঃখে দুঃখি না করিতে পারিলাম, তাহা হইলে বিলাত যাইয়া কি বিশেষ উপকার সংসাধিত হইল? সত্য বটে—বিলাতে এমন লোক অতি অল্পই আছেন যাহারা

আমাদের দুঃখে কাতর, কিন্তু যখন দেখিতে পাই যে “প্রফেশর ফসেট” মহামাত্র “জন ব্রাইট” প্রভৃতি মহোদয়েরা ভারত বাসীদিগের জন্ত প্রাণ পণে চেষ্টা করিতেছেন, তখন যে আমাদের অবস্থার বিষয় আনুপূর্ব্বিক জ্ঞাত হইয়া কোন মহাত্মা নিশ্চিত থাকিতে পারেন এরূপ সম্ভব নহে। বিলাত বহৎ বিস্তীর্ণ দেশ, তথাকার লোক সংখ্যা এত অধিক যে, কোন বিশেষ কার্য্য না করিলে কেহই প্রায় সাধারণের লক্ষ্য মধ্যে পরিগণিত হইতে পারেনা। কোন সাধারণ বিষয়ে বক্তৃতা করিতে গেলে—মহা সভাই তাহার উপযুক্ত স্থান, সুতরাং মহা সভার সভ্যেরাই কোন বিষয়ের আন্দোলন করিতে পারেন, কিন্তু মহা সভার সভ্য ব্যতিরেকে অনেক লোক আছেন যাহারা আমাদের দুঃখে অশ্রুপাত করিয়া থাকেন। যখন প্রসিদ্ধ সংস্কারকর্ত্তী **শ্রীযুক্ত বাবু কেশবচন্দ্র সেন** মহাশয় বিলাত গমন করিয়াছিলেন, আমরা মনে মনে কত আশা করিয়াছিলাম, আকাশে কত দুর্গই নির্মান করিয়াছিলাম, কত বার ভাবিয়াছিলাম, কেশব বাবু এক জন দেশহিতৈষী লোক ইনি অবশ্যই তথায় যাইয়া আমাদের জন্ত প্রাণ পণে চেষ্টা করিবেন। ধর্মোন্নতি যদিও তাঁহার বিলাত যাইবার প্রধান উদ্দেশ্য থাকুক, সমাজ সংস্কার, দেশীয় দিগের সামাজিক, মানসিক ও বৈষয়িক উন্নতি সাধন করা যে, তাঁহার বিশেষ কর্ত্তব্য কর্ম ছিল তাহা বলা বাহুল্য,

তিনি যদি একবার কোন সভায় আমাদের এই শোচনীয় অবস্থার বিষয় বর্ণনা করিতেন, একবার যদি বিলাত বাসীদেরকে বলিতেন, যে আমরা কত ক্লেশে, কত দুঃখে, কি রূপে কালযাপন করিতেছি তাহা হইলে যথেষ্ট হইত। তাহা হইলেই তিনি সকলের ধন্যবাদ হইতে পারিতেন। ইংলণ্ডবাসীরা যে সকলেই এক কালে সমস্ত বিষয়ে উদাসীন তাহা বলা যায় না, তাহারা সকলেই যে স্বার্থপর এরূপ ও বলা যায় না, যখন সামান্যতঃ দেখিতে পাওয়া যাইতেছে যে বঙ্গদেশ অথবা ভারতবর্ষ বিলাতবাসীদের নিকট “কাম ধেনু” স্বরূপ, তখন যে তাহারা এক কালে ইহার বিষয়ে উদাসীন থাকিবেন বোধ হয় না। তাহারা আমাদের অবস্থার পুরোভাগ দেখিয়াই পরিতৃপ্ত থাকেন, তাহারা সংবাদ পত্র পাঠে, মহোদয় ডিউক অফ আরগাইল, তাহার সুযোগ্য সহকারী গ্র্যান্টডফ প্রভৃতি কর্মচারীদের মুখে শ্রবণ করিতেছেন যে, ভারতবাসীরা সুখস্বচ্ছন্দে কালযাপন করিতেছে, তাহাদের কিছুরি অভাব নাই, তাহাদের মানসিক উন্নতির জন্ম—স্থানে স্থানে বিদ্যালয়, বিবিধ সংবাদ পত্র, দৈনিক উন্নতির জন্ম চিকিৎসালয়, ওষুধালয়, সম্পত্তি রক্ষার্থ কার্যক্ষম সান্তিরক্ষক গণ নিযুক্ত, কোন বিবাদ ভঞ্জন জন্য শত শত ধর্ম্মাধিকরণ সংস্থাপিত, গমনাগমনের জন্য লোহ বস্ত্র, সংবাদ প্রাপ্তির জন্ম তাড়িত বার্তাবহ, ডাকঘর, শত শত

কৃত বিদ্যা যুবক রাজ কার্যে নিযোজিত, এমন কি প্রধানতম বিচারালয়ে পর্যন্ত তাহারা আসন প্রাপ্ত হইতেছেন—এরূপ শ্রবণ করিয়া তাহারা কি কখন মনে করিতে পারেন যে, আমরা কোন বিষয়ে অসুখি? আমাদের কোন বিষয়ের অভাব আছে? কখনই না। কিন্তু তাহারা যদি এক বার এই আলোখ্যের পশ্চাৎ ভাগ অবলোকন করেন তাহা হইলে অবশ্যই তাহাদের হৃদয়স্থিত ‘সেকসন’ শোণিত উত্তেজিত হইবে।

তাহারা যখন শুনিবেন যে, ইংরাজেরা এদেশীয় দিগের উপরে কিরূপ অত্যাচার করেন, তাহাদিগকে কিরূপ ঘৃণা করেন, বিদ্যালয় সমূহ কি রূপে বিদ্যাদান করিতেছে, চিকিৎসালয়ে-চিকিৎসা সম্বন্ধে দেশীয় দিগের সহিত ইংরাজদিগের কি প্রকার বিভিন্নতা লক্ষিত হইয়া থাকে, রাজদ্বারে ইংরাজ ও ভারত বাসীদের মধ্যে কি রূপে অবিচার হইয়া থাকে, উপর্যুপরি কর সংস্থাপন দ্বারা দেশীয়েরা কি রূপে জর্জরীভূত প্রপীড়িত ও বিপদ প্রাপ্ত হইতেছে, আমাদের ছোট কর্তা কি রূপে যথেষ্টাচারিতার সহিত সমস্ত উন্নতির মূলে কুচারাঘাত করিতেছেন, ভয়ানক দণ্ডবিধি আইন প্রচলন দ্বারা দেশীয় দিগের কি রূপে ভয়ানক অনিষ্ট হইল, তাহারা যদি এক বার এ সমস্ত বিষয় জানিতে পারেন—তাহা হইলে তাহারা অবশ্য এ সমস্ত অত্যাচার নিবারণের অনেক প্রকৃষ্ট উপায় উদ্ভাবন করিতে পারেন।—

তাহারা কখনই আমাদের এই দুর্দশার বিষয় অবগত হইয়া জড়ের ন্যায় নিশ্চিন্ত থাকিবেন না। যেসকল বাঙ্গালী বিলাত গিয়া ছিলেন তাহারা যদি তথায় এক বার আমাদের বিষয়ে একটা কথা বলিতেন—তাহা হইলে আমাদের অনেক উপকার হইত সন্দেহ নাই। যদি তাহাদের মধ্যে এক জন ব্যক্তি ইংলণ্ডের প্রধান ব্যক্তিদের নিকট যাইয়া আমাদের অবস্থা বর্ণন করিতেন, যদি সহস্রের মধ্যে একজনও আমাদের জন্য মর্ম্ম বেদনা প্রকাশ করেন তাহা হইলে আমাদের অনেক আশা হইতে পারিত।

বিলাত যাইয়া বাঙ্গালীরা দেশের কি উপকার করিয়াছেন তাহা প্রকাশ করিয়া বলা হইল। এক্ষণে দেখা উচিত তাহারা দেশে প্রত্যগত হইয়াই বা কি করিলেন? তাহারা ‘সাহেব’ হইয়া দেশীয় দিগ হইতে পৃথক ভাবে অবস্থান করিতে লাগিলেন, মুসলমান ও খৃষ্টিয়ানদিগের সহিত আমাদের যে রূপে সম্বন্ধ, তাহাদের সহিতও আমাদের সেইরূপ সম্বন্ধ। তাহারা কালে একদল ‘বিলাতি বাঙ্গালী’ রূপে পরিগণিত হইবেন সন্দেহ নাই। যদি সমাজে থাকিয়া সমাজের কোন উপকার না করিলাম তাহা হইলে সমাজ ত্যাগ করা আর না করা উভয়ই সমান। বাঙ্গালী ‘সিভিলিয়ান’ ও ‘বারিষ্টারেরা’ বর্ণ ব্যতিরেকে অপর সমস্ত বিষয়েই ইংরাজদিগের অনুকৃতি মাত্র, তাহাদের মানসিক বল এরূপ ক্ষীণ যে, সাহেবদিগের নিকট পাছে অনাদরণীয় হন এই ভয়ে

‘বাঙ্গালী’ হইতে ইচ্ছা করেন না। কিন্তু, তাহাদের দেখা উচিত যে সাহেবেরা কি কখন তাহাদিগকে প্রকৃত রূপে আপনাদের সমকক্ষ বলিয়া জ্ঞান করেন? আমরা ‘সিভিলিয়ান’ হই আর ‘বারিষ্টার’ হই যত দিন না মানসিক বলে বলীয়ান হইতে পারি তত দিন আমাদের কোন দিগেই উপায় নাই।

এক্ষণে দেশীয় দিগের মানসিক উন্নতি কতদূর উন্নতি লাভ করিয়াছে তাহা দেখা কর্তব্য হইতেছে।

প্রস্তাব দীর্ঘ হইয়া পড়িল এবারে এই পর্যন্ত লিখিয়াই ক্ষান্ত হওয়া গেল।

ভগ্ন মনোরথ ।

(পূর্ব প্রকাশিতের পর)

এস অগ্নি তমোময়ী এস বিভাবরি,
সখিরে সমান দুখী আমরা দুজন,
এস তবে, কাঁদি দৌছে গলাগলি ধরি,
তুষারে নয়নাসারে ভাসুক ভুবন।—
না-না-সখি, সমদুখী কহিব কেমনে?
বড়ই অভাগা আমি, তুমি ভাগ্যবতী—
নহে দূর যবে তুমি হেরিবে রমণে,
মোর শশী অন্তমিত জনমের প্রতি।
প্রকৃতি তোমার হুখে বিষাদিত মন,
আঁধার তোমার শোকে কাঁদেন ধরণী,
যুছেন তোমার অশ্রু আপনি তাপন,
তোমার বিরহে ম্লান তব হৃদয়গণি।

মধ্যস্থিত সামান্য কুটীর ইহাদিগের আবাস-স্থল, অরণ্যজাত ফল মূলাদি ও অসীম শ্রম-জনিত শিকারপ্রাপ্ত পশুাদি ইহাদিগের খাদ্য এবং নিরপরাধী পথিকের উপর অত্যাচার ও তাহাদিগের ধনলুণ্ঠন ইহাদিগের ব্যবসায় । এই অবস্থাগত জাতি-দিগের মধ্যে শাস্ত্র-সম্বন্ধে যে কিছুমাত্রও উন্নতি ছিল না, তাহা সহজেই অনুমান করা যাইতে পারে । উন্নতি সভ্যতার ফল, এবং অর্থসংগ্রহ সভ্যতার অন্যতর কারণ । ধনোপার্জন ব্যতিরেকে যে কোন জাতি সভ্যতার সোপান-শ্রেণীতে অধিরোহণ করিতে পারে না, এবং সেই সভ্যতার চরম সীমায় উপস্থিত হইতে না পারিলে যে, জ্ঞানোন্নতি, শাস্ত্রোন্নতি বা ধর্মোন্নতি কাহাকেও লাভ করা যায় না, তাহাতে আর সংশয় নাই । সুতরাং আদিম অব-নতির দরিদ্রতাই মুখ্য কারণ । আরব ও পারস্যবাসীরা এই দশাগ্রস্ত হইয়া বহুদিন অসভ্য অবস্থায় ছিল । কিন্তু যখন তাহা-দের বাহুবল ক্রমশঃ সতেজ হইয়া উঠিল, যখন জিগীষাবৃত্তি তাহাদিগের প্রত্যেকের অন্তরে জাগিয়া উঠিল, তখন তাহাদিগের জ্ঞান হইল । অল্পদিন মধ্যে ইজিপ্ট জয় করিয়া ফেলিল এবং জয়-পতাকা পূর্ক-গামিনী হইয়া ক্রমশঃ পঞ্জাব দেশে অধি-স্থাপিত হইল—তাহারা অতুল ঐশ্বর্যের অধিপতি হইয়া উঠিলেন, শাস্ত্র-সমালোচনা দেশমধ্যে সর্বত্র আলোচিত হইতে আরম্ভ হইল এবং অল্প দিবসমধ্যে অসামান্য অনু-

সন্ধানবেত্তা বলিয়া প্রতিপন্ন হইতে লাগি-লেন । এই জয়ারন্তের কাল অষ্টম শতাব্দী । এই তাঁহাদিগের শাস্ত্রের বিশেষতঃ জ্যোতি-ষের আরম্ভ—বাল্যাবস্থা মাত্র । ইহার অন্ত্যন দুইশত বৎসর পূর্বেও হিন্দুদিগের জ্যোতিষ এক প্রকার পূর্ণাবয়বতা ও সম্যক সৌষ্ঠব প্রাপ্ত হইয়াছিল, সুতরাং এতৎ-সম্বন্ধে হিন্দুদিগের আদিমত্বের বিপরীত প্রমাণ এক প্রকার অপ্রাপ্য (৯) ।

তৃতীয়,—রোমবাসী ।

ইহারা এক কালে সভ্যজাতির আদর্শ ছিলেন । সমস্ত ইউরোপকে পদানত করিয়া ইহারা যেরূপ বুদ্ধি ও কৌশলে রাজ্যশাসন করিয়াছিলেন, তাহাতে এ দেশে শাস্ত্রো-ন্নতি সহজেই অনুমেয় । কিন্তু এই উন্নতি সকল শাস্ত্র সম্বন্ধে যে হইয়াছিল, তাহা কখনই বিশ্বাস করা যাইতে পারে না । সাহিত্যভাণ্ডার বলিয়া এই দেশকে নির্দেশ করা যাইতে পারে, অন্যান্য শাস্ত্রেও যে ইহাদিগের বিলক্ষণ জ্ঞান ছিল, ইহাও হইতে পারে, কিন্তু তাহা হইলেও যে জ্যোতিষে তাহারা অদ্বিতীয় ছিলেন, এ

(৯) The age of the tables of Brahma Gupta as fixed by Mr. Bentley decides one question by showing that the *Indian astronomy was not originally borrowed from the Arabs.* Library of useful Knowledge. Natural Philosophy. vol. III. History of Astronomy. p. 12.

কথা আমরা স্বীকার করি না । পুরাকালে সাহিত্য সম্বন্ধীয়োন্নতি আশা ইহাদিগের মনে এরূপ বলবতী ছিল—এবং এই উন্নতি সকলের অন্তঃকরণে জাগরিত করিয়া দিবার জন্য তাঁহাদের মনে যেরূপ ব্যগ্রতা জন্মিয়া-ছিল, যে তাঁহারা দেশ-মধ্যে এ কথা রাষ্ট্র করিয়া দেন যে, যে ব্যক্তি এই শাস্ত্রভিন্ন অন্য শাস্ত্রের আলোচনা করিবেন, তিনি আর সভ্যশ্রেণীতে গণনীয় হইবেন না । কি পূর্বকাল, কি মধ্যকাল, কি বর্তমানকাল চিরকালই রোমীদিগের মনে এই ভাব এরূপ বলবান্ ছিল, যে তাঁহারা জ্যোতিষ সম্বন্ধে কিছুই জানিতেন না (১০) সুতরাং ইহাদিগের নিকট আর্যজ্যোতিষ ঋণী হইতে পারে না ।

চতুর্থ,—গ্রীসবাসী ।

ভারতবর্ষীয় আর্যদিগের সহিত প্রাচীন গ্রীকদিগের যে গতিবিধি ছিল, তাহাতে আর সংশয় নাই । এই জাতিদ্বয়ই সর্ব প্রথমে সভ্য হইয়াছিল । পার্শ্বস্থ সকল জাতিই মূর্খতা ও অজ্ঞান-তিমিরে আচ্ছন্ন—কেহই সে সময়ে উহাদের সমকক্ষ হইতে

(১০) It is impossible to pay any attention to the history of the Romans, without perceiving that in that nation there prevailed at all times a singular indisposition to the pursuit of mathematical and Physical science. Library of useful Knowledge—Natural Philosophy. vol III. History of Astronomy. p. 35.

পারে নাই । এই দুই জাতির মধ্যে শাস্ত্র-সম্বন্ধোন্নতিও প্রায় এক প্রকার, এবং তজ্জন্য তাহাদের মধ্যে পরস্পর অনেক সৌসা-দৃশ্যও দেখিতে পাওয়া যায়, এবং সেই সৌসাদৃশ্যের উপর নির্ভর করিয়া সুপ্রসিদ্ধ কোলক্লক সাহেব বলিয়াছেন, যে আর্য-জ্যোতিষ গ্রীকদিগের নিকট হইতে সং-গৃহীত । কিন্তু এ কথা, যত আমরা বুদ্ধিতে পারি, নিতান্ত অসঙ্গত । এই কথার সমর্থ-নার্থ যে কয়েকটি প্রমাণ দেখান যাইতে পারে, তাহা নিয়ে প্রকটিত হইল, এবং তৎ-সঙ্গে সঙ্গে ইহাও প্রদর্শন করণ আমাদের বাসনা, যে তাহাদের একটাও স্মৃষ্টি নহে ।

১। জ্যোতিষের কিয়দংশের উন্নতি ও অপরাংশের অবনতি ।

জ্যোতিষের যে স্থল উন্নতি লাভ করিয়াছে, দেখিতে পাওয়া যায়, সেই স্থলই যবনদিগের নিকট হইতে সংগৃহীত, এবং যে স্থানে অবনতি তাহাই স্বকীয় বুদ্ধির ফল এই কথাই প্রায় রাষ্ট্র । কিন্তু ইহা কিরূপে সম্ভব হইতে পারে? যখন একটা ফলের (effect) দুইটা কারণ (cause) দেখিতে পাওয়া যায়, তখন সেই ফলটা একটা কারণ হইতে হইয়াছে, ইহা অবশ্য অনুমেয় । কিন্তু কোন্টা হইতে কে বলিবে? মনে কর তুমি কোন ব্যক্তির মরণবার্তা শ্রবণ করিলে, তুমি, কোন্ নির্দিষ্ট পাড়ায় তাহার মৃত্যু হইয়াছে অনুমান করিবে? সেইরূপ এই প্রমাণ-সম্বন্ধে আমরা আর

নহে অন্য হতে প্রাপ্ত স্বীয় ধন জাল
বলিবে অবনী তলে হেন কোন জন ?
কত শত জন ভোগে ছিল কত কাল
কি বিশ্বাস তাহাতে যে যাবেনা কখন ?

তবে কেন ধন গর্বে কহিছ আমার
ভাবনা নিধন কিম্বা নিধন সময় ?
সুপথে আগত ধন সুপথেই যায়
কুজনের ঘরে লক্ষ্মী বিশ্বাসের নয় !

হে যক্ষ অধিক তোমা কি কহিব আর ?
খুলিয়াছ ভব ভূমে ভাল রঙ্গ স্থল
মজিয়া যথেষ্ট ভোগে ভাবিছ কেবল
তোমাদের সুখ তরে এ ভব সংসার !

আবরিয়া কাল চর্ম সোণার পাতায়
তুলাও স্বভাব মুগ্ধা সরলা কামিনী
ভোগ লিপ্সা শিকল লাগায় কারোপায়
অধীনতা কুপমধ্যে ফেলিতেছে টানি !

হে যক্ষ অভাগা কেন দোষিছে তোমায় ?
সত্যই প্রেমিক জন নিতান্ত পাগল
নিজেই আপন হৃদে দিয়াছে অনল
এবেরে উঠিল জ্বলি কি হবে উপায় ?

চাল হে যতেক জল সপ্ত পারাবারে
কিছুতে দুরন্ত অগ্নি হবেনা নির্বাণ
বায়ুর বিহনে কিন্তু বাঁচিতে নাপারে
প্রাণ বায়ুরোধে তার যায় যদি প্রাণ ।

ধৃত রাষ্ট্র বিলাপ

(মহাভারত হইতে)

প্রাপ্ত ।

১

যবে শুনিলাম ময়, করিয়া নির্মাণ
সুধর্মী নিন্দিত সভা গদা বিভীষণ
যুধিষ্ঠিরে ব্রহ্মকোদরে করেছে প্রদান
সঞ্জয় জয়াশা আর করিনা তখন ॥

২

যবে শুনিলাম পার্থ দ্বারকা পুরেতে
বলে কৃষ্ণ-স্বস্যা ভদ্রা করিলে হরণ ।
মিত্র ভাবে রাম কৃষ্ণ মিলিল সঙ্ঘেতে
সঞ্জয় জয়াশা আর করিনা তখন ॥

৩

যবে শুনিলাম ইন্দ্রে করিয়া দমন
অর্জুন খাণ্ডব বন করিলে দহন ।
তাহারে গাণ্ডিব ধনু দিল হতাশন
সঞ্জয় জয়াশা আর করিনা তখন ॥

৪

যবে শুনিলাম আমি জেঁগুহ দহনে
রক্ষা লভিয়াছে কুন্তী সহ পার্থগণ ।
বিদুর মিলিত আছে তাহাতে গোপনে
সঞ্জয় জয়াশা আর করিনা তখন ॥

৫

যবে শুনিলাম সভা সমক্ষে কৃষ্ণারে
লক্ষ্য ভেদি লভিলেক বীর ধনঞ্জয় ।
মিলিল পাঞ্চাল রাজ্য পাণ্ডব সবারে
তখন জয়াশা আর করিনা সঞ্জয় ।

৬

যবে শুনিলাম আমি মগধ ঈশ্বর
ক্ষত্রিয় সমাজে যেন জ্বলন্ত জ্বলন
দ্বন্দ্ব যুদ্ধে বধিলেক তারে ব্রহ্মকোদর
সঞ্জয় জয়াশা আর করিনা তখন ॥

৭

যবে শুনিলাম আমি, পাণ্ডুপুত্রগণ
রাজা গণে হারাইল করিল দিগ্‌জয় ।
মহা ক্রতু রাজ সূয় কৈল সমাপন
সঞ্জয় জয়াশা আর করিনা তখন ।

৮

যবে শুনিলাম রজঃশ্বলা দ্রোপদীরে
আনিলেক সভামাঝে পাপভূঃশাসন ।
অনাথার ন্যায় (আহা ! সনাথা সতীরে)
সঞ্জয় জয়াশা আর করিনা তখন ॥

৯

যবে শুনিলাম বস্ত্র করিতে হরণ
দ্রোপদীর, রাশি রাশি হরিয়া বসন ।
অক্ষম করিতে নগ্না পাপভূঃশাসন
সঞ্জয় জয়াশা আর করিনা তখন ॥

১০

যবে শুনিলাম আমি, কপটে হরিল
শকুনি পাণ্ডবরাজ্য খেলাইয়া পাশা ।
তথাপিও ভ্রাতৃগণ সঙ্ঘেতে রহিল
তখন সঞ্জয় আর করিনা জয়াশা ॥

১১

যবে শুনিলাম ভিক্ষা ভোজী দশশত
মহাতেজা ধর্ম সম স্নাতক ব্রাহ্মণ ।
বনবাসী ধর্মরাজে আছে অনুগত
সঞ্জয় জয়াশা আর করিনা তখন ॥

১২

যবে শুনিলাম শিব সহ করি রণ
ব্য ধরুপী ত্র্যম্বকেরে তুষি ধনঞ্জয় ।
পাশুপত মহা অস্ত্র করিল গ্রহণ
সঞ্জয় জয়াশা আর করিনা তখন ॥

১৩

যবে শুনিলাম সত্য সন্ধ মহাবীর
শিখিতেছে যথা শাস্ত্র দিব্যাস্ত্র নিচয় ।

সাক্ষাৎ বাসব হাতে, অর্জুন সুধীর
তখন জয়াশা আর করিনা সঞ্জয় ॥

১৪

যবে শুনিলাম পার্থ বৈরি বিমর্দন
প্রবল দানব দলে করিয়া দমন,
কৃতার্থ হইয়া মর্ত্যে কৈল আগমন
সঞ্জয় জয়াশা আর করিনা তখন ॥

১৫

যবে শুনিলাম, শনি কণের বচন
ঘোষ-যাত্রাকালে কৈলে গন্ধর্বে বন্ধন ।
কৌরব সকলে, পার্থ করিল মোচন
সঞ্জয় জয়াশা আর করিনা তখন ॥

১৬

যবে শুনিলাম যক্ষ রূপেতে শমন
ধর্মরাজে প্রশ্নাবলী কৈলে জিজ্ঞাসন ।
সম্যক রূপেতে তাহা করিল পূরণ
সঞ্জয় জয়াশা আর করিনা তখন ॥

১৭

যবে শুনিলাম আমি, বিরাট ভবনে
বাসকৈলে কৃষ্ণসহ পার্থ পঞ্চজন ।
জানিতে নারিল, অস্মদীয় চর গণে
সঞ্জয় জয়াশা আর করিনা তখন ॥

১৮

যবে শুনিলাম আমি গোগৃহের রণে
পরাজিল, একরথী ইন্দ্রের নন্দন ।
দ্রোণ ভীষ্মাদি অস্মদীয় যোধ গণে
সঞ্জয় জয়াশা আর করিনা তখন ॥

১৯

যবে শুনিলাম আমি নির্জিত নিধন
যুধিষ্ঠির আনাইয়া বাহুব স্বজন ।
সংগ্রহিল সপ্ত অর্কোহিনী সেনাগণ
সঞ্জয় জয়াশা আর করিনা তখন ॥

২০

যবে শুনিলাম কৃষ্ণ (স্বয়ং নারায়ণ)
যিনি করেছেন পদে, পৃথী আবরণ

ইচ্ছেন পাণ্ডব হিত করিতে সাধন
করিয়া সঞ্জয় আর জয়াশা তখন ॥

২১
যবে শুনিলাম সন্ধি করিতে স্থাপন
কোর্ব সভায় কৃষ্ণ করি আগমন ।
কিরিয়া গেছেন হয়ে বিষয় বদন
সঞ্জয় জয়াশা আর করিলা তখন ॥

২২
যবে শুনিলাম আমি বিপক্ষীয় গণে
গাণ্ডিব, অর্জুন কৃষ্ণ লভেছে মিলন
একত্রে এ তিন মহা উগ্রবীৰ্য্য রণে
সঞ্জয় জয়াশা আর করিলা তখন ॥

২৩
যবে শুনিলাম কৃষ্ণে বরি মন্ত্রীপদে
চলিতেছে তার পরামর্শে পার্থগণ ।
(তবে আর তাহাদের কি ভয় বিপদে)
সঞ্জয় জয়াশা আর করিলা তখন ॥

২৪
যবে শুনিলাম, ভীষ্মে বলিলা অঙ্গেশ
‘তুমি যুদ্ধ কৈলে আমি করিব না রণ’ ।
ইহা বলি ত্যজি গেলা সেনা সন্নিবেশ
সঞ্জয় জয়াশা আর করিলা তখন ॥

২৫
যবে শুনিলাম, মোহ কৈলে আক্রমণ
রথোপরি ধনঞ্জয় কৈলা প্রদর্শন ।
দেবকি-নন্দন স্বীয় দেহে ত্রিভুবন
সঞ্জয় জয়াশা আর করিলা তখন ॥

২৬
যবে শুনিলাম, রণে গঙ্গার নন্দন
প্রত্যহ অযুত রথী করিছে নিধন ।
কিন্তু তাহে না মরিছে খ্যাত কোন জন
সঞ্জয় জয়াশা আর করিলা তখন ॥

২৭
যবে শুনিলাম, পার্থ বীর বিকর্তন
শিখণ্ডীয়ে অগ্রভাগে করিয়া স্থাপন ।

মহাপরাক্রমী ভীষ্মে করিল হনন
সঞ্জয় জয়াশা আর করিলা তখন ॥

২৮
যবে শুনিলাম ভীষ্ম তুষাষিত হয়ে
চাছিলে পানীয়, ক্ষিতি করি বিদারণ
পার্থ, মিটাইল তুষা ভোগবতী পয়ে
সঞ্জয় জয়াশা আর করিলা তখন ॥

২৯
যবে শুনিলাম, দ্রোণ শত্রুপ্রশমন
করিছেন রণে নানা অস্ত্র প্রদর্শন ।
কিন্তু নামরিছে রিপু-শ্রেষ্ঠ কোন জন
সঞ্জয় জয়াশা আর করিলা তখন ॥

৩০
যবে শুনিলাম যারা গিয়া ছিল রণে
অর্জুন নিধন তরে করি প্রাণ পন ।
পার্থ হস্তে গেছে তারা শমন ভবনে
সঞ্জয় জয়াশা আর করিলা তখন ॥

৩১
যবে শুনিলাম আমি অর্জুন তনয়
দ্রোণ-রুত-চক্র-ব্যুহ করি আক্রমণ
ভেদি প্রবেশিল তায়, নির্ভয় হৃদয়
সঞ্জয় জয়াশা আর করিলা তখন ॥

৩২
যবে শুনিলাম মিলি রথী সপুজন
অভিমন্যু বালকেরে করিয়া নিধন ।
নাপারি বধিতে পার্থে হৈল হৃষ্ট মন
সঞ্জয় জয়াশা আর করিলা তখন ॥

৩৩
যবে শুনিলাম করি অর্জুনি নিধন ।
হর্ষে নিনাদিছে মুঢ় ধাৰ্ত্ত রায় গণ ।
জয়দ্রথ বধে পার্থ করিতেছে পণ
সঞ্জয় জয়াশা আর করিলা তখন ॥

৩৪
যবে শুনিলাম করি সৈন্ধবে নিধন
ধনঞ্জয় স্বীয় পণ করিল পুরণ ।
নারিলেক নিবারিতে তারে কোন জন
সঞ্জয় জয়াশা আর করিলা তখন ॥

৩৫
যবে শুনিলাম আমি দ্রোণ সেনাগণে
শুভ্রুঃ সহ নাশ কৈল করিয়া সন্ধান ।
সাত্যকি মিলিল গিয়া দ্রোণ পার্থ সনে
সঞ্জয় জয়াশা আর করিলা তখন ॥

৩৬
যবে শুনিলাম রণ ধর্ম পরিহারি
ধৃষ্টদ্যুম্ন দ্রোণশির করিল ছেদন ।
রণে বসেছিল যেই অনশন করি
সঞ্জয় জয়াশা আর করিলা তখন ॥

৩৭
যবে শুনিলাম, ভীষ্ম রক্ত করি পান
হুঃশাসনে একা পেয়ে করিল নিধন ।
নাপারিল কেহ তারে করিবারে ত্রাণ
সঞ্জয় জয়াশা আর করিলা তখন ॥

৩৮
যবে শুনিলাম কর্ণ অমিত্র কর্ষণে,
বধিল বীর কেশরী মাকুতি কেতন
ভ্রাতাদের এই মহা ভয়ঙ্কর রণে
সঞ্জয় জয়াশা আর করি না তখন ॥

৩৯
যবে শুনিলাম ধর্মরাজ সহ রণে
মরিয়াছে মদ্ররাজ সমর ভীষণ
স্পর্ধিতেন যিনি সদা রণে নারায়ণে
সঞ্জয় জয়াশা আর করি না তখন ॥

৪০
যবে শুনিলাম আমি, শুবল নন্দনে
সহদেব যমালয়ে করিল প্রেরণ ।
কলহের মূল যেই কুরুপাণ্ডু গণে
সঞ্জয় জয়াশা আর করি না তখন ॥

৪১
যবে শুনিলাম, শান্ত একা হুর্ষোধন,
শুভ্রিয়া হৃদের বারি করিছে শয়ন
বিকল হয়েছে শক্তি বিকল মনন
সঞ্জয় জয়াশা আর না করি তখন ॥

৪২
যবে শুনিলাম আমি, পাণ্ডুপুত্র গণ
কৃষ্ণসহ দৈপায়নে করিয়া গমন
ভৎসিতেছে পুত্রে মোর বলি কুবচন
সঞ্জয় জয়াশা আর না করি তখন ॥

৪৩
যবে শুনিলাম আমি কৃষ্ণের ছলনে
বিগত জীবন মোর বাছা হুর্ষোধন,
ভীমের সহিত হায় মিথ্যা গদারণে !
সঞ্জয় জয়াশা আর করি না তখন ॥

৪৪
যবে শুনিলাম আমি দ্রোণের নন্দন
ঘণাকর শিশু হত্যা করিল সাধন
শিবিরে আছিল যারা নিদ্রায় মগন
সঞ্জয় জয়াশা আর না করি তখন ॥

৪৫
শোকাকুল এবে হায় ! হয়েছে গান্ধারী
পুত্র পৌত্র পিতা ভ্রাতা গিয়াছে সকলি
হুর্জয় করিয়া কার্য্য লভিল শূন্যারি
রাজ্যবস্ত পাণ্ডবেরা কৃষ্ণ বলে বলী ॥

৪৬
শুনিলাম অবশিষ্ট মাত্র দশজনে,
অষ্টাদশ অক্ষৌহিনী সেনাগণ মাঝে,
অস্বদীয় তিন, সপ্ত বিপক্ষীয় গণে,
কিভীষণ রণ উছ ! ক্ষত্রিয় সমাজে ॥

৪৭
বলিতে বলিতে এইরূপে সকাতরে ।
পড়িল মুচ্ছিত হয়ে সিংহাসনোপরে ॥

ভারতচন্দ্র রায়ের রচনা ।

(পূর্ব প্রকাশিতের পর)

প্রসূতির বিলাপ, স্তব ও দক্ষের জীবন বর্ণনাতে বিশেষ চমৎকারিত্ব নাই, কেবল স্থানে স্থানে কবির মনোহর রচনা-কৌশল প্রকাশ পাইয়াছে। দক্ষযজ্ঞ প্রস্তাব যদিও কাব্যনিক হউক, ভারত বাসীদিগের কিস্বদীন্তর সংস্কারানুসারে এই ঘটনা গুজরাট দেশে হইয়াছিল বলিয়া অনেকে অনুমান করেন। ভারত-বর্ষায় লোকেরা যে সকল প্রস্তাব কল্পনা করিয়াছেন, তাহার সমুদয়েই প্রকৃত স্থান নির্দিষ্ট আছে। রাবণ ও রামের রাজধানী, সিংহল ও অযোধ্যা, জনক-রাজার আবাস নগরী মিথিলা, বিরাট-নগর, বিহার—এইরূপ প্রায় সমুদয় কাব্যনিক প্রস্তাবের বিস্তারিত রূপে স্থান নির্দেশ হইয়াছে। যাহা হউক দক্ষযজ্ঞকে গুজরাট দেশীয় ঘটনা বলিয়া স্বীকার করিতে হইবে। অধিকাংশ গ্রন্থকার গণ, ভিন্নদেশীয় আচার ব্যবহার বর্ণনে স্বদেশীয় রীতি নীতি আরোপিত করিয়া থাকেন।

“শাশুড়ী দেখিয়া শিব লাজে হেটমুখ”

শাশুড়ী মাতৃতুল্য হইয়া জামাতার নিকট অত্যন্ত লজ্জিতা, জামাতা পুত্র সদৃশ হইয়া, শাশুড়ী সমীপে লজ্জায় সঙ্কুচিত, এই রীতি গুজরাট দেশীয় নহে, **গুণাকরের** মাতৃভূমি বঙ্গদেশের পদ্ধতি রচনা কালে প্রকাশিত হইয়াছে—পৃথিবীর প্রায় সমুদয় কবিদিগের এই দোষ লক্ষিত

হইয়া থাকে। কালিদাস, ভবভূতি, সেক্স-পিয়ার প্রভৃতির এবিষয়ে অনেকাংশে সাবধানতা দেখা গিয়াছে। আমাদের **ভারতচন্দ্র** রায় এবিষয়ে কিঞ্চিৎ অধিক পরিমাণে অসাবধান হইয়া চলিয়াছেন। এস্থলে আর একটি গুরুতর বিষয় উল্লেখ না করিয়া ক্ষান্ত থাকিতে পারিলাম না।

কবিকঙ্কন মকুন্দরাম চক্রবর্তীর

বিষয় বোধকরি অনেকে অবগত আছেন, তাঁহার রচনা সমুদয় অবলম্বন করিয়া যে **ভারতচন্দ্র** রায় কাব্য প্রণয়ন করিয়াছেন তাহাতে সন্দেহ নাই, প্রথম কতকগুলি দেবতার বন্দনা করিয়া দক্ষ যজ্ঞবর্ণন আরম্ভ করিয়াছেন। তাঁহার দক্ষ যজ্ঞ দেখিয়াই ভারতচন্দ্র রায় দক্ষ যজ্ঞ প্রণয়ন করিয়া ছেন, দশ বিদ্যা রূপ ও একান্ত পীঠ ভিন্ন **অন্নদামঙ্গলে** আর কিছুই অধিক বর্ণিত হয় নাই।

ভারতচন্দ্র রায়ের একান্ত পীঠের বর্ণনা গত স্থান নির্দেশ কাব্যনিক নহে, প্রায় অধিকাংশ স্থানের অত্যাপি পরিচয় প্রাপ্ত হওয়া যায়। শিব বিবাহ—এই প্রস্তাবটি, কুমার সম্ভব, শিবপুরাণ, কবিকঙ্কন চণ্ডী অবলম্বন করিয়া প্রণীত হইয়াছে। **কুমার সম্ভব** হইতে হই একটি উপমাও গ্রহণ করা হইয়াছে।

“পতঙ্গবদহি মুখং বিবিষ্ণুঃ”

(কুমার সং)

“দিলি বাণ ছাড়ি, অনলে পতঙ্গ হয়ে”

(অন্নদামঙ্গল)

কুমার সম্ভব, কবিকঙ্কন চণ্ডী, ও অন্নদা

মঙ্গল, এই পুস্তক দ্বয়ের **রতির বিলাপ** সমালোচনা করিয়া দেখিলে, দেখা যায় ভারত, কবিকঙ্কনীয় রতি-বিলাপেরই সম্পূর্ণ অনুকরণ করিয়াছেন সন্দেহ নাই। কালিদাসের ভাব গ্রহণ করিলে অপেক্ষাকৃত মনোহর হইত, পাঠক বর্গের কোতূহল চরিতার্থ করণ মানসে বর্ণিত বিলাপ দ্বয় উদ্ধৃত হইতেছে—

রতির খেদ ।

(কবিকঙ্কন চণ্ডী হইতে)

“কাম কান্ত কান্দে রতি,
কোলে করি মৃত পতি
ধূলায় ধূমর কলেবর ।
লোটার কুন্তল ভার,
ত্যজে নানা অলঙ্কার,
সঘনে ডাকয়ে প্রাণেশ্বর ॥
পড়িয়া চরণ তলে,
রতি সকলগে বলে,
প্রাণ নাথ কর অবধান,
তিলেক বিস্মৃত হইয়া
পাসরিলা প্রাণ প্রিয়া,
দূর কৈলা মোহাগ সম্মান ॥
জাগিয়া উত্তর দেহ,
রতির সঙ্গতি লহ,
পাসরিলা পূর্বের পীরিত ।
তুমি নাথ যাবে যথা,
আমি আগে যাব তথা,
তবে কেন হইলা বিপরীত ॥
মোর পরমায়ু লয়ে
চিরকাল থাকজীয়ে,
আমি মরি তোমার বদলে ।

যেগতি পাইবে তুমি
সেগতি পাইব আমি
রহিব তোমার পদতলে ॥
শঙ্করে মারিতে বাণ
ইন্দ্রের লইয়া পান
রতির করিতে অনাথিনী ।
দিয়া এ পরম শোক,
গেলা প্রভু পর লোক,
মোর তরে পোহাল রজনী ॥
ভুবন সুন্দর তনু,
তোমার কুসুম ধনু,
সম্মোহন আদি পঞ্চবাণ ।
লোটায়ে ধরণী তলে,
মম পাপ কর্ম ফলে,
সুকঠিন বিধাতার প্রাণ ॥
এই হর কোপানলে,
তোমাতে দহিল বলে,
নাবধিলে রতির জীবন ।
তোমাবিনা প্রাণ পতি,
তিলেক নাজীয়ে, রতি,
এই বড় রহিল গঞ্জন ॥
দেহ যোগ নহে সত্য
কেবল মরণ নিত্য
সর্ব লোকে এই কথা জানে ।
যৌবন মরণ কাল,
হৃদয়ে রহিল শাল,
নাহি মানে প্রবোধ পরাণে ॥
কুল শীল রূপ গুণ,
জীবন যৌবন ধন,
বিধবার সকলি বিফল ।
বসন্ত প্রভুর সখা,
মোরে আমি দেহ দেখা,

কুণ্ড কাটি জ্বালহ অনল ॥”

অন্নদা মঙ্গল হইতে নিম্ন লিখিত রতি
বিলাপ উদ্ধৃত হইল।

রতি বিলাপ।

“পতি শোকে রতি কাঁদে বিনাইয়া নানা ছাঁদে
ভাসে চক্ষু জলের তরঙ্গে।

কপালে কঙ্কন মারে কধির বহিছে ধারে,
কাম অঙ্গ ভঙ্গ লেপে অঙ্গে ॥

আলু থালু কেশ বাস, ঘন ঘন বহে শ্বাস,
সংসার পুরিল হা হা কার।

কোথা গেল প্রাণ নাথ, আমারে করহ সাথ
তোমা বিনা সকল আঁধার ॥

তুমি কাম আমি রতি, আমি নারী তুমি পতি
তুই অঙ্গ একই পরাণ।

প্রথমে যে প্রীতি ছিল, শেষে তাহা নারহিল
পিরীতির এনহে বিধান ॥

যথা যথা যেতে প্রভু, মোরে না ছাড়িতে কত
এবে কেন আগে ছাড়ি গেলা।

মিছে প্রেম বাড়াইয়া, ভাল গেলা ছাড়াইয়া
এখন বুঝিবি মিছা খেলা ॥

না দেখিব সে বদন, না হেরিব সে নয়ন,
না শুনিব সে মধুর বাণী।

আগে মরিবেন স্বামী, পশ্চাতে মরিব আমি
এত দিন ইহা নাহি জানি ॥

আহা আহা হরি হরি, উছ উছ মরি মরি,
হায়! হায়! গৌঁসাই গৌঁসাই।

হৃদয়েতে দিতে স্থান, করিতে কতেক মান,
এখন দেখিতে আর নাই ॥

শিব শিব শিবনাম, সবে বলে শিবধাম,
বাম দেব আমার কপালে।

প্রায় দৃষ্টে মৃত্যু হরে, তার দৃষ্টে প্রভু মরে,

এমন না দেখি কোন কালে ॥

শিবের কপালে রয়ে, প্রভুরে আহুতি লয়ে,
নাজানি বাড়িল কিবা গুণ।

একের কপালে রয়ে, আরের কপাল দহে
আগুণের কপালে আগুণ ॥

অনলে শরীর ঢালি, তথাপি রহিল গালি,
মদন মরিল রৈল রতি।

এহুখে হইতে পার, উপায় না দেখি আর
মরিলে নাহি অব্যাহতি ॥

অরে নিদাকণ প্রাণ কোন পথে পতি যান
আগে যারে পথ দেখাইয়া।

চরণ রাজীব রাজে মনঃশিলা পাছে বাজে
হৃদে ধরি সহরে বহিয়া ॥

অরে রে মলয়া বাত তোরে হোক বজ্রাঘাত
মরে যারে ভ্রমরা কোকিলা।

বসন্ত অম্পায়ু হও বন্ধু হয়ে বন্ধু নও,
প্রভুবধি যবে পলাইলা ॥

কোথা গেলা সুররাজ মোর মুণ্ডে হানি বাজ
সিদ্ধ কৈলা আপনার কর্ম।

অগ্নিকুণ্ড দেহ জ্বালি-আমি তাহে দেহ ঢালি
অন্ত কালে কর এই ধর্ম ॥

বিরহ সন্তাপ যত অনলে কি তাপ তত
কত তাপ তপনের তাপে।

ভারত বুঝায়ে কয় কাঁদিলে কি আর হয়,
এই ফল বিরহির শাপে ॥”

ভারতচন্দ্র রায় গৌরীর তপস্যা বর্ণন
করেন নাই, মুকুন্দরাম চক্রবর্তী **কুমার**

সন্তুবে গৌরীর তপস্যা অবলম্বন করিয়া
তদ্বিষয় বর্ণন করিয়াছেন, তুই এক স্ত্রী

অবিকল কুমারের কবিতা অনুবাদ ক
নিবেশিত করিয়াছেন,

যথা—তদপ্যাপাকীর্ণ মতঃ প্রিয়...

ত্যাগেতি চ তাং পুরাবিদঃ।

(কুমার সং)

তাজিলা স্বক্ষের পত্র ছাড়ি অল্পপান,
এই হেতু পর্ণা হইল অভিধান।

(কবিকঙ্কন চণ্ডী)

“পুনর্বিবক্ষুঃ স্ফুরিতোত্তরাধরঃ।”

“চচাল বালাস্তন ভিন্ন বন্দনা,

স্বরূপমাস্থায় চ তাং কৃতস্মিতঃ

সমাললসে স্বষরাজ কেতনঃ।”

(কুং সং)

“তপস্বিরে দেখি কিছু চঞ্চল অধর,

সে স্থান ছাড়িয়া গৌরী গেলা স্থানান্তর।

গমন সময়ে হর নিজ বেশ ধরি,

পার্বতীর সম্মুখে রহিলা ত্রিপুরারি।”

(কং চং)

শিবের মোহন বেশ ধারণ, মুকুন্দ ও
ভারত উভয়েই বর্ণন করিয়াছেন, ভারত
যে কিরূপ কোশলক্রমে মুকুন্দ হইতে
গ্রহণ করিয়াছেন তাহা গোচরার্থ
বিস্তৃত হইল।

আছিল বাঘের ছাল হইল বসন,
অঙ্গদ বলয় হৈল ভুজঙ্গম গণ,
বাসুকি মাথায় হৈল কীরিট ভূষণ,
অঙ্গের বিভূতি হৈল সুগন্ধি চন্দন।
অস্থিমালা ছিল যত হৈল রত্ন মাল,
হরিতাল তিলকে শোভিত হৈল ভাল।

মুকুট উপরে শোভে সুধাকর কলা

ধরিল মদন রিপু মদনের লীলা।

যোগ বলে ধরিলেন মনোহর বেশ,

জটাভার হইল কুণ্ডিত চাকুশে।

হইল হেরিয়া বর সবার আঙ্কাদ,

আঙ্কাদে মেনকা রাণী তাজিল বিবাদ।

(কবিকঙ্কন চণ্ডী)

জটাজুট মুকুট দেখিলা ফণি মণি,

বাঘছাল দিব্য বস্ত্র দিব্য পৈতা ফণি।

ছাই দিব্য চন্দন বদন কোটি চাঁদ,

মুগ্ধ হৈল সর্বজন দেখিয়া স্রুহাঁদ।

হরপার্বতীর বিবাদ ও (অন্নদামঙ্গল)

চণ্ডী হইতে অন্নদামঙ্গলে গৃহীত হইয়াছে।

তৎপরে কাশীখণ্ডের মত ও বর্ণনানু-
সারে অল্পপূর্ণা ও ব্যাসাদির বিষয় বর্ণিত
হইয়াছে। কাশীর বর্ণনাতে অনেক স্থানে
কবির বর্ণনা চাতুর্য প্রকাশিত হইয়াছে।

হরিহোড়ের স্বতন্ত্র বর্ণনাতে, কবি
তাদৃশ মনোযোগ করেন নাই, তথাপি
অনেক স্থানে অসামান্য ললিত পদ-যোজ-
নার পরিচয় প্রাপ্ত হওয়া গিয়াছে।

বিদ্যাসুন্দর।

ভারতচন্দ্র রায়ের প্রণীত গ্রন্থের মধ্যে
বিদ্যাসুন্দরই সর্বোৎকৃষ্ট। বিদ্যাসুন্দরের
রচনা যে রূপ ললিত ও যথা রীতিক,
প্রস্তাব কল্পনা তাদৃশ চমৎকারিণী বা
মনোহারিণী নহে। অনেকে এরূপ বিশ্বাস
করেন, যে বিদ্যাসুন্দরের প্রস্তাবটী রাজা
কৃষ্ণচন্দ্র রায় স্মরণ কল্পনা, করিয়া ভারত
ও রামপ্রসাদ এই কবি দ্বয় দ্বারা তুই
খানি বিদ্যাসুন্দর প্রস্তুত করান, কাব্য
প্রচারের আনুসঙ্গিক বর্ধমান রাজবংশের
কলঙ্কপ্রচার করাও নৃপতির একতম লক্ষ্য
ছিল।

বিজ্ঞানসুন্দরের প্রস্তাব যে নিরবচ্ছিন্ন কৃষ্ণচন্দ্র রায়ের কপোল কল্পিত এরূপ নহে ভারতবর্ষে অনেক প্রদেশে অনেক প্রকার বিজ্ঞানসুন্দরের কিম্বদন্তী প্রচলিত আছে, বর্ধমানের স্থায় বিহারেও এক অদ্ভুত সুউঙ্গ বন্য আছে, তাহাকে বিজ্ঞা সুউঙ্গ বলে।

“চৌর পঞ্চাশত” নামে এক খানি ক্ষুদ্র সংস্কৃত গ্রন্থ আছে, তাহা বিক্রমাদিত্য নৃপতির সভাসভাম বরকটি প্রণীত বলিয়া প্রসিদ্ধ। তাহাতে সংক্ষেপে বিজ্ঞানসুন্দরের রত্নান্ত উল্লিখিত হইয়াছে। ইহা ভিন্ন বিজ্ঞানসুন্দরের অত্র কোন প্রাচীন মূল গ্রন্থ দৃষ্ট হয় না।

বিজ্ঞানসুন্দরে—রচনা ও বর্ণনা বিষয়ে কবি অনেক নৈপুণ্য প্রদর্শন করিয়াছেন। প্রস্তাব, তাদৃশ মনোজ্ঞ হইলে পৃথিবীতে বিজ্ঞানসুন্দর এক প্রধান কার্য মধ্যে পরিগণিত হইত সন্দেহ নাই।

ভাটমুখে বিজ্ঞার সমাচার প্রাপ্ত হইয়া কাঞ্চীদেশীয় রাজ কুমার সুন্দর অশ্বারোহণ পূর্বক বর্ধমান গমন করেন, বর্ধমানে মালিনীর বাড়ী অবস্থান পূর্বক সুউঙ্গ পথে বিজ্ঞার আলয়ে যাতায়াত করেন, বিজ্ঞাগর্ভবতী হয়, সুন্দর চৌর রূপে ধৃত হইয়া মসামনে নীত হন, ভগবতীর রূপায় মুক্তি ও বিজ্ঞা লাভ করিয়া স্বদেশ যাত্রা করেন। এই প্রস্তাবটীতে কাব্যোচিত স্থানে স্থানে বীর, ককণ হাশু, প্রভৃতি রস, যথা ক্রমে বর্ণন বিষয়ে অনেক ক্রটি লক্ষিত হইয়া থাকে। বিজ্ঞানসুন্দরের এরূপ স্থল এই যাহা পাঠ করিলে দুই এক বিন্দু অত্র

পাত হইতে পারে, এরূপ স্থল নাই যাহাতে বীর রসে হৃদয় উত্তেজিত হইতে পারে, আদিরস বর্ণনে অনেক চাতুর্য্য প্রকাশ হইয়াছে বটে, কিন্তু অল্লীল ও অনারুত রূপে বর্ণিত হওয়াতে একবারে জঘন্য হইয়া পড়িয়াছে। বস্তুতঃ ভারতচন্দ্র রায় আদিরসকে একবারে উলঙ্গ করিয়া ফেলিয়াছেন, তাহা পাঠ করিতে সহৃদয় ব্যক্তি মাত্রেরই লজ্জার উদয় হইয়া থাকে।

বোধ হয় কবি কৃষ্ণচন্দ্র রায়ের অভিকৃতির অনুরোধেই এরূপ পথে পদাৰ্পণ ককিয়া থাকিবেন।

বিজ্ঞানসুন্দরে ও অনেক গুলি স্থল, কবিকল্পন চণ্ডী হইতে গৃহীত হইয়াছে, ক্রমে প্রদর্শিত হইবেক। ভাট মুখে বিদ্যার বিষয় শুনিতে পাইয়া সুন্দর যেরূপ উৎসাহ সহকারে অনুরাগ প্রকাশ করিয়াছেন, তাহা পুস্তকের সর্বোৎকৃষ্ট অংশ মালিনীর আকৃতি প্রকৃতি বর্ণন বিষয়ে কবি বিশেষ নৈপুণ্য প্রকাশ করিয়াছেন, স্থল ঘরের উদাহর উদ্ধৃত হইল।

“ভাটমুখে শুনিয়া বিদ্যার সমাচার।
উখলিল সুন্দরের সুখ পারা বার ॥
বিদ্যার আকার ধ্যান বিদ্যানাম জপ,
বিদ্যালাপ বিদ্যালাপ বিদ্যালান্ত জপ।
হায় বিদ্যা কোথাবিদ্যা কবে বিদ্যা পাব,
কিবিদ্যা প্রভাবে বিদ্যা বিদ্যামানে যাব।
কিবারূপ কিবাগুণ কহিলেক ভাট,
খুলিল মনের দ্বার নালাগে কপাট।
প্রাণধন বিদ্যালান্ত ব্যাপারের তরে,
খেয়াব তনুর তরি প্রবাস সাগরে।

যদি কালী কুল দেন কূলে আগমন,
মন্ত্রের সাধন কিম্বা শরীর পতন।”

“কথায় হীরার ধার হীরা তার নাম
দাঁত ছোলা মাজা দোলা হাস্য অবিরাম।
গাল ভরা গুয়াপানপাকি মালা গলে।
কাণে কড়ি কড়ে রাড়ী কথা কয় ছলে।
চূড়া বাঁধা চুল পরিধান সাদা শাড়ী,
ফুলের চুপড়ী কাঁখে ফিরে বাড়ী বাড়ী।
আছিল বিস্তর চাট প্রথম বয়সে,
এবে বুড়া তবু কিছু গুঁড়া আছে শেষে,
ছিটা ফোঁটা তন্ত্র মন্ত্র আসে কতগুলি,
চেঙ্গড়া ভুলানে খায় কত জানে ঠুলি।
বাতাসে পাতিয়া ফাঁদ কৌদল ভেজায়,
পড়শী না থাকে কাছে কৌদলের দায়।
মন্দ মন্দ গতি ঘন ঘন হাত নাড়া
তুলিতে বৈকালি ফুল আইল সে পাড়া।
হেরিয়ে হরিল চিত আছা মরি মরি,
কাহার বাছনিরে নিছনি লিয়ে মরি”।

বর্ধমান ও পুর বর্ণন সমালোচনা করিয়া দেখিলে, কোন সামান্য ধনির নগর ও আলয় সদৃশ কল্পিত হইয়াছে বলিয়া অনুমিত হয়। ভারতচন্দ্ররায়ের সময়ে কোন ঋদ্ধিমান প্রভাব শালী নৃপতি ভারত বর্ষে বিদ্যমান ছিলেন না, দিল্লীর ও ভগ্নদশা, রাজপুতনা, পুনা প্রভৃতির ও সমৃদ্ধি লক্ষ্মী তিরোহিত হইয়া ছিল; সুতরাং কবি মুরগিদাবাদের নবাবের বাড়ী দেখিয়াই বর্ধমানের কল্পনা করিয়াছিলেন সন্দেহ নাই। কৃষ্ণচন্দ্রের সময়ে বর্ধমানস্থ বর্তমান গোলাপ উদ্যান সদৃশ কোন উদ্যান ছিল না, মেই নিমিত্তেই বিজ্ঞানসুন্দরের বর্ধমানস্থ উদ্যান

বর্ণন এত নিরুফ হইয়াছে, গুণাকর ইংরাজ রাজত্বের সমৃদ্ধি প্রত্যক্ষ করিতে পারিলে আশানুরূপ বর্ধমানের বর্ণন করিতে পারিতেন।

“সম্মুখে দেখেন চক চাঁদনী সুন্দর,
নোঁবত বাজিছে বালা খানার উপর।
চকের মাঝেতে কোতয়ালী চবুতরা,
ফাটকে আটক যত বাজে দায় ধরা”

এইরূপ কল্পনা নওয়াবের বাড়ী দেখিয়া যে উদিত হইয়াছে তাহাতে আর সন্দেহ নাই।

“বৈদ্য দেখে নাড়ী ধরি কহে ব্যাধিভেদ
চিকিৎসা করয়ে পড়ে কাব্য আয়ুর্বেদ”

ভারতচন্দ্র রায়, কলিকাতার বর্তমান “মেডিকেল হাসপিটলের” ব্যাপার আড়ম্বর প্রত্যক্ষ করিতে পারিলে, কখনই এরূপ গুরুতর বর্ণনীয় বিষয়ে ইদৃশ লঘু বর্ণন দ্বারা পরিতৃপ্ত হইয়া ক্ষান্ত থাকিতেন না। সুন্দরের রূপ দর্শনে নাগরীগণের খেদ বর্ণন—আদিরসাত্মক হওয়াতে, সহৃদয় লোকের নিতান্ত ত্রুটি কটু হইয়াছে, নূতন অপরিচিত কোন যুবক দর্শন করিয়া কুলকামিনী সমূহের এরূপ প্রকাশ্য রূপে সহসা কামাতুরতা প্রকাশ, নিতান্ত লজ্জাকর ও একান্ত অপ্রাকৃতিক, দুই এক জন স্ত্রীর সহসা অনুরাগ মঞ্চার হইতে পারে, কিন্তু কেবল স্ত্রীক যুবা পুরুষ দূর হইতে দর্শন করিয়া, কতকগুলি স্ত্রী লোকের এককালে অনুরাগ ও মদন-বিকার উপস্থিত হওয়া প্রাকৃতিক নহে। অন্তঃকরণে কোনরূপ বিকার সঞ্চারিত হইলেও তৎক্ষণাৎ এরূপ নিলজ্জভাবে পরস্পর

আন্দোলন যারপরনাই স্বভাব বিহীন।

“মদন জ্বালায়, মরম গলায়,
বকুল তলায় বসিয়া অই।”

এরূপ প্রকৃতি বর্ণন দ্বারা যে কবি
স্বয়ং কেবল অপরাধী হইয়াছেন এরূপ
নহে, বঙ্গসমাজকেও একরূপ কলুষিত
করিয়াছেন, অনেক বিজ্ঞান বিৎপণ্ডিত,
কাব্য, আখ্যায়িকার বর্ণন সমালোচন-
দ্বারা জাতির রীতি নীতি স্থির করিয়া
থাকেন, ভারত চন্দ্রের বর্ণিত বর্ণনা
অবলম্বন করিয়া মীমাংসা করিতে গেলে,
বাজানী জাতিকে পশুবৎ জঘন্য প্রতীয়
মান হইবে।

এই রূপ দোষ কোন কোন সংস্কৃত
কবি দিগেরও কিয়দংশে লক্ষিত হইয়া
থাকে, কিন্তু তাঁহারা অনেক দূর সাব-
ধান হইয়া চলিয়াছেন, রঘু বা শিব
দর্শনে, অঙ্গনা দিগের ব্যগ্রতা কালি-
দাসেরূপ বর্ণন করিয়া ছেন, ভারত
চন্দ্রেরূপ ভাবে, কি তৎপ্রকৃতির সদৃশ
রূপে বর্ণন করিলে অনেকাংশে উৎকৃষ্ট
হইত সন্দেহ নাই।

ক্রমশঃ।

পিঞ্জরের বিহঙ্গ

কি কারণে বল হে বিহঙ্গবর,
নীরবে বসিয়া পিঞ্জর ভিতর।
কেনবা তোমার রূপ মনোহর,
হেরিতেছি আজি মলিন প্রায়।

কিহেতু বা সেই শ্রুতি সুখকর,
গাইতে বিরত—সঙ্গীত সুন্দর,
জুড়ায় বাহাতে তাপিত অন্তর,
আনন্দ সলিলে ভাসে হৃদয়।

কেন বা হে অই শ্যামল উজ্জ্বল,
মানস-রঞ্জন নয়ন যুগল,
হতে, বারি ধারা বহে অবিরল,
ত্বরায় বলহে প্রকাশ করি।

সেইত প্রত্যহ তোষে হে যতনে,
নানা বিধ খাদ্যে তোমা, ভৃত্য গণে,
তবে কেন আজি এ বিভাব মনে,
নাহিত কিছুই বুঝিতে পারি।

কি ভাবে ভাবিত কি তাপে তাপিত,
কি চিন্তা তোমার মানসে উদিত,
কি কারণে তব হৃদি আকুলিত,
কেমনে হে তাহা জানিবে নর।

স্বাধীনতা তব হরণ করিয়া,
রেখেছে মানব পিঞ্জরে ধরিয়া,
তাই কিহে তুমি নীরবে বসিয়া,
কাঁদিতেছ এবে বিহগ বর।

বুঝেছি হে পাখী বুঝেছি এখন,
যাহাতে তোমার মন উচাটন,
যে কারণে তুমি করিছ রোদন,
নীরবে বসিয়া পিঞ্জর মাঝে।

পড়িছে তোমার মনেতে এখন,
নয়ন রঞ্জন রসাল কানন,
সুচাক দর্শন মঞ্জু কুঞ্জ বন,
শোভে যাহা সদা বিবিধ সাজে।